





精 樂 編

北京大學《儒藏》編纂中心

圖書在版編目(CIP)數據

儒藏.精華編. 三三/北京大學《儒藏》編纂中心編. 一北京:北京大學出版社, 2009.6

ISBN 978-7-301-11751-4

I. 儒··· Ⅱ. 北··· Ⅲ. 儒家 Ⅳ. B222

中國版本圖書館 CIP 數據核字(2007)第 175425 號

書 名:儒藏(精華編三三)

著作責任者:北京大學《儒藏》編纂中心 編

青任編輯:謝丹雲 王 應

標 準 書 號: ISBN 978-7-301-11751-4/B・0437

出版發行:北京大學出版社

地 址:北京市海淀區成府路 205 號 100871

細 址: http://www.pup.cn

電子郵箱: dianjiwenhua@163.com

電 話: 郵購部 62752015 發行部 62750672 編輯部 62765691

出版部 62754962

印刷者:北京中科印刷有限公司

經 銷 者:新華書店

787 毫米×1092 毫米 16 開本 36.25 印張 540 千字 2009 年 6 月第 1 版 2009 年 6 月第 1 次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究 舉報電話: 010-62752024

電子郵箱: fd@pup. pku. edu. cn

《儒藏》精華編第三三册

首席總編纂 季羡林

項目首席專家 湯一介

總

編

湯一介

龎

樸

鄭傑文 王承略

本

册

主

編

董治安

孫欽善 安平秋 (按年齡排序)

《儒藏》精華編凡例

則的典籍的叢編。 爲儒家經典和反映儒家思想、體現儒家經世做人原 一、中國傳統文化以儒家思想爲中心。 收書時限自先秦至清代結束。 《儒藏》

藏》中的精要書籍 一、《儒藏》精華編爲《儒藏》的一部分,選收《儒

《中國古籍善本書目》,於個別處略作調整。凡單書 寫者一律收其釋文文本。 互見。出土文獻單列爲一個部類,原件以古文字書 已收入入選的個人叢書或全集者,僅存目録,並注明 分類法分類,大類、小類基本參照《中國叢書綜錄》和 土文獻。傳世文獻按《四庫全書總目》經史子集四部 三、《儒藏》精華編所收書籍,包括傳世文獻和出 韓國、日本、越南儒學者用

> 編,不改編,保持原書的完整性和獨立性。 四、所收書籍的篇目卷次,一仍底本原貌,不選

爲主,酌校異同。校記力求規範、精煉。 勘價值的版本爲校本。 確定内容完足、精確率高的版本爲底本,精選有校 五、對入選書籍進行簡要校勘。 出校堅持少而精,以 以對校爲主, 校正誤

例,進行規範化標點。 外,其他一律省略。 六、根據現行標點符號用法,結合古籍標點通 專名號除書名號用角號(《》)

落。正文原已分段者,不作改動。 般不分段。 七、對較長的篇章,根據文字内容,適當劃分段 千字以内的短文

出 及其他有關情況。 及整理時所確定的底本、校本(舉全稱後括注簡稱) 介紹作者生平、該書成書背景、主要内容及影響,以 現順序前詳後略 八、各書卷端由整理者撰寫《校點說明》,簡要 重複出現的作者,其生平事蹟按

九、本書用繁體漢字豎排,小注一律排爲單行。

凡

漢文寫作的儒學著作,編爲海外文獻部類

《儒藏》精華編第三三册

詩毛氏傳疏〔清〕陳 矣 ………………………………………………………………………………………… 1

經

部

詩

類

詩毛氏傳疏

〔清〕陳 奂 撰

校點説明

卷、《鄭氏箋攷徵》一卷),清陳奂撰。《釋毛詩音》四卷、《毛詩説》一卷、《毛詩傳義類》一《詩毛氏傳疏》、《 又或稱《毛氏傳疏》)三十卷(附

竭慮,以十八載之功,撰成此書。 《傳》,嘗言大毛公《詁訓傳》言簡意賅,而毛《傳》一於高郵王氏父子,交遊當時學術名家。其學專攻毛於高郵王氏父子,交遊當時學術名家。其學專攻毛

學。

間雜三家《詩》說,淆亂毛《傳》已甚。且二千年來,在《自序》中,陳與認爲,鄭玄爲毛《傳》作《箋》

校

點說

明

他撰成此書,廢去鄭《箋》,專疏毛《傳》,志在恢復發鄭《箋》和《正義》流行,毛《傳》明雖存而實亡,所以

揚毛《傳》之精要。

著作,與馬瑞辰《毛詩傳箋通釋》並號爲「專門之 有發明,是書成爲清代漢學家研究《毛詩》的集成性 疏證精詳,被梁啓超《中國近三百年學術史》譽爲 又普遍吸收清代攷據學成果,詳 氏之學者蓋鄭衆、許慎兩家,故而書中多所稱引。 説《詩》者不苟同。 古書,發明經義。 「疏家模範」。 是書對《序》、《傳》一一疏釋,不憚 因對毛《傳》訓詁體例和名物制度多 多用東漢以前舊說,而與東 以毛氏之學源出荀子,而善承毛 加攷訂,融會貫通 煩 瑣。 漢人 廣徵

雙聲疊韻之理。《毛詩説》總結了毛《傳》訓詁體例,徵》等四種爲緯。《釋毛詩音》用其師段玉裁之學徵》等四種爲緯。《釋毛詩音》用其師段玉裁之學徵。與與治《毛詩》,人抵以《詩毛氏傳疏》爲經,以陳與治《毛詩》,大抵以《詩毛氏傳疏》爲經,以

述《毛詩》之處,攷列鄭《箋》所用三家《詩》的例證。《鄭氏箋攷徵》攷證鄭《箋》用今文《詩》説改易或申《傳》詁訓按義類分爲十九篇,逐詞注釋,極便檢索。爲陳氏《疏》之條例。《毛詩傳義類》仿《爾雅》,將毛

印本(以徐子静本爲底本,句讀錯誤頗多)等。十三年(一九三四)商務印書館《國學基本叢書》排十三年(一九三四)商務印書館《國學基本叢書》排十三年(一八八四)徐子静覆刻陳氏五種本、光緒閒

中(丁未,一八四七)武林愛日軒刻《詩毛氏傳疏》、咸豐元年(辛亥,一八五一)蘇州漱芳齋刻《釋毛詩音》、道光二十七一八五一)蘇州漱芳齋刻《釋毛詩音》、道光二十七一八五一)蘇州漱芳齋刻《釋毛詩音》、道光二十七一八五一)蘇州漱芳齋刻《釋毛詩音》、道光二十七二八五一)蘇州漱芳齋刻《釋毛詩音》、道光二十七二八五一)武林愛日軒刻《詩毛氏傳疏》、咸豐元年(辛亥,一八五一)蘇州漱芳齋刻《釋毛詩音》、道光二十七十八五十十二年(戊午,一八四十)武林愛日軒刻《詩毛氏傳疏》、咸豐元年(辛亥, 長門南園埽葉山莊陳氏臧版」牌記、費丹旭寫陳奂 「吴門南園埽葉山莊陳氏臧版」牌記、費丹旭寫陳奂 「吴門南園埽葉山莊陳氏臧版」牌記、費丹旭寫陳奂

> 行同。 統一 版過陳氏五種本。其中《孔子文化大全》叢書影印 書名或其簡稱與卷數,下魚尾下志當卷頁碼。 校點吸收。 曾對原版片做過校勘剜改,其中校勘成果多被此次 上海古籍、學苑出版社所影印的是同一刻本,此本 原刻本面貌,故選作此次校點的底本。 海寧楊芸士藏本,係此書最早刻本,很好地保留了 書》)、學苑出版社(《詩經要籍集成》)等都曾影印 人所重視。 五種本刊刻於陳奂生前,年代較早,錯誤較少,多爲 記,而版式統一,均半頁十行,行二十一字,小 書)、北京中國書店、上海古籍出版社(《續修四庫全 刊刻陳氏書時,都曾做過 左右雙邊、大黑口、雙花魚尾。 徐子静覆刻陳氏五種與《清經解 山東友誼出版社(《孔子文化大全》載 定的校勘,因 上魚尾下志 中國書店 字雙 陳 而 編 出 作

不影響文意的異體字作了統一。整體來說,陳氏引校點中我們儘量保留了陳氏的行文特色,衹對部分陳與引書甚多,且泥于古說,好作古文,因此在

爲此次校點的主要參校本。

Ξ

我們詳爲校記,但慎下按語。

我們詳爲校記,但慎下按語。

我們詳爲校記,但慎下按語。

我們詳爲校記,但慎下按語。

我們詳爲校記,但慎下按語。

我們詳爲校記,但慎下按語。

我們詳爲校記,但慎下按語。

我們詳爲校記,但慎下按語。

我們計爲校記,但慎下按語。


我們詳爲校記,但慎下按語。

我們計爲校記,但慎下按語。

我們計爲校記,但慎下按語。

我們另作了詳細目録,以便讀者查找。皆別作「邱」,故不改易。陳氏原編目録過於簡單,誤逕改者一例,皆不出校。其中城邑之「丘」,陳氏正文中避清諱和孔丘諱則悉數改回,與書中明顯錯正文中避清諱和孔丘諱則悉數改回,與書中明顯錯

校點者 王承略 陳錦春



道气載兒,海内儀形。 祖述毛氏,光顯西京。 資産不問,簪載勿榮。 南園舊宅、宅水連黌。 跨鄭越孔,闡姬 儲祥毓秀,篤生先生。 下帷覃思,發藻儒林。

超赢。

吴縣潘遵祁謹贊 長洲汪獻玗敬書

章,用諸宗廟朝廷,達諸鄉黨邦國。當時賢

敘

曰: 昔者周公制禮作樂、《詩》爲樂

《傳》。 弦歌之。」此不數六「笙詩」也。子夏作《序》時,六「笙詩」尚 十一篇作《序》。《史記》云:「《詩》三百五篇,孔子皆 受業於孔子之門,遂櫽括詩人本志,爲三百 曰:「不學《詩》,無以言。」誠以《詩》教之人 弟子,曰"「小子何莫學夫《詩》?」又 士大夫皆能通於《詩》教。 人者深,而聲音之道與政通也。卜子子夏親 而於詁訓特詳。授趙人小毛公。毛公名亨,作 (詩詁訓傳)。 數傳至六國時,魯人毛公依《序》作 其《序》意有不盡者,《傳》乃補綴之, 小毛公名茛,爲河閒獻王博士。 孔子以《詩》授群 《漢書・

新禍。 者乎? 詩》。 詩》。 康成殿居漢季,初從東郡張師張恭祖。 仲師、賈景伯、許叔重、馬季長,稍 見聞而云然也。 爲刺詩,違詩人之本志,故齊、魯、韓可廢,毛 子之徒,然而孔子既没,微言已絶,大道多 傳論《詩》,往往或不合。 林傳》不得其詳實。 不可廢。齊、魯、韓且不得與毛抗衡,況其下 岐,異端共作。 説,與《儀禮》、《論語》、《孟子》、《春秋》内外 而毛僅僻在河閒。 魯、韓三家《詩》萌芽閒出。 然在廷諸臣,猶尚魯訓,兼習韓故。 後見《毛詩》義精,好爲作《箋》。 班孟堅説《詩》「魯最爲近之」者,素習 漢興,齊、魯、韓先立學官,置博士, 《詩》當秦燔錮禁之際,猶有 又或借以諷動 東京已降、經術粤隆、若鄭 平帝末,得立學官,遂遭 三家雖自出於七十 時君,以 三家多 稍 學《韓 治《毛 採 鄭 許 襍

儒

子雝不 精微。 載。 兩漢信 不盡同毛義。 閒 以 沈研 不得其涯際,漏辭偏 審鄭氏作《箋》之旨,而又苦毛義之簡深,猝 毛、鄭、不分時代、毛在齊、魯、韓之前、鄭後四百餘 互訓 來,毛雖存而若亡,有固然已。 《箋》俱 詩》多記古文,倍詳 逆而不違。 **运趙宋稱鄭而韓亦亡。** 襍《魯詩》, 不尚專脩,毛自謂子夏所傳,鄭則兼用韓、 ,或通釋,或文生上下而無害,或辭用 鑽極,畢 (疏,於是毛、鄭兩家合爲一家之書矣。 ·好鄭氏,力極申毛難鄭,究未得毛之 .魯而齊亡,魏、晉用韓而魯亡,隋、唐 唐貞觀中,孔 要明乎世次得失之迹,而吟詠情 并參己意。 土生思 及至魏、晉,鄭學既行,雖以 慮,會萃於兹。 前典,或引申,或假借,或 解、迄無鉅觀。 沖遠作《正義》,《傳》、 固 近代説《詩》,兼習 作《箋》之旨,實 奂不揣檮昧, 竊 二千年 似《毛 魯。 王 不 順

《序》,無本之教也。 地、山 《傳》,失守之學也。 草、木、蟲、魚之細,分别部居,各爲探索。 性,有以合乎詩人之本志。 《毛詩》舊也。 雅》七十四篇爲七卷、《大雅》三十一篇爲三 乃剗除條例章句,揉成作疏。 放《爾雅》編作《義類》,凡聲音、訓詁之用,天 精,洵乎爲小學之津梁,群書之鈐鍵 篇首,故合爲三十卷。今分作三十卷者,仍 三十卷。」此蓋以十五《國風》爲十五卷、《小 文志》:「《毛詩》二十九卷。 時,以《周頌》三十一篇爲三卷,而《序》分冠 爲一卷,故爲二十九卷。 卷,三《頌》爲三卷,合爲二十八卷,而《序》别 川之大,宮室、衣服、制度之精,鳥、獸 古經傳本各自爲書。 文簡而 讀《詩》與《序 毛公作《故訓傳》 義膽,語 故讀《詩 《毛詩故 攷《漢書 也。 正 而 自《傳 w 訓 不 不 ൬ 傳 蓻 讀 初 道

與《箋》合併,而久失原書之舊。今置《箋》而 與《箋》合併,而久失原書之舊。今置《箋》而 與承庭訓,依奉慈規,父諱植,與叔父樸、季父格同 題承庭訓,依奉慈規,父諱植,與叔父樸、季父格同 達,以樹德勖子,世稱「丈芸先生」。母趙安人。 私淑先 是乎篇章,粲然大備,欲達治亂之原,以懷聖 卓乎篇章,粲然大備,欲達治亂之原,以懷聖 真子為,其將有竢於天下後世之言《詩》者。 長洲舊籍隸崇明陳奂碩甫氏謹撰。

條例十凡

下一字敬改中畫,作「亭」。名,恪遵聖諭,上一字敬缺中點,作「旻」,皇帝刊行《武英殿五經》,敬缺末筆。恭遇御皇帝刊行《武英殿五經》,敬缺末筆。恭遇御

之名,「毛氏」爲作《傳》人姓,别於齊、魯、韓氏《傳》别之,曰《詩毛氏詁訓傳》。「詩」是書氏《傳》別之,曰《詩》有四,今以《詩》爲建首,而以毛

誤處,或從善本訂正,而宋本之舊誤,仍辨載獲見原宋本,譌踳脱落,難於依據。今其甚

義,皆不加删削,唯表明於疏而已。據善本增補。若《傳》文中衍句衍字及有疑

凡《傳》文中羼入《箋》語及脱句脱字,依

體不能畫一,此其大概也。

"別」、「洲」即「州」之俗,而仍用「洲」字不改、不妨從俗也,疏中則表明之。如《葛覃》的作「兒」。今疏中從古作「兒」,而《傳》仍作「兒」。今疏中從古作「兒」,而《傳》以為下,葉石林鈔本《釋文》皆從古文作傳中「貌」字,葉石林鈔本《釋文》皆從古文作傳,而仍用「洲」字不之洲」、「洲」即「州」之俗,而仍用「洲」字不之洲」、「經、傳相行通用之字,如《關雎》「在河

於六朝以後者,則從略。義者,廣採之。其有不合者,辨證之。散見義者,廣採之。其有不合者,辨證之。散見

信者不載。 凡後人所引《傳》文,意有增益、不足徵

不同。其注釋閒引用它說,與原注亦不必盡凡援引古書,從善本、校本,與今流俗本

於疏

同。或箸明之,不悉箸明也。

西漢前人之説,而與東漢人説《詩》者不能苟而條貫,始可以發數千年未明之義。大抵用室于一切禮數、名物,由漢而來,無人稱引,至于一切禮數、名物,由漢而來,無人稱引,至于一切禮數、名物,由漢而來,無人稱引,

《説文解字》多所取説,其餘先儒舊説不悉備 載,亦不復駁難。 氏者、唯鄭仲師、許叔 《箋》、孔《疏》與近人説《詩》家,亦皆取證。 凡毛氏之學,其源出於荀子。 有足以 重 三兩家。 申明毛氏者, 《周 而善 禮 注 承 鄭 毛 同也。

人汪亞虞聳惥爲之。亞虞名适孫,遠孫之難數。而成於道光庚子,杭郡西湖水北樓友膺先生於蘇郡白蓮橋枝園,親炙圅丈,取益此疏之作,始於嘉慶壬申,從學段氏若

雕,丁未八月七日雕成。坿記始末於此。弟,有振綺堂,藏書極富。庚子四月六日

開

28

新臺 一一六	静女 一一三	北風 一一一	北門 一一〇	泉水 一〇六	簡兮 一〇一		弋敬	苦葉	雄雉 八六	凱風 八四	擊鼓 八二	終風 七九	日月 七七	燕燕 七四	緑衣 七二	柏舟 六八	邶風 六八	卷三 六八	詩毛氏傳疏
氓	碩人 一五五	考槃 一五四	淇奥 一四九	衛風 一四九	卷五 一四九	載馳 一四四	干旄 一三九								柏舟	鄘風	卷四	二子乘舟 一一九	

目録	鄭風 一九九	卷七 一九九	丘中有麻 一九六	大車 一九三	采葛 一九二	葛藟 一九〇	兔爰 一八八	中谷有蓷 一八七	揚之水 一八五	君子陽陽 一八二		黍離一七八	王風 一七八	卷六 ······· 一七八	木瓜 一七五	有狐 一七四	伯兮 七	河廣 一七〇	芄蘭 一六八	竹竿 一六六
η,	野有蔓草 二三四	出其東門 二三二	揚之水 二二一	子衿 二二九	風雨 二二八	東門之墠 二二六	丰 二二五	褰裳 二三二	狡童 二二二	蘀兮	山有扶蘇 二一九	有女同車 二一六	女曰雞鳴	遵大路 二一二	羔裘	清人 二〇七	大叔于田 二〇五	叔于田 二〇三	將仲子 二〇一	緇衣 一九九

園有桃 二六七	汾沮洳 二六五	葛屨 二六三	魏風 二六三	卷九 二六三	猗嗟 二五八	載驅 二五六	敞筍 二五四	盧令 二五三	甫田 二五一	南山 二四九	東方未明 二四八	東方之日 二四六	箸二四四	還 二四三	雞鳴 二四一	齊風 二四〇	卷八 二四〇	溱洧 二三六	誤毛氏 傳 疏
 秦風 二九六	卷十一 二九六	 采苓 二九四	葛生 二九二	有杕之杜 二九一	無衣 二八九		羔裘 二八七					蟋蟀 二七五	唐風 二七五				十畝之閒 二六九	陟岵 二六八	ĮĮ.

目録	月出 ='三一	防有鵲巢 三二九	墓門 三二七	東門之楊 三二五	東門之池 三二四	衡門	東門之枌 三二一	宛丘 三一九	陳風 三一九	卷十二	權輿 三一七	渭陽 三一六	無衣 三一四	晨風 三一二	黄鳥 [二] 一	終南 三〇八	兼葭 三〇六	小戎三〇〇	駟驐 二九八	車鄰 二九六
Æ	東山 三七二	鴟鴞 三六八	七月 三五五	豳風 三五五	卷十五 三五五	下泉 三五二								長楚				卷十三 三三六	澤陂 三三四	株林 三三三

華黍(闕) 四二六	白華(闕) 四二六	南陔(闕) 四二六			出車 四一六		常棣 三九九	皇皇者華 三九六	四牡 三九二	鹿鳴 三八九	鹿鳴之什 三八九	小雅 三八九	卷十六 三八九	狼跋 三八六	九罭 三八二	伐柯 三八一	破斧 三七八	詩毛氏傳疏
庭燎 四六八	鴻鴈 四六六	鴻鴈之什 四六六	卷十八 四六六	吉日 四六三	車攻 四五五					夢蕭四三二				南山有臺 四二九	南有嘉魚 四二八	南有嘉魚之什 四 二八	卷十七 四二八	六

七	目 録
桑扈 五九六	巷伯 五三七
裳裳者華 五九四	何人斯 五三三
瞻彼洛矣 五九一	巧言 五二九
大田 五八七	小弁 五二三
	小宛 五一九
甫田之什 五八三	小旻 五一四
卷二十一 五八三	雨無正 五一〇
	十月之交 五〇四
	正月 四九五
	節南山 四八九
	節南山之什 四八九
]	卷十九 ······· 四八九
大車	無羊 四八五
	斯干 四八一
四月 五五五	我行其野 四七九
大東 五四七	黄鳥 四七七
夢 莪 五四四	白駒 四七五
谷風 五四三	祈父 四七三
谷風之什 五四三	鶴鳴 四七二
卷二十 五四三	沔水 四七〇

苕之華 六四○	漸漸之石 六三七	瓠葉 六三六	爲蠻 六三五	白華 六三二	隰桑 六三〇	黍苗 六二八	采録 六二六		菀柳 六二二	角弓 六一七	采菽 六一四	魚藻 六一三	魚藻之什 六一三	卷二十二 六一三	賓之初筵 六〇六	青蠅 六〇四	車牽 六〇一	頍弁 五九九	鴛鴦 五九八
既醉 七一九	行葦 七一四	生民 七〇三	生民之什 七〇三	卷二十四 ····································	『		靈臺 六八九	皇矣 六七九	思齊 六七五				·····································			文王之什 六四三	大雅 六四三	卷二十三 ······ 六四三	何草不黄 六四一

目録	召旻 八一七	瞻卬 八一四	常武 八〇九	江漢 八〇四	韓奕 七九五	烝民 七八九	崧高 七八二	雲漢 七七四	桑柔 七六五	抑 七五八	蕩 七五三	蕩之什 七五三	6二十五 七五三	板 七四六	民勞 七四三	卷阿 七三八	泂酌 七三六	公劉 七二九	假樂 七二七	鳧鷖 七二三
九	豐年 八五一	振鷺 八五〇	噫嘻 八四八	臣工 八四六	臣工之什 八四六	卷二十七 八四六					命							朝之什	周頌 八二二	卷二十六 八二二

	般 八八二	齊 八八二	桓 八八一	酌 八七九	絲衣 八七五	良耜 八七三	載芟 八七〇	小毖 八六九	敬之 八六八	訪落 八六七	閔予小子 八六六	閔予小子之什	二十八 八六六	武 八六四	有客 八六三	載見 八六二	雝 八五九	潛 八五八	有瞽 八五三	詩毛氏傳疏
周南 九三九	國風 九三九	卷一 九三九	 序 九三七	 釋毛詩音		· 附録	殷武 九三〇	長發 九二三	玄鳥 九二〇	烈祖 九一八	那 九一五	商頌	卷三十 九一五	閟宫 八九九	泮水 八九三	有駜 八九二	駉 八八六	鲁頌	卷二十九 ·························· 八八六	.0

目 録	節南山之什 九八二	鴻鴈之什 九八一	南有嘉魚之什 九七八	鹿鳴之什 九七五	小雅 ······ 九七五	卷二 九七五	豳國 九七一	曹國 九七〇	檜國 九七○	陳國 九六八	秦國 九六六	唐國 九六四	魏國 九六三	齊國 九六二	鄭國 九五九	王國 九五七	衛國 九五五	庸國 九五二	邶國 九四七	召南 九四三
	本字借字同訓説 一〇一九	毛詩説 一〇一七		那五篇 一〇一三	商頌 〇一三	駉四篇 一〇一二	魯頌 ······· 一〇一二	閔予小子之什 一〇一〇	臣工之什 一〇〇九	清廟之什 一〇〇八	周頌 一〇〇八	卷四 一〇〇八		生民之什 九九九	文王之什 九九五	大雅 九九五	卷三 九九五	魚藻之什 九九二	甫田之什 九九〇	谷風之什 九八七

朝 一〇三七	门 一〇三六	城郭 一〇三五	官室圖説 一〇三五	三家詩不如毛詩義優説 一〇三四	用本字者説 一〇三三	毛用借字三家用本字亦有三家用借字毛	毛傳用爾雅説 一〇三三	毛傳不用爾雅説 一〇三三	毛傳爾雅訓異義同説 一〇三二	毛傳爾雅字異義同説 一〇三二	毛傳淵源通論 一〇二九	假借説 一〇二八	轉注説 一〇二八	毛傳章句讀例 一〇二六	古義説 一〇二五	古字説 一〇二五	一義通訓説 一〇二四	一字數義説	一義引申説 一〇二〇
深衣 一〇五六	裳 一〇五五	冕服 一〇五五	衣服圖説 一〇五五	樂縣方位圖説 一〇五四	周公攝政七年表 一〇五三	文王受命七年表 一〇五二	天子大禘表 一〇五一	四時禘祫表 一〇五〇	學 一〇四九	明堂 一〇四八	魯廟表 一○四六	周廟表 一〇四五	四廟五廟表 一〇四五	燕寢 一〇四四	宗廟 一〇四三	路寢宗廟社稷 一〇四二	路寢 〇四〇	官 一〇三九	诸侯城阙南方 '〇三八

目録	釋山 一一〇四	釋丘 一一〇三	釋地 一一〇一	釋天 一〇九八	釋樂 一〇九八	釋器 一〇九二	釋宮 一〇九一	釋親 一〇八八	釋訓 一〇七七	釋言 一〇七二	釋故 一〇六七	序 一〇六五	毛詩傳義類 一〇六三		邰邠岐豐鎬及秦圖 一〇六二	邶庸衛及韋顧昆吾圖 一○六一	旗 一〇六〇	旅 一〇五九	車輔 一○五八	玉佩 一〇五七
	秦風	唐風 一一二〇	齊風		工風 一一一九	衛風 一一一八	庸風 一一一八			周南 一一一五	鄭氏箋攷徴		釋畜 一一〇九	釋獸 一一〇九	釋鳥 一一〇八	釋魚 一一〇八	釋蟲 一一〇八	釋木 一一〇七	釋草 一一〇五	釋水 一一〇四

商頌	魯頌	周	大雅	小雅	豳風	檜風	陳風
頌	頌	頌	雅	雅	風	風	風
:	:	:	:	:	:	:	:
:	:	:	:	:	:	:	:
:	:	:	:	:	:	:	:
:	:	:	:	:	:	:	
•	•	:	÷	:	:	:	:
:	:	;	:	:	:	•	:
:	:	:	•	:	:	:	:
:	:	:	:	:	:	:	:
:	:	:	:	:	:	•	:
:	:	:	:	•	:	:	:
:	:	:	:	:	:	:	:
:	:	:	:	:	:	:	:
:	:	:	:	:	:		:
:	:	:	:	:	:	:	:
:	:	:	:	•	:	:	:
•		:	:	:	:	:	:
:	:	;	:	:	:	:	:
:	•	•	÷	:	:	•	:
:	:	:	:	:	:	:	:
_	_		_	_		_	
	_					_	
四	四	三	\equiv		-		_
F.—7		-1				_	_

長洲陳英學

周南關雎詁訓傳弟一 毛詩國風

始三十六章。 師,名之曰《周南》焉。先師金壇段氏玉裁《毛詩小箋》 云"「章句既移篇前,則都數宜在此。毛三十四章,鄭 王受命以後,與己陝内所采之詩,編諸樂章,屬歌於大 攝政五年,營治東都王城。六年,制作禮樂。遂以文 王、成王之世,周公在王朝,爲陝東之伯,率東方諸侯。 東北故周城是也。 名,在岐山之陽。譙周、司馬貞説本大王所居,扶風雍 九句。【疏】南,南國也。在江漢之域。周,雍州 周南之國十一篇,三十四章,百五十 周公食采於周,故曰周公。 當武 地

> 《小箋》云:「各本章句在篇後。 章、章五句」爲題書於前、知唐本多如此。」 句在篇後。」然則孔本章句在前可知也。杜甫以「《曲江》三 【疏】今本分章作五章,此從「故言」。 云"「五章,鄭所分。故言,毛公本意。 《關雎》三章,一章四句,二章章八句。 孔穎達《正義》云:『定本章 後放此。」是也 陸德明《釋文》

詩。 其民困。故正得失、動天地、感鬼神,莫近於 世之音怨以怒,其政乖。亡國之音哀以思, 成文謂之音。治世之音安以樂,其政和。 不知手之舞之、足之蹈之也。情發於聲,聲 之,嗟歎之不足,故永歌之,永歌之不足, 詩。 之。詩者,志之所之也。在心爲志,發言爲 國焉。風,風也,教也。 風天下而正夫婦也。故用之鄉人焉,用之邦 情動於中而形於言。言之不足,故嗟歎 先王以是經夫婦,成孝敬,厚人倫,美教 (關雎》,后妃之德也,風之始也。 所以 風以動之,教以化

是以一 罪,聞之者足以戒,故曰風。至于王道衰,禮 風化下,下以風刺上,主文而譎諫,言之者無 賦,三曰比 化、移風俗。 焉,有大雅焉。 懷其舊俗者也。 刑政之苛,吟咏情性,以風其上,達於事變而 義廢,政教失,國異政,家殊俗,而變風、變雅 【疏】總論全《詩》。《風》、小大《雅》、《頌》皆以文王詩爲始 功告於神明者也。 下之事,形四方之風,謂之雅。雅者,正也, 發乎情,民之性也,止乎禮義,先王之澤也。 言王政之所由廢興也。政有小大,故有小雅 (清廟》,《頌》始。 《關雎》、《風》始,《鹿鳴》、《小雅》始,《文王》,《大雅》始, 國史明乎得失之迹,傷人倫之廢,哀 國之事,繫一人之本,謂之風。 四日 故詩有 然則《關雎》、《麟趾》之化,王 頌者,美盛德之形容,以其成 故變風發乎情,止乎禮義。 興,五曰雅,六曰頌。 是謂 六義焉:一日 四始,詩之至也。 」風 言天 三旦 上 以

之職。二《南》同風也。 之道、王化之基。【疏】總論二《南》。 《鵲巢》、《騶虞》之德,諸侯之風也。 者之風,故繫之周公。 伯,三分天下有其二,以服事殷。 所以教,故繫之召公。《周南》、《召南 記·十二諸侯年表》序、《儒林傳》序、班固《漢書 序》是子夏、毛公合作。」然則《毛詩》真得聖人之教者矣。 作《序》之所本也。毛公之學出自子夏,故《傳》與《序》無不 也。【疏】總論《關雎》。《論語・八佾》篇云:「《關雎》樂 《馮衍傳》引薛方丘《韓詩章句》, 傳》、《張衡傳》所引,皆申培《魯詩》。 傳》、范曄《後漢書・明帝紀》、《皇后紀》、《馮 劉向《列女傳・仁智》篇、楊雄《法言・孝至》篇、司馬遷《史 合。《釋文》:「沈重云:鄭《詩譜》意《大序》是子夏作,《小 而不淫,哀而不傷。」此孔子論《詩》釋《關雎》之義,而子夏 思賢才,而無傷善之心焉。是《關雎》之義 女以配君子,憂在進賢,不淫其色,哀窈窕, 是以《關雎》,逗。 南,言化自 雖行上者之事,猶循諸侯 並以《關雎 又李賢注《明帝 文王受命爲西 北 》爲刺 衍傳》、《楊賜 丽 樂得 先王之 》, 正 南 詩。 杜 也。 淑 然

《關 之得其正也 禮 雎》二 鄉飲酒》、《燕》等篇。 一章,周 八公已)用,合鄉樂作 三家《詩》别有師承,不若《毛詩》 爲 (房中之樂,箸於《儀

則 惡動於中,而適觸於物。 感於物 者,託 好逑。 陳今之政教善惡。」鄭司農衆注云:「比者,比方於物。 有 《詩》」,其次弟與《詩序》同。 好 后 則 夫婦有別 慎 日 和 記 六義: 匹。 洲。 朝 固 妃有關雎之德,是幽閒貞專之善女,宜爲君子之 矣。 也。 事於物。』《禮記 廷 幽 不動,性 羂 【疏】興也者,詩託關雎以爲興也。《序》云:「《詩》 四深,若 正 后妃 二日 【傳】窈窕,幽 丽 關 則 雎 以言乎 雎 朝 說樂君子之德無 鳩,王 賦,三日 之欲也。 雎 父子親; 廷正 鳩,在 鳩之有别焉。 事 雎也,鳥擊而 ,則王化成。 , 則 比 樂記》云:「人生而静,天之性也。 河之洲。 賦 假 物至知知,然後好惡形焉。」蓋 閒 父子親,則 四 矣。 以明志謂之興。 也。 鄭玄注云:「賦之言鋪。 [曰興。]《周禮 要 不 淑,善,述,匹也。 (迹其志之所自發,情 然 和 有 【傳】與也。 窈窕淑 後 君 谐,又不淫其色, 别。 可 臣 以 故; 而以言乎物 水中可居 大師》「教六 風 女,君 君 化 .天下。 臣 關 直鋪 敬, 關 字 言 芝 好 賱 者

與今本同。 白鷹。 篇 》: 擎 非白屬矣。 其鳴戛和順,又遊於水而息於洲,常隻不雙。」此又謂雎鳩 覽·羽族部十三》引《風土記》: 鷹,尾上白。」案許説見《説文》,而楊説未聞。 目,目上骨露,幽州人謂之鷲。 雎。」《正義》引陸機《毛詩 鶚。」昭十七年《左傳》:「雎鳩氏,司馬也。」杜預注云: 雎」、《爾雅・釋鳥》文。 獸草木以成言者,皆興也。 詁》:「關 不能已者,皆出 叔、《墨子》作「關叔」之比。 余友長洲吴毓汾説。 傳 「鷺」通。 '也**,**通作「關」。」許慎《説文解字》無 前 》言「興」凡百十有六篇,而賦、比不之及,賦、 「有别」,「摯」上無「鳥」字。 「關關,和鳴也。 白鷹,鸇屬,於義無取。 嗣, 擊有别者,雌雄别居。 定本作「摰」、《釋文》: 杜注《左傳》及戴侗《六書故》「雎」下引毛《傳 音 於興。 聲和也。」此《傳》所本也。 ○「關關,和聲」,關,古讀如管,如管 或爲「唁」。」丁度《集韻》: 故孔子 郭璞注云:「雕類、今江 義疏》云: 與「和」雙聲得義。 賦 蓋蒼鷃,大於白鷹,而 曰:「《詩 而楊雄、 郭注《爾雅》引有「鳥」字、 顯 「説《詩》義者或説雎 「摯,本亦作「騺」。」「摯」 劉 而 安《淮南子・泰族》篇 雎 興隱,比 『喧』字。 許慎皆曰 $\stackrel{>}{n}$ 鳩、大 以興。」凡託 顧 (小如) 《爾雅 直 、比易識 雎 《太平 東呼之爲 「喧喧 野 白 而 王《玉 鴟, 色蒼 [鷹,似 鳩,王 興 鳩 $\bar{\Xi}$ 耳 曲 爲 御 和 釋 鳥

鳴

與

==

「《關雎》興於鳥,而君子美之,爲其雌雄之不乘居

也。」

云:

王肅僞《家語·好生》篇略同。

又《列女傳・仁智》篇:「雎

水》文。酈道元《水經・河水》注:「河水又南,瀵水入焉。云:「今別作「洲」,非是。」「水中可居者曰州」,《爾雅・釋義合。洲,當作「州」,《説文・川部》引《詩》作「州」。徐鉉鳩之鳥猶未嘗見乘居而匹處也。」 三家説與毛《傳》言有別

河。其河渚疑即河州故處。余友嘉定朱右曾《詩地理徵》流爲瀵水。」」案瀵水即洽水,古莘國地在洽水北,而東鄰大渚上又有一瀵水,❶皆潛相通。故吕忱曰:『《爾雅》異出同

水出汾陰縣南四十里,西去河三里。

與郃陽瀵水夾河,中

。今陜西同州府郃陽縣四十里爲大河經流。」《傳》云「后:「文王后妃大姒,郃陽人也。故詩人詠之,以河州起

字本作「關雎」,岳本不誤。此即申釋「摯而有别」,所謂「樂「又不淫其色,慎固幽深,若雎鳩之有别焉」者,雎鳩,宋小妃説樂君子之德無不和諧」者,即申釋「關關,和聲」。云

配也。

好匹,猶嘉配耳。《大明》傳「文定厥祥,言大姒之有

文德也」,即此云「窈窕淑女」也。

《秦・無衣》、《賓之初筵》、《皇矣》傳竝訓

本亦作「仇」。」「仇,匹」、《釋詁》文。

孫炎本「仇」作「逑」。

「仇」爲「匹」。

匹,

虞》序云:「人倫既正,朝廷既治,則王道成。」此其義也。篇。《序》云:「《周南》、《召南》,正始之道,王化之基。」《騶後可以風化天下」以下,又推廣言之,總括二《南》二十五而不淫」也。君子,謂文王也,言后妃之德必本諸文王也。「然字本作「關睢」,岳本不誤。此即申釋「摯而有别」,所謂「樂字本作「關睢」,岳本不誤。此即申釋「摯而有别」,所謂「樂字本作「關睢」,岳本不誤。此即申釋「摯而有别」,所謂「樂字本作「關睢」,岳本不誤。此即申釋「摯而有别」,所謂「樂字本作「關睢」,岳本不誤。此即申釋「摯而有别」,所謂「樂字本作「關睢」,岳本不誤。此即申釋「摯而有别」,所謂「樂字本作「關睢」,岳本不誤。此即申釋「摯而有别」,所謂「樂字本作「關睢」,岳本不誤。此即申釋「贄而有别」,所謂「樂字本作「關睢」,

配

[也],即此云「君子好仇」也。

焦延壽《易林·履》、《姤》。「親迎于渭,言賢聖之相

也。 淑、俶聲通。《公羊傳》云:「女在其國稱女。」《釋文》:「逑、 文》"「俶、善也。」《聘禮》「俶獻」、「古文「俶」作「淑」」。 並相通。 詩》,李善注引《韓詩章句》:「窈窕,貞專貌。」析言、渾言義 文》引王肅述毛云:「善心曰窈,善容曰窕。」張揖《廣雅》: 家有如是也。 者女未嫁,女師教以婦德、婦言、婦容、婦功。 屬,王道之原,不外此矣。」《韓外傳》與毛義同。 韓嬰《詩外傳》: 「窈窕,好也。」又「窈窕,深也。」蕭統《文選》顔延年《秋胡 「窈窕」爲「幽閒」、《爾雅》:「冥,窈也。 窕,閒也。」窈,言婦德幽静也。 「淑,善」、《釋詁》文、《君子偕老》、《韓奕》同。 楊雄《方言》云:「美心爲窈,美狀爲窕。」《釋 「孔子與子夏論《關雎》: 窕,言婦容閒雅也。 天地之閒,生民之 幽,深也。 后妃在父母 ○《傳》詁 窕,肆 《説 古 古

免議《合校水經注》卷四有「河」字。
「中」上、《四部叢刊》影印武英殿本《水經注》卷四、王

諧衆妾,不嫉妬其容貌。」鄭亦以「淑女」指后妃。 仇」爲「和好衆妾」,義本三家説耳。《正義》謂「后妃思得淑 妃善女,能爲君子和好衆妾之怨。」《樛木》箋:「后妃能 釋之云:「言賢女能爲君子和好衆妾。」鄭玄作《箋》云:「后 女傳・母儀》篇引《詩》作「逑」,讀如《左傳》「怨耦曰逑」,而 首,王教之端也。」案匡學轅固《齊詩》,亦與《毛詩》合。 不形乎動静。夫然後可以配至尊,而爲宗廟主,此綱紀之 致其貞淑,不貳其操。 而 者民之父母,后夫人之行不侔乎天地,則無以奉神靈之統 後品物遂,而天命全。 《車舝》序「周人思得賢女以配君子」,義竝同。《漢書・匡 得淑女配君子也。《東門之池》序「思得賢女以配君子」、 云「是以《關雎》樂得淑女以配君子」,言作《關雎》詩者,在 言后妃有是德,是謂之善女,宜乎爲君子之好配也。《序》 文關雎起興而言。 云:「雎鳩淑女,賢聖配偶。」云「言后妃有關雎之德」,蒙上 『理萬物之宜。故《詩》曰:「窈窕淑女,君子好仇。」言能 「妃匹之際,生民之始,萬福之原。婚姻之禮正,然 窈窕爲幽閒,又爲貞專,皆其德之善。 情欲之感,無介乎容儀, 宴私之意, 孔子論《詩》以《關雎》爲始,言大上 唯以「好 《列 和

以

參差荇菜,左右流之。【傳】荇,接 《余也。

女以配君子」,失《傳》、《箋》之恉矣。

説,言后妃之德如此,乃能共荇菜,備 《詩》。」是三家《詩》或用《釋詁》文訓「流」爲「擇」,與下章 雅•釋言》:「流,求也。」《釋詁》: 意爲「求」,此古人假借之法也。 訓「求」,而詁訓云爾者,「流」讀與「求」同,其字作「流」,其 水底,莖與水深淺等,大如釵股,上青下白,以苦酒浸之爲 芳。 覺,寐,寢也。 菹, 脃美可案酒。 水悉有之,黄華似尊。」賈思勰《齊民要術》卷九引《義疏 参差、《説文・木部》引《詩》作「槮差」。 哉,輾轉反側。【傳】服,思之也。 「采之」、「芼之」一例作解。 云:「接余,其葉白,莖紫赤,正圓,徑寸餘,浮在水上,根在 流,求也。 ·寤寐求之」立訓。 「荇,先儒解釋皆云:「水草,圓葉,細莖,隨水淺深。」今是 「莕,接余,其葉苻。」《釋文》:「莕,本亦作「荇」。」《説文》作 事宗廟 接、《説文》作「菨」。顏之推《家訓・ 也。 后妃 求之不得,寤 窈窕淑 其華蒲,黄色。」古流、求同部。 「流」本不 有關雎之德,乃能共荇菜, 云「后妃有關雎之德」,亦蒙上章興義爲 女,寤 毛用《釋言》文,求之,即緣下文 凡依聲託訓者例此。 「流,擇也。」郭注云:「見 寐思服。 寐求之。 庶物, 《爾雅・釋草》: 悠,思也。【疏】 以 書證》篇: 事宗廟也。 【傳】寤, 悠哉悠 備庶物, **爾**

五

六

所謂「哀而不傷」也。《正義》引王肅云:「哀窈窕之不得、 轉」又與「反側」同義。 車展。」則「輾」始見於呂忱《字林》,古作「展」必矣。 《説 物也。 也。」《何人斯》箋:「反側,展轉也。」「展」與「轉」同義。 文》:「展,轉也。」今隸變作「展」。《廣雅》:「展轉,反側 釋訓》:「悠悠,思也。」《釋文》:「輾,本亦作「展」。 《文王》傳皆云:「思,詞也。」「思」爲句首、句末之詞,又爲 服、思疊韻、《傳》以「思之」釋經之「服」,「寤寐思之」,猶云 女也。 宗廟。 所以釋 「寤寐求之」也,則經中「思」字爲助詞,無實義。《漢廣》、 中之詞。 《箋》謂「求三夫人、九嬪以下賢女」,與《傳》義異也。 公侯夫人執蘇菜,不求備物。 :經言荇菜之義。 ○寤,猶晤,訓 「悠,思」、《釋詁》文,重言曰「悠悠」。《爾雅 覺」。 重言之者,思之甚,至不安斯寢,此 《召南》采 寐,猶昧 蘇助祭,則知荇菜亦以 此王后共荇菜,備庶 ,訓「寢」。 求,求此善 呂忱從 展 事

芼之。【傳】芼,擇也。窈窕淑女,鍾鼓樂之。友之。【傳】宜以琴瑟友樂之。參差荇菜,左右

傷也。」

思賢才之良質,無傷善之心焉。

若苟慕其色,則善

À.

喻學者知非毛氏之舊而已。 易明者仍之而不補,難曉者隨文移改,令《詩》節次昭然,共 有在本句下者,其文易明, 自爲書、《傳》、《箋》不分,久相襍廁,複經之句每任意删去 者宜有鍾鼓之樂」釋「鍾鼓樂之」句。 有鍾鼓。○案「宜以琴瑟友樂之」釋「琴瑟友之」句。 樂、琴瑟在堂上、鍾鼓在堂下。 御、鍾鼓非恒設、故《傳》以有鍾鼓爲德盛、實亦互詞也。 爲「禮樂」之「樂」。 其根莖也。 記·少儀》篇:「爲君子擇蔥薤,則絶其本末。」《吕覽· 作「左右覒之」。《説文》云:「覒,擇也。 鍾鼓言樂,互詞。 人》篇:「顔回擇菜於外。」皆與《傳》「擇」字同義。 有」之「有」。樂之,樂讀如「喜樂」之「樂」。 「鐘」,今經典通作「鍾」。《傳》云「鍾鼓之樂」者,此「樂」讀 也。』《傳》例有不限於首見也。 「友樂之」者,兼釋下「鍾鼓樂之」句。 傳』德盛 者 《爾雅》:「芼,搴也。」擇、搴義相近。 宜 4有鍾 ○芼者,「覒」之假借字。《玉篇》引《詩 鍾鼓爲樂,則上文琴瑟亦爲樂。 鼓 以之樂。 有不在本句下者,其 全《詩》放此 《關雎》爲房中之歌 經言「琴瑟友之」、《傳》云 【疏】《芣苢》傳: 蓋漢初經與《傳》本各 友之,友讀如 於琴瑟言友,於 讀若苗。」《禮 /理難 鍾,當作 擇者,去 , 則 琴瑟常 「德盛 采, 相 八燕樂 曉。 凡 慎 親 取

衣,尊敬師傅,則可以歸。句。安父母、化天則志在於女功之事,躬儉節用,服 澣濯之《葛覃》,后妃之本也。后妃在父母家,

下以婦道也。

也。 谷、谷中」,此倒句法、《中谷有雜》同。 施、移雙聲。移,亦延也。 而言。《箋》云:「習之以絺綌煩辱之事。」煩辱,勞苦之意。 《傳》云「女功之事煩辱者」,探下章「是刈是濩,爲絺爲綌 此言近而指遠也。《生民》傳:「覃、長也。」延、長義相近。 本也。 交於萬物亦不一事,而舉鴛鴦以言興者,廣其義也。 與《鴛鴦》篇同。婦人之衣不一端,而舉葛以言興者,溯其 灌木,菜木也。喈喈,和聲之遠聞也。【疏】案此興義 飛,集于灌木,其鳴喈喈。【傳】黄鳥,搏泰也。● 施、移也。中谷、谷中也。萋萋、茂盛貌。 黄鳥于 「葛,所以爲絺綌」、《采葛》同。《説文》:「葛,絺綌艸也。」 覃,延也。葛,所以爲絺綌,女功之事煩辱者。 葛之覃兮,施于中谷,維葉萋萋。【傳】興 陸灋言《廣韻》:「移,延也。」「中 凡詁訓中多用此例。

> 《爾雅》:「皇,黄鳥。」説者亦不指謂《詩》之黄鳥。 庚, 鵹黄,楚雀, 倉庚,黧黄」物五名,皆即今之黄鸎。又 實成其說於高誘之《呂覽注》也。不知《爾雅》「倉庚,商 集于灌木。」于是黄鳥之爲倉庚,誤始於楊雄之《方言》,而 覽•仲春紀》「倉庚鳴」注同,而并引《詩》云:「黄鳥于飛 謂之黄鳥。」是高説倉庚即黄鳥,而又冒以搏黍之名。 庚、黎黄,楚雀也。」齊人謂之搏黍,秦人謂之黄流離,幽、冀 楊採關西方語「倉庚」已冒黄鳥之名,初不以爲即《詩》之黄 小兒。」黄鳥爲小鳥,與《七月》傳「倉庚,離黄」不同物,則知 鳥,搏黍也。」《小雅·黄鳥》傳:「黄鳥,宜集木啄粟者。」黄 鳥。高誘注《淮南子・時則》篇云:「倉庚、《爾雅》曰:「商 之倉庚,自關而西謂之驪黄,或謂之黄鳥,或謂之楚雀。」是 自來説黄鳥者皆不得其實。《方言》:「驪黄,自關而東謂 鳥啄栗,故一名搏黍。《秦風》「交交黄鳥」、《傳》:「交交: 章句》亦云:「萋萋,盛也。」葛長谷中,萋萋日茂盛,后妃之 在父母家,猶如是也。○《詩》「黄鳥」五見,此《傳》云:「黄 「貌」字古本皆作「皃」字。 《文選》潘岳《藉田賦》注引《韓詩 萋萋,茂盛貌」,葉林宗鈔本《釋文》作「兒」,此可見《傳》中 而郭璞 **《**吕

❶ 「搏」,阮刻《毛詩正義》作「摶」。 全書同。

卷

七

以葛起興。 葛覃,一興也。 遠聞也」者,言后妃之德和諧,在父母家已有遠聲聞也。 小正傳》:「灌也者、聚生者也。」 冣、聚聲義皆同。 木」。叢、族、冣三字訓同,毛《傳》不必盡同《爾雅》也。 族生爲慣」。此《傳》云「灌木、冣木」即《釋木》之「樌木、叢 樌,或作「灌」、《皇矣》傳云:「灌木,叢生。」即《釋木》之「木 句反。」案《爾雅・釋木》:「木族生爲樌。」又「樌木,叢木。」 宋本作「虆木」、《釋文》所謂「俗作」也。《釋文》:「一本作 類。」《傳》「虆木」、《釋文》、《正義》本及《家訓》皆作「叢木」。 段氏更引《戰國策》「俛啄白粒,仰棲茂樹」,尤與《詩》辭義 義》據《義疏》爲説,而黄鳥、倉庚合爲一物,其承譌久矣。 庚,一名鵹黄,一名楚雀。 爲一,而亦誤以倉庚爲一。陸機《義疏》云: **『最木』。』《小箋》作「冣」,云:「冣,積也。从冖,从取。** 余友涇胡承珙《毛詩後箋》亦以《詩》之黄鳥即今之黄雀。 也,或謂之黄栗留。 搏,音博。 「諧,和也。」「喈」與 俗 呼 **黃離留** 黄鳥,又一興也。詩本葛以爲言,故下章又 ○《鴇羽》傳云:「集,止也。 灌木,栩、棘之 亦 幽州人謂之黄鸎,一名倉庚,一名商 《名搏黍。」郭既以《詩》、《爾 「諧」同,重言曰喈喈。 齊人謂之搏黍。」孔仲達作《正 「黄鳥,黄鸝留 云「和聲之 雅 爾爾 **愛** 黄 才 案

絺爲綌」,所謂「志在於女功之事」也。 「斁」、《禮記・緇衣》作「射」、古斁、射聲通。 作「射」,音義同。」今《爾雅》作「射,厭也」,郭注引此詩作 斁」,「斁,猒也。」《正義》云:「「斁,厭」、《釋詁》文。 作「猒」,今字通作「厭」。《説文·攴部》引《詩》「服之無 女功之所有事者也。 文》:「繙,細葛也。」「綌,麤葛也。或作「峪」。」精與細同是 湯煑物曰瀹。」絲、綌皆煑葛所成就者,以别精麤。 文。《釋文》引《韓詩》:「濩,瀹也。」服虔《通俗文》云: 文》引《韓詩》云:「刈,取也。」「濩,煑之也」、《爾雅‧釋訓 以立訓。《旱鹿》傳:「莫莫,施兒。」訓異而意實同。 家《詩》義。毛於「萋萋」爲茂盛,而「莫莫」爲成就,緣下文 就者,其可采用之時。」《廣雅》:「莫莫、萋萋,茂也。」此二 莫,成就之貌。是刈是濩,爲絺爲綌,服之無 《傳》云「莫莫,成就之皃」、《釋文》無「之」字。《箋》云:「成 夫命婦成祭服,士妻朝服,庶士以下各衣其夫。【疏】 斁。【傳】濩,煑之也。 古者王后織玄紞,公侯夫人紘綖,卿之内子大帶,大 葛之覃兮,施于中谷,維葉莫莫。【傳】莫 厭、《釋文》作「猒」。 精日稀,麤曰俗。 「服之無斁」,所 古賦足、賦 「是刈是濩,爲 斁, 厭也。 彼[斁] 僧皆 《説 以

諸儒相傳之誤。 者,皆深邃耳。 皆有也。 義取蔽明,則無後旒可知。《記》言「十二旒」,未嘗謂前後 鄭君釋《周官》、《禮記》,用歐陽氏説。 耳、王者示不聽讒、不視非也。」則大、小夏侯氏説所本也。 邃延。」則歐陽氏説所本也。《大戴禮·子張問人官》篇: 皆有前無後。1榜按:《玉藻》:『天子玉藻,十有二旒,前後 冕,前圓後方,前垂四寸,後垂三寸,三公、諸侯及卿大夫, 篇,乘輿服,從歐陽氏説。 帝永平二年初,詔有司采《周官》、《禮記》、《尚書·皋陶 《周禮》: 「古者冕而前旒,所以蔽明也。」《禮緯》:「旒垂自纊。 冕之總名也。」然則冕、弁有紘矣。 冠卷也。 小鼻,即笄所貫之紐,垂組爲飾。 結於頤下,垂緌爲飾。 弁有笄有紘,笄貫於武,笄首又有紐。 「綖」字。 「弁師掌王之五冕,皆玄冕,朱裹 《玉藻》所云「前後邃延」者,謂延之前後,出 古者冠卷殊。」《説文》:「紘,冠卷維也。」「冠,弁 **歙金榜《禮箋》云:「《後漢書·輿服志》:「孝明皇** 前後、据延言、不据延之垂者言。」斯言可正 古冕旒之制,當從大、小夏侯氏説。」與案 紘則一 公卿以下,從大、小夏侯氏説 組,以組之兩端,上屬於武上 綖,當作「延」,《説文》無 鄭注《玉藻》篇云:「武 榜聞之師曰: 纓以二組屬於武,而 ,延,紐。」「皆玄 「前旒 于 武 寒

笄,垂于副之兩旁,當耳,其下以紞縣瑱。」鄭注「衡」下

笄

《春秋傳》曰:「衡、紞、紘、綖。」」玄謂:「唯祭服有衡

婦道之本。下章《傳》釋嫁時私衣爲燕服,而又推類以及婦事,故推類及之,謂后妃之在父母家躬親煩辱,爲化天下以

有怠惰,皆以盡婦道也。

《傳》引之者,蓋因治葛爲女功之

文。《魯語》公父文伯之母陳先王古訓,以自言其效績

?儉節用」也。

「古者王后織玄紞」以下,皆《國語

魯語

而

無

人之有副褘盛飾者,亦此意也。

○《魯語》「織玄紞」上

有

「親」字,韋昭注云:「紞,所以縣瑱當耳者。」《周禮

· 追

「掌王后之首服,追衡、

笄。」鄭司農注:「衡,維持冠

九

「朱裹,延,紐

冕

」者,五冕皆玄衣而冕也,説詳《九罭》篇。

垂紳。 義》謂: 祭服玄冕玄衣,而冕亦纁裳。 月》傳同。 無「大夫」二字,章注云:「祭服,玄衣纁裳。」案章注與《七 黄色也。」《禮記》孔穎達《疏》引熊安生云:「近人爲内,遠 又有革帶。 案任説是也。 之内子所爲之帶當素帶,辟以玄華,韋昭云「緇帶」,誤也。」 帶,士帶也。 夫素帶裨垂。」又曰:「襍帶,大夫玄華,士緇辟。」然則緇 「大帶,緇帶也。」興化任大椿《弁服釋例》云:「《玉藻》:「大 延,諸侯未聞。○《魯語》「大帶」上有「爲」字。韋注云: 冕綖之制。 有「玄表纁裹」之説,此非也。《正義》又引孔安國《論語注 結,三者皆朱。 者,冕以版爲之,裹謂 云「麻冕」者,麻謂麻衣,朝服也。 人爲外。」《詩正義》從鄭説,不從韋説。 「績麻三十升,布以爲冕,即是綖也。」蓋孔説亦誤。 鄭注《玉藻》云:「大夫裨垂,外以玄,内以華。 「大夫玄冕,受之於君。 《禮器》:「士玄衣纁裳。」此士統大夫言。大夫 革帶,緊韎輪、刀觿及佩玉之屬。 大帶則東衣 延亦織成之組爲之,是絲而非麻矣。天子朱 故《士冠禮》、《士喪禮》陳士帶,皆曰緇帶。 天子、諸侯、大夫素帶,七緇帶,皆謂之大帶, 自讀者誤以 版下, 「皆玄冕朱裏」連文、《正義》遂 延 士無冕,唯爵弁爲異耳。 (調覆 妻所成者,自祭之朝服。」 古冕、弁通稱,不得據爲 版之帛, ○《魯語》「命婦」上 紐謂 武 **此上之**第 華, 所 卿

> 以剥章注,亦誤 謂「官師、中士、下士、庶士、府史之屬」。《正義》援彼鄭注 上士,則庶士爲下士。鄭注以《祭法》「官師一廟」一句,遂 天子朝服皮弁,諸侯朝服玄冠,君與臣同色也。 二字蒙上「成祭服」爲文,謂士妻不僅如大夫命婦成祭服而 衣纁裳。 以朝服也。」《弁服釋例》云:「蓋列士助祭之服爵弁,亦玄 則以祭服、朝服合爲 士、庶人無廟。 適士立二祀,庶士、庶人立一祀。」此適士爲 士爲下士。 已。是祭服、朝服二文對舉,顯爲二服。《葛覃》疏誤。」案 「庶士,下士也。」「庶士」對上文「列士」,列士爲上士,則庶 「朝服」上有「加之以」三字。 士之妻既織此爵弁服,而又加之以朝服。 「加之」 不言中士者,略也。《祭法》:「適士二廟,庶 一,誤。 韋注云: ○≪魯 語》「土」上 「既成祭服,又加之 |有「列 韋注云:

見于 也。 廟未毀,教于公宫三月。 女師也。古者女師教以婦德、婦言、婦容、婦功。 人謂嫁曰歸。 宗 私 言告師氏,言告言歸。 【傳】言,我也。 廟,進 ,燕服也。婦人有副禕盛飾,以朝事舅姑,接 見于君子。 薄汙我私 袓 ,薄瀚我衣。【傳】汙,煩 其餘 廟 既毁,教于宗室。 則 私 也。 害 師, 害 袓

月,祖 者,❸而明於婦道,母又禄之,❺使教宗室五屬之女。大夫、 而設祭,則《采蘋》傳所云「牲用魚,芼之以蘋藻」也。 則 也。 士皆有宗族,自於宗子之室學事人也。」班從《魯詩》,與《毛 教於宗廟宗婦之室。 《白虎通義・嫁娶》篇: 「尊敬師傅」之義。《傳》引之以明女師有嫁前之教。 功。」此《傳》所本也。 《周禮》:「九嬪掌婦學之灋,以教九御婦德、婦言、婦容、婦 則隨女同行,《齊・ 與傅姆異: 我」、《爾雅・釋詁》文。我,后妃自我也。 否。 「教于公宮三月。」婦人學一 《教于宗室。」亦《傳》所本也。 《詩》云:「言告師氏,言告言歸。」《禮 士昏禮》: 寧,安也。 一廟 《禮記·昏義》篇: 未毁,教于公宫;祖廟 女師者,教女之師,在公宫宗室,不隨行, 「祖廟未毁,教于公宫三月。 父母在,則 南山》箋「姜與姪娣及傅姆同 又《昏義》:「是以占者婦人先嫁三 國君取大夫之妾、士之妻老無子 「婦人所以有師何? 「教以婦德、婦言、婦容、婦功。」 時,足以成矣。 因歸而告師氏,即《序》所謂 有時歸寧耳。【疏】「言、 既 毁,教于宗室。」《儀 師爲女師。 與君無親者,各 若祖廟已毀, 昏經》曰: ❷ 學事人之道 '處」是 教成 班固 傅姆 女師

> 同義。 有在句中者,爲語助,若《柏舟》「静言思之」之類是 《黄鳥》、《我行其野》、《有駜》皆作「言歸」、《齊•南山》、《東 有在句首者,爲發聲,若《漢廣》之「言刈其楚」之類是也。 山》、《采薇》皆作「曰歸」,《黍苗》作「云歸」,言、曰、云三字 皆有「曰」可證。 告」之「言」不同義。 汜》、《齊・南山》箋及《公羊傳》、《穀梁傳》、杜預注《左傳》 義》云:「定本「歸」上無「曰」字。」案有「曰」字是也。 河。 若皆訓「言」爲「我」,則辭義俱絫矣。 「婦人謂嫁曰歸」、《釋文》:「一本無「曰」字。」《正 詩疊用「言」而義别,「言歸」之「言」與「言 言告,我告也。 言歸,曰歸也。 全《詩》「言」字 此篇及 《江有 也。

否,歸寧父母。

【傳】害,何也。

私服宜滐,公服

宜

詩

0

0

0

6

正義》有「文」字,當據補。 「姜」上、徐子静刻本、《清經解續編》本同。 阮刻《毛詩

⁰ 「「經」字誤,當作「記」也。」 「禮昏經」,陳立《白虎通疏 證》作「昏禮經」,並 云.

弨《抱經堂叢書》本《白虎通》無。 「者」,陳立《白虎通疏證》、《叢書 集 成 初編》影印 盧文

文弨《抱經堂叢書》本《白虎通》有「者」字 「道」下,陳立《白虎通疏證》、《叢書集成初 編 》影 印盧

弨《抱經堂叢書》本《白虎通》無。 「又」,陳立《白虎通疏證》、《叢書集成初編》影印 盧 文

-

《泉水》、《彤弓》、《文王》「言」字不訓 服也。 相傳詁訓如此。 傳》云:「無垢加功曰漱,去垢曰浣。 ○《芣苢》傳云: 《傳》又言「婦 句言「私」,下句言「衣」,皆互詞耳。「私,燕服」,謂燕居之 與榦正相反,私與衣又相連。 《内則》:「衣裳垢,和灰請榦。」何休注莊三十一年《公羊 《彤弓》之「受言」、《文王》之「永言」訓「言」爲「我」者,當是 褘衣,王后六服之一 「瀚、濯衣垢也。 「言」皆不作「我」解 盛飾見舅姑也。 《禮記・檀弓下》:「敬姜曰:「婦人不飾,不敢見舅姑。」」此 中,釋朝服,襲燕服,然後人御于君。」此盛飾見君子也。 統》:「夫人副褘,立于東房。」此盛飾見宗廟也。 大傳》云: 「掌王后之六服:禕衣、揄狄、闕狄、鞠衣、展衣、緣衣。」是 「副者,后夫人之首飾,編髮爲之。」婦人,兼后夫人言。 有私服,必有公服。 「古者后夫人將侍于君前,息燭後,舉燭至于房 人副禕盛飾」,以推廣及之也。《内司服》: 从水,赣聲。 鄭《箋》則《詩》中「言」字多訓「我」,而 《明堂位》: 「薄,詞也。」「汙」訓「煩」,煩亦汙垢也。 也。 唯 此 諸侯夫人亦服禕衣。《君子偕老 詩 下文「害否」爲不潔之公服,故 之「言告」、《泉水》之「言邁」、 「夫人副褘,立于房中。」又《祭 上句言「汙」,下句言「瀚」, 或作浣。」案今字作「榦」。 齊人語也。」《説文》: 「我」,顯易《傳》訓。 伏勝(書 汙 於 E 今

《正義》依鄭注《内司服》,强解褘衣見宗廟、事舅姑亦服 細繹《傳》 本字。 何」。 又推衍展衣、橡衣爲見君子盛服,誤以《傳》中「餘」字爲衣 私」者,謂事舅姑、見宗廟、見君子,其餘事則 婦于舅姑。 之餘,恐未是。 服,對上衣而言。 以下至褖衣。○「寧,安」、《釋詁》文。《説文》:「寧,願 文》云:「否,不也。」云「私服宜煞,公服宜否」者,私服 也」。此直指假借之例。 [干]爲[扞],直云[干,扞也],假[輖]爲[朝],直云[輖,朝 「何也」,則可以知「害」爲「曷」之假借也。 胡、安,皆何也。《傳》文「父母在,則有時歸寧耳」,此九字 也。」「寍、安也。」凡訓「安」之字、正作「寍」、今通作「寧」。 子」,但解「害榦害否」句。 是《箋》語竄入《傳》文耳。 全《詩》「寧」字皆「寍」也。 「歸寧父母」句。《序》箋云: 害者,假借字。《小箋》云:「「害」本不訓「何」,而曰 古害、曷聲同,故曷謂之何,害亦謂之何矣。 き, 三月廟見,而后成昏」之禮言之。 當就嫁者 《傳》釋「害」爲「何」,《緑衣》傳釋「曷」爲 中衣以至衵褻、皆私服也。 夙 毛《傳》言假借不外此二例。」《説 興 「寍」又爲語詞,與「胡」字同義。 「父母在,則有時歸寧耳」, 《箋》云「言常自絜清,以 「可以歸安父母,言嫁而 婦 沐 浴 以 後見; 此一例也。 公服,謂 云「其 服燕服 質 鈅 曷者. 餘 贊 若假 即 事君 褘 正 之。 也 兒 則 燕 衣

耳。 也。 此。 寧父母禮。《左傳》「歸寧」,春秋時制。 禮,庶自此可以寧父母,故心下也。」「寧父母」即本此詩之 母,故心衝衝然。」又云:「始者憂於不當,今君子待己以 明《序》、《傳》之義。《草蟲》箋云:「憂不當君子,無以寧父 符《潛夫論·斷訟》篇:「不枉行以遺憂,故美歸寧之志。 者,既嫁而寧父母,所謂「無父母詒罹」也。《後箋》云:「王 字連下讀者不同。《序》云「則可以歸」,歸即「言告言歸」。 字連上讀,與《傳》釋經「歸」字爲「歸嫁」之「歸」,而以「寧」 語,甚顯白也。《箋》解經「歸」字爲「歸宗」之「歸」,以「寧」 上文既釋「歸」爲「嫁」,則此句弟訓「寧」爲「安」。歸寧父母 《序》又云「安父母」,即「寧父母」。毛公本《序》作《傳》,故 宫及歸寧父母,從子禮」。 猶不忘孝。」《序》箋以歸寧爲孝也。《泉水》箋:「國君 人,父母在則歸寧。」兩《箋》正合也。 又伏后議「若后適離 「歸寧」同義。 許不改,蓋所以長貞絜而寧父母也。」」●案此正足以發 且此篇三章皆言后妃在父母家事,唯末句纔説到嫁 古者后夫人三月廟見,使大夫寧。 有寧父母禮,無歸 《詩》曰: 若作「歸」「寧」連文解,大失經恉。《説文》:「晏,安 「以晏父母。」」許引三家《詩》,與《毛詩》文 則此云「父母在,有時歸寧」《箋》語,非《傳》 是鄭解此詩「歸寧」實與《左傳》 文王初年不當有 夫

《卷耳》四章,章四句。

上而言。」 《卷耳》,后妃之志也。又當輔佐君子求《小箋》云:「玩「又當」二字,可知古各《序》合爲一篇,故家險詖私謁之心,朝夕思念,至於憂勤也。【疏】險詖私謁之心,朝夕思念,至於憂勤也。【疏】

斯事采菜尚不盈筐,言其憂之極。」案興有即事以言興者, 真,置,行,列也。思君子,官賢人,置周之列位。 真,置,行,列也。思君子,官賢人,置周之列位。 真,置,行,列也。思君子,官賢人,置周之列位。 真,置,行,列也。思君子,官賢人,置周之列位。 以,直,一不云「興也」而云「憂者之興」,明有異於 以特言「憂者之興」,言興取其憂而已,不取其采菜也。 與,故特言「憂者之興」,言興取其憂而已,不取其采菜也。 與,故特言「憂者之興」,言興取其憂而已,不取其采菜也。 與,故特言「憂者之興」,言興取其憂而已,不取其采菜也。

<u>-</u>

卷

^{● 「}母」,求是堂本《毛詩後箋》與掃葉山房《百子全書》本

盛糧。 騷 少味。 줄: 文。 苢》亦然。 ○古采、 相似歟? 人謂 枲,或曰苓耳。 也。」《鄭志》荅張逸云:「事,謂事事一一用意之事。 也」者,言勤事采之而不已也。《芣苢》傳:「采采,非一詞 徐堅《初學記》云: 《荀子》。陸德明《釋文序録》云:「荀卿子傳魯人大毛公。」 行,故曰:心枝則無知,傾則不精,貳則疑惑。」毛《傳》正本 《詩》云:「頃筐、易滿也。 也。」「鬾」與「頃」義相近。 申 《葛覃》是 -之云「易盈之器」也。《釋文》引《韓詩》:「頃箧,檢箧 ?》多用其師説。」《淮南子• `「葉青白色,似胡荽,白華,細莖,蔓生,可煑爲茹,滑而 郭注引《廣雅》云:「枲耳也。 ¡之爵耳。」《説文》:「蓩,卷耳。」 王逸注《楚辭 「葹,枲耳。」皆異名也。 《傳》云 「頃筐,畚屬」,畚所以 頃筐口不能平,執處深,而向擖處淺。 四月中生子,如婦人耳中璫,今或謂之耳璫。 事聲同。 也; 《七月》「懿筐」爲深筐,則頃筐爲淺筐,故《傳》又 雖説異,義則同。」「卷耳,苓耳」、《爾雅·釋草》 興有 形如鼠耳、叢生如盤。」《正義》引《義 《爾雅》:「采,事也。」云「采采,事采之 離 「荀卿授魯國毛亨作《詁訓傳》,故《詁訓 事以言興者、卷耳》 卷耳,易得也。 盈,滿也。 俶真》篇:「今矰繳機而在上, 亦云胡枲。 《荀子・ 然而不可以 彲 也。 江東呼爲常 其盛糧之畚 解 它放 **赦篇》釋** 八貫周 幽州 《芣 疏 此 離

> 罔罟張 也。 《生民》同。 耳,不盈頃筐。 傳》:「君子謂楚於是乎能官人。 千反」,從穴下真,不誤。 死屬》、《齊・南山》、《四牡》、《常棣》同。 陳古刺今,或本三家《詩》。 謂周行也。」毛《傳》以「懷人」爲「思君子,官賢人」,以「周 官人也。」 傳》説《詩》同。 同郡荀卿,名況。」毛爲荀弟子,故作《詁訓傳》多與《左氏 賢審官」也。《釋文序録》云:「左丘明作《傳》,趙人虞卿傳 行」爲「周之列位」,皆本《左氏》説,《序》所謂「輔佐君子求 人,則民無観心。 大千反。」分爲二字二音,非也。 王及公、侯、伯、子、男,甸、采、衛、大夫,各居其列,所 而 在下 寘者,「寬」之俗。《釋文》:「寘,之豉反。 雖 嗟我懷人,寘彼周行。]以言慕遠世也。]此 是亦用其師説也。《棫樸》序云:「文王能 《詩》云:『嗟我懷人,寘彼周行。』能官人 欲 翱翔 行、列雙聲作訓。 其 ○「懷,思」,《釋詁》文。 八勢焉 今唯《東山》釋文作「實,大 得。 官人,國之急也。 故 「寘,置」、《伐檀》、 《詩 $\frac{1}{2}$ 襄十五年《左 「采采卷 《野有 寞 官

維以不永懷。【傳】姑,且也。 嵬,土山之戴石者。 陟彼崔 嵬, 我 虺隤 馬 虺 (病也) 隤。 【傳】陟,升也。 人君黄金罍。 我姑酌彼 金罍 永, 崔

《爾雅》正相反,或所見本與今異。《正義》以爲《傳》轉寫之 篇•九部》云:「虺尵、馬病。」《小雅•采薇》序云:「文王之 皆謂土山戴石也。《爾雅》: 鬼」同。 嵬,高而不平也。」又《自部》:「陮隗,高也。」「陮隗」與「崔 竝訓「陟」爲「升」、《詩》作「升」,不作「登」也。箋《公劉》: 傳:「且,詞也。」《方言》:「盬,且也。」《廣雅》:「辜,且也。」 陟險馬病之憂,及其使歸也,又設饗燕之禮以勞之,《序》所 戍役,以守衛中國。 時,西有昆夷之患,北有玁狁之難,以天子之命,命將率,遣 誤,非是。 姑 多於此。」鄭 云:「秦人市買多得爲夃。」《箋》:「言「且」者,君賞功臣或 《杕杜》以勤歸也。」此詩所言正是其事。 、盬、辜皆古聲,故皆爲且。《説文・夂部》引《詩》作「夃」 「知臣下之勤勞」也。 "《十月之交》傳:「山頂曰冢。 ,,升。」而《車舝》、《皇矣》:「陟,登。」則「升」與「登」通用 「崔嵬,山顛也。」《説文》:「崔,大高也。」「嵬,山石崔 劉熙《釋名》云:「土戴石曰崔嵬。 隤, 依 當作「穨」。 「夃」作 故歌《采薇》以遣之、《出車》以勞還、 訓, ○姑者,詞之「且」也。 本三家《詩》也。 「虺穨,病」,《釋詁》文。《玉 「石戴土謂之崔嵬。」毛《傳》與 卒者,崔嵬。」《谷風》 蓋文王大夫或有 因形名之也。」 《正義》云: 《山有扶蘇

長也。【疏】「陟、升」、《釋詁》文。

此及《載馳》、《文王》傳

「《異義》:「疊制、《韓詩》説「金罍,大夫器也。 雷之象」。 《異義》不從《韓詩》説「天子以玉」者,《毛詩》説人君統天 引阮谌《禮圖》亦云「刻木爲之」,則疊木質,畫以雲雷,而 象,象施不窮也。 從《毛詩》説。 臣之所酢人君,以黄金飾,尊大一碩,金飾龜目,蓋刻爲雲 諸侯、大夫皆以金,士以梓」,《毛詩》説「金罍,酒器也。 饗燕使臣常設此器,故云「酌彼金罍」也。 鄭司農云:「罍,臣之所 歓也。」」案此雖宗廟之罍,而人君 字之誤也。 彝》:「六尊皆有罍,諸臣之所昨也。」鄭注云: 子、諸侯言,天子亦飾黄金,不聞飾玉也。 飾,諸侯、大夫皆以黄金飾」,❶是韓亦爲木質而加飾矣。 詩》説「士以梓」,士無飾。《泂》釋文引《韓詩》説「天子以 飾以爲等差。「人君黄金罍」,黄金,其飾也。 者,取象雲雷博施,如人君下及諸臣。」、案許慎《五經異義》 謹案《韓詩》説「天子以玉」,經無明文。 諸臣獻者,酌罍以自酢,不敢與王之神靈共尊。 《説文•木部》:「櫑,龜目酒尊,刻木作雲雷 罍或从缶。」《説文》與《異義》同。《正義》 《周禮 維,發聲。 《正義》引《韓 「昨,讀爲酢 天子 謂之罍 以 司尊 玉 諸

卷

者,放此。「永,長」、《釋詁》文。《漢廣》、《常棣》、《文王》、 選》楊雄《羽獵賦》注及阮籍《詠懷詩》注引《韓詩 「惟,辭也。」「維」與「惟 (公劉))並同 通。 凡全《詩》多用「維」字爲發聲 章 一句

建

兕觥,角爵也。 馬病則黄。 雅•釋詁》:「痡、瘏、 玄 則喘息」句法相同,今本誤也。 岡。」《傳》所本也。 騂」,黄本馬之正色,黄而玄爲馬之病色。 駒」、「黄白曰皇」、「黄騂曰黄」、「黄白襍毛曰駓」、「赤黄曰 而黄爲馬病,則不通矣。 「玄馬病則黄」五字當作「馬病則玄黄」,與《四牡》傳 「玄馬病黄」解,與《雅 《傳》於「痡」、「瘏」、「虺穨」皆用《雅》訓,不應於「玄黄」更作 玄黄虺隤,行者勞罷。 「馬病」 「玄黄」之不可分釋,猶「虺穨」之不能分釋耳。 陟 被高岡 義互明 我姑酌彼兕觥,維以不永傷。 傷, 思也。 【疏】《爾雅·釋山》:「山 也。 《公劉》箋亦云:「山脊曰岡。」《傳》文 ,我馬玄黄。【傳】山脊曰岡。 虺穨、玄黄,病也。」 正釋此詩 》訓乖戾。 虺穨疊韻,玄黄雙聲,皆合二字成 役夫憔悴,踰時不歸。』《文選》曹子 《易林·乾》、《師》、《震》並云: 上章《傳》云「虺穨、病」,此 凡《傳》言「黄馬黑喙曰 若以玄爲馬色, 【傳】 「馬勞 **爾** 脊 辭。 玄

過也。 義 | 云: 造雲日,我馬玄以黄。 成」,是 説。 餉,不得名觴。」《毛詩》説:「觥大七升。」謹案: 敬。 總名曰爵,其實曰觴。 也,飲當自適也。 也。二升曰觚。 文》:「觵,字又作「觥」。」今《詩》皆作「觥」。《周 黄」連讀,不謂玄馬病黄,足證今本毛《傳》之誤。 形觵觵,故謂之觵。 鄭,鄭伯兼享之。 其容數當亦同《毛詩》說。 也。」案《禮圖》「觥大七升」同《毛詩》說,而《異 之。」先師説云: 觵」,觵亦爵也。 飲而盡,七升爲過多。」《禮圖》云:「觥大七升,以兕 (贈白馬王 《説文》云:「 觥、廓也、所以箸明之貌、君子有過、廓然箸明、非 五升曰散。 也。 「《異義》:「《韓詩》説:「一升曰 昭元年《左傳》:「趙孟、叔孫豹、曹大夫人于 彪 詩 觚,寡也,飲當寡少也。 「刻木爲之、形似兕角。」蓋無兕者用木 「觵,兕牛角可以飲者也。 以兕角爲之,故云: 趙孟爲客。 四升曰角。 * * * 散,訕也,飲不能自節,爲人所謗訕 俗作「觥」。」《説文》既不以觵爲罰爵 玄黄猶能進,我思鬱以紆。」古皆「玄 觴者, 餉也。 「中逵 段氏謂《異義》早 角,觸 穆叔子皮及曹大夫興,拜,舉 絶 無 軌 也,飲不 觥 「兕觥,角爵也。」《正 改 亦五升,所以 三升曰 爵。 轍 从角,黄聲。 登 能 爵,盡 成、《説文》晚 (義))從《韓 高 觥罰 [耀。 自適,觸 岡 也,足 觶,適 有 劉 角爲 所以 脩 詩 過 也 坂 其 罪

思」、《釋詁》文。釋「傷」爲「思」,與上章「不永懷」同義。《箋》用《韓詩》説「觥爲罰爵」、《桑扈》箋同,恐非是。「傷,兕爵,響燕將終,群人以盡敬於客之禮,故酌此大爵也。則爵,曰:「小國賴子,知免於戾矣。」飲酒樂。」「兕爵」即兕

懷,亦思也

部》: 嵬。 互異,而義則一。戴者,增益也。石在上則高不平,故曰崔 ○「瘏,病」,《釋詁》文,《鴟鴞》同。 上,土而戴之以石。用土戴於石上,石而戴之以土。二文 石爲砠。」與毛《傳》異。 土曰岨。 戴土也。」引《詩》作「岨」。是叔重所據作山旁「岨」矣。《自 吁,爱也。【疏】釋文》:「確,本亦作砠。」《説文》:「姐,石 「屠」。」「痡,病」,亦《釋詁》文。 矣。【傳】石山戴土曰 《詩》"「云何盱矣。」邢昺疏云"「《卷耳》及《都人士》文也。」 土在上,則雨 「阢,石山戴土也。」則岨一名阢也。 陟彼砠矣,我馬瘏矣,我僕痡矣,云何旰 岨,臚然也。」皆謂石山戴土也。 水沮洳,故曰 段氏《説文注》云: 砠。 吁,當爲「盱」,《爾雅注》引 塘,病也。 岨 《説文》:「瘏,或作 毛之立文爲善矣。」 《釋名》云:「石戴 《爾雅》:「土戴 「用石戴於土 痛,亦病也。

《韓詩章句》云:「云,辭也。」或在句中、句末,多用爲語詞,無實義。《文選》傅咸詩注引之勤勞如何也。「云」爲語詞。凡全《詩》「云」字或在句首,者,「忖」之假借字。《説文》:「忖,憂也。」何憂者,言憂臣下者,「所據《卷耳》作「盱」。 詁訓箸於《卷耳》,故《都人士》與邢所據《卷耳》作「盱」。 詁訓箸於《卷耳》,故《都人士》與

《樛木》三章,章四句。

嫉妬之心焉。《疏》下,謂衆妾也。《樛木》,后妃逮下也。言能逮下,而無

曲 於《關雎》、《葛覃》、《卷耳》三詩之後,則亦岐周也。 之詩、《漢廣》、《汝墳》及於南國矣。《麟止》以應《關雎》,此 州"南土則近在岐周之地也。《周南》十一篇皆文王岐周 「南」爲「南土」,與南國異。 子,福履綏之。【傳】履,禄,緩,安也。【疏】《傳》釋 土也。木下曲曰樛。 《樛木》及《螽斯》、《桃夭》、《兔罝》、《芣苢》皆詠后妃,以坿 日 樱」,謂木之下曲者爲樛也。 南有樛木、葛藟纍之。【傳】興也。 南土之葛藟茂盛。 南國在江、漢、荆州,猶不及楊 《爾雅》:「下句曰朻。」 樂只 南,南 「木下 君

. 七

卷

八

詩》同。 「下曲 子,謂文王也。 臺》、《采叔》皆作「只」。「樂只君子」,猶云「展矣君子」、「允 也。」引《詩》作「虆」。虆,俗字。曼、緣皆茂盛之意。二章 有嘉魚》傳:「纍,曼也。」《楚辭》劉向《九歎》注:「虆,緣 之蓷蘩。」云「南土之葛藟茂盛」者,「茂盛」釋「纍」字。《南 引《義疏》云:「藟,一名巨荒,似蘡薁,連蔓而生,幽州人謂 色,其子赤,可食。」《易·困》:「上六:困于葛藟。」《釋文》 詩》本竝作「朻」。」蓋馬治《毛詩》,其所據作、朻木」,與《韓 如拖、纍古讀如離、故《詩》以纍、綏爲韻 也。」緩從妥聲,妥爲安,故緩亦爲安。 安」、《釋詁》文。《楚菸》「以綏後禄」、《傳》亦云:「綏,安 禄綏之」耳。 矣君子」也。 言「興」,以晐下章也。全《詩》放此。 上曼之,喻后妃能下逮,其衆妾得以親坿焉。《傳》於首章 履 「荒,奄」、三章「縈,旋」,義同。 ,禄」、《爾雅· 即 「古文「妥」爲「綏」。」此綏、妥聲通之證也。 綏古讀 藟,葛屬。《釋文》引《義疏》云:「藟,葉似艾,白 「下句」,樛 《爾雅 凡「只」或在句中,或在句末,皆爲語詞。 言后妃有不嫉妬之德,可以樂此文王也。 釋言》文。 • 釋詁》: 朻 一聲義相 「福履綏之」,猶《鴛鴦》云「福 「履,福也。」禄亦福也。「綏 案樛木下曲而垂,葛藟得而 通。 《釋文》云: ○只,詞也。《南山有 鄭玄注《儀禮 「馬 · 士相 融 ☆韓 君

> 줄: 月》、《我將》、《長發》傳竝同。 地也。」「奄」與「掩」通。 矣。「荒,奄」、《釋言》文。《説文》:「荒,蕪也。 須用「也」以別之。詞已盡,則用「也」以別之。 奄」下奪「也」字,今補。凡言「也」者,別詞也。 只君子,福履將之。【傳】將,大也。【疏】《傳》「荒, 「將,大也。 南 有樛木, 齊楚之郊或曰京,或曰將。」《破斧》、《正 葛藟荒之。 ○「將,大」,《釋詁》文。《方言》 【傳】荒,奄也。 今本多互亂 日: 詞未盡,不 樂

訓。《傳》爲全《詩》「成」字通訓,凡「成」皆有「就」義也。與君子,福履成之。【傳】成,就也。」成、就二字互云。「云,旋也。」繁、云聲相近。鄭注《士喪禮》云:「幎,讀若云。「云,旋也。」繁、云聲相近。鄭注《士喪禮》云:「幎,讀若一、藥」。「縈」與「藥」。《傳】索,炎也。樂南有樛木,葛藟縈之。【傳】索,炎也。樂

《螽斯》三章,章四句。

句。不妬忌,則子孫衆多也。《螽斯》,后妃子孫衆多也,言若螽斯。

蝗也。 螽比后妃。 ○宜者,承上轉下之詞。 或作「鋅鋅」矣。《桑柔》傳:「甡甡,衆多也。」竝字異義同 鶻 則螽爲蚣蝑,斯螽爲蚣蝑,猶鳩爲秸鞠,尸鳩爲秸鞠,鳩爲 螽、《七月》篇作「斯螽」、《爾雅》、毛《傳》皆謂之「蚣蝑」。 螽,整螽,土螽。」李巡注云:「皆分别蝗子異方之語。」析 螽。」《穀梁》謂「螽」爲「蟲」、《公羊》作「蠓」。《説文》:「螽」 斯,蚣蝑」,疑「螽」下「斯」字當衍。《春秋》:「桓五年秋 《集韻•三十二霰》引《説文》:「詵,衆致言也。」「詵 切。」「辨」即 ○《釋文》:「詵、《説文》作「鋅」。」今《説文》佚「鋅」字。《玉 【疏】斯、語詞。 【傳】螽斯,蚣蝑也。 [》引《詩》作「莘莘」。 ·鳩,鳴鳩爲鶻鳩。 「螽斯」,則 「辨,所巾切。 或作「蟓」。」是螽即蝗矣。《爾雅》:「阜螽,草螽,析 螽斯 詵詵、薨薨、揖揖,言后妃子孫衆多也, 「鋅」之異體,或三家《詩》有作「鋅鋅」者也。 羽,詵詵兮。 「析螽」亦可倒作「螽析」矣。 「螽斯羽」與「麟之止」句法相同,《傳》云「螽 《皇皇者華》傳:「駪駪,衆多之兒。」《晉 羽多皃。」《集韻》:「辨辨,羽多。 此單評、 「駪駪」之或作「莘莘」,猶「詵詵」之 詵詵,衆多也。 爾,女也。 象評之例。 宜爾子 女,女后妃也。 若謂[斯螽]可 孫,振 振振,仁厚也。 解者失之。 派振兮。 此詩以 振振 所臻 趙 然 倒

性,懇誠貌也。」今《詩》作「諄諄」,並與「振振」聲同義近。性,懇誠貌也。」今《詩》作「諄諄」,於與其靁》傳「振振,信厚」各隨文訓。《禮記·中庸》篇則子孫衆多」,所以推本衆多之由,故經中「宜」字有三義則子孫衆多」,所以推本衆多,又皆賢也。《序》云「不妬忌,繩繩、蟄蟄,言后妃子孫衆多,又皆賢也。《序》云「不妬忌,

合》篇: 篇 》: 訓》 【傳】薨薨,衆多也。 之爲「戒慎」,其訓古矣。 慎也。」《抑》「子孫繩繩」、《箋》:「繩繩,戒也。」《管子・ ○《爾雅》: 也。』《集韻・十七登》引《博雅》: 武」,三家《詩》作「慎其祖武」。《韓詩外傳》云:「《詩》曰: 「末世繩繩乎惟恐失仁義。」竝與《詩》「繩繩」同。 是「繩繩 通作「薨」。」今《廣雅・釋訓》:「翍 「宜爾子孫,繩繩兮。」言賢母使子賢也。」 「沝、蟲飛也。」「夢,群鳥弄翅也。」蓋本三家《詩》。 「薨薨,衆也。」《傳》用《爾雅》,而益其義云:「衆多 螽斯羽,薨薨兮。 「故君子繩繩乎慎其所先。」《淮南子・繆稱》篇: 「繩繩,戒也。」《傳》用《爾雅》,而益其義云: 繩繩,戒慎也。【疏】《爾雅 繩、慎雙聲,故《下武》「繩其祖 宜爾子孫,繩 松、菊菊,飛也。」《玉 或作[翍]。 繩 兮。 一戒 宙 釋

螽斯羽,揖揖兮。宜爾子孫,蟄蟄兮。

九

南・原道》注:「蟄,讀「什伍」之「什」。」《吕覽・孟春紀》 近之也。」據此,或三家《詩》有作「掛掛」訓「盛」者。《淮 訓「衆多」。揖,通作「集」,如《説文》「鏶,或作「鍓」」之例。 《廣雅》: 【傳】揖 注、《音律》注:「蟄、讀如《詩》【《文王》之什」。」此「蟄」聲與 云:「《詩》曰:「宜爾子孫,蟄蟄兮。」蟄蟄,❶衆也。 ○《説文》:「掛甚,盛也。 揖」爲「會聚也」者,言衆多而會聚之,進乎衆多之詞也 「十」聲同音之理。 「蟄,静也。」郭注云:「見《詩傳》。」此亦三家義。 揖,會聚也。 「集集,衆也。」説或本三家,與「詵詵」、「薨薨」並 《傳》云「和集」,亦「盛」之意也。 螯 茧, 从十,甚聲。」徐鍇《繁傳》 和 集也。 【疏】《傳 此卙義 澤釋 《**爾** 挰

《桃夭》三章,章四句。

之鰥。民不失正時,國無鰥民。《書大傳》云:「舜年三十女以正,婚姻以時,國無鰥民也。【疏》《序》言男女婚姻必以正時,上句言「正」,下句言「時」,互詞耳。男子女婚姻必以正時,上句言「正」,下句言「時」,互詞耳。男子女以正,婚姻以時,國無鰥民也。【疏》《序》言男女以正,婚姻以時,國無鰥民也。不妬忌,則男

不娶,稱鰥也。」

. O

三章,則桃不專指華矣。《傳》云「桃有華之盛者」,此釋首 與茂盛同義。《説文》:「娱,女子笑兒。」引《詩》作「娱娱」, 《説文》:「枖,木少盛皃。」引《詩》作「枖枖」。《小笺》云: 章,探下「灼灼其華」句、《正義》云「桃少,故華盛,以喻女少 于歸,宜其室家。【傳】之子,嫁子也。于,往也。 焯,亦謂之灼,因之凡色之光華明盛者皆謂之焯,亦謂之灼 俊心」,今《立政》篇作「灼」。 此三家義。云「灼灼,華之盛也」者、《小箋》云:「灼灼,即 而色盛」是也。云「夭夭,其少壯也」者,謂桃不謂華也。 夭以喻女子之少壯,其華喻色,實喻德,葉喻形體。 又分屬 宜以有室家,無踰時者。【疏】興者,三章皆言桃: 之盛者,夭夭,其少壯也。 「焯焯」之假借。焯,明也。」案《説文》引《周書》「焯見三有 「夭夭,盛皃。」字亦作「媄媄」,《廣雅》:「媄媄,茂也。」少壯 「夭夭,即「枖枖」之假借也。」《豈風》:「棘心夭夭。」《傳》: 桃之夭夭,灼灼其華。【傳】興也。 此灼、焯聲通之證。 灼灼,華之盛也。之子 桃 明謂之 有華 夭

❶ 「蟄蟄」,祁嶲藻刻《説文解字繁傳》作「蟄」。

桃寶興婦德也。○云「家室,猶室家也」者,與上章同義,謂但有華色,又有婦德。之子 于歸,宜其家室。倡門不果曰實。「所華結實之稱。「有費其實」,言桃之實費然大也。僖三八年《穀梁傳》云:「實之爲言猶實也。」 八艸木果曰實。《傳》云「非但有華色,又有婦德。之子 于歸,宜其家室。稱實與婦德也。○云「家室,猶室家也」者,與上章問義,因之作「顧」。」《爾雅》作「廣」、《周禮》作「費」。 桌實爲費,因之戶,華結實之稱。「有費其實」、【傳】養,實貌。非桃之夭夭,有費其實。【傳】養,實貌。非

内謂之家。」《説文》:「家,凥也。」
也。渾言之,室亦家也。《爾雅》:「牖户之閒謂之扆。其也。渾言之,室亦家也。《爾雅》:「牖户之閒謂之扆。其宜,女子生而願爲之有家。」桓十八年《左傳》:「申繻曰:宜其有家室也。《孟子・滕文公》篇:「丈夫生而願爲之有宜其有家室也。《孟子・滕文公》篇:「丈夫生而願爲之有

矣。《廣雅》:

「灼灼,明也。」《玉篇》:「灼灼,華盛皃。」「盛」

也。 《匪風》、《庭燎》、《沔水》、《祈父》、《我行其野》、《谷風》、《魚 衿》、《東方未明》、《甫田》、《敝笱》、《唐·揚之水》、《鴇羽》、 蘇》、《北風》、《新臺》、《蝃蝀》、《大車》、《清人》、《風雨》、《子 經「宜其家人」句,此逆辭釋經之例。《傳》不與上二章同訓 德、婦言、婦容、婦功。」〇云「一家之人盡以爲宜」者,以釋 也。 者,承上二章,而又明此言桃葉之至盛,以興女子之形體 引《詩》作「其葉溱溱」。《傳》云「有色有德,形體至盛 傳:「溱溱,衆也。」王應麟《詩考》載杜佑《通典·禮十九 【傳】一家之人盡以爲宜。【疏】蓁,聲同臻,故云「蓁蓁. 至盛兒」。 有色有德,形體至盛也。之子于歸,宜其家人。 凡《詩》三章,有末章與上二章辭異者,若《汝墳》、《采 形體,猶言婦容也。 桃之夭夭,其葉蓁蓁。【傳】蓁蓁,至盛貌。 《廣雅》:「蓁蓁,茂也。」字亦通作「溱」、《無羊) 《葛覃》傳云:「古者女師教以

卷

引末章、而釋之云:「宜其家人、而后可以教國人、正所謂幹之變、本意之殊、故往往不與上二章同訓。《箋》不然矣。辭之變、本意之殊、故往往不與上二章同訓。《箋》不然矣。」、《。本意之殊、故往往不與上二章同訓。《箋》不然矣。」、《。本述》之「撰」、《為撰》之「輔」、《緇衣》之「辨」、《遊柳》、《漸漸之石》,此文之變也。又有末章與上二漢》、《菀柳》、《漸漸之石》,此文之變也。又有末章與上二漢》、《菀柳》、《漸漸之石》,此文之變也。又有末章與上二漢》、《菀柳》、《漸漸之石》,此文之變也。又有末章與上二

《兔罝》三章,章四句。

家齊盡宜之道也。」《傳》意實本《大學》爲說

則莫不好德,賢人衆多也。【疏】《卷耳》之應。《兔罝》,后妃之化也。《關雎》之化行,

意於道也。」《易林·坤》云:「兔罝之容,不失其恭。」並與兔罝,兔罟也。丁丁,椓杙聲也。赳赳武夫,公侯兔罝,兔罟也。丁丁,椓杙聲也。赳赳武夫,公侯兔罝,兔罟也。丁丁,椓杙聲也。赳赳武夫,公侯兔買,兔罟也。丁丁,椓杙聲也。赳赳武夫,公侯兔買,兔罟也。丁丁,椓杙聲也。赳赳武夫,公侯

干城。」「濟濟多士,文王以寧。」」此引《詩》證文王之能用賢 니 聲。 《衆經音義》卷十七引郭注云:「置,遮也,遮取兔也。」《説 武夫之能爲公侯扞城其民也。《吕覽·報更》篇:「宣孟德一 傳》:「此公侯之所以扞城其民也、故《詩》曰:「赳赳武夫」 赳,武」、《釋訓》文。《説文》:「赳,輕勁有才力也。 買」作訓也。《釋宮》:「樴謂之杙。」郭注云:「橜也。」又謂 士猶活其身,而況德萬人乎? 公侯干城。」、《左傳》釋《詩》「干城」即「扞城」。 干,古文假借 近。「干,扞」、《釋言》文、《采芑》同。成十二年《左 今俗謂之朾橜。杙者,「弋」之俗。丁,古「朾」字。 禽獸,必築橜於地,而以捕器網之。 物於絹中,鳥來下,則掎其腳。」案「絹」與「罥」同。 凡網取 張、罿、單之屬,所以扃絹禽獸。」《翨氏》注:「置其所食之 忘蹏。」《釋文》云:「蹏,兔罥也。」《周禮·冥氏》注: 也。」亦謂之蹏、《莊子・外物》篇:「蹏者所以在兔,得兔而 之招、《孟子・盡心》篇「又從而招之」,趙岐注云:「招,罥 文》:「椓,擊也。」丁丁爲椓聲。《傳》云「椓杙聲」者,家「兔 毛訓同。 毛《傳》「干」訓「扞」,義本《爾雅》,其實本《左傳》爲訓,言 讀若鐈。」《酌》傳云:「蹻蹻,武兒。」 「聲、喬聲正相 《釋器》:「兔罟謂之罝。」《傳》所本也。 故《詩》曰:「赳赳武夫、公侯 置兔亦如是也。 釋玄應 ○「赳 从走 椓杙 弧

未然。」此或出於三家《詩》義。《毛詩》簡略,義當然也。 可任,爲將帥之德,公侯可任以國守,扞城其民,折衝禦難於 禦侮四臣之一。 也 之政,西土服。」據此,則《兔罝》之「武夫」指閎夭、泰顛其人 也。」《墨子・尚賢上》篇:「文王舉閎天、泰顛於罝罔之中,授 公侯,謂文王也。 》傳云:「武臣折衝曰禦侮。」 《書大傳》稱「閎夭免文王牖里之害」,爲胥附先後奔走 鄭《箋》亦云:「此兔罝之人,賢者也,有武力 高誘注云"「言其賢可爲公侯扞難其城藩

《緜

説是也。 《左傳》以爲逵道九軌,劉炫規之,「逵爲九道交出」。 或作「逩」。」是馗、逩同字,而九達、 《文選》顏延之《皇太子釋奠詩》注、王粲《從軍詩》注引《韓 乃引杜解爲説。 五軌。」杜謂「逵當九軌」,直以野涂而容國中涂矣。《釋文》 也。」《説文・九部》:「馗、九達道也。 詩》「施于中馗」,《薛君章句》云:「中馗,馗中,九交之道 赳赳武夫,公侯好仇。【疏】施,讀如「施罟濊濊」之 《爾雅 肅 逵,謂野涂也。《考工記》:「國中經涂九軌,野涂 《肅兔罝,施于中逵。 《傳》遂,九達之道。 釋宮》云:「九達謂之逵。」《傳》所本 〇仇,匹 也。 義見《關雎》,《傳》例不煩更 九交同 似龜背,故謂之馗。 義也。 杜預注 案劉 也

> 耦。 伊之徒,冠倫魁能。」竝與《詩》「仇」字義同 匹耦己之心。」昭三十二年《左傳》:「史墨曰:「物生有兩,有 見也。「公侯好匹」,言武夫能爲公侯之好匹。 云"「言重耳當伯諸侯,爲王妃耦。」《漢書· 曰:「若狄公子,吾是之依兮。 三,有五,有陪貳,故天有三辰,地有五行,體有左右,各有妃 由群匹」之「匹」。《假樂》箋云:「循用群臣之賢者,其行能 「伊、吕乃聖人之耦。」《文選》楊雄《甘泉賦》: 王有公,諸侯有卿,皆有貳也。」《晉語》:「國人誦之 鎮撫國家,爲王妃兮。」」章注 董仲舒傳》贊: 「搜逑索偶、泉 匹,當讀 率

傳》: 《駉》傳云::「野外曰林。」徐榦《中論・法象》篇::「人性之所 《詩》云:「肅肅兔罝,施于中林。」處獨之謂也。」〇《傳》云 簡也,存乎幽微。 故君子敬孤獨而慎幽微,雖在隱蔽,鬼神不得見其隙 之原也。 心。【疏】《正月》「瞻彼中林」、《傳》亦云:「中林,林中也。」 赳赳武夫,公侯腹心。【傳】可以制斷公侯之腹 「可以制斷公侯之腹心」者, 「及其亂 肅肅兔罝,施于中林。【傳】中林,林中。 孤獨者,見之端也。 也,諸侯貪冒侵欲,不忌争尋常,以盡其民 人情之所忽也,存乎孤獨。 胡可簡也? 以釋「公侯腹心」句。《左 胡可忽也? 夫幽微者,顯 也 是

卷

略其武夫,以爲己腹 夫,公侯腹心。」天下有道,則公侯能爲民干城而制其腹心。 心 股 肱 爪 牙。 故《詩》曰 『赳赳武

説。 侵欲也。「公侯腹心」,謂武夫能爲公侯制斷其腹心,則「公 亂則反之。」杜注云:「舉《詩》之正,以駁亂義。《詩》言治 適見刺於《兔罝》耳。 也。」」此言小人用事,上不能制君腹心,下不能爲民干城 萬里設備, 麋鹿耳。 侯干城」亦謂武夫能爲公侯扞城其民矣。皆就賢者一邊 言「制」,毛《傳》本之以益其義云「制斷」者,謂制斷其貪冒 世,則武夫能合德。 桓寬《鹽鐵論・備胡》篇:「賢良曰:「匈奴,如中國之 好事之臣求其義、責之禮、使中國干戈至今未息、 `此《兔罝》之所刺。 公侯外爲扞城,内制其腹心。」《左傳》 桓釋《詩》正與毛訓合。 故小人非公侯腹心干城 首章言禦侮

《芣苢》三章,章四句。

二、三章不言禦侮也。《箋》俱依「禦侮」爲説

母,乃作《芣苢》之詩。」又《文選》劉峻《辯命論》注引: 子矣。【疏】《列女傳・貞順》篇:「蔡人之妻者,宋人之女 既嫁於蔡,而夫有惡疾。其母將改嫁之,女終不聽其 《芣苢》,后妃之美也。 和平則婦人樂有 「《韓

> 去也。」「案三家與毛異,然亦被文王后妃之化,故婦人能守 乎,我猶采采而不已者,以興君子雖有惡疾,我猶守而不離 惡疾,人道不通,求已不得,發憤而作,以事興芣苢雖臭惡 詩 *: 一不去,盡其情,一心乎君子者也 【《芣苢》,傷夫有惡疾也。』薛君云: 「詩人傷其君子有

《正義》引《義疏》云:「馬舄,一名車前,一名當道,喜在牛 也。 也。 麥」。 也。」「芣苢,馬舃,馬舃,車前」、《爾雅・釋草》文。郭注 云:「謂非一采而已之詞。」《韓詩章句》亦云:「采采而不已 藏之也。【疏】「采采,非一辭」,辭,當作「詞」。《小箋 如夢藶,赤黑色。」」據蘇說,則芣苢之實如麥不如李。一本 難。」《説文》:「芣苢,一名馬舃。 幽州人謂之「牛舌草」。 跡中生,故曰「車前」、「當道」也。今藥中「車前子」是也。 云:「今車前草,大葉,長穗,好生道邊,江東呼爲蝦蟆衣。」 《周書》所説。」段《注》引黄公紹《韻會》載《説文》「李」作 采,取也。采采芣苢,薄言有之。【傳】有 芣苢,馬寫,馬寫,車前也,宜懷任焉。薄,辭 采采芣苢,薄言采之。【傳】采采,非一辭 案唐慎微《證類本草》:「蘇頌《圖經》云:「車前,實 可鬻作茹,大滑,其子治婦人産 其實如李,令人宜子。

言皆語詞」是也。 李固傳》注引《韓詩章句》:「薄,辭也。」辭,亦當作「詞」。 限於首見也。」案《傳》爲全《詩》「薄」字發凡也。《後漢書・ 蘇》、《柏舟》、《出車》、《采芑》、《采緑》、《時邁》、《有客》、 《車攻》「薄狩」、《泮水》「薄采」、「薄」皆詞也。 今字通作「辭」。《谷風》「薄送」、《出車》、《六月》「薄伐」, **苢》之「薄」、《漢廣》之「思」、《草蟲》之「止」、《大叔于田》之** 文辭作「辭」,辭,說也。凡形容及語助、發聲作「詈」,如《芣 即《周書》「令人宜子」之説也。任,古「妊」字。今《逸周 同物,皆與《爾雅》、毛《傳》不合。《傳》云「宜懷任焉」者,此 [忌]是也。「薄」見《葛覃》矣。於此始爲傳者,漢人傳注不 《駉》不爲「薄言」作傳,余友高郵王引之《經傳釋詞》云「薄 《駉》皆曰「薄言」,言亦詞也。 「辭,當作「詞」。《説文》作「習」,意内而言外也。《説文》凡 王會》篇作「桴苡」,即芣苢。 「芣苢,澤瀉也。」韓以芣苢、車前爲别物,又以澤瀉爲 桊 《箋》「薄言」爲「我薄」,失之矣。「采」訓 《載馳》不爲「言」字作傳: ○「薄,辭」,《小箋》云: 此篇及《采

> 言,「袺之」、「禰之」即承首章「有之」而言。藏,古作「臧」。 者,藏之,謂收藏之也。《廣雅》:「有,取也。」高郵王念孫者,藏之,消收藏之也。《廣雅》:「有,取也。」高郵王念孫 本藏之,謂收藏之也。《廣雅》:「有,取也。」高郵王念孫 下二章乃分承之耳。「掇之」、「捋之」即承首章「采之」而 下二章乃分承之耳。「掇之」、「捋之」即承首章「采之」 下二章乃分承之耳。「掇之」、「捋之」即承首章「采之」 下二章乃分承之耳。「掇之」、「捋之」即承首章「采之」 下二章乃分承之耳。「掇之」、「捋之」即承首章「采之」而 下二章乃分承之耳。「掇之」、「捋之」即承首章「采之」而 下二章乃分承之耳。「掇之」、「捋之」即承首章「采之」而

《本草注》云:「《韓詩》言:芣苢是木,似李,食其實,宜子

作「其實如李」,故解之者遂誤以芣苢爲木不爲草。

陶弘景

孫。」然《韓詩》不言「芣苢是木」,陶未知何據也。

又案《釋

文》引《韓詩》:「直曰車前、瞿曰芣苢。」《文選注》引《章

之既落者,捋是捋其子之未落者。」○、廣韻・六術》:「《傳》「捋取也」三字連讀,非訓「捋」義俱近。《後箋》云:「《傳》「捋取也」三字連讀,非訓「捋」義俱近。《後箋》云:「《傳》「捋取也」三字連讀,非訓「捋」祭,撥也。」「撥,拾取也。」《廣雅》:「掇,取也。」義竝同。采芣苢,薄言捋之。【傳】捋,取也。【疏】《説文》:

雅·釋器》:「執衽謂之結。」此《傳》所本也。《禮記·深采采若苢,薄言襭之。《傳》稱,扱衽也。《疏》《爾采采芣苢,薄言結之。《傳》結,執衽也。

采

采采芣苢,薄言掇之。【傳】掇,拾也。

二寸。合於齊,得一丈四尺四寸。 可以揜裳際也。 旁别用一幅布綴於右後衽之上,使鉤而前,漢時謂之曲裾 衣考》云:「續衽,謂裳之左旁縫合其衽。 屬連之,不殊裳前後也。 裳旁,亦交解,而以狹頭向上,寬頭向下,此衽之殺而上者 服皆用帷裳,前三幅,後四幅,裳際不連,有衽掩之,用布交 云:「衽,謂裳幅所交裂也。」凡衽者,或殺而下,或殺而上, 旁,别名爲衽,所謂「衽當旁」是也。」《玉藻》「衽當旁」,鄭注 成角者向上,以廣一尺八寸者向下,則四幅下廣亦得七尺 寬頭二尺,各去一寸爲縫。 矣。下齊當倍於要,又以布二幅,斜裁爲四幅。 正,得九寸。八幅,七尺二寸。其在上者,既足要中之數 爲八幅,上下皆廣一尺一寸,各邊去一寸爲縫,一幅上下皆 裁爲十二幅。其當裳之前襟、後裾正處者,以布四幅,正裁 衣》「續衽鉤邊」,鄭注云: 合前後上下相變。《深衣考》云:「衽有二。 是以小要取名焉。 「衽二尺有五寸」是也。 寬頭在上,合縫之狹頭在下,如燕尾之形,即《喪服》篇 古者布幅闊二尺二寸,深衣裳用布六幅 衽屬衣,則垂而放之,屬裳,則縫之以 此衽之殺而下者也。深衣之衽當 鉤邊,若今曲裾也。」婺源江永《深 續 狹頭成角,寬頭一尺八寸,皆以 ,猶屬也。 此四幅連屬於裳之兩 衽,在裳旁者也 鉤邊,謂裳之右 朝服、祭服、喪 狹頭二寸.

> 趿義相近。 扱,猶插也,許云「扱物」即是扱物於帶中。 所本也。 不殊裳,如深衣,而下無衽。」余友績溪胡培暈云「謂無二尺 耳。」案婦人衣與裳不殊,當如男子深衣,則衽乃屬於裳。 縫之以合前後,即此深衣之衽也。 也。 者,手持衽以盛物。 部》云:「以衣衽扱物謂之襭。 作「扱衽曰襭」,今從宋本。《釋器》:「扱衽謂之襭。」《傳》 五寸之衽,非謂無裳旁之衽」是也。 左旁爲然。 衽,而襭乃納物於衽也 云"「趿,進足有所擷取也。《爾雅》曰:「趿謂之擷。」」扱: 「執衽」、「扱衽」,是即當裳旁之衽。 衽屬於衣,則 郭注云:「扱衣上衽於帶。」李注同。《説文・衣 若右旁,則不能縫合,別有鉤邊。 垂而放之,謂朝、祭、喪服之衽屬於裳,則 襭者,插 衽於帶以 襭,或作「擷」。」又《足部 其縫之以合前後者,唯 鄭注《喪服傳》: 〇「襭,扱衽也」,各本 (納物) 鄭亦略言之 非袺但手執 「婦人

《漢廣》三章,章八句。

可得也。【疏】南國,即江、漢之域、《禹貢》荆州。江、漢國,美化行乎江、漢之域,無思犯禮,求而不《漢廣》,德廣所及也。文王之道被于南

也。 召南之國 漢廣、汝墳,西不踰江沱。 侯叛殷之國,文王率焉,以朝聘乎紂。 商。」六州者,雍、荆、梁及徐、豫、楊也。徐、豫、楊,皆東諸 而後,東諸侯畔殷、《程典》云:「文王合六州之侯,奉勤于 宅程三年,三州之侯咸率。」三州者,雍、荆、梁也。 南國在荆、梁,不及楊、徐也。《逸周書・大匡》云:「周王 僅主西諸侯,其東諸侯非文王所主長之國。 視天下,則荆、梁皆西也。文王爲紂三公,受命出爲西伯, 也。」蓋文王治岐周,梁在岐周之西南,荆在岐周之東南,準 之南陽郡,即其地矣。《關雎》序云:「南,言化自北而 故《序》二《南》以江、漢之域爲南國,在西南者别之爲 其實文王所屬止有《禹貢》雜、梁、荆三州之地,東不過 「南,其地在南郡、南陽之閒。」」今河南南陽府,漢 而文王之化,其所被於東南者尤 此三分天下有其二 紂命文王典治 迨戡黎 南

南有喬木,不可休思。漢有游女,不可

卷

不可。 不可休興出游之女不可求。 漢廣不可泳、江永不可方,亦 犯禮」也。案《傳》以南方之木美興漢上之女貞,上竦之木 周室。」是又以「不可」釋「無」矣。無思,即《序》所謂「無思 也。 求思者」,「無求」,釋經之「不可求」,不可謂之無,無亦謂之 思」,皆詞也。《傳》爲全《詩》「思」字句末語助之發凡也。 文》:「本或作「休思」。」今訂正。《瞻卬》傳云:「休,息也。」 者義相近。《傳》云「上竦」即本《爾雅》之「上句」。 「思」又爲句首語詞,義見《文王》篇。 《傳》云「漢上游女,無 句曰喬。如木楸曰喬。槐、棘醜,喬。小枝上繚爲喬。」五 辭也。 永,長,方,沿也。【疏】、爾雅·釋木》:「句如羽,喬。上 思。江之永矣,不可方思。【傳】潛行爲泳。 「思」訓「辭」,辭,當作「詞」。 「休思」、「求思」、「泳思」、「方 「喬木上竦,少陰之木」是也。休思,各本作「休息」。 求思。【傳】興也。南方之木美。喬,上竦也。 上竦者,其上曲,其下少枝葉,高注《淮南•原道》云 《鴟鴞》「既取我子,無毀我室」,《傳》:「不可以毀我 漢上游女,無求思者。 漢之廣矣,不可泳 句,曲 《釋 思,

「傳」,武英殿本《水經注》作「詩」。

0

漢而 起興也。 首 章 唯弟三、四 句 Ē 一意,餘 皆 興

去十步,探之,則亡矣。 交甫與之言曰:「願請子之佩。」二女解佩與交甫而懷之。 世,當備禮以取之。 二、三章言薪中之楚、蔞可刈而束之,興貞絜之子在淫亂之 因見江、 :》引《韓詩傳》「妖服 「《韓詩》云: 「鄭交甫過漢皋,遇二女,妖服,佩兩珠。 此變文以言興也。 」作「鬾服」,奇寄切。 迴顧二女,亦不見。」《説文・ ○《初學記 《御覽・地部二 地部 鬼

詳略雖異,要皆出《内傳》文也。 敬皇后哀策文》注皆引《章句》游女爲漢神。 女,漢神也。 詩序》:「《漢廣》,悦人也。」」《琴賦》注:「《薛君章句》:「游 「漢女所弄珠如荆雞卵。」、《文選・江賦》、《南都賦》注所引 言漢神時見,不可得而求之。」《七啓》及《齊 又《文選・七啓》注: 《楚辭》王逸 「《韓

十七》與《初學記》同。

又《珍寶部一》:

「《韓詩内傳》云:

篇 也。 丽 《九思》: 知禮。 「孔子南游,遇阿谷處子。孔子曰: 『斯婦人達於人情 然則《韓詩》以游女興「之子」矣。《列女傳・ 「周徘徊兮漢渚,求水神兮靈女。」此用《韓詩》義 《詩》云:「南有喬木,不可休思。 漢有游女,不可 辯通》

> 是也。 泳、游 也。 而視之,見水下有兩石牛。」此則謂潛全没水中矣。」案段説 [由厀以下爲涉。]言潛者自其厀以下没於水言之,所謂 段注云"「潛行水中,對「浮行水上」言之。《邶風》傳曰 雅 「泳,游也。」渾言不别也。 後人不甚分明,若《水經注 釋水》文。《説文》: 《邶・谷風》「方」「舟」、「泳」「游」對文、方、舟一 類。 游者,浮水而過。 「泳,潛行水中也。」「潛,涉水也。」 哀九年《左傳》云:「是謂如川之 泳者,涉水而行。 江水》篇云:「有潛 《爾雅》: 客泳 類 泳

部》:「永,水長也。 滿,不可游也。」「不可游」與《詩》「不可泳」同意。《説文・永 象水 理之長。《詩》曰:「江之永矣。」」

同,治毛不廢三家也。《文選·登樓賦》注引:「《韓詩· 又「羕、水長也。《詩》曰:「江之羕矣。」」許兩引《詩》,字異義

「江之漾矣。」薛君云:「漾,長也。」」漾,即「羕」之俗,是《韓

永,古「羕」字。漢以絶流而渡言,故曰廣。 詩》作「羕」矣。《爾雅》:「水、羕,長也。」《毛詩》多古文。 江以順流而下

《釋言》又云:「舫,舟也。」《釋水》云: 言,故曰永。「方,附」、《釋言》文。 今《爾雅》「方」作「舫」。 「大夫方舟。」《方

風》傳云:「舟、船也。」方、舟與永、游析爲四事,舟爲船,方 满。」説家皆以「方」爲併船,「泭」爲併木,<u>一</u>者不同。 言》:「泭謂之篺。 **簰謂之筏。** 筏,秦、晉通語也。 方舟謂之 《邶·谷

也。

然《韓詩外傳》載阿谷處子事,亦引此詩,或韓乃斷章取義 求思。」此之謂也。」」《魯詩》「游女」即「之子」,與《毛詩》合。

○《六月》、《雝》傳云:「廣,大也。」「潛行爲泳」,《爾

訓,而不用「舫,舟」之訓。《邶》箋亦云:「方,附也。」之「方」當是併木,不是併船,故《傳》用《爾雅》「舫,附」之爲附,其義互見,蓋方舟,大夫之禮制,非泛言渡水。《詩》

乘騋也。 之方中》傳:「馬七尺以上曰騋。」亦從《周禮》説。是諸侯 上爲馬。」此《傳》云「六尺以上曰馬」,從《周禮》説也。《定 言駕,猶於薪言刈不言束,皆是待禮而行,求不可得之義。 良馬而養乘」之「養」。 ○《鴛鴦》傳:「秣,穀馬也。」此「秣」詁「養」,讀《校人》「頒 嫁娶之以禮 錯之爲言蔟蔟也。襍,與「集」同。集木與草爲襍薪,猶集 《夏官・廋人》:「馬八尺以上爲龍,七尺以上爲騋,六尺以 玉與石爲襍佩矣。《無羊》箋云:「麤曰薪。」《綢繆》傳云: 《廣雅》:「翹翹,衆也。」此三家義。薪,謂楚木、蔞草也。 永矣,不可方思。【疏】翹翹,高大之意,故云「薪兒」。 錯,襍也。之子于歸,言秣其馬。【傳】秣,養也。 「男女待禮而成,若薪芻待人事而後束也。」彼詩以束薪喻 六尺以上曰馬。漢之廣矣,不可泳思。 翹翹錯薪,言刈其楚。【傳】翹翹,薪貌。 騋七尺以上,爲諸侯所乘,則馬六尺以上,當是大 ,正與此同。《王・揚之水》傳:「楚,木也。」 養者,未及駕之詞也。於馬言秣不 江之

> 以上。」何與毛異。 羊傳》云:「天子馬曰龍,高七尺以上。諸侯曰馬,高六尺殊,而以「衛文乘騋」推之,則皆大夫乘也。何注隱元年《公殊,而以「衛文乘騋」推之,則皆大夫乘也。何注隱元年《公夫所乘。故此章之「馬」與下章之「驕」,雖有六尺、五尺之

芻」、「東楚」皆薪也。 楚」、「束蒲 翹翹之薪,互詞見義也。 木中之翹翹。翹翹,薪兒。楚木爲翹翹之薪,則蔞草亦爲 餘,正與《詩》「翹翹」合。《傳》云「蔞,草中之翹翹」,則楚亦 其葉又可蒸爲茹。」據此,則蔞蒿嫩時可食,老則爲薪高丈 寸,高丈餘。正月,根芽生旁莖,正白,生食之,香而脃美。 荓之類矣。《正義》引《義疏》云:「其葉似艾,白色,長數 雅》:「購,蔏蔞。」郭璞以蔏蔞爲蔞蒿。《管子・地員》篇 駒。漢之廣矣,不可泳思。 「刈蔞」皆薪也。 云"「蔞下於荓。」又云:「山之側,其草菌與蔞。」是蔞爲菌 翹然。之子于歸,言秣其駒。【傳】五尺以上 方思。《疏》《釋文》引馬融《毛詩注》云:「蔞,蔞蒿。」《爾 翹翹錯薪,言刈其蔞。【傳】萋,草中之翹 」皆薪也,《綢繆》首章言「束薪」,而下章「束 猶之《揚之水》首章言「束薪」,而下章「束 薪,其大名也。三家《詩 上句言「錯薪」,而下句「刈楚」、 江之永矣,不可 ?》解以 「錯薪」 日

二九

<u>-</u>

《傳》云「五尺以上」,即是「六尺以下」也。高誘注《淮南 誤。」與謂《株林》傳言大夫得乘驕,與何注統卿、大夫、士説 高五尺以上。」武進臧鏞堂説:「此「駒」字亦必「縣」字之 子•時則》、《脩務》篇兩云:「馬五尺以下爲駒。」然則駒乃 非韻,與蔞、株、濡、諏爲合韻。《説文》:「馬高六尺爲驕。 華》篇内同。《小雅》:「我馬維駒」。《釋文》云:「本亦作 文》作「驕」,引沈重云"「或作「駒」,後人改之。」《皇皇者 爲「衆薪」,則楚、蔞爲衆薪中之尤翹翹。 五尺以下之稱矣。何注《公羊傳》云:「卿、大夫、士曰駒、 有薪矣,非是。○駒,當作「驕」。《陳風》「乘我乘駒」、《釋 「驕」。」據《陳風》、《小雅》,則知《周南》本亦作「驕」也。 「乘墨車」,俱爲攝盛 《詩》曰: 《漢廣》「游女」非大夫也。 「我馬維驕。」。《株林》箋:「六尺以下曰驕。」此 士親迎而秣驕與《士昏禮 若然,楚、蔞外 别

《汝墳》三章,章四句。

之國,婦人能閔其君子,猶勉之以正也。 《汝墳》,道化行也。文王之化行乎汝墳

遵彼汝墳,伐其條枚。【傳】遵,循也。

汝,

二字疑有誤。蓋漢時汝水在汝陰縣北入淮,新蔡爲汝水所 《箋》:「陳屯其兵於淮水大防之上。」《釋水》:「汝爲濆。」郭 《説文》:「坋,大防也。」又作「潰」,《常武》傳:「潰,厓也。」 逕之上流也。「墳,大防」、《釋丘》文。《苕之華》傳:「墳, 名」,不見《禹貢》,而「決汝」見《孟子》。《漢書・地理志》: 子,怒如調飢。 澤。 東北。大隱水、出葉縣、東南流逕上蔡、新蔡縣境。 作「濆」,以防作「墳」,一也。奇領城,在今河南南陽府葉縣 汝别也。」案濆、墳字别,而義實通。 大防,即在水旁。 濆水出焉,世亦謂之大隱水。《爾雅》曰:「汝有濆。」濆者, 注引三家《詩》作「濆」。《水經注》:「汝水逕奇領城西北 大也。」大謂之墳,故防之大者,亦謂之墳。字亦作「坋」, 水 蔡,文王子蔡叔國。 「汝南郡定陵高陵山,汝水出,東南至新蔡入淮。」此「新蔡. 「遵,循」、《爾雅・釋詁》文、《遵大路》、《九罭》同。 「汝,水 「蔡人之妻作」。又陶弘景《名醫别録》:「澤瀉,生汝南池 ·蔡,蔡公。」是文王時先有蔡國矣。 名 汝南,蔡地。」以此驗之,汝墳正值二 也。 墳,大防 【傳】怒,飢意也。 然《晉語》:「文王諏于蔡原。」韋注: 也。 枝 曰 條, 《列女傳》稱《芣苢》爲 榦 曰 調,朝也。【疏】 枚。 蔡汝過之處。 未 見 以水 攷二 君

訓 朝饔少闕,是爲朝飢 譜》引《詩》作「怒如輖飢」。《毛詩》作「輖」,或作「調」,其義 文》引《韓詩》作「愵」、《方言》:「愵,憂也。」《説文》:「愵,惡 鄭以「條枚」爲枝本,義同此。○《爾雅》:「怒,飢也。」《傳》 于條枚。」《箋》云:「葛也、藟也,延蔓於木之枝本而茂盛。」 云「飢意」,謂「惄」爲飢之意,非直訓「惄」爲「飢」也。《釋 下章之「肄」亦謂斬本復生者也。 别生條也。」「枚、榦也。」是枝爲條、榦爲枚也。 所謂「汝墳」」,恐未是。○《説文》云:「條,小枝也。 枝木 書・郡國志》劉昭《補注》引《地道記》「汝陰有陶丘鄉,《詩》 之淮浦,此「汝墳」亦必非王莽之汝墳矣。 人淮爲汝墳,猶之淮水入海爲淮浦。《常武》「淮浦」非漢縣 在楚旁。」「妢」與 陰,故胡國,莽曰汝墳」。《考工記》注:「始胡,胡子之國 「朝」,謂即「朝」之假借字。古人朝食曰饔,夕食曰飧。 讀與「怒」同。」《釋文》:「調,又作「輖」。」李燾《五音韻 (「墳」通。 汝水入淮,在漢汝陰縣北。 《旱鹿》:「莫莫葛藟,施 司馬彪《續漢 榦者,本也。 汝水

《序》云「汝墳之國」,其即蔡公等國歟?

又案,「汝南郡汝

而復生曰肆。既見君子,不我遐棄。【傳】既,遵彼汝墳,伐其條肄。【傳】肆,餘也。斬

類衆矣。」 「「不我遐棄」,猶云「不遐棄我」,古之人語多倒。《詩》之此 栓,即條肄也。○《傳》訓「既」爲「已」,「已」爲「已止」之 《詩・頌》「苞有三蘖」同。」《説文》:「栓,古文「黴」字。」條 也。 「已」釋「既」也。 「已」,又爲「已然」之「已」。《雞鳴》、《行葦》、《公劉》傳並以 莖葉條栓,皆本於一根,而條循千萬也。」高注:「栓,讀 傳: 만; 「條肄」,即《書》之「由蘗」。《傳》既訓「肄」爲「餘」,又申之 生條也。」引《書》作「曳枿」,今《般庚》篇作「由蘗」。《詩》之 也。」引《商書》「若顛木之有曳獻」。● 《淮南子・俶真》篇:「今夫萬物之疏躍枝舉,百事之 「斬而復生曰肄。」斬而復生,即《説文》所謂「伐木餘」 「蘗,餘也。」《爾雅》:「枿,餘也。」《説文》:「欁,伐木餘 遐,遠也。【疏】肄者,「蘖」、「枿」之假借字。 「遐,遠」、《棫樸》、《下武》同。《正義》云: 又《马部》:「曳,木 《長發》

勞則尾赤。 燬,火也。 雖則如燬,父母孔邇。 魴魚赬尾,王室如燬。 【傳】赬,赤也。魚

❶ 「曳」,原作「甹」,據中國書店影印武林愛日軒刻本、經

 $\stackrel{=}{=}$

呼魴魚爲鯿,一名魾。」邢《疏》引《義疏》云:「魴,今伊、洛、 《鄭・羔裘》、《小戎》、《十月之交》同。凡「孔」與「既」同義 爆」。是許所據《詩》作「娓」也。○「孔,甚」,《釋言》文。 故仲師不從毛《傳》耳。《爾雅》:「魴,魾。」郭注云:「江東 衆云:「魚肥則尾赤,以喻蒯聵淫縱。」《左傳》不言「魴魚」, 十七年《左傳》:「如魚竀尾,衡流而方羊。」《詩正義》引鄭 其王事賢勞也。《説文》:「魴,赤尾魚也。」《玉篇》同。哀 尾赤、意以魴魚之勞喻君子之勞。上二章言遵墳、伐木、皆 文「魚」上當奪「魴」字、《正義》有「魴」字可證。 言魴魚勞則 文。《釋文》云:「燬,音毁。 毛不言魴爲何魚者,以魴常有人共曉耳。「燬,火」、《釋言》 濟、潁魴魚也。 【傳】孔,甚; 上《傳》:「既,已也。」《悉蟀》傳:「已,甚也。」孔者,甚之詞 故云「孔,且」者,猶「既,且」也,云「亦孔」者,猶「亦既」也 云:「魴,縮頭,穹脊,博腹,色青白,而味美,今之鯿魚也。」 「熀」、《説文》同。」《説文》:「熀,火也。」引《詩》作「王室如 《列女傳・ 〈詩》作「輕」,或作「赬」。 《左傳》作「竀」,爲假借字。 《傳》 「邇,近」、《釋詁》文。《東門之壇》、《杕杜》、《小旻》同。 賢明》篇: 邇,近也。 廣而薄,肥甛而少肉,細鱗。」羅願《爾雅翼》 「周南之妻者,周南大夫之妻也。大夫 【疏】赬從赤,故訓赤。 齊人謂火曰燬。《字書》作 《説文》引

> 聘乎紂。」故汝墳之國近在典治南方之中。 尾赤,君子勞苦則顏色變。以王室政教如烈火矣,猶觸冒 賢注引《韓詩》:「《汝墳》,辭家也。其卒章、《薛君章句》: 父母在故也。乃作此詩。 受命平治水土,過時不來。 義,毛意亦然也。《四牡》傳云:「文王率諸侯,撫叛國,而朝 仕者,以父母甚迫近飢寒之憂,爲此禄仕。」」案此皆三家《詩 《詩》至《汝墳》之卒章,慨然而嘆,迺解韋帶,就孝廉之舉。」李 生於亂世,不得道理,而追於暴虐,不得行義。然而仕者爲 素所與大夫言:國家多難,惟勉强之。 也,君子不以私害公,不以家事辭王事。 王之化,知君子之勤勞,猶勉其仕於紂朝。 也。」《後漢書·周磐傳》:「磐居貧養母,儉薄不充。 「赬,赤也。燬,烈火也。孔,甚也。 君子以是知周南之妻而能匡 妻恐其懈於王事,蓋與其鄰人陳 邇,近也。言魴魚勞則 無有譴怒,遺父母憂。 其時婦人亦被文 是文王之化行 嘗誦 而 夫

《麟之趾》三章,章三句。

如麟趾之時也。【疏】「衰世」與《野有死屬》「亂世」皆 行,則天下無犯非禮,雖衰世之公子,皆信厚 《麟之趾》、《關雎》之應也。《關雎》之化

謂殷紂時。

子皆信厚」,故《傳》以 之禮化,其德似麟也。 説矣。麟爲應禮之信獸、《詩》以麟喻公子,言公子應文王 引《異義》與此詳略不同。《左傳疏》又云:「賈逵、服虔、穎 三年,文成致麟,麟感而至。」然則先儒皆主「修母致子」之 容等,皆以孔子自衛反魯,考正禮樂,修《春秋》,約以周禮。 應」,以昭二十九年《左傳》云「水官不修,則龍不至」故也。 則應之。」是與《左傳》説同也。 出 思睿信立白虎擾,言從義成則神龜在沼,聽聰知正而名山 致子也。 麟信 人君則當方來應。」案孔穎達《左傳疏》及《禮記·禮運》疏 同,故《傳》既釋「止」爲「足」,又以「足至」申明「止,足」之 雅》"「止,足也。」今作「趾」,止、趾古今字。「止」與「至. 「龍,貌恭體仁則鳳皇來儀。」《騶虞》傳云:「有至信之德・ 《正義》云:「言信而應禮,則與《左氏》説同,以爲修母 :而應禮,以足至者也。 【傳】于嗟,歎辭。【疏】趾,《釋文》作「止」。 麟之趾,振振公子。【傳】興也。 服虔哀十四年《左傳注》云"「視明禮修而麟至 「振振」訓「信厚」。《殷其雷》「振振君 麟,依《説文》作「麐」。○《序》云「公 説者又云「人臣則修母致子 振振,信厚也。 趾,足也。 于嗟麟 爾爾

> 部》: 詞也。 也。 雅》:「嗟、咨,髪也。」《説文・ 或言「嗟」,或言「嗟嗟」,或言「猗嗟」,或言「于嗟」。 嗟,歎辭也。」于、吁古今字。辭,當作「詞」。 之所自出也。一章「公姓」、三章「公族」,同姓族於公子者 子」,謂大夫之信厚,《傳》訓亦同。 《文選》謝朓《八公山詩》注引《韓詩章句》亦云:「吁 「蓍,嗞也。」嗟、鬘、蓍同。 美歎曰嗟,傷歎亦曰嗟。 口部》:「嗞,善也。」《言 凡全《詩》歎詞有此二義。 公子,公之子也,姓、族 歎詞,美歎之 **爾**

别子爲得姓之祖也。公之子,别子也。公子之子,繼别也。 子始以王父字爲姓,故與公同姓之人,其姓實出於公,公之 「頗」。〇古者諸侯之子爲公子,公子之子爲公孫,公孫之 「顛」、「頂」、「顙」義同「定」,依聲託訓 例,遂據《爾雅》之文改毛《傳》之字矣。《爾雅·釋言》: 《傳》有不與《爾雅》盡同者,必於聲求義也。 「定,題也。 「顛」、《爾雅》作「題」,題、顛同義,而顛與定雙聲。 定本作「題」。《釋文》、《正義》皆以「顛」爲誤。 公同姓。于嗟麟兮! 顛,頂也。」《車鄰》傳:「白顛,的顙也。」「題」、 【疏】「定,題」,題,本作「顔」, 也。 解之者不通其 俗加「頁」作 疑《傳》本作 凡毛

桊

麟之定,振振公姓。【傳】定,題也。

公姓,

祖,故《唐·杕杜》「不如我同姓」、《傳》:「同姓,同祖也。」 高祖爲庶姓。」《傳》云「公姓,公同姓」者,同其姓,必同其 傳》云: 庶姓,而群庶姓又壹是統於大宗之正姓。 小宗。 至公孫之子,其長子則爲繼別之大宗,其庶子即 既有小宗,即有庶姓,五世而遷,其群小宗各自成其 「姓,世所由生。」又云:「姓,正姓也。 鄭注《禮記・大 始祖爲正姓, 5 爲繼禰 之

父之子相謂爲族晜弟」,高祖之玄孫也。 爲族。」杜注云:「諸侯不賜姓,其臣因氏其王父字,或便即 爲姓,以祖字爲族。 庭也。 族父」,曾祖之孫也。 先人之謚稱以爲族。」《爾雅・釋親》篇云「父之從祖晜弟爲 「角」上「麟」字疑衍。 德也。公族,公同祖也。 于嗟麟兮! 《公羊傳》曰:「有麢而角。」」〇公族,猶公姓也。 孫以祖字 「定」不言經義者,詳略可互見也。 又云「父之從祖祖父爲族曾王父」,高祖之子也。 《爾雅》:「麐,麕身,牛尾,一角。」郭注云:「角頭有肉。 麟之角,振振公族。【傳】麟角,所以表其 角、定皆有正直之義。 隱八年《左傳》:「諸侯以字爲諡,因以 自己而上數至於曾,此四世稱族之義 角之爲言梏也、較也,定之爲言頭也 此釋角爲表德,而於上章之 角、德雙聲,定、德亦雙 自己而上數至於 【疏】《傳》文 「族

> 氏姓之姓,謬矣。 族爲同祖。 始祖之命族爲族,所謂「同姓,從宗合族屬」也,故《傳 義也。 義》謂公族較親於公姓,則以公族爲親族之族,而以公姓爲 之子相謂爲親同姓」,與己同出於高祖之父,此六世絶族之 高祖,又下數至於玄孫,此五世九族之義也。 然雖絕族,其庶姓猶各以始祖之正姓爲姓,即各以 同祖即同姓,是姓、族皆有服内外之親也。《正 又云「族晜弟 》以同

四

卷 一終

長洲陳英學

召南鵲巢詁訓傳弟二 毛詩國風

「召南」焉 以西主之。 今京師順天府治。 召公未就國,居王朝爲西伯,自陝 案周武王封召公於北燕,在成王時爲三公。北燕國, 縣南有召亭。」《水經·渭水》注:「雍水東逕召亭南、 故召公之采邑。京相璠曰: 「亭在周城南五十里。」」 句。【疏】《釋文》:「召,地名。 召南之國十四篇,四十章,百七十七 周公定樂,遂以分陝,所典治之國名之曰 在岐山之陽,扶風雍

(鵲巢》三章,章四句。

〈鵲巢》,夫人之德也。國君積行累功以

卷

姒也。 巢》、《翳虞》,諸侯之風,故曰「夫人」。后妃、夫人,皆謂大 關雎」也。《關雎》、《麟止》,王者之風,故曰「后妃」。《鵲 王之化。」是《鵲巢》推本文王矣。「德如鸤鳩」,猶云「德如 以配焉。【疏】鵙、《釋文》作「尸」,今通俗作「鳲」。《騶 致爵位,夫人起家而居有之,德如鳲鳩,乃可 虞》序:「《鵲巢》之化行,人倫既正,朝廷既治,天下純被文 周公作樂,爲後世法

兮」、《傳》云:「鸤鳩、秸鞠也。 鳩爲戴勝鳥,辨見《鳲鳩》篇。《鳲鳩》篇「鳲鳩在桑,其子七 擊穀即秸鞠之轉語,穫、搏與布聲相近。《方言》又誤以鳲 注云:「江東呼爲穫穀。」鄭注《月令》作「搏穀」。案結誥 引《義疏》云:「今梁、宋之閒謂布穀爲鴶鵴,一名擊穀。」郭 梁、楚之閒謂之結誥,周、魏之閒謂之擊穀。」《爾雅》邢《疏》 於諸侯,送御皆百乘。【疏】鳩,五鳩之總名。《序》云 歸,百兩御之。【傳】百兩,百乘也。諸侯之子嫁 鳩、秸鞠也。 「鳲鳩」,故《傳》知鳩爲鳲鳩也。鳲鳩一名秸鞠,《爾雅》作 「鵠鵴」、《説文》作「秸鹆」、《方言》:「布穀,自關而東西, 維鵲有巢、維鳩居之。【傳】興也。鳩、爲 **鸤鳩不自爲巢,居鵲之成巢。之子于** 鳲鳩之養其子,朝從上下·

彭」、《箋》亦云:「百兩,百乘也。」 也。 禮》注:「御,當爲訝。 爲數也。 章「百兩將之」而總釋其義。《思齊》傳:「御,迎也。」《士昏 數也。《管子・乘馬》篇:「一乘者,四馬也。」百乘,以四馬 所謂「地道无成而代有終」之義也。《箋》云"「鵲之作巢 百乘」,兩、乘以車馬爲數。 在霜降後、冰泮前、故詩人以鵲巢設喻。 加巢。」又《時則》篇:「鵲加巢。」「加」與「架」通。 古人嫁娶 冬至架之,至春乃成。」《淮南子·天文》篇:「日冬至,鵲始 諸侯夫人。云「鸤鳩不自爲巢、居鵲之成巢」者、此《易傳》 莫從下上,平均如一。」是即鳲鳩之德也,故詩人以鳲鳩興 諸侯親迎,從者百乘也。《韓奕》「韓侯迎止,百兩彭 云「諸侯之子嫁於諸侯,送御皆百乘」者,此合次 訝,迎也。 兩,一車兩輪也,百兩以兩輪爲 謂壻從者也。」迎,親迎 ○《傳》云「百兩

有之」、「有,藏之也。」《靈臺》「經之營之」、「經,度之也。」之子于歸,百兩將之。【傳】將,送也。【疏】「方,有之」、《釋文》據《傳》「一本無「之」字」,非也。凡詁義不盡,則用「之」字以足之,如《關雎》「服,思之也」、《葛覃》「漢,煮之也」。又有連經文「之」字而言者、《芣苢》「薄言、"養文》」。【傳】方,有之也。

言衆多也。」諸侯之子送之者亦百乘。滕之文。《韓奕》「諸娣從之,祁祁如雲」、《傳》云:「如雲,「行」,「送」又「行」之引申也。送之者有留車之禮,又有來法。「維鳩方之」,「方,有之也」,其例正同。○「將」訓法

推鵲有巢,維鳩盈之。【傳】盈,滿也。之 子于歸,百兩成之。【傳】能成百兩送迎之禮 有也。」盈,讀如「百室盈止」之「盈」。巢之滿,猶室之盈也。 有也。」盈,讀如「百室盈止」之「盈」。巢之滿,猶室之盈也。 「盈,滿」、《匏有苦葉》同。《墨子・經上》篇云:「盈,莫不 有也。」盈,讀如「百室盈止」之「盈」。巢之滿,猶室之盈也。 之以釋之。云「能成百兩之禮」者,爲能成百兩之禮也。【疏】

《采蘩》三章,章四句。

祀,則不失職矣。【疏】《禮記·射義》云:「《采蘩》者,《采蘩》,夫人不失職也。夫人可以奉祭

樂不失職也。」

于,於,沼,池,沚,渚也。公侯夫人執蘩菜以助祭,于以采蘩,于沼于沚。【傳】蘩,皤蒿也。

藻之菜,筐、筥、錡、釜之器,潢、汙、行潦之水,可薦於鬼神 可羞於王公。」此《傳》及《采蘋》傳皆本《左》以爲說也。 三年《左傳》云:「苟有明信,澗、谿、沼、沚之毛,蘋、蘩、薃 《傳》作「於」,于、於古今字。 胡」,遊、由同也。 「蘩,由胡。蘩之醜,秋爲蒿。」蘩醜不一穜,《左傳疏》引《義 繁非水草,故《正義》以爲生於沼沚之旁者也。又《爾雅》: 小正傳》曰: 食,又可蒸。 疏》云:「凡艾白色爲皤蒿,今白蒿春始生,及秋香美,可生 皤蒿」、《爾雅 《傳》言「蘩菜助祭,不求備物」,即本《左傳》以釋經義。 「渚」,渾言之也。《蒹葭》傳:「小渚曰沚。」析言之也。 「於」,與「在」同義。 「沼,池」,《正月》、《靈臺》同。 「沚 「豆薦蘩菹。」本《小正傳》。 蘩,當作「蘇」。〇「于,於」、《釋詁》文。經作「于」, 「蘩,遊胡,遊胡,旁勃也。」」案今《小正》作「由 一名遊胡,北海人謂之旁勃,故《大戴禮•夏 ·釋草》文、《七月》同。《七月》之繁生蠶,則 陸以皤蒿、由胡皆蘩之異名。《箋》云: 則鄭亦以繁爲由胡,不始於元 上「于以」爲發聲,下「于」訓 訓 隱 玄

取也。「祭事」釋「事」字,則《傳》文「之」字疑當衍。荇菜,備庶物,以事宗廟。」彼言王后必備庶物者,義各有所「王后則荇菜也」者,《關雎》傳:「后妃有關雎之德,乃能共

神饗德與信,不求備焉。

沼沚

谿

澗之草猶

可以薦,

王后則荇菜也。

于以用之,公侯之事。【傳】之

,,祭事也。【疏】于以,猶「薄言」,皆發聲語助也。

蘩

云:「婦人有副禕盛飾,接見于宗廟。」此詩言公侯夫人助用編髮。編髮,即《周禮・追師》之「編次」也。《葛覃》傳「副笄六班」、《傳》:「副者,后夫人之首飾,編髮爲之。」彼【傳】祁祁,舒遲也。去事有儀也。【疏】《君子偕老》【傳】祁祁,舒遲也。去事有儀也。【疏】《君子偕老》(《傳】祁祁,舒遲也。 被之祁祁,薄言還歸。

被之僮僮,夙夜在公。【傳】被,首飾

也。

卷

三八

成,與髲髢制相似,然亦不以髲髢爲從祭之服。鄭注《追 「髲髢」之「髲」。髲髢,婦人常服。后、夫人副雖用編髮作 袂。」《禮箋》云:「被,即《詩》所謂「被」。」奂案:《少牢》: 祭宗廟,首飾必用副,則 盛。毛於「祁祁」探下文「薄言還歸」爲舒遲,「僮僮」探下文 也。」此三家《詩》義。 童通。《射義》注引《詩》「被之童童」、《廣雅》:「童童、盛 后、夫人從祭之服也。箋《詩》與注《禮》又不合。〇古僮 師》及《士昏》、《少牢》以髲髢爲《周禮》之「次」,而次又非 不得爲髲也。鄭改《少牢》「被」爲「髲」,又讀《詩》之「被」爲 被矣。大夫妻之被與諸侯夫人之被,被飾尊卑不同,而要 「主婦被。」《特牲》:「主婦纚笄。」被尊於纚笄,是大夫妻有 向晨。」晨,明也。 未艾。」未央、未艾即早夜之義。末章云:「夜如何其? 夜。《庭燎》云:「夜如何其? 「夙夜在公」爲竦敬,則首飾之盛不待言矣。 僮、竦疊韻 二字通訓也。 《生民》傳並訓「夙」爲「早」。 「夙,早」、《爾雅・釋詁》文。 「主婦被錫,衣侈袂。 古曰「夙夜」,今曰「早夜」。夜未旦謂之早 向明已非早夜矣。 「童童」爲首飾盛,「祁祁」亦當爲首飾 被之爲副,又可 《釋文》作「蚤」。《東方未明》、 主婦贊者一人亦被錫,衣侈 而此《傳》又爲全《詩》「夙夜 夜未央。」「夜如何其? 行事必以早夜爲恭 證 也。 《少牢 饋 夜 夜 食

> 也。 見也 廟也。 祁祁然也。 《有駜》,解者失其讀久矣,因具論之。《爾雅》:「祁祁、遲 用被爲首飾之最盛,其非視濯溉饎爨可知。 如《論語》「祭於公」之「公」。在公,正行助祭之禮,故夫人 敬 遲,徐也。」祁與遲聲同義通。《傳》云「舒遲」者,容儀安徐 民》、《韓奕》、《昊天有成命》、《我將》、《振鷺》、《閔予小子》、 《詩》中若《行露》、《小星》、《雞鳴》、《陟岵》、《雨無正》、《烝 夜在公」,質明而始行事。「薄言還歸」,晏朝而退也。 文「還歸」意緊相承,不應中閒横梗先夕親事可知。公,公 去之儀,則 夜」二字連讀得義,而與「夙興夜寐」平列者自不同也。 ,故《周 「被之僮僮,夙夜在公。被之祁祁,薄言還歸」,公,讀 歸,歸燕寢也。 語 「僮僮」爲助祭初來之儀。依文作訓,義可 E》 叔向 又申之云「去事有儀也」者、「祁祁」爲事畢 説《昊天有成 僮僮,來儀也。 命》曰: 祁祁,去儀也。 「夙 「夙 且「在公」與下 夜,恭也。」是 「夙 互 歸 全

草蟲》三章,章七句。

《草蟲》,大夫妻能以禮自防也

喓喓草蟲,趯趯阜螽。 【傳】興也。 喓 喓,

正意者,是其例也。 而言也。 必待備禮而後行。 蟓,即「蹇」字。 雅》釋文:「本亦作「蠹」,音終。」《公羊春秋》「螽」作「蟍」。 言其意所在也。 也。」躍、跳義同。 赞,而郭璞以爲常羊,本《毛詩》説。 長短如蝗也。 十九年秋,有蜚。」蜚亦蝗也。 負蠜。」《正義》引《爾雅》作「草蟲」,又引《義疏》云:「小大 喓,鳴也。」聲亦鳴也。 「異種同類」是也。 人謂蝗子爲螽子。 宗之義。 心忡忡。 卿、大夫之妻待禮而行,隨從君子。 (傳)止,辭 草蟲, 首章以阜螽之從草蟲,興妻之隨從君子,此蓋明 亦既見止,亦既覯止,我心則 【傳】忡忡,猶衝衝也。 也。 奇音,青色。 據諸家説,草蟲爲蝗,阜螽爲蝗子,《箋》謂 凡言興體,有寓意於喻言者,又有明言其 常羊也。 「阜螽,蠜」、《釋蟲》文。《義疏》云:「今 覯, 「待禮而行,隨從君子」,《傳》謂大夫妻 兖州人謂之螣。」阜,俗作「蛗」。 螽、爾 庶人之家有不待備禮者,卿、大夫之妻 二、三章以陟山采莱興從君子必當順 《説文》無「喓」字。 遇,降,下也。【疏】《廣雅》: 好在茅草中。」《春秋》:「莊二 趯 《漢書• 雄,躍也。 《廣雅》:「趯趯,跳 五行志》劉歆以爲負 婦人雖適人,有歸 未見君子,憂 《爾雅》: 阜螽, 「草螽・ 、攀也。 降。 . 「喓

曾子問曰:「女未廟見而死,則如之何?」孔子曰:「不遷於 亦留馬。 高固既取魯女而來反馬,示譏爾。 然大夫禮,亦三月廟見, 不得取他國中之女。女歲歸寧,大夫不得親自反馬,故齊 以歸,故留之也。 氏,留其所送之馬,謙不敢自安於夫。若被出棄,則將乘之 士卑,當夕成昏,皆不歸宗。故此《傳》亦謂大夫妻而言也! 上,不取國中之女,反馬告寧乃遣大夫行之。大夫無外交, 反其所留之馬,以示與之偕老,不復歸也。] 案古者諸侯以 安。三月廟見,遺使反馬。」孔《疏》云:「禮,送女適於夫 齊高固來逆叔姬。 《禮記•曾子問》篇:「孔子曰:「三月而廟見,稱來婦也。」 「冬,來反馬也。」杜注云:「禮,送女留其送馬,謙不敢 夫妻於初至時心憂之衝衝然也。《春秋》:「宣五年秋九月 古者婦人三月廟見,然後成婦禮。 未成婦有歸宗義,故大 之義」,以釋經「未見」、「憂心」。「未見君子」,謂未成婦也」 心兮憐憐。」又嚴忌《哀時命》:「心煩冤之憐憐。」《廣雅 其志願。 '爞'爞',憂也。」本三家《詩》。《傳》云「婦人雖適人,有歸宗 衝衝,讀如「憧憧往來」之「憧」。《楚辭・九歌》:「極勞 留馬之禮,即有歸宗之義。 ○忡忡、 至三月廟見,夫婦之情既固,則夫家遺 衝衝,占今語言之變也。 冬,齊高固及子叔姬來。」《左傳》: 諸侯以上,體尊無出 衝、说文》从 使 自

三九

説。

惙,憂也。

亦既

成。 卿、大夫者説 展其後亡者也,在上不忘降。」」案此雖斷章取義,然亦主爲 二十七年《左傳》:「鄭伯享趙孟。 也。 偶亦謂之遇,故《釋言》云:「遇,偶也。」《易·彖辭傳》: 遇也。《穀梁傳》云:「遇者,志相得也。」志相得謂之遇,相 字發凡也。《抑》箋云:「止,辭也。」《爾雅·釋詁》:「遘,遇 失之。 也。」「觀」與「遘」通。《公劉》、《抑》傳訓「觀」爲「見」,此 謂士以上皆當夕成昏,故以「未見」爲在塗,「既見」爲同牢, 黨,出則可以歸宗,全婦節,遂女志。又互見《葛屨》篇。 祖、不祔於皇、姑、壻不杖、不菲、不次。 示未成婦也。」」此亦大夫禮也。 ?而後聚。』《詩》言初昏之子得遇於君子。 遇也。 !」爲「遇」者,「既見」謂已見君子,「既遇」謂已與君子相 「善哉! 「降,下」,《釋言》文。《文王》傳亦訓「降」爲「下」。 室家成,而繼嗣生,所謂「相遇而後聚」也。此《傳》義 ○《傳》訓「止」爲「辭」,辭,當作「詞」,爲全《詩》「止 柔遇剛也。」又《序卦傳》:「媾者,遇也。 民之主也。 抑武也不足以當之。]又曰:「子 嫁不三月,不成婦死則歸 子展賦《草蟲》,趙 歸葬于母氏之黨 夫婦和,則室家 物 襄 孟 相 訓

也。 蕨,鼈也。 陟彼南山,言采其蕨。【傳】南山 未見君子,憂心惙惙。 , 周 【傳】惙 南 山

誤。 道》篇:「其爲悲不惙惙。」與《詩》「惙惙」同。 郭璞《山海經注》云:「楢,剛木,中車材,檀木中材,故曰楢 柔形相近,因而誤作「求」,又作「藻」。下一字,乃「鼈」字之 篇:「五粟之土,藻龜楢檀。五位之土,求 黽楢檀。」龜,劉 《傳》所説之「周南山」,其誤最甚。○「蕨,鼈」,《爾雅 檀。」鼈草可食,故曰柔鼈也。 麤堅,長不可食。 似蒜,莖紫黑色。 草》文。《齊民要術》卷九引《義疏》云:「蕨,山菜也。 ○《晏子春秋・外篇》:「惙惙矣,如之何?」《淮南子・ 美如葵。 以武功縣之太一當終南,說者謂《秦風》之「終南」即 山即太一 東,其南與郿縣接界。 南不分疆域,故《傳》云「周南 【傳】說,服也。 【疏】《詩》言南山,雖繫於召南,而 「鼈」字滅去上半之「敝」,遂誤作「黽」,又誤作「龜」耳。 山也。 三月中,其端散爲三枝,枝有數葉,葉似青蒿長 終南山 周、秦曰蕨,齊、魯曰鼈。<</p> 二月中,高八九寸,先有葉。 見止, 太一 ,在酆、鎬之南。 山即太白山 亦既覯 山」也。 夷吾齊人,故評蕨爲鼈矣。 止,我 **攷周原在今岐** ,在縣東南 古文《尚書》家説 「惙惙」爲憂 瀹爲茹,滑 心 則周 則 實與 此 山 初 原 釋 詩 生 南 縣 周

服雙聲、《爾雅》云:「悦,服也。」劉向《説苑・君道》篇引 憂也。」引《詩》:「憂心惙惙。」則忡忡、惙惙皆爲愛也。 則上章「忡忡」亦爲憂,義得互 《詩》作「悦」。 惙,憂也。」《説文》: 説、悦古今字。 「忡,憂也。」引《詩》: 明也。 《爾雅》:「忡忡、惙 「憂心忡忡。」「惙 説

水中。 薇》同。 三月未成爲婦,憂不當君子,無以寧父母,我心用是傷悲 者之常禮。 此説似得之,《四月》篇云:「山 故曰垂水。」吴江陳啓源《稽古編》云:「垂水生水旁,不牛 陸機以爲山菜。《爾雅》:「薇,垂水。」顧野王云:「水濱生, 夷。【傳】夷,平也。【疏】「微,菜」者,菜名「微」也、《采 日,思相離也。 見君子,我心傷悲。【傳】嫁女之家,不息火三 「孔子曰:「嫁女之家,三夜不息燭,思相離也。」」此凡嫁女 「鉶芼」皆用薇,芼即菜也。《説文》云:「嶶,菜也。 不當君子,猶恐其被出歸宗也。 陟彼南山,言采其薇。【傳】薇,菜也。 澗、谿、潢、潦皆山閒水,薇生其旁,無害爲山菜。」案 薇以芼羹、《公食大夫》、《士虞》、《特牲饋食・記》 《傳》引之者,以釋經「我心傷悲」。言大夫妻未 亦既見止,亦既觀止,我心則 有蕨薇。」○《曾子問》: 無以寧父母,故念父 似霍。」 未

> 同。 義,其正字皆當作「侇」也。 **侇爲古今字通用之證。凡全《詩》「夷」字有平、説、易、常四** 夫無聞。 三月廟見後,亦是思相離之義。 故有致女之禮。至如穆姜出拜,可謂寧父母矣。其禮行於 見之後、婦禮既成、使大夫聘問、謂之致女。」案父母思離 伯姬二月歸,夏致女,其閒近三月。禮,婦入三月廟見。 拜大夫之重勤。」又賦《緑衣》之卒章而人。」孔《疏》云:「此 辱,不忘先君,以及嗣君,施及未亡人。先君猶有望也,敢 享之。賦《韓奕》之五章,穆姜出于房,再拜,曰:「大夫勒 季孫行父如宋致女。』《左傳》:「季文子如宋致女,復命,公 母之思離己也。《春秋》: 「成九年二月,伯姬歸于宋。 「奉尸侇于堂」,「今文「侇」作「夷」。」侇,當爲「桋」。 夷者,「侇」之省。《説文》:「侇,行平易也。」《士喪禮 ○「夷,平」、《出車》、《節南山》、《桑柔》、《召旻》傳 諸侯致女、《春秋》一見,大 此夷、 夏,

《采蘋》三章,章四句。

義》云:「《采蘋》者,樂循法也。」 度,則可以 《采蘋》,大夫妻能 承先祖 ·共祭祀矣。 循 法 度 【疏】《禮 也。 能 記 循 法 射

四

詩》唯《召旻》作「瀕」耳。 Ш 潦,有潦而後有萍也。」」此正與《詩》義合。 生。」案字亦作「萍」、《月令》:「季春之月,萍始生。」《逸周 蘩、蕰藻之菜。」杜注云:「蘋,大蓱。」孔《疏》引《義疏》云: 古者嫁娶,秋始行之。 正》:「七月,湟潦生萍。 「今水上浮蓱是也。 而義實同。 者,非不浮也。 **蓱。」是蘋、蓱有大小、沈浮之異。 苹,其大名耳。 韓言沈** 《釋文》引《韓詩》云:「沈者曰蘋,浮者曰薸。 行潦,流 《詩》言采蘋藻爲菜,爲嫁女教成,而祭教成亦在七月。 蓋 行潦。【傳】蘋,大蓱也。 同。 時訓》篇: 《爾雅•釋草》:「苹,蓱。 于 ,今濱。」《説文》:「瀕,水厓,人所賓附也。」今《手 疑「濱」字出三家《詩》。 豫也。【疏】《説文》:「蕡,大蓱也。」今字通作 以采蘋 蘋作菜, 蓱不作菜也。 但其根連水底,較大於水浮之蓱。 「穀雨之日萍始生,紀萍生候也。」《夏小 其麤大者謂之蘋,小者曰蓱。季春始 南 南澗,南山之澗也。「濱,厓」、《北 《傳》:「湟,下處也。 澗 沈約《宋書· 之濱。 濱, 厓也。 《召旻》釋文引張揖《字詁》 其大者蘋。」《傳》所本也。 隱三年《左傳》:「蘋 于以 何尚之傳》引《毛詩 藻,聚藻也。 采 藻亦蘋之屬。 薸,音瓢。 有湟然後有 藻,于彼 説雖異. 即

> 「行潦,流潦也。」於南澗言蘋,於行潦言藻,互詞 茹,嘉美。」據陸説,則莖如 蒿,謂之聚藻。 雞蘇,莖大如箸,長四五尺。其一種莖大如釵股,葉 《傳》云「聚藻」、《左傳》謂之「蕰藻」、杜注云:「蕰藻、聚藻 也。」行,猶流也。 及《家訓·書證》篇引郭注"「三《蒼》並以牛薻謂即 也。」孔《疏》引《義疏》云:「生水底,有二種。 「莙,牛薻。」郭注:「似薻,葉大。 南 澗之瀕」。 0 此二藻皆可食、煮熟、捼去腥氣、米麫蒸爲 行潦,山澗之流潦也。《泂酌》傳 藻、《説文》引《詩》作 釵股者爲聚藻矣。 江東呼爲馬藻。」邢《疏》 薻 其一種 或 《爾雅》: 作 亦云: 介如蓬 葉如 聚藻

帝鬼神。」顏師古注云: 爲鶥,假借字也。 菽采菽,筐之筥之。」筐、筥盛菽,亦爲芼羹之用。 有方、圓之異。本爲飯器,乃以盛蘋、藻也。《小雅》:「采 受五升。秦謂筥曰籍。」筥、《方言》作「簇」。 筐、筥同類,而 《説文》:「匡,筥也。 有足曰錡,無足曰釜。【疏】《甫田》傳云:「在器曰盛。」 及釜。【傳】方曰筐,圓曰筥。 于以盛之,維筐及筥。 景祐本《漢書・郊祀志》:「皆嘗鶥享上 或作「筐」。」「筥,籍也。」「籍,飯筥也。 「鬺,煮也。 湘,亨也。 于以湘之,維 鵬享,煮而 錡,釜屬 祀 ○湘,讀 也。 錡 引

本也。本也。

祭禰者,明其宗也」,鄭注云:「謂宗子、庶子俱爲下士,得 廟者也。 注云:「言不祭祖者,主謂宗子、庶子俱爲適士,得立祖禰 子」之義也。《喪服小記》:「庶子不祭祖者,明其宗也。」鄭 廟」,轉寫者或涉《傳》上句「廟」字而改耳。今依《正義》作 下」,此依經作訓。 世不易之宗,廟爲百世不毁之廟。天子、諸侯有大祖廟,大 其族。大宗者,合群小宗而名之者也。 廟。 夫、士則爲始祖廟。《傳》云「大夫、士祭於宗室,奠於牖 亦群繼禰之庶子世世宗之。是祖爲百世不遷之祖,宗爲百 廟,不得有大宗之廟。大宗之廟唯繼別之宗子世世祀之, 則遷。」蓋古者立宗之義,有小宗以聯其情,又有大宗以收 庶子之長子,爲其昆弟爲宗。謂之小宗者,以其將遷也 小宗有四,或繼高祖,或繼曾祖,或繼祖,或繼禰,皆至五世 世長子,爲其族人爲宗,所謂百世不遷之宗。 繼禰者爲小宗。有五世而遷之宗,其繼高祖者也。」鄭注 「宗室」訂正。 云"「别子,諸侯之庶子,别爲後世爲始祖。 祭者稱宗。《禮記·喪服小記》:「别子爲祖,繼別爲宗。 詩言設祭於宗室,故謂室爲廟也。 凡正體在乎上者,謂下正猶爲庶也。」又「庶子不 大夫、士祭於宗室,此即「庶子不祭,祭於宗 下《傳》亦云「禮之於宗室」,各本作「宗 群小宗各有下正之 宗以廟爲主,故 繼禰者,别子 繼别,别子之 主

子、庶子皆爲適士,於禮皆得立祖禰廟,而主祭者唯宗子。 明其宗也。」宗子、庶子皆爲下士,於禮皆得立禰廟,而主祭 《曾子問》:「「宗子爲士,庶子爲大夫,其祭也如之何?」孔 者唯宗子。 雖庶子爲下正,得自祭禰,而不祭祖,故曰:「庶子不祭祖 立 《疏》引崔靈恩云:「當寄立曾祖廟於宗子之家,亦得以上 常事。」」蓋大夫得立曾祖廟,但己爲庶子,義不當立,故孔 子曰:「以上牲祭於宗子之家,祝曰:孝子某爲介子某薦其 祭禰,明其宗也。二案此士爲庶子不祭,祭必於宗子也。 唯宗子。」亦其義也。 牲宗子爲祭也。」《喪 知。《宗法小記》云:「宗子、庶子爲大夫,宗子爲繼曾祖之 亦唯宗子矣。若宗、庶同爵,皆爲大夫,庶子不祭,禮更可 祭。」案此大夫爲庶子不祭,祭必於宗子也。 祖 庶者,祖與曾祖與宗子共,不祭。 必祭於宗子之室矣。下士是庶子,不得立禰 禰 ,有曾祖、祖、 廟 宗子從父昆弟是下正,有禰廟主祭,而爲祖與曾祖之 也。 廟主祭,而 庶人祭於寢,主祭者亦唯宗子,故曰:「庶子不 雖 庶人亦 襴三廟主祭,宗子之弟三廟與宗子共,不 .爲曾祖之庶者,曾祖廟與宗子共,不 【服小記》:「士不攝大夫。 士攝大夫: 此宗子爲士,庶子爲大夫,而主祭者 然。」 歙 程 瑶 宗子從祖昆弟是下正,有 田《宗法小記》云: 廟, 然則大夫、士 而祭於 「宗

宗。 或非君同姓,故祭大宗之家」是已。 《正義》申明《傳》義云「言大夫、士祭於宗室,謂祖廟已 女,當祭女所出之祖。 夫是庶子,不得立曾祖廟,而祭於繼曾祖之宗。 禰之宗。 有户無牖,室則户、牖俱有。 爲無西房者,燕寢,非廟與正寢也。 胡培翬云:「大夫、士宗廟之制,室在中,有東西房。 嚮」、《周禮·司几筵》「筵國賓于牖前」是也。 牖閒爲尊位。 牖下爲堂上,意用《箋》義。 下」,與「牖閒」、「牖前」義蓋同。」 奂案胡説廟牖極明白, 篇 《左傳》正釋此詩。 〇「尸,主」、《釋詁》文。 也」,皆指室中。 「濟澤之阿,行潦之蘋、藻,寘諸宗室,季蘭尸之,敬也。」」 「死于牖下」、蔡邕《獨斷》「霤神在室,祀中霤,設主于牖下 若大宗,其室則宗子家也,其廟則 女部 適士是庶子,不得 :》引《詩》作「齌」、《説文》:「齌,材也。」《廣雅》: 亦有單 《詩》言「奠于牖下」,指室中不指堂上。 《傳》 - 就牖 祖廟毁,乃祭於大宗之家之廟。 >詁「齊」爲 襄二十八年《左傳》:「穆叔 立祖 以明其位 但《禮記》「飯于牖下」、《左傳 户在東,牖在西,故堂上以户、 《陟岵》、《候人》傳以「季」爲少 廟 敬」,即 牖下,宗室之牖下也。 而 房、室皆向堂開户,房 当者,《顧· 始祖廟也。 祭 於 /繼祖 本諸此也。 命》『牖閒 是皆曰 此詩言 之宗。 古者 或以 É 毁 二牖 嫁 大 小 南

《正義》回護鄭説,乃謂《傳》合教成之祭與父醴女爲一事, 異時。二事《箋》解經不誤,唯誤會《傳》義,以禮爲父醴女。 與《士昏禮》「父醴女而俟迎者」,在當嫁之夕,非將嫁之先 也。 女既於宗子之家教之。教之三月,又設奠於大宗之家。此 於魚湆之中,是鉶羹之芼。」又云:「魚,俎實。」《正義》云: 魚。」則牲用魚爲薄祭也。芼,菜也。《箋》云:「亨蘋藻者、 室,正與《禮記》教成之祭合矣。《楚語》:「庶人食菜,祀以 之事,而於此又引《昏義》文者,以明此詩亨飪蘋藻,奠祭宗 以蘋、藻,所以成婦順也。」《傳》於《葛覃》篇既言女師教女 室 婦人先嫁三月、祖廟未毀、教于公宮。祖廟既毁、教于宗 器」,此本《左傳》義,與《采蘇》傳同。「少女,微主」,即是 子,此「季」訓「少」,又爲少女也。《傳》既釋字訓,又總釋全 章大恉。「蘋、藻,薄物,澗、潦,至質,筐、筥、錡、釜,陋 「魚體在俎,蘋、藻亨於魚湆之中。」此釋牲魚芼蘋藻之説 「季蘭尸之」,亦本《左傳》義也。《禮記・昏義》篇:「古者 毛《傳》亦謂教成之祭。其云「禮之於宗室」者,將嫁之 教以婦德、婦言、婦容、婦功。教成之祭,牲用魚,芼之

《甘棠》三章,章三句。

非也

《甘棠》,美召伯也。召伯之教,明於南國。《疏》《漢書・王吉傳》、《說苑・貴德》篇、《法言・先國。《疏》《漢書・王吉傳》、《說苑・貴德》篇、《法言・先國。《疏》《漢書・王吉傳》、《說苑・貴德》篇、《法言・先國。《疏》《百虎通義・封公侯》篇及《巡守》篇竝引此詩爲召知》篇、《白虎通義・封公侯》篇及《巡守》篇竝引此詩爲召知》第个公路。《行露》述訟者之辭,《甘棠》美聽訟者之德。應用女之訟。」《行露》述訟者之辭,《甘棠》美聽訟者之德。而化在前,而采風在後也。《行露》第云:「衰亂之俗微,貞德之教興,殷之末世,周之盛德,當文王與紂之時。」此《箋》則云:「召公爲二伯,此美其功。」然同一召伯也,《行露》爲則云:「召公爲二伯,此美其功。」然同一召伯也,《行露》爲則云:「召公爲二伯,此美其功。」然同一召伯之教,明於南文王詩、《甘棠》,美召伯也。召伯之教,明於南文王詩、《甘棠》,美召伯也。召伯之教,明於南之者,以於南京、《甘棠》,美召伯也。召伯之教,明於南京王詩、《古宗》,

與? 耳。 也」以下四十一字、宋本、岳本皆爲《箋》。 《汝墳》「伐其條枚」、「伐其條肄」不訓 召伯聽訟。 剗謂剗除,與「去」義相近。 棠亦有子。白棠爲甘棠,赤棠歰如杜,則《詩》之杜,其赤棠 《傳》並無不合。《杕杜》正義引《義疏》云:「赤棠與白棠同 棠於杜。 證 甘棠也。」《小雅》:「有杕之杜,有皖其實。」此即牝杜之義 棠」,竝用《爾雅》。 《傳》於此 白者謂之棠。 杜,赤棠。 「伐,擊」、《采芑》同。 「芨,草舍也」四字爲《傳》,以下爲《箋》。《正義》云:「定 「去」者,去其枝葉也。 也。 赤棠子澀而酢,無味,俗語云「澀如杜」是也。」依陸説 但子有赤白、美惡。 杜 其白棠與? 从刀,歬聲。」隸變作「前」,經典通假作「翦」。 .有實,棠則華而不實。《説文》亦是通杜於棠,而 牡牝之説,足以補《雅》、《傳》之未及,而與《雅》、 「甘棠」釋「杜」,而於《唐風・ 白者棠。」是甘棠、赤棠皆得謂之杜,唯別其 周人勿剗,我賴其楨。」所據《詩》亦作「剗」。 杜可以通稱棠,棠則不可以通稱杜 《説文》云: 乃始與古説相混耳。《説文》:「荊 擊者,非斬伐之謂,乃毀傷之意。 《釋文》引《韓詩》作 子白色爲白棠,甘棠也,少酢,滑 蔡邕《劉鎮南碑》:「蔽芾甘棠 「棠、牡曰棠、牝曰杜。」「杜 撃」也。 秋杜》之「杜」釋「赤 汲古《注疏》本 :「剗,初簡反」。 ○「茇,草舍 也。 色之 齊 云 故 别 毛

> 《詩》作「废」也。今字作「茇」,與「废」同。 來聘,既享,宴于季氏。 曰:「起不堪也,無以及召公。」」此皆《傳》義之所出也 民,如周人之思召公焉,愛其甘棠。」」昭二年:「晉韓宣子 字,見襄二十八年《左傳》文。又定九年引《詩》而釋之云: 今據以訂正。《説文》「废,舍也。《詩》曰:「召伯所废。」」 本、《集注》於此 「宿敢不封殖此樹,以無忘《角弓》。」遂賦《甘棠》。 「思其人,猶愛其樹。」襄十四年:「晉士鞅曰:「武子之德在 《釋文》引《説文》「舍」上有「草」字,許正用毛訓,是其所據 【注内無 【《箋》云』。」則皆爲《傳》文可 有嘉樹焉,宣子譽之。 《傳》云「草舍」 武子曰: 證矣。 宣子

「壓」之俗作「憠」也。「、「慢」鬼」「火」、「慢」息也。」「慢」與「壓」聲近,「慢」之俗作「憩」,猶云:「憩,本又作「慢」。」《菀柳》、《民勞》皆作「慢」。《説敗。」○「憩,息」、《爾雅・釋詁》文。《詩》、《爾雅》釋文皆數。息也。【疏】《集韻・二十六産》引《韓詩》:「勿剗勿

如人身之拜,小低屈也。上言勿翦,終言勿拜,明召伯漸說,舍也。《疏》王讜《唐語林》引施士丐《詩説》云:「拜,被芾甘棠,勿翦勿拜,召伯所説。《傳》

【傳】

蔽芾甘棠,勿翦勿敗,召伯所憩。

怪》"「扒,拔也。」引《詩》:「勿翦勿扒。」鄭《箋》亦云:「拜 之言拔也。」皆本三家義。 訓「撃」,施乃誤仞爲「斬伐」,故謂毛爲非耳。《廣韻・十六 疑毛《傳》本有「拜,猶伐也」四字,今奪。然首章《傳》「伐. 遠,人思不可得也。《毛詩》:「拜,猶伐。」非也。」據施說, ○説、舍雙聲、《浮游》箋云:

行露》三章,一章三句,二章章

六句。

説,猶舍息也。

女傳・貞順》篇: 「詩爲申人之女所自作。」此三家説也。 之教興,彊暴之男,不能侵陵貞女也。【疏》列 《行露》,召伯聽訟也。衰亂之俗微,貞信

聲同。《傳》訓 風》之「攜手同行」、《有女同車》之「有女同行」、《行葦》之 「示我周行」、《傳》:「行,道也。」道義之道也。 此篇及《北 道,道義之道亦謂之道。《載馳》之「亦各有行」、《鹿鳴》之 也。【疏】《説文》:「浥,溼也。」厭浥,古語。厭、浥、溼三字 【傳】興也。 厭浥行露, 豈不夙夜? 厭浥,溼意也。行,道也。豈不,言有是 「行」爲「道」,凡六見而義别。 謂行多露。 道路之道謂之

謂行多露。」」此亦謂自量不才,故辭位,如人不早夜,可無 公族穆子有廢疾,將立之。辭曰:「《詩》曰:豈不夙夜? 豈有量力而動,猶至見伐乎? 又「襄七年,晉韓獻子告老。 不夙夜? 而動,其過鮮矣。善敗由己,而由人乎哉?《詩》曰:「豈 師伐隨,取成而還。 《左傳》:「僖二十年,隨以漢東諸侯叛楚。 可謂道中多露。 陵也。《傳》云:「豈不、言有是也。」謂有是早夜而行者、則 浥」者,道中之露也。然必早夜而行,始犯多露。 露也。 夜,而謂多露之能濡己乎? 誣善之辭,衆不能察,而歸之聽訟之明者也。故此云「厭 玩首章「謂」字,當與下二章「誰謂」之「謂」一律。誰謂者 謂道中之露太多,故不行耳。」《正義》即用此述《傳》。 方被訟不從,而乃先云「豈不欲之」,作此婉辭,不合語意 奔」文意相類,故《箋》云:「我豈不知當早夜成昏禮與? ○《後箋》云:「詩首三句,初讀之,似與「豈不爾思,畏子不 「爰方啓行」、《傳》云:「方開道路。」義亦同。 行露,道中有 「敦彼行葦」、《傳》:「行,道也。」皆道路之道也。《公劉 興者,夙夜行露喻犯禮,雀角、鼠牙喻彊暴速獄訟 謂行多露。二此正以夙夜犯露爲不量力之喻,言 經反言之,《傳》正言之,可謂善會經旨矣。 君子曰: 隨之見伐,不量力也。 以興本無犯禮,不畏彊暴之侵 楚鬬穀於菟帥 豈不早 量力 然女

四七

三句 \vec{z} 强來」,於經文三句中多一轉折,不如毛義爲允。《易林 嫁娶正時,「多露」則三月、四月已過昏時,故云「禮不足而 犯露耳。 此《箋》義: 「厭浥」爲「多露」,無二月、四月之别也。」 「厭浥晨夜,道多湛露。 一貫,語本直截。 杜注皆云: ,非《傳》義也。 『豈不欲早夜而行,懼多露之濡己。』 《箋》則以「行露」爲始有露,是二月 《傳》以 瀸衣濡襦,重不可步。]亦即以 「厭浥」爲多露濡溼之意

也。 字,合下章而總釋其義。 彊 家,若雀無角而有角 推其類,則雀似有角、鼠似有牙矣,物之變也。 無家,亦物之常也。 以、爲同義。 室家不足。【傳】昏禮,純帛不 之穿屋,似有角者。 家,何以速我獄? [暴來侵陵,故作此驚疑意外之語。 《傳》云「不思物變」四 (喻彊暴之男也,穿屋、穿墉喻無禮也。 以,猶爲也。 誰 謂雀無 雀無角、鼠無牙,物之常也。 《鼓鐘》傳: 角,何以穿我屋? 今視獄訟之速,推其類,則無家而似有 、鼠無牙而有牙矣,亦物之變也。 速,召; 【傳】不思物變而 速、召疊韻、《東方未明》傳云: 「以雅以南,爲雅爲南也。」是 獄,埆也。 過 五 貞女守禮之常,今 今視屋牆之穿. 雨。【疏】誰,孰 雖速我獄 誰 推其類,雀 **彊暴之男本** 謂 女 雀 無

《傳 言「玄纁,東帛」、《媒氏》「人幣純帛」,不及玄纁者,五兩即 之匹,猶匹偶之云與。」案納徵之禮,重束帛耳。《士昏禮 尺曰尋。 納徴也。 下》篇:「納幣一東,東五兩,兩五尋。」注云:「納幣,謂昏禮 璞《穆天子傳注》皆作「純帛」矣。《媒氏》:「凡嫁子取妻 帛爲豺帛、猶《丰》箋、《瞻彼洛矣》箋改「純衣」爲「豺衣」。 樂傳》:「不復質确其過,實於嚴棘之下。」李注云:「質,正 獄城也。」若字作土旁角,則已人於圜土矣。《後漢 斷之後,非即入於園土也。 名。 人幣純帛,無過五兩。」鄭注云:「五兩,十端也。」《士昏禮 《説文》無「豺」字。《周禮・媒氏》及《儀禮・士昏禮》注、 也。 以嘉石平罷民,以肺石達窮民。」确者,正取嘉石、肺石以命 「納徵:玄纁,束帛,儷皮」,注云:「束帛,十端也。」《襍記 「純」字,定本作「紂」字,依鄭注《周禮》「以純爲緇」改。 獄 召召 **%,确也。** ,告也。」獄、埆亦疊韻,埆,當作「确」。 确,實也。 獄,亦訟也。 》作「确」不作「埆」,此其證矣。 十个爲束,貴成數。 兩五尋,則每卷二丈也。 从,从言。二犬所以守也。」許本《毛詩》,則 嚴棘,爲獄也。」其字亦作「确」。 速於訟獄,或坐嘉石,或立肺石,皆在聽 鄭司農《司園》注云:「園土,謂 兩兩合其卷,是謂五兩。 《周禮》:「大司窓之職 合之則四十尺,今謂 《説 文・ ○《傳 書 郭 宼

説。 之。 矣。 禮》破純帛爲緇帛,賈公彦作《疏》遂有「庶人用緇無纁」之 帛,幣也。 尺曰 用之鬼神者也。 巡守禮》:「制幣丈八尺,純四 积。」與《既夕禮》注:「丈八 篇「文織百純」,百束也。《聘禮》注:「凡物十曰束。」又引 云:「蓋一匹分兩端,相對相合,故曰兩,亦曰純。 《朝貢禮》:「純四只,制丈八尺。」《天官・内宰》注引《夭子 也。《秦策》「錦繡千純」,千束也。《管子・輕重甲》篇「纂 「純」爲「全」,其説甚精,而與鄭「十爲束」之義亦無不合。 之爲言屯也。《野有死屬》傳:「純束,猶苞之也。」純亦束 十端也。 玄纁也。 東十端,每端二丈。 《詩》言「不足」者,禮不足也。 《列女傳》亦云:「夫家之禮不備足。」義與毛同 而《儀禮注》仍援純帛以證束帛,鄭固以前説爲不安 [制,二制合之。 束,十制五合。」元和惠士奇《禮説》 純」,一束也。《穆天子傳》「錦組百純」、《説苑・善説》 《媒氏》曰「純帛」,束帛也。 曰 幣用玄纁、《昏禮》之「制」不過乎此。 「純帛無過五兩」,「納幣一束,東五兩 吉凶禮用制,賓嘉禮用純。」案惠半農訓 純,猶全也。 丈八爲端,名曰制幣。 故《傳》引《昏禮》以明 曰「純帛五兩」,東帛 鄭氏注《周 也。 五兩則 純

家,何以速我訟?【傳】墉,牆也。視牆之穿,推誰謂鼠無牙,何以穿我墉? 誰謂女無

不備,守節持義,必死不往。」服虔宣元年《左傳注》亦云" 女不肎往。夫家訟之於理,致之於獄,終以一物不具、一禮 死不往。」《列女傳》云:「召南申女許嫁于酆,夫家禮不備 嫁矣,然而未往也。 案此與上章義互足也。《韓詩外傳》云:「夫《行露》之人許 《傳》文「從」上奪「女」,蜀石經有「女」字,今訂正。 較大於齒。 「古者一禮不備,貞女不從。」並合上下兩章爲訓 五兩也。 不棄禮而隨此彊暴之男」,以釋經「不女從」之義。今本 雅•釋宫》云: 『其齒前後若一,齊等無牙。』此爲齒小牙大之明證。」《爾 偁齒、偁牙。 不女從,終不棄禮 「牙,壯齒也。」段注云:「壯齒者,齒之大者也。 鼠齒不大,故謂無牙也。 析言之,前當脣者偁齒,後在輔車者偁牙。牙 「牆謂之墉。」是墉即牆也。 見一 而 隨此疆暴之男。【疏】《説文》: 物不具,一禮不備,守節貞理,守 東方朔説翳牙曰: ○《傳》云:「終 統言之,皆 禮,純帛

其類,可謂鼠有牙。

雖速我訟,亦不女從。【傳】

《羔羊》三章,章四句。

羔羊》、《鵲巢》之功致也。 召南之國,

九

詩毛氏傳疏

其意,故云[如羔羊]焉。] 得其制,德稱其服,故說羔羊之裘,以明在位之德。《序》達 化文王之政,在位皆節儉正直,德如羔羊 【疏】《正義》云:「德如羔羊者,詩人因事託意,見在位者裘 也。

佗,猶交加。 午」之「午」。《周禮・壺涿氏》「午貫象齒」、「故書「午」爲 【傳】公,公門也。 制。 白,可采也。白絲,不染絲也。五,古文作「×」,當讀爲「交 語・八佾》篇:「繪事後素。」「素」與「繪事」對言,蓋以其色 句。」「素,白」者、《考工記》:「凡畫繪之事,後素功。」《論 羊」,故《傳》釋小羔大羊。唯羔爲大夫之裘,故下《傳》但説 羔裘耳。《正義》云:「兼言羊者,以羔亦是羊,故連言以協 [五]。]此五、午相通之例。魯有五父衢名,亦是午達岐出 「佗,加也。」《傳》詁「它」爲「數」者,數與縫同事。五 《釋文》:「它,本作「佗」,或作「紽」。」《説文》無「紽 據陸所見《詩》作「它」,「它」者,「佗」之假借。《小弁》 大夫羔裘以居。 素,白也。紀,數也。古者素絲以英裘,不失其 羔羊之皮,素絲五紽。【傳】小曰羔,大曰 言縫裘,不言縫裘之絲。《後漢書・循吏・王 委蛇,行可從迹也。【疏】經言「羔 退食自公,委蛇委蛇。

> 裼。 在位者也。大夫在朝服玄冠、朝服、羔裘、豹褎、緇衣以爲 其義也。又云「不失其制」者、言不失縫裘制度。下章《傳》 同。 素絲者、織成之組、作裘緣邊之紕、漢人謂之偏諸。 廣各寸半。」《既夕・記》云:「飾裳在幅曰綼,在下曰緆。」 稱,有絜白之性,屈柔之行,進退有度數也。」案韓與毛 在下曰純。、《深衣》云:「純,謂緣之也。 也。」鄭注《玉藻》云:「紕,緣邊也。」《襍記》云:「在旁曰紕 也。」或「紽」字出《韓詩》。〇《傳》既釋經字,再總釋經義 白,絲喻屈柔。統,數名也。 涣傳》注引《韓詩章句》云: 人》、《閟宫》皆以英爲飾。 《出車》傳:「英英,鮮明皃。」即 「素絲以英裘」,謂以素絲爲縫裘之飾。 云「古者」,席文王時也。《干旄》篇「素絲紕之」,《傳》: 「紕,所以織組也。」「素絲組之」,《傳》:「總以素絲而成組 卒食、燕居易玄冠、玄端,朝玄端,夕深衣,則其裘宜朝 唯紽爲絲數之量名,與毛訓異。《玉篇》:「紽,絲數 「小者曰羔,大者曰羊。 詩人賢仕爲大夫者,言其德 純邊,●衣裳之側 英,猶飾也。《清 《傳》云 素喻 訓 能 絜

0 義》鄭注作「緣」。 純一、徐子静本、《清經解 續編》本同。 阮刻 《禮 記正

蛇,委曲自得之兒。」委曲 從,俗作「蹤」。 言蛇,重言蛇蛇,亦作「佗佗」,二《傳》訓同。《箋》云:「委 行可委曲也。佗佗者,德平易也。」單言委,重言委委,單 毁折。」《傳》云「行可從迹」者,正用《左氏》釋《詩》之語。 蛇,必折。」杜注云:「委蛇,順貌。 傳》:「《詩》曰:「退食自公,委蛇委蛇。」謂從者也。 朝,爲卿、大夫治事之所。 公」而言。 裘以居」,與《七月》傳「狐貉之厚以居」,狐貉,褻裘也,兩 羔裘而夕褻裘。 居」字義同。 君日出而視之」,鄭注云:「人,人應門也。」應門内 ○「公,公門」,謂應門也。 此謂居家,非謂居朝。 《君子偕老》「委委佗佗」、《傳》:「委委者: 此羔裘爲在家之禮服也。《傳》云「大夫羔 ,猶順從也。 諸侯則爲雉門。 衡,横也。 《傳》探下文「退食自 《釋文》引《韓詩》: 《玉藻》「朝,辨色始 横不順道,必 襄七年《左 衡而委

治

黬。

言皮同意,則非去毛,故云:「革,猶皮也。」《爾雅· 《韓奕》傳以「革」釋「鞹」。 緘,缝也。 緎 羔羊之革,素絲 ,羔裘之縫也。」《傳》詁「緎」爲「縫」,正本《爾雅》作 委蛇 委蛇,自公退食。【疏】《載驅》、 革,去毛之稱。 五 一緎。 【傳】革,猶 此言革,與上章 釋訓》 皮 也。

透迤,公正皃。」韓字異而義亦相近。

多至一 故有此解。 數也。 數,而於縫殺之制,其義不明。 《詩》以素絲爲織成之組,它、뻻、總皆爲縫裘之名。毛《傳 也。 訓。 《韓詩》合。 父,則知[五絲爲紽],即《西京襍記》之[編]矣。]案此説與 **紽之敷今失其傳。紽,又作「佗」,春秋時,陳公子佗字五 緵爲襚。」緩,字又作「總」。** 「五絲爲編,倍編爲升,倍升爲緎,倍緎爲紀,倍紀爲緵,倍 次言[五總]也。《西京襍記》載鄒長倩《遺公孫弘書》曰: 也,皆即密縫之意也。王引之《詩述聞》云:「紽、緎、總,皆 於「魊」訓「縫」,而於「它」、於「總」訓「數」。 雅》皆作「黬」。羔裘,黑羔裘也。所以縫黑羔裘,是謂 之缝也。」《繋傳》引《詩》作「羔羊之 黬」。 獨解「緎」者,蓋舉中言之耳。《説文・黑部》云:「黬,羔裘 《玉篇》:「魊,亦作「馘」。」從革,即從皮,皆於裘得義 百絲,五總四百絲。 其字從黑會意,不從糸會意,則知今本作「緘」,非 五緎」既爲縫,則「五紽」、「五總」亦爲縫也。 百絲、四百絲,以用絲之多寡爲羔裘之制度,其説迂 五絲爲紽,四紽爲緎,四緎爲總。 五紽二十五絲,五 今細繹經義,上句言裘,下句言縫,若但言絲 然同是羔裘也,首章止用一 故《詩》先言「五紽」,次言「五緎」, 緎者,二十絲。 蓋三家泥於「五」字爲數名 二十五絲,二、三章又 許所據《詩》、《爾 總者,八十絲 數之爲言蔟蔟 爾爾 雅

緎

Εi.

迥 **逆難通** ,總不如《爾雅》、毛《傳》之得經恉也

縫 之衣不連裳言也。 中屈其八寸爲曲袷。 寸,而用布得前後通爲五尺二寸。是古之衣當肩爲殺縫 四寸,加闊中八寸,而又倍之,凡衣用布一丈四寸。 尺有二寸,此謂袂中也。 屬幅。 《儀禮・喪服・記》:「衣帶,下尺。衽,二尺有五寸。 尺五寸,與有司紳齊也。 者,要也。 官》有「縫人」。《考工記》「攻皮之工」有「裘氏」。 【疏】上言皮、革,此言縫,則所縫者,皮、革也。 云:「縫,鉄也。」《爾雅·釋言》云:「滿,鉄也。」縫、幣同事。 大小得其制。 (布七尺二寸,中屈之闊中八寸,前後各三尺二寸。 [幅,通前後十二幅。 也,尺二寸。」武進張惠言《儀禮圖》云:「衣之長二尺二 如是則給方,而衣身止二尺二寸也。」案此端衣。 衣,二尺有二寸。袪,尺二寸。」鄭注:「衣帶下尺 羔羊之縫,素絲五總。 廣尺,足以掩裳上際也。 總,數也。 唯深衣、長衣、中衣衣連裳。 《儀禮圖》云:深衣宜連帶下之長 袷之左右皆殺,去其八寸之布而爲 衣自領至要二尺二寸,倍之,四尺 屬,猶連也。 委蛇委蛇,退食自公。 衽,所以掩裳際也。二 【傳】縫,言縫殺 連幅,謂不削。 衣二幅,裳 《周禮・天 《玉藻》注 袪,褎 曲袷, 冕服 衣二 袂 之

> 皆有。 此深衣、長衣、中衣皆連衣裳言也。 裳而純之以采者。素純曰長衣。有表,則謂之中衣。」」案 齊倍要,七尺二寸,齊縫也。 「它,數也」,亦當如此讀。 「數」字當讀「數罟」之「數」。 之枌》傳: 《説文》云:「制,裁也。」「裁,制衣也。」○《小箋》云:「《東門 制」,亦舉衣以明裘也。 左衽前後縫合之,續衽縫也。 去布八寸,當肩縫也。 裘衣有紕純,裳亦當然。 「鬷,數也。」《烈祖》傳: 袂中二 裘幅廣狹與衣幅大小略相似歟? 五總,猶俗云[五蔟]也。 《深衣目録》云:「深衣,連 一尺二寸,屬於幅 要中三尺八寸,要縫也。 《傳》云「縫殺大小得其 「鬷,總也。」然則此 裘無明文,端冕、深 ,袂中,缝 上文 也。 下 衣 衣

從政,不遑寧處。 殷其靁》,勸以義也。 《殷其靁》三章,章六句。 其室家能閔其勤勞, 召南之大夫遠行

勸以

義也。

天下。 山 南 日 殷其 陽。 何斯違斯,莫敢或遑。【傳】何此君子也。 靁, 靁出地奮,震驚百里 在南 山 一之陽。 【傳】殷, 靁聲也。 山 出 雲 雨 以潤

哉。 作「皇」,其明證矣。 薇》之「不遑啓處」、《殷武》之「不敢怠遑」、《左傳》引《詩》皆 石》不誤。《邶·谷風》、《小弁》之「遑恤我後」,《四牡》、《采 其義,詁訓中多有此例。 斯,猶言此去也。 詁》文,釋經「違斯」之「斯」。 ○《傳》云「何此君子」以釋經「何斯」之「斯」。「斯,此」、《釋 在 雨以喻政澤,故申之云「山出雲雨,以潤天下」,所以釋經靁 陽。」今《爾雅》無此文。「雷出地奮,震驚百里」,《易・豫》、 山 故《傳》云「殷,靁聲」。 斯,此,違,去, 云"「日之所照曰陽。」《周禮·柞氏》疏引《爾雅》"「山 違」。 《震》兩卦象、彖辭文,《傳》引之以釋經「靁」之義。 惶,暇也。」古祇作「皇」。 [山陽之義,而又補明其設喻意也。 ,周南山 天下,又推廣之。天下純被文王之化,而王道成也。 【傳】振振,信厚也。【疏】靁,古「雷」字。 《節南山》「惡怒是違」、《傳》亦云:「違,去也。」違 也。 僖二十八年《穀梁傳》:「山南爲陽。」范甯注 故《傳》先釋「斯」,後釋「違」,逆其辭以釋 建,暇也。 「莫敢或皇」,莫,不也;或,有也,言不 殷,猶殷殷也。 「遑,暇」,《四牡》同。《爾雅》: 遑、 偟皆非也。 違,讀如《論語》「棄而違之」之 振 振君子,歸哉 百里,就南山至近者 殷殷,猶隱隱也。 今本唯《漸漸之 經言靁 雷有雲 |南日 歸 南

> 哉歸哉,勸以爲臣之義,未得歸也。」 耳。此篇例也。「振振,信厚」、《麟之止》同。《箋》云:「歸皇處」,言不有暇居也。首章但言不暇,下乃言不暇止居敢有暇也。二章「莫敢皇息」,言不敢暇止也。三章「莫或

《爾雅》:「山北曰陰。」今亦無此文。 《浮游》、《民勞》傳竝同。 與左右皆側矣。《説文》:「側,旁也。」○「息,止」、《葛生》、 也。 굸: 章山側、《傳》以「陰與左右」釋經「側」字之義。《周禮 右也。 振振君子,歸哉歸哉。【疏】上章山陽謂 《公劉》傳:「山西曰夕陽。」右謂西,山西則右側也。 「山北曰陰。」則陰在山北也。 「北」與「背」同,北 《卷阿》傳:「山東曰朝陽。」左謂東,山東則左側 殷其靁,在南山之側。【傳】亦在其陰 何斯違斯,莫敢遑息。【傳】息,止也。 桓十六年《公羊傳》注 山南 也。 疏》引 與 是陰 亦側 也 左 此

鳥》同。《既夕·記》:「今文「處」爲「居」。」是處、居疊韻通南山之下,所謂「靁出地奮」也。○「處,居」、《四牡》、《黄子,歸哉歸哉。【疏】「或在其下」,或,有也。靁聲有在斯違斯,莫或遑處。【傳】處,居也。振振君敗違期,英或追處。【傳】處,居也。振振君以其靁,在南山之下。【傳】或在其下。何

用也。處、居,古字作「処」、「凥」。

《摽有梅》三章,章四句。

此雖斷章,亦取摽梅及時爲喻。《序》與《左氏》說合。 文王之化,男女得以及時也。【疏】時,謂男三十、文王之化,男女得以及時也。【疏】時,謂男三十、文王之化,男女得以及時也。【疏】時,謂男三十、

志》:「吏,音「蔈有梅」之「蔈」。」「蔈」爲「摽」之誤,而「孛」、盛極則隋落者,梅也。尚在樹者七。求我庶士,或「梅」字,其本字當作「某」、「某,酸果也。」又《説文》「模工,實者《詩》「摽有梅」。」許宗毛氏,引作「摽」。標、受讀高,了公奢《音義》云:「《韓詩》作「楳」。《説文》「楳」或「梅」字,其本字當作「某」、「某,酸果也。」又《説文》:「要,讀若《詩》「摽有梅」。」許宗毛氏,引作「摽」。標、受讀「哭,讀若《詩》「摽有梅」。」許宗毛氏,引作「摽」。「葉,落也。」「要,音、音、義也。《孟子·梁惠王》篇注引《詩》「草有梅」,丁公奢《音義》云:「《韓詩》也。」鄭德注《漢書·食貨權」,可以為《詩》「葉,卷也。《楊,落也。《韓]與也。標,落也。標,落也。

《天保》同 孔據篇内有「七」字而附會其説,失之鑿矣。《匏有苦葉》 九,女年十八、九,卒章云「三十之男、二十之女」爲蕃育法 章謂男年二十六、七,女年十六、七,二章謂男年二十八、 《鴟鴞》傳云:「迨,及也。」《韓詩》云:「迨,願也。」「吉,善」. 云「其實七兮」,二章云「其實三兮」、《傳》以七、三爲在樹者 七、三者,合十數也。詩人偶以之分章耳。《正義》申毛,首 之實數,言梅實之隋落者多,而未隋落者有七、有三也。 而不落者,未之有也。」此與《傳》盛極隋落之義合。 〇首章 「受」。」蓋本《韓詩》。 ·隋」與「陊」義相近。《管子·宙合》篇:「奮盛苓落也。 隋,亦落也。《説文》:「陊,落也。」 《玉篇 艸部》:「变,落 也。 正作

作「詞」。 標有梅,其實三兮。 《傳》在者三也。 求我原士,迨其今兮。 《傳》今,急辭也。 《疏》今者,急庶士,迨其今兮。 《傳》今,急辭也。 《疏》今者,急庶士,迨其今兮。 《傳》本者三也。 求我

庶士,迨其謂之。《傳》不待備禮也。三十之男、二摽有梅,頃筐塈之。《傳》堅,取也。求我

《五經異義》:「古《春秋左氏》説:「二十而嫁,三十而娶,庶 ਨੂੰ 書之。 名焉。 人禮也。」《管子·人國》篇云:「五曰合獨。 梁·文十二年傳》、《尚書大傳》、《白虎通義》並有其文。 而嫁」、《禮記 故而不用令者,罰之。 氏》:「掌萬民之判。凡男女自成名以上,皆書年、月、日、 有發見於章首者,又有發見於章末者,此其例矣。 多也。」與此《傳》訓同。《傳》又本《周禮》會男女法以申明 期。 「不待備禮」之義,乃統釋全章,非專釋末章。凡《傳》總釋 萬民,十曰多昏」,鄭司農注云:「多昏,不備禮而娶,昏者 行親迎。 二十二年《穀梁傳》:「禮,有納采,有問名,有納徵,有請 而訓同。 「無夫家,謂男女之鰥寡者。」案「男三十而娶,女二十 四者備,而後娶,禮也。」不待備禮,言不待四者禮備便 中春之月,令會男女。 令男三十而娶,女二十而嫁。凡娶判妻入子者,皆 唯凶荒然也。 〇古「謂」與「曰」同。 曲 [禮》、《内則》、《大戴禮・本命》、《穀 司男女之無夫家者而會之。」鄭注 《周禮·大司徒》「以荒政十有二聚 於是時也,奔者不禁。 謂之,謂之行親迎之禮。 所謂[合獨] 若 《媒 無 莊

> 者也。 也。」《媒氏》「會男女合之」,亦此義也。 匡》篇:「大荒,嫁娶不以時。」孔晁注云: 以蕃育民人也。」《傳》義正本彼《序》爲説。《逸周書 序云:「占者凶荒,則殺禮而多昏。 年盡之男女於期盡之月行之。此雖禮不備,而亦會而行之 仲春之月,爲期盡。《周禮》於仲春會男女之無夫家者,以 時無夫家,則爲鰥寡矣。 三十男亦行娶,未二十女亦行嫁。三十、二十爲年盡,若踰 「合獨」。」《管子》「合獨」,亦即行《周禮》會男女法。 寡而合和之,予田宅而家室之。三年,然後事之。 者,凡國都皆有掌媒,丈夫無妻曰鰥,婦人無夫曰寡,取 若遇凶荒,亦得行此,乃爲蕃育民人之法。 嫁娶以秋冬爲正時,冰泮而殺止。 會男女之無夫家者,所 「不以時,秋 《有狐 古者未 此 之謂 糴 鰥

十之女,禮未備,則不待禮會而行之者,所以蕃育民人也。 【疏】《卷耳》傳云:「頃筐,畚屬。」塈,《玉篇》引《詩》作

概」、《廣雅》:

「摡,取也。」或本三家《詩》,與《毛詩》字異

惠及賤妾,進御於君,知其命有貴賤,能盡其 《小星》,惠及下也。夫人無妬 《小星》二章,章五句。

忌之行,

星,衆無名者。 **嘒彼小星,三五在東。【傳】嘍,徼** 三,心;五,喝,四 時更見。 肅肅 貌。 宵 小

心矣。

五五五

卷

同。

【傳】肅肅,

疾

貌

丘六

《爾雅》:「大火謂之大辰。」孫、郭注並云:「大火,心也。 【疏】經言小星,故《傳》以 《爾雅》釋文:「咮,本作「啄」,或又作「注」。」古噣、咮、啄 柳,鶉火也。」《左傳》作「咮」。 「心,言萬物始生有華心。」《天官書》云:「心爲明堂。」周初 中最明。」**●**是心,三星中央色最明也。《史記·律書》云: 襄九年《左傳》:「古之火正,或食於心,是故心爲大火。」 前,可以證下文「宵夜」非「昏夜」之「夜」矣。〇「三,心」者」 爛」、《傳》云:「言小星已不見也。」則見小星尚在昧旦之 《女曰雞鳴》篇「女曰雞鳴,士曰昧旦。子興視夜,明星 妾;心、噣 名」者,小星對心、噣、 宵,夜;征,行;寔,是也。 征 守節《正義》以爲「柳八星」,鄭注《考工記》:「鶉火,朱鳥宿 注並同聲而通用。司馬貞《史記索隱》云:「注,味也。」張 心星旦中在十二月。「五、噣」者、《爾雅》:「味謂之柳。 之柳,其屬有星,星七星。」唯《詩正義》引《春秋元命苞》: 「命不得同於列位」也。 河,夙 夜在公, 寔命不 伐、留皆列宿、 伐、留爲大星者言之也。 此賤妾進御 「嘒」爲「微兒」。 喻貴妾。 《詩》釋文引《爾雅 命 不 而歸時,歷道其所見。 衆無名,即《傳》所謂 得 同 云「小星,衆無 於 列 小星喻賤 》作 位 :「噣」。 也。 其 有

在柳。 「征,行」、《釋言》文。 下章「維參與昴」而總釋之也。 《集疏》云:「《禮記・月令》:「季春之月,昏七星中。」《月 《禮記·大學》:「寔能容之。 作《月令》時又遠,故鶉火中在十月朔。《詩》在周初,則 冬十二月丙子,朔,晉滅虢。」周十二月,夏十月,其去周 故遲二十餘日,至季春而昏七星中。」案《月令》:「季夏,日 令》,周公所作,距堯時千九百餘年,則恒星移二十餘度。 鳥,以殷中春。」馬融注云:「春分之昏七星中。」吴江 作「是」。《春秋》「桓六年春正月。 夏來」、《公羊》、《穀梁 篇。「寔,是」、《釋詁》文。 自公」耳。夙,早也。日未出、夜未盡曰早夜,説見《采蘇 《釋言》文。《七月》「宵」與「晝」對文,《傳》亦訓「宵」爲夜) 也。」重言之爲肅肅。 火晨見南方,當亦在季秋之月。《傳》云「四時更見」者,合 柳 五星。」與毛《傳》「五,噣」合。 季秋,旦柳中。」僖五年《左傳》:「丙子旦,鶉火中。 在,猶自也。 肅肅,猶數數,數亦疾也。「宵,夜」, 此《傳》爲全《詩》「寔」字通訓 寔、是聲義皆同。 夏不能容。」《書・秦誓》「寔」 ○《爾雅·釋詁》:「肅,疾 含書 「夙夜在公」,猶云「退 堯 九典》: 《釋文》引《韓 日 中, 氏 聲 公 星 食 鶉

傳》並以「寔來」爲「是來」。

序 》: 妾也。 通假矣。 婦也。 隗而己次之,故班 賤,班在九人。 之。 Щ 方,外命婦率外宗哭于堂上,北面。」是諸侯内命婦當外命 《喪大記》:「夫人坐于西方,内命婦姑、姊、妹、子姓立于西 王所,是有位 《天官》:「九嬪掌婦學之灋,以教九御婦德、婦言、婦容、婦 命,命數也。 「實,猶是也。」《韓奕》箋:「實,當作「寔」。 后、夫人位尊,不列九女之數。九女、《周禮》謂之「九嬪」。 寔同聲。 「實」字,或鄭所據皆作「寔」也 外有九室,九卿朝焉。」是天子内九嬪當外九卿也。 今全《詩》「寔」字俱改作「實」,總由「寔」、「實」同讀,遂 各帥其屬而以 「齊宣王召無鹽女而見之,謂曰:「昔先王爲寡人取妃 賤妾與貴妾禮命不同班也。 天子九嬪下有世婦、女御,即諸侯之有貴妾又有賤 云「命不得同於列位也」者,釋經、命不同」之義。 **寔,是也。」《無羊》、《召旻》、《閟宫》箋以**「是」字代 列位,行列之位也。 l於王宫也。《匠人職》:「内有九室,九嬪居 杜祁以君故,讓偪姞而上之,以狄故,讓季 在 (時御,敘于王所。)敘,次序也。 四。」杜 注 云:「班,位也。」劉 漢時《毛詩》「實」、「寔」錯 天子、諸侯皆一取九女, 文六年《左傳》:「辰嬴 趙、魏之東,實 次序于 前向《新

> 匹,皆已備有列位矣。」到位,指貴妾。 ,其説自誤。 《禮記》「月喻夫人」,不聞以星喻夫人 若以列位爲夫人之

嘒彼小星,維參與昴。【傳】參,伐也。

暃,

詩》作「實」,云:「有也。」與《毛詩》作「寔」訓「是」,聲義皆

《燕燕》釋文:「實,是也。

本亦作「寔」。」《頻弁》箋:

位

留

耳。 留也。」並以「昴」爲「留」,與毛《傳》合。 物成就繁留是也。」《史記・律書》云: 留」者、《正義》引《元命苞》云: 東西列宿分章也。 北辰以别心伐所在。 其外四星,左右肩股也。」案「罰」亦作「伐」。《漢書 三星直是也,❶爲衡石。 《考工記》:「熊旗六斿,以象伐也。」鄭注云:「伐,屬白虎 志》同。《傳》以「伐」釋「參」者,亦因參、伐連體 宿,與參連體而六星。」《史記·天官書》云:「參爲白虎。 衾,被也。 也。 何注昭十七年《公羊傳》云:「迷惑不知東西者,須視 肅肅宵征,抱衾與禍,寔命不猶。【傳】 禂,禪被也。 《夏小正》云:「八月參中則旦。」「昴 心,東方宿。 下有三'星,兑,日罰,爲斬艾事。 猶,若也。【疏】「參,伐」者: 「昴六星。 伐,西方宿。」《詩》蓋以 《爾雅》:「大梁,昴 「昴者,言陽氣之稽 **昴之爲言留**,言 阿渾 言之 天文

0

卷

衲本《史記》作「者是」。 是也」、徐子静本、《清經解續編》本同。 武英殿本、百

《傳》釋「衾」爲「被」、「禍」爲「禪被」者,渾言,衾、禍皆被 《爾雅》、《小正》爲説。昴,俗作「昴」。 也 本或作「憪」。此鄭所本也。《釋言》:「猷,若也。」「猷」與 實不異。《箋》云:「裯,牀帳也。」《爾雅》: 寝衣而加衾也。《詩》之「襴」即《論語》之「寢衣」也。《方 名, 析言,則褟爲禪被,而衾爲不禪之被。凡人入寢,必衣 衣,長一身有半。」鄭玄注云:「今小臥被。」許、鄭同意。 被。」「被,寢衣,長一身有半。」《論語‧鄉黨》篇:「必有寢 也。」紙、禍連文,與單言「禍」者不同。 言》:「汗襦,自關而西或謂之祗禍。」《説文》:「祗禍,短衣 疏》引鄭荅孫皓問云:「西 西 **]陸,昴也。』《小正** $\overline{\mathbb{Y}}$:陸朝覿,謂四月立夏之時。]本 「四月昴則見。」昭四年《左傳 而其爲帖身之物,義 ○《説文》:「衾,大 「幬謂之帳。」幬

《江有汜》三章,章五句。

「猫」同。

《鼓鐘》傳亦云:「猶,若也。」

之媵,妾也。其適,女君也。媵有賢行,能絶適嫉妬之原,備數,媵遇勞而無怨,適亦自悔也。【疏】江沱過也。文王之時,江沱之閒,有適不以其媵《江有汜》,美媵也。勤而無怨,適能悔

今俗作「嫡」。 故美之。《詩》録《江有汜》,其猶《春秋》美紀叔姬與? 適,

推本之詞。 《序》「適亦自悔」之語,以釋經「悔」之義。 悔,而《序》以爲美媵者,適之悔由於媵之勞而無怨,故詩爲 字渾言義同,析言則義别。云「適能自悔也」者,《傳》用 汜,與此異。○之子,謂適也。我,媵自我也。《載芟》傳: 下引「江有洍」本三家《詩》。《爾雅》:「窮瀆,汜。」無水之 悔而媵備數也。《説文》「汜」下引「江有汜」本《毛詩》,「洍 此《爾雅·釋水》文也。 也。【疏】興者,江喻適、汜、渚、沱喻媵。「決復人爲汜」, 「以,用也。」不我以,不用我,不我與,不與我也。 不我以。不我以,其後也悔。【傳】適能自悔 江有汜、【傳】興也。決復入爲汜。之子歸, 決者,適、媵不相得。 是詩似美適之能 復人者,適自 以、與二

水也。《爾雅》:「小洲曰渚。」謂無水而可居者爲渚也。此水也。「鴻飛遵渚」、「鳧鷖在渚」、《傳》:「渚、沚也。」謂無也。【疏】渚有有水、無水兩義。《鶴鳴》「魚在于渚」,謂有也。【碑】處,上以有渚、【傳】渚,小洲也。水岐成渚。之子

《傳 渚。 江水别流,其所都聚以成渚。見江水之大,别流成渚 其義皆謂無水之渚,失古義矣。 岐成渚。」又注《穆天子傳》云:「水岐成洔。 之中可以飲馬,其爲有水可知也。 《蒹葭》「沚」或作「洔」,沚亦渚也。 益,同 枝,正字亦當作「汥」。《説文》:「洔,水暫益且止未減也。」 謂水汥也。 从水,支聲。」都,猶聚也。 義。 無水之「汜」、「沱」,則「渚」下自不應用《爾雅》小洲爲渚之 篇三章皆以江水别 渚 滴 本作「枝」、《釋文》亦作「枝」。 「枝」字爲訓,解作水之枝出者成渚。 「渚小洲也」四字,當據之以删正。 「汥」。或《傳》借「枝」爲「汥」也。《説文》:「汥,水都也。 能 》於「汜」下、「沱」下舉大水溢 《釋文》云:「本或無此注。」則陸氏所見,或本《傳》無 」薛綜注《文選• [悔過,容媵備數也。《釋文》引《韓詩》: 溢 「溢」,亦謂水之溢出而未減者曰洔。 {如《禹貢》「溢爲熒」之「溢」。〕韓、毛訓不同 《穆天子傳》: 流爲喻,江 西京賦》引《韓詩章句》: 「八駿之乘,以飲于枝洔之中。」 水所都聚處是曰汥。 案岐、枝皆非其正字,當作 汜、江渚、江沱, 水汥成渚、《傳》申經義,謂 出别爲小水之名,而 云「水岐成渚」者,岐,岳 學者罕見「汥」字,遂依 枝、持即汥。 郭璞《江賦》云: 持,小渚也。」 水 渚、 ,皆江 水都,即 溢 渚、枝、持 洔 溢 ?義同。 水 否 而不 一而爲 不言 以 . 因 也。 日 喻 所

> 渚留 指此經之「渚」爲無水之渚者,又無不同。 或作「處」。」其後也止,言適能悔過,終自止其嫉妬之行。 小洲可居也。 ,以喻媵留不行,意與《傳》異。然渚澤停留,鄭亦不謂 ○ '處,止」、《鳧鷺》同。《説文》: 《箋》謂 処,止 江 水流 Щ

理志》: 有沱。 過。 涉。 堂,又東南逕簡州、資陽、資縣、富順、瀘州,與江水會。」是 鄢江,首出江南,至犍爲武陽又入江,豈沱之類與?」德 沱,開明之所鑿也。」此在大江之西別流 沱在西南,東人江。』《水經注》云:「汶出玉輪坂下,東别 胡從《漢志》,郫江爲梁沱矣。 胡渭《禹貢錐指》云:「壽 從《漢志》,「梁沱」注云:「郫縣江沱首不於此出。 沱」注云:「今南郡枝江縣有沱水,其尾入江耳,首不於江 沱水自灌縣西南首受大江,東逕郫縣、新繁、成都、新都、 也。 《地理志》: 不我過,其嘯也 《爾雅》: 江有沱、【傳】沱,江之别者。 華容有夏水,首出江,尾人沔,蓋 「蜀郡郫、《禹貢》江沱在西,東入大江。」鄭康成 「南郡枝江,江沱出其西,東人江。」鄭 「水自江出爲沱。 水即 歌。【疏】《書・禹貢》梁、 又《地理志》:「蜀郡汶江,江 大阜江,實岷江之正流 禹所名也。」《漢書 此 與《禹貢》梁沱 之子歸,不 所謂 沱也。」《水 江原 、荆皆 二荆 也 · 我 金 地 爲 清 有 不

出

詩毛氏傳疏

經注》:「江水東逕上明城北,江

1.沱枝分,東入大江。

縣 治

是。 説。 南,荆沱在周之東南。 爲荆沱、意以南國在江、漢閒也。 引「道江條」之「沱」爲《詩》「江沱」作證。 貢》之沱,而汶江、枝江皆不言《禹貢》。《禹貢》道江條: 水東至夷道入江者爲荆沱矣。《漢志》以郫之江沱爲《禹 沔之水,而枝江又爲出峽之經流,故以《漢志》南郡巫縣夷 東人于江。」胡意奉節之東有三峽七百里之險,夏水故爲人 縣南受施 本首受奉節縣之大江,今建始縣北,其故道皆已陻塞,唯從 流,因以其所出者爲沱耳。禹時無此沱也。」又云:「夷水 班,一同鄭矣。《禹貢錐指》云:「枝江沱水爲江州所隔而 於大江。鄭以爲沱者,蓋北江久已盛大,世目爲岷江之經 成,何言不於江出? 中夏口,是夏水之首,江之沱也。」酈注言江沱有二,一從 洲上,故以枝江爲稱。」又《沮水注》云:「江津豫章口 《詩》沱爲梁沱。 「岷山道江,東别爲沱。」沱爲江水發源之别流,當指梁沱 《説文》:「沱,江别流也。 蓋周於《禹貢》雍州之北,地不踰涇洛,而岐周之南同 州衛開蠻界,水東逕巴東長陽,至宜都縣北,又 **奂竊謂荆、梁皆周之南國,梁沱在周之西** 華容夏水本沱水枝,分而爲夏,非出 《詩》繫於召南之國,宜以梁沱爲近 出崏山,東别爲沱。」《箋》亦 程瑶田 胡朏明以《詩》沱 「《通藝録》又以 東有

> 《東門之池》云: 《詩》作「嘯」,與《説文》「嘯,吹聲」合。 《箋》而改,誤。 下引《詩》「其獻也謌」,本《毛詩》也。謌,或「歌」字。《 其歡矣」、《白華》「歗歌傷懷」,字皆作「歗」。《説文》「歗」字 献」四字,疑係後人誤衍。《毛詩》作「歗」。《中谷有蓷》「條 別,故分人欠、口兩部。 云:「嘯,蹙口 攷。○《説文・口部》:「嘯,吹聲也。」《欠部》:「歗,吟也。」 西陝之掌。 「歎,吟也。」是「歗」與「歎」同訓「吟」,與「嘯」訓「吹聲」義 於殷商。 入於雍。 故漢之西、江之東,皆《禹貢》梁州之域,而爲召公 以漢水爲界,漢東之梁併入於豫、 江沱爲梁沱,書闕有閒,姑準之地理,以備參 而出聲。」《玉篇· 「其歡也歌」,謂媵備數,能與君子歡歌也 「彼美叔姬,可與晤歌。」 今本《説文》「嘯」字下有「籀文作 口部》同。 今本《毛詩》乃依 ·荆,漢西之梁併 或鄭用三家

《野有死麕》三章,二章章四句,

章三句。

猶惡無禮也。 暴相陵,遂成淫風。被文王之化,雖當亂世, 《野有死麕》,惡無禮也。天下大亂,彊 【疏】亂世,謂紂之世

《傳》,鄭依《傳》作《箋》,可以證今本《傳》文之誤。凡《傳》 **靁》,皆其例也。○「郊外曰野」、《燕燕》、《干旄》、《駉》傳**竝 即如《召南》之篇《采蘇》、《草蟲》、《甘棠》、《羔羊》、《殷其 例,先依經文次弟作解,後乃統釋經義,以發作詩者之恉 茅裹束野中田者所分屬肉,爲禮而來。」下章《箋》:「樸樕 釋「純東」,其文自順。 釋「包之」,其義乃明。 之中及野有死鹿、皆可以白茅裹束以爲禮。」毛依經作 兩「之」字皆指死屬言,故首章《傳》必先釋「野有死屬」,再 有以將之。」此統釋經義也。 清也。包,裹也。」此依經作解也。又云:「凶荒則殺禮,猶 道也。【疏】案此《傳》文錯誤。「包,裹也,凶荒則殺禮,猶 吉士誘之。【傳】懷,思也。 有以將之」十三字,當在「白茅,取絜清也」之下。《傳》云: 田之,獲而分其肉。 包,裹也。 郊外曰野。 《説文》:「麇 凶 野有死屬,群田之,獲而分其肉。 【荒則殺 鏖 也。 首章《箋》:「貞女之情,欲令人以白 猶下章《傳》必先釋「野有死鹿」,再 禮 白茅,取絜清也。 ,猶有以將之。 籒 曰「包之」、曰「將之」,經、《傳》 文作「廳」。」「廳,麋屬。」《釋 春,不暇待秋也。 野有死庸,群 有女懷春, 白茅,取絜 誘,

死

屬,白茅包之。【傳】郊外日

野。

自左受,遂坐攝皮,逆退,適東壁。」案昏禮有幣,必有皮。 賓致命,釋外足,見文。主人受幣,士受皮者自東出于後 制」,注云:「皮帛、儷皮、束帛也。」《記》: 帛以致命,兩皮爲庭實。 昏禮》「納徵,玄纁束帛,儷皮」,鄭注云:「儷,兩也。 孔本皆作「苞」。《説文》:「勹,裹也。」勹,本字。 古假作 「苞,逋茆反。」《木瓜》正義引此詩作「白茅苞之」。● 是陸 慎斯術也以往,其无所失矣。」」蓋取諸此也。 茅,何咎之有? 與士衆習射。 皮、攝之、内文、兼執足、左首、隨入、西上、參分庭一、在南、 「苞」,今俗作「包」。 六,藉用白茅,无咎。」子曰:「苟錯諸地而可矣。 王之義也。'云「白茅,取絜清也」者,《易・繋辭傳》:「「初 而分其肉」,群,衆也。 「齊人謂麋爲獐。」磨、獐皆字之異體。《傳》云「群田之,獲 文》引《義疏》: 經言野屬、《傳》知爲田獲分肉者,此化本文 「麏,麞也。 慎之至也。夫茅之爲物薄,而用可重也。 云「凶荒則殺禮,猶有以將之」者、《士 古者大田獵,天子取三十焉,其餘以 皮,鹿皮。」《記》「用物,皮帛必可 青州人謂之磨。」《考工記》注: 「庭實,納徵,執 《釋文》: 藉之用 執 東

静本、阮刻《毛詩正義》改。「瓜」,原作「爪」,據中國書店影印武林愛日軒本、徐子

0

卷

也。

儷皮,皮

也。

納徵重幣,故

納徵爲納幣。 玄纁東帛,幣

唯凶荒之歲得以減殺其禮。

肉,但爲庭實執皮之用,是用皮不用幣,爲禮之殺矣。 《詩》詠苞苴麝 《春秋經 變 鏖 言 彼棘薪」、《傳》曰: 風 》首章「吹彼棘 心,《 (傳》曰: 棘 心, 難 長養者。」一

六二

禮相陵,不暇待秋而欲嫁男也。 「不暇待秋也」者,言女感春田之候,思得禮則行,所以惡非 亦鹿之屬。○《傳》訓「懷」爲「思」,又釋經「春」字之義云 「誘」訓「道」者,道之,猶

之者,所以蕃育民人也。」不待備禮,所謂殺禮也,唯凶 待備禮也。三十之男、二十之女,禮未備,則不待禮會而行 「謂之」也。 《摽有梅》「求我庶士,迨其謂之」、《傳》云:「不 荒則

然 媒拙兮,恐道言之不固。」與此《傳》「道」字義同 辭 彼言男女之年,此言凶荒之禮,詳略當互參。 離騷賦》:「及少康之未家兮,留有虞之二姚。 理弱 **《**楚 而

也。 币 樸嫩,小木也。 不足數。」顏注曰:「僕遬,凡短之貌也。」心之言纖。 爲木名耳。 述聞》云:「《釋木》:「樸樕,心。」 樸樕與心皆小貌也,因以 《釋名》曰:「心,纖也。」則二字聲義相近。 有女如玉。 林有樸樕,野有死鹿。 占者謂小爲僕遬。 野有死鹿,廣物 【傳】德如玉也。【疏】王引之《爾雅 《漢書·息夫躬傳》:『僕遬 也。 白茅純束、【傳】 純東,猶包之 《邶風 纖,小 訓.

義。 也。 明之云「德如玉」,言女德如玉德也。 後東也。」彼詩以東薪爲喻,此詩之意亦猶是也。 「林 《傳》:「綢繆,猶纏縣也。 昏姻之事每以「薪」作喻、《唐風・綢繆》篇「綢繆束薪」, 喻殺禮。凡《漢廣》、《齊・南山》及《小雅・車舝》等篇,言 韻》:「杺,木名。 其心黄。」以爲即《爾雅》之「心」字。 又謂 皆有心,何獨於樸樕而謂之心乎? 嫩小木謂之心,其義一也。故《召南》傳及《説文》皆云: 此章言「野有死鹿」,以爲廣物也。 屬,白茅苞之」,謂禮也。 樕」,謂薪也。 毛《傳》、《説文》「小木」爲「心木」之譌,皆非也。」案王説是 江、河閒以作柱。」則是以心爲「松柏有心」之「心」矣。 「請君之玉女、與寡人共有敝邑、事宗廟社稷。」此求助之本 「既内自盡,又外求助,昏禮是也。 「樸樕,小木也。」而樊注乃云:「樸樕,斛樕也。 《傳》亦即承上章「苞之」爲訓。 樸樕爲小木,猶扶蘇爲大木,皆疊韻連緜字。 「野有死鹿,白茅純束」,猶上章云「野 「棘薪,其成就者。」小棘謂之棘心,與樸 昏禮用鹿,殺禮可用廳,故《傳》於 男女待禮而成,若薪芻待人事 故國君取夫人之辭曰: ○經言如玉,《傳》乃申 純,亦束也。 段氏《説文注》引《廣 《禮記・ 有心能溼 祭統》篇: 束、 裹同 小木以 一章「吹 夫木 有 有 樸 前 死

遲兒。 曰 : 《東山》篇。《説文》:「尨,犬之多毛者。 《釋詁》文。 《傳》云:「褎然。」又「如」與「然」同 《君子偕老》「而天」、「而帝」、《傳》云「如天」、「如帝」、是 渾言之,則 皃。」「娧娧」爲本字,「脱脱」爲假借字。 脱然舒。」亦無「遲」字可證。 佩 無感我帨兮,無使尨也吠。【傳】感,動也。 云"「又必舒而脱脱焉。」鄭蓋用《毛詩》也。 《士昏禮》「送女,施衿結帨」,鄭注云:「帨,佩巾也。」説詳 「而」與「如」同義也。 徐」,與《常武》同。 尨」爲「狗」,用《爾雅• 巾也。 「無使尨也吠。」」許引《詩》釋「尨」之本義,毛《傳》釋 《傳》「舒遲也」、《釋文》:「定本作「舒皃」。」《箋》:「脱 舒 曰喜也。」此三家《詩》義也。 而 尨, 尨亦狗之通 感,古「撼」字。 脱 狗也。 以脱兮、【傳】舒、徐也。 而者,狀物之詞。 舒如,即舒然也。 非禮相陵則狗吠。【疏】一舒」訓 稱。 釋畜》文。 《釋文》「胡坎反」,即「撼」也 案上句「我」字,女子自我也。 《集韻・十四泰》: 「娧娧,舒 李注云:「尨,一名狗。 義也。 《禮記·儒行》注 《玉篇》:「娧,好 舒而,猶舒如 《旄丘》「褎如」, 而、如、然一語之 脱 从犬、彡。《詩》 脱,舒遲也 ○「感,動」, 帨, 也。

> 以義撫諸侯,無以非禮相 《常 也。 狗有守禦之義,尨吠亦女子自喻也。 氏訓經之恉 毛訓合。 죠. 所以申明尨吠之故,承感帨爲説。言有感我帨者,則狗 ·棣》,且曰:「吾兄弟比以安,尨也可使無吠。」」 「義取君子徐以禮來,無使我失節而使狗驚吠,喻趙 昭元年《左傳》:「子皮賦《野 如謂尨喻非禮之人,則上下文義有不可 加陵。」杜以狗吠謂趙 有死屬》之卒章,趙 《傳》云「非禮 孟 通 自 相 喻,與 , 失毛 杜注 陵, 孟 孟 賦 吠

《何彼襛矣》三章,章四句。

猶執婦道,以成肅雝之德也。下嫁於諸侯。車服不繫其夫,下王后一等,不够於諸侯。東服不繫其夫,下王后一等,《何彼襛矣》,美王姬也。雖則王姬,亦

艸茸茸皃。 姬車服之盛,末章言以絲緍作釣,喻王姬 其肅雝之德。 【傳】肅,敬; 戎戎也。 何彼襛矣、唐棣之華。【傳】興也。 唐棣,移也。 从艸,聰省聲。」戎戎,即 云「襛,猶戎戎也」者,《説文・ 雝,和。【疏】興者,首二章言華之襛, 曷不肅雝,王姬之車。 茸茸 也。 能 艸 執婦道 《旄丘》「蒙 ※ ※ 襛,猶 以 喻王 茸 成

卷

之「鬱」,皆即赤棣歟,而非此唐棣也。 車下李。 種之。 相」、《傳》: 疏》引「唐棣」必是「常棣」之誤。《小雅》之「常棣」、《七月》 「鬱樹高五六尺,實大如李,赤色,食之甛」正同,則《論語 語》邢《疏》引《義疏》云:「唐棣,奥李也。 李,一名奥李,一名雀李,一名車下李,爲棣之屬。 案元恪謂白棣以實白而得名,赤棣如郁李,其實正赤。 赤,如郁李而小,五月始熟。 《傳》及《爾雅·釋木》之誤。《説文》:「移,棠棣也。」「棣 也。』《玉篇》云: 罕》篇:「「唐棣之華,偏其反而。」」皇侃疏云:「唐棣,棣樹 白棣也。」棠,當作「常」。《爾雅》邢《疏》引陸機《義疏》云: 「許慎曰: 《韓詩》作「茙」。」《説文》無「茙」字。 戎」、《左傳》「尨茸」,此「戎」即「茸」之證。《釋文》:「襛 「棣,唐棣也。」是唐棣一名棣,作「移」者,誤也。 唐棣,移」,當作「唐棣,棣」。《晨風》「山有苞棣」,《傳》: 子可食。」此與《齊民要術》引《豳風・七月》篇《義疏》 又有赤棣樹,亦似白棣,葉如刺榆葉而微圓。 所在山皆有。其華或白,或赤。 「白棣樹也。」如李而小,如櫻桃,正白。今官園 「肅,敬也。 「榶棣,棣也。」榶,俗字。 雝,和也。」《思齊》「雝雝在宫,肅肅 自關西,天水、隴西多有之。_ 疑「茂」即「茸」之異體。 ○《清廟》「肅雝顯 六月中熟,大如 一名雀李,亦 皆可訂今本毛 《論語・子 乃《論 子正 郁 曰

> 者皆失之。 詩。 之。」言中心好之,何不飲食之也。是「曷」爲「何不」也。 何不謂之曷。《唐風·有杕之杜》篇:「中心好之,曷飲食 者,唐棣華也。 之。』《鄭志》荅張逸以爲《魯詩》。 禮疏》引鄭《箴膏肓》:「齊侯嫁女,乘其母王姬始嫁時車送 「何彼襛矣、唐棣之華。 車送之。」則此「王姬之車」乃王姬自乘其車也。 禮》注云:「士妻之車,夫家共之。大夫以上嫁女,則自 云:「下王后一等,車乘厭翟。」則此車乃厭翟也。 在 「廟」、《傳》: 然詩何以得編於《召南》數? 「雝雝,和 何肅肅雝雝者,王姬車也。 也。 曷不肅離,王姬之車」,言何戌戌 肅肅 , 敬 是魯以此爲齊侯嫁女之 曷不,曷也。 也。」義 何謂之曷不,又 |並同。 賈公彦《儀 曷,何也 《序》箋 《士昏 説

故《四牡》傳云:「周公作樂,以歌文王之道,爲後世法。」是 孫」也。二《南》皆文王詩、《雅》、《頌》之始,亦皆文王詩 謂武王,「王孫」之「王」謂文王,故又申之云「武王女,文王 桃李也。 子。【疏】華,即承上章而言。 之子。【傳】平,正也。 何彼襛矣,華 ○「平」訓「正」、《那》傳同。 如 《桃李。 武王女,文王孫,適 「華如桃李」,言唐棣之華如 《傳》意「王姬」之「王 平王之孫,齊侯 齊侯 Ż

也。 謂 ? 武王之世。 文義本自一貫。 是文王之孫,故能成其肅雝之德如此,謂已嫁時也。三章 肅雝之王姬是文王之孫,今乃乘車適齊侯之子,謂初嫁時 下嫁也。案此亦承上章而言。「平王之孫,齊侯之子」,言 何言乎王正月? 秋》合。經言「齊侯之子」、《傳》云「適齊侯之子」者,適,謂 其義也。《春秋》「元年春王正月」、《公羊傳》:「王者孰 下章「齊侯之子,平王之孫」,言今下嫁適齊侯之子者 《箋》云:「正王者,德能正天下之王。」亦與公羊説《春 謂文王也。 然而詩之「王」謂文王也,采風者故得坿於《召 文王稱王,事固在追王後,則此詩當作於 大一統也。」《春秋》法文王,與《詩》相表 曷爲先言王而後言正月? 王正月也。

魚食之。 何,何也。 綸 「投綸錯餌。」《淮南 「是」同義。 「緍,綸」,《釋言》文。 「維絲維緍」,上「維」語詞,下「維」與 其釣維何? 齊侯之子,平王之孫。【疏】維,語詞。 婚調餌芳,則庸魚食之。」《説苑·政理》篇云: 「伊,維」、《爾雅・釋詁》文。《雄雉》、《蒹葭》同。 言以絲是綸也。 子 維絲伊緍。【傳】伊,維, 俶真》篇云:"以道爲竿,以德爲 《六韜》云:「緍隆餌重,則嘉 緍 維

其室家、此詩之「釣」興義當同也。

繁應以「罠」爲正字。《傳》於《竹竿》之「釣」以喻婦人之成非即以緍爲釣魚繳矣。《説文・网部》:「罠、釣也。」釣魚非即以緍爲釣魚繳矣。《説文・网部》:「罠、釣也。」釣魚線,遭樂爲釣、仁義爲餌。《采緑》箋亦云:「綸、釣繳。」案

《騶虞》二章,章三句。

道成也。《疏》純,大也。化,則庶類蕃殖,蒐田以時,仁如騶虞,則王行,人倫既正,朝廷既治,天下純被文王之行,人倫既正,朝廷既治,天下純被文王之《騶虞》、《鵲巢》之應也。《鵲巢》之化

南》之篇

茁」爲形容其出,非訓爲「出」。《正義》作「也」字者,是以已箋》云。「也,當作「兒」。今改《正義》本作「兒」字,故謂「茁食生物,有至信之德則應之。【疏】《傳》「茁,出也」、《小子 壁 ு 騶虞。【傳】翳虞,義獸也。白虎黑文,不于 嗟 乎 騶虞。【傳】翳虞,義獸也。白虎黑文,不正經,【傳】系牝曰豝。虞人翼五豝,以待公之發。五豝,【傳】系牝曰豝。虞,蓋也。壹發

卷

誤之《傳》改之也。 杷拏者也。 獸》:「牝豝。」《傳》所本也。 《箋》云:「記蘆始出者,箸春田之早晚。」〇《爾雅 務》云:「未秀曰蘆,已秀曰葦。」是葭、蘆皆葦未秀者之稱。 《禮記・射義》「《騶虞》,樂官備」之説本無不合。 之左右,以安待天子。」「翼」與「驅」義 前説本《爾雅》、毛《傳》,後説本鄭仲師《周禮》說。 《碩人》、《蒹葭》傳竝云: 「茁,草出皃。」皆作「皃」可證。」「葭,蘆」、《爾雅・釋草》文。 用《魯詩》,與《毛詩》合。 (説文): 虞、義獸、不食生物」、仁、義相兼也。 之」者,言文王有信德而翳虞以應,故詩人于嗟乎美歎之 人之官,究非達詁。 「虞人翼之」者,所以補明經義之未備。《吉日》傳:「驅禽 [•禮》篇云:「虞人翼五豝,以待一發,所以復中也。」賈 「二歲爲豝。」發者,公之發,壹發而得五豕。《傳》云 「二歲曰豝。」《説文》:「豝 《吉日》篇言「發彼小豝」,則豝爲小豕矣。《廣雅》亦 「葦,大葭也。」「葭,葦之未秀者。」高注《淮南 《詩》曰:「一發五豝。」」一,當作「壹」。《説文》 《説文》: ○《序》言「仁如騶虞」,《傳》則云「騶 「葭,蘆也。」《七月》傳:「葭爲葦。」 然《魯詩》以「騶虞」之「虞」當即虞 古 鄭司農《周禮・大司馬》注 , 牝豕也。 二, 艸 初生出 云「有至信之德則應 Ē 一曰:二歲能相 相近也。 |地皃。]《玉篇 賈誼《新 兩説實 案此 • 脩 釋 與

> 説。 《逸周書・王會》篇佚此文。 部二》引《尚書大傳》: 義》又引古《山海經》、《鄒子書》云: 也。 虎黑文」,何謂?」荅曰:「白虎黑文,周史《王會》云。」」今 身,名曰騶虞。」《正義》引《鄭志》荅張逸問:「【《傳》曰: 《詩》而釋之云:「騶者,天子之囿也。 田也。」李善注《東都賦》「翳」作「鄒」。 逵注《魏都賦》引《魯詩傳》:「古有梁騶。 云: 虞。」此從左氏「修母致子」,與古《毛詩》説同。 故古有是説也。 自作樂,命曰「鄒吾」。」「吾」與「虞」通。《詩》蓋作於成王 覽・樂部三》引《墨子・三辯》篇: 也。」當亦《魯詩傳》,皆不以「騶 《周禮 「今《詩》韓、魯説:「騶虞,天子掌鳥獸官。」」《文選》劉 服虔注《左傳》云:「思睿信立,白 鍾 師 》疏引《異義》古《毛詩》説 「散宜生之於陵氏取怪獸,尾倍 然亦可 「周成王因先王之樂,又 虞」爲獸名。 「騶虞,獸。」《御覽 證 1虎擾。 | 騶虞爲獸,古無異 虞者,囿之司獸 《新 與《傳》同 梁騶者,天子之 書・禮》篇引 唯《周 白 鈔本《御 虎, 禮 即 白白 《異 疏 爓 騮 其 者

彫蓬。薦,黍蓬。」郭注云:「别蓬穜類。」《説文》云:「蓬,蒿【傳】一歲曰縱。 于嗟乎騶虞。【疏】《爾雅》:「齧,彼茁者蓬、【傳】蓬,草名也。 壹發五豵,

卷二終

耳。 豵皆田豕也。 是也。 亟驅豝豵,其即《禮記》「迎虎」之意與? 豵。」並與毛《傳》同。毛《傳》不本《爾雅》,當別有師承也。 豣。大獸公之,小獸私之。」以豣爲大,則豵爲小,故兩《傳》 月》「言私其豵、獻豜于公」、《傳》:「豕一歲曰豵、三歲曰 《小箋》以爲俗增。全《詩》傳「蒲,草」、「苕,草」、「蓍,草」、 也。」蓬春生,至秋則老而爲飛蓬、《衛風》所謂「首如飛蓬」 《爾雅・釋畧》六嘼少彘,《釋獸》之「豕」當有《釋畧》錯節 《箋》乃本《爾雅》「豕生三,豵」之説。余友歸安姚學塽説。 六月豚。一曰:一歲豵,尚叢聚也。」《廣雅》亦云:「一歲爲 訓同。鄭可農《周禮注》云:「一歲爲豵。」《説文》:「豵,生 亦謂豕也。《傳》於豝言牝,而於豵言歲,互文可見也。《七 草」、「鷊,綬草」、「勺樂,香草」、「鬯,香草」、「蓼,水草」、 「葽,草」、「芩,草」、「萊,草」、「芑,草」、「芄蘭,草」、「龍,紅 「苴,水中浮草」,「草」下皆無「名」字可證。○豵蒙上豝言, 然則此是家畜、非田豕、故毛不用《爾雅》、《詩》之豝、 蓬,易識之草,故《傳》但云「草」也。「草」下「名」字: 《郊特牲》云: 「迎虎,爲其食田豕也。」春蔥

卷

六七

詩毛氏傳疏卷三

長洲陳奂學

邶柏舟詁訓傳弟三

毛詩國風

《庸》、《衛》。曰:「吾聞衛康叔、武公之德如是。是其 庸又皆其下邑。 王時,封康叔於紂之故都,更名曰衛,稱衛國,而邶與 時,武庚以邶爲國都,稱邶國,而庸與衛皆其下邑。 成 《説文》云:「邶,故商邑,河内朝歌以北是矣。」武王 紂故都也。 後,其國不襲紂之故都,而徙封於國北之邶邑。 何。【疏】邶,商邑名,在商都之北。 傳》:「吴公子札來聘,請觀周樂。 所以邶、庸、衛三國之《詩》皆《衛詩》也。 邶國十九篇,七十一章,三百六十三 《續漢書·郡國志》云:「朝歌北有邶國,」 衛即朝歌。 邶在朝歌北,庸在朝歌 武王封武庚爲商 工爲之歌《邶》、 朝歌 《左

> 之同例。 吾衛。 乃分之爲三、猶《雅》之有什焉爾。古國、邑通稱也。 然則一衛也,兼有故殷邶、庸,則謂之邶、庸、 舊次本三國不分,編《詩》者見其篇什縣多,較異他國 棣,不可選也。」此《邶詩》也,而稱《衛詩》。 「三監」。故《書序》曰:「武王崩,三監畔。」周公誅之, 庚。 内爲三國。《詩》風邶、庸、衛國是也。 地理志》云:「河内,本殷之舊都。 相土東都,曰商衛。 民于雒邑。 盡以其地封康叔,號曰孟侯,以夾輔周室。遷邶、庸之 衛風》乎!」」又衛北宫文子引《衛 庸,管叔尹之。衛,蔡叔尹之。 皆以「衛」爲國都而繫以舊號。遂連而稱之,與 邶、庸、衛俱在漢河内郡朝歌縣内。《漢書 故邶、庸、衛三國之詩相與同風。」 衛遷帝丘,居夏伯昆吾之虚,曰昆 周既滅殷,分其畿 詩》曰 以監殷民,謂之 邶以封紂子武 衛。 蓋周大師 威 儀 衛 取 棣

《柏舟》五章,章六句。

仁人不遇,小人在側。【疏】《史記·衛世家》:「康 叔七世至頃侯。 《柏舟》,言仁而不遇也。衛頃公之時, 頃侯厚賂周夷王,夷王命爲衛侯。」頃公,

敷 ? 即 所引《詩》義皆不合。 先。」是矣。《列女傳·貞順》篇以此詩爲衛寡夫人所作。 首。 石」之詩。」用《列女傳》。 首《淇奥》,皆武公時詩。 《潛夫論・ 頃侯也。 《正義》云"「三國如此次者,以君世之首在前者爲 凡韓同毛者多,魯異毛者多,其師承源流蓋如此。 断訟》篇亦云: 邶、庸、衛三國皆《衛詩》。 此劉子政習《魯》説,兼用《韓詩》故 然與《漢書》本傳、《説苑》、《新序》 頃在武前,故《邶》遂以《柏舟》爲 「貞女不二心以數變,故有「匪 《庸》首《柏舟》,《衛》

流貌。 渡也。 也。 字,不知汎猶汎汎也。《書・ 文經作「汎其流」、《傳》作「汎汎其流」、乃於上句重一「汎. 而 本或作「汎汎,流兒」者,此從王肅注加。」《正義》云:「汎然 無 「汎汎、流 !流。」是唐時毛《傳》作「汎,流皃」,不重「汎」字,王肅依下 酒, 柏 隱,痛也。 汎彼柏舟,亦汎其流。【傳】興也。 可 木 柏,木,所以宜爲舟也。 耿耿不寐,如有隱憂。 也。 爲 以 舟 敖 日 依王 遊忘憂也。 微我無酒,以敖以遊。 柏 |肅本,又「皃」誤爲「也」字耳。 故《傳》云: 禹貢》孔穎達《疏》引《傳》作 【疏】《釋文》云:「汎, 亦汎汎其流,不 「柏,木,所以 【傳】耿耿,猶 【傳】非我 宜 汎 柏,木 流兒。 做 以 一爲舟 汎, 濟 做

> 之詞。 《荅靈運詩》、劉琨《勸進表》、稽康《養生論》注引《韓詩》並 憂耳。 聲。」故「耿耿」或作「炯炯」也。 不以濟渡,興仁人不遇時。 其流」三字,則《傳》中「亦」字當衍矣。 也。」「亦汎其流」,亦,語詞也。 憂」爲「大憂」,王引之云:「本三家義。」 《易林•屯》、《咸》云:「汎汎柏舟,流行不休。 連文同義,則下「以」字爲語助足句。 二句爲一句。 作「如有殷憂」。 慇,亦作「殷」、《文選》陸機《歎逝賦》、阮籍《詠懷詩》、謝 也。」「儆」與「警」通。 心懷大憂。仁不逢時,退隱窮居。」焦説正用毛《序》。 作「游」。 有思痛之憂也。 「如」與「而」一聲之轉,故如、而皆爲轉下 耿, 古語之例。 作「炯」。」《哀時命》作「炯炯」。《説文》:「耿,炯省 《傳》釋「微」爲「非」。非,本字;微,假借字。 亦合二句爲一句。《鹿鳴》傳云:「敖,游也。」敖、游 「微我無酒,以敖以游」,言非無酒敖游,以忘此痛 《楚辭•遠遊》「夜耿耿而不寐兮」,王逸注云: 「耿耿不寐,如有隱憂」,言耿耿然不得寐,而 案「殷」即 隱,讀爲慇。《説文》云:「慇,痛也。」 「慇」之省。 ○「耿耿,猶儆儆」,此以今語 《傳》以 《廣雅》: 此全《詩》通例 如,猶 「汎汎其流」釋經「汎 興者,柏舟興仁人, 「耿耿、警警,不安 而也。 耿耿 《詩》合 寤 如此 隱 寐 瞻

我心匪鑒,不可以茹。【傳】鑒,所以察形

也。

鑒·《釋文》作「監」。《禹豐·司垣氏》注:「監,鏡屬。」 也。《。 薄言往愬,逢彼之怒。【傳】彼,彼兄弟。 釋。《茹,度也。亦有兄弟,不可以據。【傳】據, 容,不

依也。 詩。 轉」、「匪席」「不可卷」句法一例。《箋》謂鑒之察形,不能度 鑒,人不可以測度於我。 年《左傳》:「虞公曰:「吾享祀豐絜,神必據我。」宫之奇對 外傳》云: 心不可度,依鄭説,則爲鑒不可度,而我心可度矣。 其真偽,我心度知衆人之善惡外内。 有能明其志者耳。 【疏】鑒、《釋文》作「監」。 曰:「鬼神非 「茹,度」、《爾雅・釋言》文。鑒,所以察形之物。 我心非如 逢怒」,即是不可依之事,故《傳》家上文而釋之云:「彼 韓訓 「茹」爲容納,與毛訓各通。 「莫能以己之皭皭,容人之混汙然。」下即 人實親,唯德是依。」」是據爲依也。 「匪鑒」、「不可茹」與下文「匪石」「不可 《周禮·司烜氏》注: 意承上章而言我心之隱憂,人無 但經明言鑒可 ○據、依同義。 「監,鏡屬。」 「往愬」 《韓詩 度,我 僖五 引此

儀 卷也。【傳】石雖堅,尚可轉。 容俯仰,各有威儀耳。 機棣棣 我 ,不可選也。 心匪石,不可轉也。 【傳】君子望之儼然可畏,禮 棣棣,富而閑習也。 席雖平,尚可卷。 我心匪席,不 物 有 威 可 其

彼兄弟。』《箋》云:「責之以兄弟之道,謂同姓臣也。」

誤。 「君子望之儼然可畏」,釋經之「威」也。 子之不遇時,並與《毛詩序》合。○《傳》「君子望之儼然可 不愛,孰能累之?」亦引此詩。 居魯,天子不得而臣,諸侯不得而友,故養志者忘身。 此士君子之所以越衆也。

」又《新序·節士上》篇言: 小皆有威儀也。」文子又云:「故君子在位可畏,施舍可愛 文子引《詩》釋之云:「言君臣、上下、父子、兄弟、内外、大 威儀」三字,解者因改「宜」爲「威儀」,幸《正義》本作「宜」不 容俯仰」,又於分解中見其互義。 釋「儀」。言「可畏」必曰「望之儼然」,言「各有宜」必 順經先出「威儀」二字,下復分解。以「畏」釋「威」,以「宜 威儀,望之儼然可畏,禮容俯仰,各有宜耳」十九字。《傳 宜耳」,釋經之「儀」也。」《正義》本《傳》中「威儀」二字作 畏,禮容俯仰,各有威儀耳」,此文多有誤奪。《正義》云: 而釋之云:「言不失已也。能不失己,然後可與濟難矣。 「宜」字。案「君子」下尚有奪字。古本毛《傳》當作「君子有 不 尋繹《傳》文,訂正之如是。 《説苑・立節》篇言比干、尾生、夷齊之事,其下引此詩 《箋》乃云:「言己心志堅平過於石席。」此申成 可 數 也。 【疏】石堅 席平,《傳》但 説見《韓詩外傳》。 襄三十一年《左傳》衛北 自各本「君子」下奪去「有 「禮容俯仰,各有 就 石二、「 其言君 《傳》義 席」作 2日「禮 「原憲 身且

進退可 也,不可數者,言己之儀容美備,不可説數也。」《容經》篇 事有其物,物有其容」是也。」《左傳注》云:「物類也,容貌 時制,宜不可數。 有此三字。《正義》云:「又解「不可選」者,物各有其容,遭 《左傳注》及《釋文》皆云:「選,數也。」疑杜、陸所見《傳》文 奪「選數也」三字。先釋經字,再釋經義,全《詩》通例如此。 和之貌。」義相近。《傳》云「物有其容,不可數也」,此上當 棣棣、《禮記・孔子閒居》篇引《詩》作「逮逮」,鄭注云: 「安 雅」是也。《新書·容經》篇云:「棣棣,富也。」義與毛同。 都」。《有女同車》傳云:「都,閒也。」相如賦所謂「雍容嫺 詞。 訶 《傳》言「君子有威儀」,正用《左傳》文。 可樂,動作有文,言語有章,以臨其下,謂之有威儀也。」毛 預《左傳注》作 閒」。 「言君臣、父子、兄弟、内外、大小皆有威儀」,皆者,統同之 閒 「不可選,衆也。 ,習也。」訓 蓋言各有當也。 毛《傳》之「君子」即《詩序》之謂「仁人」,不當爲統同之 閒,古「嫺」字。「閒」下「習」字宜衍。《車鄰》傳: '度,周旋可 富富 「閒」爲「習」,則不必於「閒」下增「習」矣。 昭九年《左傳》曰「服以旌禮,禮以行事, ,則,容止可觀,作事可法,德行可象,聲氣 「而閒也」四字可證。 《傳》「棣棣,富而閑習也」,閑,當作 富而閒,猶之「美日 唯《左傳》釋《詩 杜

《鴟鷃》、《閔予小子》同。 足禮哉?」不足禮,亦是「怨」之意。○「閔,病」、《釋詁》文。 探下「愠于群小」句立訓。《韓詩外傳》云"「小人成群,何 憂矣。」《家語 《孟子》。 《詩》正與此《序》文「仁人不遇,小人在側」合。《傳》義正 憂心悄悄然,而怨此群小人在君側者也。」《文選·思玄賦 據毛《傳》皆當不誤。怒,當作「怨」。《正義》云:「吉仁人 並云: 誤倒。 也。 書·楚元王傳》劉向釋《詩》云:「小人成群,誠足愠也。」蓋 在心也。 悄,憂貌。觀閔既多,受侮不少。【傳】閔,病也。 注引《傳》「愠,怨也」,不誤。《 孟子・盡心》篇:「《詩》云: 静言思之,寤辟有摽。【傳】静,安也。辟,拊心 「憂心悄悄,愠于群小。」孔子也。」趙注云:「憂心悄悄,憂 (説文): 標, 拊心貌。【疏】《傳》先釋「愠」後釋「悄悄」,文疑 「悄悄,憂貌。 憂心悄悄,愠于群小。【傳】愠,怒也。 顔師古注《漢書》、楊倞注《荀子》及魏徵《群書治要》 「竫,亭安也。」「静」與「竫」通 又《荀子・宥坐篇》釋《詩》云:「小人成群,斯 愠于群小,怨小人聚而非議賢者也。」《孟子》引 始誅》篇同。 愠,怒也。」《正義》亦順經爲釋,其所 《女曰雞鳴》傳亦訓 此釋「憂心悄悄」句。 辟,拊心」、《釋 「静」爲「安」。 《漢 足 同

詩毛氏傳疏

掛心之皃。 「擗」古文假借字。《説文》云:「摽、撃也。」故《傳》爲形容「寤辟摽兮永思」,王逸注與《爾雅》、毛《傳》同。「辟」皆「寤辟摽兮永思」,王逸注與《爾雅》、毛《傳》同。「辟」皆訓》文。《説文·日部》引《詩》作「晤辟」,《玉篇·手部》引訓》文。《説文·日部》引《詩》作「晤辟」,《玉篇·手部》引

之不瀚。 中「匪」字或爲非,或爲不,古匪、非通用,故匪謂之非,非又 經中「居」字作釋,毛意不然也。○匪,不也。 又云:「今君失道而任小人,大臣專恣,則日如月然。」鄭泥 月常微耳。《箋》云:「君道常明如日。」此 居、諸皆不爲義。」案孔説是也。《釋文》「迭」引《韓詩》作 飛。【傳】不能如爲奮異而飛去。【疏】《正義》云: **徽衣。【傳】如衣之不教矣。 鐵聲同而義通。** 「有常」。《巧言》「秩秩大猷」、《説文》作「鐵鐵」。是迭、秩、 「戜」,云:「常也。」疑「戜」乃「戜」之誤。 《假樂》傳「秩秩」訓 「居、諸,語助。 匪瀚衣,不瀚之衣。《傳》乃釋心憂之狀,故云如衣 日居月諸,胡迭而微。 《箋》云:「衣之不瀚,則憒辱無照察。」凡全《詩》 故《日月》傳曰「日乎月乎」,不言居、諸也。 日月喻君臣。 胡,何也。 静言思之,不能奮 心之憂矣,如匪 何常而微,言日 「常」字用韓義。 辮,當作

> 同。 道、不忍去之也。」並與《傳》意同 膏肓》云:「楚、鬻、拳同姓,有不去之恩。」鄭注《論語》云: 不去。論情可以明親親,言義足以厲不軌。」《正義》引《箴 何去而之?」。范注云:「《泰》曰:「兄弟無絶道。」故雖非而 十七年《穀梁傳》:「「非之,則胡爲不去也?」曰:「兄弟也 《傳》言鳥。《正義》云:「鳥能擇木,故取譬焉。」是矣。 篇「羽翼奮」,高注云:「奮,壯也。」經言奮飛,借鳥爲喻,故 曰:「不能奮飛。」、《羽部》:「暈,大飛也。」、《淮南子・原道) 漢》、《思文》箋皆以「不」字代「匪」字,與訓「匪」爲「非」者不 釋「匪」字。《巧言》、《車牽》、《公劉》、《抑》、《桑柔》、《江 正》之「匪舌是出」、《常武》之「匪紹匪游」、《傳》並以「不」字 謂之不,匪亦爲之不。 「箕子、比干不忍去,皆是同姓之臣,有親屬之恩。 ○《説文·奞部》:「奮,暈也。从奞在田上。《詩》 《出其東門》之「匪我思存」、《雨 君雖無 宣 無

《緑衣》四章,章四句。

妾不得列姪娣之數,今以寵驕而上僭,賤妨貴矣。《逸周失位,而作是詩也。【疏】妾,賤妾,州吁之母也。賤《緑衣》,衛莊姜傷己也。 妾上僭,夫人

曷維其亡」,言何時亡憂也。維其,句中語助 此皆句例。《檀弓》「練衣黄裹」,注:「練,中衣。以黄爲 内。」是喪或用黃裹,而吉則不用黃裹可知。《易林·觀》: 義者,如「絺兮綌兮」、「父兮母兮」、「叔兮伯兮」是也。又有 兮衣兮」,言緑衣兮也,謂以閒色爲上衣也。上「兮」字爲語 色」,喻夫人。緑衣喻妾上僭,黄裹、黄裳喻夫人失位。「绿 欲自止,何時能止也。【疏】「緑,閒色」,喻妾。「黄,正 「曷已」之義。以「何」釋「曷」,以「止」釋「已」,爲全《詩》通 重其文者,如「簡兮簡兮」、「玼兮玼兮」、「蘀兮蘀兮」是也。 黄裹緑衣,君服不宜。淫湎毁常,失其寵光。] 君,謂小君 「萋兮斐兮」,皆合二字成義,上「兮」字爲語助。 又有疊其 「心之憂矣,曷維其已」,言何時止憂也。「心之憂矣, ○《傳》云「憂雖欲自止,何時能止也」者,以釋「心憂」 如全《詩》中「瑣兮尾兮」、「挑兮達兮」、「薈兮蔚兮」、 黄,正色。心之憂矣,曷維其已。【傳】憂雖 緑兮衣兮、緑衣黄裹。【傳】興也。 緑,閒

裳。心之憂矣,曷維其亡。【疏】「上曰衣,下曰緑兮衣兮,緑衣黄裳。【傳】上曰衣,下曰

卷

「裳」,互文也。《正義》云:「前以表裏興幽顯,則此以上下云:「裳,下之飾也。」上章釋「緑」、「黄」,此章釋「衣」、裳」、《東方未明》傳同。下曰裳,所以配衣也。《斯干》傳

喻尊卑。」

義。 《載馳》傳:「尤,過也。」說、尤義同。「我思古人,俾無說 《菀柳》、《緜》、《蕩》、《載見》、《閟宫》釋文,皆當作「卑」。 曰:「謀而不犯,微而昭矣。」」案「不犯」即《詩》「無說」之 伯之母欲室文伯、饗其宗老、而爲賦《緑衣》之三章。 兮」,言我思古之君子,使無過於禮也。《魯語》:「公父文 釋詁》文。《天保》、《蕩》傳竝訓「俾」爲「使」。依《節南山 爲正色之絲,以喻嬖妾上僭之非禮。 絲,閒色、正色皆可以爲染,今女所治者,但爲閒色之絲,不 先後。絲,所以爲衣也。「緑兮絲兮」,猶云「緑兮衣兮」也 過也。【疏】緑爲所染之色,故緑爲末而絲爲本。 本末猶 本也。我思古人,俾無訧兮。【傳】俾,使,就 韋昭注誤引四章。 緑兮絲兮,女所治兮。【傳】緑,末也。 ○「俾,使」,《爾雅 師亥 絲,

我思古人,實獲我心。《傳》古之君子,實得我之緣兮絡兮,淒其以風。《傳》淒,寒風也。

心也。

【疏》葛覃

- 》傅:

「葛,所以爲絺綌,女功之事

-煩辱

獲我心」之義。 賦《韓奕》,以言宋土如韓樂。穆姜遂荅賦此詩者,正取「寔 月廟見,又有大夫反馬之禮。 章。穆姜出于房,再拜,曰:「大夫勤辱,不忘先君,以及嗣 君,施及未亡人。先君猶有望也。敢拜大夫之重勤。」又賦 宋。夏、季文子如宋致女、復命、公享之。賦《韓奕》之五 亦作「寔」」。獲,得也。衛莊姜以齊女嫁衛,而不見荅於莊 古之人,傷今之己也。 公,以致失位。《傳》云「古之君子,是得我之心也」者,❷思 人失位。○實,當作「寔」。●《燕燕》「實勞我心」,「實,本 《緑衣》之卒章而人。」蓋古者嫁女,必有大夫致女之禮。三 依經言風,故云:「淒,寒風也。」絲綌以禦寒風,喻夫 精 :曰絺,麤曰綌。」此承上文言絲,更言絺綌也。 所謂「斷章取義」也 成九年《左傳》:「二月,伯姬歸于 此伯姬嫁于宋,故文子復命 淒,寒

《燕燕》四章,章六句。

是謂桓公。桓公立在春秋前。魯隱四年,州吁弒之,已在也。衛莊公夫人莊姜無子,以厲嬀娣戴嬀生子完爲己子,《燕燕》,衛莊姜送歸妾也。【疏】妾,戴嬀

禮甚矣。《詩》之義、《春秋》之義也。雖子貴猶稱妾。以視州吁之母,身爲賤妾而上僭夫人,遊不稱戴嬀而直稱妾何? 此正名也。莊姜爲適夫人,戴嬀位十六年。完弒而戴嬀歸陳,莊姜送之,而作是詩也。其

冠也。 從鳦。」❸《夏小正傳》:「燕,乙也。」《玄鳥》傳:「玄鳥,鳦 周名燕,燕又名鳦。」《説文》:「楊周,燕也。 視也。【疏】《爾雅》:「巂周、燕。燕、鳦。」舍人注云:「巂 【傳】之子,去者也。歸,歸宗也。遠送過禮。于,於 「乙,玄鳥也。 也。郊外曰野。 燕之于飛,必差池其羽。之子于歸,遠送于野。 **向聲。」「燕,玄鳥也。** 燕燕于飛,差池其羽。【傳】燕燕,紀也。 齊、魯謂之乙、取其鳴自謼。 瞻望弗及,泣涕如雨。【傳】瞻, 籋口,布翅,枝尾。象形。」 象形 从隹,屮象其 也。 字或

0

星》傳疏及上下文改。「寔」,原作「是」,《清經解續編》本同。據本書卷二《小

星》傳疏及本篇上下文改。
 星》傳疏及本篇上下文改。

^{★ 「}字或從息」、《清經解續編》本同、經韻樓本《說文解字

《説文》説燕之形「布翅、枝尾」是也。 《詩》義同也。 雅》「燕燕」屬上下,是「鳦」不名「燕燕」矣。《詩》重言「燕 實興而《傳》不言興者,放此。〇之子,席戴嬀也。《傳》云 戴妈將歸,言語感激,聲有小大。」此《箋》言興而《傳》不言 池其羽」六字。是《傳》意本指一「燕」,而言「差池」者,即 讀,而孔仲達《左傳疏》以爲「重名燕燕,異方語」,其誤實始 重字連文之例。 乃依經作訓,云「燕燕,息」者,此猶「罩罩,籗」、「汕汕,樔 燕」者,此猶「鴟鴞鴟鴞」、「黄鳥黄鳥」疊評成義之例。 自母家之夫家曰歸,自夫家之母家亦曰歸。 謂張舒其尾翼。 於郭矣。 ·去」者,蓋緣上下文作訓。 「頡頏,興戴嬀將歸,出人前卻。」三章《箋》:「下上其音,興 「燕燕往飛。」』《漢書・五行志》童謡:「燕燕尾涎涎。」皆與 ·歸宗」者,《草蟲》傳: 《螽斯》正義引《鄭志》荅張逸云:「若此無人事,實興 文義自解,故不言之。凡説不解者耳,衆篇皆然。」凡 云「燕之于飛,必差池其羽」,以釋經「于飛」、「差 自郭景純不明《詩》義,致誤《爾雅》「燕燕」連 《吕覽·音初》篇:「二女作歌,一終曰: 興戴嬀將歸,顧視其衣服。」二章《箋》: 「婦人雖適人,有歸宗之義。」《黄鳥》 《桃夭》「之子于歸」,歸謂嫁也。 《箋》云:「差池其羽 《傳》釋「歸」爲 《傳》

> 傳: 過禮 歸于酅矣。 蟲》、《黄鳥》言大夫以下婦人歸宗,此言諸侯之女亦有歸宗 《節南山》同 訓同意別。 於野也,於猶之也。 野」之「于」,與「于歸」之「于」不同義。 己情。」案此申《傳》「過禮」之説也。「于」訓「於」者,釋「于 之義、《左氏傳》所謂「大歸」也。 人之禮,送迎不出門。 「婦人有歸宗之義。」與此 ,猶不越衛境也。 遠送至於野,故《傳》云「過禮」。《箋》云:「婦 云「郊外曰野」,郊,遠郊也。 《采蘇》傳「于,於」,於猶在也。 「膽,視」、《爾雅・釋詁》文、《雄雉》: 今我送是子乃至于野者,舒己憤,盡 言「歸宗」者凡三。 戴嬀歸于陳,猶之紀叔 于歸,往歸,于野 遠送遠郊之外,雖 二《傳 但《草 姬

也。」然則傷周也、燕也、鳦也、玄鳥也,一

物四名。

舊讀《爾

賦 【疏】「飛而上曰頡,飛而下曰頏」、《小箋》云:「上、下,字當 也。 者,頸也。 互易。 飛 也。」顏注云:「頡胻,上下也。」皆本《毛詩》「頡頏」爲訓。」 而下曰頑。之子于歸,遠于將之。【傳】將,行 「柴虒參差,魚頡而鳥胻。」李注云:「頡 瞻望弗及,佇立以泣。【傳】佇立,久立也。 燕燕于飛, 頡之頏之。【傳】飛而上曰頡, 頡 同頁,頁,頭 飛而上則亢向天。」《説文注》又引"「楊雄《甘泉 也。 飛 流而下 則頭 缩地。 、胻,猶 頹同亢,亢 頡

兮》、《丰》、《楚茨》、《文王》、《既醉》、《烝民》、《敬之》傳竝 例。 下無「立」字可證。「宁,久」、《釋詁》文。今《爾雅》亦作 略切,與「久」義相近。《傳》以「久」詁「宁」,《釋文》本「久」 遠行,下又言其所歸之地,立言之次弟然也。佇,當作 必先釋「上音」,再釋「下音」,以寫其鳴號遠近之態,同一意 下曰頡」,以盡其翱翔回顧之狀,猶下章「下上其音」,《傳》 注下,故《傳》先釋「頏」之「飛而上曰頏」,再釋「頡」之「飛 奂謂《傳》文當是「頡頏」二字之互譌。 「宁」。宁者,「箸」之假借,如「朝宁」即「朝箸」之例。 「佇」。《墨子・經上》篇云:「久、彌,異时也。」 將,古「躄」字。《説文》云:「躄,行皃。」上言遠送,此言 今本順經改《傳》,恐失毛氏之恉。○「將,行」、《簡 凡鳥飛,必卬 上而 箸,直 而 後

之音遠乃小,近始大也。上章《箋》「頡頏」猶「出人」,頏,猶音,飛而下曰下音」,下上,猶頡頏也。《傳》先釋「上曰上音,飛而下曰下音」,下上,猶頡頏也。《傳》先釋「上曰上音,飛而下曰下音」,下上,猶頡頏也。《傳》先釋「上中上,稱無下飛,下上其音。【傳】飛而上曰上燕燕丁飛,下上其音。【傳】飛而上曰上

淇縣。陳,今之陳州府。衛至陳五百里而遥也。行也。戴嬀歸于陳,故《傳》以「陳在衛南」釋之。衛,今之出也,頡,猶入也。《箋》亦逆意以解之。○「南」以言鄉南

明》傳云"「仲,中女也。」又云"「大任,仲任也。」彼詩言大 【傳】惠,順也。 先君之思,以勖寡人。 【傳】勖, 任,大,塞,瘞,淵,深也。 任來嫁于周,故稱婦之姓而言任。此莊姜評戴嬀不必繫乎 而字,則十五以後稱伯仲,異乎男子之五十以伯仲也。《大 韓與毛不同,其義甚古,必有師承。 於列位也。」同列位者,稱貴妾。戴嬀之位在中,故稱仲。 取九女,皆有列位。 勉也。《疏》《傳》以仲爲戴嬀字,女子以伯仲爲字,十五笄 作「實」。 德行」是也。 「仲氏任只」,仲,中也。」又《衆經音義》卷九引《韓詩》云: 姓,故但言仲,而不言仲嬀。 《玉篇・人部》引: 「《詩》云: 「壬,大也。」「任」與「壬」同。 「仲,中也。 仲氏任只,其心塞淵。【傳】仲,戴嬀字也。 書・ 言位在中也。」是韓不以「仲」爲字矣。 「塞」訓「瘞」,「瘞」乃「實」之誤。 堯典》孔《疏》及《文選·舞賦》李注引作 《小星》「寔命不同」、《傳》:「命不得同 終温且惠、淑慎其身。 大者、《正義》云「言仲氏有大 〇《賓之初筵》傳: 崔《集注》本 諸侯一

字。 《傳》同。「惠,順」,《釋言》文。温惠,猶和順也。 此爲衛夫人定姜之詩,云:「畜,孝也。 同 以託。」引《詩》云:「先君之思,以畜寡人。」案勖、畜古聲 嬀之歸,猶望其以先君之故勉己。《禮記·坊記》篇:「利 也 妻,適妻。」則莊姜適夫人,故得自稱曰寡人也。思,憂思 記・中庸》云:「不明乎善,不誠乎身矣。」〇「勖,勉」、《釋 定姜作詩, 禄先死者而後生者,則民不偝。先亡者而後存者,則民可 詁》文。《書·牧誓》「勖」字、《史記》多以訓詁代之,作「勉 哲」同詞。 也。 古塞、實同訓之理也。《定之方中》箋云:「淵,深也。」義與 「既」同也。其義又見《葛藟》篇。淑,善也。慎,誠也。 莊姜不見荅於先君,致遭州吁之難,憂思不已。 此勖、勉義通之證。先君,莊公也。《思齊》傳"「宴 「終温且惠」,言既温且惠也。與「既安且寧」、「既明且 此引《詩》念昔先君以爲先死亡者,斷章取義。 `言獻公當思先君定公,以孝於寡人。」《釋文》 《既醉》傳: 「既者,盡其禮,終其事。」此「終」與 獻公無禮於定姜 終,猶既 鄭注以 於戴 《禮

兄《毛詩》源流真古,故箋《詩》亦從毛義。 公 " 「此是《魯詩》。」然邶、庸、衡於文公以後無詩,不應獻君,●先師亦然。後乃得毛公《傳》。既古書,義又宜。然悉本《左傳》爲説。《鄭志》荅炅模云:「爲《記》注時就盧悉本《左傳》爲說。《鄭志》荅炅模云:「爲《記》注時就盧悉本《左傳》爲說。《鄭志》荅炅模云:「爲《記》注時就盧悉本《左傳》爲說。《鄭志》荅及模云:「爲《記》注時就盧悉本《左傳》爲說。《鄭志》荅及模云:「爲《記》注時就盧悉本《左傳》爲說。《鄭志》荅及模云:「爲《記》注時就盧悉本《左傳》爲說。《鄭志》首從三家,其後稍稍

寒。」」今《皋陶謨》作「剛而塞」、《夏本紀》作「剛而實」。

此而

作「實」。《定之方中》、《常武》箋並訓「塞」爲「實」。

『剛而本

實」。

《漢書

敘傳》:

「安世温良,塞淵其德。」顏注引

亦

此《傳》訓,皆其證。《説文》:「寒,實也。《書》曰:

(日月)四章,章六句。

遠,古,故也。胡能有定,寧不我顧。【傳】胡,臨之也。乃如之人兮,逝不古處。【傳】五乎月乎,照傷已不見荅於先君,以至困窮之詩也。

●「就」,原脱、徐子静本、《清經解續編》本同、據阮刻《毛

七七

桊

之、如「胡寧忍予」、「胡寧瘨我以早」皆是也。 俾我遯」、《正月》「胡俾我瘉」,「寧俾」即「胡俾」也。 毒」、《正月》「胡爲虺蜴」,「寧爲」即「胡爲」也,《雲漢》「寧 寧,亦胡也。 肎適我」,言可及時適我也,「噬肎來游」,言可及早來游 代「逝」字。逝不,不及也。 也,謂莊公也。」《爾雅》:「遾,建也。速,及也。」「逝」與 當同德齊意以治國者,常道也。」○《箋》云:「之人,是人 何; 乎也。」故《祭義》「勿勿諸其欲其饗之也」、《禮器》「諸」作 「胡,何」、《傳》爲全《詩》通訓。 日月照臨也。 「逝不相好」,言不及相好也。 「遾」通。 **『乎』。《樂記》「禮發諸外」,《祭義》「諸」作「乎」。」是皆** 「諸」、「乎」聲通之證。《箋》云:「日月,喻國君與夫人也、 諸」代「乎」,不釋「居」字。《釋詞》云:「《小爾雅》曰:「諸 《節南山》「亂靡有定」,《箋》:「定,止也。」義與此同 胡爲乎,即何爲乎。 句義相同。「古,故」、《烝民》同。 定,止也。【疏】《傳》云「日乎月乎,照臨之也」者,言 逝謂之速,逮又謂之及,故下章《傳》直以「及」字 凡《詩》或言「胡」,或言「寧」。《桑柔》「寧爲答 經中「居」字當讀爲「其」,語助詞。《傳》以 是胡、何同義。「定,止」、《釋詁 「逝不占處」,言不及古處也 亦作「噬」。《有杕之杜》「噬 胡不,即何不,胡然,即何 古處,猶言舊所耳。 故上言胡而 連言

> 並與「何」同義。 「胡不」也。《葛覃》傳:「寧,安也。」「寧」、「胡」、「安」三字順」,言胡不顧我也,「寧不来」、《伐木》「寧適不來」、「寧不」皆順」,言胡不顧我也,「寧不我報」,言胡不我報也。《子衿》其,上言既而下言亦,連言之曰亦既,皆其句例。「寧不我其,上言既而下言亦,連言之曰亦既,皆其句例。「寧不我下言寧,連言之曰胡寧,猶上言維而下言其,連言之曰維下言寧,連言之曰胡寧,猶上言維而下言其,連言之曰維

保》「如日之升」、《傳》:「升,出也。」是日始出於東方也。聲,良,善也。胡能有定,俾也可忘。【疏】《天出東方。乃如之人兮,德音無良。【傳】音,出居月諸,出自東方。【傳】日始、月盛,皆

《東方之日》傳亦云:「月盛於東方。」《禮器》:「大明生於 東,月生於西。此陰陽之分、夫婦之位。此《傳》言月盛與 也。○《傳》訓「音」爲「聲」,德音,猶善聞令名也,二字連讀 也。○《傳》訓「音」爲「聲」,德音,猶善聞令名也,二字連讀 也。○《傳》訓「音」爲「聲」,德音,猶善聞令名也,二字連讀 也。○《傳》訓「音」爲「聲」,德音,猶善聞令名也,二字連讀 也。○《傳》訓「音」爲「聲」,德音,猶善聞令名也,二字連讀 是 《說政》、《鹿鳴》、《南山有臺》、《中華》、《皇矣》、《假樂》「德音」 《說文》、《廣雅》並云:「良,善也。」忘,忘憂也。

> 호 《爾雅》一書原不專釋《詩》辭。《釋詁》「通,循」可釋《尚 疑。 也。 今本「不道」作「不循」,亦誤。 若釋「通」爲「循」,文義未盡。 我不道,不道猶言無道也。 書・康誥》「遹」字,而《釋訓》「遹,道」正釋此詩「遹」字。 皆用《釋訓》文,則此詩「不適」爲「不道」,亦當用 不道也。」《十月之交》「天命不徹」,「徹,道也。」不蹟、不徹 或云:《釋詁》「遹,循也」,毛氏傳《詩》所本也。 「不道,不循禮也。」《箋》蓋以「循禮」申《傳》之「道」, 今《詩》或因韓改毛耳。傳《沔水》「念彼不蹟」,「不蹟 故釋「遹」爲「道」,文義已明。 古人屬辭最平直也。 《釋訓》無 《箋》 不知

《終風》四章,章四句。

見侮慢而不能正也。《疏》(箋》云:「正,猶止也。」《終風》,衛莊姜傷己也。遭州吁之暴,

引《傳》:「終日而風爲終風。」有「而」字,「終日而風爲終展也。顧我則笑。《傳》笑,侮之也。謔浪笑敖,疾也。顧我則笑。《傳》笑,侮之也。謔浪笑敖,疾也。顧我則矣。《傳》樂,與之也。謔浪笑敖,

七九

卷

=

風。」泰,當作「大」。《桑柔》箋作「大風」。 也。 風」,則下二章「終風 日 改毛,大誤。○笑,即笑敖,《序》謂之「侮慢」,故《傳》云: 《傳》不合。或謂《傳》「暴,疾也」,「疾」下奪「雨」字,據三家 从水,暴聲。 也。」此《毛詩》義,而作「瀑」字,誤。《説文》:「瀑,疾雨也。 興,而大風暴起。」《傳》訓 「暴」字之義,言日出以别於霾、曀 云:「浪,起也。」韓以「謔」字逗,謔則起笑敖,則亦以笑敖 爲謔,可 《傳》云「言戲謔不敬」,即所以釋經「謔」字之義。《韓詩〉 「謔,戲也。」謔爲戲,連言之爲戲謔。 「笑,侮之也。」《爾雅》:「謔浪笑敖,戲謔也。」《説文》: 《何人斯》傳「飄風,暴起之風」是也。《玉篇》:「瀑,疾風 |而風」總釋三「終風」之義,「日出而風」則專釋詩首章 《釋文》引《韓詩》云:「西風也。」《爾雅》:「西風謂之泰 釋天》:「日出而風爲暴。」《傳》與《雅》訓異意同。 '因韓讀 《詩》曰:「終風且瀑。」」此三家《詩》,與《雅》、 而明毛訓矣。 且霾」、 「暴」爲「疾」者,亦謂風之暴起。 終風 中心,心中也。 且 也。 曀 笑敖者,謔之狀也。 孫炎云:「陰雲不 |皆是「終日 毛、韓意同。 《氓》傳: 圃 **「終** 爾爾 風

【傳】言時有順心也。莫往莫來、【傳】人無子道以終風且霾、【傳】霾,雨土也。惠然肎來。

「悼,傷也。」「悼」與末章「懷」同義。

傳: 此。 雅》:「肎,可也。」《説文》:「可,肎也。」此凡語,全《詩》放 義。 風》「惠而好我」,「而,猶如也。」《君子偕老》傳「而」、「如」同 不更言風也。 傳》:「箸於上,見於下,謂之雨。」言雨土則風箸矣,故《傳 者,風起土下如雨,《小雅》序:「雨,自上下者也。」《穀梁 【疏】「霾」與「埋」同聲。 來事己, 意也。 《傳》乃逆其辭以釋之。「無子道事己」,即承上章「笑侮」之 《渭陽》、《十月之交》皆曰「悠悠」。 來」,「己亦不得以母道往加之」釋「莫往」,莫來故莫往、 心」,即承上章「顧我」之意也。「人無子道以來事己」釋「莫 爲「不往」也。 「悠,思也。」重言曰悠悠。 「惠,順也。」然,猶若也。《氓》傳「若」、「然」同義。 惠然、惠而,其義一也。 「順心」釋「惠然」,「時有順心」釋「肎來」。 「時有順 「莫」訓「無」,又訓「不」。 「莫來」爲「無來」,「莫往 ح 亦 孫炎云"「大風揚塵土從上下也。」○《燕燕》 凡全《詩》「莫」字有此二義。《關雎》傳: 不 得 以 《爾雅》:「風而雨土爲霾。」雨 母 此及《雄雉》、《泉水》、《子衿》、 「然」字不當作「然後」解。 道 往 加 之。 悠 悠 我 思。 籴 爾爾 土

寤言不寐,願言則嚔。《傳》瓊,路也。《疏》「陰而終風且曀,不日有曀。《傳》陰而風曰曀。

'疐」不誤。

訓爲「我」,與「言歸」之「言」不同義。 而志倦欠故也。 ○「寤言不寐」,猶云「獨寐寤言」也。 也。」《小爾雅》: 唐初舊本經皆作「疐」。 云:「毛訓「疌」爲「故」,今俗人云「欠欠故故」是也。」不作 「劫」字。」《正義》引王肅作「疐,劫」,定本、《集注》同。 「啑」,又作「疐」。 ·寤言」之「言」不同義。 《葛覃》「言告·言歸」,「言告」之「言」 願言」爲「思我」。 疐」、《傳》作「疐 劫」,是又誤踵王肅 (曰曀」、《爾雅・ 「莫往莫來,悠悠我思」也。 ,故又改作「跲」。 ○「嚏,跲」,經、《傳》皆從誤本。 陸所見崔本作「疌」,「疌」即 「終風且曀」,謂風也。「不日有曀」,謂陰也,言不 「有」爲句中語助。 又引王肅本毛《傳》作「疐,劫」。 「曀,冥也。」《雅》、《傳》緣《詩》立訓,乃兼 「願言則懷」 鄭作「嚏」。 救 款 釋天》文。 思我,我思也。「願言則疐」,謂我思之 唯陸所見崔本作「故」。 也」, 矣。 今作「嚔」者,其誤始於唐開 當是古本如是。 崔靈恩《集注》所 《箋》云: 曀,亦陰也。《釋名》: 劫,本又作「跲」,孫毓同。 「願言」之「言」訓爲「我」,與 ,謂我思之而憂傷也,猶上文 · 疐」之誤。 皆兩「言」字連文而異 《釋文》:「疌,本又作 「喻州吁闍亂甚也。」 願,思也。 《通俗文》: 據《毛詩》經作 「劫」與「跲」音 孔引《集注》作 孔引《集注》作 言,我也。 一曀,翳 成石 然則 「張 崔 安。 往 也。 字 此《説文》例也。 \Box 欠敖也。 ,則於篇義更難通。

굸

日曀也。 風言耳。 風

《玉篇》「噴鼻」之説同,此亦本三家《詩》義也。 三家《詩》字以申《毛詩》之義,謂「疐」即「嚔」之古文假 則疐劫而不行」,不知上章《傳》云「不以母道往 噴鼻,於《序》言「傷己」不合。至王肅云「願以母道往加之, 皆是衛莊姜傷己之詞,願言則故,謂我思之不已則 嚏。」」鄭《箋》:「疐,讀爲「不敢嚏咳」之「嚏」。今俗人嚏 謂口气,宗毛,故説解同毛。 言則嚔。」」「悟解气」與「故」訓合。 《説文•口部》:「嚔,悟解气也。 御》:「故,欠故。」《集韻》:「故,張口皃。 云「人道我」,此古之遺語也。」鄭於毛《傳》、《説文》異,而 《毛詩》作「疐」,三家《詩》作「嚏」。「嚏」有口气、鼻气兩解。 運气謂之欠故。」《玉篇》:「故欠,張口也。」《廣韻 」句,不釋「我思」句。 又據《狼跋》傳改「故」爲「劫」,以「疐劫不行」解 从欠,从口。」《傳》訓 「欠,張口气悟也。 若依「噴鼻」解「嚏」字,謂州吁思莊姜,莊姜爲之 《玉篇》: 《正義》依王申毛,誤矣。 今肅以解此「願」字,而於句義有不 象气从儿上出之形。」「吹,出 「嚏,噴鼻也。 「疐」爲「故」,「疐」即古文「嚔」。 而引《詩》作「嚔」者,此許氏據 从口,疐聲。《詩》曰:「願 許以「嚔」字从口,故 《詩》曰:「願言則 或作[呿]。」《説 但此詩 加」釋「莫 ?志倦而 四 借 龃 九

陰

其 富。

傳」如常

陰

曀

暗

懷。 然。 「常陰」。 雨,晶象回轉形。 擊者謂霹靂。」《説文》:「靁,陰陽薄動靁雨,生物者也。 鈔·天部四》引《爾雅》:「疾靁謂之霆。」郭注云:「靁之急 如雷」,「震雷」即「霆雷」也。暴,疾也。 聲義皆近。 霆、震三者自微而箸,凡靁必回轉餘聲而振物者也。 振物聲也。 虺」與「回回」聲同意别,回回者,象靁回轉之聲, 虺虺者, 餘聲也鈴鈴, ス懷」,言我思之則憂傷也、《序》所謂「傷己」也 暴若震靁之聲虺虺 【傳】懷,傷也。 晴 曀 曀曀,猶晻晻也。 經言「靁」,《傳》云「震靁」。 其 ○「懷」訓「思,」此云「傷」者,思亦傷也。 `所以挺出萬物。」「震,劈歷,振物者。」案靁、 **靈,籀文靁,閒有回,回,靁聲也。**」「霆,靁 虺 【疏】曀爲陰,故《傳》以「曀曀」爲 虺 《説文》引《詩》作「墳墳」,曀、墳 然。 寤言不寐, 《大雅》兩言「如霆 虞世南《北堂 願 言 「願言 一虺 則 从 書

擊鼓》五章,章四句。

使公孫文仲將而平陳與宋,國人怨其勇而 擊鼓》,怨州吁也。 衛州吁 ·用兵暴 亂 無

> 禮也。 即位也,公子馮出奔鄭,鄭人欲納之。 若伐鄭以除君害,君爲主,敝邑以賦與陳、蔡從,則衛國之 君之怨於鄭,而求寵於諸侯,以和其民,使告於宋曰:「君 將伐鄭,先告陳與宋,以成其伐事。《春秋傳》曰「宋殤公之 願也。」宋人許之。於是陳、蔡方睦於衛,故宋公、陳侯、蔡 人、衛人伐鄭」是也。 【疏】《箋》云: 伐鄭,在魯隱四年。」 「將者, 將 兵以 及衛州吁立,將修先 伐 鄭 也。 平,成 也。

依毛訓 言形容其擊鼓之聲,與「零雨其濛」、「兕觥其觩」句同,皆先 也。 也, 其擊鼓」、「坎其擊缶」是也。 聲也。」引《詩》作「鑒」。 言事而後言狀也。有先言其狀而後言其事者、《宛丘》「坎 不過間。」「闖」爲「鼜」之假借字。《管子・輕重甲》篇云: 也。」踊躍 鼓」,下句言「用兵」,鼓以動衆,故云: 「湩然擊鼓,士忿怒。」「湩」與「鏜」一 使衆皆踊躍用兵也。 我獨南行。【疏】《傳》云「鐘然、擊鼓聲」,鐘然者 擊鼓其鐘,踊 ,則《詩》之「鏜」當爲「鼞」也。 連縣字。 《説文》云:「兵,械也。」〇「漕, 「鏜,鐘鼓之聲也。」引《詩》作「鏜」。 躍 用兵。 土國城漕、【傳】漕、 此句例也。《説文》: 聲之轉。 【傳】 螳然,擊鼓 《司馬法》云:「鼓聲 「使衆皆踊躍用兵 詩上句言「擊 ,衛邑 聲

《泉水》同。 以虚得名,不以水得名。 文云:「曹、《詩》作「漕」。」《定之方中》傳云:「虚,曹虚。」曹 經注》作「曹」。 滑縣,春秋時衛之漕邑。 狄滅河西之衛,而立戴公於漕,即此邑矣。 處漕邑」、「露于漕邑」、《左傳》及《管子》作「曹」。 衛 都朝歌, 「言至于漕」、《列女傳》作「曹」。《詩序》「野 ,漕邑乃 漕,古作「曹」。 我,軍士自我也。 在河 東。 城,築都城 「思須與漕」、《水 今河南衛輝 南行,南行伐 《左傳》釋 也。 府 後

平,成也。 與之俱行也。」鄭、孔皆申明毛義。 憭矣。《箋》云:「平陳於宋,謂使告宋曰:「君爲主,敝邑以 鄭、宋爲盟主、陳屬於宋、不從同也。 字,文仲,其謚也。 【傳】憂心忡忡然。【疏】從,從南行也。 孫文仲也。 《序》作「公孫文仲」,故《傳》以爲一人。孫,公孫,子仲,其 與與陳、 從孫子仲,平陳與宋。【傳】孫子仲,謂公 《傳 、蔡從。」」《正義》云:「成伐事,先告陳,使從於宋, 「陳與宋」,與者,及也,爲從同之詞。 今用兵伐 以以 平陳於宋。不我以歸,憂心有忡。 「仲仲」 云「平陳於宋」者,「於」字釋經「與」字。 |釋經之「忡」,此疊字釋單字也。 ○有,狀物之詞,憂心忡 讀「與」爲「於」,其義 孫子仲,衛大夫。 《草

蟲》、《出車》篇云:「憂心忡忡。」

同。 林。 之,皆重獲在木下。」此即《詩》言求林之義。《箋》:「軍行 下,指木曰:「尸女於是。」授趙旃綏,以免。 굿: 以釋「爰居爰處」句。 亡其馬者。 必依山林。」《正義》引《周禮・肆師》「祭兵於山川」, 宜十二年《左傳》:「趙旃弃車走林。 之下也。篇中或言「爰」,或言「于」,「爰」、「于」竝與「於. 喪其馬」句,起下文求于林下而言也。《皇矣》傳亦云: 「喪,亡也。」〇 于,於也。 「軍之所依止。」又以申明《傳》言山林之義也。 凡林必兼言麓。麓,山足,故《傳》云「山木曰林」也 「謂死也、傷也、病也。」於是有喪馬而死亡者,以釋「爰 【疏】爱、於也。 爰居爰處,爰喪其馬。【傳】有不還者,有 于以求之,于林之下。【傳】山木曰 於,於是也。 「不還」承上章「不歸 於,猶在也。「于林之下」,言在林 於是有居處而不還者 逢大夫謂其二子使 」而言也。 明日,以表尸 《箋》

111

鄭也。

文》:「契,本亦作「掣」。」《大東》「契契寤歎」,或作「掣、说,數也。執子之手,與子偕老。【傳】偕,俱也。死生契闊,與子成説。【傳】契闊,勤苦也。

卷

)氏傳疏

俱老。] 子偕老》、《陟岵》傳竝訓 鄭用《韓詩》義。 《箋》:「從軍之士與其伍約,死也生也相與處勤苦之中。」 生至死,契闊 義亦同。 曰: 俱也。」皆、俱,詞也。 忍遠離耳。《傳》云「説,數」者,《説文》:「數,計也。」○《君 苦」、「憂苦」 挈」,《縣》「爰契我 《正義》引王肅云:「言國人室家之志,欲相與從 也。 .勤苦而不相離。 毛義則憂用兵之苦,因追述其室家,有不 《釋文》引《韓詩》云:「契闊,約束也。」 龜」,本作 「皆」爲語詞之「俱」。 偕 挈。 爲「俱」。 相與成男女之數,相扶持 挈 闊 《説文》:「偕,一 疊 量韻,蓋 偕從皆聲. 古 語 勤

子 聲轉通也。《釋文》引《韓詩》作「敻」云:「敻,亦遠也。」高 也。 也。 注《吕覽• 芟》箋:「活,生也。」連言之曰生活。《孟子·盡心》篇云: 洵 「民非水火不生活。」是「生」、「活」連文得義。 」訓爲「遠」,則 宙合》篇「讂充、言心也」,●劉績《補注》云: 【疏】于嗟,嘆詞,悲歎之詞也。 于嗟洵兮,不我信兮。 于嗟闊兮,不我活兮。 盡數》篇引《詩》「于嗟夐兮」,本《韓詩》也。 「闊」之爲「遠」不訓,此《傳》例 【傳】洵, 《爾雅》: 【傳】不與 洵,讀爲敻: 「闊,遠也。」 遠; 也。 我 「讂,遠 信, 生 《管 《載 極 活

> 之辭。 肅云: 離,難以濟矣。 仲曰:「州吁阻兵安忍。 及。《箋》以四章用《韓詩》義,契闊爲軍中約束。末章謂 亂成,必不免矣。」「蓋此爲衆仲逆料之詞,詩人口内不應豫 是國人怨其用兵暴亂,爲「未能和衆」張本。《左傳》:「衆 立,即於是秋九月被殺於陳,一時之頃伐鄭者再。 言不與我終古也。 讀,猶以「生」詁「活」,而「生」、「活」連讀。 故云:「信,極也。」」案《傳》以「極」詁「信」,而「信」、「極」連 也。」「讂 士棄約,歎其離散相遠,非毛義也。 「信,古「伸」字。《易》曰: 「「爰居」而下三章,衛人從軍者與 與 夐 州吁弑其君而虐用其民,不務令德,而欲以 通。 ○案魯隱公四年春,州吁弑桓公而 遠 者,言 阻兵,無衆。 「引而信之。」「伸」即終極之義 遠 1ĵ 從軍 歐陽修《詩本義 安忍,無親。 也。 不與我信極者 八其 《正義》云: 室 主家訣別 衆叛親 此詩 学引 自 軍 正

(凱風》四章,章四句。

正》改。静本、《百子全書》本《管子》、《諸子集成》本《管子校「言」,原作「之」,據中國書店影印武林愛日軒本、徐子

0

子·告子》篇:「公孫丑曰:【《凱風》何以不怨?」曰: 其孝道,以慰其母心,而成其志爾。【疏》《孟 有七子之母,猶不能安其室,故美七子能 凱 '風》,美孝子也。衛之淫風流行,

盡

雖

風》,親之過小者也。」「不怨,言不怨親也。

興也。 作「豈」之證。 風主乎夏,萬物茂盛,《夏小正傳》所謂「生必于南風,爲離 泉、鳥之不如也。 【疏】興者,前二章以凱風之吹棘,喻母養其七子,後二章 云:「「心」字各本奪,今補。 也。」康,亦樂也。 文》兩收「愷」字。《心部》:「愷,樂也。」《豈部》:「愷,康 氣所生者」也。 以寒泉之益於浚、黄鳥之好其音,喻七子不能事悦其母, 《傳》又申釋「凱風」云「樂夏之長養」,所以明其興義也。 《載驅》、《蓼蕭》、《旱鹿》、《泂酌》竝以「樂易」釋「豈弟」,此 夭夭,盛貌。 凱風自南,吹彼棘心。 南風謂之凱風,樂夏之長養。 豈,古文「愷」字。《爾雅》: 凱,當作「豈」。《傳》以「樂」字釋「豈」字。 ○《傳》文「棘」下當有「心」字,《小箋》 「南風謂之凱風」、《爾雅・釋天》文。 母氏劬勞。【傳】劬勞,病苦也。 「棘心」對下「棘薪」言,謂棘之 棘 心夭夭、【傳】 棘心,難長養 「愷,樂也。」《説 南

> 訓。 雅》: 굸 木也。」《爾雅》:「樸樕,心。」是「心」有「小」義。 之劬勞可知矣。」案段説是也。《野有死屬》傳:「樸樕,小 初生萌蘖,故云「難長養者」。 棘心至於夭夭然盛 「夭夭,其少壯也。」「盛」與「少壯」義相 《鴻雁》同。 「棘,棗也。」棗叢生,故叢生之木皆得稱棘。 「劬勞,病也。」《傳》云「病苦」者,兼三章言「勞苦」作 《説文》:「勞,勮也。」疑「劬」即 近。 **愛** 《桃夭》傳 则 「勮」之 ○ 爾 有桃 母氏

√凱

異體

説。 不當據古文《尚 云:「叡作聖。」鄭用古文《尚書》以證《傳》訓 法》篇云:「叡,聖也。」《楚語》云:「子實不叡聖。」又云: 棘長成薪,故《傳》云:「棘薪,其成就者。」○《逸周書•謚 者。 繁露・五行五事》篇及《説苑・君道》篇皆從今文《尚書》 五行傳》:「五事曰思心。 「其聖之叡廣也。」此皆聖、叡同訓之理、《傳》所本也。 《毛詩傳》與伏《書大傳》合,故詁訓與今文《尚書》合, 五行志》: 母氏聖善、【傳】聖、叡也。 凱風自南、吹彼棘薪。 「五曰思,思心曰容,容作聖。」董仲舒《春秋 書》爲證。 思心之不容,是謂不聖。」《漢 鄭玄注《大傳》云:「容,當爲 我無令人。【疏】 非也。 《洪範 《箋》

八五

卷

Ξ

【傳】棘薪,其成

就

「睿」。睿,通也。」亦古文改今文,與箋《詩》意同。

義也。 濮陽。 之所資。《傳》云「在浚之下,言有益於浚」者,亦以明其興 都。」是浚邑與楚丘地相近,當有可據。 非,誤矣。 東郡,今直隸大名府開州,即古濮陽地。 《傳》:「浚,衛邑。 邑,故此《傳》云: 有寒泉,在浚之下」。世謂之高平渠,非也。 南,西北去濮陽三十五里,城側有寒泉岡,即《詩》所謂「爰 逕鉏邱城南。 在浚之下,言有益於浚。 「濮水故道在濮陽南者也。」」案《漢書・地理志》濮陽縣 六國時,沮、 浚城在沮邱東,沮邱即楚邱。 ○勞苦,猶劬勞也 爰有寒泉,在浚之下。 【傳】沒,衛邑也。 辨見《定之方中》篇。 京相璠曰:「今濮陽城西南十五里有沮 楚同音。」以爲楚邱,非也。 郊外曰野。」「在浚之都」、《傳》:「下邑 「浚,衛邑也。」《干旄》「在浚之郊」, 有子七人,母氏勞苦。 攷衛未渡河,濮陽乃其下 而善長復以京説爲 寒泉在浚下,溉浸 酈善長以 又東逕浚城 京相璠曰: 後城 在 在 邱

有子七人,莫慰母心。【傳】慰,安也。【疏》《小睍睆黄鳥,戴好其音。【傳】睍睆,好貌。

之辭。」 過; 字。 之辭也。」此據戴氏震校本,盧辯注云:「七子自責任 音。」「咬咬」亦雙聲。○《傳》訓「慰」爲「安」、《車舝》、《縣 行》:「凱風吹長棘,夭夭枝葉傾。 喈,和聲之遠聞也。」睍睍、喈喈語轉雙聲。《古樂府• 矣。《葛覃》詠黄鳥「其鳴喈喈」、《傳》:「黄鳥,搏黍也。 疏引亦作「睍睆,好貌」,是以「睍睍」爲形容黄鳥顏色之好 部十》。 詩》作「簡簡黄鳥」也。」案《韓詩》見《詩考》引《御覽・ 箋》云: 可人也,吾辭其罪。」《詩》云「有子七人,莫慰母心」,子 《大戴禮•曾子立孝》篇:「子曰:「不可入也,吾任其 好,謂聲音之好。今本「也」誤作「兒」。《禮記·檀弓》 毛蓋緣下句作訓,疑《傳》文當作「睍睍,好也」四 「《説文》無「睆」字,疑此本作 黄鳥鳴相追,咬咬弄好 「睍睍黄 (鳥),故《韓 長歌 羽 喈

《雄雉》四章,章四句。

人概,又與宋人鄭伐戴。又與陳、蔡從王伐鄭。又與齊、鄭作是詩。《疏》《春秋》衛宣公於魯隱四年即位。明年,衛軍旅數起,大夫久役,男女怨曠,國人患之而軍旅數起,大夫久役,男女怨曠,國人患之而《雄雉》,刺衛宣公也。 淫亂不恤國事,

伐魯,戰于郎。皆其軍旅事也

風》同。 緊物」、「緊伯舅是賴」、《國語》「豈緊多寵」、「緊起先人」,又 作「伊」,内、外《傳》皆作「繄」。《左傳》「繄我獨無」、「惟德 保》同。 也。」「治、遺」、《爾雅・釋言》文、《静女》、《丘中有麻》、《天 貌,志在婦人而已,不恤國之政事。」○《終風》傳: 宣二年《左傳》云「我之懷矣,自詒伊感」,此詩《正義》引作 洩」,杜注云:「洩洩,舒散也。」與《詩》「泄泄」同,「洩 《傳》則兼及雌雉,以明興義也。 阻、【傳】治、遺、伊、維, 雌 「自詒繄戚」。 「伊」字,及《蒹葭》、《東山》、《正月》之「伊」竝云: 雉, 緊,猶是也。」或三家《詩》有作「緊」也。 雄 飛而 難,軍旅之難 「伊,維」,《何彼襛矣》、《蒹葭》同。《箋》於此篇 《箋》云:「興者,喻宣公整其衣服而起,奮訊其形 雉 鼓 于 此伊、緊相通之證。 人其翼 飛 泄 也 泄 泄 泄 然。 其 阻,難也。【疏】經言雄雉, 羽。 隱元年《左傳》「其樂也洩 我之懷矣,自 「阻,難」、《釋詁》文、《谷 【傳】興也。 凡《毛詩》皆 「伊,當作 . 「懷,傷 雄 治伊 雉見 即

我心。《傳》展,誠也。《疏》《箋》云:「下上其音,興宣雄雉于飛,下上其音。 展矣君子,實勞

桊

是也。此女望君子之詞。言誠以君子久役之故,我心是「亶」疊韻,亶謂之誠,展亦謂之誠矣。實,當作「寔」。寔,同。「展」與「慎」雙聲,慎謂之誠,展亦謂之誠矣。「展」與公小大其聲怡悦婦人。」○「展,誠」、《釋詁》文、《君子偕老》

勞也。

月,曷其有佸。」義與此同。《君子于役》篇:「不日不月也。」《說苑・辯物》篇略同。《君子于役》篇:「不日不同。《韓詩外傳》引此而釋之云:「急時辭也,是故稱之日同。《韓詩外傳》引此而釋之云:「急時辭也,是故稱之日

子罕》篇云: 害,不求福者爲無禍。」又《傳》曰: 不臧。 此 不求,何用不臧」。 廉者不求非其有,是以害遠而名彰也。」」兩引《詩》「不忮 「《傳》曰:「夫利爲害本,而福爲禍先。 在位者也。 也。」「臧,善」、《釋詁》文、《定之方中》、《野 百爾君子,不知德行。 【傳】忮,害;臧,善也。 ○「忮,害」、《瞻卬》同。《韓詩 「忮,害也。 韓亦詁「忮」爲「害」。 不疾害、不貪求,言有德 「故智者不爲非其事 【疏】「百爾君子」,席 不忮不 唯不求利者爲無 馬融注《論 外 - 求,何 有曼草》、 傳》云: 行 者如 語 用

《還》、《頍弁》皆同

《匏有苦葉》四章,章四句。

爲涉。 可食。 也 可食。《箋》云:「瓠葉苦,謂八月之時。」《正義》引《義疏 瓠」、《小雅》「瓠葉」,瓠皆可食,《公劉》「酌之用匏」,匏不 爲淫亂。【疏】夫人,謂宣姜也。 瓠葉,采之亨之。」今河南及揚州人恒食之,八月中,堅强不 云:「匏葉少時可爲羹,又可淹煑,極美。 濟也。【疏】匏与瓠渾言不别,析言之則有異。 厲,淺則揭矣。 由 不可食也。 匏」、「匏有苦葉」、猶云「瓠有苦葉」耳。 帶以上也。 瓠, 匏之始生者也。 故云[苦葉]。」是匏、瓠一物異名。 匏有苦葉、【傳】興也。 深則厲,淺則揭。【傳】以衣涉水爲厲, 有苦葉》,刺衛宣公也。 濟有深涉。【傳】濟,渡也。 揭,褰衣也。 男女之際,安可以無禮義,將無 瓠,其大名也。《傳》以「瓠」釋 遭時制宜,如遇水深 匏謂之瓠。 此與《新臺》刺意同。 故《詩》曰:「幡幡 瓠葉未苦,可食。 公與夫人並 匏,瓠之堅强者 《豳風》「斷 由膝以上 瓠葉苦, 以 白 則 謂

《小箋》謂「定本出於小顏,恐屬肊改」是也。 也。 「濿」。 從右方涉,其深至膝。」」是其義也。《傳》「以衣涉水爲厲 問》篇"「至卑耳之谿,有贊水者曰:「從左方涉,其深及冠 因濟渡而思舟子,興昏姻之成必由禮義。三章、四章與首 謂由帶以上也」、《正義》云:「今定本如此。」然則各本當作 濡褲而過,是謂之涉。《載馳》傳:「水行曰涉。」《管子・小 濟渡,末章《傳》云「主濟渡者」是也。「由膝以上爲涉」,《釋 章兩興正同意。 濟盈、雉鳴,興夫人之犯禮義。三章又因雉而思鴈,四章復 首一句爲一興,以下三句又一興,如《伐木》篇首一句「伐木 妻,迨冰未泮」也。下三句以水之深淺,渡有常法,興男女 匏葉之苦不可食,與男女必以及時,即弟三章云「士如 不材」、《易林・震》作「枯瓠不朽」,其證也。 瓠葉至于苦,則 水》文。《爾雅》釋文:「字又作「厀」。」案今作「膝」者,俗 丁丁」爲一興,「鳥鳴嚶嚶」以下又一興,同其篇例。 之際必守禮義而行,即弟四章云「人涉卬不,卬須我友」也 「以衣涉水爲厲,由帶以上爲厲」,與《爾雅 水在厀以下可褰裳而過,謂之揭。水至厀以上,則 《爾雅》釋文:「本或作「濿」。」王逸注《九歎》引《爾 不可食矣。 ○「濟,渡」、《爾雅·釋言》文。 「苦」與 枯 通。 案此句詩 釋水》篇同矣 《魯語》「苦匏 厲,當讀爲 連言之日 |意以 歸 必

心,即 《傳 此言「厲」之弟一説也。 兩説。 《傳》云「由帶以上爲厲」者,此本《雅》訓弟二説也。「由帶 説,●其義長矣。 二事,則 以上」與「以衣涉水」絶然不同,蓋《爾雅》 爲涉」, 厲,即 上矣。 此可證「厲」、「涉」同義、「以衣涉水」、「由厀以上」同義矣。 雅》正 翦。 璞注:「衣,謂褲也。」不解衣則且濡褲矣,濡褲則在由厀以 注"「不解衣而渡水曰厲。」孫炎注" 流。 〈傳》云「以衣涉水爲厲」者,此本《雅》訓弟一説 「濿」。今單作「厲」者,謂「厲」即「濿」之古文假借字 [厚也。]皆傳聞異辭,備存古訓也。 》皆備存兩說。 ;由帶以上,此明「厲」之弟二説也。 深涉也。 此「以衣涉水」即「由厀以上」,「厲」即 毛《傳》中 「流,求也」、「流,擇也」,皆釋《詩》「左右流之」之 作「濿」, 如 `鄭注《論語》及服注《左傳》皆作「由厀以上爲厲」。 《其據《傳》文尚不誤。 「翦,齊也」、「翦,勤也」,皆釋《詩》「實始翦商」之 《説文》云:「涉,徒行厲水也。」「由厀以上 云:「濿,渡 -亦用此例。 又《説文》云: 陸德明《釋文》云:「厲,以衣涉水也。」 又引《韓詩》云:「至心曰厲。」至 也。」渡水,則其字當作 如《天保》傳:「單,信也。 較 「砅,履石渡水也。」引: 諸 故此詩「厲」字、《雅 「以衣涉水濡褲也。」郭 定本 》釋《詩》之例,每 是陸氏所言,畫 牽 一合兩說 「涉」也。 也。 爲 李巡 :水旁 也 然 或 存 深 0 義。 也。

言淺水,不應中閒廁「繇厀以下爲揭」六字,使上下文辭不 雅》則以水之由淺而深爲説。 **厀以上爲涉,繇帶以上爲厲。」毛《傳》依經之次弟爲訓** 深涉,深則厲,淺則揭。 故《傳》不引,非略。 下爲揭」者,略耳。」王引之《詩述聞》謂古本《爾雅》無此句 涉水至厀以上也。 《正義》云:「「揭,褰衣」,今定本如此。」是定本同《釋文》之 「深則厲」句。 言遇淺則揭裳而過,其水尚不至厀以下,不若遇深必以 部》:「《詩》曰:「淺則揭。」謂揭衣也。」竝作「揭衣」可 正本此《傳》之語。《爾雅》:「揭者,揭衣也。」《玉篇· 褰,當作「揭」。《釋文》:「「揭,揭衣」,一本作「揭,褰衣」。 「《詩》曰: 本作「褰衣」,非古本也。《褰裳》箋: 下句正以申解上句「涉」字之義,厲即涉也。 深水無定名,故説《詩》者多不同。 「深則砯。」砅,或作「濿」。」此 「以衣涉水爲厲,繇厀以上爲涉」二句互文足 《正義》云:「《傳》不引《爾雅》「由厀以 案王説是也。《爾雅·釋水》: 揭者,揭衣也。 故首釋「淺則揭」句,下皆釋 云「揭,褰衣也 以衣涉水爲厲,繇 許或存齊、魯異說 「揭衣渡溱水。」鄭 言深水不 「濟有 者 證 手 衣

子静本改。] 「牽」,原作「牽」,據中國書店影印武林愛日軒刻本、徐

詩毛氏傳疏

成。」是其義也。「濟」字即承上文「濟有深涉」,亦即起下文 與《傳》訓同。 貫, 而後行,此釋經之正義也。《傳》文當重「無禮義」三字,今 經之興義也。 「有瀰濟盈」而言 ਜ਼ 「室家之道,非得所適,貞女不行。 云「無禮義,將無以自濟也」者,將,猶且也。 經 養亦致晦 言「男女之際,安可無禮義」,亦必遭時制 《後漢書 矣。 《傳》以深厲淺揭 張衡傳》「深厲淺 非得禮義,昏姻不 喻 强,隨 遭時 制 末章《傳》 時爲義」 宜 此 宜 釋

牡 文》云:「濔,水滿也。」「盈,滿」、《鵲巢》同。 者,蒙深涉、深厲言也。 【疏】《新臺》「河水瀰瀰」、《傳》: 其牡。【傳】濡,漬也。 難,至使宣公有淫昏之行。 由其道 人有淫泆之志,授人以色, 盈 满也。 ,猶無禮義亦人之所難。 ,故知鷕爲雌雉聲。 有瀰濟盈, ,猶雉鳴而求其牡矣。 深水,人之所難也。 有鷕 《傳》云「衛夫人有淫泆之志,授人以 瀰,當作「濔」。《新臺》釋文引《説 由輈 《傳》兼正、 雉 濟盈 假人以醉,不顧禮 鳴。 「瀰瀰,盛皃。」此云、深水」 以 飛 騭,雌雉聲也。 上爲軌。 曰 不濡 '喻而言也。 雌 傳】瀰,深 雄,走口 i軌,雉· 深水,人之所 達禮義,不 下言求 水 牝 鳴求 義 衛夫 牡。 也。 之

亦謂濟水之名。 上也。 事。 色,假 謂由帶以上」,涉與厲皆濟水之名也。 無「濡」字,則義不可通。 之處,皆未可知,不可以定水濡之高下,故不得言「由 義正同。 以上爲濡軌」。 軸以上,則其深滅軌,故經曰「濡軌」,而《傳》釋之曰「由 言「由軸以上」,亦謂水之所至也。 當有「濡」字、寫者脱去耳。 反于河上而爲淫昏之行。」「淫昏之行」,皆指宣公納伋 義之難,至使宣公有淫昏之行」,兼以釋 言「水由軸以上」,則下必言「爲濡軌」,始與上文相應。 但曰「由輈以上」,則其爲上曲而承衡之處,與下曲而承軫 「輈」本作「軸」。 古輈、軸同聲,故「軸」誤爲「輈」。 「軌」上 言興義、《傳》則明言正義也。《新臺》傳:「水所以絜污穢 「厲,謂由帶以上」,凡言「由」者,皆水之所濡高下之度。 「不」爲語詞,是也。 ○《傳》訓「濡」爲「漬」,不濡軌,言漬軌也。 人以 知非「由軸以上爲軌」者,由軸以上乃水濡之度,上 知非「由輈以上」者、輈承衡者最高、承軫者最下。 辭 者 與上「由厀以上爲涉」、「厲,謂 若去「濡」字而但云「爲軌」,則「軌」之一字 以 「由輈以上爲軌」、《詩述聞》云:「《傳 釋 有 且上《傳》「由厀以上爲涉」、「厲 鷕 上章《傳》曰「由厀以上爲涉」、 雉 鳴 軌者,軸之兩端。 句。 此云「爲濡軌」,濡軌 《傳》又云下不 有濔濟盈 由帶以上了文 《釋詞》以 与。 水 顧 輈 若 此 妻 經 禮 以 由

得非 牝牡」者 尤非 意同。 走牡,尤爲違禮義之甚者。 夫人,牡指宣公。 而其爲濟渡深水則一也。《箋》云「渡水者必濡其軌」,兩解 漸水至於車帷裳,與濟盈濡軌其度相等。 深水,至漸車童容,猶冒此難而行。」凡帷裳蒙車必過於軸。 爲「軓」,則既失其義,而又失其韻矣。」案王説是也。 「淇水湯湯,漸車帷裳」、《箋》云:「帷裳,童容也。 ()嫌牡、雄可以 1配偶。 :所求也。] 魚網而 굸 雌 「違禮義,不由其道」,以 《新臺》篇「魚網之設、 雄從 促住,爲 蓋雌雉 通稱,故又申釋之云「飛曰 得鴻離,雌 飛鳥, 而求雄雉,已違禮義。 以比宣姜本伋妻而求配宣公 牝牡從牛,爲走獸。 ,鴻則離之」、《傳》:「言所 飛而求走 釋「濟盈濡 二詩取興 牡,其事同 軌」句。 |雌雄 今飛雌求

雉

指

即所謂雙雙俱至,似鳥獸然者與? 亂」,仍以刺官公淫於新昏作主。故《傳》乃合併以刺之,此 淫昏之行」,順就經辭 兼刺宣公也。 上《傳》云「衛夫人有淫泆之志,至使 作訓。 然《序》云「公與夫人並 宣公有 爲淫

不可以

《爲濟水之名,與『由

「厀以上爲涉」、「由帶以上爲厲」

故不得言「由軸以上爲軌」也。

《釋文》

知《傳》文所言爲水所濡之度,而誤以爲釋「軌」之名物。

唐石經因之遂改「軌」

我乃濟

《氓

(雖殊

惇、干寶、李軌諸人所見本竝作「由軸以上爲濡軌」。

曰:『軌,舊龜美反。 之義參差不一矣。

謂車

·轊頭也。」蓋徐邈、阮侃、王肅、江

軸之轊頭,故有「車轊頭」之訓

陸德明、

孔穎

達

所

見 軌

本 爲

「軸」字始誤作「輈」。

「軌」上又脱「濡」字。

於是讀者不復

又

也。

雅 時皆有執摯之禮。 鴻鴈可知。 與「雠 若以鴻鴈爲摯,則是死物也。 「摯,鴈也。」是鴈乃生者。 《儀禮述聞》云:「《士昏禮 《鹽鐵論・ 妻,迨冰未泮。 聲,聲相近。 「廱廱,和也。」《傳》依鳴鴈言,故云「鴈聲和」。 纳 通。 雝 采 離鳴 結和》篇引《詩》作「雍雍鳴鼾」。 甪 又《土相見禮》曰:「贄,冬用雉 《説文》:「雁,讀若「鴈」。」今經典字多作「鴈」。 鴈。 「納采用鴈」、《儀禮・ 鴈, 鴻鴈孟春北去,仲冬始來。夏月無鴈之 旭 【傳】迨,及; 旭 EĮ. 日始旦。 始 鴻鴈野鳥,不可生服,得之則死。 記》曰:「摯不用死。」鄭注曰: 出 而《記》曰「摯不用死」,則非 謂 大昕之時。 泮,散 士昏禮》文。王引之 傳 ,夏用腒。」是四 雝 也。 鼾,干聲; 雝 【疏】《爾 士 鴈 如 廱 聲 鴈 歸 和

刺夫人

o,

走

0

也 曰

桊

三

日 雄」,原作 軒刻本、徐子静本改。 雉 據本篇 傳文及中國 下 一「雄」同 書 店 影 即 武林 愛

之轉。 《月令》謂之「解凍」。 曰歸。 《士昏禮•記》:「凡行事,必用昏昕。」鄭《目録》云:「日人 字。 略篇》云:「霜降逆女,冰泮殺止。」言霜降始逆女,冰泮而 也。」散、分同義。《大戴禮・誥志》篇:「孟春、冰泮發蟄。」 者,言男女得以及時也。 卦》「旴」字注云「日始出」,引《詩》「旴日始旦」。 禮之始有事也。 親迎可知。 以及問名、 説是也。 鴈蓋鵝也。 昏,則先日出三刻謂之昕。 一商爲昏。」案二商,三刻也。 言納采者,嫌昏禮用昏不用昕。 案秋行嫁娶,納采在前,當無鴈之時,則鴈爲家畜之鵝。 時,下大夫將何以 《説文》云:「旭,日旦出皃。」又云:「昕,日將出 《新書·脩政語下》篇: 旴,大也。 歸 《士昏禮》唯納徵用幣不用鴈,此外自納采爲始 妻猶取 、納吉、請期、親迎,皆用鴈。 故言納采,著昏禮之始采事也。 鵝乃常畜之禽,故四時用之。古者謂鵝爲鴈。」 《傳》「旭」字逗,「日始出」三字詁經之「旭. 妻,謂親迎也。 三家《詩》亦爲大昕之時也。 為擊乎? 冰未泮,猶在解凍前也。 泮,讀爲判。《訪落》傳:「判,分 大昕,過三刻矣。 「旭旭然如日之始出也。」義正 由 昏、昕對文,日人三刻謂 .是言之,所用必非鴻鴈 經下句「旭日始旦」,則 「迨,及」,《鴟鴞》同。 《傳》乃不言親迎 姚信《易· 納采者,納昏 ○婦人謂 《荀子· **町、旭**一 也。 矣 及 大 嫁 聲 豫 Ž 非 而 Ŧ.

而

公説。 門之楊》篇。 禮發端,正告之以室家之道必當用禮義成昏姻也。 河上以要之。 殺 让也。 毛氏親業荀門,故 案衛宣公爲子伋娶於齊,而聞其美,作新臺干 是宣公于河上親迎夫人矣。 其 光説嫁 娶時 與 荀 故詩人即以昏 説 同。 此 詳《東 章就

雅》: 貌。 號召當渡者,猶媒人之會男女無夫家者,使之爲妃匹。」鄭 説下,故《傳》又申之云「主濟渡者」。《箋》云:「舟人之子 又云「以言室家之道、非得所適、貞女不行。 至,我獨待之而不涉」,釋經 民》同。《傳》云「人皆涉」,釋經「人涉」二字。云「我友未 以舟人喻媒人,是也。 曰號召。 也。」聲,亦謂號召之聲。《北山》傳:「號,召也。」連言之則 得禮義,昏姻不成。【疏】《釋文》引《韓詩》:「招招 否,印須我友。【傳】人皆涉,我友未至,我獨待之 不涉。 舟子,舟人,主濟渡者。 · 頷,待也。」「須」與 招招舟子,人涉卬 舟子爲舟人,猶之榜人、涉人耳。 以言室家之道、非得所適、貞女不行。 〇「卬,我」、《釋詁》文、《白華》、《生 「頦」通。 「卬否,卬須我友」六字。 否。 此釋經之喻義也。 卯,我也。 【傳】招 此章仍從濟渡 非得禮義,昏 招, 人涉 號 召 《傳》 《**爾** 聲 吅 非 Ż

義而成昏姻,室家之道亡矣。 不能侵陵貞女」,即其義也。 從」,所謂「非得所適,貞女不行」也。 足」,所謂「非得禮義,昏姻不成」也。 姻不成」,此釋經之正義也。《行露》篇「雖速我獄,室家不 今夫人不能守貞女之教,違禮 此章又就夫人説 彼《序》云「彊暴之男・ 「雖速我訟,亦不女

《谷風》六章,章八句。

也。

縊。 焉。【疏】《左傳》稱衛宣公納子伋之妻,是爲宣姜,而夷姜 淫於新昏,而棄其舊室,夫婦離絕,國俗傷敗 此「淫新昏,棄舊室」也 (谷風》,刺夫婦失道也。衛人化其上, 國人化之,遂成爲風俗

及《文選》束皙《補亡詩》注引毛《傳》「習習,和舒之兒」,有 菲 根莖也。 怒。【傳】言黽勉者,思與君子同心也。 則室家成,室家成而繼嗣生。 和舒貌。 :,無以下體。 習習谷風,以陰以 東風謂之谷風。 德音莫違,及爾同 【傳】葑,須也。 陰陽和而谷風至,夫婦和 雨。【傳】與也。 黽勉同心,不宜有 死。 菲, 芴也。 【疏】《群書治要》 采葑采 下體 習習

有毛。三月,中蒸鬻爲茹,滑美,可作羹。 蕪菁。 同。 息菜。」俗作「蒠」。 膏。」《桑中》箋及《禮記・坊記》注:「葑,蔓菁。」此《箋》又 西謂之蕪菁。」陳藏器《本草拾遺》云:「蕪菁,北人名蔓 蕘,蕪菁也。 下疑脱「從」字。從,俗作「蓰」。《正義》引《義疏》云:「葑 猶蜜勿即勿勿,亦蠠没即没没矣。 ○《爾雅》:「須,葑從。」孫注云:「須,一名葑從。」《説文》: 古「蜜」字。」黽、蜜、霾同義,勉、 勿」。《十月之交》、《雲漢》「黽勉」,三家《詩》皆作「密勿 雙聲連縣字、《文選》傅亮《劉將軍表》注引《韓詩 夫婦之道積和而生。 百物,「以陰以雨」,爲陰爲雨也。 「葑,須從也。」據許所見《爾雅》不同。 「之」字。「東風謂之谷風」、《爾雅・釋天》文。孫炎注 「谷之言穀。穀,生也。」是谷風爲生長之風也 「蔓菁之類。」「菲,芴」、《釋草》文。 婦人自言所以黽勉者,思與君子同心,以成其室家也 密,通作「蜜」。《爾雅》:「靈没,勉也。」《説文》:「靈 幽州人或謂之芥。」葑,通作「蘴」。《方言》云: 陳、楚之閒謂之豐,魯、齊之閒謂之薨,關之東 《義疏》云: 室家成,繼嗣生,皆和之騐也。 「菲似菌,莖麤,葉厚而長 勿、没同義。 陰陽之道致和而育,以興 此「黽勉」與四章「黽勉 《爾雅》又云:「菲 而今本毛《傳》「須 幽州 黽勉即 人謂之芴 陰雨膏潤 》作「密 勉 黽 勉 勉

初 菜,皆菲之異名矣。 不以其下惡而棄其善,以喻夫婦之好,不以其後衰而喪其 交,當取一善。」義竝同《左傳》,毛意亦然也。 葑、菲之菜: 體」,言不用其根莖也。 「取其一 云"「君取節焉,可也。」取節,猶節取。 《爾雅 似萬」同。 》謂之息菜,今河内人謂之宿菜。」案元恪則合芴與 美,不盡其失。」亦引此詩。 云「下體,根莖也」者,根莖不可食。 爾,女。「及爾同死. 《箋》及《坊記》注:「菲,菌類。」元恪言 僖三十三年《左傳》引此詩而釋之 」,猶云「與子偕老」耳。 《坊記》注:「言人之 《繁露·竹林》篇: 「無以下 息

伊 中也。 《常武》傳云:「舒,徐也。」「違」訓「離」,離,憂也。 如弟。 讀 心乎君子」也。 達,離也。不遠伊邇 《詩》「遲遲」訓 ,猶是也。 《爲機,假借字也。 誰謂 心中有離憂之思,故遲遲然舒行,《氓》傳所謂「有 行道遲遲,中心有違。【傳】遲遲,舒行貌。 【傳】茶,苦菜也。 茶苦,其甘如 邇,近也。 「徐行」。「舒」與 《釋文》引《韓詩》:「違,很也。」義異。 《吕覽•本生》篇:「出則以車,入則以 「不遠伊邇」,言不遠是近也。 ,薄送我畿。【傳】畿,門 薩齊。 宴,安也。【疏】《説文》引 「徐」同義。 宴爾新昏,如 《野有死鏖》、 中心,心 畿 兄 0 内

조: 《廣雅》: 似苦苣而細,摘斷有白汁,華黄似菊。」《采苓》正義引《義疏 凡《詩》言「荼」有此三種。《家訓 茅秀,若「有女如荼」是也。 謂之苦、《采苓》傳:「苦,苦菜也。」苦菜味苦,可食。 也。 豎短木,故閨閩或曰樞機。 ○「荼,苦菜」、《釋草》文、《縣》傳同。 「薄送我畿。」」班引《詩》以證送婦之禮,用《魯詩》説 送之,接以賓客之禮。 於橜機、、箋》云:「送我裁於門内,無恩之甚。」裁,猶不過 出屏。」不出門屏,即是不出橛機也。 已矣。《左傳》:「婦人送逆不出門。」《國語》:「夫人送王不 也」者,閨門在大門内,堂户又在閨門内,閩爲閨門中 苑•政理》篇:「修近理内,正橛機之禮,壹妃匹之際。」案 謂。」又蔡邕《司徒夫人靈表》:「不出其機,化道宣暢。」《説 之位也。 辇。 「苦菜生山田及澤中,得霜甜脃而美。」《淮南子・ 」即「橜」,單言機,絫言橜機。 此鄭申毛也。《白虎通義・嫁娶》篇: 務 以自佚,命之曰「招蹷之機」。」高誘 「橜機,闑 《詩》曰:「不遠伊爾,薄送我畿。」此不過蹷機之 朱也。」「朱」與「闖」同。 君子絶,愈于小人之交。《詩》云: 或謂穢草,若「以薅茶蓼」是也 然則闡也、閩也、橜機也,一 · 書證》篇云:「苦菜,葉 作「蹷」者,字之誤也 是苦菜一名荼也。 今以男子送婦 注 「出婦之義,必 《傳》云 蹷 機,門内 人而至 墬形 「門内 ·央所 物 又

薺,甘 文》:「宴,安也。」 饗」字亦皆假作「燕」,唯《頍弁》「君子維宴」作「宴」。 甘如薺」,言君子於己之薄比茶之苦,不復如薺之甘耳。 死 篇一齊冬生夏 《詩》「宴安」字皆假作「燕」,唯此 也。』《繁露· 味也。 乘於水氣而美者,甘勝寒也。」「誰謂茶苦,其 (死」,高注云:「薺,水也。 天地之行》篇云:「薺以冬美。冬,水氣也。 「宴爾新昏」作「宴」;「宴 水王而生,土 王 《説 全 而

里人渭。1即涇水人渭也。」案陽陵、《漢志》在左馮翊。 然而涇小渭大,屬於渭而入于河。」又引:《地理志》云: **于涇。」《詩正義》引鄭注云:「涇水、渭水發源皆幾二千里。** 濁異。 也。【疏】《書·禹貢》:「雍州,涇屬渭汭。」又「道渭,東會 毋逝我梁,毋發我笱。 「涇水出今安定涇陽西 幵頭山,東南至京兆陽陵,行千六百 【傳】逝,之也。 「京兆陽陵」者,鄭從《東漢志》也。 肅 **加平涼府** 云「行千六百里」、《漢志》作「千六十里」。 涇以渭濁,湜湜其止。【傳】涇 宴爾 西 北至 新 梁,魚梁。 香,不 陝 西西 高陵縣 ·我屑以。【傳】屑,絜 我躬不閲,遑恤我後。 笱,所以 ※,西南 《郡國志》陽陵,故屬馮 入渭 捕魚也。 1.渭相 ,計行不及千 **攷涇源出今** 入 閲,容 此云 而 也。 清

去也。 詩》同。 雅》:「之、逝、往也。」三義相近而微有别。 曰: 苦,雖有小過,猶與之同死而不去。況於安新忘舊乎? 納汙垢。 貴而不顧,無禮。 得寵而忘舊、舍義、好新而嫚故、無恩、與人勤於隘厄、富 清也。 渭相 屑已」、「已」與「以」通。 《列女傳・賢明》篇:「趙姬曰:「夫 韻、《君子偕老》同。 室。 作「止」。 《釋文》引《說文》云:「湜、水清見底也。」止、今本誤作 千里」者,兼連渭水盲耳。涇入渭與渭入河、《傳》所謂「涇 里,則 「采葑采菲,無以下體。 是涇濁而渭清、《傳》所謂 沚。 「讌爾新昏,不我屑以。」 解者皆以涇濁喻舊室,渭清喻新昏,失之。 人」也。《漢書·溝洫志》云: 逝,之也,之猶至也 《説文》、《玉篇》、《白帖》、《集韻》、《類篇》引《詩》皆 「六百」當是「六十」之誤。 興者,以喻君子雖有新昏之惡,而己仍持正自守,不 ○毋,依《釋文》當作「無」,《小弁》作「無」。 以渭之清形己之絜也。 以,猶與也。 君棄此三者,何以使人?《詩》不云乎? 趙注《孟子・公孫丑》篇引《詩》「不 涇與渭相人,涇自濁耳,渭則湜湜然 德音莫違,及爾同死。」與人同 「清濁異」也。 」蓋傷之也。」」此三家義,與《毛 《庸 鄭從《漢 涇濁喻新昏,渭 「涇水一石,其泥數斗。」 柏 舟》傳"「之,至也。」 「湜湜,水清兒」, (法)而 逝,往也,往猶 ○屑、絜疊 云「幾行二 清 爾爾 喻 又 寒 我 舊

九五

卷

也。」撥之爲亂,猶治之爲亂。 偃水兩畔,中央通水爲關孔。」《候人》傳:「梁,水中之梁。」 皇」。 年《左傳》引《詩》作「説」。 杜注云:「言今我不能自容説。」 《浮游》傳: 記》篇云: 而亂我室,我欲禁其無然,而不可得也。 詩》:「發,亂也。」韓讀「發」爲「撥」。《長發》傳:「撥,治 婦之笱,即所謂「敝笱」,與凡爲笱者不同。《釋文》引《韓 《魚麗》及《苕之華》傳皆云:「罶,曲梁也,寡婦之笱也。」寡 不得出,是其制也。」然則笱用竹,或用葦薄。 略》篇「魚筍門」,高注云:「竹筍,所以捕魚。 薄承取之。』《説文》: 梁」,趙岐注以 亦謂魚梁也。 梁爲魚梁。 「説」與「閲」通。 、、水偃也。 ,賈《疏》云:「笱者,葦薄。 皇,暇也。 「閲,猶容也。」與《傳》訓同。 《周禮》「燩人掌以 「堀閲,容閲也。」《孟子》作「容悦」。 襄二十五 《禮記・王制》、《孟子・梁惠王》篇皆曰「澤 偃水爲關空,以笱承其空。」賈《疏》云:「謂 「澤梁」爲「魚梁」,是也。 遑,古祇作「皇」。《禮記》、《左傳》皆作 「皇恤我後」,言不暇憂我後人也 「笱,曲竹捕魚笱也。」《淮南子・兵 逝梁發笱,喻新昏者入我家 時戲爲梁」,鄭 以薄承其關孔,魚過 單言閱,絫言容閱。 ○鄭注《禮記・表 云「笱,所以捕魚 其門可入而 又謂之「罶」, 司 農 注 者以 죠

就其深矣,方之舟之。就其淺矣,泳之

書• 貧則求有也。 《毛詩異義》謂《箋》正申説《傳》「貧」、「富」之義,富益求多, 有爲富,則無爲貧矣。《箋》云: 泳。」游,亦泳之類。言就深則方舟,就淺則泳游也。 舟。」《説文》、《廣雅》皆云:「舟、船也。」《漢廣》傳:「潛行爲 古今名。《方言》:「自關 【傳】有,謂富也。 云:「喻君子之家事無難易,吾皆爲之。」○「亡」與「無」同 救之。【疏】《漢廣》傳:「方,附也。」方,舟之類。 游之。【傳】舟、船也。 谷永傳》作「扶服」。 匍匐,猶黽勉也。 亡,謂 而西謂之船,自 貧也。 何有何亡, 「有求多、亡求有。」歙 《禮記·檀弓》篇及《漢 凡民 關而東 黽 有 喪,匍 勉求之。 **小或謂之** 舟、船 《箋》 汪龍 匐

雉》同。 字訓同義異。 喜也。 窮,故雖顛覆之事,願與女共之也。 能 而意實同。 《抑》箋:「物善則其讎賈貴,物惡則其讎賈惡。 《箋》:「如賣物之不讎。」《御覽・資産部十五》引《韓詩》: 或曰、《説文》:「慉,起也。」《蓼莪》箋:「畜,起也。」「畜」與 古「嬹」字。《廣雅》: 「載生載育」、《傳》亦云:「育,長也。」此「育」字與上兩「育. 起」。 「慉」同 ·竊,❶窮也。」「簪,窮治罪人也。」今字俗作「鞫」,又作 鞫,窮」、《釋言》文、《齊・南山》、《小弁》同。《説文》: 既詐我德,賈用不讎。 「讎」當訓爲「用」。 興」,孫毓引《傳》亦作「興」。《玉篇》:「慉,興也。」案興、 ,讀爲『而』。」「慉,養」、《釋文》以爲王肅義。 「昔育恐育鞫,及爾顛覆」,言昔者長恐此後日之長 《箋》: 此《傳》「興」字當亦訓爲「喜」。 ,疑古毛《傳》本作「起」。 難,猶害也。 ○《傳》意兩「育」字皆訓爲「長」。長,猶常也。 育,亦生也。 「慉,驕也。」本三家《詩》。 《抑》傳云:「讎,用也。」不讎,不用也。 售,俗「讎」字。 「嬹,喜也。」《説文》:「嬹,説也。」説亦 錢之物舉賣百,何時當讎乎?」 毒,猶讎也 起,讀 顛覆,謂窮也。 上「讎」與「仇」同,此 「慉」與「好」亦同義。 「起家而居有之」之 ○「阻,難」,《雄 鄭本韓義 毛《傳》作 《生民》

我有旨蓄,亦以御冬。宴爾新昏,以我

卷

同義。 字; 爲勩。 我肄。 塈」,來猶攸也。《采芑》曰「荆蠻來威」,《角弓》曰「兄弟孔 案王説是也。 疊韻。 之《釋詞》云:「來,詞之「是」也。 潰潰然,無温潤之色。」竝與《傳》「武」、「怒」義相近。 不善之兒。」則「洸洸」亦不善也。 《箋》云:「蓄聚美菜。」高注《吕覽・仲秋紀》云:「蓄菜,乾 言之,以盡其形容者,例準此。《釋文》引《韓詩》:「潰 云「潰潰」。 「禦,當也。」〇經言「洸」,《傳》云「洸洸」。 苴之屬也。」即引此詩。 不念昔者,伊余來塈。 御 窮。 肄,假借字。 《雨無正》「莫知我勩」、《傳》: 解者皆以「來」爲「往來」之「來」,遂詰 《説文》:「旨,美也。 【傳】光光,武也。 【傳】旨,美,御,禦也。 凡經文一字、《傳》文用疊字者,一言不足,則重 《谷風》曰 「塈,息」、《嘉樂》同。 御、禦古今字。《秦·黄鳥》傳: 伊 余來塈」、《嘉樂》曰 【傳】堅,息也。【疏】旨、美 从甘,匕聲。」「蓄」無《傳》。 潰潰,怒也。 全《詩》「來」字多與「是」 《箋》云:「君子洸洸然 有洸有潰, 「勚,勞也。」 塈,猶愒也。 經言「潰」、《傳 **貓爲病矣」**。 肄,勞也。 「民之攸 」勤,本 既詒 肄,讀 王引 潰

❶ 「竊」,經韻樓本《説文解字注》作「歝」。

壓」,言君子不思昔日之情,與我共此休息,《序》所謂 方既平」,來猶既也。 音是茂」,來猶是也。 威」,來猶孔 也。 《車 · 舝 「來」皆爲語詞。 《下武》曰「四方來賀」、《常武》曰 ₩ E 徳音 「來括」、《南山有臺》曰 「不念昔者,伊 一棄其 余來 四 德

《式微》二章,章四句。

則誤矣。 十五年,赤狄潞氏奪黎氏地。 東地爲寓公。 子水》注以黎縣爲黎侯寓,而《河水》注又以黎陽爲黎侯國: 縣之西,即開州之東。 魏郡黎陽,晉灼以爲黎山得名,今河南衛輝府濬縣地。 潞州黎城縣東北十八里。」案此黎侯本國也。 今山西潞安府治,漢、晉壺關縣地。 北。」應劭注《漢書》、杜預注《左傳》並云:「在上黨壺關。」 志》東郡黎,孟康以爲《詩》黎侯國,今直隸大名府開州 【疏】黎,占作「鵹」。《説文》:「鵹,殷諸侯國。 式微》,黎侯寓于衛,其臣 衛官公之世,黎遭狄人迫逐,出寓於衛,衛即置諸 中露、泥中,是即所寓二邑也。 案此黎侯所寓之地也。 晉滅潞,立黎侯。《詩序》之 李泰《括地志》云:「在 一勸 《漢書·地理 其後,魯宣公 《水經 以歸 在 E 黨東 也。 地。 瓠 濬

> 爲黎莊夫人及傅母作,此三家義也 經傳。 滅,卒罹狄禍。 黎脣齒相依,黎遭狄患,衛不能救。 黎侯,或是繼絶興亡之一舉耳。 | 狄人」,即赤狄 或其臣勸歸,或别立他公爲後,無明文叮攷。 於此可以覘國勢。 也。 狄人自迫逐黎侯,遂據奪其 其寓侯之復歸與否,不見 《列女傳・ 越後四十餘年,衛 貞順》篇以詩 地。 亦尋 衛與 晉辽

胡爲乎在泥中也。 胡爲乎在中露也。 矣。 不分,强截「微無也」三字作下「微」字正解 無也。 修方伯連率之職,救患恤同也。《箋》據《爾雅・ 釋「微」爲「無」,《正義》引:「《左傳》榮成伯賦《式微》,服虔 訓「式」爲「用」。「微,無」、《伐木》同。《傳》釋「式」爲「用」, 注:「君用中國之道微。」」案道微,猶云「無道」。 用也。」試謂之用,式亦謂之用矣。《節南山》、《皇矣》傳竝 邑也。【疏】「式,用」、《爾雅·釋言》文。 「式微」,而「微君」爲「無君」,與《傳》迥別。 ○微,非也。「微君之故,胡爲乎中露」,言非君之故, 式微式微,胡不歸? 微君之故,胡爲乎中露?【傳】中露,衛 《邶・柏舟》傳以「非」字釋「微」字,此其 「微君之躬,胡爲乎泥中」,言非君之躬 【傳】式,用也。 《説文》云:「試 今本《傳》、《箋》 則《傳》訓久晦 言衛不能 釋訓》解 微

義 中 -露,《列女傳》引作「中路」。 衛邑、未聞

泥 中? 式 '微式微'胡不歸? 【傳】泥中,衛邑也。 【疏】「泥中,衛邑」,亦未 微君之躬,胡爲乎

聞。

一邑皆當在衛之東

日

旄丘》四 章,章四句。

衛也。 《春秋 也。」蓋其時魯不能修方伯連率之職,州公來魯,亡而不復。 昔任此職,而今不修,以爲刺也。《春秋》上無天子,下無方 五年冬,州公如曹。 伯、凡寰内諸侯均有連屬。 雷》、《摽有梅》、《野有死屬》,文法與之同,則「責衛」下不當 子以責於衛也。【疏】案「責衛伯」、「伯」疑誤衍。《序》 有「伯」字矣。 云「責衛」,下又云「責於衛」。若《螽斯》、《采蘇》、《殷其 侯寓于衛。 書 (旄丘》, 責衛伯也。 「寔來」,所以責魯也。 衛康叔封於成王之世,未聞爲方伯。 衛不能修方伯連率之職,黎之臣 六年, 寔來。 憂患相及,皆當修之。 《詩》録《旄丘》,所以責 狄 《左傳》云:「不復其國 人迫逐黎侯,黎 然非必 魯桓公

葛,蔓延連及,以興侯國連屬,憂患相及。《生民》傳〔誕」訓 字俱作「堥」。 應同時,蓋必所見《爾雅》本「旄丘」作「堥丘」,故一讀一 高, 堥丘」。」又《内則》注:「牟,讀曰堥。」即此「堥」字。 爲「**堥丘」。《文選·苔賓戲》注:「應劭引《爾雅》文作**「前 即「旄丘」之「旄」也。」是呂忱、顧野王、顔之推並以「旄 爲宣務山。 也。 《顏氏家訓·書證》篇:「柏人城東北有一孤山,世俗或呼 作「嵍」,又作「堥」。《玉篇》云:「嵍,丘也。或作、堥」。」 雅義疏》云:「旄丘、《詩》釋文引《字林》作「堥」云:「堥,丘 葛之蔓延相連及也。 「大」,闊、大義相近,闊者,遠也。 「旄丘,在澶州臨河縣東。」今在大名府開州也。」案旄丘之 云「前高後下」也。 丘》:「前高,旄丘。」前高者,後必下。 前高後下日 也? 亡周反。 旄丘之葛兮,何誕之節兮?【傳】興也。 【傳】日 余讀碑銘,知此巏嵍山 口旄丘。 可知今本作「旄」,假借字耳。《寰宇記》云: 又音毛。 高下,喻尊卑也。 月月以 諸 又亡付反。』《爾雅》釋文引《字林 誕,闊也。 侯 逝 以 而不我憂。【疏】《爾雅· 國相 「何誕之節兮」,言何今葛 也。 連屬,憂患相及,如 余友棲霞郝懿行《爾 叔兮伯兮,何多 故《傳》必增益其義 「嵍」字依諸字 引 鄭 丘 釋

卷

Ξ

申明經義,爲相責之詞。

也。多日,寓衞之日多也。云「日月以逝,而不我憂」者,此也。多日,寓衞之日多也。云「日月以逝,而不我憂」者,此之臣子,控告援救,若飢若渴。評衞大夫者,不敢直席衞君之臣子,控告援救,若飢若渴。評衞大夫者,不敢直席衞君之遠闊也。衞不能修方伯連率之職,故云然。○《傳》於下之遠闊也。衞不能修方伯連率之職,故云然。○《傳》於下

加命爲二伯,得征五侯九伯者。 命得專征伐於諸侯。」「九命作伯」,注云:「上公有功德者」 我者,不可不察也。」〇經言「以」、《傳》云「以有功德」。 以治人與我者,仁與義也。 者循理,循理故惡人之亂之也。 理。」孫卿子曰:「彼仁者愛人、愛人故惡人之害之也。 德。 也。 爲言人也,義之爲言我也,言名以别矣。仁之於人,義之於 也。」《繁露·仁義法》篇"「《春秋》之所治,人與我也。 孫卿子曰:「先生議兵,常以仁義爲本。仁者愛人,義者循 經言「與」、《傳》云「與仁義」。《荀子・議兵篇》:「陳囂問 大宗伯》「八命作牧」,鄭注云:「謂侯伯 【疏】「何其處也」、《韓詩外傳》作「兮」,古也、 何其處也? 其 久也? 必 必有 有 以仁安人,以義正我。 以 與也。【傳】言與仁義 彼兵者,所以禁暴除害 也。 【傳】必 有功德者,加 故仁之 以 、兮通。 有 《周 所 義 功

靡所與 所寓在東。」〇靡, 貌。」義與《傳》同。 裘,以豹皮爲褎飾。 爲大夫冕弁之裘。凡諸侯會同,皆冕弁服也。 不來東也。 玄綃衣,冕弁之裼衣也。 從?」公,事也。三公,謂有事之臣,則「狐裘」亦狐青裘也。 玄,謂六冕及爵弁也,則天子、諸侯皆然。 「玄端裘」,誤矣。 五年《左傳》士蔦賦曰: 裘」。蒼,青也、《白虎通義·衣裳》篇「大夫狐蒼」是也。 夫、士襍以豹褎。」案《傳》云「大夫狐蒼裘」,即「君子狐 裘,蓋玄衣之裘。」孔《疏》云:「熊氏曰:六冕皆有裘,此 大夫、士也。綃,綺屬也。 藻》:「君子狐青裘豹褎,玄綃衣以裼之。」鄭注云:「君子, 蒙戎,以言亂也。 「匪,彼也。」是「匪」爲「彼」也。 狐裘蒙戎, 同。 襄八年《左傳》引《詩》「如匪行邁謀」,杜注: 【傳】無救患恤 無也。 匪,彼也。 蒙戎,猶尨茸。 此不言豹褎者,文略耳。 不東,言不來東也。 匪車不東。【傳】大夫孤蒼裘。 《庸 • 玄綃衣爲狐青裘之裼,則此狐裘 「狐裘尨茸,一國三公,吾誰 染之以玄,於狐青裘相宜。 彼車不東者,言彼大夫之車 《箋》云:「黎國在衛西,今 柏 同 舟》、《皇皇者華》、《文 杜預注云:「尨茸、亂 也。 【疏】《禮記・玉 君用純狐青,大 叔兮伯 《正義》以爲 唯大夫狐青 狐青 僖 青 굸

即救患恤同之事。侯伯,即方伯也。今狄人迫逐黎侯,衛諸侯城之,救患也。凡侯伯,救患、分災、討罪,禮也。」案此遂逐狄人,具邢器用而遷之,師無私焉。夏,邢遷于夷儀,臣》、《皇矣》、《烈祖》並以「無」釋「靡」。同,讀如「同盟」之

不能逐狄而復黎,故責之。

美 《説文》:「鶹、鳥少美長醜爲鶹離。」許宗毛。疑其所據本 詩 • 貌。 作「鶹離」,或古文假借作「流離」也。 少,故瑣尾以形容其少好,喻叔伯服飾之尊盛。 盛飾也。 叔兮伯兮,褎如充耳。【傳】衰,盛服也。 「栗」。」郭注云:「鶹鷅,猶留離。 《詩》所謂「留離之子」。 《傳》以「少好」詁「瑣尾」,猶《甫田》、《候人》以「少好」詁「婉 《爾雅》:「鳥少美長醜爲鶹鶇。」《釋文》:「鷅,本亦作 防有鵲巢》云: 流離,鳥也,少好長醜。 婉、孌疊韻,瑣、尾雙聲,皆合二字連文成義。 瑣兮尾兮,流離之子。 ,惡也。 大夫褒然有尊盛之服,而不能稱也。 鶹離少美而長惡、《詩》言「之子」,蓋言其 「娓,美也。」則「尾」即「娓」之古文假借 始而愉樂,終以微弱。 【傳】瑣尾,少好之 《傳》云「少好」,即少 至鳥長而 充耳, 【疏】 《韓

> 毛羽醜惡,與叔伯服飾之不能稱,俱在詞外也。 《箸》首章及《都人士》言充耳,爵弁服也。《箸》二、三章及 爲飾。 申明經義,總釋之云「始而愉樂,終以微弱」者,以言衛之大 둜 不能稱也」者,所以申明經義。 之塞耳。 瑱,其餘冕、弁皆有笄。有笄則皆有瑱。 此篇言充耳、裨冕服、玄冕服也。 褎正指豹褎。《傳》又訓「充耳,盛飾」,大夫玄冕服,以充耳 夫,始而樂與仁義,終以微弱,無功德於諸侯。 而不能救患恤同」,是徒有其服,而不能稱其德矣。 云:「褎然,盛服貌也。」義與《傳》同。 「褎,盛服」,即承上章「狐裘」而言。 「如」也。《漢書・董仲舒傳》「今子大夫裦然爲舉首」,顔注 「彼其之子,不稱其服。 盛飾者,謂盛服之飾也。《淇奧》言充耳,皮弁服也。 懸瑱之組謂之紞。云「大夫褎然有尊盛之服,而 褎如,即褎然,是以「然」釋 男子唯緇布冠,無笄 狐裘爲大夫狐蒼裘,則 此言「大夫有此服 瑱謂之充耳,亦 ○《傳》云 故《傳》又 謂 無

(簡兮》三章,章六句。

官、皆可以承事王者也。【疏】《釋文》作「泠官」,唐《簡兮》,刺不用賢也。衛之賢者仕於伶

0

卷

=

「冷」,潙。」開成石經同。張參《五經文字》云:「冷,樂官。或作開成石經同。張參《五經文字》云:「泠,樂官。或作

泠官 是也。 作,篇中言 用萬舞。 其義也。 文。「將」訓「行」,「行」讀如「行列」之「行」。《樂記》云: 簡 親在宗廟公庭。【疏】「簡,大」、《爾雅·釋詁》文。 碩人,大德也。俣俣,容貌大也。 子弟,以日中爲期。 「其治民勞者,其舞行綴遠。 《詩》。」此本三家説。 口方也。 言於四 |與下文「俣俣」同 《簡兮》兩言之者,何也? 簡兮簡兮,方將萬舞。【傳】簡,大也。 簡, 是「萬舞」爲天子宗廟舞名也。 《閟宫》「萬舞洋洋」,爲魯祀周公用天子之樂,皆 《詩》言「萬舞」凡三:《那》「萬舞有奕」,爲商祀成 一方。 「執籥秉翟」,其職事也,《序》云「衛之賢者仕於 將,行也。 擇 就賢者居泠官,乃推其德可承事王朝,故於首 也。」《爾雅》: 日之方中,在前上處。【傳】教 釋「方」爲「四方」,與下文「公庭」作對 意。《正義》謂大爲大德之人,是也。 碩人俣俣,公庭萬舞。【傳】 以干羽爲萬舞,用之宗廟山川, 其治民逸者,其舞行綴短。」是 「柬,擇也。」郭注云:「見 蓋此詩刺賢者仕泠官而 萬舞非但在四方, 衛爲侯國,不得 角 方, 用 國

也。 萬、籥對文,故以萬爲干舞,籥爲籥舞,其實萬則未有不籥 羊傳》:「萬者何? 案宣八年《春秋經》:「萬人,去籥。」此萬之有籥者也。 《大夏》。 大舞也。」以干羽舞,故萬舞爲大舞。 也。」孔注正本毛義。《初學記·樂部上》引《韓詩》: 奏《武》。 之僭禮」,則侯國無下舞可知。 《逸周書•世俘》篇:「籥人 案戚猶戈,狄即翟。 《樂記》:「羽籥、干戚,樂之器也。」又「干戚旄狄以舞之」。 是也。 日羽者,舉一 舞」者、《禮記・文王世子》: 也。 正指在王室之事。此《傳》釋經之義,而與《序》亦無不脗合 廣大碩人之德。末章《傳》云「乃宜在王室」,則首章「萬舞 庭萬舞」爲用於宗廟,而以「方將萬舞」爲用於山川者,又以 「萬」者,又兼二舞以爲名也。 章 兩言「萬舞」,皆在於王所也、《序》云「皆可以承事王者」 孔仲達引《異義》公羊説:「樂萬舞以鴻羽,取其勁輕 若謂衛用萬舞 此經義也。《傳》因篇中言泠官承事祭祀,故以「公 而《郊特牲》「朱干設錫,冕而舞《大武》」爲「諸 王人,進萬。」孔晁注云:「《武》以干羽爲萬舞 器以立言也。 干舞也。 **,**則經、《傳》之恉昧矣。 干舞有干與威,羽舞有羽與旄。 **干舞,武舞,羽舞,文舞。** 「春夏學干戈,秋冬學羽籥。」 籥者何? 干舞以舞《大武》,羽舞以 韓《傳》亦同毛義。 籥舞也。」《公羊 云「以干羽爲萬 萬 《公公 日 又 曰 干 侯

舞以 祭祀。 位。」是孔所據本不誤也。 穰,不與《樂師 有下舞,有羽舞。」而 宗廟也。 在宗廟公庭」,釋「公庭萬舞」句。 言「於四方」,釋「方將萬舞」句。 矣。《傳》文「用之」下誤衍「宗廟」二字。 舞,干舞也」,皆同《公羊》何説。 《夏小正》某氏傳: 舊説,後儒遂以萬舞爲干舞之專稱,而不爲羽舞之兼號。 羊》言「萬爲武王以萬人服天下,民樂之之樂」,不從嚴、顔 者,必有武舞。 [「萬舞用之公庭」,《傳》又申明經義,四方爲山川,公庭爲 《正義》云:「祭山川之時,乃使之於四方,行在萬舞之 分教國子、詩 教羽舞,帥而舞四方之祭祀」。《舞師》四舞,主爲祈 玩《傳》中「故」字、「非但」字,則知此「宗廟」爲衍 》六舞教國子者混而 非有武舞者,即去文舞也。 》言萬舞用之山川 「萬也者,干戚舞也。」鄭《箋》亦謂 「舞師掌四舞、教兵舞、帥 《周禮》:「樂師掌教國子六舞 下云「萬舞非但在四方,親 孫毓從鄭駁毛,於古未審 上言「萬舞用之四方」,下 屯。 , 則 云「用之山川」,故 兼 《樂師》干、羽二 自何邵公注《公 有干、羽,不得 而舞山川之 「萬

兼干羽,或省言「干」,謂「干」爲萬,其説本自可通。 引《韓詩》説以夷狄大鳥羽,則萬舞有羽,古無異説。 羽」,與《公羊傳》以「萬」爲「干」互相發明,最爲得

武 萬舞

功

舉下

·里。」此乃西京嚴彭

祖

、顔安樂兩家舊説。

以

「萬」爲

恉。

又

文也。 庭」、《傳》云「宗廟公庭」。是以「公庭」爲「宗廟」也。 《韓詩》作「扈扈」云:「美兒。」「大」與「美」同意。 大也。」「碩人,大德」,謂有大德之人也。 以教國子、諸子學舞者,令法於己也。」○《狼跋》傳: 者,在前列上頭也。」《正義》云:「使此碩人居前列上頭,所 《小正》:「二月,萬用人學。」此天子入學用萬舞,故《傳》引 者、則國子當兼王大子、王子、群后之大子。 子」、《樂師》「掌國學之政,以教國子小舞」、《大胥》「掌學士 其偏至,而要於經義 人學教舞之儀,亦以箸碩人之德也。《箋》云:「在前上處 者,是大司樂、樂師所司,非大胥也。《樂師》不言弟者,省 適子,弟爲庶子,引《E制》以證,是也。 之版,以待致諸子」,鄭司農注以學士謂卿、大夫、諸子學舞 升、祭川爲沈之禮。 川、四方爲兩處者釋《詩》矣。 據《樂師》干、羽分教爲兩事者釋《詩》,亦不可據《舞 ○《傳》以「日中爲期」釋經、日中」之義。 (傳))謂宗廟用萬舞。 也。 《周禮》大司樂、中大夫爲之。 鄭司農云:「宗廟以羽。」 奂謂大祭祀則 《傳》云「山川用萬舞」者,殆謂 Ш 無明證也。 川 也、 教國子弟也、宗廟也、三者皆 天子於巡狩四岳,有 《大司樂》「以樂舞教國 樂師,下大夫爲之。 《傳》云「教國子弟 王肅述毛,以爲欲 俣俣、《釋文》引 《正義》謂子爲 兼以干,故 經言「公 是與? 祭山 新師》山 碩 爲

近

卷

以備箸碩人之德。下章即承祭宗廟而言。

曰 下。」子貢曰:「何其躁也?」孔子曰:「非謂其躁也,謂其爲 之」,《傳》:「祝,織 矣。」《淮南子・ 之於此,而成文於彼也。 篇:「《詩》曰:「執轡如組。」孔子曰:「審此言也,可以爲天 組 也。 謂如織組之有經緯也。《傳》先釋經訓,再釋經義。 也。」「素絲組之」、《傳》:「總以素絲而成組也。」「素絲祝 武力比於虎,可以御亂 者,惠下之道。見惠不過一散。【疏】「組」訓 【傳】赫,赤貌。渥,厚漬也。 籥,六孔。 於近,成於遠也。 |執轡如組]句。 「我其性與?」其次曰"「微彼其如此乎?」故《詩》曰 文章,謂組。 武力足以治亂,故比於虎,以釋「有力如虎」句。 總紕於此,成文於彼,願以素絲紕組之法御四馬 有力如虎,執轡 翟,翟羽也。 《干旄》篇「素絲紕之」、《傳》:「紕,所以織 繆稱》篇: 執轡如織組,喻治衆能動近而成遠,以釋 也。」兩 左手執籥,右手秉翟。 聖人組修其身,而成文於天下 「聖人在上,化育如神。 詩《傳》義同。 赫如渥赭,公言錫 御衆有文章,言能治衆,動 如 組。 祭有界煇、胞、翟、閣寺 【傳】組 合吕 魔・先己》 織 「織組」, 組 衆,謂 御,治 【傳】 大上 爵。 也。

本有 厚也」、《終南》箋「渥,厚漬」與《燕燕》傳「寒,實也」、《定之 湖詩》、陸士衡《塘上行》注,引毛《傳》並云:「渥,厚也。」今 《文選》顔延年《赭白馬賦》、潘安仁《寡婦賦》、顔延年《觀北 舞。 凡侯國祭宗廟,用羽 雉。」《傳》云「翟羽」即「雉羽」。執籥秉翟,謂吹籥持羽以爲 舞。」是舞者所執之籥,或較長於凡籥矣。《釋鳥》:「翟 小者謂之箹。」《釋文》云:「籥,以竹爲之,長三尺,執之以 有大小故也。《爾雅·釋樂》:「大籥謂之産,其中謂之仲, 孔」。《廣雅》云「七孔」。此《傳》云「六孔」。 説各不同,籥 記》、趙注《孟子》、郭注《爾雅》並云「三孔」、《説文》亦云「三 文》、《玉篇》引《詩》作「龠」,今通作「籥」。鄭注《周禮》、《禮 政,不當仕以泠官之職。二句爲承上起下之詞。〇籥、《説 毛《傳》同。 肅《家語・好生》篇及王逸注《楚辭・ 「厚」,其義已足,不必於「厚」下增「漬」字矣。 「赫,赤皃。」赫如,猶赤然也。 〈傳》作「厚漬」,非也。《釋文》及定本「厚」下無「漬」字。 「執轡如組。」《易》曰:「含章可貞, 羽、籥一 「漬」字者,後人乃依《終南》箋增改之耳。 案此言碩人之德有武有文,亟宜授以治民之 事也,執以籥則謂之籥舞,以羽則謂之羽 舞而不用干舞。 厚赤曰渥赭,則訓「渥」爲 `動於近,成文於遠。」」 九歎》皆有此文,並 0 赭爲赤,故云: 此《傳》「渥 Ê 義》本 E

閹者,守門之賤者也。 之賤者也。 依毛《傳》,非與今本《祭統》異也。 統》但言閱,毛《傳》則兼言閱寺,古閱、寺竝稱。《正義》引 統》:「夫祭有畀煇、胞、翟、閽者,惠下之道也。 煇者,甲吏 「《周禮》無狄人,唯有籥師中士四人,其職云:「掌教國子 「杜,特生」,皆是鄭《箋》增字之例。 「狄人,樂吏之賤者。」績溪胡匡衷《侯國官制考》云: 《傳》引《禮記・ 以至尊既祭之末,而不忘至賤,而以其餘畀之。」《祭 胞者,肉吏之賤者也。 祭統》篇文,以證經「錫爵」之義。《祭 此四守者,吏之至賤者也。 尸又至 翟即狄人。《喪大記》 翟者,樂吏之賤者也。 也。 錫,賜

謂之爵,爵,總名也。」

隰。 釋此詩之「榛」爲木名者,當是叢生之榛。《尸鳩》、《青蠅 榛」。 過亲栗。」是女摯與邊實之「榛」,其字古皆作「亲」,木名作 文》:「榛,木也。」「亲,果實如小栗。」引《春秋傳》:「女摯不 《皇皇者華》同。「苓,大苦」,《采苓》同。 引《詩》作「山有蓁」。 今榛、亲莫别矣。《釋文》:「榛,本又作「蓁」。」《齊民要術》 當作「亲」。其一種形如木蓼、生高丈餘者,字當作「榛」。 覽》引《義疏》云「榛有兩種,其一種子如杼子,味似栗者,字 「虆」。榛木爲蘩生之木,疑「一曰」四字後人所沾也。 人兮,西方之人兮。【傳】乃宜在王室。【疏】《説 「栗」類舉,其字當作果實之「亲」。《齊民要術》、《太平 「棘榛」、《旱鹿》「榛楛」,❶皆是木。 苓,大苦。 《説文》於「榛」下又云「一曰:菆也」、《廣雅》作 Ш 有榛,隰 云誰之思? 有苓。【傳】榛,木名。 蓁,假借字。 西方美人。 唯《定之方中》「榛」與 「下溼曰隰」、《車鄰》、 《爾雅》作「蘦」。 下 彼 溼 《傳》 美 曰 御

舞羽飮籥。」《祭統》注:「翟謂教羽舞者也。」然則諸侯之狄

亦作「翟」,在天子爲籥師,在諸侯則爲翟人。 天子籥師中

人,豈即籥師與?」案胡説是也。《序》謂泠官即狄人,「狄」

士,則諸侯翟人是下士。

祭祀飮籥又舞翟,即《籥師》所謂 《傳》引之者,以明翟爲樂吏至

「祭祀,則鼓羽籥之舞」也。

店 「梏」,原作「枯」,據本書卷二十三《旱麓》傳疏、中國書 影印武林愛日軒刻本、徐子静本改

=

散爵獻士。」士猶以散

無過散,故知不過

散。

0

爲貴者,貴者獻以爵,賤者獻以散。」《祭統》:「尸飲九,以 者、《箋》:「散,受五升。」《正義》云:「《禮器》:「禮有以小 賤之官,其煇、胞、闇寺連而相及耳。

云「見惠不過

一散

郭注 傳》: 葉全不同。」「山有榛,隰有苓」,以喻賢者之處得其宜也。 黄藥也。 節有枝相當。 者,即 地。』《書大傳》亦言:「古者諸侯之於天子也,三年一貢士。 其節不比於樂,而中少者,不得與於祭。 禮,其節比於樂,而中多者,得與於祭,其容體不比於禮, 巾 大子命與諸侯輔助爲政,所以通賢共治,不不獨專,重民之 慶,數不與於祭而君有讓,數有慶而益地,數有 制,諸侯歲獻,貢士於天子,天子試之於射宫。 其容體比於 ○美人,碩人也。《匪風》傳云「周道在乎西」,周在衛西,故 周王,曰: 命於天子也。 人者,即《王制》「大國三卿,皆命於天子」也。 《傳》以西方爲王室也。 卿,命於天子」也。 大國舉三人,次國舉二人,小國舉一人。 案大國舉三 Ŕ 衛在周爲大國,其三卿皆得命於天子,故《傳》云「宜在 「單伯者何? 「次國二卿,命於天子」也。 其味極苦,謂之大苦。郭云甘草,非也。甘草枝、 今甘草也。 『鞏伯未有職司於王室。』」是諸侯命卿職 或云"『蘦似地黄。』」沈括《筆談》云"「此乃 成二年《左傳》:「晉鞏朔以上軍大夫獻捷于 吾大夫之命乎夭子者也。」是列國大夫 此皆古者貢士之制。莊元年《公羊 蔓延生. 《禮記‧射義》篇:「古者天子之 葉似荷,青黄。 小國舉一人者,即「小國 數與於祭而君有 次國舉二人 莖 玉赤,有 讓而 概司王室 節。 削

> 慨今不然,是以爲刺。 與祭以爲慶,不得與祭以有讓,則衛賢者決不窮處樂吏矣。德,有王者起,天子必有聘賢之典,諸侯亦修貢士之職,得治」之義也。此章承上二章言樂舞、廟祭、泠翟之人皆有大王者」,亦即《大傳》所謂「天子命與諸侯輔助爲政,通賢共王室」,謂大德之人,宜列命卿之位焉。《序》言「可以承事

《泉水》四章,章六句。

作《左傳》「歸寧」之義。 爲言耳。 諸侯,因父母既殁,思而不得,遂作此詩。 隱、桓之閒,已非西周舊禮。 夫人歸寧。 非禮。」《傳》凡八見,亦力主不歸寧。蓋古者有大夫寧,無 爲禮,則必不以歸寧爲禮。 歸于楚,楚司馬子庚聘于秦,爲夫人寧。《傳》以此大夫寧 《春秋》「歸寧」始見於莊二十七年《左傳》,而襄十二年秦嬴 終,思歸寧而不得,故作是詩以自見也。 《泉水》,衛女思歸也。嫁於諸侯,父母 鄭《箋》據時制爲舊禮,乃於《葛覃》「歸寧父母」解 歸寧乃春秋時制。《泉水》詩作於衛宣公時,在 此則據《序》「父母終,思歸寧而 《穀梁傳》:「婦人既嫁,踰竟爲 父母在,則歸寧。 作《序》者即因之 今衛女嫁於 【疏】

記》又云: 间 兄弟」句,故云:「殁則使大夫寧於兄弟。」而要非周 人歸。」此奔喪父母而歸,又非殁不歸寧。《繁露・玉英》篇 得」、故云: **小然也**。 奔喪。』《禮記· 「婦人無出竟之事,經禮也。奔喪父母,變禮也。」 《大戴禮·本命》:「女及日乎閨門之内,不 「婦人非三年之喪不踰封。 國君夫人,父母在 檀弓》亦言「婦人不越疆而弔人」。 則歸寧。」又篇中有「遠父母 如三年之喪,則 內初舊禮 Щ 君夫 - 百里 《襍

山,淇 經 爲肥泉,蓋肥泉上承諸 小水之源。」淇水大水,則此「泉水」即泉源。 泌,本字。 思 姬 出 「淇,水名」,《桑中》同。 「袐」,亦假借字。 同 「泌,泉水也。」《説文》「眇」下引《詩》作 《水所出。』《説文》又引: 淇 變彼諸姬,聊 然流也。 毖彼泉水,亦流于淇。 姓 水出 心之女。 今《詩》作「毖」,假借字。 |河内隆慮縣西大號山。|《淮南子• 泉水不必定指淇水、《竹竿》傳: 淇,水名也。 聊 · 願 1水而 《漢書 與之謀。 也。 流於淇者也。 「或曰: 【疏】毖,讀 地理 有懷于衛,靡 【傳】興也。 【傳】孌,好貌。 《釋文》引《韓 法》: 出 隆 其説或有足據。 **以爲泌。** 酈道元以泉源 性慮西 河河 「泌彼泉水」。 .'内郡 **墜形**》「淇 山。」《水 《衡 泉水 「泉源 1.詩》作 日 共北 門 諸 不 始

> 雅》: 思也。 與之謀也。 猶言思室家相樂也。《素冠》「聊與子同歸兮」,「願見有 姪娣從,故以「諸姬」爲同姓之女。 嫁女之歸衛也。 之人,與之同歸」,猶言思見有禮之人也。 濟縣入衛以入海,非故淇道也。 黎陽屬魏郡。」今濬縣有黎陽廢縣。 出大號」,高注云: 「聊,且略之詞」、《素冠》箋「聊,猶且也」,此今義 「願」,「願」與《方言》「欲思」語氣正合。 云「入河」,唯《水經》以爲東北入海。 亦在河内,蓋淇有二源矣。 「願,思也。」《方言》: 「孌,好皃」,《候人》同。 《出其東門》「聊樂我員」,「願室家得相樂也 衛女思歸不得,是泉水之不如。 「或曰: 「願,欲思也。」願與之謀,猶言思 在 《地理志 . 臨慮西。」案隆、 衛,姬姓。 淇,衛水。 聊者,願之詞 《北山經》及《説文》皆 今淇水從河南衛輝 此篇及《園 「淇 《傳》皆訓 衛女嫁諸侯,有 泉水流淇,以 (至黎 臨 聲通 |有桃 ||箋 也 ○懷,亦 陽 「聊」爲 人河[°] · 隆 禮 爾 府 慮 興

濟水別。 名。 及伯姊。 而 舍載,飲酒於其側 女子有行,遠父母兄弟。 出 「泲,地名」,未聞。 宿于沸,飲 【傳】父之姊妹稱姑,先生 日 餞于禰。 餞,重始有事於道也。 《聘禮 記》: 【傳】沸,地 問 曰 姊。 出 我 祖、釋載、祭 諸 【疏】沸與 名。 姑, 禰,地 遂 袓

卷

Ξ

犯載。 軷」、《傳》:「軷,道祭也。」軷,即《周禮》之「犯軷」。 酒 舍載,乃文得略耳。 謂之舍載。 土爲山,依神而祭曰載。 脯 . 乃 古舍、 飲酒于其側。」此《傳》所本 釋奠有祭酒脯、《傳》不言者,以經中不及出祖 、釋通。 釋,釋奠也。 取土爲軷,謂之犯軷。 以始往祭道神曰 也。 ^ 生 一民》 釋奠於軷 取 I 祖。 出 祖必 羝 委 以

酒。」《文選》謝靈運、顏延年詩注引《薛君章句》云:「送行 也。 出使,其處者設飲餞禮。 夫送女者。」凡諸侯之女嫁於異國,必有送女之大夫。 飲酒曰餞。」案《碩人》篇「庶士有朅」、《傳》云:「庶士, 也。」《韓奕》「顯父餞之,清酒百壺」、《箋》:「餞送之,故 「卿大夫處者,於是餞之,飲酒於其側。」鄭亦本《詩》義而言 《嵩高》「申伯信邁,王餞于郿」、《箋》:「餞,送行飲 及大夫歸,所嫁之女又有寧父母 大夫 齊大 有 酒

兄弟姑姊之禮。此衛女思歸,而追念及來嫁時耳。《傳》云 《聘禮》不言餞,然飲酒即飲餞。 祭載畢,而即於道神之側,送之者設飲 鄭注云 別也。」 親親之詞,故知諸姑爲父之姊妹,不及王父以上之姊妹也 父之從父姊妹爲從祖姑。父之從祖姊妹爲族祖姑。」案王 祖王父之姊妹爲曾祖王姑。 文也。《釋親》:「父之姊妹爲姑。 《詩經小學》亦有是説。 璈《詩經廣詁》云:「《爾雅》「水潦所止,泥丘」,《釋文》「泥」 爲姑妹也。 父以上之姊妹,由父之姊妹而推之,皆得稱姑。 亦作「坭」。 篇云:「禮,婦人既嫁,歸問女昆弟,不問男昆弟,所以 也。《左傳》釋文引《列女傳》云:「梁有節姑妹。」是父之妹 古人稱父之姊有爲姑姊者,稱父之妹有爲姑妹者,襄二十 年《左傳》云:「季武子以公姑姊妻之。」是父之姊爲姑姊 「先生曰姊」,亦《釋親》文也。 此所引即《韓詩》「泥」,蓋衛之泥中邑也。」段氏 ○「父之姊妹稱姑」、《爾雅・釋親 高祖王父之姊妹爲高祖王姑。

此

衛女念

酒焉,是曰餞。

上以事宗廟,而下以繼後世也,是以君子重之。」此「重」之 「禰,地名」,亦未聞。二 出宿在近郊 《士虞 臻,至; 郊也。 還我行也。 出宿于干,飲餞于言。【傳】干、言,所 載脂載聲,還車言邁。【傳】脂牽其車,以 瑕,遠也。【疏】《傳》云「干、言,所適國郊也」者 遗臻于衛,不瑕有害。 【傳】遄,疾;

義也。

侯伯之國,近郊十五里,遠郊三十里。

「重始有事於道也」者,《昏義》:「昏禮者,將合二姓之好.

飲餞則在遠郊。

説見《韓奕》篇。

地皆當在衛之河西、釋文》引《韓詩》「禰」作「坭」。

〇八

禮》注引《詩》「飲餞于

,禰」,劉昌宗本

作 泥。

余友桐

城 徐

王父之姊妹爲王姑。

《列女傳·貞順

國

0九

王》同。 尼《四言詩》「星陳夙駕,載脂載轄」,李注云:「《毛詩》。」案 以木鍵之,是曰舝。 盛膏於釭中,則鐵與鐵相摩,使之滑利,是曰脂。 щ̈ 鍵也。」「軹,車轂小穿也。」「禹,車軸耑也。 足證信。 又《御覽•地部十》引李公緒《記》曰:「柏人縣有干山、言 轄 人軹、轊通用,軹爲轂末,轊爲軸末。 地 衛郊,豈既宿餞於泲、禰,而又宿餞於干、言乎? 嫁之國,亦必有出宿飲餞之事也。 承上章末二句問寧之後而言,蓋大夫反馬,還車臻衛. 也。 郊有近遠,故兼釋一 (東門之枌)、《時邁》同。 「牽,車軸耑鍵也。 理志》: 與 `」即引《衛詩》, 上章言始嫁,故云:「女子有行,遠父母兄弟。」此章即 其地名俱未聞。 此章干、言爲送女者歸國所逕之地,就所適之國言 「牽」同。 釋「邁」爲「行」、《爾雅·釋言》文、《黍離》、《悉蟀》、 ○《説文》:「鐗,車 「東郡發干。」《郡國志》云:「東郡衛國有干城。 《傳》釋 兩穿相背。」「鍵,一曰車轄。」「轄, 《車舝》傳: 在衛東,一爲衛北,要皆後人坿會,不 一地,謂爲衛女所適國之郊,而 上章泲、禰爲始嫁所逕之地,就已國 「言」爲「我」、《葛覃》、《彤弓》、《文 「遄,疾」、《釋詁》文、《巧言》、《烝 ·軸鐵也。」「釭,車轂中鐵 「閒關,設舝也。」《文選》潘 **迺解之者誤以干、言爲** 軸 一

一

歌

皆

有

鐵

以

踏

之

。 或作「轊」。」漢 又於軸末 《漢書 非 也。」 ,則所 衛 E 郊

> 歸,亦不遠害於禮也。 禮,又有反馬之禮。 遠害。」亦假「瑕」爲「遐」,訓同而義異。 民》同。 尚未成婦,送嫁之者留車。 假借字也。 臻、至」,亦《釋詁》文、《雲漢》同。 《二子乘舟》「不瑕有害」、《傳》: 此衛女追念大夫還反故國時欲 亦是設想之詞 至三月廟見成婦,則有寧問之 凡婦人始適異國 瑕,讀 「言二子之不 爲遐,此 與同

《傳》「同 歸異,曰肥泉。」郭注《爾雅》引《毛詩傳》不爲「流」字作 肥」,則其誤在漢以前矣。 蓋郭本實無「流」字。」案曾説是也。 出同流漢』句耳。 後人轉寫錯誤,遂溷沾「流」字,人「歸異出同」下,而脱「異 【疏】南海曾到《詩毛鄭異同辨》云"「《釋水》「歸異、 水。」「疑《爾雅》本文當云「歸異出同,肥」、「異出同流,漢」, 流,肥」、《水經注·淇水》篇引《爾雅》「歸異出同曰肥」,無 衛邑也。 異,爲肥泉。 「流」字。 我思肥泉,兹之永歎。【傳】所 出異歸爲肥泉」,與今本文異而義同。 《河水》篇又引吕忱云:「《爾雅》:「異出同流爲 駕言出遊,以 思須與漕,我心悠悠。【傳】須、漕、 但犍爲舍人注已云『水異出、流行合同曰 惟劉熙《釋名》云: 寫我憂。 《水經 【傳】寫,除也。 • 淇水》篇引毛 出 「所出同,所 山同、 又云:「朝 所 出 歸 瀵 同

歌東南 我駕也。 悠」,猶云「悠悠我思」也。 曹、漕,占今字。漕邑已見《擊鼓》篇,在須之東。「我心悠 須城北、《衛詩》云「思須與曹」也。」須城、今在滑縣東南。 寧,徒滋長歎,語意正同。○《水經・濟水》注:「濮渠東逕 兹即滋也。 衛女未嫁。 西北大嶺下,東南流與馬溝水合。 合諸水即爲同出,至入東南枝散而分派矣。 「寫,除」與「輪寫」同。《爾雅》:「寫,憂也。」「寫」本不訓 「兹之永歎」,與「兄也永歎」同義。 《傳》則兼釋字義。《裳裳者華》、《車舝》箋「寫」爲「憂除」, 憂」,而依「憂」言, 《詩》所謂「我思肥泉」也。」然則肥泉爲朝歌城北之水。 有馬溝 出游,猶敖游也。《蓼蕭》傳:「寫,輸寫其心也。」 彼言良朋之道不能救難,此言衛女之思不得歸 異歸,喻適異國。 水 水 出 故謂「寫」爲 朝 歉 城城 遊,當作「游」。言,我也。 ÎŁ 《爾雅》、毛《傳》釋《詩》如是。 東 「憂」。 《常棣》傳:「兄,兹也。」 流與美溝合。 又東南注淇水,爲肥 《爾雅》釋經義,毛 肥泉同出,喻 水出 駕我 朝 泉 會 歌

《北門》三章,章七句。

合《爾雅》、毛《傳》作訓

《北門》,刺仕不得志也。言衛之忠臣不

得其志爾。

0

何哉! 財。 皆云:「憂心慇慇。」《爾雅》:「慇慇,憂也。」本又作「殷殷」。 治。 門,衛城北門也。 禮也。 背明鄉陰。 備禮曰宴。」宴從一,俗從穴。 雅》:「窶,貧也。」是窶亦貧也。 作「隱隱」。」〇終,猶既也。「終實且貧」,既窶且貧也。《爾 於闇君,猶行而出北門,心爲之憂殷殷然。」《正月》、《桑柔》 已通用。 言不得其志也。 故民不困財貧窶者,有所竄其手。」「困財」義本《荀子》。 言無以爲禮也。 王逸注《九歎》云:「隱隱,憂也。《詩》云:「憂心殷殷。」亦 《説文》云:「寠,無禮凥也。」《倉頡篇》云:「無財曰貧,無財 今衛不然,所以 時君行 関 也。《箋》云:「喻己仕 語雖分釋,而義自互明也。《荀子‧大略篇》云:「然 出自北門、憂心殷殷。【傳】興也。 貧者,困於財。 既然, 【疏】興者,北門喻闇君,出北門喻 終窶且貧,莫知我艱。【傳】窶者,無 既如是。 〇已焉,猶云既然。 無禮由於困財,故《傳》又釋「貧」爲「困於 云「背明鄉陰」者,人君南面而立,鄉明 已焉哉,天實爲之,謂之 此承上轉下之詞。 艱,難也。 《傳》釋「窶」爲「無禮 詁訓然、焉通用,既 莫知我宴貧之難 仕闇君。 解者皆誤 北門, 北 丽

何,即「如之何」也。哉、云,皆語詞。哉」,與《氓》篇句同。「謂之何哉」,與「云如之何」同。謂之曰。爲「已」爲「已止」之「已」。《韓詩外傳》兩引《詩》作「亦已焉

王事適我,政事一埤益我。【傳】適,之, 尊,厚也。我人自外,室人交徧謫我。【傳】適, 責也。已焉哉,天實爲之,謂之何哉!【疏】。 傳:「之,至也。」高誘注《吕覽·知節》篇云:「一,猶乃也。」 傳:「之,至也。」高誘注《吕覽·知節》篇云:「一,猶乃也。」 傳:「之,至也。」高誘注《吕覽·知節》篇云:「一,猶乃也。」 傳:「之,至也。」高誘注《吕覽·知節》篇云:「一,猶乃也。」 傳:「之,至也。」高誘注《吕覽·知節》篇云:「一,猶乃也。」 相近。○適,俗「謫」字。《説文》:「埤,增也。」「厚」與「增」義 相近。○適,俗「謫」字。《説文》:「埤,增也。」「厚」與「增」義 「適」字,疑《毛詩》祇作「適」,爲「謫」之假借。《殷武》「勿予 「適」字,疑《毛詩》祇作「適」,爲「謫」之假借。《殷武》「勿予 「適」字,疑《毛詩》祇作「適」,爲「謫」之假借。《殷武》「勿予 「適」字,疑《毛詩》祇作「適」,爲「謫」之假借。《殷武》「勿予 「適」字,疑《毛詩》祇作「適」,爲「謫」之假借。《殷武》「勿予 「適」字,疑《毛詩》祇作「適」,爲「謫」之假借。《殷武》「勿予 「適」字,疑《毛詩》祇作「適」,爲「謫」之假借。《殷武》「勿予 「適」字兩見異訓,遂加「言」旁作「適」耳。《孟子·離婁》 注引《詩》作「適」可證。

沮也。已焉哉,天實爲之,謂之何哉!【疏】遗,加也。我人自外,室人交徧摧我。【傳】摧,王事敦我,政事一埤遺我。【傳】敦,厚,

卷

《爾雅》:「惇,厚也。」古敦、惇通用。厚,猶 説雖異,而意則同 子,外蒙譏於士夫。」此與《箋》以「摧」爲「刺譏之言」者合。 交際》篇云:「處卑下之位,懷《北門》之殷憂。 雅》:「誰,就也。」本《韓詩》。就,亦相迫之義。《潛夫論 也。」引《詩》正作「催」,是許所據《詩》作「催」也。 遺,猶埤益也。上章訓「埤」爲「厚」,不爲「益 云:「敦,猶投擿也。」《韓詩》云:「敦,迫也。」義竝相近。 「折」義同。 「相擣,猶相迫也。」《傳》取「沮壞」之義,與「摧. 「加,重也。」○《釋文》:「摧,或作「催」。」《説文》:「催,相擣 「遺」爲「加」,不爲「埤」作訓。 又《釋文》引《韓詩》作「誰」,云:「誰,就也。」《廣 《傳》訓可互見也。 一作訓。 加也。 内見謫於妻 」訓「擠」、訓 《爾雅》: 段注云: 此訓

《北風》三章,章六句。

不親,莫不相攜持而去焉。《北風》,刺虐也。衛國並爲威虐,百姓

【傳】惠,愛,行,道也。 寒涼之風。雾,盛貌。 北風其涼,雨雪其雾。【傳】興也。 其 惠 而好我, 虚 其邪 攜 既 手 亟 只 同 北 耳。 行。 風,

也。 直。」楊雄《大玄·戾》:「初一,虚既邪,心有傾。《測》曰: 邪」聲義又相近。 《廣雅》作「委佗、窊邪也。」邪,即古「衺」字。 **家去皃。」《廣雅** 讀作「謙虚」字。「虚」、「邪」二字連文成義,虚邪,猶委蛇 徐」。」案「一本」非也。《傳》以「虚」釋「虚」,謂此「丘虚」字 也」、《釋文》、「一本作「虚、徐也」。《正義》、「本亦作「虚、 愛而又好我者,與我相攜持同道而去,疾時政也。」「虚,虚 ○「惠,愛」、《爾雅・ 天子以寒之故,命王屬休。」郭璞注引作「霶」,霧,俗字。 作「滂」,「滂」與「雰」通。 風》、《谷風》異也。《説文》:「旁,溥也。 爲釋,故云「北風,寒涼之風」,不用《爾雅》作訓。 政之威虐,末章赤狐黑烏喻衛國君臣並爲無道也。 「委蛇,委曲自得之皃。」《韓詩》作「逶迤」、《説文》:「逶迤: 【傳】虚,虚也。 《莊子・應帝王》篇:「吾與之虚而委蛇。」《羔羊》箋: 典 「惠,愛也。」《傳》以 「北風謂之涼風。」《説文》作「飆」。 「溥」義相近。 《管子·弟子職》篇:「志毋虚邪,行必正 釋訓》: 亟,急也。 釋詁》文。《騫裳》「子惠思我」,《傳》亦 《御覽・天十一》、《時序十九》引《詩》 「同行」爲「同道」。《箋》云: 《穆天子傳》:「庚寅,北風雨雪。 「委蛇、透衺也。」《衆經音義》引 【疏】興者,前二章以風 《傳》但 籀文作「雱」。」 「窊邪」與「虚 就詩 「性仁 與《豈 雪 本 爾爾 句 喻

> 《傳》云「亟,急」者,《箋》所謂「急刻之行」也 雅》:「悈,急也。」《釋文》:「悈,本或作「惐」,又作「呕」。」 威儀虚徐寬仁者,今皆以爲急刻之行矣。」《傳》爲「虚」字作 徐」。 訓其虚徐兮, 竚盤桓而且俟。」曹大家注引《詩》「其 訓,不爲「邪」字作訓。《箋》乃申補《傳》訓,依三家《詩》易 之義也。 翼之,得矢夫。《測》曰:虚邪矢夫,得賢臣也。」然則家曲 以二字連讀。 也。」孫炎注:「虚徐,威儀謙退也。」班固《幽通賦》: 謂之虚邪,委曲亦謂之虚邪。 虚邪心傾,懷不正也。」《羨》:「次六,大虚既邪,或 邪」爲「徐」。 班從《魯詩》。《毛詩》「虚邪」,或《魯詩》作「虚徐」,皆 《爾雅》作「虚徐」、《釋訓》: 《箋》云:「邪,讀如徐。 虚邪、虚徐,一語之轉,毛、鄭義無不合。 詩言「虚邪」者,是委隨 「其虚其徐,威儀容 言今在位之人,其故 (直之,或 「承靈 虚其 順 止 從

甚貌。 非猶飛也。」〇云「歸有德也」者,以釋經之「歸」字。《碩鼠 與「盛」同。《小箋》云:「霏,《説文》無此字。 《玉篇》:「飌,疾風也。」或本二家《詩》。 其虚其邪,既 北風其階,雨雪其霏。【傳】喈,疾貌。 惠 而好我 亟只且。 ';攜 攜 【疏】「喈」訓「疾」,義未詳。 同 歸。 【傳】歸有德 「霏,甚兒」,「甚 古當作「非」、 也。 霏,

云:「逝將去女,適彼樂國。 樂國樂國,爰得我直。一亦 此

意也

同去也 乎? 能别 以爲非狐者,人莫能分别黑以爲非烏者。」恐非 甚也。《傳》中「莫」字非經義。 其 ○《傳》云「攜手就車」者,以釋經 「莫赤匪狐,莫黑匪烏」,無有赤者非狐乎? 虎 也。 狐赤,烏黑,人所易曉,今莫能别,言衛之君臣昏惡之 其 莫赤匪狐,莫黑匪烏。【傳】狐赤烏黑,莫 邪, 惠而好我,攜手同車。 既 亟只且。【疏】莫,無也。 《正義》云:「人莫能分别赤 「同車」之義,言將就車而 【傳】攜手就車。 無有黑者非鳥 匪,非也。 詩怡矣。

静女》三章,章四句。

女德貞静而有法度,乃可說也。 《静女》,刺時也。 静女其姝,俟我於城隅。【傳】静,貞静也。 衛君無道,夫人無德。 姝,美色也。 俟,待

也。

城

隅,以言高而

不可踰。

愛而不見,搔首踟

躕

【傳】言志往

而

行 正

【疏】《邶・柏舟》、《女曰

雞

卷

鳴》傳訓「静」爲「安」。 七雉。 《毛詩》作「俟我乎城隅」。《考工記・匠人》:「宫隅之制 《箸》傳竝同。 二丈矣。 伯之城高三雉,隅高五雉。」然則雉高一丈,城隅加高於城 天子城高七雉,隅高九雉。 也。」字又作「俟」。 莊八年《穀梁傳》: 姝、娛、袾同。《傳》云「美色」,義亦同。 《詩》作「炈」。 代之閒謂好曰姝。」《説文》:「姝,好也。」又「妙,好也。」引 者、法度指彤管、此總釋全章之義。《方言》:「趙、魏、燕、 與毛同。又申説「貞静」云「女德貞静而有法度,乃可說也 張衡《思玄賦》、宋玉《神女賦》注引《韓詩》:「静,貞也。」韓 「宫隅之制,以爲諸侯之城制」,鄭注云:「諸侯,畿以外也」 諸侯城缺南方、東、西有門、門上有臺、謂之臺門、亦 城隅之制,九雉。」賈《疏》引《異義》:「古《周禮 鄭注云:「宫隅、城隅、謂角浮思也。」又《考工記 但臺門,天子、諸侯制異。 《鄭風 於,疑當作「乎」。《文選》向秀《思舊賦》注引 又《衣部》:「袾,好佳也。」引《詩》作「袾」。 出其東門》傳: 此云「貞静」,亦「安」義也。《文選》 公之城高五雉,隅高七雉。 天子四面城,其臺當在 「闄,城曲 《禮器》曰:「天子、諸 「俟,待也。」《相鼠》、 ○《爾雅》:「竢,待 也。 城 影説 侯 臺

中央。 謂 侯臺門。」「案鄭引《禮器》臺門以證宮隅、城隅之制,其説必 其城隅制高七丈,宫隅門阿皆五丈。 有所據。 之城臺。

<u>=</u>

而

四

説 Щ 蔽不見也。」「薆」與 毛、韓説解不同,而 引此詩爲歌道義。 時不可 姻也,大無信也,不知命也。」賢者不然,精氣関溢而後傷. 高同。 是以年壽亟夭,而性不長 其義也。 外。《丰》「子之丰兮,俟我乎巷兮」、《傳》:「巷,門外。」即 隅」,此申成 掩 蓋借城隅喻静女之守禮法。 之遺意也。 「故不肖者 罦。 "者,隱蔽不見之謂。 女其姝,俟我乎城隅。 《烝民》傳云:「愛,隱也。」案此承上文城隅立言。 、翳,薆也。」郭注引《詩》作「薆」。 ○《説文》:「僾,仿佛也。」引《詩》作「僾」。《方言》: 城 《周禮 過 是城隅爲最高之處。 隅即 也。 言俟之者,兼以反刺人君也。《韓詩外傳》云: 「精化始具,而生氣感動,觸情縱 諸侯城高五丈,城隅高七丈,其宫隅之高與 城 《傳》也。 不見道端,乃陳情欲,以歌 疏》據漢 曲。 道義者、《韓奕》傳所謂 義得互明。 漢 變」同。 人間 俟乎城隅,言親迎者俟女於城門 (時罦思灾,以城隅爲小樓者,亦 襄二十三年《左傳》:「宣子出斐豹 戍也。 愛而不見,搔首踟躕。」《韓詩 之「角 《傳》云「以言高而不可踰」者: 今《詩》作「愛」者,古文假借 《箋》言「待禮而動,自防如 《詩》曰:「乃如之人兮,懷婚 《説苑・ 浮思」 《説文・竹部》: 辯物》篇同 角 道義。《 「曲顧道 亦 欲,反施亂 隅 也 《詩》曰: 養」也 |《韓詩 ·字 蓌 城 亦 化 愛 之 城 城 臺 作

> 城隅。 選 《左傳》言「隱而」,蓋古有此語也。 賦》、《思玄賦》、《思舊賦》、何劭《贈張華詩》、左思《招隱詩 至暮,百兩不來。」又《同人》、《謙》、《涣》: 用毛改韓耳。 注引作「躊躇」,皆本《韓詩》。 迎之女,其德貞 依岳本作「止」。「志往行止」,釋「搔首踟躕」句,亦是狀親 處以待之。 殺之。」蓋斐豹既出,閉在門外,見督戎來,而先踰避不見, 閉之。 琴賦》注引《韓詩章句》云: 終日至暮,不見齊侯。」此或本齊、魯《詩》。 督戎從之。 督戎踰人,乃從後擊殺之也。 《易林• 静,而與《韓 **踰隱而待之,督戌踰人,豹** 師》: 「季姬踟躕 今《外傳》作 詩》 躊 道義之説又合 《傳》文「行正」之「正」當 躇,猶躑躅也。』《洞簫 **,**結衿待時。 「季姫踟 《詩》言「愛而 「踟躕」,乃後 自 也。 躕 1後撃 , 望 終日 令文 Ĺ 孟 而

小 之。 以 以 者后夫人必有女史彤管之法,女史不 有美色,又能遗我以古人之法,可以配人君也。 ·, 記 銀環進之,箸于左手。 環 后妃群 以 以 静女其孌,貽我彤管。【傳】既有静德, 進 成 退 法。 之。 妾 以 彤管有煒,説懌女美。 生 禮御於君所,女史書其日月,授 子月辰,則 既 御、箸于右手。 以 金 環 退 記 之。 過, 【傳】煒、 事 當 其 罪 無 御 大 者 之 丈 殺 古

左手。 箸于左手。 亦以 退之法。生子月娠,則以金環退之。 法,后妃群妾以禮御于君所,女史書其日,授其環,以示進 過」、「史」上奪「女」字,今據《正義》訂正。《御覽・ 記妃妾之過,其罪則殺之,謂殺此女史。」案《傳》文「史不記 有女史彤管之法」、《傳》引成文,今無可攷。《正義》云: 能遺我以古人之法,然後可以配人君也。「古者后夫人必 史所執之管。是即古人之法也。管雖女史所執,然必后去 人有貞静之德,乃能授以女史之法,故《傳》以爲静德之女 「掌王后之禮職、掌内治之貳、以詔后治内政。 「《周禮》「女史八人」,注:「女史,女奴曉書者。」其職云: 云:「孌,美皃。」《釋文》:「貽,本又作「詒」。」案「詒」是也。 〈傳》以「遺」釋「詒」,與《雄雉》、《天保》同。《丘中有麻 有詳略。 》引劉向《五經要義》云:「古者后夫人必有女史彤管之 「飴」爲「遺」。《箋》云: 右手,陰也,既御而復。 凡后之事,以禮從。」夫人女史亦如之。女史若有不 既御,箸于右手。」左手,陽也,以當就男,故箸 ○彤,赤色,故《傳》云: 「彤管,筆赤管也。」彤管者,女 故此亦西京舊説,與毛《傳 「煒,赤皃。」《説文》: 當御者以銀環進之, 逆内宫,書 ・皇親部 》傳

> 序也。 文》: 從心旁矣 當作「釋」,今《詩》作「説懌」,《爾雅》作「悦懌」,并「説」字誤 與《詁訓傳》相合。」《箋》云:「説懌,當作【説釋」。」《説 遠,所聞必有據。 也。」張華《博物記》、崔豹《古今注》皆載其語。 舒荅曰: 之義,云「以赤心正人也」者,謂女史以赤心而正妃妾之次 「煒,盛明皃。」盛明者,言赤色之盛明也。 「説、説釋 陳啓源《稽古編》云:「牛亨問: 「彤者、赤漆耳。 也。」《頻弁》「庶幾説懌」,依鄭、 又武帝時《毛詩》未行,而仲舒之論彤 史官載事,故以彤 「彤管何也?」董 《傳》又申明 管赤心記 仲舒去古未 許,「懌」亦 取 管 一种 赤

德」,「孌」爲「美色」。

是

「孌」與

「姝」同義也。

《車舝》傳

赤

貌。

形管

以

赤心

正

人也。

【疏】《傳》釋「静

巴爲

静

子 《箋》: 官」作解,孔本亦不誤。 美其人能遺我法則。【疏】田官爲牧,未聞。 之爲美,美人之貽。【傳】非爲其徒說美色而已, 荑,茅之始生也。 五年《左傳》: 作「官」,轉寫併入耳。 度地》篇: 「自牧田歸荑。」鄭所據作「牧田」。 自牧歸荑,洵美且異。 「草木荑,生可食。」是「荑」本爲草木初生之 「鄭人侵衛牧。」衛牧,猶言晉郊耳。 本之於荑,取其有始有終。 《傳》文當作「牧, 《周禮》: 「牧田 【傳】牧, ,任遠郊之地。」隱 《正義》不爲 牧 田 此 也」四 田 必 官 「田」誤 匪 **《管** 字。 也。 田田 女

卷

-:

管焉。」杜注云:「言《静女》三章之詩,雖説美女,義取彤 美色,而説美德也。 古女史彤管之法也。 承「説釋女美」而言。云「遺我以法則」者,治,遺也,法則, 並以「匪」釋「非」,與此《傳》同也。《傳》云「説美色」者,即 匪、非同聲。 且感」, 應, 静也。爲許、鄭所本。女, 如字。貽, 當作「詒」。 静之謂。此本三家《詩》以申《毛詩》。或《毛詩》本作「洵美 異者,可以供祭祀,猶貞女在窈窕之處。」鄭言「窈窕」,亦貞 《韓詩》:「瘱,悦也。」承上文「説釋女美」而言。 是釋此詩之詞。 文》:「感,静也。」承上文「静女其姝」、「静女其孌」而言,皆 其有始有終」也。 亦以茅之絜白喻静女之德。 稱 《韓詩》云:「瘱,悦也。」當是此詩章句。 ○異,無《傳》。 始萌芽。 色白,而蘆葦初生色赤,故彼以茅之柔白狀碩人之手,而此 「如荑之新生。」案彼詩之「荑」亦茅也。 ,因之則爲茅之始生矣。 藉茅可以供祭祀,故《傳》又申之云「本之於荑,取 非,本字,匪,假借字。《定之方中》、《匪風 異者,「瘱」之假借字。 「瘱」作「嫕」者,誤。《箋》云:「其信美而 經中「歸」字當讀如「言告言歸」之「歸」。 定九年《左傳》:「《静女》之三章,取彤 此與「詒我彤管」句相應。言非徒説 《碩 茅生後於蘆葦,正月之末,其 人》「手如柔荑」、《傳 李善注《神女賦》引 茅, 茬之類。 異、瘱一聲之轉。 又《説 *\frac{\times}{\times} 初生

管。」故毛公作《傳》,於三章皆取彤管爲説,實本《左氏》也。

《新臺》三章,章四句。

譜》云:「定王五年,河徙。」」定王五年,當魯宣公之七年 當在今濟、滑二縣之西矣。 害亭南,又有宿胥口,舊河水北入處也。」然則禹大河故瀆 陽人河,鄴故大河在東北入海。」《水經注》:「河水東逕遮 衛故在淇東、河西也。《漢書· 河西善謳。」趙注云:「衛地濱於淇水,在北流河之西。」是 居河、淇閒故商虚。』《孟子・告子》篇:「昔王豹處於淇,而 《詩》齊姜所賦也。 臨河之新臺。 攷《史記·衛世家》:「成王封康叔爲衛君· 古今河道不同,衛宣公所作新臺河上,決非魏晉鄄城縣北 縣北、北岸有新臺、鴻基層廣高數丈、衛宣公所築新臺矣 【疏】新臺,當在鄴東大河之旁,齊、衛之所經也。 址枕河。」案酈安道注《水經》往往廣採襍説,以示炫博。 經•河水》篇:「河水逕濮陽縣北,爲濮陽津。 臺于河上而要之,國人惡之,而作是詩也。 《新臺》,刺衛宣公也。 爲盧關津。 《漢書・ 臺東有小城,崎嶇穨側,臺 地理志》:「魏郡淇水至黎 溝洫志》王横言:「《周 納伋之妻,作新 又東逕鄄城 酈注≪水 然

人》詩: 皆有大河之所經,亦不得謂東徙渡河矣。 邑,今之滑縣,漢之白馬縣。 至齊臨淄,若河水已徙,則當云「東流」,不云「北流」矣。 也。 《定之方中》序: 為臺斷不在鄄城北也。 若河水已徙,則從楚丘之北直東鄄城之北,三百餘里, 齊在衛北,衛適齊必遡河上流五百餘里。 宣公時 河河 水洋洋、北 ,禹故河道 「衛爲狄所滅,東 流活活。」此言送女之大夫反馬歸 未改。 文公渡河而 河在鄴東,不逕濮陽。 徙渡河,野 東,河在楚丘之 以《詩》證《詩》, 處漕邑。」 從聊城陸路 《碩 漕 又

也。 行。 瀰 注引《毛詩 《詩》「 《説文》作「瀹,滿也。 「淮」,云"「鮮皃。」瀰瀰,《釋文》引《説文》:「水滿也。」攷 瀰 籧篨, 盛貌。 燕婉之求,籧篨不鮮。 新臺有玼」。 新臺 「浘浘」,云: 《玉篇》: 》作「河水瀹瀹」。 不能俯者。 有 水,所以潔汙穢,反于河上而爲淫昏之 「瀹,水流皃。」《文選》沈約《安陸昭王碑文》 泚 「盛皃。」《詩小學》云:「《韓詩》「新臺有 今《詩》作「泚」、《釋文》引《韓詩》作 河 从水, 爾聲。」是陸所 【疏】《説文》:「玼,新色鮮也。」引 水 瀰 今字通作「瀰」。 瀰。 【傳】燕,安;婉 傳 <u>一</u>洪, 《釋文》引《韓 據《詩》本作 鮮 明 順 貌。

行。 灌,河水浘浘」,蓋一 鎛鍾 韻》亦曰:「瀰,或作津。」」案泮泮,亦即「瀰瀰」之異文,當 篇》曰:「泮,亦「瀰」字。」然則「洋洋」必「泮泮」之誤。 《邶詩》「河水洋洋」,師古以今《邶詩》無此句爲疑。 璆。」韋注云:「籧篨,直者。 引《詩》「騴婉之求」,當出齊、魯《詩》,與毛異。 此毛義也。《文選・西京賦》注引《韓詩》「嬿婉之求」,云: 安,婉,順」,言人有安順之德者。《箋》以燕婉之人謂伋 水絜汙穢,衛官公反於河上作新臺,要納伋妻,是爲淫昏之 善化。」竝與《傳》云「水,所以潔汙穢」合。 之惡仁也。」《荀子・宥坐篇》:「水以出以入,以就鮮潔,似 出齊、魯《詩》。 陸德明誤屬之二章也。」又盧召弓曰: 《傳》正用《國語》文。 「灌」、「浘」字與「泚」、「瀰」同部,與「洒」、「浼」不同 「籧篨不可使俯,戚施不可使仰。」又「戚施,直鎛。 `嬿婉,好皃。」燕、嬿,古今字。《説文》: ○《谷風》傳:「宴,安也。」宴,本字,燕,假借字。 也。 蒙,戴也。 《管子·水地》篇:「水淖弱以清,而好洒 璆,玉 《國語》籧篨、 章「新臺有 磬。 戚施,瘁者。 不能: ?泚,河 、戚施爲八疾之二,毛兼 俯,故使戴磬。」案毛 √《漢• 水 真 「騴,目相戲也。」 瀰瀰」之異 潔,當作「絜」。 直擊也。 地 《晉語 理志 部。 致《玉 影引 文。 鎛 而

145

知

七

引之以刺衛宣公。

《柏舟》傳:

「君子有

威

儀

望之嚴

卷

三

篨,口柔也。 之狀,以是爲病,故即以是爲刺,此毛義也。 畏,禮容俯仰,各有其宜。」今宣公於一俯一 蒢卒。」又地名,定十五年:「次于渠蒢。」此或取於病惡 西,其麤者謂之籧篨。」亦人名,《春秋》文十三年:「邾子璲 蘧除之人,不能俯者也。」 蘧除即籧篨,蓋凡物之粗惡者曰 矣。《大玄・閑》:「次七,跙跙 柔,下人以色,故不能仰也。」鄭乃合《爾雅》、《國語》爲一義 《測》曰:跙跙之閑,惡在舍也。」范望注:「跙 遼條口柔,常觀人顔色而爲之辭,故不能俯也。 《説文》:「籧篨,粗竹席也。」《方言》:「簟,自關 戚施,面柔也。」亦是釋此詩之詞。 ,閑于蘧除,或寢之廬。 仰 《爾雅》: 田,惡貌 有佞媚容悦 《箋》云: 戚施面 籧 也。 而

也。 斗直不可上。」又云"「《吴都賦》"「清流亹亹。」李善注引 也。」「峻」同「陖」。 下,漘。」高謂其頂,洒謂其身。峭直夷上者,其頂平不高出 浼浼,平地也。 也。【疏】《小箋》云:「《釋丘》「望厓洒而高岸。夷上洒 洒下亦謂身斗峭也。 新臺 一有 1洒,河 燕婉之求,邃篨不殄。【傳】殄, 洒,即「陖」之假借字。 水浼浼。【傳】西,高峻也。 《説文》曰:「陖,陗也。」「陗, 凡言陖陗,皆謂 陖

者也。

作「殄」。」

潤也。 義正相同。《説文》又云:「潣,水流浼浼皃。」亦謂平流爲 池,猶滂池,謂河水平滿,蓄納爲池則浼浼然也。《說文》 《傳》云「平地」,義不可通。奂疑「地」字乃「池」字之誤。 《思齊》、《桑柔》、《雲漢》皆云:「不殄,不絶也。」不絕,猶不 ○「殄,絶」、《釋詁》文。《思齊》傳「殄」亦訓「絶」。《緜》、 小池爲污。」是許以「污」釋「浼」,與此《傳》「平池」釋「浼浼 云:「浼,污也。」引《詩》「河水浼浼」。 「污」下云:「一曰: 鮮,鮮,少也。鄭《箋》:「殄,當作「腆」。 腆,善也。」上章 「浼浼」之異文也。 《箋》:「鮮,善也。」義異。《燕禮》「不腆之酒」,「古文「腆 韓詩》: 《沔水》傳:「沔、水流滿也。」浼、潣、沔一聲之轉。 「亹亹,水流進兒。」不言何經之注。 古音洒讀如詵,浼、亹皆如門,殄如珍。」 今按,必此章

者。 也。 罦」、「離罿」、「離畢」、「離」皆「麗」也。 反得鴻,此謂所得非所求也。 「離」。」《易・ 【疏】離、讀爲麗。 燕婉之求,得 魚網之設,鴻則離之。【傳】言所得 離 卦》云: 此 《士冠禮》注云:「古文「麗」爲 「離,麗也。」凡《詩》「離羅」、「離 成施。 求,即經「燕婉之求」,以喻齊 【傳】戚施, 魚網,所以求魚,今 不 非 能 所 求 仰

詩》義。 與「戚施」同。 戚施僂,皆醜貌也。」此本《韓詩》説也。 爲粗竹席,亦喻醜惡。 施,蟾蜍,喻醜惡。」」韓謂戚施即蟾蜍,以喻醜惡,則上章籧篨 姜,生急子。爲之取于齊而美,公取之。」是其事也。 《説文》:「繩麗,詹諸也。」引《詩》作「得此繩鼈」。 女求伋而得宣公也。 〈廣韻》皆云:「規閱,面柔也。」《廣雅》云:「規閱,八疾也。」竝 《詩序》作「伋」。 《爾雅 《鄭語》云:「侏儒戚施,寔御在側。 :》釋文:「戚施,字書作「規閱」,同。」《玉篇》: 〇《御覽·蟲豸部》:「《薛君章句》云: 高注《淮南子・脩務》篇云:「籧篨偃 桓十六年《左傳》:「衛宣公烝于夷 韓與毛訓異而意同。 許亦用《韓 「戚 急,

《二子乘舟》二章,章四句。

習《韓詩》也。《韓詩》多同《毛詩》。 子争相爲死,國人傷而思之,作是詩也。【疏】子爭相爲死,國人傷而思之,作是詩也。【疏】

也。宣公爲仮取於齊女而美,公奪之,生壽及朔。二子乘舟,汎汎其景。【傳】二子,仮、壽

=

道也。」《史記 《左傳》作「使盜待諸莘」,服注云:「莘,衛東地。」《水經 禮》「姆加景」,今文「景」作「憬」。 「憬,遠行貌。」下章言「汎汎其逝」,正與此同意也。 如乘舟無薄爲喻、《廣雅》云: 辭有小異,而恉則大同也。 節」、《左傳》「節」作「旌」、《史記》、《列女傳》作「白旄」。 盗待于莘。 注·河水》篇:「莘道城西北有莘亭,衛宣公使伋諸齊,令 字句微有不同。伋、《左傳》作「急」。云 「宣公爲伋取於齊女而美」以下,桓十六年《左傳》文,詳 所定。【疏】《序》「思伋、壽」,故《傳》云「二子,伋、壽也。」 殺之。 「景,讀如憬。 思子,中心養養。 命殺我,壽有何罪?」賊 可以逃。」壽竊其節而先往,賊殺之。 朔與其母愬伋於公,公令伋之齊,使賊先待於隘 往,如乘舟而無所薄,汎汎然迅疾而 壽知之,以告伋 伋、壽繼隕于此亭。 《魯頌・泮水》篇「憬彼淮夷」,毛《傳》曰: 衛世家》作「界」、《列女傳》同。 【傳】願,每也。 使去之。 伋、壽涉危,争相爲死,詩人以 又殺 「薄,至也。」《詩述聞》云: 道阨限蹊要,自衛適齊之 之。 是憬、景古字通。」奂案 仮 國人傷其涉危 曰 使賊先待於隘」 不礙也。 養養然憂不 仮至曰:「君 「君命也,不 云「竊其 《士昏 願言 遂 而

《皇皇者華》傳訓「每」爲「雖」。「願言思子,中心養養」,雖 《説文》: 與「遠行」之義正合。汎汎,流皃。○《傳》訓「願」爲「每」, 曰思子,徒憂其心養養然也。 「願言思子,不瑕有害」,雖曰 「礙,止也。」《傳》意以「迅疾不止」釋經中「景」字, 王》篇。

疾」、「願言思伯,使我心痗」,文義皆同,故《終風》「願言」不 言雖有善朋,徒滋長歎而已。《伯兮》「願言思伯,甘心首 思子,不能遠於害也。 「願」訓「思」,則「思」言「思子」,不成辭矣。 中心,心中也。 此「願言」作傳,用意攸别。《終風》「願」訓「思」,此 猶《常棣》云「每有良朋,兄也永歎」,

卷三終

害

,即是涉

危 也。

有」又爲句

首 旬 末 語 助

者,義見《文

爾雅

釋詁》:「恙,憂也。」憂謂之恙,重言恙恙,猶憂爲

憂爲悄,重言悄悄矣。《釋訓》:「洋洋,思

忡,重言忡忡;

也。」郭注云:「憂思。」邢《疏》引此詩「中心養養」,云:「洋、

養音義同。」《穆天子傳》「中心翔翔」,

郭注云:「憂無薄

也。」養養、洋洋、翔翔、皆恙恙也。

言思子,不瑕有害。【傳】言二子之不遠害。【疏】

二子乘舟,汎汎其逝。【傳】逝,往也。

願

「有」爲句中語助,「不遐有害」,言不遠害也。 二子之不遠

《傳》云「涉危遂往」,兼釋此「汎汎其逝」也。

○瑕,讀爲遐。

上章

「逝,往」,《釋詁》文,《東門之枌》、《小雅・杕杜》同。

詩毛氏傳疏卷四

長洲陳英學

長沙野山

鄘

柏舟詁訓傳弟四

毛詩國風

《柏舟》二章,章七句。

《柏舟》,共姜自誓也。衛世子共伯蚤《柏舟》,共姜自誓也。衛世子共伯番、衛武公元年,周宣王之十六年,至平王十三年卒,計在位五侯羡,自殺。而立和爲衛侯,是爲武公。五十五年卒。」及侯羡,自殺。而立和爲衛侯,是爲武公。五十五年卒。」及侯羡,自殺。而立和爲衛侯,是爲武公。五十五年卒。」及侯羡,自殺。而立和爲衛侯,是爲武公。五十五年卒。」及侯羡,自殺。而立和爲衛侯,是爲武公。五十五年卒。」及侯羡,自殺。而立和爲衛侯,是爲武公。五十五年卒。」及侯羡,自殺。而立和爲衛侯,是爲武公九十有五,猶作《懿》十五年,與《世家》合。《國語》稱「武公九十有五,猶作《懿》十五年,與《世家》合。《國語》稱「武公九十有五,猶作《懿》合「入世》之。

之死,信無它心。母也天只,不諒人只!【傳】死矢靡它!【傳】矣,誓,靡,無,之,至也。至己貌。髦者,髮至眉。子事父母之飾。儀,匹也。之刻,完彼兩髦,實維我儀。【傳】髮,兩髦之河中。髮彼兩髦,實維我儀。【傳】與也。中河,

諒,信 也。 母 也 天 也, 尚 不 信 我。 天, 謂

字。 之,象幼時鬌。 收髮結之。 髦之形象未聞。」《内則》「總拂髦」,注亦云:「髦,用髮爲 男角女覊。 者、《禮記· 彼兩義。」或省作「髳」。」髡、忱、紞同。 《玉篇·髟部》:「髮,髮垂皃。」又《人部》引《詩》:「髮,或作 爲「兩髦之皃」、《釋文》無「之」字,云:「髡,本又作「忱」。」 河側,言其守義之所自處。 倒句之例也。 角,故以角爲兩髦,其義同也。 「忱」。」《説文》:「鬏,髮至眉也。 从髟,敄聲。 《詩》曰:「紞 「未聞」耳。《齊・甫田》傳云: 角,故兩髦。 《順父母幼小之心。 記》皆有説髦之文。鄭注云:「兒生三月,鬋髮爲鬌。 許云「髮至眉」,本《傳》義也。 柏舟》傳: 髦即髮之所結,以垂爲飾。 否則,男左女右。 玉藻》篇:「親没不髦。」《喪大記》及《儀禮 舟汎汎然,興婦人夫不在,無所適從。 垂飾至眉,其形象也。 其制未聞也。」案子事父母有總有髦,總以 「汎,流皃。」汎猶汎汎也。 至此尸柩不見,喪無飾,可以去之。 ○詩言「兩髦」,故《傳》謂「髧 長大猶爲飾存之,謂之髦,所 「總角,聚兩髦也。」兩髦在 實,當作「寔」。 寔,是也。 髮至眉爲子事父母之飾 鄭未治《毛詩》,故云 鬏,本字,髦,假借 髦,收取他髮爲之。 「中河,河中」,此 父也。 河中 【疏】 既

> 子。 嫁者也。 굸 婦人未嫁,則以父母爲天。既嫁,則以夫爲天。其喪父母, 猶曰不貳天也,婦人不貳尊也。」《列女傳・母儀》篇:「禮, 《爾雅》作「亮」,與「諒」同。 匹」、《爾 則降服 有三從之義,無專用之道。故未嫁從父,既嫁從夫,夫死從 《傳》又申明之云「天,謂父也」。《儀禮・喪服傳》:「婦人 言不信我之無它心也。 它心」以釋「靡它」二字,以申明其自誓如此也。「諒,信」, 釋「之」,逆經作訓。 矣》、《烈祖》傳竝以「無」字釋「靡」字。● 靡、無,聲之弇侈耳。《旄丘》、《皇皇者華》、《文王》、《皇 矣》傳:「配,媲也。」〇「矢,誓」、「靡,無」,皆《釋言》文。 「之死矢靡它」,此共姜自誓之詞。《傳》乃先釋「矢靡」,後 「婦人在室則天父,出則天夫。」案此天父謂婦人之未 故父者,子之天也。 雅 等,無二天之義也。」杜預桓十五年《左傳注》亦 共姜未嫁天父,既嫁則天夫。 釋詁》文。 云「至己之死」以釋「之死」二字,「信無 《文 王 夫者,妻之天也。 只,與「也」同義。 《傳》云「母也天也,尚不信我」, 有聲》傳: 共伯死,共姜無子. 之、至一聲之轉 婦人不貳斬者 匹 母、天連言,故 配 也。」《皇

0 店影印武林愛日軒刻本、徐子静本改 「烈」,原作「列」,據本書卷三十《烈祖》傳 疏 與中國

[定維

亡亦曰

二時

維。

寔、時皆「是」也。

維,猶爲也。

儀

爲天也。經先母後父者,先親親而後尊尊。父服三年者同。故婦人既嫁而反,從天父之義,乃得評父年。」是女子既適人而出,則爲父服三年,與女子子在室爲義歸宗,故又天父。《喪服》:「子嫁,反在父之室,爲父三

即無邪。上章《傳》所謂「信無它心」也。 即無邪。上章《傳》所謂「信無它心」也。 與此天只,不諒人只!《疏】特爲奇,又爲称也。母也天只,不諒人只!《疏】特爲奇,又爲称。《釋文》引《韓詩》作「實無,匹爲耦,又爲奇,二者義相因。《釋文》引《韓詩》作「實無我直」,云:「相當值也。」毛、韓字異義同。○《民勞》傳書,爲為以稅柏舟,在彼河側。髮彼兩髦,實維

《牆有茨》三章,章六句。

公、文公、宋桓夫人、許穆夫人。」
「初,惠公之即位也少。齊人使昭伯烝於宣姜,生齊子、戴庶長子昭伯也。君母,惠公母宣姜也。閔二年《左傳》云:庶長子昭伯也。君母,惠公母宣姜也。閔二年《左傳》云:君母,國人疾之而不可道也。【疏】公子頑通乎

耳。 非常。 所構成頑與夫人淫昏之語。]鄭以「冓」爲「構成」,恐非此詩 謂之内冓。毛意或當如是。《箋》云:「内冓之言,謂宫中 爲宮牆,則中冓當爲宮中之室。《説文》:「冓,交積材也。」 違禮而害國。」○「中冓,内冓」,義未詳。 非法,今宫中有淫昏之行,不可滅而除之,欲除而滅之,反 之,欲埽去之,反傷牆而毀家,以興國君以禮防制一國之 牆也」者,此合下二章以釋經「不可」之義。《正義》云:「言 字,炭,假借字。蓋「疾黎」合評之曰「薺」也,後人加「艸」 雅·釋草》文。郭注云:「布地蔓生,細葉,子有三角,刺 人。」《説文》:「薺,疾黎也。」引《詩》作「牆有薺」。薺,本 垣也。」云「所以防非常」者,兼明興義也。 言之醜也。【傳】於君醜也。【疏】《將仲子》傳:「牆 言,不可道也。【傳】中毒,内毒也。所可道也, 「構,蓋也。」應劭注《漢書》云:「中冓,材構在堂之中也。」 人以牆防禁一家之非常,今上有蒺藜之草,不可埽而 「構」與「冓」同,「堂」當作「室」。 薺從艸,虞翻注《易》以蒺藜爲木。 云「欲埽去之,反傷 牆有茨,不可埽也。【傳】興也。 茨,蒺藜也。欲埽去之,反傷牆也。 凡室必積材蓋屋,故室内 中冓與牆對稱,牆 「茨,蒺藜」、《爾 牆,所 以 去 防

「惡」,下章《傳》云:「長,惡長也。」「惡」,下章《傳》云:「長,惡長也。」《古之事、傳》文「於君醜者。」引此詩爲證,亦不以「冓」爲「構成」也。《釋文》引《韓者。」引此詩爲證,亦不以「冓」爲「構成」也。《釋文》引《韓也」上奪「醜」字、《十月之交》傳:「醜,惡也。《釋文》引《韓也」上奪「醜」字、《十月之交》傳:「醜,惡也。《釋文》引《韓也」上奪「醜」字、《十月之交》傳:「醜,惡也。」亦爲以言也。《釋文》引《韓也」上奪「醜」字、《十月之交》傳:「醜,惡也。」亦爲之言。《周禮・媒氏》注云:「陰訟,争中冓之事以觸法毛意。《周禮・媒氏》注云:「陰訟,争中冓之事以觸法

牆有茨,不可襄也。【傳】裏,除也。中講之語,作「揚」,與上章「道」同義。云「長,惡長也」者,言君之是也。【傳】長,惡長也。【疏】「襄,除」、《釋言》文,《出車》同。《說文》云:「《漢令》:解衣而耕謂之襄。」文,《出車》同。《說文》云:「《漢令》:解衣而耕謂之襄。」文,《出車》同。《說文》云:「《漢令》:解衣而耕謂之襄。」文,能者,審悉之也。《釋文》引《韓詩》:「揚,猶道也。人意」。「持」訓「審」。「詳」與「讀」義相近。「於」與「與」之。「長,惡長也」者,言君之記。「長,惡長也」者,言君之記。

之言,不可讀也。【傳】讀,抽也。所可讀也,牆有茨,不可束也。【傳】束而去之。中冓

醜言君醜、長言惡長,亦是申明經義也。 去也。《方言》云:「抽,讀也。」讀、抽互訓。辱爲辱君,猶去也。《方言》云:「抽,讀也。」讀、抽互訓。辱爲辱君,猶之」上奪「朿」字。經言「埽」,《傳》云「欲埽去之」,經言言之」唇也。【曉】《傳》文「朿而去言之」唇也。【曉】《傳》文「朿而去言之」唇也。

《君子偕老》三章,一章七句,一章

九句,一章八句。

之母也。人君,小君也。或者「小」字誤作「人」耳。」與君子偕老也。【疏】《箋》云:「夫人,宜公夫人,惠公失事君子之道,故陳人君之德,服飾之盛,宜失者子偕老》,刺衛夫人也。夫人淫亂,

不潤。象服是宜。【傳】象服,尊者所以爲飾。子委曲縱迹也。佗佗者,德平易也。山無不容,河無為髮爲之。笄,衡笄也。珈,笄飾之最盛者,所以別編髮爲之。笄,衡笄也。珈,笄飾之最盛者,所以別編髮爲之。笄,衡笄也。 副者,后夫人之首飾,君子偕老,副笄六珈。【傳】能與君子俱

婦人

俗

衡,

有飾。 副。 實同。 佗佗者,德平易。由德平易,故行可委曲。」是《正義》本無 可委曲。 可委曲」下「蹤迹」二字當衍。《正義》云:「其行委委然,行 折笄,婦人易哿。」王涯以「哿」爲「珈」,音加。 尺,吉笄長尺二寸。折去笄首,當折去二寸。吉笄有首,首 矣。」《檀弓》:「蓋榛以爲笄,長尺,而總八寸。」然則喪笄長 者,折吉笄之首也。」鄭注云:「有首者,若今時 有,未聞。」《儀禮·喪服傳》:「吉笄,尺二寸。」又「折笄首 《傳》訓。 《羔羊》「迹」字與此「平易」字是釋經之「蛇」字、「佗佗」字。 曲謂之委委,德平易謂之佗佗。《傳》與《羔羊》傳文變而意 不爲「蹤迹」音釋,則《釋文》舊本亦無「蹤迹」二字。 后制未聞。《説文》無「珈」字。《大玄・瞢》:「上九,男子 「珈之言加也。 《羔羊》「從」字與此「委曲」字是釋經之「委」字、「委委」字。 ·蹤迹」二字。《釋文》云:「委委,行可委曲蹤迹也。」 然陸 《羔羊》箋:「委蛇,委曲自得之皃。」「委曲」二字即本此 副者,以飾珈而名之,所謂「别尊卑」也。 《羔羊》傳云:「委蛇,行可從迹也。」「蛇」與「佗」通 珈即飾也。 佗佗然,其德平易。」又云:「委委者,行可委曲 今各本此《傳》「委曲」下依《羔羊》傳增人「蹤迹 副既笄而加飾,如今步摇上飾。 「珈」與「副」同義。 衡笄有珈,乃得爲 ○《傳》文「行 夫人六珈,王 刻鏤摘 古之制所 行可委 頭

與

一 三 五

四

二六

據以訂正。

二字

者,釋經「德如山河」之義。○象服,未聞。 佗,德之美兒。」韓渾言之,毛析言之。《傳》言「無不容潤. `則與「平易」義複'爲不可通矣。 《爾雅》:「委委佗佗,美也。」《韓詩》:「委委佗 《説文》: 「襐,飾也。」象服 幸《正義》本 ,猶豫飾 疑此即褘衣也。 未誤,可 服之以 未是。

象,古「襐」字。

畫繪爲飾者。

《周禮•

内司服》王后六服有褘衣。

鄭司農

「《周禮》曰:「王后之服

禕

注:「褘衣,畫衣。」《説文》引:

尊卑之數、未聞也。 者,后夫人之首飾」,則象服亦后夫人之飾,故云:「尊者所 積,夫人副禕。]案此皆夫人有禕衣之證。《葛覃》傳:「婦 位》、《祭統》:「君卷冕,夫人副禕。」又《祭義》:「君皮弁素 狄。」其夫人而服禕衣,猶《雜記》謂之「褒衣」敷? 衣。」謂畫袍。」《禮記・玉藻》篇亦云:「王后禕衣, 不得有禕,故《箋》謂「象服」爲即二章之「翟」、三章之「展」, 注《禮》以褘衣唯王后、魯及二王後有之。 以爲飾。」后夫人有副,必有禕。 人有副禕盛飾。」則毛亦謂盛飾有禕矣。 詩首章言禕,二章言翟,三章言展。 副有珈飾,褘亦有畫飾,其 上文《傳》云「副 衛爲侯國夫人. , 夫人揄 ・《明堂 鄭

> 弔、 莊十一年《左傳》「若之何不弔」,猶云「如之何不淑」也 善」,言其善也」,是也。 也。「不淑,如之何」,如之何不淑也。《正義》云「「可 云「可謂不善乎」,釋經「不淑,如之何」五字。❶ 云:「如何不善?」如何者,若何也, '淑皆善也。「如」與「若」竝與「奈」字同義 〇《傳》云「有子若是」,釋經「子之」二字,之猶是也。 《禮記・雜記》篇「如何不淑」,鄭 如之何者,若之何也 語 謂 注 不

髮也。 之稱。 之瑱也,象之揥也、【傳】填、塞耳也。 【傳】鬒,黑髮也。如雲,言美長也。屑,絜也。 審諦如帝。【疏】《説文》:「玼,玉色鮮也。」因之爲凡色鮮 胡然而天也? 输翟、闕翟,羽飾衣也。 《内司 服 玼兮玼兮,其之翟也。 《追師》疏引《傳》「玼,鮮明貌」,與今本作「鮮盛」異 揚且之皙也。【傳】揚,眉上廣。皙,白皙。 》揄狄、闕狄爲王后六服之二。 胡然 而帝也?【傳】尊之如天 **鬢髮如雲,不屑髢** 【傳】妣,鮮 夫人與王后服同 掃,所以 盛 也 貌 玉 擿

服爲首飾,與上文「副笄六珈」辭義重複。

服

」爲「象笄」。

《正義》云「象骨飾服」,與

之同誤。

則

以象

《箋》、《疏》説恐

又不數在象服内。

僖九年《穀梁》楊士勛《疏》解《詩》「象

⁰ 子静本、《清經解續編》本改。 「五」,原作「六」據中國 書店影 印武林愛日 軒 :刻本、

(追師) 疏引無

,所以擿髮」、《淇奥》傳「會,

摘

他狄反。

本亦作

禮》、《禮記》皆以揄爲摇雉,揄翟刻繒而畫,闕翟刻繒不畫, 皆云:「夫人揄狄。」《詩》釋文:「揄,字又作「褕」。 狄,本亦 顔」,揚且顏也。「之」皆語助,無實義。 也,「其之展」,其展也,「揚且之皙」,揚且皙也,「揚且之 之,則誤解《傳》義矣。「之」爲句中語助,「其之翟」,其翟 以毛《傳》「羽飾衣」謂真以 狄。』《玉藻》「君命屈狄」,注:「君,女君也。 作「翟」。」《説文》作「褕翟」,與今本毛《傳》同。 女,黰黑而甚美,光可以鑑,名曰玄妻。」服、杜注皆云:「美緊 云:「揄狄、闕狄,畫羽飾。」司農治《毛詩》,言畫翟羽以 「闕」。」毛《傳》亦作「闕」。 **褕翟、闕翟** 或闕翟畫短羽,而褕翟則畫長羽歟? 而其以畫羽爲飾 「羽」即「翟」也。 翟,正字,狄,假借字。《喪大記》:「夫人以屈 「也」字。 输之爲言揄也,揄猶揚也。 翟,雉名。 「羽飾衣。」正本《毛詩》説。 |者釋經之「翟」也。 昭二十八年《左傳》:「昔有仍氏生 云「羽飾衣」者,「羽」字即承上兩 2 翟羽 ,則與毛、許、 飾,猶畫也, 褕、闕皆衣名。 、飾衣、剥毛申鄭、《正義》本 ○《傳》「鬢,黑髮」下: 、先鄭皆同。 《玉藻》、《襍記》 「闕」與 飾衣,畫衣也。 屈,《周禮》作 其畫飾尊卑 褕,正字; 鄭司農注 鄭注《周 屈 孫毓 並 爲 耳也。 《禮緯·含文嘉》,以縣絖垂旒爲閉姦聲、弇亂色。 形必圓而長。」《釋文》:「揥,勑帝反。 故亦有瑱。笄爲玉笄,故瑱亦玉瑱。 玉瑱、玉笄」,鄭注:「玉瑱,塞耳者。」《説文》:「瑱,以玉充 瑱爲塞耳者,義取諸此也。 戴禮 • 子張問人官》篇:「黈絖塞耳,所以弇聰也。」盧注 傳:「充耳謂之瑱。」充者,塞也,故瑱又謂之塞耳 實首飾謂之副,又謂之被,不得謂之髲髢也。 他人髮爲之。副,亦假他人髮,故鄭以「髮髢」爲首飾。 髢。」《左傳》:「以爲吕姜髢。」《莊子》:「禿而施髢。」髢,假 《箋》:「髢,髲也。」不絜者,不用髮爲善。 髢、《追師》注引《詩》作「鬄」。 「瑱制無文。 「擠」,又作「擿」。」疑「揥」即「擠」之省。《傳》作「擿」, 「髢」。」「髲,鬄也。」《正義》引《説文》作「髪,益髮也」。 揥]即「擿」之假借。 《詩》曰:「玉之瑱兮。」或作「駬」。」案婦人亦有笄 《春秋傳》曰:「幣,錦二兩,縳 揥

之次,未聞也。

有「短」義。

飾,亦與毛不異也。

《説文》「褕」字下云:

翟」字,則

,假借字。

议

髮也。」引《詩》作「彡」,或作「鬒」。 髪必美長,故云:「如雲,言美長也。」《説文・彡部》:「彡,稠 爲黰。」《詩》作「鬢」、《傳》以「黑髮」釋「鬢」,正本《左傳》。 「屑,絜」,《邶・谷風》同 黑

《説文》:「鬄,髲也。

或作

《禮記》:

「斂髮毋

○《淇

其

也。

令大

《周禮•弁師》「諸侯繅斿,皆就

《傳》謂

張惠言《儀禮圖》云:

如

類。」則

即本此篇《傳》。許説正可申明毛訓也。擿髮,以象骨爲可會髮者。」又云:「擿,搔也。」會髮,本《淇奥》傳,而「擿」會髮」,二者同事。會,亦作「愴」。《説文》云:「愴,骨擿之

又佩之以爲飾。《葛屨》傳云:「象揥,所以爲飾。」○《傳》謂之揥。男子象揥爲會髮之用,女子象揥爲擿髮之用,而之。男女將冠笄者,先擽鬢,而後以組束髮,是謂之骱,亦

而類角豐滿」同義。《猗嗟》「抑若揚兮」,《傳》:「揚,廣云「揚,眉上廣」,揚、廣疊韻,眉上近顙,與下章《傳》「廣揚

中之黔。」黔爲黑,則晳爲白。又昭二十六年《左傳》:「白揚。」兩詩「揚」字同也。襄十七年《左傳》:「澤門之晳,邑而顏角豐滿」同義。《猗嗟》「抑若揚兮」,《傳》:「揚,廣

從日者别。「胡然」皆問詞也。古而、如通用。《常武》「而皙鬢須眉。」《傳》云「皙,白皙」,義本《左傳》。皙從白,與皙

「如」。《傳》釋「而天」,尊之如天,「而帝」,審諦如帝,正爲震而怒」,今本作「如」。《都人士》「垂帶而厲」,《内則》注作

全《詩》「而」、「如」通訓。鄭注《内司服》引《詩》云:「言其「如」。《傳》釋「而天」,尊之如天,「而帝」,審諦如帝,正爲

德當神明。」

祥也。【傳】禮有展衣者,以丹穀爲衣。蒙,覆也。瑳兮瑳兮,其之展也。蒙彼縐絺,是紲

絺

之靡者爲編,是當暑祥延之服也。

子之清揚,

廣揚 【傳】展,誠也。美女爲媛。【疏】《詩小學》云:「按弟二 揚且之顔 而 顏 角豐 也。 一满。 【傳】清 展 如之人兮,邦之媛 揚 視 清 明 也。 揚 且之 也。 顏,

篇二、三章「玼」字皆一本作「瑳」。《釋文》二章「玼兮」引沈玼、瑳異部而音近,如《賓之初筵》「傞傞」或爲「姕姕」。此字。又《周禮注》引《詩》「玼兮玼兮,其之展也」可證也。章、弟三章古本皆作「玼兮」。三章《傳》、《箋》皆不釋「瑳」

《玉篇》同。今字通俗作「展」。《釋文》引馬融《毛詩注》亦三章,而德明據之。」〇《説文》:「衰,丹縠衣。 从衣,註聲。」氏云:「本或作「瑳」。」 冣後乃分别以「玼」屬二章,「瑳」屬

云「展,色赤」,並與毛同。唯鄭司農注《周禮》「展衣」爲「白《玉篇》同。今字通俗作「展」。《釋文》引馬融《毛詩注》亦

「展衣宜白。展衣,字誤。《禮記》作「檀衣」。」鄭依《玉藻》、衣」,仲師治毛,義多同毛。此「白衣」疑有誤。《箋》云:

坦然正白,無文采也。」與鄭同。案《内司服》:「王后六《襍記》、《喪大記》作「檀」。《釋名》云:「檀衣,檀,坦也。

服:鞠衣、展衣、緣衣。」《禮記・明堂位》、《祭義》、《祭統》服:禕衣、揄狄、闕狄、鞠衣、展衣、緣衣。辨外内命婦之

狄。是外命婦亦有此三服。《内司服》於辨外内命婦服不言夫人褘、《玉藻》、《襍記》言夫人揄狄、《喪大記》言夫人屈

字、依《後箋》補。

《後箋》云:

衣亦婦人之上衣,對縐絲裹衣言也。

不可單,則必加上衣也。

加 而

衣。

若出行、接賓客、皆加上衣。

之「縐絲」是當暑之裏衣,其上覆以展衣。 揚」之「揚」必非亦謂眉上、《傳》文當作「清揚、視清明也」。 則裹衣縐絺。」《正義》謂「覆彼縐絺之上」是也。《説文》: 精曰絲,麤曰給。」此《傳》云「絲之靡者爲縐」,靡,古「癰 展衣即覆於縐絺之上,不更復有中衣矣。《箋》: 夫人日視内朝,纚笄而不加副,展衣而不加上服。 出,加上衣也。」皇《疏》云:「若在家,則裘葛之上亦無别 鄉黨》篇"「當暑袗絺綌,必表而出之。」孔注云"「必 締於綌較細,而緣尤絲之極細者也。 故鄭注《書大傳》云:「展衣,朝服 「袢,衣無色」,引《毛詩》作 袢延,當時語。延,古「涎」字。 揄狄、屈狄三者有畫文,爲婦 嫌暑熱不加,故特明之。」案《詩 鞠衣、展衣、緣衣三者無畫文: 《葛覃》傳: 「兩「揚」字當有二義。 當暑絺綌可單。 ○《傳》「清」下奪 《説文》:「褻,私服。」 「葛,所以爲絺綌。 云「是當暑袢延 覆,猶表也。 「展衣,夏 故夏時 若出 紲 也。」 入加 「清 揚 《論 展 表 文。 推。 學》云:「按此篇「也」字,疑古皆作「兮」。《説文》引「玉之 邦人所依倚以爲援助也。」許、 兮」。《釋文》引《韓詩》作「援」,云: 熾、昌且大也。 猶言美而仁、美而好也,「昌而熾」、「昌而大」,猶言昌 《崎 且之皙」,言揚而皙也,「之」爲語助。「美且仁」、「美且好」, 「顔」,以「而」字代「且」字。 旁,犀謂中。」案《傳》蓋以「廣揚」釋「揚」,以 《醫經》「領曰顏曰庭」是也。 育。 傳所謂「顙廣而方」也。 《傳》文「揚」下,各本奪「且之顔」三字,依《小箋》本補正。 牲》云:「目者,氣之清明者也。」即此《傳》「視清明」之義 爲清。」即此詩 云「廣揚而顔角豐滿」,七字作一句讀。 「揚」字不同。 『明』通,亦謂目也。」説詳《猗嗟》篇。 《猗嗟》傳云: '嗟》「美目揚兮」,揚即 《説文》:「媛,美女也。 中謂之顏,旁謂之角。 ○「展,誠」、《雄雉》同。 上「揚」字指目,此「揚」指顙廣。 凡全《詩》中且、 「清」之義。 《説文注》云: 明也。 《玉藻》云: 「揚且之顔」,言揚而顔也, 由兩眉閒以直上,皆得謂之顏 《國語》: 「美女爲媛」、《爾雅・釋訓 、鄭竝兼用《韓詩》義。 人所援也。」引《詩》「邦之媛 而同義者,可依此《傳》類 又「猗嗟名兮」、「名」與 「助也。」《箋》: 「角犀豐盈。」亦角謂 「顏角,蓋指全額而 「視容清明。」《郊 揚,謂廣揚,與上 「顔角豐滿」釋

語・

引三家《詩》作

「褻」。

」即「褻」之假借字。

之服也」者,以釋經「是繼袢也」句。

字。

「冢,覆也。」「蒙」與「冢」通。

猶男子之朝服

心也。

上之服,猶男子之冕服也。

一目下

特

數之者,略也。

蓋

益韓衣、

「媛者 《詩小

揚

Ħ.

揚即《碩

人》

《桑中》三章,章七句。

中、上宫,所期之地。淇,水名也。【疏】「爰,於」,《爾桑中,要我乎上宫,送我乎淇之上矣。【傳】桑、葉、菜名。沫、衛邑。云誰之思? 美孟姜矣。 爰采唐矣,沬之鄉矣。【傳】爰,於也。唐,

○桑中地,即衛之桑閒。《禮記注》云:「桑閒在濮陽南。」 即牧野。《説文》云:「坶,朝歌南七十里地。」衛都朝歌,沫 《傳》云「言世族在位,有是惡行」者,此總釋全章之義。 孟姜、孟弋、孟庸、皆世族之妻。期、要、送、是惡行也。 字並通用。《正義》謂沫即朝歌,失之。姜姓,大嶽之苗裔。 爲衛南郊邑名,去朝歌七十里,在遠郊外矣。沬、妹、牧、坶 北與東也。《書·酒誥》:「明大命于妹邦。」馬融説謂妹邦 采於沫者、《周禮》所謂「都家鄉邑」也。 沬北、沬東,沬鄉之 [玉」,誤。」○「沫,衛邑」,沫者,衛之下邑。衛之世族有食 下衍「女蘿」字。《説文》:「蒙,王女也。」段注云:「王,或作 不言唐蒙爲女蘿,則與女蘿爲別物。疑今本《爾雅》「唐蒙 釋「蒙」爲「菜也」,「名」字疑「也」字之誤。《爾雅》:「蒙,王 女。」郭注云:「蒙,即唐也。」是蒙又一名王女矣。 「蒙」一句、《傳》釋「唐」爲「蒙」,説本《爾雅・釋草》,而又申 於是也。二《傳》訓同意别。「唐,蒙,菜名」,「唐」一句, 此《傳》爲全《詩》「爰」字發凡也。《縣》傳:「爰,於也。」於: 雅 起下之詞。「爰」與下文「云誰之思」之「云」並爲發語之詞。 鼓》、《烝民》詩或言「爰」,或言「于」。《縣》詩或言「爰」,或 言「曰」。爰、于、曰、於四字皆語詞。「爰釆唐矣」,「矣」爲 釋詁》 》文。《釋詁》又云:「爰,于也。 爰,日也。」《擊 毛《傳

卷

四

陽地,遮害亭在縣西十里。淇之上,即淇水口也。 口 族居於沫,在淇口之西。 高四五丈。」又有宿胥口,舊河水北入處也。」案今濬縣即黎 有金隄, 隄高一丈。 東逕遮害亭南、《漢書・溝洫志》曰:「在淇水口東十八里 淇水口」是也。」又《河水》注云:「河水又東,淇水入焉。又 共,東至黎陽人河。」《溝洫志》曰「在遮害亭西,一十八里至 淇水口,東流逕黎陽縣界,南入河。《地理志》曰:「淇水出 名」、《泉水》同。《水經·淇水》注云:「淇水南歷枋堰,舊 案濮陽在今開州南。又《穆天子傳》:「天子飲于桑中。」郭 《郡國志》「濮陽縣」下劉昭注引《博物記》:「桑中在其中。」 注:「桑林之中。」此非地名也。 1之東。 《氓》:「送子涉淇,至于頓丘。」亦女送男之詞 此思女之愛厚於我,從濮陽之南送至黎陽淇口 自淇口東,地稍下,隄稍高,至遮害亭, 取姜氏、弋氏、庸氏之女、皆在淇 上宫地,未聞。「淇,水 衛之世

孟弋矣。【傳】弋,姓也。期我乎桑中,要我乎 上宫,送我乎淇之上矣。【疏】弋,讀爲姒。《春秋 「定姒」,《穀梁傳》作「定弋」。 「姒,姓」,夏之後 爱采麥矣,沫之北矣。云誰之思? 美

爱采葑矣,沫之東矣。云誰之思? 美

> 孟庸矣。【傳】庸,姓也。 上宫,送我乎淇之上矣。【疏】「庸,姓」,未聞 期我乎桑中,要我乎

《鶉之奔奔》二章,章四句。

詩明矣。 賦《鶉之賁賁》。趙孟曰:「牀第之言不踰閾。」」則此爲刺 姜鶉鵲之不若也。【疏】襄二十七年《左傳》:「伯有 (鶉之奔奔》),刺衛宣姜也。 衛人以 爲宣

也。 匹,飛則相隨之皃。」《韓詩》:「奔奔、彊彊,乘匹之皃。」 鷙鳥,鷙鳥不雙,則此「鶉」之非「鷻」明矣。 《釋鳥》:「鷯,鶉。其雄鵲,牝痺。」亦以雌雄乘匹言之。 則彊彊然。 言「奔奔」、「**彊**彊」之義。《箋》:「奔奔、彊彊,言其居有常 鵲,即季冬架巢之鳥。《傳》云「鶉則奔奔,鵲則彊彊然」,不 鳥有班文,其色不純。若《四月》之「鶉」乃「鷻」之省。 也。」此詩之「鶉」與《伐檀》之「鶉」宜爲一物,匹鳥也。 兄,謂君之兄。【疏】鶉、《説文》作「難」,云:「誰 人之無良,我以爲兄。【傳】良,善 鵲,今謂之乾 鷻爲 故 鶉 鄭 屬

則奔奔,

鵲

鶉之奔奔,鵲之彊彊。【傳】鶉

韓同。 曰:「人之無良,我以爲兄。」」」此最得詩人忠厚之恉。毛 善我,我亦善之。」夫子曰:「回之所言,親屬之言也。《詩》 兄也。《韓詩外傳》:「顏回曰:「人善我,我亦善之。人不 之兄」,公子頑,惠公庶兄也。言人不善我國人,猶謂君之 文兩「之」字《傳》以「則」字代之,此「之」字當亦訓爲「則」。 《日月》、《秦・黄鳥》同。「人之無良」,言人則無善耳。上 篇》:「翸、飛皃。」此或兼取齊、魯家《詩》説。○「良,善」, 全《詩》之、則同義者,放此。「之」與「則」同義,「之」又與 姜、黄賁、争鬬惡兒。」高誘注以「賁賁」爲「其色不純」。《玉 行》注俱作「賁賁」。彊彊、禮記》作「姜姜」。鄭注:「姜 本韓以申毛也。 「是」同義,見《蝃蝀》篇。 奔奔、《左傳》及《禮記・表記》、《吕覽・ 我,我國人也。《傳》云「兄,謂君 膏

傳》云:「小君,非君也。其曰君,何也? 以其爲公配,可爲國人衆口之詞。小君,謂宣姜也。莊二十二年《穀梁君之德。」《箋》以爲小君。又《碩人》「無使君勞」,《列女君之德。」《箋》以爲小君。又《碩人》「無使君勞」,《列女語、《後》以爲小君。又《碩人》「無使君勞」,《列女語、《後》以爲小君。又《碩人》「無使君勞」,《列女語》之齊齊。 人之無良,我以

以言小君也。」

《定之方中》三章,章七句。

美文公中興、《序》乃據實事而言之。 《定之方中》,美衛文公也。衛爲狄所、東徙渡河、野處漕邑。齊桓公攘戎狄而对之、文公徙居楚丘、始建城市而營宫室、得封之、文公徙居楚丘、始建城市而營宫室、得封之、文公徙居楚丘、始建城市而營宫室、得封之、文公徙居楚丘、始建城市而營宫室、得以、東徙渡河、野處漕邑。齊桓公攘戎狄而

謂之水,莊二十九年《左傳》:「水昏正而栽。」昭十七年謂之定。《傳》所本也。孫、郭注並云:「定,正也。」營室又度也。度日出日入,以知東西。南視定,北準極,以度也。度日出日入,以知東西。南視定,北準極,以度也。度日出日入,以知東西。南視定,北準極,以度也。後傳】椅,梓屬。《疏》《爾雅·釋天》:「營室正南北。室、猶宮也。樹之榛栗,倚桐梓漆,爰正南北。室、猶宮也。樹之榛栗,倚桐梓漆,爰正南北。室、猶宮也。樹之榛栗,倚桐梓漆,爰京之。《傳》所本也。孫、郭注並云:「定,正也。」營室又謂之水,莊二十九年《左傳》:「水昏正而栽。」昭十七年謂之水,莊二十九年《左傳》:「水昏正而栽。」昭十七年謂之水,莊二十九年《左傳》:「水昏正而栽。」昭十七年謂之水,莊二十九年《左傳》:「水昏正而栽。」昭十七年謂之水,莊二十九年《左傳》:「水昏正而栽。」昭十七年謂之水,莊二十九年《左傳》:「水昏正而栽。」昭十七年謂之水,莊二十九年《左傳》:「水昏正而栽。」昭十七年謂之水,莊二十九年《左傳》:「水昏正而栽。」昭十七年謂之水,莊二十九年《左傳》:「水昏正而栽。」昭十七年謂之水,莊二十九年《左傳》:「水昏正而栽。」昭十七年

日人。 交之閒,中屈之以指臬,則南北正。 又爲規以識之者,爲其難審也。 景,❷將以正四方也。 借字。於所平之地中央,樹八尺之臬,以縣正之,眡之以其 水,望其高下。高下既定,乃爲位而平地。槷,古文[臬]假 正朝夕。」鄭注云:「立王國若邦國者,於四角立植而縣以 日出之景,與日入之景。 工記》:「匠人建國,水地以縣,置樂以縣,眡以景。 景」,測日之東西,亦兼測日之南北,俱可互文見義也。《考 定不獨正南 北戴樞星。」極星即樞星也。 以極星爲準。《晏子・襍下》篇: 「古之立國者,南望南斗, 極」對「南視定」,而推言之,極即極星。 「南視定,北準極,以正南北」,補釋「定之方中」句。 既則爲規測景兩端之内規之規之交,乃審也。 北, 且可以知東西。 日出日人之景,其端則東西正 畫參諸日中之景,夜考之極星,以 又上《傳》云「昏正四方」,則視 自日 《周禮・大司徒》「正 日中之景,最短者也。 出 極星不移,建國必 而畫其景端,以 爲規識 北 度兩 也 至 日 進

161

《傳》:

「衛顓頊之虚也,故爲帝丘,其星爲大水。」杜注云:

0

子静本、

0

卷

四

子静本、胡克家刻《文選》後附《文選考異》卷十改 「眡」,原作「眠」,據中國書店影印武林愛日軒刻本、 「屮」,原作「巾」,據中國書店影印武林愛日軒刻本、 · 阮刻《周禮注疏》改。 徐

漆也。」 椅、梓爲一者,陸機云:「梓者,楸之疏理白色而生子者爲 名椅,故以椅、桐爲梓屬。 屬」,依《正義》本當作「倚、桐,梓屬。」《正義》云:「《釋 後。』《箋》雖分解,亦《傳》義之所得該。 《巧言》篇「荏染柔木,君子樹之」、《傳》: 木》:「椅,梓。」《湛露》: 上栗。」亲、栗不中琴瑟,乃連而及之耳。 樹之林,以爲阻固」, 室,居室也。 極星,謂 「城守之木,於是乎用之。」」《司險》「設國之五溝、五涂,而 「掌脩城郭、溝池、樹渠之固」,「鄭司農説樹,以《國語》曰: (詩》「樹」字義合。 、梓三木爲 》義矣。 梓實桐皮曰椅。」則大類同而小别也。」案《傳》以椅 《傳》楚宫、楚室無二義。《箋》:「楚宫,謂宗廟也。 謂 北辰。」案毛《傳》本《匠 此 《爾雅》: 四 君子將營宫室,宗廟爲先,廐庫爲次,居室爲 一類。 木 上言「營宮室」,下言「建城市」也。 中琴瑟之材 榛,當作「亲」。《東門之壇》傳: 漆,古字作「桼」。 鄭注云: 「宫謂之室,室謂之宫。」是宫、 「其桐其椅。」桐、椅既爲類,而梓 言梓屬,則椅、梓别,而 「樹之林,作 也。 一人》,而鄭 《桑中》傅云: **麥木亦中琴瑟材,故** ○樹,當讀如「列樹 「柔木、椅、桐、梓、 《傳》文「椅,梓 藩落也。」竝與 注 亦 足 《掌固 《釋木》 「栗,行 以 爱 室同 申 楚 明

也。 在宋、魯閒者也。 己氏縣,屬梁國,今山東兖州府成武縣即其地。」此楚丘之 祖禹《方輿紀要》云:「曹州曹縣東南四十里有楚丘城,春 卒,立文公。詩言文公自曹虚而 衛邑名,字當作「曹」,詳《擊鼓》篇。 篇: 丘。」又「襄公十年,宋享晉侯于楚丘。」蓋在曹、 秋時戎州己氏之邑。 者,故《管子》與《詩》皆曰「虚」。《傳》云「虚,漕虚也」, 伐衛,衛君出,致于虚。」尹知章注云: 謂有德音,可以爲大夫。【疏】《管子·大匡》篇: 山 能施命,作器能銘,使能造命,升高能 允,信,臧,善也。 山。 以居民。 與京、【傳】虚、漕虚 川能說,喪紀能誄,祭祀能 《春秋》有兩楚丘,一爲曹國邑,一爲衛國邑。 「衛人出,旅于曹。」虚與曹同地,當時或有評曹爲虑 京,高丘也。 升彼虚矣, 卜云其吉,終然允臧。【傳】龜日 樂史《太平寰宇記》「澶州衛南縣」下云: 建國必卜之,故建邦能命龜, 以 降觀于桑。【傳】地勢宜蠶, 《左傳》: 也。 望 一楚矣。 楚丘有堂邑者。 「隱公七年, 語。 徙居楚丘也。 戴公初廬於曹,戴公 望 君子能此九者, 「虚,地名。」《小 楚 賦,師旅 戏伐凡伯 與 、宋閒。 堂, ○楚, 景 常 能誓, 山, 景 熟顧 漢置 楚丘 于 た。 匡 漕 山 楚 田

「衛文公自曹邑遷楚丘,即此城也。

漢爲濮陽縣地,隋開

皇

注: 矣。 之信、 善」,皆《釋詁》文。 《書》義作《詩》訓 丘陵也。 也。」京爲丘之高,故毛《傳》以京爲高丘。 非人力作,有人力作者,故《説文》云:「京,人所爲絶高 成,乃天地性自然也。」應讀與郭異。 澤》篇云:「《爾雅》: 雅》:「絶高爲之京。 證,其說恐不得實。 故《傳》云「大山」,則不以「景」爲山名矣。《水經 邑名也,其地未聞。景山,楚丘旁邑之山也。 在今東郡界中。」然則鄭意近在濮陽,不從《漢志》成武之説 以東夾於濟水。」又《鄭志》荅張逸問: 信,當讀如《論語》「信乎夫子」之「信」。 終然允臧」,言龜卜其吉矣,於是徙居楚丘,則信乎善 蠶,是降丘宅土。」《傳》云「地勢宜蠶,可以居民」者,即本 云:「京,人力所作。 「黄溝枝流北逕景山東。」即引《衛詩》「景山 仁和趙一 · 亶謂之信,「信」皆作虚字解,不作實義解。 ○《草蟲》傳:「降,下也。」《書·禹貢》:「桑土既 清辨甚明晰。 也。 終,猶既也。 「丘之絶高大者爲京。」謂非人力所 「京,高丘」,《小雅・ 丘,地自然生。」應劭《風 非人爲之丘。」其 龜 曰卜」、《氓》同。「允,信」、「臧, 《傳》云「楚丘有堂邑者」,堂 然,猶是也。 案丘非人力所作。 「楚丘在河、濟 允謂之信, 訓 所謂爲高,必因 有二 甫田》同。 「景」訓「大」, 「卜云其吉 俗通 解。 故全《詩 ** 與京」作 **,猶洵謂** 義 閒,疑 郭注 爾爾 水 也 京 能 山 丘

163

夫。」或班引出《魯詩傳》,餘義未聞 志》:「《傳》曰: 於景山之上。 《傳》蓋因徙都命卜,連而及之耳。《韓詩外傳》:「孔子游 兹。」皆其事也。「建邦能命龜」以下,皆用成文,未知所出。 徙岐,亦曰:「爰始爰謀,爰契我龜。 公卜遷于繹,衛成公遷帝丘,卜曰:「三百年。」《縣》稱大王 「國大遷,貞龜。」鄭注云:「正龜於卜位也。」《左傳》稱邾文 允」字多爲語詞。 孔子曰: 「君子登高必賦。」」《漢書·藝文 「不歌而誦謂之賦。」登高能賦,可以爲大 云「建 (國必ト之」者、《周 曰 止日 禮 時,築室干 大 ۲

曀」之比。靈雨、《石鼓文》作「霝雨」。《東山》「零雨其濛」, 桑田。 《説文》作「霝雨」,皆謂客雨也。 「畧」,言畧雨,又言既畧,如 「霝,雨 三干。【傳】馬七尺以上 【疏】零,古字作「霝」。《爾雅》:「霝,落也。」郭注云:「見 人,秉心塞淵、【傳】非徒庸君。 〈詩》。」今《爾雅》又俗 客也。」「客」與「落」同。 【傳】零,落也。 雨既零,命彼倌人。星言夙駕, 加艸頭耳。《廣韻》引《説文》云: 倌人,主駕者。 「汎彼」、「亦汎」、「且曀」、「有 日 靈者,假借字。《箋》於《鄭 「靈雨」之「靈」當亦訓爲 騋。 騋馬 秉,操也。 與牝馬 匪 騋牝 直 説 也。 也 于

當然。 亦兼説大夫命龜者,意可見矣。 下而言。 君」。 也。 也。 公臣子多好善。」即其義也。上章言文公徙卜之事,而《傳》 心,操心也。《燕燕》傳云:「塞,實也,淵,深也。」案此兼 作對文,故以「庸君」解釋「人」字。 猶特也。 農急也。」鄭讀「説」如字,或本三家義。 「舍」,見《甘棠》傳。《箋》:「爲辭説於桑田,教民稼穡,務 明,今俗作「晴」。《釋文》:「説,毛始鋭反,舍也。」「説」訓 《釋文》引《韩詩》:「星,精也。」精,猶清也,故清明亦曰 「小臣」即《周禮》之「小臣」,爲大僕之佐。《箋》云:「星,雨 也。 \vec{z} 止星見。」《説文》:「姓,雨而夜除星見也。」「姓」與「星」同。 風》「靈露」訓「 文公爲庸君,猶趙岐注《孟子》「《鴟鴞》詩以成王爲豳 文公雖東徙渡河,而繫諸以故國,蓋作詩者,河西舊臣 《詩》曰:「命彼倌人。」」小臣,其義亦未聞。《後箋》以 「諸侯之禮亡,未聞倌人爲何官也。」《説文》:「倌,小臣 ○《傳》探下「夙駕」句,故云:「倌人,主駕者。」《正義 《正義》以爲庸庸之人,恐失之矣。 《相鼠》序: 「匪直也人,秉心塞淵」,言非徒爲君如此,爲臣 「特」與「徒」同義。《傳》嫌經文「人」字與「騋牝 靈 「衛文公能正其群臣。」《干旄》序:「衛文 爲 落, 而 此 篇訓 〇「馬七尺以上曰騋」, 庸君,庸國之君,謂文公 「靈」爲 ○匪,讀爲非。 「乗」訓 「善」,非 操」, 《傳 直 精 秉

誤。 革車三十乘。」季年乃三百乘,此十倍也。 《序》云「國家殷富」之意。 騋之牝,三千亦非騋與牝合三千。馬有三千者,統通國言。 諸侯乘騋,騋爲文公所自乘之馬。 牝」,驪與騋以雙聲爲訓,謂騋馬驪色,亦兼牝馬也。」 奂案 下同。」下同者,即謂「驪牝」也。 牡」,●而《音義》不誤,可攷。《音義》曰:「騋牝,頻忍反。 段注云:「《釋斟》曰:「騋牝,驪牝。」今《爾雅》譌作「驪 《傳》本《周禮・廋人》文爲説。《釋文》本及定本作「六尺」・ 公城楚丘以封之。其畜散而無育,與之繫馬三百。」《詩》言 若「邦國六閑,馬四種,家四閑,馬二種」,皆是也。 《傳》云「騋馬與牝馬」,釋「騋牝」爲二馬,不用《爾雅》義也。 《爾雅》以「騋」爲「驪」,不解「牝」字,非謂騋牝爲驪色之牝。 、騋牝三千」,此亦十倍也。 《説文》亦云:「馬七尺爲騋。」引《詩》曰:「騋牝驪牝。」 閔二年《左傳》:「衛文公元年, 此以「驪牝」釋《詩》之「騋 牝馬,母馬也。 《齊語》: 騋牝非 「齊桓 此即

蝃蝀》三章,章四句。

民,淫奔之恥,國人不齒也 蝃蝀》,止奔也。衛文公能以道化其

> 指。 李賢注引《韓詩序》云:「《蝃蝀》,刺奔女也。 親。」昔虹貫牛山,管仲諫桓公無近妃宫。」案此與毛義合。 所謂「蝃蝀」者也。 曰:「今殿前之氣,應爲虹蜺,皆妖邪所生,不正之象,詩人 所以釋經「莫之敢指」之義也。《後漢書・楊賜傳》:「賜 經「蝃蝀在東」句。 書》注引郭注如是。《傳》云「夫婦過禮,則虹氣盛」者,以釋 呼雩,雙出,色鮮盛者爲雄,曰虹。 挈貳。」霓,本或作「蜺」。 蝀」。《爾雅·釋天》云:「螮蝀謂之雩。 螮蝀,虹也。 詢《藝文類聚・天部下》、蔡邕《月令章句》引《詩》皆作「螮 作「螮蝀」、《説文》「摕」字下、高誘注《淮南》、《呂覽》、歐陽 夫婦過禮,則虹氣盛。君子見戒而懼,諱之莫之敢 女子有行,遠父母兄弟。【疏】蝃蝀、《爾雅 蝃蝀在東,莫之敢指。【傳】蝃蝀, 云「君子見戒而懼,諱之莫之敢指」者 於《中孚經》曰:「蜺之比,無德以色 郭注云:「俗名爲美人虹。 闍者爲雌,曰蜺。」《後漢 「蝃蝀在東 霓爲 江 東

虹

也。

0 本改 「牡」,原作「牝」、《清經解續編》本同,據經韻樓本《說 文解字注》與中國書店影印武林愛日軒刻本、徐子静

三八

義異。○行,謂嫁也。女子必待命而行,以爲禮也。徵,臣子爲君父隱藏,故言「莫之敢指」。」韓《序》、《傳》與毛莫之敢指」,詩人言「蝃蝀在東」者,邪色乘陽,人君淫泆之

則虹生也。」蓋本是因雨而虹、《詩》則言見虹而雨,二者實 雅音義》云:「虹者,陰陽交會之氣。 與此「崇朝」同。 借字。《采録》「終朝采録」、《傳》:「自旦及食時爲終朝。」 是虹。 躋」、《傳》:「躋、升雲也。」兩「朝躋」不同。 引《詩》解作「升雲」,與《詩》義不合。 朝日始升而出見也。」劉亦謂升爲虹。 每於日在西而見於東,啜飲東方之水氣也。見於西方曰升, 干》、《長發》傳並云:「躋,升也。」《周禮》「眡祲掌十煇之 母。 也。」玄謂:隮, 法,九曰隋」,「鄭司農云"「煇爲日光氣也。隮者,升氣 也。 從旦至食時爲終朝。 【疏】隮,當作「躋」、《爾雅》:「躋,升也。」《蒹葭》、《斯 先、後鄭説不同,而意無異也。《釋名》:「蝃蝀,其見 案上章《傳》言虹氣盛,則此言升即是升氣,升氣即 朝隮于西,崇朝其雨。【傳】齊,升,崇,終 虹也。 趙岐注《孟子》云:「雨則虹見。」郭璞《爾 《詩》云:「朝隮于西。」」字亦當作 女子有行,遠兄弟父 雲薄漏日,日照雨滴 唯荀爽注《易・需卦》 《候人》、《南山》「朝 崇者**,**「終」之假

《傳》意當如是也。相因。夕見在東、朝見於西則雨,君子尤當見之而思戒焉。

也。 之云"「言嬖色殞命也。」三家解「命」竝與毛異 也。」、《説苑・辯物》同。 生氣感動,觸情縱欲,反施亂化,是以年壽亟大,而性不長 傳》:「是故陽以陰變,陰以陽變。 婚姻當待父母之命。」此申《傳》「不待命」之説也。《韓詩外 雅》:「之子,是子。」《日月》箋:「之人,是人。」《蓼莪》箋: 【疏】《傳》云「如是淫奔之人」,釋經「如之人」三字。《爾 云:「懷,思也。」又云:「淫奔之女,大無貞絜之信,又不知 也」,也,《日月》篇作「兮」,《韓詩外傳》、《列女傳》皆作 「之,猶是也。」凡「之」與「是」同義者,放此。「乃如之人 昏姻也,大無信也,不知命也。【傳】不待命也。 「兮」,古也、兮通用。懷,讀如「有女懷春」之「懷」,《箋 《詩》曰:「乃如之人兮,懷婚姻也,大無信也,不知命 乃如之人也、【傳】乃如是淫奔之人也。 《列女傳·孽嬖》篇引此詩, 故不肖者精化始具,而 而 懷

(相鼠》三章,章四句。

《相鼠》,刺無禮也。衛文公能正其群

本言之耳。《白虎通義・諫静》篇云:「妻諫夫之詩。」當本被文王化,知惡無禮。衛文公正群臣,能刺無禮,皆《序》推十七年《左傳》:「齊慶封來聘,叔孫與慶封食不敬。爲賦臣,而刺在位承先君之化無禮儀也。【疏】襄二

《魯詩》,與《左氏傳》不合。

葉》、《氓》、《悉蟀》、《破斧》、《伐柯》、《皇皇者華》傳,皆作 例,「威儀」作「儀」,「仁義」、「禮義」皆作「義」,爲通用假借 者書「儀」但爲「義」、今時所謂「義」爲「誼」。」《説文》:「義・ 死何爲! 己之威義也。」「儀,度也。」「誼,人所宜也。」古「仁義」字、 其禮儀」、「故書「儀」爲「義」。 禮儀者,雖居尊位,猶爲闇昧之行。 「相,省視也。」即引此詩。 禮義」,不作「禮儀」,則此篇經、《序》與《傳》亦皆作「義」可 「禮義」字,皆作「誼」。 「威儀」字作「義」。 今《毛詩》用字之 《關雎》、《大車》、《氓》、《甫田》、《載驅》序、《匏有苦 相鼠有皮,人而無儀。【傳】相,視也。 「儀」者,疑因《箋》而誤。《傳》云「雖居尊位」,以 【疏】「相,視」、《爾雅·釋詁》文。《説文》 儀,當作「義」、《周禮·肆師》「治 鄭司農云:「義,讀爲儀。」古 人而無儀,不 血

節也。」鄭用《韓詩》。「俟,待」、《静女》、《箸》同。 《孝經》曰:「容止可觀。」」《釋文》引《韓詩》云:「止節,無禮進退揖讓無所制,所謂無所止息也。」」《箋》云:「止,容止。」。」,所止息」,則「無止」爲「無所止息」矣。《禮記・仲尼云「止,所止息」,則「無止」爲「無所止息」矣。《禮記・仲尼云「止,所止息」,則「無止」爲「無所止息」矣。《禮記・仲尼之」,所止息也。【傳】止,所止息也。

哉。」」杜注云:「遄、速也。」 哉。」」杜注云:「遄、速也。」 、獨語》文。《傳》於《泉水》、《巧言》、《烝民》並訓「遄」 爲「疾」,此乃訓「遄」爲「速」,隨文解説也。定十年《左爲「疾」,此乃訓「遄」爲「速」,隨文解説也。定十年《左感、、獨語》文。《傳》於《泉水》、《巧言》、《烝民》並訓「遄」

《干旄》三章,章六句。

一三九

支體

也。

相鼠有體,人而無禮。【傳】體,

《干旄》,美好善也。衛文公臣子多好

善,賢者樂告以善道也。

貌。 有大功,世其官邑。 **桀桀,特立之意,故《傳》云:「干旄之皃。」干,讀如「籊籊竹** 四之。【傳】紕,所 竿」之「竿」。《説文》:「竿,竹梃也。」「於,旌旗杠兒。」「竿」 以畀之?【傳】姝,順貌。 彼,願以素絲紕 與「杠」一聲之轉。云「注旄於干首」者,「旄」與「氂」同、 之 禮•司常》:「通帛爲濵,襍帛爲物。」《士喪禮》「爲銘,各以 干旄也。」《傳》又云「大夫之旃也」者,旃,亦作「旜」。《周 下章「干旟」、「干旌」,「干」皆「干旄」也。《出車》傳:「旄: 《説文》:「氂,犛牛尾也。」注犛牛尾於竿之首,謂之干旄、 末」、「今文「末」爲「旆」。」案《禮》言無物則幅用半緇半經易 緇,黑也。 注旄於干首,大夫之旃也。浚,衛邑。古者 孑孑干旄,在浚之郊。 亡則以緇,長半幅,經末,長終幅,廣三寸。 經,赤也。《説文》云:「勿,襍帛,幅半異。 組之法御四馬也。 以 郊外曰野。 織 組 也。 畀,予也。【疏】孑孑,猶 【傳】孑孑,干旄之 總 素絲紕之,良馬 紕於此,成文於 彼姝者子,何 書名干 臣

> 《士喪》易半幅黑耳,其下半幅則 或作「物」。」●今隸變作「物」。 此大夫爲卿也。《聘禮》「使者載濟」,注:「聘使卿。」此大 雅》:「因章曰旃。」郭注云:「因其文章,不復畫之。 赤,則知通帛之旃充幅皆赤矣,鄭注《周禮》云「通帛、 游,而不畫耳。《司常》:「孤卿建讀。」諸侯之上大夫,卿。 數,禮未聞。」與謂《説文》「物三游」,則旃其五游歟? 赤。從周正色,無飾」是也。 證。 之旃」,實據《左傳》、《孟子》並有旃以招大夫之禮。 旄、三章之旌,似皆屬旟。《傳》乃於「干旄」下箸明爲「大夫 夫之所常建,不得以不常建之旗亦有旄有旌。 《傳》言「旃」,以明一章之「旄」與三章之「旌」,皆指旃爲大 《漢書•田蚡傳》引古禮:「大夫立曲旃。」此皆大夫用旃之 夫得建旃也。 旄、旌,爲説泥於文而害其意,不可以説《詩》也。 邑」、《豈風》同。 旃常建,旟不常建,猶之駕四常乘,駕三非常乘耳。 凡旗皆有旄有旌。《詩》二章言旟,則一章之 衛邑,衛下邑也。 通帛正幅, 物 7.仍用 本半 隱八年《左傳》云:「官 赤也。 幅 旗之緣也。 白 襍帛 半幅 以一 ○「浚,衛 之幅 赤。 蘇林注 謂 特有 其 旟該 此 游 大 半

主 "及陳昌治刻《説文解字》並作「葋」。 「物」、《清經解續編》本作「物」。 經韻樓本《説文解字

《韓詩外傳》:「故御馬有法矣,御民有道矣。 絲紕 執轡 大夫願聞其 而歡,道得則民安而集。」此皆以御馬譬治民也。 御 禮 以素絲紕組之法御四馬」者、《簡兮》「執轡如組」、《傳》: 紕 組 之文也。 組也。」紕,讀如「次比」之「比」,謂以素絲次比織組,是爲 「總紕於此,成文於彼」者, 諫下》篇: 合組 馬 盛德》篇:「六官以爲轡,司會均人以爲軜。 如 「紕」與「絣」聲相近。 〇二章言「組」,三章言 凝組也。 織組 《爾雅》:「紕,飾也。」「文」與 織 執六轡, (法,即《序》「好善」之義。 織 ,以爲御馬之法,其法可 御衆有文章,言能治衆,動於近,成於遠也。」 「禮者,所以 組似御馬,兩詩意實同。 御天地 與 總,亦紕 御民 比絲爲紕,猶并絲爲絣矣。 「織」,故《傳》云:「紕,所以織 人與事者,亦有六政。」《晏 也。 也。 四之,謂四馬。 轡者,所以御馬 「飾」義相近。 通 成文者,成其織 素絲,謂轡也。 於治民。 法得則馬 《傳》意言 故曰 《大戴 五之、 云「願 也。」 和 素 굸 組

> 二章同義,又互文以見也。予之,予之以法也 與《傳》「順」訓合。「畀,予」、《釋詁》文。訓 以逸群之才,加乎衆人之上。視彼猶賢,自視猶不足也,故 「順」。《中論・虚道》篇:「君子常虚其心志,恭其容貌,不 字,不誤。 姝,順兒。《六書故》九引《傳》作「順也」。 謂「四之,服馬之四轡」,失《傳》之恉。 人願告之而不倦。」引《詩》曰:「彼姝者子,何以告之?」此 六之,謂轡。 詁「姝」爲「順」,「順」讀如《易》「君子以順德」之 意以一章、三章皆謂大夫乘四馬 ○彼,彼大夫也 「畀」爲「予」,與 疑唐人作 也。 。 正 也 義

官,而於「在浚」知世其邑也。

經言「野」、《傳》必云「郊外曰

於「干旄」知世其

大夫采地在都,都在郊

]者,以下章「在浚之都」知之也。

言諸侯之大夫有大功者,皆得世其官邑。

有世功則有官族。

《世其子孫。

或以官爲族,或以邑爲族。《傳》引之者,以

邑亦如之。」此言爲官者有世功,則官邑

合。 無旟。 軍吏旗、郊野旐同載,以别於諸侯載旂也。 궄 共建,以殊於諸 建旗,則諸侯之上大夫卿有旗宜也。 【疏】《周禮・司常》:「鳥隼爲旟。」《傳》所本也。 而成組也。驂馬五轡。 邑) 曰都。 「州里建旟。」《箋》:「謂州長之屬。」天子之州長中大夫 則州里百官所建載之旟,不得與侯伯同七游矣。 《考工記》「鳥旟七游」,與《周禮 孑孑干旗,在浚之都。【傳】鳥隼日 素絲組之,良馬五之。【傳】總,以素 侯建旂也。 《大司馬》:「百官載旟。」旟 彼姝者子,何以予之? **旟與帥都旗、縣鄙旐** 》「侯伯七游」之制 諸侯之旂 《司常》又 旟。 ,未嘗 不 獨 與 下

四二

不同。 小都 縣邑、都邑,皆謂之下邑。 捷也。」此與《出車》、《桑柔》傳同,與《六月》傳異。 謂「鳥隼爲旟」者矣」是也。 此 制,鄉遂之外置都鄙,都爲畿畺之竟名,其實削縣皆有 也。《地官·載師》:「以家邑之田任稍地,以小都之田 騑 於彼」也。 云「總紕於此」也。 季氏食於都。」○《傳》釋「素絲」爲「總」,以素絲即上章《傳》 都,猶晉之有原縣也。 亦謂之邑中。 五轡,其大夫皆一轅車。 《桑柔》之旟,皆戎車之所建,則大夫之旟,其非常建可知。 《無羊》傳:「旟,所以聚衆也。」〇古者城郭之中謂之國中, 抛地 也 ,謂之驂。 侯國封邑亦在四郊之外,亦有縣都之號。 ,卿之采地。 ,以大都之田任畺地。」鄭注云:「家邑,大夫之采地。 鳥隼畫於旒,孫炎注云「畫急疾之鳥於旒,《周官》所 爾雅》: 《正義》云:「王肅云:「古者一轅之車,駕三馬則 《説文》: 周人又益 其餘鄉遂之地,公有公邑,家有家邑,縣都有 「錯革鳥 大都,公之采地,王子弟所食邑也。」案周 釋「組」爲「成組」,即上章《傳》云「成文 「總,聚束也。」「驂馬五轡」,以釋經 《方士》「掌都家」,鄭司農注云: 日 騑,謂之駟。 I旟。」錯 夏后氏駕兩,謂之麗。 浚在衛都,故《傳》云「下邑曰都 鄭注《司常》云: 革 一鳥與 本從一驂而來,亦謂 (止畫鳥隼者) 「鳥隼,象其勇 殷益以 衛之有 《出車》、 又復 魯 五 浚 封 任

情也。 《毛詩》説:天子至大夫同駕四,士駕二。《詩》云「四 《異義》:「天子駕數、《易》孟京、《春秋》公羊説:天子駕六。 曰: 均 之法,此似述《傳》,非毛旨也。 之驂。 《毛詩》説「大夫同駕四」, 説。 《王度記》曰「大夫駕三」,經、傳無所言,是自古無駕三之制 布乘黄朱,言獻四黄馬朱鬣也。 者養一馬,而一師監之也。《尚書・顧命》諸侯人應門,皆 政,凡頒良馬而養乘之,乘馬一師四圉。1四馬爲乘,此一圉 説與《易》、《春秋》同。1玄之聞也,《周禮》:「校人掌王馬之 子駕六、諸侯與卿同駕四、大夫駕三、士駕二、庶人駕一。」 騑騑,周道倭遲」,大夫所乘。 彭」,武王所乘,「龍旂承祀,六轡耳耳」,魯僖所乘, 以大夫亦駕四也。 則何不以馬與圉以六爲數? 也。」案《異義》「大夫駕三」本《逸禮・王度記》,鄭駁不從其 「約軝錯衡, 王肅同《異義》,而孔晁、王基皆不從其説。 《株林》曰 經言驂, 轅車以兩馬爲服,傍以一馬驂之,則偏而不調,非人 則三 八鸞鏘鏘。」是則殷駕四,不駕三也。」」又 「乘我乘駒」、《傳》曰: 且殷之制亦駕四,故王基云: 馬之名。」又孔晁 `相傳古《毛詩》家説。 《顧命》諸侯何以不獻六馬? 謹案《禮· 何 則 ? 既實周天子駕六、《校人》 「大夫乘駒。」則 馬以引重,左 王度記》曰: 作 者 然此《傳》云 歷 《異義》引 「《商頌 吉 应 □騵彭 右當 王

爲驂,又益一驂爲兩驂。《小戎》箋: 驂外轡納於服之靳環,其驂内轡與服四轡,總持在御者之 賻之。」或孔子在路,偶亦用驂歟? 驂,非常乘。《禮記》:「孔子之衛,遇舊館人之喪,説駿而 「驂馬 ,,所謂「驂馬五轡」也。 《五轡」,則古又不廢是説矣。 《説文》:「驂,駕三馬也。」駕三馬 大夫乘四,其常乘 服馬四轡,駿馬二轡。 「驂,兩騑也。」《大叔 也。

于田》、《車攻》皆曰「兩驂」。

旄於干首也。」鄭直以羽爲旄,舉 也。 注《周禮》云:「全羽、析羽,皆五采繫之旞旌之上,所謂注 旒。」李、郭但釋《爾雅》之「旌」,不涉《周禮》之「析羽」。 羽」之義,其文可互見也。《爾雅》「注旄首曰旌」,李巡云: 「旄」即本《爾雅》「注旄首」之義,而於「旌」下引《周禮》「析 旌。」司常掌九旗,而大司馬辨七旗者,蓋以大常、旂、旗、 城,都城也。 「旄牛尾箸干首。」郭璞云: 「析羽爲旌」,《周 四 旐、旗皆有 孑孑干旌,在浚之城。 【傳】析 馬六轡。 素絲祝之,良馬六之。【傳】祝,織 禮 旌 彼姝者子,何以告之?【疏】 也。 司常》文。《司常》又云:「斿車載 旃與旟皆有旌。 「載旄於竿頭,如今之幢,亦有 端以爲言,其實凡旌 《傳》於首章之 羽 爲 旌。 皆 鄭

轡貫之,以止驂之出。 服四轡,兩驂各有内外轡。 馬六轡」者,以釋經「六之」之義,兩服在中,兩驂在旁。 《小箋》云:「此謂假借。 都不過參國之一,中五之一,小九之一。二又閔元年《傳》: 《左傳》:「祭仲曰:「都城過百雉,國之害也。 人》:「門阿之制,以爲都城之制。」〇《傳》讀 城。」」是諸侯封邑大者,皆謂之都城也。《考工記 首,所以精進士卒也。」許説旌兼羽旄,合《周禮》、《爾雅》以 旄者,有五色鳥羽,又有旄牛尾也。」孫炎注《爾雅》亦云: 羽毛於齊。」定四年《傳》:「晉人假羽旄於鄭。」孔疏云:「羽 則旌之有羽,此其明證也。 立言耳。○上章言「都」,故《傳》釋「城」爲「都城」。 翻旌也。」是翻旌無旄,乃以鴻脰易之。 朱羽糅,以鴻脰韜上」,注:「旌,總名也。 有旄、有羽。 「晉獻公使大子主曲沃,士蔿曰:「大子不得立矣,分之都 「析五采羽注旄上也。」《説文》:「旌,游車載旌,析羽注旄 其内轡則先箸服馬之外脅,止驂之人,《秦風》謂之脅 而後入軾前之環,謂之觼, 《鄉射・ 記》「旌,各以其物,無物則 與服馬四 祝與織雙聲而合音最近。」云「四 靳環在服馬背上,兩驂馬之外 襄十四年《左傳》: [轡同 繋於軾 入軶上大環,便於總 而糅以白羽、 前 不命者無物,此 謂 先王之制,大 「祝」爲「織 之軸。 「范宣子假 以 隱元年 白羽 、朱羽 兩 兩 匠 與

171

四二

驅。 持。

卷

Д

|章六句,二章章四句。【疏】今訂正,辨《載馳》五章,一章六句,一章八句,

失國曰言。驅馬悠悠,言至于漕。【傳】悠悠,遠載馳載驅,歸唁衛侯。【傳】載,辭也。弔

詞。 寧」,是「載」與「則」同義。此《箋》及《七月》、《湛露》、《沔 行曰 貌。 水》、《小宛》、《楚茨》、《江漢》、《時邁》、《有駜》箋並云:「載 興」、《斯干》曰「乃寢乃興」,是「載」與「乃」同義。 意義者,放此。又載者,詞之「乃」也。《小戎》曰「載寢載 仇」,言賓取匹也。《傳》亦不釋「載」字。 字無意義者,放此。 不限於首見也。 《傳》爲全《詩》「載」字發凡也。 離》傳訓同。 以别解之。《廣雅》:「좲,詞也。」《説文》云:「좲,讀若載。」 言「乃」者,放此。 之言則也。」凡《詩》中或言「載」而或言「則」,或言「載」而或 詞之「則」也。《江漢》曰「王心載寧」、《黍苗》曰「王心則 三引《韓詩傳》:「弔生曰唁。 「弔失國曰唁」,昭二十五年《穀梁傳》文。《衆經音義》卷十 「載驅薄薄」,言驅薄薄也、《傳》不釋「載」字。 《列女傳·仁智》篇引《詩》作「曹」,曹、漕古今字。《擊 跋,水 漕,衛東邑。 行 「言至于漕」,猶「曰至渭陽」也。 日 辭,當爲「詞」。 而《傳》則渾言之云「詞也」,學者可隨 涉。【疏】乘車日 載者,語助詞也。《賓之初筵》「賓載手 大夫跋涉,我心則憂。【傳】草 弔失國曰唁。」悠悠爲遠,《黍 《豈風》、《泉水》不傳者,例 載者,發語詞也。 載,假借之爲語 凡句中「載」字無 凡句首「載」 言、曰,皆語 又載者 《載驅 詞 文

言也。 東也。 屬衛、許兩國。 更有跋涉之事,遂席首章大夫爲衛大夫,與下大夫、君子分 賦詩之故,實由乎此。 大邦耳。 許豈無一介弔唁之人? 皆本此二句意而申説之。 之亡,我心用是深長憂也。 許穆夫人自我也。 作「涉」。」《釋文》引《韓詩》:「不由蹊遂而涉曰跋涉。」「不 名。」「跋」與「軷」通。《傳》云「草行」者,山與草皆對水行而 禮 之意也。 由蹊遂」解「跋」字,與《毛詩》義異。 鼓》、《泉水》傳皆云「衛邑」,此云「衛東邑」者,時 「視爾不臧,我思不閟」,末章云「百爾所思,不如我所之」, 「思須與漕,我心悠悠。 聘禮》疏引《詩》作「大夫載涉」,鄭注:「載,山 云「水行曰涉」者、《説文》:「椕,徒行厲水也。 馳驅歸唁、驅馬至漕,皆是設想之詞。 《序》云「閔衛之亡,傷許之小,力不能救」,此夫人 思思 歸 先後異解,恐非經恉 唁其兄,又義不得」,意在言外。 言許大夫雖有跋涉之勞,而終不能救衛 《箋》意許人既以歸唁,尤夫人不應 駕言出游,以寫我憂。」即此首四 特不如夫人之所思,要在乞師於 蓋許與衛本昏姻國,衛爲狄滅: 下章云「視爾不臧,我思不遠」、 大夫,許大夫也。 《泉水》云: 衛已 ○《儀 篆文 在河 行 我 之 句

既不我嘉,不能旋反。【傳】不能旋反我思

閉猶止也。 「止」。止者,止我思也。 遠於衛也。 也。 爾大夫也。 下「我思不遠」句以足經義,故云:「不能旋反我思也。」爾 臧,我思不閟。 既不我嘉,不能 「哿,可也。」「嘉」與「哿」聲同。 視爾不臧,我思不遠。【傳】不 臧,善也。 ○《説文》:「霽,雨止也。」 旋 【傳】闕, 云「不能遠衛」者,亦言我思之不能 濟。 「閟,閉」,《閟宫》同。 【傳】濟,止 經言「不能旋反」、《傳》乃探 閉 也。 【疏】《正月》傳: 濟 也。 讀 能 閟、閉雙聲 同霽, 視 遠 衛 爾不 故訓 也。

詩》作 所在未聞,疑衛丘名。 《釋名》云:「阿,何也。 進取一概之義。【疏】「偏高曰阿丘」、《爾雅・ 之,衆稺且狂。【傳】尤,過也。 女子善懷,亦各有行。【傳】行,道 蝱,貝母也。 《説文繋傳》、《淮南・ 陟彼阿丘,言采其蝱。【傳】偏高 假借字。 升至偏高之丘采其 姦者, 氾論》注引《詩》作「言采其莔」,《毛 「陟彼阿丘」與「至漕」、「行野」一 爾 如人儋何物,一邊偏高也。」阿丘 雅 釋草》: 是乃衆幼 莔 也。 將 貝母。」 釋丘》文。 稺 許 曰 以 且 療 阿 人尤 郭注 意。 疾。 丘。

傳》: 之謂。 義同。 喻也。 狂」,猶云「彼童而 子」、《傳》:「童、羊之無角者也。 昏所化也。」稺狂 也。」《傳》「進取」即本此義。 選》盧諶《贈劉琨詩》注引《薛君章句》:「尤,非也。」毛、韓 各異也。 《傳》訓「行」爲「道」,各有道者,自言其所思之有道,與他人 疾」者,言欲一至衛國,我思始可釋然,故取升丘采蝱以設 下,如芋子,正白 굸 굸 《韓子・ 「狂籣進取」即下文所謂「狂者進取」也。 「狂」字之義也。《騫裳》「狂童之狂也且」,❶《傳》:「狂行童 報以庶尤」、《説文》作 「孔子在陳,曰:「盍歸乎來,吾黨之上狂簡進取。」」案 「蝱,今藥草貝母 根 「胡沈之君幼而狂。」亦與《詩》句恉相同 《論語 《傳》不爲「言」字作訓,言亦語 稺,幼稺。 如 解 尤,讀爲說。 小 老》篇: 貝,圓 子路》篇: ,四方連累相箸有分解。」《傳》云「將以 ,猶云「狂 角」也。 衆稺,謂衆人皆幼稺也。 「心不能 而 也。 白 《緑衣》傳:「說,過也。」《書·吕刑》 「庶訧」。 童 華、 狂 其葉如栝樓而細小,其子在 古且、而 世。 審得失之地,則謂之狂。」此 ゴ「進取一 葉 ,者進取。]又《孟子・盡心》 似 此尤、就通用之證。 侕 《抑》「彼童而 韭。」《 同 角,自用也。」「衆稺 悼 詞。 概」者、言狂之狀。 Ē 趙注云:「簡,大 昭二十三年《左 幼稺,孱弱無知 ○懷,亦思也。 一義》引 角 實 義 **文** 虹 疏 且 小 療

> 思也。 也。 皆繫設辭, 卒,文公雖立,而尚無寧居。 年,諸侯乃城楚丘而封衛焉,則當僖元年春夏之閒 十月,爲周之十二月。 二年冬,非麥、蝱之候。 野,麥方盛長之時也。 【傳】控、引; 麥芃 傳》又載衛文公元年革車三十乘,季年乃三百乘。 公立戴公,杜注:「戴公,名申。 失國歟? 文公以此年冬立,季年在僖二十五年。」《史記・衛世家》: 《春秋》書閔公二年冬十有二月狄入衛、《左傳》載宋桓 芃然方盛 我行 芃芃,盛長之皃。 揆之情事,衛侯似指文公爲近。 亦不宜取非時之物而漫爲託興也。」案胡説 其 極,至也。【疏】《傳》云「願 野 長。 芃 此蓋魯僖公元年之十二月。 胡承珙《後箋》云:「狄滅衛 考《定之方中》,營室詩也。 芃 控 云「麥芃芃然方盛長」,言思行衛 其 于 許穆夫人所爲賦《載馳》以弔 麥。 大邦, 立其年卒,而立文公。」《左 $\overline{}$ 傳】願 誰 行衛之野」,願 蝱丘, 因 行 誰 衛之野, 麥野,雖 注. ,戴公已 至僖二 在夏之 在閔公 極 ? 是

《毛詩正義》與中國書店影印武林愛日軒刻本、徐子静《毛詩正義》與中國書店影印武林愛日軒刻本、徐子静下「狂」字,原作「童」,據本書卷七《褰裳》傳疏、阮刻

0

稱齊侯使公子無虧戍曹,繁在賦《載馳》之下,意者《詩》有 以秦師至」。 文、《齊・南山》、《菀柳》、《嵩高》同。至者,當讀如「申包胥 與「赴告」義同。《説文》及襄八年《左傳》注竝同毛訓。 謂赴告。 其年月。 讀《論語》「因不失其親」之「因」。「極,至」、《爾雅・釋詁 莊以蝱丘、麥野在魯僖元年春夏之閒,準諸於《詩》,可審定 宋桓公逆河宵濟,與齊桓公歸公乘馬,皆謂文公也。 衛侯爲戴公。皆泥讀《左傳》「戴公廬漕」之句,不知《左傳》 諸戴,於《定之方中》箋云"「戴立一年而卒。」故此詩首章 露於漕邑。」亦當指文公而言。《鄭志》荅趙商以廬漕專屬 服焉。」是則處漕者,謂文公也。此《序》亦云:「國人分散 國有狄人之敗,出處于漕。 河,野處漕邑。」《木瓜》、《思齊》,封楚丘之詩、《序》云:「衛 方中》爲文徙居楚丘之詩、《序》云:「衛爲狄所滅,東徙渡 年春,諸侯城楚丘封衛,則文廬漕之日已一年有餘。《定之 閔公二年十二月。魯僖公之元年,即衛文公之元年也。二 「文公二十五年卒。」與杜注合。是戴之卒,文之立,皆在魯 感發乎? 《傳》訓「控」爲「引」,《爾雅》:「引,陳也。」「陳告. ○《衆經音義》卷九引《韓詩》云:「控,赴也。」赴 控引大邦,思其救至,此夫人之志也。《左傳》 《列女傳》載許穆夫人初欲嫁齊,衛侯不聽,而 齊桓公救而封之,遺之車馬、器 胡墨 因

> 事,其下即引詩二章,似此詩爲衛女欲嫁於齊而作,尤不足 皆與《左傳》異,或因詩辭而附會其説。 嫁之許。 其言馳驅弔唁衛侯爲衛懿公,又夫人爲懿公女, 《韓詩外傳》亦載其

憑信。

矣。 《傳》:「穆叔會范宣子于柯。 公失國,欲馳驅而唁之,故作以自痛國小,力不能救。 末當以「我行其野」四句爲一章,「大夫君子」四句爲一章 言》、《隰桑》、《緜》,末章皆稱「卒章」。此明言「四章」,則篇 水》、《七月》、《常棣》、《魚麗》、《鴻雁》、《節》、《小旻》、《巧 章。」凡《左傳》引《詩》例,如《野有死屬》、《緑衣》、《揚之 傳》:「鄭伯與公宴于棐,子家賦《載馳》之四章。」襄十九年 所思之篤厚也。

○案古分章與今本異。

文十三年《左 兩言「視爾不臧」「爾」字相應。所之,即所思。 也。「大夫君子,無我有尤」,承「許人尤之」句。爾,與上文 我所思。【傳】不如我所思之篤厚也。【疏】尤,過 「我思不遠」、「我思不閟」「思」字相應。 「控于大邦」,是我 ,婦人父母既没,不得寧兄弟。 服虔云:「《載馳》五章,屬《鄘風》。 許夫人閔衛滅,戴 大夫君子,無我有尤。 穆叔見叔向,賦《載馳》之四 於是許人不嘉,故賦二章 百爾所 與上文兩言 (思,不 如 在

禮

釐正。 句,二章章四句,今各本都數一章八句與二章章四句,譌易 四章可證也。《載馳》五章,一章六句,一章八句,一 邦,誰因誰極?」控,引也。取其欲引大國以自救助。」其稱 字係後人誤衍。故杜於襄十九年云"「四章曰"「控于大 固自不誤。杜預注於文十三年云:「《載馳》、《詩·鄘風》。 「不如我思」之義,爲五章。四章、五章雖錯綜言之,而分章 倒置,以致篇章錯亂。孔仲達作《正義》時已從誤本,亟宜 四章以下,義取小國有急,欲引大國以救助。」疑「以下」 往」即是「我行其野」之義,爲四章。「非許人不聽」,即是 不我嘉」爲二章,「許人尤之」爲三章,卒章指五章,「我遂 聽,遂賦四章。 以喻思不遠也。 言我遂往,無我有尤也。」然則服子慎以「既 許人尤之,遂賦三章。 以卒章非許人不 章六

卷四

終

詩毛氏傳疏卷五

緑,王芻也。

竹,萹竹也。猗猗,美盛貌。

武

公

長洲陳英學

衛淇奥詁訓傳弟五 毛詩國風

王弟康叔所封,更名衛。 【疏》漢書・ 衛 國 地理志》: 十篇,三十四章,二百三句。 「河内郡朝歌,紂所都。 周武

《淇奥》三章,章九句。

作於《抑》詩後矣。武公入相在周平王世。 十,又作《抑》詩以自儆也。衛人誦其德,爲賦《淇澳》。」是 是詩也。【疏】徐榦《中論・虚道》篇:「衛武公年過九 聽其規諫,以禮自防,故能入相于周,美而作 .淇奥》,美武公之德也。有文章,又能 詳見《抑》篇。

【傳】諼,忘也。 【疏】《爾雅·釋厓岸》:「隩,隈。 厓内爲 【傳】瑟,矜莊貌。 《楚辭注》引《詩》作「菉」。菉,本字,緑,假借字。 雅》作「菉」。《大學》引《詩》作「菉」。《小雅》「終朝采緑」, 昭二年《左傳》及《禮記・大學》引《詩》作「澳」。 《傳》訓「奥」爲「隈」,與郭讀同。 學》注:「澳,限厓也。」許、鄭讀以「限」、「厓」連文成義。 之異名,渾言、析言皆得互稱。 隩,外爲隈。」《爾雅》既釋隩一名隈,又釋厓以別内隩、外隈 咺,威儀容止宣箸也。有匪君子,終不可諼兮。 修,如玉石之見琢磨也。 磋,玉曰琢,石曰磨,道其學而成也。 磋,如琢如磨。【傳】匪,文章貌。 質美德盛,有康叔 二水名」,或本三家《詩》義。 「緑,王芻」,《釋草》文。 《爾 「隩」同。今《詩》作「奥」者,古文假借耳。陸機謂「淇、澳、 「隩,水隈厓也。」「澳,隈厓也。 今呼鴟腳莎。」《詩正義》引某氏注作「菉 僩,寬大也。赫,有明德赫赫然。 之餘烈。 瑟兮僩兮,赫兮咺兮。 其内曰澳,其外曰隈。」《大 此郭讀本也。 有匪君子,如 淇隈,謂淇水深曲處也。 治骨曰切,象 聽其規諫以 《説文》: 「澳」姐 郭璞注 切 如 白 日

四九

卷

£

彼淇奥、緑竹猗猗。

【傳】興也。

奥,隈

굸

「菉, 蓐也。

以爲治也。《釋文》:「切,本或作「腦」。」《玉篇》: 磨。」切、瑳、琢、磨,皆治器之名,故《傳》引《爾雅》而箸其義 章」作訓。 萹蓄。 《爾雅 公能承康叔之烈,故因於衛地而起興焉。《泉水》、《竹竿》、 之美盛,喻武公之質美德盛。 草、《正義》席之矣。《傳》云「猗猗,美盛兒」,兒,《釋文》作 細,微青黄色,根如蒿根。」是緑、竹二草名。 云 鹿蓐 水》注:「今通望淇川,唯王芻、編草不異毛興。」案編草即 竹、《爾雅》亦作「竹」。 「邲,美兒」。 《列女傳》引《詩》正作「有斐君子」。《釋文》引《韓詩》作 《有狐》並以淇水爲興。 謂「王芻」者也。」此吴普輩 「藩,水萹茿也。 《釋文》引: 「有康叔之餘烈」、《釋文》本無「餘」字。《詩》以緑竹 「苗似瞿麥,葉細,緑如竹,赤根,如釵股,節閒花出甚 釋器》: 郭 《唐本草》舊注 匪,即 璞注云: 「《韓詩》: 《廣韻・六至》:「邲,好兒。」用《韓詩》也 「骨謂之切,象謂之瑳,玉謂之琢,石謂之 讀若督。」竹者,「藩」之假借字。《水經 「斐」之假借。 「似小藜,赤莖節。」蘇頌《本草圖 芸 《傳》云「萹竹」、《爾雅》作「萹蓄」。 「薄,萹 ○「匪,文章兒」、《傳》本《序》「有文 因蓋草可染黄緑,故云然爾。 蓋 言淇奥者,康叔所封之地,武 《禮記》、《爾雅》、《玉篇》、 草,俗 名菉蓐草。 唯陸機以爲 《爾雅 「臟,治骨 · 淇 經 影

> 治性盡才者也。 如摩。」謂學問也。」《説苑・ 之於文學也,猶玉之於琢摩也。 自防即自修,亦學問中事耳。故《荀子·大略篇》云:「人 案此皆紀武公自修之實。 同。 瑳」句。 之導,宴居有師工之誦。 官師之典,倚几有誦訓之諫,居寢有聲御之箴,臨事有 如瑳者,道學也。 作「摩」,俗作「磨」。云「道其學而成也」者,釋經「如 門子,如磨如錯。」用《韓詩》也。 也。」《説 如琢如摩」句。 《御覽・器物九》引《韓詩》作 致 也。」亦引此詩。 此《傳》所本也。 云「聽其規諫以自修,如玉石之見琢摩也」者, 文》: 屬, 親賢學問,所以長德也。 《禮記·大學》篇引《詩》而釋之云:「如 如琢如摩者,自修也。」《爾雅・釋訓》文 齒 ○《澤陂》傳: 《楚語》:「在輿有旅賁之規,位宁有 差 也。 史不失書,矇不失誦,以訓御之。 《序》云「聽其規諫,以禮自 建本》篇云: -「錯」。 讀若切。」瑳 《詩》曰:「如切如瑳,如 《説文》:「釄,礱也。」❶ 「儼,矜莊皃。」瑟、儼 束皙《補亡詩》: 「學者,所以反 論交合友,所 俗 作 磋。 防 ·瞽史 釋經 粲粲 切 琢, 切 如

0

相

也」。 昌治刻《說文解字》並作「碧,確也。 龒 也」、《清經解 續 編》本同。 説文解字注》及陳 磭,石磑也。

《釋文》引《韓詩》正作「宣」,云:「宣,顯也。」《禮記》作 作「諼」。 忘」、《爾雅 德明明於下,故赫赫然箸見於天。」是赫赫爲德之明也 雅》渾舉其義,毛《傳》則各箸其義,文異意同也。《韓詩》: 「喧」、《爾雅》釋文作「烜」,並與「宣」同。《説文・心部》: 赫赫也。《大明》篇「明明在下,赫赫在上」,《傳》:「文王之 字或作「峻」。 學》、《釋訓》皆云:「瑟兮僩兮者,恂栗也。」《大學》注:「恂、 則僩者寬大。《傳》訓本《荀子》。 「威儀容止」四字同義。《傳》以「威儀容止之宣箸」詁「咺」, 「僩,美皃。」與毛合。《説文》:「僩,武皃。」與毛異。 志審道謂之僩,反僩爲野。」亦與《傳》「寬大」義近。 者,俄且僩也。 「愃,寬閒心腹兒。」引《詩》作「愃」,本三家《詩》也。 「恂栗」但解「瑟兮」,猶下「威儀」但解「喧兮」。《禮記》、《爾 《釋文》作「皃」。《荀子・榮辱篇》:「塞者,俄且通也。 「矜莊」爲「瑟」,義未聞。 《禮記》引《詩》作「誼 釋訓》文,引《詩》作「諼」。《考槃》、《伯兮》皆 讀如「嚴峻」之「峻」,言其容貌嚴栗也。」案 愚者,俄且知也。」皆反對成文。陋者陿陋, 《傳》云:「僩,寬大也。」也, 又《新書・道術》篇: 赫,猶 暖 《大 容 陃

·彼淇奥、緑竹青青。【傳】青青,茂盛貌。

卷

Ŧī.

《禮》:「天子用全,純玉也。 純玉、公、侯、伯玉石襍。 石。」將、《説文》作「埓」。《説文》:「瓚,三玉二石 子用全,上公用龍,侯用瓚,伯用將。」鄭注:「全,純玉也 卿大夫皆用玉,其説似異。 瓚,伯用埓,玉石半相埓也。」」鄭、許皆謂「天子用全」爲用 龍、瓚、將、皆襍名也。公、侯四玉一石。 諸侯石」,而《箸》傳言「卿大夫青玉,人君黄玉」,則人君及 之光明。《説文》:「瑩,玉色也。」《傳》釋「瑱」言「天子玉 《説文》:「璓,石之次玉者。从玉,莠聲。」引《詩》「充耳璓 者,「瑩」乃連「琇」而言,與《箸》篇之「瑩」不同義。 「充耳琇實」、《傳》:「琇,美石。」此《傳》云「琇瑩,美石也 瑩」。許據《詩》作「璓」,今《詩》作「琇」,非是。《都人士 ○「充耳謂之瑱」、《荀子‧禮論篇》「充耳而 作「菁菁」。」《唐風》、《小雅》作「菁菁」。茂盛,猶美盛也。 匪君子,終不可諼兮。【疏】青青、《釋文》云:「本或 弁。會,所以會髮。瑟兮僩兮,赫兮咺兮。 之瑱。琇瑩、美石也。天子玉瑱、諸侯以石。弁、皮 有匪君子,充耳琇瑩,會弁如星。【傳】充耳謂 唯鄭司農注《周禮》云:「全,純色 **奂案《考工記》:「玉人之事,天** 上公用駹,四玉 伯、子、男三玉二 設瑱」是也 . 石。 瑩,即 侯用 也 有

179

以會髮」之上奪「會」字,今補。「會,所以會髮」,與《君子偕 子皮弁,以日視朝。」《箋》:「天子之朝服皮弁,以日視朝。」 老》傳「揥,所以擿髮」句義正同。 《正義》云: 白鹿皮也。 冠則用角。 諸侯玉瑱、毛《傳》言諸侯石瑱、説似異而實同矣。《檀弓》 也。 云 《夏官·弁師》「諸侯之繅斿九就,琘玉三采,其餘如王 《箸》言「玉」,而於《淇奥》言「石」。 人君吉時以玉瑱,本《周禮》。 色皆可謂之玉。 瑱」,謂用白玉,純色之玉也。云「諸侯以石」,謂用石之次 《傳》合。 玉以白者爲貴,襍色者爲次。 之玉,尨爲襍色之玉。 「練角瑱」,注:「瑱,充耳也。 玉者,襍色之玉 币 古「惡」、「亞」字通。」是則諸侯用亞次之玉。《周禮》言 「璑,惡玉名。」」先師吴江氏沅云:「惡玉者,亞次之玉 繅斿皆就,玉瑱、玉笄」,「故書「琘」作「璑」。 龍 ,當爲「尨」。 「在朝君臣同服,故言天子之朝也。」《傳》文「所 《春官・ ○ 戸 也。 與玉對稱,則青色、黄色皆但謂之石 、鳩》、《頻弁》傳並以「弁」爲「皮弁」。 司服》: 尨 青玉、黄玉,皆襍色玉之次者,故 侯、伯襍色,可以例推。 謂 襍 「眡朝則皮弁服。」《玉藻》: 其實吉時所用亦非白玉。 吉時以玉。 色。」然則天子用 經言「會弁」、《傳》先言 蓋與石對稱,則青色、黄 《傳》云「天子 人君有瑱。」鄭謂 全爲 仲師 鄭司農注 説與 用 天天 純 中山 皮, 練 之 於 玉 毛 色

「會」字皆不合。 箋《詩》及注《周禮》「會」爲弁縫飾以玉,與毛、許、先鄭解 **膾即象揥也**。 必云「所以會髮」者,會亦讀爲膾,謂 星。」《玉篇》引《詩》同。 髮而加弁,弁而貫之以玉笄。 也。 笄,與生人異也。 寸,不冠故也。 擿髮,是曰膾。 仲師説《周禮》「會五采」,謂以五采組束髮。 「始卒,沐浴鬠。 笄,謂之檜。 「膾」。《説文》:「膾,骨擿之可會髮者。《詩》曰: 《詩》之「會弁」言會髮而加弁。 乃笄。」檜,讀與「膾」同,書之異耳。 「馬會」之「會」,謂以五采束髮也。 象邸,玉笄」,「故書「會」作「鱠」。 弁」,則所會者不箸也。 弁」,後言「會」 《士喪禮》: 沛國 如星者,其象揥玉笄首飾 緩, 笄之中央, 以安髮。」《荀子·禮論篇》: 今《士喪禮》作「醫」,古文皆作「括」,括亦會 者, **鬠而不冠笄。**] 此始卒之人**鬠**髮而不加 「鬠笄用桑,長四寸,纋中。」 王之皮弁,先以五采組束髮若露紒然,擿 僖二十八年《左傳》釋文:「會,亦作 人謂反紒爲膾。」案此 ,依《周 《傳》釋經「會」字,不云「會髮」,而 《弁師》「王之皮弁、會五采玉琪 禮》「皮弁會五采」之文,不先言 會髮作「會」,以 諸侯皮弁,當與天子同 《士喪禮》曰: 鄭司農注云:「膾,讀 會 説曰: 光輝星星然也。 即 《儀禮》 「膾」之假借字。 以組束髮乃箸 注 束髮,即用 **膾** 會髮作 「檜用 膾 「笄 長 》舊説 弁如 組 鄭 冠 四 骨 如

字也。 「冠弁如星」。 「璯」。」魏徵《隋書 又《吕覽・ 冠弁委貌,爲玄冠不爲皮弁。皮弁爲諸侯在 上農》篇:「庶人不冠弁。」高注引《詩 禮儀志》引《詩》作「璯」,依鄭説以改經

天子朝之服,玄冠爲諸侯視朝之服。蓋本三家異説

《箋》云:「圭、璧亦琢 《詩》作「積」,爲平子所據也。 詩 》: 謂其性質本美。 竹鬱然其茂積也。《玉篇》: 寬能容衆。 也。」」毛、韓皆作「簣」,謂「簣」即「積」之假借字。 兮,不爲虐兮。【傳】寬緩弘大,雖則戲謔,不爲虐 精,主、壁性有質。 匪 矣。【疏】張衡《西京賦》「芳草如積」、《文選》注引" 「鍊而精」,以喻道學自修之功致,而於主、璧言「性有質」,]君子,如金如 寬,猶容也。 「緑毒如簧。」簣,積 瞻彼淇奥、緑竹如簀。【傳】簧、積也。 綽,緩 與首章《傳》云「武公質美德盛 《論語》云: (錫,如 磨。 也。 寬兮綽兮,猗重較兮。 也。 四 重較,卿士之車。 「冓,同 瑇。」○《傳》於金、錫言 者亦道其學而 圭如璧。【傳】金、錫鍊 「寬則得衆。」「綽」訓 如,猶而也。積,鬱積,謂 薛君云:「實、緑莓 成也。」鄭申 善 或齊、 盛如 「緩」,謂 同 戲 【傳】 || 韓 . 義 謔 有 毛 緑 魯 積 而

《論語 謔。」此申《傳》義也 較猶倚輢也。 皆所以狀其有容衆之德也。 釋末二句即承上文「寬綽」而言,寬綽爲寬緩,寬緩亦弘大, 注云:「金較,黄金以飾較也。」然則重較 較重,卿所乘也。」劉説與毛《傳》同,而未詳其制。 較、輢共五尺五寸。 其廣之半爲之式崇,以其隧之半爲之較崇。」鄭注云:「較 賦》李注,引《詩》皆作「倚」。 其治衆有不迫也。 云「卿士之車」者,謂武公入相平王,爲周卿士也。 引「曲銅」作「曲鉤」。 車同制。 兩輪上出式者。 兵車自較而下,凡五尺五寸。」案乘車與兵 此重較之車。」孔所據本尚不誤也。《考工記・輿人》:「以 「繆,交錯之形也。 《箋》云: 輿服志》"「金薄繆龍爲輿倚較。」劉昭注引徐廣云" ・郷黨》皇疏、《荀子・非 《説文》:「較,車輢上曲銅也。」段氏據《文選》注 《釋名》云:「較在箱上爲辜較也。 「君子之德,有張有弛,故不常矜莊 較,在箱上。』《西京賦》「倚金較」,薛綜 ○猗,當作「倚」,《 較高於軾二尺二寸。 輢上曲鉤謂之較,「較」與「較」通 《正義》云:「人相爲卿士,倚 戲 謔不爲虐,所以成戲謔之 相篇》楊注、《文選 《禮記 其 較崇即輢崇,倚 金 有重飾歟? 曲 禮 m; 重較,其 ○《傳》 》孔疏 《續 西 時戲 漢 京

181

桊

Ŧī.

考槃》三章,章四句。

有「也」字,唐石經同。 「也」字,唐石經同。 「成別御覽・逸民部一》引「處」下使賢者退而窮處。 『疏》如覽・逸民部一》引「處」下

 \vec{z} [干者,大水之傍,故停水處。]即其義也。至《韓詩》[干]有 澗 有寬大之休。「永矢弗諼」、永、長、矢、誓、諼、忘也。 兩訓,則或由《韓故》、《韓説》與《薛君章句》之不同。]〇碩 道也。「山夾水曰澗」、《采蘇》同。《釋文》引《韓詩》作 疑古本作「般」,後人加「木」加「皿」耳。成樂者,謂成德樂 傳》注引《詩》作「盤」。《爾雅》釋文:「考槃,本又作「盤」。」 人,大德之人。寬,寬大也。言賢者雖在山澗陵阿之地,而 「考盤在干。」地下而黄曰干。」《後箋》云:「黄,疑「潢」字之 《爾雅》:「般,樂也。」《周頌》序:「般,樂也」。《漢書・敘 「考、成」、《爾雅・釋詁》文、《江漢》、《載芟》、《絲衣》同。 「干」,云:「墝埆之處也。」劉逵注《吴都賦》引:「《韓詩》: 潢汙者,停水之處。《小雅》正義引鄭注《漸卦》云: 碩人之寬。 「先王之道,長自誓不敢忘也。 考槃在澗、【傳】考,成,樂、樂也。 獨寐寤言,永矢弗諼。【疏】 美君子執德弘,信 山灰水曰 王肅

道篤。」

本王子雛述毛説。 詠志,長以道自誓不敢過差。」《正義》於「弗諼」、「弗過」皆 也。」「碩人之邁」與上章「碩人之寬」同意。《釋文》引: 謂之京,猶大阜謂之陵,曲陵謂之阿,猶曲京謂之阿,其義 「《韓詩》作「倘」。倘,美兒。」毛、韓同也。 莪》傳·「大陵曰阿。」《文選·西都賦》注及《衆經音義》卷 文》:「阿,曲阜也。」《傳》云「曲陵」者,陵亦阜也。 邁,寬大貌。 一引《韓詩》:「曲京曰阿。」《皇矣》傳:「京,大阜也。」大阜 也。《傳》文「兒」當作「也」字。《玉篇》云:「邁,寬大 考槃在阿,碩人之邁。【傳】曲 獨 寐寤 歌,永矢弗 王肅云:「歌所以 過。 陵 【疏】《説 《菁菁者 曰 阿。

考槃在陸,碩人之軸。【傳】軸,進也。獨告」,亦是「窮處」之意。

碩人》四章,章七句。

何

《左氏傳》不合。 爲賦《碩人》也。」案「美」與「賢」同義。 稱莊姜傅母見其婦道不正,諭之,乃作詩。此是《魯詩》,與 於終而言之,以見閔爾。 憂之。【疏】詩中皆追念莊姜初嫁盛時、《序》則就其不荅 驕上僭,莊姜賢而不荅,終以無子,國人閔而 「衛莊公娶于齊東宮得臣之妹,曰莊姜。 人》,閔莊姜也。 荅,猶對也。 莊姜惑於嬖妾,使 《列女傳・母儀》篇 隱三年《左傳》云: 美而無子,衛人所

兮」、《傳》亦云:「頎,長皃。」《玉篇》引《詩》作「碩人頎頎」, 之子,衛侯之妻,東宮之妹,邢侯之姨,譚公 之姊妹曰姨。 文衣也。夫人德盛而尊,嫁則錦衣加聚襜。 維私。【傳】東宫,齊大子也。 《傳》云「錦文衣也」四字連讀,以釋經「衣錦」二字。 「貝錦,錦文也。」《終南》傳:「錦衣,采衣也。」男子皮弁 「頎頎,具長兒。」希馮所據經、《傳》與今本異也。 碩人其頎,衣錦褧衣。【傳】碩,長 姊妹之夫曰私。【疏】《猗嗟》「頎而長 女子後生曰妹。 《巷伯 貌。 齊 妻 侯 錦

錦,而 事。 之大箸。」《丰》箋云:「褧,禪也。 用聚、用景不異也。鄭此《箋》云:「褧,禪也。 《士昏禮》:「女次,純衣,纁袡,立于房中,南面。 字。 衣而嫁。 几,姆加景。」景,亦「褧」之假借字。 「加景」與「加褧」是一 嫁時之所服。《丰》傳云"「嫁者之服。」兩《傳》義同也 人中、外服皆連衣裳也。錦衣爲中衣,加褧襜爲上衣,夫人 衣」、「裳錦褧裳」、「錦衣裳褧」,衣、裳、錦在中,褧在外。 猶衣裳也、《説文》「直裾謂之襜褕」是也。《丰》篇「衣錦褧 《玉藻》注及《列女傳》引《詩》作「絅」。 《詩》,又引《毛詩》,以「檾」詁「褧」,則「褧」與「檾」同 惡文爲義。 衣。」」《毛詩》作「褧」,三家《詩》作「檾」。《説文》引三家 文之箸也。」是褧衣乃爲加上之衣矣。《説文・衣部》: 服,錦衣爲中衣,以見錦爲美。 《林部》:「檾,枲屬。 褧, 糅也。 諸侯夫人中衣用錦,與士妻中衣用純不同,而其上衣 絅,亦檾也。 上 |加禪穀焉,爲其文之大箸也。 今衣錦者,在塗之所服也。 《詩》曰:「衣錦褧衣。」示反古。从衣、耿聲。」 《禮記・中庸》篇: 褧衣,衣兼下裳之名。《傳》云「褧襜」者! 从 林,熒省聲。《詩》曰:「衣錦榮 女子錦衣之上復加褧衣,以 「《詩》曰「衣錦尚絅」,惡其 蓋以禪穀爲之,中衣裳用 尚之以襌衣,爲其文 庶人之妻嫁服也。 網者,「褧」之假借 國君夫人翟 婦乘以 也

Ŧī.

卷

五

爲姊也,散文無專稱。 知。 妹」,是男子稱女子之後生者爲妹也。 錦褧爲庶人妻嫁服,誤四也。 朝玄端、夕深衣言之、非泛言衣制也。 得爲惡其文箸矣。鄭意據《玉藻》「以帛裹布,非禮」之文, 從系,訓爲「穀」。《説文》:「穀,細絹也。」加細絹之衣,不 續 就 服 遂及伯姊」、《傳》云:「先生曰姊。」又女子稱女子之先生者 東宮爲齊大子矣。 士妻且不敢服錦,豈庶人妻反上僭侯國夫人乎?《箋》以 嫁服攝盛,故錦衣而加褧。 故謂中衣用錦,上衣用縠。 純衣,立于房中之服,則諸侯夫人錦衣,亦非在塗之上服可 子。」是副褘以下,揄翟、屈翟皆既之夫家之服。《箋》謂嫁 《爾雅》:「男子謂女子先生爲姊,後生爲妹。〕詩言「東宮之 + 「婦人有副 3.塗始 主妻純 口口,故尚絅惡其文箸。 《箋》謂在塗衣錦,誤二也。 衣,誤一 加景 衣, 禕 纁袡。」案鄭 '則諸侯夫人褧衣'亦就塗時所加可知。 也。 盛飾 士妻純衣加景,諸侯夫人錦衣加褧,士妻 以以 「女子後生曰妹」、《爾雅 ○《漢書 朝 氏 (事舅姑,接見于宗廟, 兩 士妻嫁服攝盛,故純衣而加景。 不知「以帛裹布,非禮」者,文承 《箋》,其誤 ○東宮,大子宮,故《傳》直以 《箋》據《玉藻》絅爲禪。 《中庸》之「絅」即褧,褧以 地理志》: 《泉水》「問我諸姑 誤三也。 有四:《葛覃 「趙國襄國,故 釋親》文。 諸侯夫人 進見于君 + 》傳: 絅 士妻

> 娶焉。 不同。 曰私,言於其夫兄弟之中,此人與己姊妹有恩私也。」 謂姊妹之夫爲私。』《傳》所本也。 南有故譚城、《春秋》譚子爵此。稱公,未聞。 逕東平陵縣,故城西,譚國也。」今山東濟南府附郭歷城縣東 志》:「濟南郡東平陵有譚城。」《水經・濟水》注:「武原水北 《儀禮經傳通解》、郭璞《爾雅注》引《詩》皆作「覃」。 爲姨。」《説文》亦云:「妻之女弟同出爲姨。」女弟,即姊妹也 篇:「蔡侯曰:「息夫人,吾妻之姨也。」。高注云:「妻之女弟 不言同出,略也。莊十年《左傳》: 儀」,爲邢徙封國也。 河南懷慶府武陟縣。 邢 ○譚、《説文》作「鄲」。《白虎通義· :國。」《説文》: 息嬀將歸,過蔡。 漢襄國縣即今直隸順德府附郭邢臺縣,漢懷縣即今 「邢,周 《爾雅》:「妻之姊妹同出爲姨。」《傳 襄國爲邢始封國,懷即《春秋》之「夷 蔡侯曰: [吾姨也。] 《吕覽·長攻 公子所 封 《釋名》云:「姊妹互相謂夫 地, 號》篇、《宗族》篇及朱子 「蔡哀侯娶于陳,息侯亦 近 河 内 《爾雅》:「女子 '懷。」案 《郡國 班 許

顡 脂 傳]領,頸也。 廣 之 凝。 而 手如柔荑,膚如凝脂,【傳】如荑之新生,如 方。 領 巧笑倩兮,美目盼兮。【傳】倩,好 如 蝤 蝤 蠐,蝎 蠐, 蟲 齒 也。 如 瓠犀, 瓠 犀, 瓠 螓首 瓣。 蛾 螓 眉。 首,

輔。

盼,白

口黑分。

【疏】《静女》傳:「荑,茅之始生。」此云

謂之眉也。 蛾之説。 《離騷賦》云:「娥眉,好兒。」顔師古注《漢書》,始有形若蠶 非古字義。 訓同。 子偕老》傳:「廣揚而顔角豐滿。」《説文》云「好兒」,與《傳 雅》:「蛰,蜻蜻。」《方言》云: 是其據《毛詩》本作「頸首」矣。《傳》云「顙廣而方」,即《君 首」。」許不全引《詩》句,故謂此「賴」字即《詩》之「賴首」字: 文・虫部》無「螓」。《頁部》: 文》:「醬, 瓣,瓠中瓣謂之犀,字亦作「棲」。 依已誤之《爾雅》改不誤之毛《傳》矣。 「蜻」之異體。 今《詩》同。 「瓠棲」。《釋文》云:「《詩》作「犀」。」《廣韻》作「瓠犀」,與 《箋》或從三家《詩》字,讀「稱」爲「螓」,謂蜻蜻。 夫蠶蛾之眉與首異物,類乎鳥之有毛角者,不得 齒相值也。」引《春秋傳》曰: ○《詩小學》云"「蛾眉,古作「娥眉」。 《説文》云:「瓣,瓜中實也。」●「瓜中 且人眉似蠶角,其醜甚矣,安得云美哉? 自鄭以螓爲蜻蜻,後人又以蛾爲蠶蛾,要皆 「蟬有文者謂之蜻蜻。」螓 頸, 此齒白整齊之兒。 好兒。 《爾雅) 「皙醬。」〇《説 《詩》所謂 泛注 引《詩》作 ·實」謂 上逸注 **爾** 《説 預 即 之

185

無

0 本改。 [瓜],原作「爪」,據經韻樓本《說文解字注》、陳昌治 《説文解字》與中國 下「瓜」字同。 書 (店影印武林愛日軒刻本、徐子静

卷

Ħ.

刻

《七發》:「皓齒娥眉。」張衡《思玄賦》: 笑嗎只」,王逸注:「嗎,笑貌。 盼兮」,馬融注:「倩,笑貌。」《楚辭·大招》「靨輔奇牙,宜 見」三字一句。」○《論語・八佾》篇引《詩》「巧笑倩兮,美目 秦、晉之閒,好而輕者謂之娥。」《大招》:「娥眉曼只。」枚乘 年之誤 云:「按毛《傳》蓋奪「娥眉好兒」四字。 盼 「巧笑蒨兮」。蒨,草初生蒼白色。 (玉篇): "倩,本亦作「蒨」。」引《韓詩》云:「蒼白色。」是《韓詩》作 翼。 聲之轉。《傳》云「好口輔」,口輔即屬 ,黑色也。」馬注《論語》云:「盼,動目貌。」竝與毛訓異。 盼從目,分聲。 也。 「盼,謂黑白分。」本毛訓。 娥者, 美好 以 輕 「分」詰 揚 之意。 輔, 「盼」,此同聲爲訓之例 《韓詩》依字作訓,與毛 《釋文》引《韓詩》云: 作「酺」。」「倩」與「嗎 《方言》: 「娥」字一句,「眉好 「嫮眼娥眉。」」又 酺也。《釋文》: 娥 好 也

貌。 【傳】大夫未退,君聽朝於路寢,夫人聽 鑣,盛貌。 農郊,近郊。 上羽飾車。 憤,飾也。 碩人敖敖,説 翟茀以 茀, 蔽 四 牡 人君以 也。 朝。 有驕,朱憤 于農郊。 朱纏鑣扇汗,且 大夫夙退, 【傳】翟,翟車也。 鑣 【傳】敖敖,長 鐮、【傳】騎、壯 内事於正寢。 無使君 山以爲 夫人以 飾。 勞。 貌。 鏣

堂禮》: 鐵也。 與? 就公説、故《傳》以朱幩爲人君之馬飾、此就公親迎夫人而 儦,盛皃。」或本三家《詩》。 端繁諸以鑾、秦風》所謂 云: 朱絲飾鑣,是爲朱慎。《巾車》「重翟,錫面朱總」,鄭司農注 《爾雅》: 下有騑者緹扇汗。」此漢人鑣與扇汗爲二。 皃。」 侯國遠郊三十里,近郊半之,十五里。《月令》注引《王居明 竟舍於東郊,何注莊二十四年《公羊傳》云「禮,夫人至,大 《吕覽·孟春紀》云: 也。」《説文》引《詩》作 夫皆郊迎」是也。 故《箋》云:「敖敖、猶頎頎也。」農郊、當衛之東郊。 志》云:「乘輿象鐮、赤扇汗,王公列侯朱鑣、絳扇 大夫退,然後罷。 慎 ,馬纏鑣扇汗也。」「鑣,馬銜也。」《釋文》:「鑣,馬 「總箸馬勒,直兩耳與兩鐮。」朱總,即朱幩也。 訓 ○驕,猶蹻蹻也。《嵩高》「四牡蹻蹻」,《傳》云:「壯 同。 「出十五里迎歲,蓋殷禮也。」案周制侯國多從殷禮 「鑣謂之钀。」郭注云: 名扇汗,又曰排沫。」是似鑣、扇汗一物。 幩者, 東郊在近郊之外,故《傳》以「近郊」釋之。 所以 【疏】敖 「東郊,農郊也。」齊在衛東,故夫人人 「鑣鐮」,義與《傳》同。 (為馬 鑾 放射原原 案上下文皆就夫人説,此 飾, 鑣也。 「馬勒旁鐵。」鑣古用鐵 故 頎、《傳》並 謂 憤爲飾。 《廣雅》: 其 《玉篇》: **'訓爲**「長兒」**,** 制未 《説文》: 「 鐮 汗, 又《輿服 兩鑣之 (鐮,盛 聞也。 銜外 卿 燻 以 以

言之也。

(穀梁傳)云:「迎者行

!見諸,舍見諸。」○《周

知

寢。 工記》云"「内有九室,九嬪居之。 夫人亦正寢一,燕寢三。 \overline{H}_{\circ} 下至大夫妻皆然。 是一 寢,次夫人燕寢。 於内以治事。正寢,夫人之寢。 襄内治,故君每日朝群臣於外以聽政,后夫人每日朝群妾 諸侯有公、卿、大夫以襄外治,后夫人有世婦、九嬪之屬以 明義也。 盛,則君聽朝。」「君聽朝」,即此云「君聽朝於路寢」 於夫人言聽内事,於君言路寢,於夫人言正寢,皆互文以 《傳》變言聽朝者,謂聽大夫朝政之事也。 圖嘉事於此,諸臣復逆亦於此。《玉藻》言聽政於路 朝君在路門外之治朝,亦爲外朝。 人纚笄而朝」,即此云「夫人聽内事於正寢」也。 日視朝於内朝」,燕朝亦有視朝之政也。 夫朝亦於此。 花也。 養。 正寢即夫人朝處、《左傳》所謂「内宮之朝」是也。 諸侯路寢一,燕寢三。 君路寢有堂,爲聽政之處。 《雞鳴》傳:「東方明,則夫人纚笄而朝。 是君、夫人各自有朝矣。 其聽朝,在路門内之内朝,亦爲燕朝。 天子路寢一,燕寢五。 其制,前爲君路寢,次君燕寢,次夫人正 夫人常居在燕寢,每日聽事在 孔、賈《疏》謂「燕寢二」,非 后夫人皆别有正寢、燕寢。 胡培翬云:「古者天子」 天子、諸侯皆二朝,大夫 外有九室,九卿朝焉。] 大夫朝君於此,君 《傳》於君言聽朝 后亦正寝一,燕寝 《玉藻》「朝服以 兩《傳》正 电 朝已昌 寝,而 《考 也 Œ.

187

五九

Ħ.

此箸明之。 感嬖州吁之母之後,其初昏原未見其不荅也,故詩人殆於 魯以證毛矣。 字、「君」字皆就夫人説。 諸侯夫人正寢之前,亦當有世婦、 九室,在正朝左右,内九室,當在后朝左右。 曰:「大夫夙退,無使君勞。」其君者,謂女君也。」此又可援 夫人正寝,足補《禮經》之未備。」案胡説是也。 注 翟茀以朝」三句就常朝之禮言之。 疏謂外九室,九卿治事之處,内九室,九嬪治事之處, 詩上下文義皆就夫人初嫁盛時說,而唯此 《列女傳·賢明》篇引: 群妾治事處。 蓋莊公之不荅莊姜,在 此王后禮。 經中 毛《傳》言 |《詩 朝 其 外

也。 也。 廟見、然後成婦禮、後遂有大夫反馬告寧之禮。 廣大也。」「盛大」義相近。 齊大夫送女者。 庶姜孽孽,庶士有揭。【傳】孽孽,盛飾。 發發, 葭菼揭揭。 〈傳》言夫人聽内事於正寢,已當在廟見成婦後。 發發,盛貌。 罛,魚罟。 河水洋洋,北 濊 濊, 朅,武壯貌。【疏】《衡門》傳: 葭,蘆,菼,薍也。 【傳】洋洋,盛大也。 流活活。 施之水中。 北流,河水北流也。 施罛 鱣, 鯉 揭 濊 也。 凡夫人三月 揭, 濊, 活 此章《傳》 詩上章 「洋洋, 長 鮪,鮥 活,流 庶 鱣 +, 也。 鮪

蓋大魚即大鯉矣。

然不聞以鱣爲鱏也。

《傳》云「鮪,鮥」,

異。 鱨鰋鯉。」既有鱣又有鯉,故鄭《箋》别言之"「鱣,大魚也。」 潛逃于淵」、《傳》:「大魚能逃處淵。」《潛》: 崔豹《古今注》「鯉之大者爲鱣」是也。 《詩》「鱣鮪」凡三見,毛以鮪爲叔鮪 此渾言之也。 每鱗上皆有小黑點,從頭數至尾,無大小皆三十六鱗。]案 唯陸機、郭璞皆爲二魚:「鱣即鱏。 鯉」、《爾雅 篇》云「水聲」,又云「多水兒」,皆就水流而言。 清,沙石濊之。」此即「礙流」之謂也。 於水流、許説正申成毛訓。 文》下有「也」字。《説文》云:「礙流也。」施眾於水中,必 濊」。又作「奯」,作「瀁」,皆俗字。《傳》云「施之水中」,《釋 之。 「大魚罔目大豁豁也。」則又就魚罟而言之矣。 「魚罟謂之眾。」《傳》所本也。 又釋「庶士」爲「齊大夫送女者」,則當指大夫反馬告寧而言 《説文》: 《本草圖經》云:「鯉魚,即赤鯉魚也。 由衛返齊,必溯河上流,故云「北流」也。 「浯,流聲也。」隸變作「活」。 釋魚》「鯉,鱧」,舍人注及《説文》皆爲一魚 析言之,三十六鱗之鯉爲鯉,其大者則爲鱣 《淮南子·齊俗》篇:「河水 濊濊、《説文》兩引《詩》作「濊 鯉,今之赤鯉。」與古説 ,鱣即三十六鱗之鯉 《韓詩》云「流兒」、《玉 ② ○《爾雅 其脊中鱗一 月》「匪 有鱣 《傳》云「鱣 活活爲流 馬 釋器》: 有 鱣 融云: **新**、鰲 匪 道 鮪 欲 礙

也。 物。』《廣 謂首飾之盛皃。《爾雅》:「孽孽,戴也。」郭注云:「頭戴 孽,盛飾」、《釋文》下有「也」字,《玉篇》作,兒」字。盛飾兒 還反之候,故云然。 矣,葭菼揭揭則又非霜降後矣。此追敘齊大夫所見,以箸 也。」重言曰「揭揭」。《衆經音義》卷七引《傳》作「楊碣」,非 葭、菼二草,孔仲達以爲一草,誤矣。《説文》:「揭,高舉 月茬葦」、《傳》:「薍爲茬,葭爲葦。」 茬與葦皆已秀之名也。 東呼爲烏區。」邢疏引《義疏》云:「薍,或謂之荻。至秋堅 釋言》、《釋草》並有其文。郭注云:「似葦而小,實中。 葭一名蘆、葦之初生者也、詳《騶虞》篇。「菼、薍」、《爾雅・ 《淮南・説山》、《吕覽・季春》注作「潑潑」,竝字異而義同。 《吕覽》: 成,則謂之藿。《説文》云:「刻,權之初生。一曰薍。或作 發,盛兒」者、《釋文》引《韓詩》作「鱍鱍」、《説文》作「鮁鮁」, 機、郭璞皆謂 《爾雅》:「鮥,叔鮪。」《説文》:「鮪,鮥也。」「鮥,叔鮪也。」陸 「菼」。」「薍,刻也。」是菼、薍皆 崔初生之名。 《七月》篇「八 此因庶土之歸,而先及庶姜居者言之也。《傳》云「孽 案古者霜降逆女,冰泮殺止。濊濊、發發則非冰泮前 韻 「鮪似鯉而大。」言「似鯉」,則鮪亦鯉屬矣。 「鮪似鱣,大者名王鮪,小者名叔鮪」。 巘 頭 ○庶姜,謂媵。諸侯一取九女,皆媵 戴物 也。」亦即 盛飾之義。《説文》 高誘注 云「發 江

「欄」、「麋」同字。「麋」之或作「擘」,猶「欄」之或作「뼇」。《釋文》引《韓詩》作「鱡」、云「長兒」,謂庶姜形體之高長。《釋文》引《韓詩》作「鱡」、云「長兒」,謂庶姜形體之高長。以子,亦上卿送之。於天子,則諸卿皆行,公不自送。於小國,則上卿送之,以禮於先君。公子則下卿送之。於大國,雖以子,亦上卿送之。於天子,則諸卿皆行,公不自送。於小國,則上大夫送之。」今齊嫁女於衛,爲敵國,則未知其姊妹與。公子與。送之者爲上卿與?下卿與?《傳》云「庶與。公子與。送之者爲上卿與?下卿與?《傳》云「庶與。公子與。送之者爲上卿與?下卿與?《傳》云「庶與。公子與。」。

《氓》六章,章十句。

事以風焉。美反正,刺淫泆也。相棄背。或乃困而自悔,喪其妃耦,故序其風大行,男女無别,遂相奔誘。華落色衰,復風、行,男女無別,遂相奔誘。華落色衰,復

蚩,敦厚之貌。 氓之蚩 蚩 布,幣也。 抱布 貿絲。 匪來貿絲,來即 【傳】氓 民 也。 我 謀 世

敦,郭 今江東呼地 也。 絲」而已。」此皆以布爲錢幣,或本三家《詩》。 書》:「《詩》云「抱布貿絲」,故謂之緍也。」又《鹽鐵論 《易林・夬》:「以緍易絲,抱布自媒。」如淳注《史記 《毛詩》,此相傳古《毛詩》說。 爲幣貿易物。 兒謂之氓,則 來,意甚敦厚則蚩蚩然。 之兒」、《釋文》、《正義》本無「之」字。 **ଜ男子也。《方言》、《説文》並云:「氓,民也。」「蚩蚩,敦厚** 【傳】愆,過也。 我愆期,子無良媒。 送子涉淇,至于頓丘。【傳】丘一成爲頓丘。 ○《爾雅 載師》注云:「里布者,布參印書,廣二寸,長二尺,以 ;音頓,注云:「成,猶重也。 「古者市朝而無刀幣、各以其所有易無、「抱布貿 |高堆者爲敦。」《釋名》作「頓丘」,與《詩》同。 《詩》云「抱布貿絲」,抱此布也。」案仲師 蚩蚩爲美。 釋丘》:「丘 將,願也。【疏】《傳》詁「氓」爲「民」,民 《釋文》引《韓詩》:「氓,美兒。」美 毛、韓訓 將子無怒,秋以 一成爲敦丘。」《傳》所本也 注又云:「或曰: 《周禮》曰:「爲壇三成。」 敦,亦厚也,言男子始 異意同。 我,女子自我 鄭司農《周 布,泉也。」 爲 平準 期。 匪 錯 治

禮

昏嫁正時、《詩》云「秋以爲期」,其明證也。 期 昏禮》納徵在許嫁三月之前,請期即在教女三月之中。 者、比肩並起。」案此即《傳》「願」字之義。 不願得以爲夫,處女莫不願得以爲士。 有室,女子生而願爲之有家。」《荀子・ 故隨文以别言之。《孟子・滕文公》篇:「丈夫生而願爲之 伯助予」,兩「將」字訓 之言,媒氏爲主。《傳》於此「將」訓 昏禮,必待媒妁之言。 良,善也。此女子雖與男子會期,而仍望善媒至也。 雅》:「諐,過也。」《説文》:「愆,籀文作「諐」。」期,會期也。 與《詩》「頓丘」無涉。 鬫駰云: 《水 丘縣漢屬東郡,今爲直隸大名府清豐縣,在大河故瀆之東, 故女子送男子,必涉淇而後至頓丘 涉淇,至于頓丘」者也。」是頓丘之西、北皆淇水之所逕流 (東門之楊))傳: 「淇水北逕頓丘縣,故城西,占文《尚書》以爲觀地矣。」案頓 ,則與親迎時近矣。 經 淇 「頓丘在淇水南。」又屈逕頓丘西、《詩》所謂「送子 水》注 「男女失時,不逮秋冬。」毛《傳》以秋冬爲 Ξ: ○「愆,過」、《傳》爲全《詩》通訓。 《野有死麕》傳: 請。 若仲春之月,奔者不禁,則不待媒妁 淇 水又東 請者,語氣直; 屈 「願」,「將仲子兮」、「將 也。 而西 非相篇》: 「春,不暇待秋也。」 弃其親家而欲奔之 《水經注》又云: 期,請期也。 轉, 願者,語氣曲 逕頓丘北,故 婦婦 秋行 人莫 ^令士 《**爾** 請

關。 齃 出。 盆。 仲、晉獻公筮嫁伯姬于秦,是嫁、娶皆有龜卜、蓍筮之事。 弟四章「静言思之,躬自悼兮」而總釋之,即《序》所謂「困而 下漣漣」,王注云:「漣漣,流貌也。」云「故能自悔」者,探下 者,以釋經「泣涕漣漣」句。 行,從近關出。」又二十六年《傳》:「大叔儀乃行,從近關 關,衛之郊關也。 引《詩》作「垝」,或作「陒」。垣、牆也。復,反也、猶來也。 賄,財,遷,徙也。【疏】[垝」訓「毀」,毀猶缺也。《説文》 自 復關,載笑載言。《傳》言其有一心乎君子,故 關,君子所近也。 「既見復關,載笑載言」,猶云「既見君子」也。 復關」非關名。 悔。 《傳》云「復關,君子所近也」者,言望君子之來,宜自近 公使止之。」蓋衛之境有遠有近,詩之「關」即衛之近 《傳》意正本《左傳》爲訓。 乘彼垝垣,以 , 兆卦之體。 爾卜爾筮,體無咎言。【傳】龜曰卜,著 「不見復關,泣涕漣漣」,猶云「未見君子」也。 ○爾,爾男子也。《左傳》稱懿氏卜妻敬 襄十四年、二十六年《左傳》:「蘧伯玉遂 不見復關, 泣涕漣 以爾車來,以我賄遷。 望復關。【傳】境,毀也。 《楚辭・九歎》「涕流交集兮,泣 云「言其有一心乎君子」 漣。 玩詩語意 既 【傳】 見 能 復 日

> 禮也。 謂也。 賄遷」,謂男子來以車徙財也。 體。 財」、《爾雅・釋言》文。「遷、徙」、《釋詁》文、《賓之初筵》、 文》引《韓詩》作「履」,云:「履,幸也。」訓異意同。 頌皆千有二百。 龜以開兆,蓍以揲卦。《傳》承卜筮言,故釋「體」爲 《殷武》同。《皇矣》傳亦詁「遷」爲「徙」。「以爾車來,以 《周禮・大卜》:「三兆,其經兆之體皆百有二十,其 言女鄉卜筮,然後與我爲禮,則無咎惡之言矣。」《釋 《禮記・坊記》引《詩》作「履無咎言」,鄭注云:「履, 三易,其經卦皆八,其别皆六十有四。」是 此亦一心乎君子之詞。 「兆卦 「賄 我 之

所起。 謂之然,其義一 《旄丘》傳又以「然」字代「如」字。 作「泆」,重言之,則謂之泆泆。《傳》以「然」字代「若」字, 《葛覃》篇以葛生興同。 【疏】「桑,女功之所起」,猶葛爲女功之所事,因桑生興,與 之耽兮,猶可説 醉而傷其性。耽,樂也。 桑葚。于嗟女兮,無與士耽。【傳】桑,女功之 桑之未落,其葉沃若。 沃若,猶沃沃然。 也。 《正義》云:「女取桑落、未落,興己色 也。 《隰桑》傳:「沃,柔也。」沃,《説文》 鳩,鵑鳩也。食桑葚過,則 女之耽兮,不可 女與士耽,則傷禮義。 如、若同聲,如謂之然,若 于嗟鳩兮,無· 説 也。 食

邪禁佚,調和心志」也。 也不爽」之意。 性,以興女與士過樂,則傷禮義之節,《韓詩外傳》所謂 鳩食桑葚, 物 亦 之盛、衰。」○「鳩,鶻鳩」,鶻鳩爲五鳩之一,春來冬去之鳥 「媅」之俗字。 《爾雅》:「妉,樂也。」邢疏引《詩》作 "媒,樂也。」今字「媒」通假作「湛」,「酖」又通假作「耽」。 口鳴鳩。 《泮水》傳: 醉 《小宛》傳:「鳴鳩,鶻鵰也。」鶻鵰與鶻鳩實一 凡樂過其節,謂之酖。 傷其性 「黮,桑實也。」「葚」與「黮」同。 诗義 此婦人自明持正以禮,即下章「女 未聞。 《説文》:「酖,樂 鳩於葚過食,醉傷其 「妣」乃「酖 **米酒也。**」 《傳》云 防

食貧。 也。 俗作「墜」。 貢 湯湯,水盛貌。帷裳,婦人之車也。 丽 隕 其 」,故「而」亦可 |爲「隊」。 「其黄而 極,中也。 行。 桑之落矣,其 淇水湯湯,漸車帷裳。 《爾雅》: 隕」,言黄且隕也。《君子偕老》傳「且」訓 士也罔極, 二三其德。 隋、 【疏】《傳》於《七月》、《小弁》、《縣》皆訓 訓旦。 隊義相近。 「隕、隊,落也。」隋亦落也。 黄 它放此。 而 「隋」之俗作「墮」,猶 隕。 桑落黄隕,喻顔色憔 自我徂 【傳】隕,隋也。 女也不爽,士 【傳】爽,差 爾,三歲 而,猶且 「隊」之

同。 也不爽,士貮其行」,言女也不差,上則差其行耳。《爾雅 朝矣」,即承此意而申言之。○「爽,差」、《釋言》文、《蓼蕭》 輜軿也。 티: 卦》彖傳曰:「忒,差也。」是「爽」與「忒」同訓爲「差」。「女 敢失其故常。 也。」君子謂孟姬好禮。 也。 《噫嘻》箋以「矣」字解「爾」字。《載驅》傳: 悴。 「忒」之借字也。 載姬以歸。 「婒」與「幨」通。 容」。《士昏禮》:「婦車亦如之,有談。」注:「談,車裳帷。」 婦人之車。」《箋》:「帷裳,童容也。」鄭司農注《巾車 水盛,以言淇水滿盛也。 ○徂,往,爾,猶矣。 方將落,隕其黃葉。 子·説山》篇云:「桑葉落而長年悲。」《易 林·履》云: 《詩述聞》云:「貳,當爲「貮」之譌。 今立車無駢,非所敢受命也。 「妾聞妃后野處則帷裳擁蔽,所以 下文又因色衰而追 漸者, 漬也。 姬使侍御者舒帷以自障蔽,而使傅母 下章「三歲爲婦,靡室勞矣。 《爾雅》:「爽、差也。 《列女傳·貞順》篇:「齊孝公使駟 失勢傾側,而無所立。」並與《詩》義同 自 潰車至於帷裳,以喻家道之難 禮,婦人出,必輜軿。」是帷裳又名 念初來辛苦,不宜 凡車不惟裳, 我徂爾」,猶 野 處無衛 爽, 忒 故《傳》云: 云「昔我往矣」也 正心 貮,音他得切,即 夙興夜寐,靡有 終棄爾。 「湯湯,大兒。」 壹意 也。」鄭注《豫 非所 自 馬立 - 》作「 敢 應 「帷裳 猶 **公居** 使 淮 斂 制 者 車 南

妃耦。」
妃親。」
位表日旦、梅爽忒也。」郭注曰:「傷見絶棄、恨説此詩曰:「晏晏旦旦、梅爽忒也。」郭注曰:「傷見絶棄、恨説此詩曰:「晏晏旦旦、梅爽忒也。」郭注曰:「傷見絶棄、恨説此詩曰:「晏晏旦旦、梅爽忒也。」郭注曰:「傷見絶棄、恨況此詩曰:「晏晏旦旦、梅爽忒也。」郭注曰:「傷見絶棄、恨況此詩曰:「傷見絶棄、恨況此詩曰:「傷見絶棄、恨況」

也。 風》、《檜・羔裘》箋皆以「悼」爲「傷」,言見暴而自傷也。 笑也。」「悼,傷」者,《方言》云:「悼,傷也。 秦謂之悼。」又 矣。【傳】悼,傷也。【疏】《雨無正》傳云:「遂,安也。」 其笑矣。【傳】咥咥然笑。 「女也不爽」也。「至于暴矣」句以起下文,此謂「士貮其行. 此「遂」字亦可訓爲「安」。「既遂」句承上四句説下,此謂 朝矣。言既遂矣,至于暴矣。兄弟不知,咥 云:「陳、楚之閒曰悼。 ○經言咥、《傳》重言之,則云咥咥。《説文》:「咥,大 一歲爲婦,靡室勞矣。 秦、晉之閒或曰矜,或曰悼。」《終 静言思之,躬自悼 夙 興夜寐,靡 有

有泮。【傳】泮,陂也。總角之宴,言笑晏晏。及爾偕老,老使我怨。淇則有岸,隰則

有岸也。 例也。 字。 哉 ! 信誓日|日|【傳】總角,結髮也。晏晏,和柔也。 誓旦旦然。 母之飾,總爲婦事舅姑之飾。《傳》意《詩》之「總角」即《内 男子亦稱之,故《甫田》傳總角爲聚兩髦。 之。」案總與總角別。男子拂髦,而女子總角。 髦,總角。」鄭注云:「總,束髮也,垂後爲飾。 也。」鄭所本三家義,而與毛意實同。 本消息》篇云:「拱揖指撝,諸侯莫敢不出,此猶隰之有泮 厓岸以自拱持,今君子放恣心意,曾無所拘制。」《繁露 阪,亦謂之陂。 阪下濕也。」「阪」與「隰」對文。 隰者下溼,其邊高之處謂之 未許嫁,年二十而笄,禮之。婦人執其禮,燕則鬈首。」注: 則》之「總」,不必就女子未笄時言也。 故《傳》以總角爲結髮。 「子事父母,總,拂髦。 杜子春注《腊人》讀「胖」爲「版」,此「半」、「反」聲同之 《車鄰》傳:「陂者曰阪。 【疏】《傳》訓「泮」爲「陂」者,謂「泮」乃「阪」之假借 《箋》云:「泮,讀爲畔。 不思其反。反是不思,亦已焉 阪亦厓、岸之異名。下溼之有阪,猶淇水之 婦事舅姑,總。 結髮但聚髮而無髦。 下溼曰隰。」《説文》:「隰 畔,涯也。 又《襍記下》:「女雖 ○《禮記・ 男女未冠笄者,拂 此就女子自説 言淇與隰皆有 總角,收髮結 髦爲子事父 其實總角 内則》: 6 随 信

叽

反。 覆不常,不思其前日信誓,亦既然哉,此皆棄背悔恨之詞。 悔恨。《雅》與《傳》訓異而義實同。反,讀如「反以我爲讎」之 笑則晏晏然,以信相誓,則悬悬然。 借字。《箋》云「言其懇惻款誠」,此申成毛義也。《釋訓》: 作【悬】。」引三家《詩》作「信誓 悬悬」。《毛詩》「旦旦」爲假 柔」,與《傳》訓同。 古宴、晏通用。 之謂歟? 笄而鬈首,謂分髮爲鬌紒也。」然則此詩言總角,猶即鬈首 ·晏晏、旦旦,悔爽忒也。」《爾雅》釋《詩》,謂初嫁之年,其言 「既笄之後去之,猶若女有鬌紒 「不思其反」,誓詞也。 宴,當讀如「宴爾新昏」之「宴」,宴謂宴安也。 《爾雅·釋訓》:「晏晏,柔也。」郭注云「和 定本:「旦旦,猶怛怛。」《説文》:「怛,或 已,既也。焉,猶然也。言今反 也。」孔 今士差 貮其行,故有此 疏云"「燕居則 法其 0

《竹竿》四章,章四句。

非禮也。故《序》於《泉水》思歸不云禮,而於《竹竿》之思歸等,之衛女,以不見荅而思歸,歸宗也。歸宗,義也。歸寧,而事實異。《泉水》之衛女,因念父母而思歸,歸寧也。《竹本》,衛女思歸也。 適異國而不見

爲「能以禮者」。

無由致,得禮則近,不得禮則遠也。 不,言有是也。莫,無也。言婦人樂成爲室家,雖有是思而 家、本夫家而思母家、始終之得其道、皆所以傷今也。 水,即淇水而思泉源,左右之得其宜,以興 楫、松爲舟,以興得夫婦之禮。 **擢擢,猶長而殺謂之梢擢也。 興者,竹竿爲釣,與末章檜爲** 疑《毛詩》本作「翟」、「翟」爲「擢」古文假借字。長而殺謂之 郭彼注云:「支竦擢也。」案梢、前、掣同。《説文》無「籊」。 長而 「紛容掣參」之「掣」。」《漢書・司馬相如傳》:「紛溶萷蔘。」 而纖也。」鄭注云:「掣纖,殺小貌。」鄭司農云:「掣,讀爲 殺者。或作「前」。」《考工記・輪人》:「望其輻,欲其掣爾 擢,直角反。』《集韻》:「梢,色角切。 「謂木無枝柯, 殺也」者,殺者,纖小之稱。《爾雅》:「梢,梢擢。」郭注云: 豈不爾思? 殺也。 籊籊竹竿,以釣于淇。【傳】興也。 釣 梢擢,長而殺者。」《釋文》:「梢,郭音朔。 遠莫致之。【疏】《傳》云「籊籊,長而 以得魚, 如婦 中閒二章言由泉源而達淇 人 待禮 梢擢,木無枝柯,長而 以 (由母家而 成 爲 室家。 籊籊 適夫

泉源在左,淇水在右。【傳】泉源,小水之

語》: 左。 澳水。 原,以卬浦而後大。」《傳》語似本此義爲訓 於淇水、故《傳》以泉源爲小水、淇水爲大水。 通作「源」。 大,興女子由幼以至成人。 嶺下,東逕朝歌城北,東南注淇水爲肥泉。《博物志》謂之 與左水合,謂之馬溝水。 歌城西北,一 爲美溝。 淇水則屈轉於朝歌之南,故曰在右。 「胥臣曰:「夫教者,因體能質而利之者也。」若川然有 斯水即《詩》所謂泉源之水也。」案源,古作「原」,今 雖不是淇水之發源,而要之泉源在上流,下注 水以北爲左,南爲右。 出東南。 其水南流,東屈,逕朝歌城南。 又東與美溝合,水出朝歌西北大 泉有原,猶教有本也。 泉源在朝歌北,故曰 泉源一爲馬溝, 水由小以 又東 **一**晉 達 在

也。《楚辭·大招》:「曆輔奇牙,宜笑嫣只。」王注:「言美也。」《詩》但爲笑而見齒之貌耳。」案胡説讀「瑳」爲「鹺」,是以《後箋》云:「磋,古文「齹」同。」《説文》:「鹺,齒參差之儺。【傳】瑳,巧笑貌。傑,行有節度。【疏】胡承之儺。【傳】廷,巧笑貌。傑,行有節度。【疏】胡承之儺。【辞】水在右,泉源在左。巧笑之瑳,佩玉

牙也。 云: 義未盡,乃加「度」字耳。《有女同車》「佩玉將將」、《傳 燎》傳:「噦噦,徐行有節。」亦無「度」字。或後人以「節」字 玉之儺。」」疑許所據毛《傳》祇作「行有節」,無「度」字。 酺,頰邊文,婦人之媚也。」《碩人》「巧笑倩兮」,彼《傳》云: 女頰有靨 「倩,好口輔。」謂靨酺也。 「酺」。』《淮南子・脩務》篇:「奇牙出,靨 「將將,鳴玉而後行。」所謂「行有節」也 《説文》:「儺,行有節也。 輔, П 有奇牙, 焉然而笑, 尤媚 此《傳》云:「瑳,巧笑兒。」謂奇 从人,難聲。 酺摇。」高注: 好 也。 《詩》曰: 輔, 《庭 「佩 「靨 作

《五經文字》:「滺,見《詩·風》,亦作「攸」。」」案攸從水爲 也。 憂。 行; 也,其中從水。《釋文》作「浟浟」。《玉篇》:「浟,水流兒。」 檜,柏葉松身。 从支,从人,水省。《六書故》云:「唐本作「水行攸攸. 男女相配,得 【傳】出遊,思鄉衛之道。 淇水滺滺,檜 楫,所以櫂舟也。 禮 而 楫 備。 [松舟。 駕言出遊, 【疏】《説文》:「攸,行水 舟楫相 【傳】滺 配,得 滺, 以寫 流 水而 貌。 我

0

卷

Ŧī

影印武林愛日軒刻本、徐子静本改。「珙」,原作「洪」,據求是堂本《毛詩後箋》與中國書店

字。 楫。 案《傳》以舟楫之得水喻男女之得禮,此亦待禮以成其室家 也。」《説文》:「楫,舟櫂也。」是櫂本楫之異名,舟櫂即舟 也,且言使舟櫂進也。 謂之緝。」《釋名》:「在旁撥水曰櫂。 言》:「楫謂之橈,或謂之櫂。 葉松身」、《爾雅・釋木》文。《禹貢》作「栝」。 檜、栝聲同・ 正字,隸變作「浟」,俗又誤作「滺」。 古舌、會聲通也。 苗》:「悠悠,行皃。」又《載馳》:「悠悠,遠皃。」《黍離》: 「寫,除也。」此《傳》云:「出游,思鄉衛之道。」《傳》互訓 一駕言出游,以寫我憂」,《泉水》句義皆同。 ·悠悠,遠意。」其字皆當作「攸攸」,通假作「悠悠」。 「檜,柏 《箋》云:「此傷己今不得夫婦之禮。」〇遊,當作「游」。 《手部》:「擢 《棫樸》傳亦云:「楫,櫂也。」《説文注》云:「許無「櫂」 此詩俱以淇水設喻,正是「思鄉衛之道」之意。 ,引也。1楫所以引舟而行,故亦謂之擢。」 《爾雅異》云:「檜,今人謂之圓柏。」《方 又謂之楫,楫,捷也。撥水使舟捷疾 所以隱權謂之策,所以縣權 攸、 櫂,濯也,濯於水中 、悠聲同義近。 彼《傳》云: **《** 愐

《芄蘭》二章,章六句。

《芄蘭》,刺惠公也。驕而無禮,大夫

刺之。

敷 ? 貌如錐,以象骨爲之。」鄭謂小臟解小結,則大臟解大結 舅姑,皆左佩小觽,右佩大觿。」注:「小觽,解小結 作「枝」。芄蘭之柔枝弱葉,興君子之德,當有柔潤温良,以 通稱,非芄蘭即蘿藦矣。《説文》引《詩》作「枝」,《説苑》亦 端大莖。」是雀瓢一名女青。蘿藦葉似之。芄蘭亦以相 【疏】芄蘭,草屬,故《傳》直以芄蘭爲草。 反刺惠公之驕慢無禮也。 女青别名也。」、《名醫增補》云:「女青,葉嫩時似蘿藦,圓 名蘿藦,幽州人謂之雀瓢。』《唐本草》: 文》:「芄蘭,莞也。」「莞」乃「雚」之誤。陵機《義疏》云:「一 儀可觀,佩玉遂遂然。垂其紳帶,悸悸然有節度。 知,以驕慢人也。容兮遂兮,垂帶悸兮。【傳】容 成其德。 成人之佩也。人君治成人之事,雖童子猶 德,當柔潤温良。 童子佩觿。【傳】觽,所以 「雚,芄蘭。」郭注云:「芄蘭蔓生,斷之有白汁,可啖。」《説 《説文》:「觿,佩角,鋭耑可以解結。 芄蘭之支、【傳】興也。 雖則佩觿,能不我知。【傳】不自謂無 〇《禮記·内則》: 「子婦事父母 芄蘭,草也。 「蘇恭云:「雀瓢,是 《爾雅・釋草》: 《詩》曰 佩 「童子佩 君子以 也。 觽,早 解結, 似

弘大。」上言「雖」而下言 雖是佩韘,而不我狎也。 冠。」然則人君十二而行冠禮,爲成人。人君治成人之事, 説: 歲星爲年,紀十二而一周於天。 佩」以下,總釋兩章「佩」字。童子,帝惠公也。《正義》引閔 亂者佩觿。」《傳》云「觿,所以解結」,釋經「觿」字。「成人之 謂我知,而不自謂我狎。 知」,言雖是佩觿,而不我知也。 而容貌得,接其服而象其德,故望玉貌而行能有所定矣。 故惠公得佩觽且佩韘也。 六。]以明惠公稱童子之義。《五經異義》:「《春秋左氏傳》 觿』。』《管子· 「不自謂無知」、「不自謂不狎」,以見其驕慢人。 君子以德,當柔潤温 一年《左傳》: 》正言之也。 」通,皆語詞之轉。 經言「佩觿」、「佩韘」、雖是成人、亦當謙退、而不自 「百人操觿,不可爲固結。」又《修文》篇: 「芄繭之枝,童子佩觿。」説行能者也。」〇古「能 「初,惠公之即位也少。」杜預云:「蓋年十五 白心》篇: ○《左傳》、《孝經》皆云 温良」也。 《傳》乃申明經義,寔刺惠公,故云 「能」,與上言「雖」而下言「而 猶《民勞》篇云:「戎雖小子,而式 「觿解不可解 則,猶是也。 云「早成其德」者,即《傳》所謂 《説苑》云:「故君子衣服 「雖則佩韘,能不我甲」,言 天道備,故人君可以 而 「雖則佩觿,能不我 「容止可觀」,容儀 : 后解。』《説苑 能 經反言之. 治煩決 句 襍 法 中 革帶。 即容止。 佩 帶 訓 玉 崱有

與「而

《詩》曰:

雅・釋器》「遂」有「瑞」、「綬」兩義。 紳」苞注、《書》「紳」孔注並云:「紳,大帶也。」鄭司農注《典 皆合素爲裨,士則練裨,皆謂之大帶。 其垂者乃大帶也。 成聲,容儀遂遂、《玉藻》所謂「習容觀玉聲」,鄭注《祭義》云 狐》、《尸鳩》、《都人士》之「帶」皆大帶 也。」又《白虎通義・衣裳》篇云:「所以必有紳帶者、示 瑞》云:「晉,讀如「薦紳」之「薦」,謂臿於紳帶之閒若帶 經之「垂帶」,紳亦帶也。 亦用朱、緑終裨,上以朱,下以緑。」《傳》云「垂其紳帶」,釋 大帶,所以東衣。 「遂遂,相隨行之貌」是也。帶,大帶也。 益繁。」遂,猶遂遂也。 人而有容儀也。 ,即《玉藻》所謂 「瑞」,而於此篇之「遂」爲「綬」。 革帶服於要,大帶用組系結於紐。 《詩》之「容」與《儀禮・士冠禮》之「容」義同 革帶 可 鄭注《士冠禮》云: 先服革帶,然後加之以大帶。 知。 「素帶終裨」。 其廣四寸,垂長三尺。天子、諸侯、大夫 丽 「遂遂」與《大東》「鞙鞙」同。 《内則》「韓紳」鄭注、《論 紳帶 悸悸, 彼疏云:「諸侯以素爲帶 「容者,再加彌成 佩玉有綬,行則動 《傳》於《大東》之「遂 詩言「佩玉遂遂然」, 自 惠公垂帶,爲諸侯之 也。 屬 古者有大帶,又有 革帶,所以繫佩 大帶。 悸,猶 革帶不 此及《有 悸悸也。 語 歌綬以 謂 其 爾爾 垂 敬 劒 拖 成

謹,自約整也。」皆紳、帶連文同義。

「悸」與「縈」聲亦相近。近。哀十三:年《左傳》「佩玉縈兮」,《説文》:「縈,垂也。」《韓詩》「垂帶萃兮」,云:「萃,垂皃。」「悸」與「萃」古聲相《韓詩《重帶皮》,《釋文》引「悸悸然有節度」,《傳》所以形容其垂帶之狀。《釋文》引

者,舉「決」以該「極」也。 兼言決,但經典言決拾,無言極拾,故《傳》以「決」釋 以鉤弦,極以放弦。 所以韜指,利放弦也。 《傳》訓同。 文》:「韘,射決也。所以拘弦,以象骨韋系箸右巨指。从 佩韘,《内則》曰「佩決」。《車攻》傳:「決,鉤弦也。」《説 韋,裝聲。 射御則佩韘。 《傳》義。 「極」釋「韘」也。 《大射儀》 「朱極三」,注云:「極,猶放也。 「玦」字誤。《釋文》:「玦,又作「決」。」《玉篇》:「韘,決也。」 容兮遂兮,垂帶悸兮。【疏》《傳》云「韘,玦」, 小指短,不用。」案決箸右巨指,極冒右中三指。 芄蘭之葉,童子佩韘。【傳】韘,玦也。 鄭司農注《周禮 《詩》曰:「童子佩韘。」或从弓作「弽」。」此與 《箋》云:「韘之言沓,所以嫗沓手指。」此以 雖則佩韘,能不我甲。 兩事相須。《士喪》、《大射禮》言極必 以朱韋爲之。三者,食指、將指、無 《箋》以「極」釋「韘」者,亦是足成 • 繕人》云:「決者,所以縱弦。」 【傳】甲,狎 韘 決 能

雅》:「狎,習也。」習,習禮也。知,知禮也。内亂」,鄭、王本皆以「甲」爲「狎」,此甲、狎字通之證。《爾內亂」,鄭、王本皆以「甲」爲「狎」,此甲、狎字通之證。《爾子假借作「甲」、《釋文》引《韓詩》正作「狎」。《多方》「因甲于御者佩韘。」〇「甲,狎」、《爾雅・釋言》文。《毛詩》用古文御者佩韘。」〇「甲,狎」、《觀苑・修文》篇亦云:「能射此古人「決」、「極」

《河廣》二章,章四句。

云「思而不止」者,思,憂思,不止,猶不已也。 既嫁不歸寧。 「夫無逆出妻之喪而爲之也。」蓋婦人既出不歸葬,猶婦人 反曰來歸。」九年春,「杞伯來逆叔姬之喪以歸」。 終襄公世不返宋,故不繫諸宋桓,而繫諸宋襄也。《序》云 襄公母」者,宋桓公夫人也。何以不言宋桓夫人? 「逆喪」以見譏。 「成五年春,杞叔姬來歸。」《穀梁傳》:「婦人之義,嫁曰歸 作是詩也。【疏】案此詩宋襄公母所作也。《序》云「宋 (詩)録《河廣》以存禮。 「歸于衞」者,歸,歸宗也。 ·河廣》,宋襄公母歸于衛,思而不止,故 杞叔姬歸於魯,其義與杞當絕,故《春秋》書 「宋襄公母歸于衛」,其義與宋當 《序》與《穀梁傳》皆正論也。 女既歸宗,義當廟絶。《春秋》: 當時衛有狄 《傳》: 以夫人 《序》

孔子奚取焉? 馳》,許詩。 桓公逆諸河,立戴公以處曹,則此詩之作,自在逆河之前。 於其宗國皆有存亡繼絕之思,故録之。 不已,故篇内皆敘其望宋渡河救衛,辭甚急也。 人之難、宋襄公母歸在衛、見其宗國顛覆、君滅國破、憂思 《河廣》作,而宋立戴公矣。《載馳》賦,而齊立文公矣。《載 《河廣》,宋詩。 《鹽鐵論・執務》篇:「好德如《河廣》。」此 而繫列於庸、衛之風,以二夫人 若僅謂思子而作。 未幾 而 宋

三家《詩》義。

或云"「河」當作「漢」。

辭·九歎》注引《詩》作「企」。 跂、企古通用。 部》及白居易《六帖》六兩引《詩》作「航」。 航,乃俗字。《楚 義》皆引《説文》「鯛」字,而於「一葦杭之」,並不及《方部》之 或作「杭」。」《後箋》云:「《廣雅・釋詁》:「抗,渡也。」 疑 誰謂宋遠? 「斻」,是陸、孔皆知「杭」非即「斻」字也。」案《初學記・地 〈詩》「杭」本亦有作「抗」者。 誰 謂 河 廣? 跂予望之。【疏】《説文》:「抗,舉也。 葦杭之。 【傳】杭,渡也。 次章「曾不容刀」、《釋文》、《正

曾不崇朝。 一葦,桴栰之小, 誰 謂 河 【疏】《箋》云:「小船曰刀。」《正義》云:「上 廣? 此刀宜爲舟船之小。」引《説文》作 曾不容刀。 誰 謂 宋 遠 $\overline{?}$

賞

卷

Ŧī.

鯛。 《箋》云:「崇,終也。行不終朝,亦喻近。」 釋地》云:「鯛,舟也。」《蝃蝀》傳以「崇朝」爲「終朝」, 鯛,小船 也。《釋文》同。 今《説文》無「鯛」。 《廣

伯兮》四章 ,章四句。

事,則帥而致之,掌其戒令與其賞罰。」鄭注云: 【傳】 殳,長丈二而無刃。 【疏】《傳》釋「伯」爲「州伯」者 諸侯當下大夫。《州長職》云:「若國作民而師 長。《周禮》州長,每州中大夫一人。天子州長中大夫,則 州之大夫也,何里之士也。」此亦謂州里之伯。 義》引解「州伯」謂「州里之伯」,是矣。《管子・問》篇: 《禮記・内則》: 朅,武貌。桀,特立也。 驅,過時而不反焉。【疏】《箋》云:「衛宜公之時,蔡 案事在魯桓公五年,衛宣公之十三年也。 王,周桓王也。 人、衛人、陳人從王伐鄭伯也。 爲王前驅久,故家人思之。」 韶 则 则 《伯兮》,刺時也。 伯兮朅兮,邦之桀兮。【傳】伯,州 是於軍 因 「州史獻諸州伯,州伯命藏諸 爲師 帥。」「朅,武皃」、《碩人》同。《玉 伯也執殳,爲王前 言君子行役,爲王前 「掌其戒令 州府。」《正 田行 州伯即州 伯 7役之 驅。 也。

爲士。 [三命以下,於天子爲士。]衛之君子爲王前驅者,自是諸侯 之伯其以州長而攝旅賁歟? 祀,授旅費殳。」《説文》「殳」下亦云"「旅費以先驅。」《詩》 也。 也。 法》曰: 爲戈戟之刃,不言殳刃,是無刃也。」《説文》又云:「祋,殳 作「傑」。《説文》:「傑,執也。 英桀」、《正義》作「英傑」。《衆經音義》卷五引此經、《傳》俱 月》、《載芟》傳並以「傑」、「特」同訓,與此同。《箋》云「桀 貌。」侹,疑「健」之誤。 馬,建羽旗。」《文選》注引《韓詩》云:「偈,桀侹也,疾驅 篇 云:「凡矝八觚,殳首有鐏而無刃。」故《正義》云:「《冶氏 「《禮》" 殳以積竹,八觚,長丈二尺,建於兵車。」鄭注亦 之爲「桀健」。《説文》無「偈」字。 人》:❶「殳長尋有四尺。」是殳長丈二也。《説文》云: 《詩》曰:「何戈與祋。」」「杸,軍中士所持殳也。《司馬 有所撞挃於車上,使殊離也。」《周禮•司戈盾》:「祭 人部 《曲禮》:「列國之大夫,人天子之國,曰某士。」注: 「執羽從杸。」」役、杸亦皆殳也。《釋名》云:「殳,殊 》引《詩 》作 偈。 《韓詩》「庶士有桀」,訓「健」。 宋玉《高唐賦》: 材過萬人也。」○《考工記・廬 《後箋》云:「執殳之旅賁則 桀者,「傑」之假借。 「偈兮若 連言 , 駕 正 駠

自伯之東,首如飛蓬。【傳】婦人夫不在,

大夫,於王朝則爲士耳。」

也。 《爾雅》:「仇,匹也。」竝與「主」義相近。 勢也。」並與《詩》「飛蓬」同。《傳》云「婦人夫不在,無容飾」, 丘》傳:「蒙戎,以言亂也。」《管子·形執》篇:「飛蓬之問,不 東行,故據以言之,非謂鄭在衛東。○○飛蓬,猶蒙戎。《旄 者、時蔡、衛、陳三國從王伐鄭、則兵至京師、乃東行伐鄭 在所賓。」尹知章注云:「蓬飛因風,動揺不定。」《淮南子》: 【疏】《正義》云:「此時從王伐鄭。 「容」字即探下句爲訓。 「見飛蓬轉而知爲車。」《商子》:「飛蓬飄風而行千里,乘風之 容 上云「爲王前驅」,即云「自伯之東」,明從王爲前 飾。 豈 無 流膏沐, 適,當讀爲敵,《説文》:「敵,仇也。」 誰 適爲容? 鄭在衛之西南,而言東 容,謂容飾也 【傳】適、主也。 驅 丽

登於天。」尹注云:「杲,明貌。」《楚辭・遠遊》:「陽杲杲其貌,故《玉篇》云:「杲,日出也。」《管子・内業》篇:「杲乎如古其、維通。「其雨其雨」,猶云維雨維雨也。杲杲,日出之矣。願言思伯,甘心首疾。【傳】计,厭也。【疏】其雨其雨,杲杲出日。【傳】杲杲然日復出

■ 「廬」,原作「盧」,據阮刻《周禮注疏》與中國書店影印

末光兮。」與此「杲杲」同。《傳》云「日復出」、《箋》申之以爲未光兮。」與此「杲杲」同。《傳》云「甘心」、「疾首」平列,資。之寒《左傳》「甘心」與《詩》「甘心」不同。快意謂之甘心,憂念之思滿足於心亦謂之甘心。《傳》以「厭」詁「甘」,之學為之。」案《左傳》「甘心」與《詩》「甘心」不同。快意謂之甘心,憂念之思滿足於心亦謂之甘心。《傳》以「厭」詁「甘」,不要。之意也。《小弁》云、「疢如疾首。」趙注《孟子・梁惠王》篇云、「疾首,頭痛也。」「甘心」、「疾首」平列,言「首疾」者,蓋倒句以協韻耳。

證。《正義》云「令人善忘憂」,「憂」字以鄭説爲毛説耳。」案愛。背,北堂也。願言思伯,使我心痗。【傳】。《傳》云「令人忘憂」,儀徵阮元《校勘記》云"「此當之省。《傳》云「令人忘憂」,儀徵阮元《校勘記》云"「此當之省。《傳》云「令人忘憂」,儀徵阮元《校勘記》云"「此當方。《傳》不言「憂」、《箋》以「憂」申之也。《釋文》:「令人善忘」。《傳》不言「憂」、《箋》以「憂」申之也。《釋文》:「令人,力呈反。善忘,亡向反。」《爾雅》釋文引《傳》作「安得舊艸」,或作「令人善忘」。《箋》:「憂以生疾,恐將危身,欲忘之。」 「褒」,或作「章」。《傳》公「令人善忘」,《後》於「意」即「褒」。《傳》云「令人忘憂」,儀徵阮元《校勘記》云"「此當之省。《傳》云「令人善忘」,「震」即「褒」之省。《傳》云「令人善忘」,「震」字以鄭説爲毛説耳。」案

《本草綱目》云:「今東人採其花跗,乾而食之,名爲黄花 《説文》云:「令人忘憂之艸。」《文選》謝惠連《西 交》「亦孔之痗」、《傳》與此同。《説文》無「痗」字。 樹草於堂上」,誤矣。 以樹之者,謂此也。 下有餘地可以樹草,故婦人於房中偶見生傷,欲得善忘之草 房,陰堂。」亦此義也。室之北有北牖,房之北有北階。 司徹》注"「北堂,中房而北。」則以房之近北者爲北堂矣。 鄉陰」也。《士昏禮》鄭注:「北堂、房中半以北。」《特牲》、《有 後有房有室。室西,房東。人處在於室,治事在於房。中房 菜。」案今俗謂針金菜即此。 在堂北,謂之北堂、《詩》謂之背。背者、《北門》傳所謂「背明 北堂,燕寢之北堂也。古人居室之制爲五架之屋,前有堂 蔥,味甘而無毒,主五藏利心志,令人好歡樂無憂。]李時 憂」、《説文》言「忘憂之艸」,皆足以補明《傳》義,非有異也 作「萱」。《傳》文當作「諼草令人善忘」六字。 注引《韓詩》「焉得諠草」,薛君云:「諠草,忘憂也。」諠,當 《淮南子・原道》篇:「上漏下溼,潤浸北房。」高注云:「北 古不言諼草爲何草,唯蘇頌《圖經》云:「萱草,俗謂之鹿 北堂正指北堂階下、《正義》謂 ○「痗,病」,《爾雅·釋詁》文。《十月之 然古無此説也。○「背,北堂」 《韓詩》言「忘 陵遇風 「婦人欲 北階 詩

一七三

桊

Ŧī

(有狐》三章,章四句。

《有狐》,刺時也。衛之男女失時,喪其《有狐》,刺時也。衛之男女失時,喪其《有狐》,刺時也。衛之男女失時,喪其[民人]。《摽有梅》傳亦作「民人」。《摽有梅》傳亦作「民人」。《摽有梅》傳亦作「民人」。《摽有梅》傳亦作「民人」。《摽有梅》傳亦作「民人」。《摽有梅》傳亦作「民人」。《摽有梅》傳亦作「民人」可說。

中,以爲步渡彴也。 也 水者爲梁,見《詩傳》。」又「石杠謂之徛」,郭注云:「聚石水 石渡水爲梁,與《説文》「履石渡水爲砅。 爲文文、與《齊・南山》同。「石絶水曰梁」、絶者、渡也。 狐妃耦而行綏綏然,以興無室家者狐之不若也。綏綏,讀 興者,以狐爲興。《傳》云「綏綏,匹行兒」者,匹者,妃耦也 【傳】之子,無室家者。 匹行貌。 《爾雅》: 有 狐綏綏,在彼淇梁。【傳】興也。 石絶水曰梁。 「隄謂之梁。」郭注云: 《孟子》曰:「歲十月徒杠成。」或曰:今 在下曰裳,所以配衣也。【疏】 心之憂矣,之子無裳。 「即橋也。 或作「濿」」義同 或曰:石絶 綏 綏, 以

> 尊卑。 衣帶。 有室。 次章云「申束衣」、皆以足成經義。 曰衣,下曰裳。」是裳在下也。 氏》云:「無夫家,謂男女之鰥寡者。」是室家猶夫家也。 子,兼男女言。桓十八年《左傳》云: 「在下曰裳,所以配衣也」者,《緑衣》、《東方未明》傳:「上 之「石杠」,石杠亦梁也,故得通稱。 〇之子,無室家者。 之可行,非石橋也。」然則毛《傳》「石絶水曰梁」即是《爾雅 《傳》云「言無室家,若人無衣服」,兼男女説。 之石橋。」段注《説文》云: 衣帶、就表裏言、表裏猶内外。末章「之子無服 不言「衣」者,文不備耳。 無相瀆也,謂之有禮。易此必敗。」」鄭注《周禮 「石杠者 無裳,謂無衣裳。 故《傳》於首章云「配衣」, 衣裳,就上下言,上下猶 , 謂 「申繻曰:「女有家,男 兩頭聚 石,以木横架 無帶,謂 굸 媒 之

之旁」以釋《詩》「厲」字,則又與《說文》「履石渡水」義相近。

孝。 心之 憂矣,之子 無帶。【傳】帶,所以申未

有苦葉》謂水深可涉也。此與《爾雅》「以衣涉水」、「由帶以
有苦葉》謂水深可涉也。此與《爾雅》「以衣涉水」、「由帶以
有苦葉》謂水深可涉也。此與《爾雅》「以衣涉水」、「由帶以

傳:「側,猶厓也。」無服。 【傳】言無室家,若人無衣服。 【疏】《伐檀》有狐綏綏,在彼淇側。 心之憂矣,之子

用組,廣三寸,其結之下垂者長三尺

《木瓜》三章,章四句。

乘、甲士三千人以戍曹。歸公乘馬,祭服五稱,牛、羊、豕、【疏】魯閔公二年《左傳》云:「齊侯使公子無虧帥車三百器服焉。衛人思之,欲厚報之,而作是詩也。敗,出處于漕。齊桓公救而封之,遺之車馬敗,出處于漕。齊桓公也。衛國有狄人之

卷

Ŧī.

也。」〇《小箋》云:「瓊爲玉之美者,故引伸凡石之美皆謂水也,可食之木。瓊,玉之美者。琚,佩玉名。匪水也,水以爲好也。【疏】《爾雅》:「楙、木瓜。」木瓜寶,故《傳》又云「可食之木」。郭注《爾雅》:「楙、木瓜。」木瓜。」大瓜為《傳》又云「可食之木」。郭注《爾雅》:「楙、木瓜。」木瓜、上黄。」《水經・江水》注云:「江水逕魚復縣之故陵,地瓜,上黄。」《水經・江水》注云:「江水逕魚復縣之后木瓜」謂多木瓜樹,有子大如甒,白黄,實甚芬香,《爾雅》之「木瓜」謂多木瓜樹,有子大如甒,白黄,實甚芬香,《爾雅》之「木瓜」謂多木瓜樹,有子大如甒,白黄,實甚芬香,敬引伸凡石之美皆謂也。」〇《小箋》云:「瓊爲玉之美者,故引伸凡石之美皆謂也。」〇《小箋》云:「瓊爲玉之美者,故引伸凡石之美皆謂也。」〇《小箋》云:「瓊爲玉之美者,故引伸凡石之美皆謂也。」〇《小箋》云:「瓊爲玉之美者,故引伸凡石之美皆謂

應

瓊,如 劭曰:「瓊,玉之華也。」」「琚,佩玉名」,《小箋》云:「「名」乃 玉瓊琚」、《秦風》言「瓊瑰玉佩」,一也。 「石」之誤。 「此説非也。 瓊 琚 佩玉石者,謂佩玉納閒之石也。」《後箋》云: 瓊瑶、瓊華、瓊瑩、瓊玖、瓊英、瓊瑰皆是也。 襍佩謂之佩玉,亦謂之玉佩,故《鄭風》言[佩 佩玉名者,襍佩非

名,誤矣。」

一,其中有名琚者耳。段以琚乃佩玉之一物,不得爲佩玉

《韓詩外傳》作「蠙珠」。然「珠」字從玉,其初蓋以玉爲者,後 者,賈誼《新書》言「佩玉捍珠以納其閒」、《大戴》作「蚍珠」、 爵。』《禮記》:「玉爵獻卿,瑶爵獻大夫。」是其等差。」《後箋》 箋》云"「《正義》」作「美石」,不誤。《釋文》作「美玉」,誤也。 以瑶爲珠,以充佩玉,故知瑶亦佩玉名也。」 乃用蚌珠代之。荀卿賦曰:「旋玉瑶珠,不知佩也。」古人殆 云:「《吕記》引《傳》尚作「美石」。《正義》云「瑶亦佩玉名 《説文》琨、珉、瑶皆石之美者。《周禮》:「王獻玉爵,后獻瑶 匪 投我以木桃、報之以瓊瑶。【傳】瓊瑶、美 **□報也,永以爲好也。【疏】:瓊瑶,美玉」、《小**

名。 匪報也,永以爲好也。【傳】孔子曰: 投我以木李,報之以瓊玖。【傳】瓊玖,玉 '「吾於

弗

救調

《木瓜》,見芭苴之禮行。」【疏】「瓊玖, 見楊雄《蜀都賦》、《漢書・西域傳》,師古曰:「玉石,石之 傳以明玖非全玉矣。」○《傳》於章末引孔子語以總釋全章 誤。 以瑶之美石、玖之玉石證琚雖佩玉名,而亦爲玉石襍也。 明此三者皆玉石襍也。」此玖言「玉名」,亦當作「玉石」,蓋 名」,則與「琚,佩玉名」同,不得云三者互矣。《正義》又 琚爲佩玉名、瑶爲美石,三者互文見義。 若作「瓊玖,玉 名」,下《傳》云「瓊瑶,美石」、「瓊玖,玉名」。三者互也。」此 似玉者也。」」《後箋》云:「首章《正義》云:「此言「琚,佩 玉黑色者。」今此《傳》作「玉名」,乃「玉石」之誤耳。玉石」 云:「《王風》傳曰:「玖,石次玉者。」《説文》:「玖,石之次 匪報也,永以爲好也。」上少投之,則下以驅償矣。 群臣附。」其下引:「《詩》曰:「投我以木瓜,報之以瓊琚。 篇:「苞苴問人。」《新書·禮》篇:「苞苴時有筐篚,時至則 者,必苞苴之。《尚書》曰: 蓋木瓜、桃、李皆苞苴之果實也。《箋》云:「以果實相 今本《正義》「瓊玖,玉名」、「玖言玉名」二「名」字皆「石」之 云: 「琚言佩玉名、瑶、玖亦佩玉名。 「瓊玖,玉名」,「名」當作「石」。 若此《傳》本以玖爲玉名,則《正義》不當引《丘中有麻 「厥苞橘柚。」《禮記 蓋謂《傳》訓瓊玖爲玉石 瑶言美石,玖言玉名 玉名」、《小箋》 曲 禮 與

卷

五

詩毛氏傳疏卷六

長洲陳奂學

王黍離詁訓傳弟六 毛詩國風

澗水之東,而成周又在瀍水之東,爲東都下邑。 又云:「雒邑與宗周通封畿,東西長而南北短,短長相 周公遷殷民,是爲成周。河南,故郟鄏地,周武王遷九 都於此,不復及天下之事,故謂之曰王國之風焉。 相雒邑,周公兼營成周。 所謂東西長也。 覆爲千里。」案雒邑即王城也。 鼎,周公致大平,營以爲都,是爲王城,至平王居之。」 【疏】王,王城也。《漢書·地理志》云:「河南郡雒陽, (》序云:「是以一國之事,繫一人之本,謂之風。 王國十篇,二十八章,百六十二句。 周西東都本通畿,王城居瀍水之西 幽王既滅宗周,而平王遂徙 鎬京至王城千里而近 召公 《關

與《毛詩序》列《黍離》於《王風》之首者不同

宣公子壽閔其兄見害而作,所傳聞異。此皆三家《詩》説

動其父文侯,是自指伯封作。

而《新序・節士》篇又以爲衡

之讒,而殺孝子伯奇,其弟伯封求而不得,作《黍離》之詩。」詩,《太平御覽・人事一百一十》、《百穀六》兩引《韓詩》以詩,《太平御覽・人事一百一十》、《百穀六》兩引《韓詩》以宗問,過故宗廟宮室,盡爲禾黍,閔周室之顛宗問,過故宗廟宮室,盡爲禾黍,閔周室之顛之。

憂。不知我者,謂我何求。悠悠蒼天,此何靡,循遲遲也。揺揺,憂無所愬。知我者,謂我心室。行邁靡靡,中心揺揺。【傳】邁,行也。靡

七八七八

黍離》三章,章十句

《晨風》、《黍離》。」《韓詩外傳》亦有其文。倉唐以《詩》諷

倉唐曰:「業《詩》。」文侯曰:「於《詩》何好?」倉唐曰:「好大子擊於中山。趙倉唐見文侯,文侯曰:「子之君何業?」陳思王本《韓詩》也。劉向《説苑·奉使》篇云:「魏文侯封

玄

遲。 曰:

離離稷猶苗者,至此始信《詩》言不謬矣。」案程説辨黍、稷 天津,見黍廢正秀,而高粱竟畝無一秀者。 黍糜又次之。然則首穜者,高粱也。」又云:「瑶田六月過 穜謂稷。」今以北方諸穀播種先後考之,高粱最先,粟次之, 之矣。《月令》:「孟春行冬令,首穜不人。」鄭注:「舊説首 穜,蓋言穜黍之極時,其正時實夏至也。 穜黍皆云大火中,是以夏至而穜也。《説文》獨言以大暑而 苗。」此《箋》申成《傳》意也。 宫室毁壞,而其地盡爲禾黍。 故《傳》依《序》釋「彼」爲「彼宗廟宮室」也。 然,則稱蒼天。【疏】詩言「彼黍」、「彼稷」即是宗周之地 君之,則稱皇天。 書》:「黍,暑也,確者必待暑。」説與《説文》同,亦以極時言 盘。 稱旻天。 「彼黍離離 若不早穜 高粱種在黍 鏖前,秀在黍 鏖後,在地時日久,其秀反 此以目驗證經義,尤見確實。《御覽》引《薛君章句》 【傳】悠悠,遠意。 自上降鑒,則稱上天。 ,斷不能收。 ·彼稷之苗。] 元氣廣大,則稱昊天。仁覆閔下, 向疑高粱首穜,而《詩》乃云黍 程瑶田《九穀考》云:「諸書言 一離離,黍貌也。 我以黍離離時至,稷則 蒼天,以體言之。 據遠視之蒼蒼 因問之農民,則 《箋》云:「宗廟 氾勝之《穜 詩人求己兄 尊而 殖 尚 似。

則

秋爲旻天,冬爲上天。』《異義》:「天號,今《尚書》歐陽說: 所終薄。」《漢書・五行志中上》引《左傳》: 又作「倉」」是也。《爾雅・釋天》:「春爲蒼天、夏爲昊天 意」、「沖沖、鑿冰之意」、皆其例。蒼、古作「倉」、《釋文》「本 注云:「摇摇,不安之貌。」《説文》:「摇,動也。」《廣雅 篇:「若風將至,必先揺揺。」《楚策》:「心揺揺如懸旌,而 懼,無所諦也。」義與《傳》同。《説文》有「摇」無「愮」,於 雅》:「怊怊,憂無告也。」本又作「揺」。郭注云:「賢者憂 行皃。」《玉篇・彳部》:「嫲嫲,猶遲遲也。 今作「靡」。」《爾 邁」連文。靡、遲一語之轉。《邶・谷風》傳云:「遲遲,舒 之苗,乃自知憂之甚也。」此韓與毛異。 不得,憂懣不識於物,視彼黍離離,然憂甚之時,反以爲稷 黍、稷莫辨。若首章視黍離離,不得目爲稷之苗,苗狀不相 垂也。」下一章言稷穗、稷實亦是離離之狀。憂懣不識,故 「爰爰,緩意」、「惸惸,憂意」、「蛇蛇,淺意」、「施施,難進之 《傳》云「悠悠,遠意」者,探詩人之志必得,故訓之「意」。 「揺,亂也。」○《訪落》傳:「悠,遠也。」重言之爲悠悠。 「懽」下引《爾雅》作「愮愮」爲誤字。《大戴禮・武王踐阼 「行邁靡靡」,猶云「行道遲遲」耳。《雨無正》、《小旻》皆「行 韓不若毛之優。 ○《傳》訓「邁」爲「行」,邁亦行也。 《湛露》傳:「 「遠哉揺揺。」顔 離離 如

各據其盛者爲名也。 作「春蒼」、「夏昊」者不同。 雅》亦然。」是許叔重所據《爾雅》作「春昊」、「夏蒼」,與今本 春曰昊天,夏曰蒼天,秋曰旻天,冬曰上天,總爲皇天。 氣廣大,則稱昊天。仁覆慜下,則稱旻天。 云 《傳》更釋其名義也。《周禮・大宗伯》賈疏引古《尚書》説 指夏天。 釋五天名號之義,當亦本《爾雅》。 爲昊天」與《異義》同。」與案《桑柔》篇「以念穹蒼」,云: 聲。」此亦兼採《爾雅》、今《尚書》、古《尚書》説也。 下•乔》篇: 書》説也。 《虞書》曰: 有作「春昊」、「夏蒼」者。 昊天」是也。」《白虎通義》並載《爾雅》兩説,是《爾雅》舊本 天,夏曰昊天,秋曰旻天,冬曰上天。《爾雅》曰「一説春爲 云"「考《白虎通義・四時》篇曰"「四時天異名何? 「穹蒼,蒼天也。」《傳》本《爾雅》。 《説文・弟七上・ 「天有五號,各用所宜稱之。尊而君之,則曰皇天。 《爾雅》春昊、夏蒼、秋閔、冬上爲四時名號,而 所引《虞書》即《異義》之古《尚書》説也。《弟十 「仁閔覆下,則稱旻天。」」此用《爾雅》與今《尚 「昦,春爲界天,元氣界界。 春、秋物變盛,冬、夏氣變盛。 日》篇"【旻,秋天也。 許君《異義》及鄭駮所據《爾雅》皆 福州陳壽祺《五經異義疏證 此因詩言「蒼天」、《傳》總 黍離離在夏時,則蒼天 自上監下,則稱 从日、齐,齐亦 从日,文聲 其曰「春 春曰蒼 天尊, **愛** 元

> 哉」、《箋》云:「此亡國之君,何等人哉? 疾之甚。」 《信南山》、《文王》之「上天」,皆不取四時之名號。「此何人 之「昊天」、《雨無正》、《小旻》、《召旻》之「旻天」、《小明》、 莪》、《抑》、《桑柔》、《雲漢》、《瞻卬》、《昊天有成命》、《時**邁**》 《抑》、《雠》之「皇天」,《節南山》、《雨無正》、《巧言》、《蓼 於四時,故全《詩》中若《秦。 云「遠意」亦同。 成從古《尚書》說云"「夏氣高明,故以遠言之。」與毛《傳》 上天。 據遠視之蒼蒼然 又案四時名號,各施所宜。 ,則稱蒼天。」説與毛《傳》同。 黄鳥》、《巷伯》之「蒼天」, 泛稱自不專泥 鄭 康

義。 「穗」、「采」同字。禾秀曰采,稷秀亦曰采。《生民》「實發實 之自見如此。 始至之時,三章無變文。 秀」、《傳》:「不榮而實曰秀。」是實亦秀也。 心憂。不知我者,謂我何求。 靡,中心如醉。【傳】醉於憂也。 何人哉!【疏】《説文》:「采,禾成秀也。 人自黍離離見稷之穗,故歷道其所更見。 道,言也。 彼黍離離,彼稷之穗。【傳】穗,秀也。 《傳》云「故歷道其所更見」者,以總釋全章之 下篇《序》云「君子行役無期度」,即此意也 稷則有苗、 穗、實之異,皆是詩 悠悠蒼天,此 知我者,謂 黍離離爲行役 俗作「穂」。」是 行邁 我 靡

八〇

詩

三「憂」字一例。 《傳】自泰離離見稷也」句法正同。「憂無所愬」、「醉於憂」、「憂不能息」、《傳》以「憂不能息也。」,「謂噎」,此何人哉! 《疏》、傳》以「憂不能息,」。 然悠蒼天,此何人哉! 《疏》、傳》以「憂不能息,獨不能息也。」「謂噎」二字讀逗,與「嘌」下「謂嘌嘌,無節度。 知我者,謂我心憂。 不知我者,謂我何也。 知我者,謂我心憂。 不知我者,謂我何也」句法正同。「憂無所愬」、「醉於憂」、「憂不能息」、《傳》自泰離離見稷也」句法正同。「憂無所愬」、「醉於憂」、「憂不能息」、《傳》自奏離離見稷也」句法正同。「憂無所愬」、「醉於憂」、「憂不能息」、《傳》自奏離離見稷也」句法正同。「憂無所愬」、「醉於憂」、「憂不能息」、《傳》自奏離離見稷也」句法正同。「憂無所愬」、「醉於憂」、「憂不能息」、《傳》之實。《傳》自泰離離見稷

《君子于役》,刺平王也。君子行役無期《君子于役》二章,章八句。

度,大夫思其危難以風焉

漢人作「西」字矣。《爾雅·釋宫》:「鑿垣而棲爲塒。」郭注巢上。或作「棲」。」《衡門》「可以棲遲」,漢碑作「西遲」。此君子于役,如之何勿思?【疏】《説文》:「西,鳥在塒、【傳】鑿牆而棲曰塒。日之夕矣,羊牛下來。君子于役,不知其期,曷至哉? 雞棲于

卷

六

引《詩》作「時」,爲「塒」古文假借字。《爾雅》,承上句「雞棲」爲言,不言「鑿垣」者,略也。毛《傳》云:「今寒鄉穿牆棲雞。」《説文》云:「雞棲垣爲塒。」許本云:「今寒鄉穿牆棲雞。」《説文》云:「雞棲垣爲塒。」

兮》傳:「桀,特立也。」雞棲弋有特立之狀,故謂之桀。桀 《地官・牛人》:「以授職人而芻之。」鄭注云:「職,讀爲檝 橜也。」《兔罝》「椓之丁丁」、《傳》云:「丁丁、椓弋聲也。」 桀、《爾雅》作「榤」。「杙」、「榤」皆後出字。《説文》:「弋 近。○「雞棲于杙爲桀」、《釋宮》文。「于杙」當作「於弋」。 《毛詩》。《釋文》引《韓詩》:「佸,至也。」「會」與「至」義相 苟無饑渴?【疏】佸、會疊韻聲通,如「話」或作「譮」、 任,會也。雞棲于桀、【傳】雞棲于代爲桀。 日之 傳:「來,至也。」「括」與「佸」義相近。《箋》云:「言畜産出 之爲言特也,猶塒之爲言止也。下括,猶下來。《采薇》 樴謂之弋,可以繫牛。]是置兔、繫牛與棲雞皆用弋也。 《伯 夕矣,羊牛下括。【傳】括,至也。君子于役, 人,尚使有期節。 「檜」亦作「栝」之例。《説文》:「佸,會也。」《玉篇》同。本 君子于役,不日不月,曷其有佸?【傳】 至于行役者,乃反不也。」

《君子陽陽》二章,章四句。

得禄而已,不求道行。」爲禄仕,全身遠害而已。【疏】《箋》云:「禄仕者,苟爲禄仕,全身遠害而已。【疏】《箋》云:「禄仕者,苟爲禄十,閔周也。君子遭亂,相招

即等,其笙之大者歟? 巢,小者謂之和。]郭注云:「列管瓠中,施簧管端。 即笙也、《車鄰》、《鹿鳴》同。 爲陽。」此陽、揚聲通之例。 所用其心」義合。陽,即「揚」之假借。《玉藻》注:「揚,讀 效篇》「則揚揚如也」,楊注云:「得意之貌。」竝與《傳》「無 記》列傳作「揚揚」、《晏子・襍上》篇亦作「揚揚」。《荀子・儒 稱「晏子御,擁大蓋,策四馬,意氣陽陽,甚自得」。今《史 君有房中之樂。 高注《呂覽・仲夏紀》云:「竽,三十六簣。笙,十七簣。」武 聲。」《周禮》: 十六簧。笙,十三簧。」《説文》、《廣雅》皆本此説。 簧,笙也。 君子陽陽,左執簧、【傳】陽陽,無所用其 和,十三簧者。 「笙師掌教龡竽、笙。」鄭司農注云: 右招我由房。【傳】由,用 其樂只且! 【疏】《正義》引《史記》 《鄉射• 故諸家並以十三簧者爲笙之管。 ○《傳》釋「簧」爲「笙」者,謂簧 《爾雅・ 記》曰:「三笙一和而成 釋樂》:「大笙謂之 也。 大者十 疑「巢」 國 ئن،

廟,天子明堂。」則此云「房中」自在大廟中可知。

《月令》:

進莊逵吉以「七」爲「三」之誤,是已。 則房爲路寢之房。 設黼泉、綴衣,下言東房、西房。 天子設黼扆在路寢明堂, 鼓在西房。 兑之戈、和之弓、垂之竹矢在東房。」案上言狄 中」者、路寢之房中也。《書・顧命》:「胤之舞衣、大貝、鼖 中之樂,而君子位在樂官,故得相招評其僚友也。 下言「由房」即燕合鄉樂也。毛《傳》以「房中之樂」釋之,正 鄉樂在笙人閒歌已後,則此詩上言「執簧」即笙人閒歌也 曰:「有房中之樂。」此《記》文正釋經「鄉樂」之義。《禮》言 《采蘋》。大師告于樂正曰:「正歌備。」」又《燕禮 貫之以匏,故《白虎通義》云: 夫人副褘立于房中。」案上文言祀周公于大廟。 十二所。」此一證也。 者布政之堂。上圜下方,堂四出各有左右房,謂之个。 本《燕禮》爲訓。「右招我由房」,我,我僚友也。 《周南・關雎》、《葛覃》、《卷耳》、《召南・鵲巢》、《采蘩》、 嘉魚》,笙《崇丘》,歌《南山有臺》,笙《由儀》。 《蕩》「人尚乎由行」、《傳》亦訓「由」爲「用」。《小弁》箋云: 由,用也。」《燕禮》:「乃閒歌《魚麗》,笙《由庚》, 高注《淮南子・本經》篇云:「明堂,王 《禮記・明堂位》:「君卷冕立于阼 「笙曰匏。」〇「由. 簧爲笙中之管,其底 遂歌鄉樂 又曰:「大 王燕用房 訓 歌《南 所謂 「房 行用」, 記

之也。 侯同。 於正寢作樂。」又《玉藻 房。」又云:「此路寢之樂,謂路寢之下、小寢之内作之。 都,王城其路寢,當從天子明堂之制 之樂」。 同 天子路寢即明堂,爲九室。 子、諸侯而言之。 屯 廟中,故《覲禮》「右肉袒于廟門之東」,鄭注以爲受次於文 不復如明堂。」其 天子亦國 寢,不在燕寢可知。 寢之大廟大室也。 王廟門之外,則《記》云「東箱」在文王廟中。 青陽 室有東、西箱曰廟。」東西箱即東西个、東西房也。 制。 就昵也。 又≪燕禮・ 明 燕合鄉樂,非專爲燕同姓設也,則天子之燕亦在 諸侯燕群臣在路寢,燕同姓之臣在燕寢。 東箱、東夾之前、相翔待事之處。」案天子觀諸侯 此又一 覲禮 君 今辟雍十月行此燕禮。]案鄭以寢爲路寢, 堂、 也。 總章、玄堂、 記》: 記 *: 證也。 (説皆謬亂 《正義》云:「天子路寢有五室,無 諸侯燕寢東房,西室其路寢,有左右房。 有 燕樂行於路寢之房中,故《記》「有房 「燕朝服於寢。」鄭注: 「几俟于東箱。」鄭注: 東箱,必有西箱。 周公攝政,制禮作樂,築王宫於東 》疏引熊安生云: 大廟各有左右 其燕寢左右房,與諸侯之路寢 不 行可從。 ○只、且 《傳》云「國君」, 《爾雅 「平王微弱, 1个。」此 三王即 「燕於路寢,相 文王廟,即路 皆 天子與諸 語詞 釋宫》: 席, 此一證 證 ,統天 ,乃設 路 左 也 也。 非 雖 路 在 寢 右 中

連言之曰「只且」。只且,猶「也且」。《騫裳》曰「也且」,皆是也。有言「只」者,《柏舟》「母也天只,不諒人只」是也。《北風》篇同。《詩》有言「且」者,《椒聊》「椒聊且,遠條且」

爲語末助詞

纛也, 刀反。 《傳》皆錯亂不可讀。 《禮記・檀弓》:「人喜則思陶。」鄭注云: 引《爾雅》,而《釋文》亦不爲「翳」字作音。 《釋文》: 《爾雅》曰: 記》:「諸侯匠人執翻以御柩。」鄭司農云: 之職》:「及葬、執縣、以與匠師御匶而治役。」鄭注引: 「俢」、「嗂」聲俱相近。 「和樂」同 「羽葆幢也。」」《爾雅》釋文不爲「翳」字作音。 杜篤傳》注引《薛君章句》: 「鬱陶、繇,喜也。」《文選》枚乘《七發》注及《後 君子陶; 翳也。 又徒報 蘇 義。 「翻,驫也。」以指撝輓柩之役,正其行列進 桃報反。 反。 《説文》:「徭,喜也。」「暚,喜也。」「陶」與 右 陶、左執翿、【傳】陶 招 縣,字又作「纛」。 《爾雅》:「翻,縣也。」《釋文》: 我 ○案翿、驫、 翿 由 `劉音桃,戚徒報反。」《周禮注 敖。 「陶,暢也。」「暢」與《傳》云 翳三字兩訓、爾雅》、毛 其 徒 樂 陶 「陶,鬱陶也。」《爾 報反。 和和 只 「翻,羽葆幢 是陸所見之《爾 《周 且 樂 鄭 貌。 禮 衆云: 「翻,徒 鄉師 退。 也。」 (疏) 翻 漢

轉寫者遂誤合「翳也」於「龘」字之下,失《爾雅》之舊本矣。 所持以自蔽翳。」 此李、孫但爲「翻,縣也」作訓。 李巡曰: 雅 馮猶在元朗之前,則其所見毛《傳》猶不誤。 傳》已衍「龘也」二字。《五經文字》云:「龘,見《詩》。 反,沈徒老反。 陽陽》、《宛丘》兩篇並云:「翳,於計反。」又云:「驡,徒報 承,兩訓不必相同,而意義實合一轍。 《爾雅》: 林宗鈔本《釋文》亦作「翢」。 傳》文。 之隸變。 翿 舞者所持 「纛」,譌。」張乃踵陸之誤耳。 · 賙」字,皆從毛氏古文説。 (詩))曰: : 》無 · 釋言》文也。 「蘇翳 「纛」但見《周禮》,許不録「纛」字,猶不録《周禮》之 「翻,縣也。」毛《傳》:「翻,翳也。」此解經義各有師 翿 「左執翳。」」許引《詩》作「翳」,訓 《説文》: ,謂羽舞 也 ,舞者所持纛。」孫炎曰: 二三字。 俗作「纛」。」陸所見《爾雅》不誤,其所見《詩 」此郭依「翿」有 又「翻、翳也。 「翳,舞者所持以指麾。」《箋》承「翳」字作 (也。」《宛丘》傳: 「翳,翳 《詩 正義》云: 此 也 《玉篇》: 《爾雅》「翻」,宋本作「翢」,葉 《傳》「翻,翳也」,《箋》:「翳 翳訓 郭璞云:「今之羽葆幢,舞者 翳同。」此毛《傳》文也。 所 以舞也。 「鷺鳥之羽,可以爲翳。 「《釋言》: 「纛,舞者所持羽。」」 《釋文》於《詩・君子 ,故以「蔽翳」解之,乃 「翢,纛也。」此《爾 「翳」,正本《毛詩 蓋翻者,「翳」 从 翻翻 羽, , 蘇也。」 酘 聲。 作

《方言》: 兩得之矣。 《箋》、《説文》、《玉篇》,又何由正毛《傳》之誤? 毛《傳》衍「鴦翳也」三字、毛《傳》又依已誤之《爾雅》 訓 也。」此 《詩 訓「翻」爲「翳」,義同,而所施各異。《宛丘》「值翻」即《周 犛牛尾爲之。 也」二字。 子路寢行明堂、 祀、賓客、舞其燕樂。」鄭司農注《樂師》云: 下士四人,舞者衆寡無數。 禮》之「旄舞」也。 禮》之「皇舞」也。 《終南》、《權輿》、《墓門》、《株林》、《伐柯》、《狼跋》皆是。 之壇》、《揚之水》、《野有曼草》、《溱洧》、《葛屨》、《園有桃》、 此篇及《二子乘舟》、《君子于役》、《遵大路》、《騫裳》、《東門 敖」也,不與上章同義。 則 》義亦合。 《傳 「敖」字與《鹿鳴》「敖」字同。 「翻,幢翳也。」是「翻」、「翳」皆舞器之名。 》中無「纛」字,又足證 不有《釋文》,何由識《爾雅》之誤? 凡舞有羽有旄,羽用翟羽,旄即漢之羽葆幢,以 《説文》:「旄,幢也。」《廣雅》: ○《鹿鳴》「嘉賓式燕以敖」、《傳》:「敖,游 辟雍之禮,執翻即 翳者,但以翳指撝也。 翳者,謂以 凡詩二章,下章不與上章同義者 凡四方之以舞仕者屬焉。 い粉覆 也。 頭 由,用也。 秉 今本《爾 也。 旄也。 《周禮》: 此 「辟雍以旄。」天 雅 「執翻 「翻謂之幢。」 仲師之説 用敖, 兩釋之,斯 》依已誤之 《傳》兩 不有 一即《周 衍 '猶「以 旄 凡 蠢 鄭 蹞 祭

《揚之水》三章,章六句。

屯戍于母家,周人怨思焉。《揚之水》,刺平王也。不撫其民,而遠

也。 聊》、《候人》並同。彼是子,席平王也。我,我民也。不,發 似。」《嵩高》箋:「迈,聲如「彼記之子」之「記」。」《大叔于田 也 之政,疾趨遠戍,視民如草芥然。○「彼其之子」,彼是子 謂不能流漂束楚乎?」言能流漂也。二《傳》義同。則經中 古語。《鄭風·揚之水》傳云:「揚,激揚也。激揚之水,可 也。 歸哉?【疏】《傳》以「激揚」釋「揚」、《淮南子・本經 申,姜姓之國,平王之舅。 「不」字爲發語詞矣。激揚之水,流漂草木,興平王用頻急 《詩》,《毛詩》皆作「其」。 「忌,讀如「彼己之子」之「己」。」蓋「記」、「己」本二家 「抑減怒瀨,以揚激波。」高注云:「抑,止也。 瀨,急流也。 其,語助。《箋》云:「其,或作「記」,或作「己」,讀聲相 彼其之子,不與我戍申。【傳】成,守也。 揚之水,不流束薪。【傳】興也。揚,激 而抑止之,故激揚之波起也。」「激揚」蓋 此及《鄭・羔裘》、《汾沮洳》、《椒 懷哉懷哉,曷月予還 淢,怒水 揚

王伐之。 聲。 也。 爲申故都,自宣王徙諸謝邑,申乃在宛縣之南作爲侯伯,其 近彊楚。 徙雒邑,而申亦漸弱。《序》箋云:「申國在陳、鄭之南,迫 於驪山戲下。」然則幽王之末,申方彊盛。平王奔申,而 十一年而斃。」章注云:「申,姜姓,幽王前后大子宜咎之舅 殺大子以成伯服,必求之申。 舅也。」周與申國亦世爲昏姻矣。《鄭語》:「史伯曰: 國始大。云「平王之舅」者、《嵩高》傳又云:「申伯,宣王之 《嵩高》傳以申爲四嶽之後,是姜姓之國也。 音讀如獸。戍、守疊韻。《采薇》箋亦云:「戍,守也。」《釋 傳「以」、「與」同義。是「與」、「用」、「以」三字同也。成,古 而繒與西戎會以伐周,周不守矣。」後幽王九年,王室始騷 「申、繒、西戎方彊,王室方騒,將以縱欲,不亦難乎? 文》引《韓詩》云:「戍,舍也。」戍、舍雙聲。 此謂遠戍,故下 文言思念征夫,從行不能還歸耳。〇云「申,姜姓之國」者, 大子將奔申,幽王伐申。 與,猶用也、以也。《采苓》傳「與」、「用」同義,《九跋》 申殺幽王,立宜咎於申,是謂平王。 王室微弱而數見侵伐,王是以戍之。」 申、繒召西戎以伐周,殺幽王 申人弗畀,必伐之。若伐申, 漢南陽郡宛縣 平王遂以東 王欲 幽

揚之水,不流束楚。【傳】楚,木也。彼其

卷

六

屈申城。 《漢廣》「翹翹錯薪,言刈其楚」是也。 十里有吕城。」《漢書・地理志》:「南陽郡宛,故申伯國,有 云 皆作「吕」。甫、吕古同聲。 궄 楚, 莢棘兒」皆是也。《學記》注云:「楚, 荆也。」《説文》 生》「蒙楚」、「蒙棘」、《黄鳥》「止棘」、「止楚」、《楚茨》傳「楚 哉,曷月予還歸哉? 淯水之南,又有南就聚。 水逕宛西吕城東,四嶽佐禹治水有功,虞夏之際受封於吕。 有力焉,戍甫在所必 在幽王之末稱彊國,且吕與申共隩愛大子,則平王東遷,吕 吕。1又曰:「申、吕方彊,其隩愛大子,亦必可知也。」」案吕 楚」、《鄭・揚之水》亦以「束楚」、「束薪」分章。 之子,不與我戍 《詩》及《孝經》、《禮記》皆作「甫」、《尚書》、《左傳》、《國語 淯水南逕宛城東,其地,故申伯之都。 「楚,叢木。 淯水》:「東過宛縣南,又屈南過淯陽縣東。」酈注云: 「諸姜也。」《鄭語》:「史伯曰:「當成周者,南有申 縣南有北筮山。 名荆也。」「荆,楚木也。」○甫,即吕國 |也。《潛夫論・志氏姓》篇:「宛西二 前。 聚在淯陽之東北。」致北筮山、潛 育陽, 甫,四嶽之後,申同姓,故《傳》 【疏】上章言「束薪」,此言「束 【傳】甫, 有南筮聚,在東北。』《水 諸 楚木爲棘之類、葛 又南,梅谿水注之, 姜也。 楚亦薪材 懷 哉 懷

> 所滅。 《左傳》楚圍宋之役,子重請取申、吕以爲賞田,蓋吕亦楚 伯國。 夫論 申在宛南,吕在宛西,故史伯荅鄭桓公云申國方彊,而又兼 南筮聚在謝之南,吕侯城在宛西,不在謝西也。 及吕國也。 《毛詩》之「謝」,三家《詩》作「序」,或作「徐」,漢人或爲 「筮」,或爲「就」,此古今聲同音轉之變徙也。 》謂之「北序山 縣南有北筮山,淯水所逕,宣王徙封於謝,即其地。 楚伐申在春秋魯莊公之六年, 吕未聞。 _ 南筮聚、續漢志》謂之「南就聚」。 漢宛縣,故 西周之末. 成七年

《傳》:「蒲,蒲柳。」鄭蓋以上章「東楚」爲木一類耳。《正 哉,曷月予還歸哉?【疏】蒲爲草、《澤陂》、《韓奕》 之子,不與我戍許。【傳】許,諸姜也。 許。」段注云:「甫侯即吕叔,吕叔即文叔也。」《地理 所封,在潁川。 作「靐」,隸變作「鄦」。《説文》:「靐,炎帝大嶽之胤 義》依《箋》爲説,謂薪是木名,不宜爲草,失之。○許國,古 之「蒲」同。《説文》:「蒲,水艸也。」草亦薪也。《箋》易 「潁川郡,許故國。 揚之水,不流束蒲。【傳】蒲,草也。 讀若許。」《敘目》云:「呂叔作藩,俾侯于 姜姓,四岳後。 大叔所封,二十四世爲 懷 彼其 哉 志》: ,甫侯 懷

據此,許有立平王之大功。時有侵伐,故兼戍之與?冢《紀年》:「平王奔申,申侯、魯侯、許文公立平王於申。」甫、申同壤,而許去申遠。昭二十六年《左傳》疏劉炫引汲許州即春秋時許國。許、申同姓,故《傳》亦云「諸姜也」。

《中谷有蓷》三章,章六句。

凶年饑饉,室家相棄爾。 《中谷有蓷》,閔周也。夫婦日以衰薄,

也。 草》:「萑,蓷。」疑上一字作「蓷」,下一字作「隹」。 文》引《爾雅》作「蓷,鵻」,或本與毛《傳》同。 離,嘅其嘆矣。【傳】似,別也。 「益母。」《本草》:「益母,茺蔚也。」劉歆曰:「蓷,臭穢。」」又 人之艱難矣。【傳】艱,亦 「隹」釋「蓷」,毛《傳》以「鵻」釋「蓷」,鵻從隹聲也。 暵,菸貌。 「蓷,茺蔚也。」《正義》引:「《韓詩》及《三蒼》説悉云: 中 谷有蓷, 暵其乾矣。 【傳】興也。 陸草生於谷中,傷於水。 難也。 嘅其嘆矣,遇 【疏】《爾雅 《釋文》引《韓 有女仳 《爾雅 蓷, 《釋 釋 鯡

> <u>·</u> 種。 也。 乾矣」。 重耳。」凡全《詩》中疊字平列者,放此 即引此詩,本《傳》訓 蓷傷於水,興夫婦衰薄實由凶年。 傷水之所由。云、陸草生於谷中,傷於水」,此總釋全章 《詩》作「鷆」、《毛詩》作「暵」,謂「暵」即「鵜」之假借字,不能 蔚。 《神農本草》「茺蔚」與「菴間」爲二草。 足之。《七月序》正義亦云:「艱,亦難也。 尼定也。「菸」與「蔫」一語之轉。 引《義疏》云:「舊説及魏博上濟陰周元明皆云「菴間」。」案 「菸,鬱也。 暵」字,兼括「乾」、「脩」、「溼」三義,而又上承「中谷」,明雍 「艱難」合一字一義。 臭穢即茺蔚之轉聲,今俗通謂之「益母草」,華有白、紅 「婑,枯死也。 《説文・水部》:「鶧,水濡而乾也。」引《詩》作「鶧其 或許所據《毛詩》作「鷄」,今本誤作「暵」。 一曰: 婑也。」《廣雅》: 姜, 蔫也。」《傳》云「菸兒」者,以釋三章 也。 别離,言相棄也。 古人屬辭,一字未盡,重 ○《説文》:「仳,別也。」 《説文》:「蔫,菸也。」 ·蔫、菸、矮, 慈也。」《廣 蓷一名鵻,一名茺 但古人之語字 艱 、難,謂 二一字以 或三家 饑饉 也

歉矣,遇人之不淑矣。【疏】《説文》:「脩,脯也。」有女仳離,條其歉矣。【傳】條條然獻也。 條其中谷有蓷,暵其脩矣。【傳】脩,且乾也。

八八七

六

言曰條條。 乾、脩爲兩候,似非《傳》恉。 盡乾之義,與「乾燥」之「乾」不同。《傳》變文立訓,互相足 乾,不盡乾也。 弟二章即承弟一章立訓,如《羔羊》「革,猶皮也」、《緇衣》 「嘯」。」《江有汜》箋:「嘯,蹙口而出聲。」淑,善也。 ·乾」同意、《傳》不云「脩,猶乾也」,而云「脩,且乾也」者,目 ·好,猶宜也」,此通例也。 脯 《箋》云: 凡全《詩》通例,詩三章,弟二章與弟一章同意,《傳》於 , 乾肉也。 條條然者,歡聲也。 「鵻之傷於水,始則溼,中而脩,久而乾。」分 乾肉謂之脯, 「脩」訓「且乾」,則弟一章言「乾」亦且乾、不 此詩弟二章言「脩」,與弟一章言 亦謂之脩,因之凡乾皆曰 ○《椒聊》傳:「條,長也。」重 《釋文》:「歗,本又作 脩

也。」或本三家《詩》。○啜,猶歡也。依經言,故云「泣皃」。有女仳離,啜其泣矣。【傳】啜,泣貌。啜其泣矣,何嗟及矣。【疏】「齇遇水則溼」,即首章《傳》所云矣,何嗟及矣。【疏】「齇遇水則溼」,即首章《傳》所云矣,何嗟及矣。【疏】「齇遇水則溼」,即首章《傳》所云序草生於谷中,傷於水」也。《説文》「鷬」下言「水濡而「陸草生於谷中,傷於水」也。《説文》「鷬」下言「水濡而「陸草生於谷中,傷於水」也。《説文》「鷬」下言「水濡而「陸草生於谷中,傷於水」也。《説文》「漢」、「濕,欲乾也。依經言,故云「泣皃」。

《诗》仍作「何嗟」,亦皆傳寫誤倒。」 《後箋》云:「《箋》云:「及,與也。 泣者,傷其君子棄己。 嗟及矣」。然《外傳》引孔子曰:「不慎其前,而悔其後。 嗟嗟及矣」。然《外傳》引孔子曰:「不慎其前,而悔其後。 嗟嗟及矣」。然《外傳》引孔子曰:「不慎其前,而悔其後。 嗟嗟及矣」。然《外傳》引孔子曰:「不慎其前,而悔其後。 嗟嗟及矣」。然《外傳》引孔子曰:「不慎其前,而悔其後。 嗟以矣」。然《外傳》引孔子曰:「不慎其前,而悔其後。 嗟後箋》云:「《箋》云:「及,與也。 泣者,傷其君子棄己。 嗟《卷箋》云:「《箋》云:「及,與也。 泣者,傷其君子棄己。 嗟《卷箋》云:「《箋》云:「及,與也。 泣者,傷其君子棄己。 嗟

《兔爰》三章,章七句。

其事也。魯桓公五年,周桓王之十四年。 伐鄭,鄭伯禦之。戰于繻葛,王卒大敗,祝聃射王中肩。」是桓五年《左傳》云:「王奪鄭伯政,鄭伯不朝。秋,王以諸侯構怨連禍,王師傷敗,君子不樂其生焉。【疏】

之後、逢此百罹、尚寐無吡。【傳】罪、憂、叱、我生之初、尚無爲。【傳】尚無成人爲也。我生緩意。爲網爲羅、言爲政有緩有急、用心之不均。有兔爰爰、雉離于羅。【傳】興也。爰爰、

百離」。 作「訛」、《玉篇》引作「吪」。 《詩》曰:「尚寐無吪。」」《正義》云:「「吪,動」,《釋詁》文。」 今《釋言》作「訛」。 今《釋詁》作「訛」。 傷己逢之、《序》所謂「不樂生」也。 又作「離」。」離爲憂,則「逢此百離」,猶下章「逢此百憂」耳 本又作「離」。」《文選》盧諶《贈劉琨詩》注引《毛詩》作「逢此 文。《説文》無「罹」字。疑古《毛詩》作「離」、《釋文》: 無背叛之心,所以閔今桓王之失信也。 《斯干》「無父母詒罹」、《傳》:「罹,憂也。」「罹,本 《破斧》正義云: 《釋文》: 動,謂動作也 「吪,本亦作「訛」。」《無羊》篇 「「吪、化」、《釋言》文。 《説文》: 0 罹,憂」、《釋詁 「吪,動也

趯,良犬逐咋。

雄雌爰爰,爲鷹所獲。」與《詩》「爰爰」同 「爰爰,緩也。」《釋器》:「鳥罟謂之羅。」皆

動

也。

【疏】爰爰,讀

與與

「緩」同。

《易林

未濟》:

狡兔趯

《爾雅•

釋訓》:

《傳》所本也。

云

即僞。 《説文》引《詩》作「雉離于罨」。 文。 《傳》訓 後,逢此百憂,尚 我生之初, 「作爲」之爲,作僞」,是「爲」即「僞」也。 《爾雅・釋言》云:「作、造,爲也。」「造爲」之爲「造僞」,猶 郭注云:「今之翻車也。 有兔爰爰,雉離 此與《思齊》、《閔予小子》、《酌》傳 「造」爲「僞」,以與上章《傳》「成人爲」實一 尚 無 造。 寐無覺。【疏】「罦,覆車」、《釋器 【傳】造,爲 于罦。【傳】罦,覆車 有兩轅,中施罥,以捕 ○「造,爲」、《釋言》文。 又《釋詁》云:「載 也。 訓 同 我 而 生 義 義 鳥。」 也。 也 異 之 爲

六

一九〇

哉! 君人者千歲而不覺也。」「寤,覺也。」覺、寤可互訓。《荀子・王霸篇》:「嗚呼哀僞」之「爲」,是「僞」亦「爲」也。 古爲、僞通用。《關雎》傳:謨、食、詐,僞也。」「載、謨、食」爲「作僞」之「爲」,「詐」爲「詐

日罿」。 之罦。 《説文》正本《爾雅》爲説。《釋文》引《韓詩》云:「施羅於車 罬」,亦《釋器》文。《爾雅》:「繴謂之罿。 訓「聰」爲「聞」,無聰、 罿。」「罿謂之罬。」「罬謂之罦。 逢此百凶,尚寐無聰。 能 ○「庸,用」、《齊・ 上曰罿。」《御覽·資産部十二》引《薛君章句》作「張羅車上 生之初,尚無庸。 「試,式」矣。 「罦」。」「罿,罬也。」「罬,捕鳥覆車也。」又《糸部》:「繴謂之 寐而無闻乎? 」同義 罗,覆車也。」《説文· 有兔爰爰,雉離于罿。【傳】罿,爰也。 《韓 無用者,謂無用師之苦。 詩》謂罿爲覆 南山》同。 尚 『寐無吪』、「尚寐無覺」,「尚」字竝 無聞也。 【傳】庸,用也。 車, 庸從用、「庸,用」,猶「侬,次」、 网部》:「雹,覆車也。 【傳】聰,聞也。【疏】「罿 捕鳥覆車也。」蓋一物五名 尚,猶也。 與上章之「罦」一 聰、聞皆從耳、《傳》 罿, 罬也。 我生之後, 言時值凶 物矣。 亂 或作 罬謂 我 與 猶

葛藟》三章,章六句

《群書治要》亦作「刺桓王」。桓王詩。《詩譜》左方中作「平王」者,疑徑轉寫者之誤。辟,於桓爲有徵矣。《釋文》、定本、崔靈恩、皇甫謐皆以爲群,於桓爲有徵矣。《釋文》、定本、崔靈恩、皇甫謐皆以爲其九族焉。【疏】《兔爰》刺桓、《葛藟》、不應刺平。玩詩其九族焉。

顧。 藟而興,又以葛藟爲比,故毛《傳》以爲興,《左傳》則以爲比。 墓猶能庇其本根,故君子以爲比,況國君乎?」</br> 河厓反刺。 道已相遠矣。 長不絶之貌。 君尊嚴,如南山 相連及」、《竹竿》「如婦人待禮以成爲室家」、《齊・南山》「國 凡全《詩》通例,《關雎》「若雎鳩之有别」、《旄丘》「如葛之曼延 曰:「公族,公室之枝葉也。若去之,則本根無所庇陰矣。 葛 邑在焉故也。 【疏】興者,言王之恩澤不及親戚,故其族以葛藟長大 緜縣葛藟,在河之滸。【傳】興也。 蓋王城北逾大河,在東都畿内,王子弟所封采 文七年《左傳》:「宋昭公將去群公子,樂豫 崔崔然」、《山有樞》「如山隰不能自用其 謂 水厓曰滸。 他人父。 終遠兄弟、【傳】兄弟之 謂他人父,亦莫我 緜 緜

之田: 親撫之,以與鄭人,所謂「謂他人父」也。 父者,是即遠棄也。 引毛《傳》與《正義》同。 者,託事於物。 喻、 于他家」、《晨風》「如晨風之飛入北林」、《菁菁者莪》「如 典,有周室之師旅,樊仲之官守焉。 非王之親姻? 二邑,其後襄王以田賜晉文公。《左傳》:「倉葛曰:「此誰 子是以知桓王之失鄭也。]案此十二邑皆在河厓,桓王不能 既、已三字同義。 全《詩》「終」字通訓。 是。」○《傳》云「兄弟之道已相遠矣」者,以「已」釋「終」,爲 所本也、《縣》同。 不絶」者,據《傳》文「長」下有「而」字。《文選・南都賦》注 之長莪菁菁然」、《卷阿》「猶飄風之人曲阿」,曰若、曰 財」、《綢繆》「若薪芻待人事而後束」、《葛生》「喻婦人外成 兄甥舅也。 日猶,皆比也。 蓋言興,而比已寓焉矣。《正義》云「縣縣然枝葉長而 温、原、絺 君定王 其俘之也。」」又《晉語》:「陽人有夏商之嗣 作詩者之意,先以託事於物,繼乃比 、樊、隰郕、 《説文》作「汻」,徐鉉云:「今作【滸」,非 遠,猶棄也。 《傳》則皆曰興。 室 隱十一年《左傳》:「王與鄭人蘇忿生 《既醉》傳又以「終」字釋「既」字。終、 |而殘其姻族,民將焉放?|可 《爾雅·釋水》:「滸,水厓。」《傳》 | 欑茅、向、盟 兄弟,九族之親也。 其非官守,則皆王之父 比者,比方於物。 州、陘、隤 鄭終不能 知河厓 **能有此十** 謂他人 懷。 如 方於 君 興 Ħ 阿

左右,皆王族之世官邑矣。

也。 母,亦莫我有。【疏】《釋丘·厓岸》:「涘爲厓。」《傳》 案《荀子·大略篇》云:「友者,所以相有也。」亦謂相親有 也。 又有母之親。已相遠棄,故云「又無母恩」也。《廣雅疏證 也。」僖元年《公羊傳》「自南涘」,何注云:「涘,水涯。」涯 書》曰:「王出涘。」」《思文》正義引鄭注《大誓》云:「涘,涯 所本也。《蒹葭》、《大明》同。《説文》:「涘,水厓也。 遠兄弟,謂他人母。【傳】王又無母恩。 無《傳》者,易曉耳。 云"「古者謂相親曰有。 「也」字。《正義》以爲《箋》,則誤也。 王於兄弟有父之尊 者,「厓」之俗。 毛《傳》多本《荀子》,則此詩「有」自當作「相親有」解。 有,猶友也。 縣縣葛藟,在河之涘。【傳】涘,厓也。 ○《傳》云「王又無母恩」、《釋文》「恩」下有 故《釋名》云:「友,有也。 「謂他人母,亦莫我有」,謂相親有 相保有也。」 謂他 《周 終

云:「洒,謂深也。厓上平坦,而下水深者爲漘。不,發昆,亦莫我聞。【疏】《釋丘》:「夷上洒下,不漘。」郭注終遠兄弟,謂他人昆。【傳】毘,兄也。謂他人縣縣葛藟,在河之漘。【傳】漘,水隒也。

問也。 顧」、「亦莫我有」,此曰「亦莫我聞」,顧也、有也、聞也,皆親 弟。」縈,本字,昆,借字,晜,譌字。《詩述聞》云: 《伐檀》傳:「漘,厓也。」此云「漘,水隒也」者,正謂水厓之 愛之意也。解者多失之。 東人通言晜。」《説文・弟部》云:「周人謂兄曰 覊。 聲。」李注云:「夷上,平上, 上平洒下。《廣雅》:「陳、漘,厓也。」是陳與漘皆得爲厓 云:「平上陗下,故名曰漘。」義竝同。 ○《釋親》:「晜,兄也。」《傳》所本也。 謂相恤問也。古字「聞」與「問」通。上文曰「亦莫我 洒 下, 陗 案漘本依水厓爲名。 下,故名漘。」孫 郭注云:「今江 「聞,猶 从眔 注

《采葛》三章,章三句。

《采葛》,懼讒也。

葛》懼讒,義正同。「葛,所以爲締給」,《葛覃》同。《傳》云傳:「采苓,細事也。」細事,喻小行也。《采苓》聽讒,《采巷》懼於讒矣。【疏】興者,采之爲言事也。采葛、采蕭、采艾,懼於讒矣。【疏】興者,采之爲言事也。采葛、采蕭、采艾,懼於讒矣。【疏】興者,采之爲言事也。采葛、采蕭、采艾,惟於義矣。【傳】典

事,艾喻急事,因又申説之,非是。 事,艾喻急事,因又申説之,非是。 事,艾喻急事,因又申説之,非是。 事,艾喻急事,因又申説之,非是。 事,艾喻急事,因又申説之,非是。

稷燒之。」「薌」與「香」通。 蕭有香氣,故采之以供祭祀。 爲香。 之謂也。」又《郊特牲》注云:「蕭,薌蒿也。 《周禮・甸師》「祭祀共蕭茅」,「杜子春云:「蕭,香蒿也。」 臭陽達於牆屋,故既薦,然後焫蕭合馨香。」合馨香者,是蕭 玄謂:《詩》所云「取蕭祭脂」。《郊特牲》云:「蕭合黍、稷 義》引《王度記》云:「士以蕭,庶人以艾。」是蕭、艾二物矣。 爲蕭也。 蕭也。」段注云:「此物蒿類而似艾,一名艾蒿。 莖麤,科生多者數十莖,可作燭,有香氣,故祭祀以脂爇之 疏》云"「今人所謂萩蒿也。或云牛尾蒿。 蒿。」故《下泉》、《蓼蕭》傳並云:「蕭,蒿也。」《正義》引《義 見,如三秋兮。【疏】《爾雅》:「蕭,萩。」郭注云:「即 彼采蕭兮、【傳】蕭,所以 許慎以爲艾蒿,非也。」《説文》:「蕭,艾蒿也。」「蓀 齊高帝云:「蕭即艾也。」乃爲誤耳。」案《白虎通 共祭祀。 似白蒿,白葉 染以脂,合黍 許非謂艾 日不

蒿。」《孟子·離婁》篇:「猶七年之病求三年之艾也。」趙注如三歲兮。【疏】《爾雅》:「艾,冰臺。」郭注云:「今艾彼采艾兮、【傳】艾,所以療疾。 一日不見,

《大車》三章,章四句。

云:「艾可以爲灸人病。乾久益善。」是艾療疾也

焉。【疏】三章皆陳古之詞。淫奔,故陳古以刺今,大夫不能聽男女之訟淫奔,故陳古以刺今,大夫不能聽男女之訟《大車》,刺周大夫也。禮義陵遲,男女

車。 之車曰大車,古禮有明文矣。 $\bar{\Xi}$ 敢。【疏】「大車,大夫之車」,何注昭二十五年《公羊傳》 爾思? 男之服。 蘆之初生者也。天子大夫四命,其出封五命,如子 「禮,天子大路,諸侯路車,大夫大車,士飾車。」是大夫 檻檻,車行聲也。毳衣,大夫之服。菼,雖也, 大車檻檻,毳衣如菼。【傳】大車,大夫之 畏子不敢。【傳】畏子大夫之政,終不 乘其大車檻檻然,服毳冕以 鄭注云: 「墨車,不畫也。」《覲禮》「侯氏裨冕 此大車即墨車。 八決訟。 《巾車》「大 豈不

故也。 纝。 畫毳, 明畫潤也。 毳布也。」「毳,獸細毛也。」獸細毛謂之毳,以毳爲布謂之 傅,此即公之孤。《禮器》云:「諸侯黼,大夫黻。」其義 天子大夫與公之孤共四命、《左傳》以黻冕命晉士會爲大 夫四命,冕服四章,當去黼而有黻,會二章、刺二章也。蓋 會二章也。三曰粉米,四曰黼,五曰黻,刺三章也。天子大 之服」也。周制,子男五命,冕服五章,一曰宗彝,二曰璪 毳,是天子大夫亦與子男同服毳衣,故《傳》云「毳衣,大夫 冠,毳謂衣,是唯子男服毳衣也。天子三公衮,卿驚,大夫 禮・司服》"「子男之服、自毳冕而下、如侯伯之服。」冕謂 路,失之。《六帖》十一引《詩》作「大車艦艦」,《五經文字》 毳冕,而其所乘之大車爲墨車無疑也。《正義》以大車爲革 服,所乘之車則皆墨車,故此詩言子男人爲天子大夫,仍服 服不可盡同也。」案侯氏人天子之國,裨冕如其命數之冕 乘墨車」,注云:「墨車,大夫制也。乘之者入天子之國,車 云:「毳,畫虎、蜼,謂宗彝也。」特舉「毳」者,以宗彝爲章首 云:「轞,音檻,大車聲。《詩》風亦借「檻」字爲之。」○《周 罽,古[獨]字也。《考工記》:「畫繢之事,鳥、獸、蛇。」 鄭司農注《周禮》云:「毳,罽衣也。」《説文》:「纝,西胡 衣者,連下裳也。 鄭注《周禮》意據「裸有虎彝、蜼彝」,故 畫、刺皆在裳。 説詳《九罭》篇。 證

一九三

六

成也。 夫四命,出封加 鄭注:「王之下大夫亦四命。」「五命賜則」,注:「王之下大 非 服義冕,則此大夫而言毳冕,其爲子男人爲大夫可知,故略 而不言。 正謂王朝大夫出封爲子男,乃得服毳冕也。 夫之車服,而又申明天子大夫命數之節也。 其出封五命,如子男之服」者,既釋經「大車」、「毳衣」爲大 狀衣之色,則當以「繳」爲本字,「菼」爲假借字。《說文》又 案草色如雕曰刻,帛色如雕曰剡。 加 《書大傳》云:「宗彝,白也。」義正合。 文・艸部》: 草色如騅,在青、 「菼」。」《糸部》:「쎓,帛騅色也。」引《詩》作 · 菼, 鵻」, 鵻 ·封爲諸侯」,誤矣。」案汪説是也。《大宗伯》「四命受器」, 一等,其國家、宮室、車旗、衣服、禮儀亦如之」之「如」, 「出封指封爲諸侯。 「緂,白鱻衣皃。」「緂」與「緲」同,猶 《疏》申《傳》義乃曰「毛意以周禮出封謂出於封畿, 「菼,薍也。」菼、薍皆 而《箋》則申之曰「則是子男人爲大夫」者,義相接 常常作 「麹、蕃之初生。 一等,五命。」《典命》:「王之大夫四命。 白之閒。」《傳》「蘆」字乃「茬」字之誤。 騅 其曰「如子男之服」者,即《典命 《 爾 雅 曰 毛作「菼」,三家作「緲」。 「菼, 騅 薍, 云「天子大夫四命 「菼」與「苅」同矣。 曰騅。 也。 大夫出封始得 汪龍《詩異義》 「毳衣如 |郭注 或从炎作 Ź. 緲。 落 及

> 與 ? 敬之辭。」 説。 敢」、《行露》傳「不女從,終不棄禮而隨此彊暴之男」,兩 字,所以補明經義也。 中不涉「決訟」一語、《傳》云「畏子大夫之政」、釋「畏子」二 冕,故云「服毳冕以決訟」也、《序》云:「聽男女之訟。」○ 則五命。 卿六命,侯伯則七命。 此 有明文矣。 伯之禮七命」,二章「天子之卿六命」,毛於彼《傳》言天子之 侯、伯,其在朝廷,則亦如命數耳。」《唐·無衣》傳 封於八州之中。 其 「終」字義正同。 《序》所謂「淫奔」也,不敢,不敢淫奔也。 出 二句者,古之欲淫奔者之辭。 檻檻爲車行聲,故云「乘其大車檻檻然」。 封,加 畏子大夫來聽訟,將罪我,故不敢也。 正謂出封爲諸侯加 鄭仲師治《毛詩》,亦以 等。」注: 但彼專指女,此兼説男女耳。《箋》云: 加 等,襃有德也。 於此《傳》言天子之大夫四命,子男 四四 此章「不敢」,下章「不奔」,奔,即 命,中下大夫也。 一等,非謂 我豈不思與女以爲無禮 五命出爲子男,同康 大夫爲子、男,卿爲 出封畿便加一 《傳》云「終不 子者,稱所 出 封 毳衣即 出 章「侯 畿 內 經 毳 成

貌。蹒,顏也。豈不爾思? 畏子不奔。【疏】「哼大車哼哼,毳衣如璊。【傳】哼哼,重遲之

哼,重遲之皃」、《六書故》引《傳》「重遲兒」,無「之」字。 爲畫璪文以爲裳飾。 《書大傳》云:「璪、火、赤也。」天子大夫有璪無火、則赬者 者,裳之一章耳。 玄衣而纁裳。 赤裳,所謂卿大夫自玄冕而下之服也。」案諸侯大夫三命, 也。」《喪大記》:「大夫以玄赬。」鄭注云:「赬,赤也。玄衣 從毛會意。 色如雾日 《詩》曰: 文》:「璊,玉經色也。 文》:「諄,告曉之孰 【行道遲遲】。」段注云:「諄譯,蓋猶鈍遲也。」許書 襔 「謘」連篆・是「諄」有「重遅」意。 」爲假借字,三家作「祸」爲本字。《汝墳》傳云: ,以毳爲繝,色如蘩,故謂之첆。蘩,禾之赤苗也。」引 「稱,數也。」或亦本三家《詩》義 、毳衣如 弼,猶上章之以菼色作喻也。 毳衣有赤色,故「猻」聲讀如 此謂天子大夫,其冕服上衣玄下裳赬。 辆。」「輕」與「赬」通。 《傳》以 也。 禾之赤苗謂之虋,言璊玉色如之。」 兩章「如」字皆作「而」字解。 讀若庉。」「謘,語 「赬」詁 「璊」,正與《喪大記》合。 「啍」與「諄」同。 《赤苗之「虋」,毛作 玉色如蘩日 毳爲獸,故「猢」字 諄謘也。 「赬,赤 | 蹣,衣 ○《説 |「諄」、 讀若 毫玉 《説 赬

皦 日。【傳】穀,生, 穀則異室,死 則同穴。 皦, 白 也。 謂予不信, 生在 於 室 一則 有 外 如 内

者

也。 子言之景公,許之。」引《詩》云:「穀則異室,死則同穴。」此 足知詩所陳者,必夫婦之正禮。 周興焉。」」此西京詔書將以太后合葬定陶恭王而引此 夫婦一體、《詩》云:「穀則異室,死則同穴。」附葬之禮,自 改。」然則周法始合葬也。」案此即《傳》死神合同爲一之説 義》云:「《檀弓》曰:「合葬,非古也。 説也。《箋》云:「穴,謂冢壙中也。」《秦・黄鳥》同。 辨外内。男不人,女不出。」案此即《傳》生在於室外内異之 「「穀,生」、《釋言》文。」《内則》曰:「禮始於謹夫婦,爲宫室 異,死則神合同爲一也。 若大川」、「有如先君」、《覲 誤衍在「穀生」之下。「謂予不信,有如皦日」,此盟誓之詞。 詩》皆作「皎」。 女·梁寡高行傳》引《詩》,及《文選》潘岳《寡婦賦》注引《韓 亦謂是夫婦之正禮也。」○《釋文》:「皦,本又作「皎」。」《列 公成路寢之臺,逢於何欲葬其母於臺下,願請命合骨。 《左傳》「有如白水」、「有如上帝」、「有如日」、「有如河」、「有 「穀」字與下句「死」字作對文,故又訓「生」也。 ,尚著明也。」〇案末章言夫婦有别,終身不敢改適之意。 《後箋》云:「《漢書》:「哀帝太后丁氏崩,上曰: 皦、皎皆白也。 遭 注: 【疏】凡「穀 《傳》文「皦白」二字,今本疑 又《晏子・ 「盟神必 自周公以來,未之有 一皆訓 云百 諫下》篇: 《正義》云: 月 山 唯 Ш 詩 晏 此 焉

門。 乎? 子謂夫人説於行善,故序之於《詩》。」此雖 死。 君 皦日。」息君止之,夫人不聽,遂自殺。 哉!」乃作詩曰:「穀則異室,死則同穴。謂予不信,有如 也。 也。 之禮有别。」以解「穀則異室,死則同穴」二句,是矣。又 忘君也,終不以身更貳醮。 云:「今之大夫不能然,反謂我言不信。我言之信,如白日 云:「此章言古之大夫聽訟之政,非但不敢淫奔,乃使夫婦 《禮記 ,謂之曰:「人生要 《列女傳・貞順》篇:「楚伐息,破之。虜其君,使守 將妻其夫人而納之於宮。楚王出遊,夫人遂出見息 刺其闇於古禮。」鄭以末二句正刺今而非陳古,恐非 楚王賢其夫人守節有義,乃以諸侯之禮合而葬之。 無情者不得盡其辭,大畏民志。」」是其義也。《箋》 大學》篇: 子曰: 一死而已,何至自苦? 「聽訟、吾猶人也。 生離於地上,豈如死歸於地下 息君亦自殺,同 三家義,而末二 必 妾無須臾而 也 使 日俱 無 君 訟

《丘中有麻》三章,章四句。

句

?即承上二句直下,毛義當同也

放逐,國人思之而作是詩也。【疏】莊王,平王孫,《丘中有麻》,思賢也。莊王不明,賢人

之云亡,邦國殄瘁。」

本,無復瞻顧矣。賢人皆放逐,一姓不再興。《詩》云:「人際,無復瞻顧矣。賢人皆放逐,一姓不再興。《詩》云:「人於東遷之後,平、桓之世,尚冀復興西周盛業。至莊王而葬、穀梁傳》以爲志「失天下」。是年齊桓公始覇,蓋君子葬、穀梁傳》以爲志「失天下」。是年齊桓公始覇,蓋君子

通。 國、子嗟之采邑。 于鄭。」杜注云:「河南緱氏縣西 蓋其地也。 理志》:「河南郡緱氏劉聚,周大夫劉子邑。」《水經・洛水》 施,難進之意。【疏】留,即《春秋》「劉子邑」。《漢書· 嗟之所治。 子嗟,字也。 皆是矣。 王時劉康公始食采於劉,其後子孫世有其采地,劉夏, 鄶在春秋前。 注云:「合水北與劉水合,水出半石東山,西北流注于 三面臨澗,在緱氏西南,周畿内劉子國 王,桓王也。 丘中有麻,彼 詩言「留子嗟」、「留子國」是在桓、莊之際,留乃子 攷桓十一年《公羊傳》「古者鄭國處于留」,鄭滅 彼留子嗟,將其來 隱十一年《左傳》:「王取鄔、劉、蔦、邘之田 丘中境埆之處,盡有麻麥草木,乃彼子 《傳》云「留,大夫氏」者,是其爲周之大 春秋之前爲鄭邑,至桓 留子嗟。【傳】留,大夫氏。 北有 劉 施 亭。」「劉」 王時爲周邑。 ,故謂之劉瀾。」 施。【傳】施 |與「留 劉卷 定 劉 地

耳。 平,故《傳》云:「丘中墝埆之處。」《韓詩外傳》:「豐膏不獨 是之、恐爲少誤。」是顔所見江 施」,河北《毛詩》皆云「施施」。 然甚難進而易退。」是孔所據經文本作「其將」也。 舊本當作「其將來施」四字。《正義》:「其將來之時,施 也。 著其世賢」,言著其世賢,則是引父以顯子,其意非思子國 子嗟所治,非子國之功也。二章《箋》「言子國使丘中有麥, 故首章《傳》曰:「麻麥草木,乃彼子嗟之所治。」是言麥亦 今首章先言子嗟,二章乃言子國,然則賢人放逐,止謂子嗟 不應同時見逐。 爲子嗟而作也。《正義》云:「子國是子嗟之父,俱是賢人, 者,合下二章作訓。 樂,磽确不獨苦。」「磽确」與「墝埆」同。云「盡有麻麥草木 之下者,如《十月之交》箋「聚子」字是也。● ○丘中高而不 [子國]及《株林》箋「夏徵舒,字子南」是也。 「子」有繫於字 子,男子之美稱。 以邑爲氏,猶劉夏、劉卷之比也。云「子嗟,字也」者, **書證》篇:「《詩》云:「將其來施施。」《韓詩》亦重爲「施** 卒章言「彼留之子」,亦謂子嗟耳。」○「將其來施施」, 但作者既思子嗟,又美其奕世有德,遂言及子國耳。 若同時見逐,當先思子國,不應先思其子。 「子」有冠於字之上者,如此篇「子嗟」、 而又云「乃彼子嗟之所治」,蓋此詩本 江南舊本悉單爲「施」,俗遂 南舊本皆單作「施」。 經 《家 言 施

職也。」《傳》「施施」與「職職」同。職力、「與國子、不應此句獨五字。「來施」不作「來施施」,「與解有変」、「突突然閑也」同其句例。詩三、章、章盛也」,「萬舞有変」、「突突然閑也」同其句例。詩三、章、章盛也」,「萬舞有変」、「突突然閑也」同其句例。詩三、章、章、墓也」、《傳》則重言之云「施施、難進之意」、此猶《桑柔》「旟、「施」、《傳》則重言之云「施施、難進之意」、此猶《桑柔》「旟、「施」、《傳》「施施」與「職」、《傳》「與「職」、《傳》「與「職」、《傳》「

食,謂思賢者之得食,所謂饑渴待之也。 住中有麥,彼留子國。【傳】子國復來,我乃得食」,以釋經「來食」之義。「來」字逗,謂賢者之來。 其將來,我乃得有食耳。」是舊本作「其將」也。「子國復來,世為門大夫。《干旄》傳云:「古者臣有大功,世其官邑。」 以下,以及與一人。」《正義》:「故言子國 我乃得食」,以釋經「來食」之義。「來」字逗,謂賢者之來。 是,謂思賢者之得食,所謂饑渴待之也。

佩玖。【傳】玖,石次玉者。言能遗我美寶。【疏】丘中有李,彼留之子。彼留之子,貽我

0

詩正義・十月之交》箋云:「番、聚、蹶、楀,皆氏。」「聚子字」,徐子静本、《清經解續編》本同。案阮刻《毛

貽,當依《釋文》作「詒」。

瑀同類也。 玖是佩玉之名,以比況留大夫之賢。《傳》云 「言能遺我美寶」、《静女》傳「能遺我以古人之法」、「能遺我 琚、瑀同類,故同聲讀。《木瓜》傳:「瓊玖,玉石。」亦是琚、 同芑爲正讀。或玖讀若句者,佩有琚、瑀所以納閒,謂玖與 則又申《傳》説也。《木瓜》李、玖爲韻,此子、玖爲韻,故玖 法則」,句義相同。 曰「若人句脊」之「句」。」案「石之次玉」,本《傳》訓。「黑色」 玉黑色者。从玉,久聲。《詩》曰:「詒我佩玖。」讀若芑,或 治,遺也。《説文》:「玖,石之次

卷六終

詩毛氏傳疏卷七

長洲陳英學

鄭緇衣詁訓傳弟七 毛詩國風

封府新鄭縣西有故鄭城是也。

《緇衣》,美武公也。父子竝爲周司徒,《緇衣》三章,章四句。

善於其職,國人宜之,故美其德,以明有國善

《箋》云:「司徒之職,掌十二教。善善者,治之有功也。」宜,賦《緇衣》焉。《禮記・緇衣》篇云:「好賢如《緇衣》。司徒,與晉文侯定平王於東都王城,立功稱職,故國人以爲善之功焉。【疏】鄭武公以父桓公死犬戌之難,繼爲周

綱、七人爲緇。」鄭注云:「緅、今禮俗文作「爵」,言如爵頭卿士,受采禄。 【疏】《周禮·考工記·鍾氏》:「五人爲告卿士之位焉。 適子之館兮,還予授子之粲居卿士之位焉。 適子之館兮,還予授子之粲矣,與士聽朝之正服也。改,更也。有德君子,宜世色,卿士聽朝之正服也。改,更也。有德君子,宜世色,卿士聽朝之正服也。改,更也。有德君子,宜世

其子武公掘突,徙封國於新鄭,河南郡漢縣,今河南開京兆尹漢縣,今陝西同州府華州城北有故鄭城是也。公友,字多父,周厲王子,宣王弟也。初受封邑於鄭,

九九九

冠 衣而言 冕」、《司服》之「素端」、《左傳》、《國語》之「端委」、《穀梁傳》 鄭司農注《司服》云: 鞸。」案玄冠朝服有鞸無裳,玄端則七裳有玄、黄、襍之異。 爵轉。』《特性•記》: 藻》:「孔子曰: 之「委端」、「冠端」、《儀禮》之「冠端玄」、《論語》之「端」,皆 道,則不充其服焉。」」言朝服不襲也。 云:「羔裘,緇衣以裼之。」是緇衣爲裼衣。裼衣者,對加上 政之朝,此申《傳》説也。 者,居私朝之服。 貌,玄冠也。 侯以爲視朝之服。《詩·國風》曰:「緇衣之宜兮。」」案委 服》:「凡甸,冠弁服。」注云: 色 檜 公人爲周卿士,故云「卿士聽朝之正服」也。 衣,故謂之緇衣。 也。 ,朝服,緇帶,素韠,玄端,玄裳、黄裳、襍裳可也。 · ・ 羔裘》箋並以「緇衣」、「羔裘」爲諸侯之朝服。 也。 唯 又 1尸、祝、佐食玄端,玄裳、黄裳、襍裳可也, 復再 若諸侯視朝,即 玄冠朝服,爲諸侯視朝之服。 染以 「朝服 《詩》言「緇衣」,本諸侯朝服。 天子之朝服,皮弁服」,謂私朝即卿士聽 黑 「衣有襛裳者,爲端。」故《樂記》之「端 「特牲饋食,其服皆朝服,玄冠 而朝,卒朔 店 《論語 成 「冠弁、委貌。 緇 以緇衣爲聽朝正服,故《玉 矣。」是 然後服之。 郷黨》注、《鄭・ 《士冠禮》:「主人玄 緇 爲 其服緇布衣,諸 朝服以緇 黑 《箋》云「緇衣 曰:國家未 色 《傳》以 也。 《玉藻》 羔裘》、 ~ 緇帶 緇帶, ,皆爵 布 令司 武 爲

意傳》: 傳: 朝焉。」注:「内,路寢之裏。 爲「舍」、《公劉》同。 以功。」○《傳》訓「適」爲「之」、《爾雅》:「之,往也。」訓 不連 言諸廬,正謂天子宫内,卿士各立曹司,有廬舍以治事也。」 諸曹治事之處也。 工記》説王宫之制,「内有九室,九嬪居之。 外有九室,九卿 所之之館,在天子之宫,如今之諸廬也。」《正義》云: 有德君子宜如是也。《王制》云:「大夫不世爵,使以德,爵 之位,於敝又改爲知世居其位,而又釋經「宜」字之義,謂 袍色以皂,則猶襲古緇衣之制。」〇改、更雙聲。 《續漢表》:「三'老五更皆服絺紵大袍,單 《後漢・ 衣、皂緣、領袖、中衣爲朝服。」袍制即深衣之連衣裳者也。 梁劉昭《續漢志》注:「今下至賤吏、小史,皆通 帝永平中議乘輿冠、通天冠、服衣、深衣制,有袍隨五時 例》云:「漢以後天子朝服皆本深衣制度。 衣袍制,唯朝服 足裳之稱 「庚,續也。」占庚、更通用。 「賜尚以下帷被、皂袍。」則漢時已以袍爲朝服 馬援傳》:「故孝文皇帝綈袍革舄。」《明帝紀》注 也。 有轉,深衣無轉爲異耳。 朝 六卿三孤爲九卿。]彼言諸曹治事處,此 服 《説文》云:「館,客舍也。」《箋》: **胍連衣裳** 外,路寢之表。 則 不 《傳》意於緇衣知居卿 與 **公玄端** 衣、皂緣。』《鍾 同 任 《通典》載漢明 九室如今朝堂 矣。 大椿《弁服 制 朝服 《大東 袍。 卿 ' [《考 如 矣 色 單 \pm ± 釋 深

不同。 不黜。 二十里,五十里諸侯以十里。其後子孫雖有皋黜,其采地 猶言不素食矣。郭璞云:「今河北人呼食爲餐。」《釋文》據 《箋》云:「自館還在采地之都。」 地之禄,當在大都畺地之内。《傳》以「授粲」爲受采禄。 傳》謂實内諸侯。 地,去王城五百里。」鄭以卿之采地在小都,公之采地在大 受卿士之采禄。 采地世, 采禄不世。 《白虎通義・京師 詩外傳》八亦有其文。案此采地當即湯沐邑。采地與采禄 侯始受封,則有采地。 《傳》作「飧」,非是。餐、飧音義皆殊。《書大傳》:「古者諸 「粲,餐」、《爾雅・釋言》文。 「粲」爲「餐」之假借字。 「諸侯人爲公卿大夫,得食兩家采。」此則兼采地、采禄 《狡童》「不能餐」,猶言不能食矣。《伐檀》「不素餐」, 攷新鄭距王城三百餘里,本在小都縣地之内,故《穀梁 《周禮》:「小都任縣地,去王城四百里。 大都任臣 使其子孫賢者守之,世世以祠其始受封之人。」《韓 諸侯本有采地在王朝,若諸侯人爲天子卿士,則又 武公人爲卿士,兼司徒三公之職,更受采 百里諸侯以三十里,七十里諸侯以

宜也。 緇衣之好兮,敝予又改造兮。【傳】好,猶 適子之館兮,還予授子之粲兮。【疏】

> 宜,一國之人盡以爲宜也; 云:「好,猶宜也。」《箋》云:「造,爲也。」 好,一國之人皆以爲好也,故

餐,食

也。 與毛異。《説文》云:「蓆,廣多。」兼毛、韓説 其宜」,失之。《釋文》引《韓詩》:「蓆,儲也。」「儲」訓「具」, 與一章「宜」、二章「好」不同義也。《正義》謂「服緇衣大得 大」、《釋詁》文。朝服侈袂、大者、言衣之大稱其德之大。 適子之館兮,還予授子之粲兮。【疏】「蓆 緇衣之蓆兮,敝予又改作兮。【傳】蓆,大

《將仲子》三章,章八句。

害?」對曰:「姜氏何厭之有? 不如早爲之所,無使滋蔓: 今京不度,非制也。君將不堪。」公曰:「姜氏欲之,焉辟 京使居之,謂之京城大叔。祭仲曰:「都城過百雉,國之害 弗聽,小不忍以致大亂焉。【疏】隱元年《左傳》: 其弟。弟叔失道,而公弗制,祭仲諫,而公 蔓難圖也。 「鄭武公娶于申,曰武姜。生莊公及共叔段。莊公即位,請 先王之制,大都不過參國之一,中五之一,小九之一。 《將仲子》,刺莊公也。不勝其母,以 蔓草猶不可除,況君之寵弟乎?」公曰"「多行 害

弗聽」也。詩人皆言公距諫之詞,與《左氏傳》合。不義,必自斃。子姑待之。」」案此即《序》所云「祭仲諫,公

而告: 何 ? 【傳】將,請也。 逕陘山北,山上有鄭祭仲冢。」案長垣,鄭東境,密,西境。 有祭城。」《水經》:「潩水出河南密縣大騩山。」酈注云:「東 爲名仲字足,誤矣。 秋》:「桓十一年,宋人執鄭祭仲。」《公羊傳》云:「祭仲者 足,或稱祭封人仲足。祭,氏,仲,字,足,其名也。 故《傳》知「仲子」爲祭仲也。《左傳》或稱祭足,或稱祭仲 也。」是請猶告也。 可畏也。《疏》將、請雙聲,《正月》同。《爾雅》:「請,告 愛之? 二十五家爲里。杞,木名也。折,言傷害也。 封邑於東,而卒葬於西,其爲公墓之地與? 居」。 圇 · 逑 鄭相也。 勿傷害我兄弟。 將仲子兮,無踰我里,無折我 《地官•遂人》:「五家爲鄰,五鄰爲里。」是里二十 畏我父母。 越」與「逃」通。 何以不名? 仲子,祭仲也。 時祭仲諫除段,而莊公弗能聽,呼祭仲 杜注云:「祭,鄭地。 此莊公距諫之詞也。《序》言祭仲, 仲可懷也,父母之言,亦 賢也。」祭仲不名仲,杜元凱 「里,居」,古作「凥」,今皆作 踰,越,里,居也。 陳留長垣縣東北 ○《説文》: 樹 豈敢 《春 杞。 以

周制蓋以一夫及餘夫之田數定邑居之里數也。《説文》: 間,而郊外則稱里也。 五家也。 七。 彼北山、言采其杞」之文、而記憶之誤也。 有杞」,見《南山有臺》篇。 「北山有杞。」」案此引《詩》「北山」疑是「南山」之誤。 子》篇云:「杞柳、柜柳也。 汶水邊,純杞也。」《易・姤》:「九五,以杞包瓜。」馬融注 色,木理微赤,故今人以爲車轂。今共北淇水傍、魯國泰山 義》引《義疏》云:「杞柳屬也。 人於我室,毀傷其薪木。」《傳》云「傷害」,猶「毀傷」也。《正 山、北山之杞爲木名,則非也。《後箋》云:「《詩》言杞者凡 云:「杞,大木也。」虞、鄭注並云:「杞柳。」趙注《孟子• 牡》之枸檵。 棘」、《北山》之「言采其杞」,皆無《傳》。 毛意蓋以《將仲子》 之「隰有杞桋」、《傳》皆以爲枸檵。 「妡,断也。 之「杞」首見於經,而《爾雅》無明文,故特言木名,以别《四 「言采其杞」、《南山有臺》之「南山有杞」、《湛露》之「在彼杞 惟此言木名。及《小雅・四牡》之「集于苞杞」、《四月》 又《大司徒》:「五家爲比,五比爲間。」是郊内稱 从斤斷艸。」今字通作「折」。《孟子》曰:「無寓 至《四牡》訓以枸檵,則其後《杕杜》、《南山 家授五畝宅,一里積百二十五畝。 或因《杕杜》、《北山》兩篇有 一曰: 杞,木名也。《詩》云: 生水傍。 其他如《小雅・杕杜》之 樹如柳,葉粗 然趙邠卿以南 南 而白 陟 告 ılı

人之多言」下接句云「人之多言」,是其句例。 と言也。故下接句云「父母之言」、「諸兄之言」,猶末章「畏性爲人所共知,由棘可以知杞,故無庸傳歟。然則自《四性爲人所共知,由棘可以知杞,故無庸傳歟。然則自《四性爲人所共知,由棘可以知杞,故無庸傳歟。然則自《四性爲人所共知,由棘可以知杞,故無庸傳歟。然則自《四性爲人所共知,由棘可以知杞,故無庸傳數。然則自《四性爲人之多言」下接句云「人之多言」,是其句例。

【傳】園,所以樹木也。 檀,彊忍之木。 豈敢愛將仲子兮,無踰我園,無折我樹檀。

表」也。」 是一人之多言。仲可懷也,人之多言,亦之? 是此。『疏》《傳》文「樹木」、《正義》本作「種木」。《説可畏也。『疏》《傳》文「樹木」、《正義》本作「殭韌」,忍、韌古今字。《釋文》:「忍,本亦作《正義》本作「殭韌」,忍、韌古今字。《釋文》:「忍,本亦作「別」,同。」《正義》引《義疏》云:「檀木皮正青,滑澤,與擊迷「刃」,同。」《正義》引《義疏》云:「檀木皮正青,滑澤,與擊迷「別」,同。」《近義》中之云:「無折我樹杞,喻言無傷害我兄以取興所在,故《箋》申之云:「無折我樹杞,喻言無傷害我兄以取興所在,故《箋》申之云:「無折我樹杞,喻言無傷害我兄以取興所在,故《箋》申之云:「無折我樹杞,喻言無傷害我兄以取興所在,故《箋》申之云:「無折我樹杞,喻言無傷害我兄以取興所在,故《箋》申之云:「無折我樹杞,喻言無傷害我兄以取興所在,故《箋》申之云:「無折我樹杞,喻言無傷害我兄以取興所在,故《箋》申之云:「無折我樹杞,喻言無傷害我兄以取興所在,故《箋》申之云:「無折我樹杞,喻言無傷害我兄以取興所有,故《後箋》云:「《傳》於木必兼言其形、性者,自

《叔于田》三章,章五句。

篇《大叔于田》同。 《叔于田》,刺莊公也。叔處于京,繕甲治治兵,以出于田,國人説而歸之。《疏》繕甲治治兵,以出于田》,刺莊公也。叔處于京,繕甲

叔于田,巷無居人。【傳】叔,大叔段也。

侣也。 + 田。」義與《傳》同。 者,蒐狩之總名也。 也,洵美且仁。【疏】《傳》云「叔,大叔段」者,叔,字, 謂即高其巷門。 車,而不可踰越。」」是閈 日 巷頭有門。公孟歸入巷及門,則此閎即里中巷門也。 獲,衛郭門。 共叔段。 段,名也。 田 欲下令使高之。 「巷」。」《門部》: . 閈。」「閭,里門也。《周禮》:「五家爲比,五比爲閭。」閭, |也,字當作「涂」。 取禽也。 「完客所館,高其閛閎,厚其牆垣。」子産曰: 年:「子産使盡壞其館之垣,而納車馬焉。 「閎,衖頭門。」昭二十年《左傳》: 使華齊御公孟,宗魯驂乘。 二十五家相群侣也。」《爾雅》:「衖門謂之閎。」郭注 云「田,取禽也」者,何注桓四年《公羊傳》云:「田 封之京城,謂之大叔段。其後出奔於共,又謂之 閎,曲門中。」蓋郭門外有離邑,每邑必有巷, 巷,里塗也。 「閎,巷門也。」「閈,間也。 相曰:「臣請教閭里使高其梱。 《史記·孫叔敖傳》:「楚民俗好庫車,王 云「巷,里塗也」者,二十五家爲里。 《説文‧뭞部》:「腆,里中道。 古者肉食,衣皮服,捕禽獸,故謂之 里中; 豈 閎爲里門。 一無居人? 及閎中。」杜注云:「蓋 「公孟有事於蓋獲之 汝南平輿里門 「高其閈閎」 不 居半歲 『門不容 士文伯 篆文作 如 襄三 塗 叔

> 納車馬也。此皆里巷之制有可攷者。 檄高則門亦高。客館在巷,子産壞館之垣,當壞其巷門以民悉自高其車。1」蓋間里門之下有梱,梱即橔。車入里門,

長之時,猛獸不攫,鷙鳥不搏,蝮蠆不螫。 「春曰苗,秋曰蒐,冬曰狩。」何注云:「不以夏田者,春秋制 曰蒐,冬曰狩。」其云春田秋蒐,取名各異。 同、《傳》所本也。 冬狩、《爾雅・釋天》、《周禮・大司馬》、隱五年《左傳》並 《四驐》同。《車攻》傳云:「夏獵曰苗。」春蒐,夏苗,秋獮, 也。 狩。」《春秋》:「桓四年春正月,公狩。」周正月,夏十一月 聞,而狩爲冬獵,諸家悉同。《夏小正》:「十有一月,王 田。」鄭注云:「三田者,夏不田。 蓋夏,時也。」案説雖有異 知應天,而況人乎哉!」《王制》:「天子諸侯,無事 也。」《説苑・修文》篇:「夏不田、何也? 飲酒? 不如叔也,洵美且好。【疏】「冬獵曰狩」, 句》云:「獵者,捷取之名也。」 《車攻》箋云: 叔于狩、巷無飲酒。【傳】冬獵曰狩。 桓四年《穀梁傳》:「春曰田,夏曰苗,秋 「狩,田獵搏獸也。」《春秋疏》引《月令章 曰:天地陰陽盛 鳥、獸、 又《公羊傳》: 蟲、 則 豈 成歲三 蛇 無 且

叔適野,巷無服馬。豈無服馬? 不如

叔適野者,大叔居京,是以都城之郊爲野也。傳》注云:「禮,諸侯田狩不過郊。」蓋諸侯苑囿當在近郊。叔也,洵美 且武。【疏】《箋》云:「郊外曰野。」《公羊

《大叔于田》三章,章十句。

勇,不義而得衆也。《疏》《釋文》云:「好,衍字。」《大叔于田》,刺莊公也。 叔多才而好

轡如 也。」《簡兮》正義: 公田也」者、《正義》云:「下云「檀裼暴虎、獻于公所」,明公 裼,肉袒也。暴虎,空手以搏之。將叔無狃,戒其 亦與之俱田,故知從公田也。」《嵩高》傳云:「乘馬,四馬 或作「大叔于田」者,誤。」是也。《序》言「大」以别上篇,後 傷女。【傳】独,習也。【疏】《釋文》云:「「叔于田」,本 列,具,俱也。 人或於首章誤加之耳。 叔在藪,火烈具舉。【傳】藪,澤,禽之府也。 組 叔于田,乘乘馬。【傳】叔之從公田也。 ,兩驂如舞。【傳】擊之與服,和諧中節。 襢裼暴虎,獻于公所。【傳】禮 「《大叔于田》云「執轡如組」,謂段之能 上篇「于田」無《傳》,此云「叔之從 烈, 執

同。 御車。 河南開封府中牟縣西北七里有圃田 攻》箋:「鄭有圃田。」即此地也。 引《韓詩傳》云:「澤中可禽獸居之曰藪。」文義與毛《傳 引《韓詩》:「禽獸居之曰藪。」慧苑《華嚴經音義・淨行品 亦禽獸之所藏,故云「禽之府」。」《釋文》及宋庠《國語補音 申之云「禽之府也」者,言禽以該獸也。《正義》云:「藪澤 義·山澤》篇:「藪者,澤也。」《傳》既釋「藪」爲「澤」,而又 言兩服。 善。 服、兩驂,則知此經所云亦總驂、服。但馬之中節,亦由 駿,左右騑駿。」《正義》云: ○《釋文》、《正義》本《傳》「澤」下皆有「也」字。《風俗 服」,知「驂與服和諧中節」者,以下二章於此二句皆説 兩騑也。」《文選》曹子建《應詔詩》注引《薛君章句》:「兩 云:「如組者,如織組之爲也。在旁曰驂。」《小戎》箋:"「驂 下言「又良御忌」乃叔身善御、《正義》固不出一手矣。《箋) 此《正義》是也。 「列」同。 《周禮• 以其篇之首先云御者之良。既言「執轡如組」,不可更 以御車似織組,説段之田獵之伎,故知爲實御。」案 火列 理則有之,故知「如舞」之言兼言服,亦中節也。」 職方氏》: ,列火也。 本篇《正義》謂「執轡如組」非叔親自御,之 「河南豫州,其澤藪曰圃田。」《車 列,古「迾」字、《周禮》作「厲」。 「此經止云「兩驂」,不言「兩 圃田在大叔京城之西,今 澤。 《傳》讀「烈」與 兩 通

233

卷

七

《説文》:「膻,肉膻也。」引《詩》作「膻」。《玉篇》同。 《節南山》、《正月》傳並訓「具」爲「俱」。《楚茨》箋:「具,皆 《詩》假作「烈」。《孟子·滕文公》篇:「益烈山澤而焚之。」 之也。《孟子・盡心》篇: 見體曰肉袒。」《小旻》傳:「徒搏曰暴虎。」徒搏即空手以搏 即「膻」之異體,今字通作「袒」。李、郭注《爾雅》云:「脱衣 司農注《山虞》、《典祀 者,古文以爲「俱」字。 也。」《説文》: 言遮迾山澤而以火焚之也,字亦假作「烈」。 「七萃之士高奔戎,請生捕虎,必全之。 「皆,俱詞也。」俱、皆義相近。《詩》作「具. ○「襢裼,肉袒」、《爾雅·釋訓》文。 》竝訓「厲」 「晉人有馮婦者,善搏虎。」《穆天 爲 遮」。 具舉,俱舉也 列 乃生捕虎而 卽 遮 迾 檀 也

叔于田,乘乘黄。【傳】四馬皆黄。兩服上

顔説是也。

孔仲達以爲公謂叔之辭,恐非詩恉

狃

, 伙也。

國人愛叔,故請之曰:

勿忕爲之,恐傷女也。」案

《箋》:「狃,復也。」習、

復義相近。

「將叔無狃」,戒其傷女。

顔師古《漢書注》:

學《齊詩》,與《毛詩》異。

將,願也。《傳》訓「狃」爲「習」,

叔之勇也。《漢書·匡衡傳》:「鄭伯好勇,而國人暴虎。」 E

獻之。」暴、搏、捕

一語之轉。公,謂莊公也。

「暴虎獻公」,言

此衆戒叔之詞、言叔之不義而得衆也。

揚光也。 極也。」極者,至也。 燒,火光照堂下。」尹知章注云:「獵而行火曰燒。」〇「忌 揚謂揚火。 者,聲,讀爲罄。 「己」。」忌、己讀聲相似,故並爲語詞。 訓「解」,解,當爲「詞」。《箋》:「忌,讀如「彼己之子」之 本、《傳》文術一「揚」字。 後,故云「鴈行」,文義正相對。 襄,除也。 爲四馬矣。《渭陽》傳云:「乘黄,四馬也。」上,猶前 下四,亞之。」《覲禮》注: 篇"「陳乘黄、大路於中庭,北輈。」鄭注"「《覲禮 鐵」、「四駱」、「四騏」、「四縣」、皆其義也。 云:「言舉火而揚其光耳。 黄」釋「黄」。 黄爲馬色,遂以馬色爲馬名。 矢曰縱,從禽曰送。【疏】《傳》以「四」釋「乘」,以「馬 縱送忌。【傳】忌,辭也。 襄 兩驂鴈行。 除,猶去也。 光,火光也。 叔善射忌,又良御忌。 《蓼莪》傳:「罄,盡也。」《節南山》傳: 是騁馬爲馬所至也。 叔在藪、火烈具揚。【傳】揚 兩服在前, 揚,猶舉也。上章舉謂舉火,此章 《管子· 「路下四,謂乘馬也。」亦謂乘黄 非訓[揚]爲[光]也。]據《正義 聘馬曰磬,止馬曰控。 《傳》云「揚,揚光」,《正義 輕重甲》篇:「齊之北澤 故云「上襄」,兩驂 《傳》云「騁馬曰 抑磬控忌, 《禮記・ 云「止馬日 凡「四驪」、「四 **E** 襍 控 磬 記 也 發 抑 在 皆

也。 手爲御者之手,如手爲進止如御者之手。 雅》釋文引《説文》: 保。見《爾雅》。」則張參所見《爾雅》本從馬作「駂」矣。《爾 《正義》云:「「驪白襍毛,鴇」,《釋畜》文。郭璞曰:「今呼之 發白色而閒有襍毛者是曰鴇。 爲烏驄。」」孔所據《爾雅》作「鴇」。《五經文字》云:「鴇,音 弓,發弓。【疏】《駉》傳:「純黑曰驪。」驪白襍毛謂黑。 马忌。 【傳】慢,遲,罕,希也。 服齊首、【傳】馬首齊也。兩驂如手。【傳】進 如御者之手。 「駂」,疑出《字林》。 叔馬慢忌,叔發罕忌。 叔于田,乘乘鴇。【傳】驪白襍毛曰鴇。 叔在藪,火烈具阜。【傳】阜,盛 「駂,黑馬驪白襍毛。」今《説文・馬部 《傳》以首爲馬首,齊首爲馬首齊。 馬色如鴇,故以鳥命馬也。 抑釋掤忌,抑 掤,所以覆矢。 驂馬有内外轡 幽 兩 鬯 馬 止

> 訓。 弢。 希,射者蓋矢弢弓。」 蓋韔、弢本藏弓之器,因之受藏於韔曰韔,猶受藏於弢曰 冰而踞。」杜注:「冰,櫝丸蓋。 注:「冰,箭筩蓋,可以取飲。」又二十五年:「公徒釋甲,執 掤忌」。《左傳》作「冰」,昭十三年:「飲冰以蒲伏焉。」杜 今《傳》奪。《説文》亦云:「掤,所以覆矢也。」引《詩》「抑釋 作「嫚」,憜慢作「慢」,其義皆不訓「遲」。「慢」、「嫚」皆「趮 如組」句相應。《四鐵》傳「阜,大」,此云「阜,盛」,各隨文 最難調習。 之假借字。《説文》:「趮,行遲也。」因之凡遲皆可謂之趣 「弢弓」釋「鬯弓」者,鬯,讀爲韔,此假借也。《小戎》傳: 「希,罕」,《釋詁》文。「掤,所以覆矢」,《釋文》下有「也」字: 「韔,弓室也。」弓室謂之韔,亦謂之弢,又謂之鞬,《左傳》: 右屬饗鞬。」又謂之韣、禮記》:「帶以弓韣。」皆是物也。 弢與弨聲相近。 盛者,謂持火者盛也。○慢,《釋文》作「嫚」。古侮嫚 今如執轡者之手,進止皆齊。 《箋》云: 或云: 櫝丸是箭筩。」《傳》以 「田事且畢,馬行遲,發矢 文與首章「執轡

《清人》三章,章四句。

《清人》,刺文公也。高克好利而不顧其

二〇七

卷

散而歸,高克奔陳。公子素惡高克進之不以 縣狄于竟。陳其師旅,翱翔河上,久而不召,衆 河君,文公惡而欲遠之,不能,使高克將兵而禦 《秦

能修方伯連率之職,救患恤同。此一役也,鄭可以霸。乃二年,鄭文公之十三年也。鄭、衞連境,其時狄人入衞,鄭其師。以《左傳》云:「鄭人惡高克,使帥師次于河上,久而弗其師。以《左傳》云:「鄭人惡高克,使帥師次于河上,久而弗其師。以《左傳》云:「鄭人惡高克,使帥師次于河上,久而弗禮,文公退之不以道,危國亡師之本,故作是禮,文公退之不以道,危國亡師之本,故作是

其弃師不啻自弃其國矣。此詩爲公子素所作,《漢書·古徒尋君臣之小忿,外爲救衞之師,内遂逐臣之怨,《春秋》譏

今人表》有「公孫素」,與鄭文公、高克列下上,當是一人。

《傳》云:「衛之河上,鄭之郊也。」《正義》云:「衛在河北,鄭 傳》:「衞侯與北宫喜盟于彭水之上。」又「哀二十五年,初, 河南開封府、《春秋》隱四年及哀十一年之「清」即漢東郡清 《春秋釋地》云『中牟 彭封人。疑此即《詩》之「彭」。彭爲衛邑,與鄭連境,故 衞人翦夏丁氏,以其帑賜彭封彌子。」彌子瑕食采於彭,爲 縣地,與此「清」爲鄭邑無涉。彭,河上地名。昭二十年《左 旁。」蓋許偁此。 文》:「旁,補彭反。王云: 彊也。」《説文》:「騯,馬盛也。 傳》「駟介百乘」,服、杜注並云:「駟介,四馬被甲也。」《釋 云:「駟,四馬也。」「介,甲」、《小戎》箋同。僖二十八年《左 在河南。 壞,兵車之法」,不數夷矛,以申鄭説。 國之兵,用長,宜有夷矛。與《魯頌‧閟宫》箋「二矛備折 《廬人》「酋矛常有四尺,夷矛三尋」爲説。《正義》又本《廬 騯,盛皃」矣。」○二矛,無《傳》。《箋》云「酋矛、夷矛」,本 作「騯」,毛《傳》本有「騯騯,盛皃」之語,後逸之。 二章曰 《詩》曰:「四牡騯騯。」」段注云:「《鄭風・清人》:「駟介旁 人》「攻國之兵欲短,守國之兵欲長」,謂此禦狄于境,是守 「麃麃,武皃」,三章曰「陶陶,驅馳皃」,則知首章當有「騯 恐狄渡河侵鄭,故使高克將兵於河上禦之。」《箋》 而「駟介」轉寫譌「四牡」耳。 ·縣西有 清陽亭」是也。」案今中牟 案《考工記》:「酋矛 許所據「旁」 縣 屬

聲。 之别。 常有 重,言二矛皆有重飾也。 也。 《閟宫》皆有「二矛」之文、《傳》意不應分守國、攻國致生異解 有英飾」者,即《箋》所謂「縣毛羽,其色朱」也。 正將兵車,不當數夷矛。二矛者,亦是備折壞之意。 此言英、《閟宫》言朱英、兩「英」字亦無異解。《傳》云「矛 直謂矛。」《考工記》言兵車六等,但有矛,而并無酋、夷 四尺,崇於 與《廬人》言六建者用有不同。 《載驅》傳云: 謂之六等。」鄭司農注: 「翱翔,猶彷徉也。」 然《詩》言高克將兵 重英,英飾有 酋, 此與 發

近上及室題,所以縣毛羽」。《釋文》云:「喬,鄭居橋反,雜 文》云"「沈胡可反。 名、《韓詩》作「鷸」。 經「重」字之義,不釋「喬」字。 荷,當作「何」。《玄鳥》傳:「何,任也。」絫何,猶負何。《釋 武兒。」麃、蹻聲轉義通。 上乎逍遥。 **麃麃,武貌。** 「如重絫相負何然,故謂之絫何也。」案上章「重英,矛有英 []但釋經「英」字之義,不釋「重」字。 清 人在消,駟 【疏】「消,河上地」,未聞。《酌》傳: 二矛 題,頭 謂兩矛之飾相負何也。」《正義》云: 重喬、【傳】重喬、累荷也。 介應應。【傳】消,河上地也。 〇「重喬,累荷」,累,當作「絫」, 也。 蓋喬亦飾也。《箋》「喬,矛矜 室,劒削名也。《方言》云: 此「重喬,絫何」但釋 「蹻蹻 河

陷

箋: 選 镶徉也。」逍遥謂之忀徉,猶翱翔謂之彷徉。《檜·羔裘 《釋文》:「逍,本又作「消」。 加,今字「消摇」通作「逍遥」。」《檜・羔裘》、《白駒》同。 與毛或異也。 謂以鷸羽飾矛也。《箋》言縣毛羽,從韓説以申補毛義,非 處也。」然則《毛詩》作「喬」爲借字、《韓詩》作「鷮」爲本字、 「逍遥」,徐鉉等云:「《詩》只用「消搖」。 「劒削,自河而北,燕、趙之閒謂之室。」此言室,謂矛頭受刃 「翱翔,猶逍遥也。」 南都賦》注引《韓詩》:「逍遥、遊也。」《廣雅》:「逍遥 陸、孔皆謂毛讀「喬」爲「橋」,訓「高」,非是。 遥,本又作[摇]。]《説文》新附 此二字《字林》所 灸

假借。 左,卒尚右。」鄭注云:「左,陽也,陽主生。 之貌。」與《傳》「驅馳」之訓合。 「江漢陶陶」之例。《祭義》「陶陶遂遂」,鄭注云:「相 聲匋、舀同,蹈蹈之爲陶陶,猶「江漢滔滔」,《風俗通義》作 「軸,河上地」,未聞。 旋,講 陶,驅馳之貌。 兵。 清人在軸,駟介陶陶。 《説文》:「駋,馬行皃。」馬行謂之駋,重言駋駋。 右抽,抽 左旋右抽 彭、消、軸三地皆相近。 矢以 射。 ○《禮記・ ,中軍作好。【傳】左 居軍中爲容好。 【傳】軸,河上地 • 少儀》: 將 陶,即 軍 有 「鰯」之 【疏】 勝之 軍尚 隨行 也。

容,暨暨詻詻。」《爾雅 容」、「鄭司農注云:「軍旅之容,闞闞仰仰。」玄謂:軍旅之 倒句法。 克出師,非全師以出者比,故《傳》釋經「中軍」爲「軍中」,作 三軍,次國二軍,小國一軍。鄭爲次國,不當有中軍。 以射」字、義皆不同。 《詩》曰:「左旋右搯。」「搉,引也。 以習擊刺也。」「案《説文》引《周書》曰:「師乃搯。」又引 手抽射」,恐未是。《釋文》:「抽、《説文》作「搯」,云:「抽刃 儀》「軍尚左」爲《詩》「左旋」之義,是已。 抽矢以習射。 左,故《傳》以左旋爲講習兵事,卒尚右,故《傳》以右抽 以右爲上、示有死志。、《少儀》言左右與《詩》左右同。 策,左將軍爲上,貴不敗績。 「爲容好」,唯是講習兵事而已。與上兩章「翱翔」、「消揺 「搯」聲同。 容,儀容也。 《箋》云:「抽刃。」鄭與許合,與《毛詩》云「抽矢 抽矢以射,即是講兵中事也。 而其爲講習兵事,則又大同也。 》:「作,爲也。」《傳》釋經 《周禮·保氏》「六儀,五曰軍旅 右,陰也,陰主殺。 或作「抽」。」古「抽」與 其解 右抽」爲 右 《正義》引《少 卒之行 作 :好」爲 軍尚 且高 大國 之 爲 伍

《羔裘》三章,章四句。

同意

朝之義,故韓起辭不堪,陳古刺今也。賦鄭之《羔裘》,宣子曰:『起不堪也。』」此詩皆言古君子立朝焉。《疏》昭十六年《左傳》:「鄭六卿餞宣子於郊,子産朝焉。《燕裘》,刺朝也。言古之君子,以風其

傳》二、《新序・節士》、《義勇》篇及襄二十七年《左傳》引此 外傳》「洵」作「恂」。「侯,君」、《釋詁》文。有君國長民之 均」、《爾雅·釋言》文。《皇皇者華》傳:「均,調也。」《韓詩 借他物作比方之詞。 言多,「如水」,言衆,「如雪」,言鮮絜,「如絲」,言調忍,皆 猶而也。 《傳》以「潤澤」釋經之「濡」字,言羔裘光色潤澤然也。 公,合士大夫盟。 責,皆得稱君。《左傳》「吾君在壑谷」,是大夫稱君之義也、 衣》傳:「澤,潤澤也。」句法正同。 洵,均,侯,君也。 詩作「彼己之子」,其、己聲同。《韓詩外傳》云:「崔杼弑莊 渝,變也。【疏】《傳》文「如」字當衍。 《釋文》引《韓詩》云:「侯,美也。」義亦相近。 羔裘如濡,洵直且侯。【傳】如濡,潤澤也。 如濡,而濡也。凡《傳》云「如雲」,言盛,「如雨」, 所殺者十餘人,次及晏子。 如猶若也,與此「如」字不同義。 彼其之子,舍命不渝。 定本無「如」字可證 「濡,潤澤也」、《無 ○《韓詩外 晏子曰: 【傳】 洵 如,

變也。 《釋言》文。 信也。」澤者、「釋」之假借字。 此鄭用韓以申毛也。《管子·小問》篇:「語曰:澤命不渝 後去之。《詩》曰:「羔裘如濡,恂直且侯。 山林,其命在 晏子起而出,援綏而乘。 不偷。」晏子之謂也。」《晏子・襍上》、《新序・義勇》「偷」作 渝」。《箋》云:「處命不變,謂守死善道、見危授命之等。」 「直兵推之,曲兵鉤之,嬰不之革也。」崔杼曰:「舍晏子。」 「隱六年,鄭人來渝平」,杜注《左傳》云:「渝 「庖廚。 命有所縣,安在疾驅?」安行成節,然 其僕馳,晏子撫其手曰:「麋鹿在 舍、釋古字通用。 彼己之子,舍命 「渝,變」

皮也。 不純用羔,下於諸侯,而豹亦飾之最盛者。《管子• 緣以豹皮爲飾也。 卿大夫之服也。」此《傳》云「豹飾,緣以豹皮也」者,謂袂末 之。」鄭注云:「飾,猶褎也。」《唐・羔裘》:「羔裘豹袪。」「羔 裘豹裦。」《傳》:「袪,袂未也。」「褎,猶袪也。」《箋》:「在位 司,主也。【疏】《禮記·玉藻》:「羔裘豹飾,緇衣以 「諸侯之禮 羔裘豹飾,孔武有力。 【傳】豹飾, 孔,甚也。 ,令齊以豹皮往,小侯以鹿皮報。 《弁服釋例》云:「大夫羔裘豹袖, 彼其之子,邦之司直。 緣 齊以 【傳】 以)固以 馬 大 裼 豹

> 信也。」 往,小侯以犬報。』注:『往重報輕。』蓋幣以鹿皮爲重,而豹往,小侯以犬報。』注:『往重報輕。」蓋幣以鹿皮,故《揆度》篇:「令諸侯之子將委質者,皆以皮又重於鹿皮,故《揆度》篇:「令諸侯之子將委質者,皆以皮不重於鹿皮,故《揆度》篇:「令諸侯之子將委質者,皆以皮不重於鹿皮,故《揆度》篇:「令諸侯之子將委質者,皆以

達,得乎哉?」楊倞注云: 均辨,説乎賞慶矣。 當即具在本經。《荀子・富國篇》:「古人爲之不然,使民 者,威乎刑罰。 故君國長民者,欲趨時遂功,則和調累解,速乎急疾,忠信 爲之出死斷亡而愉者,無它故焉,忠信調和,均辨之至也 下俱富,而百姓皆愛其上。 夏不宛暍,冬不凍寒,急不傷力,緩不後時。 「如濡」也。英,猶美也。 之美稱。【疏】晏、鮮雙聲。 三英、三德也。彼其之子、邦之彦兮。【傳】彦、士 三德者誠乎上,則下應之如景嚮,雖欲無明 必先脩正其在我者,然後徐責其在人 三英,謂有三美德者,三德之義 「三德,謂調 人歸之如流水,親之歡如父母 云「鮮盛」者,謂飾也。 和 解 累,忠信均辨 事成功立,上 晏兮,猶

卷

羔裘晏兮,三英粲兮。【傳】晏,鮮

盛貌。

《説文》:「妓,美也。」「粲」与「妓」同。 謂楊氏二説俱非。 忠信,易曉耳。 均辨之謂也。釋「侯」爲「君」,即脩正在我之恉也。 且侯,又一德也。夫是之謂三德。釋「洵」爲「均」,即調和 當即是首章「洵直且侯」之義:洵、一德也、直、一德也、 脩正己,又一德也。 正己而後責人也。 云二德,當於本經求其義。正與《荀子》言三德意略相同。 「彦」云「士之美稱」也 「粲,美貌。」○《爾雅・釋訓》:「美士爲彦。」故《傳》釋經之 蓋大毛公曾親炙荀子,詁訓多從師説。 忠信,一德也。 或曰:二德,即 夫是之謂三德。 忠信 調和均辨,一德也。 《傳》意詩言「三德」 賈逵注《國語》云: 調 和、均辨 直之爲 也。 其 先 奂

《遵大路》二章,章四句。

去之,國人思望焉。《遵大路》,思君子也。莊公失道,君子

範》:「遵王之道。」又云:「遵王之路。」是路亦道也。《正也。【傳】寁,速也。【疏】遵、循聲近,故同訓。《洪路,瓊,掾,擘,祛,袂也。 無我惡兮,不寁故遵大路兮,摻執子之袪兮。【傳】遵,循,

文》云:「「故也」,一本作「故兮」。後「好也」亦爾。」 《玉藻》注云:「繼袂揜一尺,若今褎矣。」冕服衣侈袂,《司 其袪尺二寸,大夫已上侈之。侈之者,蓋半而益一焉。半 此所以刺莊公失道,不能用君子,君子去之而不可留。 之好」,彼《箋》「故」爲「故舊」、「好」爲「愛好」,其義當同。 謂吾君不召而愛好之也。《唐・羔裘》「維子之故」、「維子 故舊也,謂吾君不召故舊之人也。「不寁好」,好,愛好也 走同聲,速、疾同義。「速」訓「疾」,又訓「召」。《行露》傳: 雅·釋詁》文。《説文》:「寁, 凥之速也。」「疌, 疾也。」寁, 之口。《傳》云「袪,袂」,渾言不別也。○「寁,速」,《爾 服》注云"「士之衣袂,皆二尺二寸而屬幅,是廣、袤等也。 裘》篇。深衣之袂末,又續緣廣寸半也。 之,則爲之袪。徑尺二寸,是謂之袂末。 之,爲徑二尺二寸而屬於衣,是謂之袂。 路兮攬子袪。」攬,俗「擥」字。凡袂,布一幅四尺四寸,中屈 从手,臨聲。 篆。《傳》詁[摻]爲[擥]者,《説文》[擥]下云:「撮持也。 而益一,則其袂三尺三寸,袪尺八寸。」袪、袂異材,袪爲袂 義》引《説文》有「摻」字,參聲,訓「斂」。。今本《手部》佚「摻」 「速,召也。」此《傳》「速」義自當訓爲「召」。「不寁故」,故: 盧敢切。」《文選》宋玉賦因稱《詩》曰:「遵大 中肘以前,尺漸殺 長衣、中衣之袂 袂末,詳《唐・羔 《釋

240

之「棄」。《箋》讀「勳」爲「醜」,與上章同訓。魗,俗字。「無我敬兮」。敵即敬也。「勳」訓「棄」,棄讀如「棄予如遺」文》本亦作「勳」。《説文・攴部》云:「敬,棄也。」引《詩》作文》本亦作「勳」。《説文・攴部》云:「敬,棄也。」引《詩》作文》本亦作「勳」。《選好也。【疏】魗,當作「勳」。《釋

《女曰雞鳴》三章,章六句。

[士]字,「陳古士義」爲句。 以刺今不説德而好色也。【疏》《正義》本「義」上有《女曰雞鳴》,刺不説德也。 陳古士義,

有爛。 色也。」子,謂君子也,士之美稱。此承「士曰昧旦」而言。 矣。《箋》云: 明星,大星也。 旦,後於雞鳴時。《箋》云:「此夫婦相警覺以夙興,言不留 與鴈。【傳】閒於政事,則翱翔習射。【疏】曰,語詞。 女雞鳴而起,士昧旦而興。 女曰雞鳴,士曰昧旦。 【傳】言小星已不見也。 「明星 爛,猶爛爛也。 |尚爛爛然,早於别色時。」《東門之楊》 旦,明也。 大星爛爛,故小星已不見 子興 將翱將翔,弋鳧 昧,明未全明也。 **,視夜,明星** 昧

也。下章即本此意而申言之。《箋》云:「弋,繳射也。言事,政事之閒,然後習射,習射以爲燕賓客,皆所謂説德也。《傳》必補明經義云「閒於政事」者,君子夙興,先行政箋以明星爲大星也。○翱翔以弋鳧鴈,言君子之翱翔習射

無事則往弋射鳧鴈,以待賓客爲燕具。」

【疏】「弋言加之」、「弋」字承上文「弋鳧與鴈」而言。 【傳】君子無故不徹琴瑟。 雅》云:「宜,飲酒之肴也。」凡言酒,必兼言肴。《正月》: 非釋字義也。《賓之初筵》傳: 爲「嘉肴」之「嘉」,故《雅》、《傳》直詁「宜」爲「肴」,釋經義 例矣。上句言「加」既爲「加豆」之「加」,則下句言「宜」當讀 嘉也,古宜、嘉同聲,若《鳧醫》「來宜」與「既嘉」爲韻。 之以爲加豆之實。「宜,肴」、《爾雅・釋言》文。宜之爲言 菹、鴈醢。」《既醉》傳:「加豆,陸産也。」鳧、鴈皆陸産,故弋 也,亦語詞。 偕老。【傳】宜,肴也。琴瑟在御,莫不静好。 「彼有旨酒,又有嘉肴。」《賓之初筵》:「籩豆有楚,肴核維 「宜」字亦即承上文「與子宜之」而言。《正義》引李巡注《爾 弋言加之,與子宜之。宜言飲酒,與子 加,加豆也。《周禮·醢人》:「加豆之實,葯 「肴,豆實也。」「宜言飲酒」、 賓主和樂,無不 安好。 言,日 此其

卷

Ł

·: 四

謂士之詞。《箋》以「子」爲賓客,則與首章之「子」不同義 聯直下,首章之「子」與二章兩「與子」、三章三「知子」,皆女 者,賓與主人也。 旅 釋經「琴瑟在御」句也。 矣。○《禮記・曲禮》篇:「士無故不徹琴瑟。」《傳》引之以 嘉。」皆肴、酒竝舉矣。 「賓主和樂,無不安好」也。子,君子,謂主人。言「與子」 既 和 旨 飲 偕,俱也。老,言久也。案此篇詩意皆蟬 酒孔偕。」《鳧醫》: 加肴飲酒,所以燕賓客,故下《傳》云 鄭注云:「故,謂災患喪病。」《儀 爾 酒既 多,爾 肴 既

進臧鏞堂云:「此當屬《鄭風》「琴瑟在御」之《傳》也。」《斯・柏舟》傳亦云:「静,安也。」《白虎通義・禮樂》篇引《斯・柏舟》傳亦云:「静,安也。」《白虎通義・禮樂》篇引飲」而言之也。莫不,無不也。《抑》傳亦云:「莫,無也。」樂,無不安好」,以釋經「莫不静好」句。賓主和樂,家「燕樂,無不安好」,以釋經「莫不静好」句。賓主和樂,家「燕

文,注云:「去樂。」是有故徹。

無故,則不徹也。「賓主和

琴瑟者、即燕飲之樂器也。又《既夕・記》有「徹琴瑟」之

既夕禮》有燕樂器,注云:「與賓客燕飲用樂之器。」是

珩、璜、琚、瑀、衝牙之類。 知子之順之,襍佩以知子之來之,襍佩以贈之。 【傳】襍佩者,

上有雙衡。 《文選・思玄賦》引《大戴禮》並作「雙衡」、《新書・禮》篇亦 也。 璜、琚、瑀、衝牙之類」是也。 也。 謂相恩勤爲來,此言「來之」,下言「順之」、「好之」,義相因 《采薇》序云:「《杕杜》以勤歸。」」即是「勞來」也。是古者 作「雙衡」。《初學記・器物部》引《三禮舊圖》云:「凡玉佩 行志中》、杜佑《通典》、王應麟《玉海》引《月令章句》、李注 篇:「上有雙衡。」盧注云:「衡,平也。」 顔師古注《漢書·五 雙。」韋注云:「珩,佩上飾也。 謂之襍佩。襍之爲言集也,合也。諸玉石、《傳》所謂 曰:「來,勤也。」《正義》曰:「以「不被勞來」爲不見勤,故 「勞、來,勤也。」《大東》篇「東人之子,職勞不來」,毛《傳 也。《詩述聞》云:「來,讀爲「勞來」之「來」。《爾雅》曰: 之。《疏》知,讀爲「相知」之「知」。 知子,與君子相知者 問之。【傳】問,遺也。 「佩,佩玉也。」佩所繫之玉,謂之佩玉。 集諸玉石以爲佩 「楚之白珩。」韋注云:「珩,佩上之横者。」《大戴禮・保傅》 《箋》讀「來」爲「往來」之「來」,疏矣。」〇《子衿》傳: 所以節行止也。 衡長五寸,博一寸。」又引魚豢《魏略》有雙衡 从玉,行聲。」《晉語》:「白玉之珩六 知子之好之, 珩者、《説文》:「珩、佩上玉 珩形似磬而小。」《楚語》: 襍 佩 以 珩 報

爲聲。

所觸之玉,其形似牙,故曰衝牙。

皇

<u>;</u> 五

中

央下端縣以衝牙。

動則

《傳》:

佩

《説文》:「琚,佩玉石也。」「瑀,石之次玉者。」《木瓜》「報之 《三禮舊圖》云:「下有雙璜。 組懸於衡之兩頭。 注》及《國語注》引《詩傳》曰"「下有雙璜。」賈疏云"「謂以 也。」《大戴禮》「下有雙璜」,盧注云:「半璧曰璜。」《周禮 瑶、瓊玖、《丘中有麻》「詒我佩玖」、《公劉》「何以舟之,維玉 以瓊琚」、《傳》: 璜在人足,亦猶佩玉之璜在組末也。 三家釋《采芑》之「蔥珩」。 珩。」韋注《晉語》引《詩傳》「上有蔥珩」,則所謂《詩傳》者 行步,下則雙璜與衝牙成聲,上則珩與珩成聲。《采芑》篇 言天子之珩,不得爲蔥珩明矣。 阿谷之女佩璜而瀚下。《韓詩外傳》亦有其文。琚、瑀者 三命則蔥珩也。 玉府》「共王之佩玉」,鄭注引《詩傳》" ·珩」,《傳》: 有琚、 「珩」通。 · 琥、璜之渠眉。」 珩 瑀 據《舊圖》,珩五寸。 「琚,佩玉石。」《有女同車》「佩玉 珩爲佩玉最上之名,上有環,環三組 ,所以納閒。」《木瓜》既言瓊琚,又言瓊 兩組之末皆有半璧曰璜,故曰雙璜。」 天子白珩,諸侯有之,僭也。《大戴 「瑲, 後儒因改《大戴》「雙」字爲「蔥」 「鄭注云:「璜,在足。」是斂尸之 珩聲。」謂即雙珩之聲也。 璜徑三寸。」《典瑞》:「駔圭 璜者、《説文》: 《正義》引《列女傳》: 雙珩與下雙璜相準。 「佩玉,上有蔥 「璜,半檗 瓊 琚」, 《周 , 旁 要》: 爾。 非一 皆踵 珠者。 牙前後觸璜而 皆瞀亂不可 央,以前後觸也。」孔疏云:

璋、璧、琮

字。

案「衡」與

兩組各繫

「有瑲蔥

《三禮舊圖》皆云「衝牙、 牙、玭珠以納其閒 也。」瑶謂琚瑀,珠爲蠙珠。 者曰琚,白者曰瑀。」則以琚、瑀爲蠙珠。《續漢志》引《纂 珠而不及琚、瑀、唯《大戴禮》備有之。今本《大戴》作「衝 矣。《毛詩傳》但言琚、瑀而不及蠙珠,二家《詩》傳但言蠙 在衝牙之上,則衝牙、蠙珠在中組,故《周禮注》引《詩傳》、 衡下璜,故言衝璜即言琚、瑀。 此即《大戴・保傅》篇文也。 有雙衡,下有雙璜,琚、瑀以襍之,衡牙、玭珠以納其閒。」案 以襍之,衝牙、蠙珠以納其閒。」顏注《五行志》云:「玉 及瑶」、《渭陽》又言瓊瑰。 物,有倍貳也。」有珠有玉,或珠亦玉類,唯形之圜 「盧氏之誤。《荀子・ 衝牙者、禮記・ 「琚瑀,所以納閒,今白珠也。」《舊圖》亦以蒼珠爲瑀 蔡邕《月令章句》: 讀。 玭,或作「蠙」,盧注云: 琚、 玉藻》「佩玉有衝牙」,鄭注云: ·瑀以襍之」。 蠙珠以納其閒」,每連 琚、 賦篇》云: 「佩上有雙衡,下有雙璜,琚、 《釋名》亦云:「佩,倍也。 唯字稍有異耳。 瑀 衝牙居雙璜之中央,蠙 瑶、玖、瑰,皆美石,無言 一本又脱「衝牙」二字・ 「琁 「總曰玭珠,而 玉瑶珠,不 琚、瑀襍於上 而言之,是 「居中 言其 珠又 知 好 佩 佩 瑀 赤

《正義》云:「《曲禮》「凡以苞苴簞笥問人」者,哀二十六年 以晐上下,或解一佩以贈,或繫一玉以佩。 其外尚有蠙珠也。 角,左宫、羽。」注:「君子,士已上。」是天子至士皆左右佩 郭璞注云:「左右兩佩。」《玉藻》:「古之君子必佩玉,右徵 禮舊圖》又云:「璜中横以衝牙。」《穆天子傳》「天子夾佩」, 禮・玉府》注引《詩傳》、《二禮舊圖》並以衝牙爲納閒。《三 此皇侃所本也。《大戴禮》、《月令章句》、《五行志》注、《周 非謂衝牙二物也。 説與鄭注同意。 氏謂衝居中央,牙是外畔兩邊之璜,以衝牙爲二物。]案皇 之全者,故云「襍佩以贈之」也。○《箋》云:「贈,送也。」 玉矣。佩玉有珩有璜,又有琚、瑀、衝牙。《傳》云「之類」, 《左傳》「衞侯使以弓問子貢」,皆遺人物謂之問,故云" 衝以居中之玉而名,牙以兩旁之玉而名, 全《詩》兩言琚、瑶、玖,一言瑰,或舉中 盧注《大戴禮》云:「衝在中,牙在傍。」 此詩乃舉佩玉

于齊。 有女同車》,刺忽也。 大子忽嘗有功于齊,齊侯請妻之。 《有女同車》二章,章六句。 鄭人刺忽之不昏

齊

卒。 《正義》駁之,是矣。 日争鬩,作追刺之詞。 人刺忽微弱,由失援於大國之助。前日不昏於齊,致啓後 忽既爲莊公大子,莊公殁,立未踰年,即爲祭仲所逐,故鄭 奔衞。己亥,厲公立。」是忽之見逐,在魯桓公十一年矣。 寵,子無大援,將不立。三公子皆君也。」弗從。夏,鄭莊公 戎也,齊人將妻之,昭公辭。 又請妻之,遂辭諸鄭伯。」又十一年《傳》:「鄭昭公之敗北 侯欲以文姜妻鄭大子忽,大子忽辭。及其敗戎師也,齊侯 國人刺之。【疏】桓六年《左傳》:「公之未昏於齊也,齊 女賢而不取,卒以無大國之助,至於見逐,故 祭仲與宋人盟,以厲公歸而立之。秋九月丁亥,昭公 齊女非文姜、《鄭志·荅張逸問》誤 祭仲曰:「必取之。) 君多内

從者畢玄端,乘墨車,從車二乘,執燭前馬。 迎同車」以申明經義。《士昏禮》:「主人爵弁,纁裳,緇袘 有談。」亦如之者,謂《士禮》從車二乘,執燭前馬 姜,齊之長女。 瑀,所以納 舜,木槿也。將翱將翔,佩玉瓊琚。【傳】佩有琚 有女同車,顏如舜華。【傳】親迎同車也。 閒。 都,閑也。【疏】經言「同車」、《傳》云「親 彼美孟姜,洵美且都。【傳】孟 婦車亦如之 ,壻婦皆同

者是也。

即《氓》詩之「帷裳」也。 襍家謂之朝生, 高五六尺,其葉與安石榴 堇,俗作「槿」。《淮南·時則》注云:「木堇,朝榮莫落,樹 賦》、《齊民要術》十、《御覽・百卉部六》引《詩》皆作「蕣」。 大夫以上,婦自乘其母家之車,不同 車與壻從者之車 乃設言鄭大子忽親迎齊女,當是諸侯親迎之禮。女從者之 注云:「木堇,王蒸也。」○《木瓜》傳: 木堇,一名櫬,一名椵。 云:「女子出門,必擁蔽其面。」又《儀禮》: 女之顔,謂壻同 「壻御婦車,授綏,爲與婦同車」,直指同 1.婦車,不過御輪三周,壻即先驅,士婦乘壻家之從車。 又奪去#頭耳。 兩御之。」御,迎 《詩》曰:「顔如톯華。」」《詩》作「蕣」,今隸變作「蕣」, 《傳》:「諸侯之子嫁於諸侯,送御皆百乘。」案此詩 五月始華,故《月令》: 迎同車之禮 一名蕣。」《正義》引《義疏》云: .'車同行時所見云然,尤違《詩》恉。 ,其送迎百兩 也。 高注《淮南》、《吕覽》、李注《文選• 二章:「之子于歸,百兩將之。」將 齊、魯之閒謂之王蒸。 ○《説文》::「蕣,木堇。 也。 相 似也。 《鵲巢》篇一章:「之子于 ,儀從亦皆相同。 「仲夏、木堇榮。」」《月令》 是月榮華可 「瓊,玉之美者。」「琚 車 一車者説。 屯 「婦車有裧。」裧 或據下句言 今朝生暮落 用 舜, 朝華莫落 《正義》引 作蒸也。 《内則 不 神女 知壻 歸, 名 若 器 》: 注云: 記• 足。 詩 : 佩 納其閒。」玭,一作「蠙」。 組皆上珩下璜。 「襍佩」,此以琚、瑀 螧 經解》: 「鞙鞙佩璲。」捐 珠又在中 -組之閒

者

丽

、玉名。」經言琚、《傳》言琚瑀。 爲佩玉之納閒。 案上篇舉珩、璜、琚、瑀、衝牙以 上篇《傳》云 《大戴禮》於琚、瑀 《大戴禮・保 「襍佩者,珩 珠以

送也。

巾

此

即親

百

傅》篇:「上有雙衡,下有雙璜,琚、瑀以襍之,衝牙、玭 璜、琚、瑀、衝牙之類」,琚、瑀爲石,珩、璜爲玉。 《爾雅·釋器》:「佩衿謂之褑。」郭注: 以石納玉閒謂之納閒,其義本同也。 襍,於衝牙言納閒,而納閒又有蠙珠。 上篇《正義》引此《傳》「琚瑀 作「琚玖」者,非善本也 此家上篇而義互相 以石集合玉謂之襍 「佩玉之帶上屬。_

文》:「紟,衣系也。」「綎,系綬也。」「綎」與 衿,當作「紟」。《方言》、《廣雅》皆云:「佩紟謂之裎。」《説 裎」 同。

佩象環,五寸。」《列女傳・貞順》篇:「鳴玉環佩。」曹大家 「環謂之捐。」佩 「玉環佩,佩玉有環。」此皆佩玉有環之證 「行步則有環佩之聲。」又《玉藻》:「孔子去魯 即 鞘。 玉之有環,如車軾之有環。《大東 鞙, 繁佩之組也。 凡佩玉 也。

七

閒

假言其賢長以美之。不可執文以害意也。」《傳》訓「都」爲 美都、德音,謂其賢也。《正義》云: 珩,遂滋異説。 禮》云「衝牙、蠙珠以納其閒」者,就中組言之也。毛《傳》云 納閒之玉,所謂「衝牙、蠙珠納閒」者,義不可通也。 於琚瑀之上下,則中組一組但末縣一衝牙,衝牙之上更無 中,琚瑀又貫於蠙珠之上下。或又謂琚瑀居中,蠙珠又納 書》亦從《周禮疏》以繪圖,其説亦非是。 閒」。」據孔,但有蠙珠,無琚瑀,其説固不足信。 賈以琚瑀 在中組之中央,又用五組邪繫衡璜,皆有蠙珠。 珠以納其閒」者,組繩有五,皆穿珠於其閒,故云「以納其 於瑪琚之内角,斜繫於衝牙之兩頭,於組末繫於璜。 琚,❷其瑀琚所置,當於縣衝牙組之中央。❸ 又以二組穿 縣以衝牙。」●《玉府》賈疏云:「《毛詩傳》衡璜之外别有瑀 於衡,下垂三道,穿以蠙珠。 「閑」,閑,當作「閒」,古「嫺」字。 之説也。 雙璜之下有綬、綬有玄、 「琚瑀以納閒」者,就左右組言之也。 左右組,當較大於中組,以中組貫蠙珠故也。 舊説納閒之玉、《玉藻》孔疏云:「凡佩玉必上繫 ○孟姜,齊之長女。 、朱、純、 下端前後以縣於璜中央,下端 《楚辭·大招》: 綦、 「齊女未必實賢、實長」 緼、 姜,齊姓。 其誤總以雙珩爲一 青之等 近儒或謂蠙珠 此佩玉納 差。 陳祥道《禮 孟,長也。 「比德好 《大戴 綬 云「蠙 組 居 閒 爲

> 丁可,「奲」之轉,猶 正,猶「都」正音讀如 容貌之美大也。《玉篇》:「奲,寬大也。 从奢、單。」奲合二字會意,奢,張也。 也。」富都,即美都也。 語》:「使富都那豎贊焉,而使長鬣之士相焉。 「都」乃「奲」之假借字。 習以 都 只。」司 馬 「者」也。 「都」轉音讀如「多」也。 相 韋注云:「都,閑也。」義與《傳》同 如 《説文・ 企上 林 *、賦》: 奢部》: 單,大也。 「妖 丁可、昌者二切。」 冶閒 「奲,富奲奲兒 昌者,「奲」之 臣不知其美 都。」 富奲奲,言 」又《楚

皆云:「行,道也。」道者,讀如「道路」之「道」。 同此道路以至焉爾。 衍一「行」字。《行露》、《北風》、《載馳》、《鹿鳴》、《行**葦**》傳 鳴 英,猶華也。 玉 而後行。 有女同行, 將 彼美孟姜,德音不忘。 翱 顔 莊二十四年《穀梁傳》云:「迎者,行 將 如 翔,佩玉將將。【傳】將 舜英。 【傳】行,行 【疏】《傳》文 同 道者,謂 道 將 币

⁰ 林愛日軒刻本、徐子静本改。 衝」,原作「衡」,據阮刻《禮記正義》、中國書店影印武

⁶ 2 林日軒刻本、徐子静本改 ·衝」,原作「衡」,據阮刻《周 ·瑀琚」,阮刻《周禮注疏》作「琚瑀」。 禮注疏》、 下二「瑀琚」同。 中國書店影印武

木也。 玉而後行 親迎同車,正謂下車而行,鳴其佩玉將將然,故《傳》云「鳴 《大戴禮》云:「上車以和鸞爲節,下車以佩玉爲度。」詩言 也。 凡言玉聲,其字當作「瑲」。 得評爲英。《說文》:「英,艸榮而不實者。」是英爲艸,不爲 别耳。《出其東門》傳云:「茶,英茶。」茶亦榮而不實者,故 華,而下章言英。《傳》云「英,猶華」者,草亦曰華,渾言無 華,草爲榮。 也。 江東呼華爲荂,音敷。」案茸、篁、榮、荂竝與華同義。 者謂之英。」郭注云:「今俗呼草木華初生者爲弄,音瀦豬。 見諸、舍見諸。」此即 「華,皇也。」《釋草》: 《楚辭注》引《詩》作「鏘」。 木謂之華,草謂之榮。不榮而實者謂之秀,榮而不實 ○《采芑》傳:「瑲,珩聲也。」《説文》: 也。 木堇、《月令》言榮,而《詩》言華。 《竹竿》「佩玉之儺」、《傳》:「儺,行 「芛、葟、華,榮。 「同行」之義也。 瑲,今《詩》作「將」。 鏘,俗字。《終南》句同。 華,荂也。 ○《爾雅 「瑲,玉聲也。」 詩上章言 華、荂,榮 將,借字 釋言》: 有 木爲 節

Ш 有扶蘇》二章,章四 句。

度。」是婦人佩玉,亦行有節度矣

有扶 **八蘇》**, 刺 忽 也。 所美非美然。

卷

Ł

於此。 已萌。 散,故再赴。 陳亂,文公子佗殺大子免而代之。公疾病而亂作,國 鄭。」「桓五年春正月甲戌、己丑,陳侯鮑卒,再赴也。 甲辰,鄭公子忽如陳逆婦嬀。 【疏】美,讀如「彼美孟姜」之「美」。上篇言應取不取: 而陳不足恃,昭昭共見。 公,蔡出也,故蔡人殺五父而立之。」案忽妻陳嬀之時,陳亂 忽在王所,故陳侯請妻之,鄭伯許之,乃成昏。」「八年四月 及鄭伯盟,歃如忘。洩伯曰: 「五父必不免,不賴盟矣。」鄭 年《左傳》:「陳及鄭平。十二月,陳五父如鄭涖盟。 不應取而取,皆所以追刺忽之失援也。 良佐如陳涖盟,辛巳,及陳侯盟,亦知陳之將亂也。 《山有扶蘇》,猶《有女同車》也。 至蔡人殺佗之歲,即忽救齊之年。 六年秋八月,蔡人殺陳佗。」《傳》云:「陳厲 而忽又辭昏於齊,鄭之争端,實始 辛亥,以嬀氏歸。甲寅,入于 何以言之。 鄭、陳雖外親 鄭公子 壬申 於是 , 此 人分 姻 言

文》本《傳》文「木」上無「小」字。《小箋》云:「無「小」字爲 小 扶胥小木也。 都,世之美好者也。 各得其宜也。 山 有扶蘇,隰有荷 荷華,扶渠也,其華菡萏。言高下大 不見子都,乃見狂且。【傳】子 狂,狂人也。 華。 【傳】與也。 且,解 也。 【疏】《釋 扶 蘇,

荷。 中或復無此句,亦並闕讀。1按無者是也。 渠葉。」「蔤,扶渠本。」「蕅,扶渠根。」段注云:「今《爾雅 **蔨,已發爲夫容。」「蓮,扶渠之實也。」「茄,扶渠莖。」「荷,扶** 意。」《説文》:「菡,菡藺也。」「藺,菡藺,扶渠華。 未發爲菡 葉蔥,其本蔤,其華 菡萏,其實蓮,其根藕,其中的,的中 同,俗作「芙蕖」。《爾雅·釋草》:「荷,夫渠。其莖茄,其 與荷」、《傳》:「荷,夫渠也。」三章「有蒲菡萏」、《傳》:「菡 扶渠當華,故申釋之云「其華菡萏」也。《澤陂》一章「有蒲 疏、胥、蘇通用。」《傳》云「荷華,扶渠」者,以「扶渠」釋「荷」 發》,許氏《說文》,皆謂扶疏爲大木。 長。 不必更言其葉也。 致與《爾雅》同,亦無「其葉蔥」三字。蓋大葉駭人,故謂之 容,其秀曰菡萏,其實蓮。 萏,荷華也。」彼《傳》以夫渠爲荷,義與此同。 「夫」與「扶. 「荷、夫渠也。 《通體,故分别莖、華、實、根各名而冠以「荷夫渠」三字,則 「華」則連經文而言之。 「其葉蕸。」《音義》云:「衆家無此句,惟郭有。 《吕覽》及 大葉扶摇而起,渠央寬大,故曰夫渠。 其莖曰茄,其本曰蔤,其根 《漢 書 荷夫渠之華爲菡萏、菡萏之葉爲荷夫 司 馬 蓮之藏者菂,菂之中心曰 故訓中多有此例。又恐人誤以 相 如 劉 許氏「扶」作「扶」。 向 楊 高注《淮南》云: 目 《爾雅》假葉名 雄 藕,其華曰 傳 枚 就郭本 口薏。」大 (乘《七 古 夫

非。 義。 已之詞,無實義。 乃見狂人。 媒也。」子奢即子都,都古讀如奢。 都。」「姣」與「美」義同。《荀子·賦篇》:「閶娵子奢,莫之 也。」趙注云:「子都,占之姣好者也。」引《詩》曰:「不見子 至於子都,天下莫不知其姣也。 子疏》據《傳》文無「也」字。《孟子·告子》篇:「惟目亦然。 扶蘇、松,小謂荷、龍。」〇「子都,世之美好者也」,孫奭《孟 興所美之人實非美人。《小箋》云:「高、下謂山、隰。 解矣。」《傳》云「言高下大小各得其宜也」者,以總下 華、實言之,此作《爾雅》之精意也。 本言其全,根言其偏。本在下,根上於本。下文的、薏仍家 偕葉一莖同出,似有耦然,故下近蔤、上近華莖之根曰 菌蘭,其實蓮」之下者,謂此乃華、實之根。凡華、實之莖必 藕者是也。 於「荷扶渠,其莖茄」之下者,謂此乃全荷之本。今俗所 渠,省文互見之法也。」段注又云: ·辭」,辭,當爲「詞」。 「不見子都,乃見狂且」,言不見子都 《傳》以「狂人」釋「狂」。狂人,謂狂行之人也。「且」訓 扶蘇、橋松宜於山,荷華、游龍宜於隰。 猶下章云「不見子充,乃見狡童」也。 蔤之言滅没於泥中也。 此《傳》爲全《詩》「且」字發凡也。 不知子都之姣者,無目者 「《爾雅 楊注云「都」誤爲「奢」, 以「其根藕」系於「其華 叔重列字次弟未得其)以「其本蔤」系 宜以言不宜 且,爲語 單言曰 章釋 藕 謂

風且霾」之屬是也。 也。 樞》「且以喜樂」、「且以永日」之屬是也。「且」猶云「姑且 詁 訓 字爲語已之詞。《箋》於《出其東門》訓「且」爲「徂」、《韓奕》 「且,訶也。」「且」與「徂」同聲,故《詩》又以「徂」爲語詞。 "此」,俱非《傳》義。 「且」有在句首者,爲發語詞。 ·且」,連言之曰「只且」,亦曰「也且」。 只且、也且,皆以二 「姑」、《君子偕老》傳以「而. ·且」爲「多」、《北風》、《君子陽陽》、《騫裳》訓 「且」有在句中者,爲語助詞。 《終風》 「終風且暴」、「終 「且」猶云「而且」也。 」話「且」也。 此《傳》統釋之云: 故《卷耳》傳以「且 「且」爲 _山 有

蘥。]又云: 之土,其山之淺有蘢與卉。」《爾雅》亦作「蘢」,云:「蘢,天 言「放縱」以釋經「游」字之義也。《管子·地員》篇:「五位 松、易識之木、《傳》因下龍草而連釋之也。 己》篇: 讀「橋」爲「喬」,故云:「高也。」鄭易「橋」爲「槁」。《呂覽・先 人也。 紅、草也。不見子充、乃見狡童。【傳】子充、良 名紅,草名也。 山 狡童,昭公也。【疏】《釋文》據《詩》作「橋」,王肅 「百仞之松,本傷於下,而末槁於上。」鄭與吕 有橋松,隰有游龍。【傳】松,木也。 紅紅 ,離古。 此與「莪、蘿、蒿也」作三句讀一例。 其大者蘬。」蘢古,亦作「蘢鼓」。 「龍、紅、草」,龍 《箋》 龍, 合 郭

《傳 耳。 後總釋,此因略而不言。 又上章解「狂且」之義,而「狡童」之義於《狡童》篇釋之,似 曰:「狡童、昭公也。」昭公有壯狡之志、《傳》以狡童之義在 此《傳》「狡童、昭公也」,係彼《傳》之文。後脱、誤移於此 如以目昭公,亦必於釋「狂且」下箸之,不應於下章始言。 屈伸理對,言伸必有屈。《傳》釋子都爲美好,子充爲良人, 《箋》指小人爲長,其言亦是。 異義》云:「孫毓謂《傳》以狡童爲昭公,於義雖通,不 合敘「所美非美」之義,無由以狂且、狡童目昭公也。《傳》 正指君子,則狂且、狡童當指小人。 有誤也。《傳》以章首二句爲反興,則下二句義當接成。 陸説異。 有之,似蓼而葉大。」竝謂紅草狀似馬蓼,非即馬蓼也。 甚多,今生下溼地,極似馬蓼,甚長大。《詩》稱「隰有 注:「俗呼紅草爲籠鼓,語轉耳。」《正義》引《義疏》云:「一 龍」。」《本草圖經》云:「葒草,即水紅也。 名馬蓼,葉大而赤白色,生水澤中,高丈餘。《名醫别録》: 「葒草,一名鴻்語。 》文何襍碎乃爾。 彼敘「刺忽不與賢人圖事」,爲賢人指昭公之言,故 ○子充,猶子都,故《傳》云:「良人也。」汪龍 如馬蓼而大,生水傍。]陶注云:「此 彼此參校,知不如是也。」案汪起潛以 不然,於此言其人,於彼言其義 然以《傳》義求之,疑《傳》文 用舍失當,反正對言 今所在下溼地 **泛詩** Ħ. 若 與 皆 游 類

此,❶汪説極是。 此《傳》文「狡童,昭公也」五字,爲《狡童》篇之義誤移於 但以子都、子充爲君子,狂且、狡童爲小

姜,既失彊齊之援,以結亂陳之親,故一章云「不見子都,乃 見狂且」、《傳》:「狂,狂人也。」狂人當指陳侯鮑。《公羊 人,尚是《箋》義,非《傳》義。此與上篇同意,刺忽之不取齊

傳》:「曷爲以二日卒之? 怴也。」何注:「怴者,狂也。齊 人語。」二章云「不見子充,乃見狡童」,毛無《傳》。 狡童,猶

也。 狂人也。 陳君則曷爲謂之陳佗? 狡童當指陳佗。《公羊傳》:「陳佗者何? 絶也。 曷爲絶之? 賤也。 陳君

桓公既爲病狂之人,不能足恃。 其賤奈何? 而忽反辭昏於齊,以失大國之助,是爲刺爾。 外淫也。惡乎淫? 淫乎蔡,蔡人殺之。」蓋陳 陳佗弑立,亦淫亂之輩,不

能

援救。

〈蘀兮》二章,章四句。

也。 【疏】詩二章皆言君臣倡和,而刺在言外,故昭十六年 蘀兮》,刺忽也。 君弱臣强,不倡 而 和

也。 人臣待君倡而後和。 叔兮伯兮, 倡予和女。 蘀兮蘀兮,風其吹女。 【傳】興也。 蘀,槁 《左傳》「鄭六卿餞宣子,子柳賦《蘀兮》」也。

倡。 也。 月》、《鶴鳴》傳竝詁「蘀」爲「落」,此云「槁」者,槁謂未落,各 【傳】叔、伯、言群臣長幼也。 女和。 爲群臣長幼之稱。 云:「槁,謂木葉也。 隨文訓。 指群臣言,與上下文義不通。 女」。風吹蘀槁,君令臣行之義也。《箋》謂倡和俱屬叔伯 予,我,我,君也。 喻君有政教,臣乃行之。言此者,刺今不然。」〇叔、伯 女,爾,爾,叔伯群臣也。 云「人臣待君倡而後和」者,所以明興義也。 經中「倡」字即家上文「吹」字。 木葉槁,待風乃落。 興者,風喻號令 故《傳》以「君倡」釋「倡予」。和女, 君 故《傳》以「臣和」釋「和 倡 臣和也。【疏】《七 倡予,予

樂節 梅》傳:「摽,落也。」摽謂已落,漂謂未落,故云:「漂,猶吹 叔兮伯兮,倡予要女。【傳】要,成也。【疏】《摽有 也。」要,亦和也。要,讀如《樂記》「要其節奏」之「要」。凡 一終,謂之一成,故要爲成也。 蘀兮蘀兮,風其漂女。【傳】漂,猶

0 林愛日軒刻本、徐子静本改。 ·狡」,原作「校」,據本卷《狡童》傳疏、中國 書店影印武

「吹也。

臣擅命也。《疏》《箋》云:「權臣擅命,祭仲專也。」《狡童》,刺忽也。不能與賢人圖事,權

《毛詩》皆作「維」。 《吕覽・禁塞》云:「壯佼老幼。」《大戴禮・千乘》云:「老疾 愎。 爲「昭公」,又申説其義,乃云「昭公有壯狡之志」也。 字爲此篇文,是也。詳《山有扶蘇》篇。蓋《傳》既釋「狡童 餐,謂不暇能食也。 狡好,非也。 覽・仲夏紀》「佼」作「狡」。高注云:「壯狡,多力之士。」又 萇楚》傳:「漢漢,壯佼也。」彼「壯佼」謂少好,此「壯狡」謂剛 **遑餐也。【疏】**《詩異義》以《山有扶蘇》傳「狡童昭公也」五 之志。維子之故,使我不能餐兮。【傳】憂懼不 用財,壯狡用力。」並與此「壯狡」義相近。 孔仲達以爲幼壯 《唐・羔裘》句同。《玉篇》:「唯,爲也。」它家《詩》作「唯」, 「維」與「爲」同義者,放此。餐,猶食也。遑,暇也。不能 狡、佼字通而義異。《禮記・月令》「養壯佼」、《呂 彼狡童兮,不與我言兮。【傳】昭公有壯狡 ○維,爲也。「維子之故」,言爲子之故也。 「維」與「爲」古聲相同,故義得相通。凡 《隰有

彼狡童兮,不與我食兮。【傳】不與賢人共

卷

t

食禄。維子之故,使我不能息兮。【傳】爱不能 息也。【疏】我,我賢人也。《傳》云,不與賢人共食禄」者, 《孟子·萬章》篇「弗與共天位也,弗與治天職也,弗與食天 禄也」,趙注云:「位、職、禄皆天之所以授賢者,而平公不 與亥唐共之。」即其義也。息,止也。《傳》於不能息曰憂, 上章不能餐曰憂懼,皆述賢人憂患之詞。

《褰裳》二章,章五句。

争國,更出更人,而無大國正之。」
大國之正己也。【疏》(箋》云:「狂童恣行,謂突與忽大國之正己也。【疏》(箋》云:「狂童恣行,國人思

鄭縣西北平地,東過其縣北,又東南過其縣東,又南入於洧經》皆作「潧」。《説文》:「潧,水出鄭國。」《水經》:「潽水出文》:「蹇,本或作「騫」。」、為者,假借字。溱,《説文》、《水大國之正卿。」「惠,愛」、《北風》同。愛,相親愛也。《釋且!【傳】狂行童昏所化也。【疏】《箋》云:「子者,席且!【傳】狂行童昏所化也。【曉】《箋》云:「子者,席且!【傳】私行童昏所化也。【傳】惠,愛也。溱,子惠思我,褰裳涉溱。【傳】惠,愛也。溱,

香,即 義 也。」《釋訓》:「僮昏,八疾也。」是「童」、「昏」二字 也。」韋注云: 語 也。 通 水合。 婁》稱子産以乘輿濟 洧,而 「乃見狂且」,狂即此詩「狂童」之「狂」。 過鄭縣南, 潧水從西北來注之。」酈注亦云: 者,黄崖水也。 鄶 、潧東南更無別瀆、不得逕新鄭而 ·逆 ·晉,後之荆楚。」《玉篇》引經、《傳》皆作「僮」,古童、僮 《傳》「狂行童昏」又四字連文得義。 「惷愚,生而癡騃童昏者。」《廣雅・ 《箋》:「狂童之人日爲狂行。」此《箋》申《傳》也。 「童昏不可使謀。 《傳》釋 狂行之狀。 名鄶水。 『在鄭城東入洧者爲黄崖水,故《水經・洧水》篇: 鄶 〇不我思,言不思我也。 經所謂潧水,非也。」《方輿紀要》云:「溱水出 注 "城,西 「狂童」爲「狂行童昏」。 「南注於洧。 童,無智。 一潧水 東北流至新鄭縣界,與洧水合。」《孟子 蓋經誤證耳。」案善長以潧水從新鄭西 故《詩》有單言「狂」者,如「衆稺且 (人溱洧者,溱洧水淺處爲人可濟涉之 出 鄫 童昏、囂瘖、僬僥,官師之所不材 城西 昏,闇亂。」鄭注《周 世亦謂之爲鄶水也。]又云: 北雞 《箋》云: 絡隖下, 化 會洧 · 釋詁》: 單言狂,絫言狂 ,爲也。 竜,即 「言他人者,先鄉 也。 東南 「洧水東與黄 「僮惛 禮 鄭城東入洧 所化 狂 流 連 也。 司 歷 文得 狂 狂 所 離 密縣 南人 ≪ 晉 下 童 刺 東 自 童 癡 爲 \mathbf{H}

> 冠」之稱,故以僮爲幼僮解之者,皆沿其誤 無 義 也。 玉 篇 × 僮 幼 迷荒者。 此 依 《説文》「 僮 未

傳同。 以「事」詁「士」,正用《左氏》説。《呂覽・求人》篇云:「晉 其能終乎?」」此言終事晉國,釋下章「豈無他 又云:「子大叔拜,宣子曰: 「事」,此謂假借也,《東山》、《祈父》、《北 封府洧川縣地。」〇古士、事聲同。 溱水爲雙泊河。 [起在此,敢勤子至於他人乎?]]此釋上章「豈無他人」也。 河南府登封縣北陽城山,逕禹州密縣,又東流至新鄭縣, 有嵩高山,洧水出」,則異源矣。 山。」酈注云: 出陽城山, 水所出,東南至長平人潁。」《説文》及杜氏《釋例》皆謂 之狂 子不我思,豈無 成十七年《左傳》:「諸侯伐鄭,至於曲 也且 昭十六年《左傳》云: 子惠思我,褰裳涉洧。【傳】洧,水 人潁。 「陽城山,馬領之統目。」惟《郡 又經長葛洧川鄢陵扶溝西華縣境而 【疏】《地理志》: 《水經》: 他 ± ? 『善哉,子之言是。 「子大叔賦《褰裳》,宣子曰: 「洧水出 《方輿紀要》云: 【傳】士,事也。 「潁川郡 其字作 河 山》、《敬之》、《桓 南密 洧。』曲洧,今開 陽城陽城 國志》陽 土也 「士」,其意爲 縣 不有是事 西 洧 南 名 狂 《傳 Щ 入於 水 城 馬 洧 也 童 出 縣 領 水 洧

潁。

心,不可攻也。」」引《詩》以爲將適秦、荆,則「他士」亦當爲歸曰:「鄭有人,子産在焉,不可攻也。秦、荆近,其詩有異曰:「子惠思我,褰裳涉洧。子不我思,豈無他士?」叔嚮人欲攻鄭,令叔嚮聘焉。視其有人與無人。子産爲之詩

《丰》四章,二章章三句,二章章

」,與上章《箋》義相合

四句。

曰:「陽倡陰和,男行女隨。」」一禮,男娶女嫁何? 陰卑,不得自專,就陽而成之,故《傳》不和,男行而女不隨。【疏】《白虎通義・嫁娶》篇:《丰》,刺亂也。 昏姻之道缺,陽倡而陰

云"「俟,待也。門外,壻家大門外。謂御者代壻,壻自乘巷,門外也。悔予不送兮。【傳】時有違而不至巷,門外也。悔予不送兮。【傳】時有違而不至巷,門外也。悔予不送兮。【傳】時有違而不至夫,門外也。悔予不送兮。【傳】時有違而不至夫之丰兮,俟我乎巷兮、【傳】丰,豐滿也。

之違也。 也。 謂壻也。《禮記・昏義》作「壻」。是壻親迎,而婦即 傳"「悔,恨也。」《上昏禮》:「婦至,主人揖婦以入。」主人, 中道。 婦家之門外,其誤與《箸》篇同。《檀弓下》:「曾子與客立 即「俟於門外」、《傳》正本《禮經》爲訓。《正義》以「門外」爲 其車,先至於己家大門外,以俟女之至也。一案詩言「俟巷 送,讀如「送子涉淇」之「送」。 同。《傳》蓋兼下章發義。不送、不行,皆所謂違而不至也。 死,將出哭於巷。」」此門外爲巷之證也。《説文》:「脚,里 於門側,其徒趨而出。曾子曰:『爾將何之?』曰:『吾父 「子云:「昏禮,壻親迎,見於舅姑。 昏姻失時,男女多違。親迎,女猶有不至者。」竝與此《傳 今壻俟門外,而女乃違禮不至,故刺之。《坊記》: 篆文作「巷」。」段注云:「巷,今作「巷」。」○《雲漢》 以此坊民,婦猶有不至者。」《東門之楊》序云: 舅姑承子以授壻,恐事 隨至

寢門,即閩門也。俟堂,則堂在閩門以內。宣六年《公羊傳:「昌,盛也。」此云「盛壯」。盛壯,謂容體,各隨文訓。傳:「昌,盛也。」此云「盛壯」。盛壯,謂容體,各隨文訓。子之昌兮,俟我乎堂兮,【傳】昌,盛壯貌。

卷

同訓 閨者。 行,讀如「有女同行」之「行」。《箋》:「將,亦送也。」與上章 在閨門内之證。王肅云: 「勇士人其大門 上其堂,則無人焉。 , 則 無 「升於堂以俟。」○「將」訓 《人馬門者。 俯而闚其户,方食魚飧。」此堂 人其 閨); 則 無 「行」, 人 焉

時違禮者多,然下之違禮,由於上之失道,故下二章所以陳 珥,封君夫人加 娶之服,未之以記。 服矣。《鹽鐵論·散不足》篇:「古者男女之際,尚矣。 如《説文》「東方昌矣」、「犬夷呬矣」、「風雨湝湝」并二句爲 裳」互言之。」案孔説是也。《傳》「衣錦褧裳」乃總括詩辭 服,衣裳連,俱用錦,皆有褧。 加褧襜。」錦褧爲夫人嫁服。此云「嫁者之服」,宜謂夫人尊 者,以其衣裳别名,詩須韻句,故别言之耳。 己者。【疏】《正義》云:「婦人之服不殊裳。 者之服。 句,其例正同。《碩人》傳云:「夫人德盛而尊,嫁則錦衣 蓋此篇之意,言亂始於夫婦之不謹。 衣錦褧衣,裳錦褧裳。 叔兮伯兮,駕予與行。【傳】叔、伯,迎 錦尚褧而已。」與毛《傳》合。 及虞夏之後、蓋表布、内絲、骨笄、象 下章例其文,故《傳》『衣錦褧 【傳】衣錦褧 上二章所以刺今 而經衣裳異文 説詳《碩 其實婦人之 (裳,嫁 嫁

爲大夫、《蘀兮》叔伯爲群臣,則此叔伯義與之同。者也。迎己者,當不止一人,故或評叔評伯。《旄丘》叔伯古人君昏姻之道焉。〇《傳》云「叔、伯,迎己者」,謂壻之從

與歸。 裳錦褧裳,衣錦褧衣。叔兮伯兮,駕予

《東門之墠》二章,章四句。

《東門之墠》,刺亂也。男女有不待禮而

相奔者也。

也。 而作此「壇」字, 居,有墠有栗。 義》本作「壇」。 南、溱洧之所經流、唯城東門無水耳。 室則邇,其人甚遠。【傳】邇,近也。 不得禮則遠。【疏】《傳》云「東門,城東門也」者,鄭城西 而易,則如東門之墠; 墠,除地町町者。 東門之墠,茹藘在阪。【傳】東門,城 《正義》云:「除地者謂之墠。 下篇又云「出其東門」也。墠、釋文》、《正 讀音曰「墠」。 遠而難,則 茹藘,茅蒐也。 蓋古字 如茹 故城東門皆民人所 得 通用 藘在阪。 男女之 得 壇、墠字異 禮則 也。」《釋 際 東 近, 其 近 Ħ

遠也。 互詞。 下無「而易」二字。 易」,不言「而易」,可知「而易」省文也。」孔所據《傳》文「近 蒐」,字當作「韎」。 注云:「今之蒨也,可以染絳。」《説文》:「蒐,茅蒐,茹藘。 之壇」,其室則邇也。 名蒨爲靺鞈。」案「靺」下「鞈」字衍。 義引鄭《駁異義》: 邇」、「甚遠」之意。 人血所生,可以染絳。」「茜,茅蒐也。」《正義》引《義疏》云: 墠 「以」,誤。 ĦΤ 名地血,齊人謂之茜,徐州人謂之牛蔓。」《瞻彼洛矣》正 町 · 蒨同。 ,猶坦也。」義同。 「茹藘,茅蒐」、《爾雅· 者」同。 ○「邇」訓 《傳》云「得禮則近,不得禮則遠」者,所以釋經 《傳》言近遠即探下二句作訓。 《正義》云: 華嚴經音義・ 「近」。室人,席女。上句言室,下句言人, 陳留人謂之蒨。」《士冠禮》注:「今齊人 「得禮」、「不得禮」,本《序》説以申明經 「韎,草名。 又《傳》文「如茹藘在 云「遠而難,則如茹藘在阪」,其人甚 「阪云「遠而難」,則壇當云「近 齊魯之閒言靺鞈,聲如「茅 世界品》引《韓詩傳》云: 蓋靺即茅蒐之合聲也。 「阪」,如,宋本作 云「近則如東門 釋草》文。 汽則 郭 而

名

國》篇:

鄭町

·也,其地多平町町然也。」與此

《傳》云

践,淺也。豈不爾思? 子不我即。【傳】即,就東門之栗,有踐家室。【傳】栗,行上栗也。

義也

門。 婦 也。 木名。 也。 同。 鄭、杞人、郑人從。 樹以木、《周禮》謂之園圃。 者家室必有場圃、春、夏爲圃、秋、冬則爲場。 日 ※ 異。 云:「栗,行上栗也。」行,道也。 也。」栗,栗木也。 之。」蓋秋、冬乃嫁娶之候,故詩人及時而生 室家也。』《藝文類聚・ 《御覽•果部一》引《韓詩》云:「東門之栗,有靖家室。 《周禮•序官》「場人」注云:「場,築地爲墠,季秋除圃中爲 人之贄,故以取興。「踐,淺」、《釋言》文。踐,讀與「淺」 【疏】「東門之栗」,與上章「東門之墠」正 ●《版》箋並云: 言淺陋也。」淺即淺陋之意。 行栗易取,比淺室易窺。《衡門》傳: ○「即,就」、《傳》爲全《詩》通訓。 有者,乃狀其淺之之詞。 靖,善也。 此民居近於城郭,往來道路所通,故《傳》 言東門之外栗樹之下有善人,可 趙武、魏絳斬行栗。」即謂此也。 「即,就也。」 豈不爾思? 果部下》「靖」作「静」。 《將仲子》傳云: 承上文「其室則邇」 襄九年《左傳》: 有淺家室,言淺矣家室 《氓》、《東方之 「衡門, 感也。 園 是一 墠即 韓字、義皆 子不我即 ,所以樹木 「諸侯伐 場圃 7 與成爲 横木爲 處。 栗者 丽 場 栗, 直 也。 占 側

二七

O

[《]毛詩正義》改。下一「方」字同。「方」,原作「門」,據本書卷八《東方之日》傳疏與阮刻

以刺當時男女不待禮而相奔之亂。兮」、《傳》:「履,禮也。言我必待禮而相就也。」句義相同。言不能成禮以迎我也。《東方之日》篇「在我室兮,履我即一句承上文「其人甚遠」而言。我,室人自我也。不我即,

風雨》三章,章四句。

其度焉。 《風雨》,思君子也。 亂世則思君子不改

不夷? 或三家《詩》「夷」與末章「喜」同訓也。 訓 「雞猶守時而鳴喈喈然」,雞鳴興君子不改其度也。○「胡 家《詩》說。 引《詩》「風雨湝湝」,許并二句爲一句。 《説文》: 「子游賦《風雨》。」杜注云:「取其「既見君子,云胡不夷」。」 淒淒然,雞猶守時而鳴喈喈然。 「何」,已見《日月》矣,此可不傳,定本無「胡何」二字。 ,説」、《那》同。 風 「階,鳥鳴聲也。」重言喈喈。 雨淒淒,雞鳴喈喈。 【傳】胡,何,夷,說也。【疏】淒淒,寒涼之意。 《傳》云「風且雨淒淒然」,風雨興亂世也。 王逸注《楚辭• 九懷》云:「夷,喜也。」 【傳】興也。 又云:「湝湝,寒也。」 既見君子,云胡 昭十六年《左傳》: 潜指爲寒聲,本二
 風且 云 一雨

> 鳴聲,故云:「猶喈喈也。」〇「瘳,愈」、《瞻卬》同。 傳 : 聲、肅聲相通。 《詩》有作「嘐嘐」者,《毛詩》作「賿膠」,假借字。 膠膠爲雞 肅肅也。 毛《傳》「潚潚、暴疾也」意正相合。」案段説是也。 賦》:「飛廉雲師,吸鼻潚率。」《西京賦》:「飛罕潚箾,流鏑 瀟。 **槴操。」《思玄賦》:「迅猋潚其媵我。」舊注:「潚,疾皃。」與** 聲音肅,平聲音修,在弟三部。 韻》屋、蕭韻皆有「潚」字無「瀟」字。《毛詩》「風雨潚潚」,入 膠膠,猶喈喈也。 「瘉」字。《説文》云:「瘉,病瘳也」。 《詩》「雞鳴嘐嘐」。《玉篇》亦曰:「嘐,雞鳴也。」」案此 瘳,愈也。【疏】《詩小學》云:「考《説文》無「瀟」字。 「暴,疾也。」《玉篇》:「洬,先篤切。洬洬,雨聲。」古夙 見明時《詩經》舊本作「潚」。「潚」爲是。 風 《小星》傳: 雨 瀟 洬洬即潚潚也。 瀟 既 雞 「肅肅,疾皃。」暴,亦疾也。 鳴 見君子,云胡不瘳? 膠 膠。 轉入弟二部音宵,俗誤爲 《詩小學》云:「《廣韻》引 「瘳,疾瘉也。」 (傳)瀟 瀟,暴疾 潚潚,猶 《終風 剜 愈,古 【傳】 《廣 也。

傳》:「晦,晝冥也。」云「昏」者,「晝冥」之意,《爾雅》所謂霧也。君子,云胡不喜?【疏】如,猶而也。僖十五年《公羊風雨如晦,雞鳴不已。【傳】晦,昏也。既見

《子衿》三章,章四句。

焉。【疏】定本作「刺學廢」,無「校」字。《子衿》,刺學校廢也。 亂世則學校不脩

【疏】衿,古字當作「裣」。 漢石經作「青青子 裣」。《爾雅》: 必如斜領連及於交衽者矣。衿爲領,青衿爲青領。重言 領,故此《傳》釋「衿」爲「領」。就《深衣》曲給之制言之,不 也。古者方領如今小兒衣領。」案士常服服深衣,應用方 《禮記・深衣》:「曲給如矩,以應方。」鄭注云:「給,交領 連於衿,故謂領爲衿。」與《説文》合。但斜領與方領不同。 蓋自領及衽皆統稱爲裣。《家訓•書證》篇:「古者斜領下 之異體。《説文》云:「淦,交衽也。」衽掩裳際而亦曰 裣者, 學子之所服。縱我不往,子寧不嗣音?【傳】 所服」者、《後漢書·儒林傳》:「建武五年,迺脩起太學,服 此引《深衣》文。《深衣》謂衣緣或領緣亦青耳。云「學子之 方領,習矩步者,委它乎其中。」《馬援傳》注引《前書音義》 「衣眥謂之襟。」孫、郭注竝云:「襟,交領也。」「襟」亦「裣! 「青青」者,非一詞也。《箋》云:「禮,父母在,衣純以青。」 ,習也。古者教以詩樂,誦之歌之,絃之舞之。 青青子衿,悠悠我心。【傳】青衿,青領也,

> 也。 《禮記•樂記》:「弦歌詩頌。」是誦、歌、弦三者皆播之以詩 《釋文》引《韓詩》「子寧不詒音」,云:「詒,寄也。 《墨子》言不居喪,則禮樂不廢。其誦、弦、歌、舞皆爲詩樂 ○「嗣」與「事」聲義相同,故「嗣」訓爲「習」。《傳》云「古者 與《傳》訓合。子爲學子,則我者,詩人自我也。上不興學, 也。」鄭《箋》用韓説。 並與《傳》同。知毛義甚古也。寧,猶何也。寧不,何不也, 三百,歌詩三百,舞詩三百。」案百,讀爲「陌」。 矣。《墨子·公孟》篇云:「或以不喪之閒誦詩三百,弦詩 二舞《勺》,成童舞《象》,二十舞《大夏》。J舞亦與歌、詩相應 絃,當作「弦」。 教以詩樂,誦之歌之,絃之舞之」者,以釋經「音」字之義。 若州長、黨正之官,徒糜虚設。 責學子者,風上之意也 云"、頸下施衿領正方,學者之服也。」「衿」、「領」連言,正 《樂師》:「掌國學之政,以教國子小舞。」《内則》:「十 音,謂詩樂也。《周禮》:「瞽矇諷誦 陌,猶通也 曾不寄問 詩。」

言佩、《傳》申之云「佩玉」,知非佩觽、佩韘也。經言「青【傳】不來者,言不一來也。【疏】凡佩有事佩、德佩。經士佩瑪珉而青組緩。縱我不往,子寧不來?

三九

卷

七

《禮記》作「玟」。《説文》:「珉,石之美者。 記》改之也。《説文》:「硬,石次玉者。 珩。」一命,謂士也。 瓀珉而青組綬」,知非佩大夫水蒼玉也。 青」,當 瓀,當依《釋文》作「碝」,如兖反。 [爲組綬及約之色,故《傳》引《禮記• 此引「士佩瓀珉」者,不命之士,就學子 《玉藻》:「一 从石, 耎聲。」 珉 作「瓀」者,依《禮 玉藻》文「士 从玉,民聲。」 命黝 佩 見

而言。

瑞也。 者,因 屬。」案衿,當作「紟」。《方言》、《廣雅》皆云:「佩 鄭注云:「綬者,所以貫佩玉,相承受者也。」《爾雅》:「璲 [通謂之璲。」「佩衿謂之褑」,郭注云:「佩玉之帶上 璲,綬也。」郭注云:「即佩玉之組,所以連繫瑞玉 終謂 Ž

《禮記》「緼組綬」,鄭注云:「緼,赤黄。」《傳》引作「青組綬

「玟,一

曰:石之美者。

从玉,文聲。」珉、玟字異義同也。

者,或上緼、青皆可

用,依經言「青青」,故云「青組綬」耳

○經言「不來」、《傳》言「不一來」。 組,其系帶之組曰 裎。」《説文》:「紷,衣系也。」「綬,韍維也。」「組,綬屬也。」 禐,亦曰裎。 貫玉石之組曰綬,秦曰縌, 」與「裎」同。 《正義》云: 「準上《傳》 蓋佩玉必有

挑兮達兮,在城闕兮。 【傳】挑 達,往來相 則毛意以爲責其不一來習業。

觀。 門臺,於此縣象魏焉,所謂闕也。 者,缺南面以受過也。」《説文· 章部》:「 融,缺也。 城千雉。]又定十二年注云: 亦臺也。天子於門設臺,於應門設兩觀。 及兩觀災,新作雉門及兩觀。」何注昭二十五年《公羊傳》: 謂之闕。」《説文》云: 「禮,天子諸侯臺門,天子外闕兩觀,諸侯内闕一觀。」是觀 兩義,皆即《正義》所謂「乍往乍來」之意。○《爾雅》: 《説文》:「叏,滑也。」「逢,行不相遇也。」「滑」與「行不相 **皃」同。」案胡説是也。** 「往來」者,亦謂獨往獨來,與《韓詩・大東》傳『嬥嬥,往來 作「佻」。《大東》「佻佻公子」、《傳》訓「獨行」。 爲[見],淺人復於[見]下加[皃]字耳。挑兮,《初學記》引 來見皃。」無「相」字。 此必陸氏本作「往來兒」,傳寫誤「兒 爲往來兒,可識《傳》本無「相見」二字。 云「不來」,此《傳》不當言「相見」。 【傳】言禮樂不可 貌 魯用天子制,故亦設兩觀。 乘 城 而 見 一日 「闕,門觀也。」《春秋》:「定二年,雉 闕。 「挑達」雙聲連縣,字又作「曳逢」。 而廢。 「天子周城,諸侯軒城。 日 他國但設門觀。 【疏】胡承珙云:「上經方 桓九年《公羊》注云: 不見, 觀《正義》云,故知 《釋文》:「挑達,往 諸侯於雉門設門 如三月兮。 此[挑達]訓 門觀,即 古者城 挑 觀 一周 遇

學校中之事。 門,雉門有闕。 同。 外門之城上以内望,見雉門之闕。 游鄉校,論執政之然否」者,以此也。乘,登也。學子登宫 垣爲城牆,不象天子宫室四面有牆之制。 南面,故其字從寧作「鞅」。與《詩》之「闕」爲縣象魏者不 樂不可一日 〇「不見」,不見禮樂也。 城缺南面也。 缺南面之城謂之軒城 面,象宫室。 缺其南方,謂之軟。」案缺其南方,所謂軒城也。鄭司農注 《周禮• 見闕」釋「闕」。 《詩》「城闕」二字不連讀,《傳》以「乘城」釋「在城」,以 城外謂之鄉,有鄉學在焉。襄三十一年《左傳》「鄭人 小胥》云: ·而廢者矣。《傳》言此,即是上兩章厚望學子來 四 「鞅」與「闕」不同義。 「鞅」即「缺」字,以城缺 「見闕」 庫門爲宮之外門,亦即以宮之外門爲南城 [面有牆,故謂之宫縣。 鄭侯國,三門庫、雉、路,其宫南面即以宫 「宫縣,四 ,猶缺南面之縣謂之軒縣。是諸侯之 不見禮樂一日如三月之久,是禮 猶 見禮樂也。 [面縣。 闕縣象魏,治教攸關,亦 軒縣,去其 軒縣三面,其形曲。」 城 制詳 庫門之内爲雉 面。 《緜》篇。 四

《揚之水》二章,章六句。

臣良士,終以死亡,而作是詩也。《揚之水》,閔無臣也。君子閔忽之無忠

義。 作詩者自謂。 兄弟之道已寡恩信,同心者維我與女而已。女,謂忽。予, ○終,猶既也。 政之亂促殘泯其忠良,故下文嘆寡兄弟也。下章喻意同。 《文王》「不顯亦世」,「不世顯德乎?」《執競》「不顯成康」, 楚乎?」《候人》「不濡其翼」,「鵜在梁、可謂不濡其翼乎?」 實同也。若此篇「不流束楚」、《傳》云: 「可謂不能流漂束 言之,「不」爲語詞,反言之,則下加一「乎」字以足之,其義 詞。不流,流也。此「不警,警也」、「不盈,盈也」之例。正 也。【疏】「揚、激揚」、《王風・揚之水》傳同。「不」爲語 與女。無信人之言,人實廷女。【傳】廷,雜 之水,可謂不能流漂束楚乎? 終鮮兄弟,維予 「不顯乎其成功而安之也?」《傳》皆下加一「乎」字以足其 、左傳》「昭二十一年,子無我廷」,言子無我誑也。 「定十 詁訓中又有此例。此詩人以水之激揚流漂束楚,喻忽 「親戚之臣,心不能已。」是其義也。 揚之水,不流束楚。【傳】揚,激揚也。 所以閔忽之無臣,卒以死亡。《十月之交》傳 既,已也。「終鮮兄弟,維予與女」,言忽於 廷,讀與「誑」同。 激揚

《詩》、《左傳》多占文假借字。《説文》:「誑,欺也。」年,是我 迂 吾 兄」,言 我 誑 吾 兄 也。 亦 以 「 廷 」爲 「誑 」。

揚之水,不流束薪。終鮮兄弟,維予二人。

「同心」以申明經義,謂予女二人有同心也。不信,猶誑也。「予二人」,猶云「予女二人」耳。不言「女」,文不備也。《傳》云【傳】二人,同心也。無信人之言,人實不信。【疏】

《出其東門》二章,章六句。

> 争篡,故唯數後爲五争也。」 一學。」是三争也。十八年《傳》曰:「齊侯師」「首出,子曆會子寶。」是三争也。 一二「苟舍我,吾請納君。」與之盟而舍之。六月,傅瑕殺鄭子曰:「苟舍我,吾請納君。」與之盟而舍之。六月,傅瑕殺鄭子可,苟舍我,吾請納君。」與之盟而舍之。六月,傅瑕殺鄭子可納厲公。」是五争也。 一次,與人殺子亹,而轘高渠彌。祭仲逆鄭子寶,故唯數後爲五争也。 一次,與人殺子亹,而轘高渠彌。祭仲逆鄭子亹。」是三争也。 一次,與人殺子亹,而轘高渠彌。祭仲逆鄭子亹。」是三争也。

救於急難,爲是可閔爾。 《傳》皆有「言」字可證。女子遭亂而出,則男子散棄之衆多 遭亂世失時,配耦自相棄遺,無有人焉。思固存之不能 存,讀「推亡固存」之「存」。 可知矣。匪,不也。我,民人也。「匪我思」,不我思也。 也。」《敝笱》:「如雲,言盛也。」《韓奕》:「如雲,言衆多也。」 字。此釋經義,非釋字訓也。《君子偕老》:「如雲,言美長 綦巾,蒼艾色女服也。 嫁者之稱。《傳》云「如雲,衆多也」者,「衆多」上當奪「言」 縞衣綦巾,聊樂我員。【傳】縞衣,白色男服 雖則如雲,匪我思存。【傳】思不存乎相救 出其東門,有女如雲。【傳】如雲,衆多也。 ○《正義》引《廣雅》云:「縞,細 願室家得相樂也。【疏】女,未 云「思不存乎相救急」者,男女 也。 急。 相

鳩》傳。 文。」鄭謂巾上之文这造爲蒼艾色也。 也 申毛意。」與謂《夏小正》:「八月,玄校。《傳》:『玄也者,黑 我魂」、《薛君章句》:「魂、神也。」《韓詩》義異。 《釋文》及《文選・ 「云、員古今字,助語詞也。」《玄鳥》箋:「員,古文「云」字。」 二字即家「縞衣綦巾」句,言我民人願室家相保,得以相樂, 室家得相樂也」者,丈夫生願有室,女子生願有家。「室家 所據《毛詩》作「辯」,今經典皆通作「綦」。《箋》:「綦,綦 如艾色,是曰綦。女子所服綦色之巾,是曰綦巾。 縞衣爲男服,而綦巾爲女服。 裳。」是縞衣,白色也。 也。」《王制》: 「絞,蒼黄之色。」則校即絞也。《説文》與《小正傳》同。 〈序》所謂「民人思保其室家」也。 員,讀爲云。《正義》云: 校也者,若緑色然。 或字作『綦』。」段注云: 「縛,帛蒼艾色也。 聊 ,願也。《傳》與《泉水》、《素冠》訓竝同。 「殷人縞衣而養老。」鄭注云:「殷尚白 舞鶴賦》、《東武吟》注引《韓詩》作「聊樂 縞衣謂上衣,綦巾爲下衣,故《傳》以 《詩》曰:「縞衣縛巾。」未嫁女所 婦人未嫁者衣也。」《玉藻》注: 「許用毛説,而以『未嫁』二字 云「蒼艾色」者,蒼,青也。 綦文見《小戎》、《尸 |而編 云原 《説 許 青 衣

闍

出 其 闉 閣, 有 女 (如荼。 【傳】閨, 曲 城 也。

非也。 荼,匪 在高處,可以眺望。 出。」此一「闥」皆樓上户,在高處,故名之曰「飛」。」然則闥 旦 云 臺而言。 華元亦乘堙而出見之。 何注: 臺。」是也。 謂之臺。」《傳》云、城臺」,謂城門之臺。《玉篇》:「闍,城門 闡即城門也。 故《新序 宋使華元乘闥而應之。」《説文》:「 宣十五年《公羊傳》:「於是使司馬子反乘堙而闚宋 曲」二字正用《傳》訓。 本作「城曲」。《正義》引《説文》::「闉闍,城曲重門。」「城 注《文選》鮑昭《行藥詩》引《毛詩傳》: 藘,茅蒐之染,女服也。 · 城 「上飛闥而仰眺。」《西都賦》説井榦樓曰: 「許書無 臺也。 「堙」與「闉」同,以門作「闉」,以土作「堙」,堙即包 我思且。 《韓詩外傳》云:「於是司馬子反乘闥而窺宋城。 襍事五》云: **閹爲城曲,其上有臺謂之閣,連言之則曰** 「闥」 《爾雅·釋言》:「闍,臺也。」又《釋宫》: 茶,荚茶也。 闡即今「闥」字。 乘闥與乘堙 縞衣茹藘,聊 蓋曲之言隈也。 「天子居闡闕之中。」 是矣。 娱,樂也。【疏】「闉,曲城」,李 言皆喪 「堙,距堙上城具。」案何解 也。 《西京賦 闆,樓上户也。」段 可 「闉,城曲。」是唐初 天子南城門有臺 城之隈處謂之閩 服 ·與娱。 也。 「排飛闥而 》説神 雖 【傳】茹 鄭爲侯 則 (城,宋 圖闍 明臺 闍 如 城 注

三四

同。 非是。 服」,未詳。 因之以爲所染之服名,猶靺爲茅蒐所染之章矣。《傳》云「女 茹藘,一名茅蒐,今之蒨草。 英荼然,而無有思相救急我民人也。 喪相救作訓。 匍 多喪服,以喻相棄者衆多也。《邶·谷風》篇:「凡民有喪, 鴞》傳"「茶,藿苕也。」彼言其皮可用,此則言其華可比也。 國,無南城門,其 《考工記》: 之「茶」謂萑華、非葦華矣。《箋》:「茶、茅秀。」秀亦華也。 今驗荻華色白,用以楮茵。 云「出其東門」耳。 「皆白常、白旗、素甲、白羽之矰,望之如荼。」韋注與鄭《箋) · 匐救之。」此章《傳》言喪服,與上章《傳》言救急,實本民 云「言皆喪服也」者,「皆」字即家上章「衆多」之意。 ○「茶,英茶」,《有女同車》傳:「英,猶華也。」《鴟 《箋》:「茅蒐,染巾也。」鄭意謂女子之巾,猶如男 「鮑人之事,望而眡之,欲其荼白也。」《吴語》: 「雖則如荼,匪我思且」,言雖則衆多喪服如 三面 《箋》泥城臺不得言出,轉「闍 皆 有 詳《東門之壇》篇。 茹藘,染草, 城,城皆 若蘆華,色不如荻之白。 有臺。 「且」爲語已之詞。 出 其閩闍」,猶 |爲「都」, 此詩 衆 \bigcirc

野有蔓草》二章,章六句。

子之靺鞈歟?《釋文》:「娱,本亦作「虞」。」娱、虞皆樂也。

見也。 怨刺而作是詩。《序》云「民窮於兵革,男女失時」,與上 於鄭,在魯莊公十四年。 會,有務德安民之遺,故《春秋》善之,無譏辭。 草》。」則是詩非言男女會合審矣。」案曾説是也。《春秋》書 草》。昭公十六年夏,鄭六卿餞宣子於郊,子齹賦《野有蔓 「襄公二十七年,鄭伯享趙孟於垂隴。 時之故也。 時牧伯。又云:「民窮於兵革,男女失時。」則原所以思遇 是也。《序》云:「君之澤不下流。」君即所美之人,蓋 美之一人,以慰安厭亂之願,而相偕於善道。 能藉其力以定亂。 者,志相得也。」然則子儀君鄭時,嘗與大國會遇矣。 垂。」《穀梁傳》范甯集解云:「《傳》例:不期而會曰遇。 公争國,兵革不息,故詩人思遇時。 【疏】曾釗《詩異同辨》云:「按《詩譜》,此爲厲公時詩。 流、民窮於兵革、男女失時 「遇清」、「遇垂」、「遇穀」、「遇魯濟」、「遇梁丘」,皆是不期而 \sim 攷《春秋》:「莊公四年夏,齊侯、陳侯、鄭伯 野 有 鄭乃以爲思得男女會合之時,失之。《左傳》: 蔓 草 厲公又自櫟人,兵革紛起,故思邂 ×, 連年被兵不解,興革不休,故國人 思 遇 時 也。 遇者,諸侯未及期而相 ,思不期而會焉。 子大叔賦《野有夢 君之澤不下 《詩》所詠者 厲公之復歸 席 但不 逅 遇 厲 當 有 于 遇

曰: 君子不行也。二孔子引此詩、 程本子於郯之閒,傾蓋而語。 引此詩並與《序》相合。 官 享,故子大叔賦 兵革,所以保室家也。《左傳》鄭伯之享趙孟也,爲弭兵還 《序》所云「兵革不息,男女相棄,民 《序》正同也。 也,在郊次設餞,故子齹賦此以美韓宣,韓官以爲善。 【昔者由也聞之夫子,上不中道相見,女無媒而嫁者, 《序》爲刺詩,而篇中無刺意,故享餞皆賦之: 此以美趙孟, 《韓詩外傳》: 遊孟以爲惠。 ,亦取「不期而會」之義,又與 顧子路,取束帛以贈。 |人思保室家」同 《傳》曰: 孔子遭齊 鄭六卿之餞 意。 子路 兩 韓 息

然 궄: 也。 野。」此云「野,四郊之外」者,謂國竟之通道、期遇之草次 【疏】《野有死鏖》、《燕燕》、《干旄》、《坰》傳竝云:「郊外曰 相 清揚婉兮。【傳】清揚,眉目之閒婉然美也。 郊之外。 :遇,適我願兮。【傳】邂逅,不期而 「「靈」作「零」字,故爲「落」也。」嫌「靈」無「落」義,故云 孔 野 所 ҈據《詩》本作「靈」字。 有蔓草、零露專兮。【傳】興也。 蔓,延也。 : 「曼」。 「曼」訓 **溥溥然盛多也**。 「長」,延、長義相近。 《箋》訓 「靈」爲「落」。 有美 會適其時願。 《正義 一人, 野, 靈者 邂逅 四

> 美兒。 畹兮,眉目之閒美皃」,與毛《傳》例同。」案臧説是也 美,以[揚]爲眉上之美,以[婉兮]爲清揚之美婉婉然。 兮,眉目之閒婉然美也。]下八字作一句讀,以「清」爲目之 兮」二字,武進臧琳《經義襍記》云:「此《傳》當云:「清 天子有澤及於四海,皆是興義。 曼草之靈露,喻諸侯有澤及於四郊,猶《蓼蕭》之「靈露」, 憂患相及,如葛之曼延相連及。」是其義也。 蓋曼草,興諸侯之相連屬。 草成圜如珠,是曰團。 連《詠牛女詩》、《古襍體詩》注引《詩》作 《周禮·大司徒》注: 部二十》作「團」。 古文假借字。 《傳》時所删。 《傳》中無『婉』字,是嫌於清揚爲眉目之閒矣。 『寡』。」案疑古本《毛詩》作「專」。 《初發都詩》、謝玄暉《京路夜發詩》、陸士衡《苦寒行》、 《韓詩》云: 《玉篇• 《釋文》:「漙,本亦作「團」。」《文選 顔師占《匡謬正俗》:「漙,吕氏《字林》作 「清揚畹兮。」」是《韓詩傳》亦當云「清 「專,圜也。」《説文》: 重言之曰團團,故《傳》訓「盛多」也 面部》云: 《旄丘》傳: ○《傳》文「清揚」下奪「婉 「畹、於遠切。 「專」爲「團」之假借字。 「諸侯以國相 團」。 團 靈露,喻澤 ,圜也。」露上 《御覽 眉目之閒 此以經合 謝 連屬 :揚婉 謝惠 但 癜 也 解 揚 喻 今 運 地

> > 263

非以刺詩賦於盟會也。

他賦詩放此。

目之閒」也。

《君子偕老》「子之清揚」、《傳》:

「視清明

也。」

「揚」爲「眉上」未盡善。

眉之上爲顙、額之際,則不得

|云| 眉

桊

七

逅」也。 陽。』」〇案《傳》文「邂逅」下奪「相遇適我願兮」六字。 因揚眉見目之美,故經以美目爲揚。 矣 期而會曰遇。」是不期而會謂之「遇」,非不期而會謂之「邂 期 逅相遇適我願兮」,此《傳》複經句也,二句作一氣讀。 作「清陽婉兮」、《説文》:「陽、高明也。」《禮記》注:「明者曰 美,故統言眉目之閒與好眉目耳。 兼眉言之者、《説文》:「盱,張目也。」張載注《魏都賦》「盱 《傳》: 字,沿譌至今,直以「邂逅」爲「塗遇」之通稱,學者失其義久 複句未盡,遂誤以《傳》文「不期而會」四字專釋「邂逅」二 於《綢繆》,於此則不爲「邂逅」發《傳》矣。 「邂逅,解説也。」解説,猶説懌,亦是「適我願」之意。 志相得也。」志相得,即詩所謂「適我願也」。《綢繆》傳云: 《序》云「思遇時」、「思不期而會」,隱八年《穀梁傳》云:「不 衡』曰: 『眉上曰衡。 猗 湍 嗟 『盱衡,謂舉眉揚目也。』此即毛《傳》『好目揚眉』之義。 邂逅,當依《綢繆》釋文作「解覯」。《淮南子•俶真 :會適其時願」,此《傳》釋經義也,八字亦作一氣 「好目揚眉。」《後箋》云: 毛《傳》每於「清揚」之「揚」 清揚婉兮」、《傳》: 「邂逅」 有 「適願」之義。《穀梁傳》又云: 盱,舉眉大視也。」李善引《漢書音義 好 7眉目 《説苑・尊賢》篇引《詩〉 《傳》欲見揚爲舉目之 也。」又「美目揚兮」 此徑轉寫者删去 「遇者 義箸 不 讀

「構」與「覯」通。

: 六

○《左傳》:「韓宣子曰:『孺子善哉,吾有望矣。』」《傳》訓 露也。」《説文》水、雨二部無 【傳】臧,善也。【疏】《蓼蕭》傳: 有美一人,婉如清揚。 「臧」爲「善」,正用《左氏》釋《詩》之義 「蕃」義相近。《執競》、《烈祖》作「穰穰」。 野有蔓草,零露 瀼 「摶」、「霉」、「瀼」、「囊」字。 邂逅相遇,與子偕 瀼。 「瀼瀼,露蕃兒。」「盛 【傳】瀼瀼,盛 《廣雅》: 「襲撃 貌。 三與

《溱洧》二章,章十二句。

〈溱洧》,刺亂也。 兵革不息,男女相棄,淫

風大行,莫之能救焉。【疏】溪》云:「救,猶止也。」

蘭也。 之外,洵訏且樂。【傳】計,大也。 涣涣,春水盛也。 伊其相謔,贈之以勺藥。【傳】勺藥,香草。 溱與洧,方涣涣兮。【傳】溱、洧,鄭雨水名。 女曰觀乎,士曰既且。 士與女,方秉萠兮。 且. 往 維 觀 士與 【傳】荫 。乎,洧 【疏】 女

文》云:

「葌,香草也。」今本《説文》:「葌,草。

出

吴林

七七

》卷二引《字書》云:

「「姦」與「蕑」同

時

`至盛也。]案此篇毛義可據《韓詩》以明之。

五》引《韓詩章句》云:

「洹洹,盛皃也。

沄旋之兒。」《傳》云「涣涣、春水盛也」者、《御覽·時序部

父弓反。《説文》「潧」篆注云:「「汎」蓋「汍」之誤。

溱小,洧大,故下文但言「洧之外」,舉洧以

該溱也。

南爲溱、洧合流,今謂之雙泊河。

與「洹洹」同。《地理志》作「灌灌」,亦當讀「汍汍」,皆水盛 也。」是溱、洧爲鄭兩水名矣。《水經》:「洧水東過鄭縣南、 《詩》所謂「潧與洧」者也。」然則潧入洧逕鄭城之西,城 「涣涣、《韓詩》作『洹洹』,音丸。《説文》作『汎汎』,音 又東爲洧淵水、春秋傳》曰: 『龍鬬於 今洧水自鄭城西北入,而東南 「洧水東逕新鄭縣故城中 鄭城西、南皆溱、洧所經。 謂三月桃華水下之 菱,蘭也。」引《説 ○《衆經音 「汍汍」 я́. 注于 ,敗其 崩注 水名 溱」, 《釋 祥。」案此兩 漣 爲蘭。 異二》、《香三》、《北堂書鈔· 鄭國之俗,三月上巳之辰,於此兩水之上招魂續魄,除拂不 也。 識毛、韓蘭蓮同物矣。 疇 粟之士,五臭生之,薜荔白芷,麋蕪椒蓮。 《釋文》引《韓詩》云:「 蘭生於澤畔、《澤陂》云「彼澤之陂,有蒲與蕑」、《傳》訓 草,小澤蘭即澤蘭。」案澤蘭有此兩種,與今之山蘭不同物 綱目》以爲即今省頭草,是也。《炮炙論》云: 葉似藥草澤蘭,廣而長節,節中赤,高四五尺,漢諸池 《藝文類聚 許昌宫中皆種之。 也。 营」,故郭璞注《中 荔」之或字。 「草」上奪「香」字。《説文》有「姦」無 《生,蓮與蘪蕪,藁本白芷。」此皆以 字之例。 蕑 《傳》云「蘭」者,陸《義疏》云: 此詩之「蕑」亦當生於溱、洧之旁,故兩《傳》訓 ,蘭也。 蘭」字皆當作「蓮」。 歲 《地理志》引《詩》「方秉菅兮」,疑《魯詩》作 韓不謂 當此盛流之時,士與女衆方執蘭拂除邪惡 時 '中》、《六帖》四、《通典 可箸粉中藏衣,箸書中辟白魚。《本草 山經》云: · 荫, 蓮也。」「蘭」之通作 《御覽》引《韓詩章句》云:「秉,執 荷,蓮也」。 歲時三》、《初學記· · 萎,亦 「 菅 」 字。 」 本《 漢 《御覽・ 「蕑即蘭,香草也。 《管子· 「蓮」作 一荫, 則 地二十四》、《妖 五沃之上,五 「蘭」之證,可 地員》篇: 五 詩之「蕑 禮 大澤蘭即 十五》、《漢 蓮, 歲時下》、 如 」當即 其莖 | 苑及 萠 志 同 灡 臭 蘭 以

洧

流

《逕鄭城南。」又《潧水》注

Z.

灣水又南,懸流奔壑,

時門之外洧淵。」則此潭也。

徒兵於洧上』是也。

潧水從西北來注之。」酈注云:

《左傳》『襄公元年,晉韓厥、荀偃帥諸侯伐鄭,入其郛

丈餘,其下積水成潭,廣四十許步,淵深難測。

又南,

溱、《説

文》引《詩

莋

僧」。

騫

裳》一

章

騫

裳

涉

《傳》:「溱,水名也。」二章「騫裳涉洧

」,《傳》:

洧

喜樂。 也。 書 證 勺 如賦云: 爲何草。 勺藥,香草。 《方言》:「訏,大也。 詩人願與所説者俱往觀之。」「訏,大」、《爾雅・釋詁》文。 也。 釁浴,謂以香薰草藥沐浴。」鄭亦本《韓詩》義。 釁浴。」鄭注云:「歲時祓除,如今三月上巳如水上之類。 注並引《韓詩》,而詳略微異。 大也。」文義相近。《釋文》引《韓詩》作「恂盱且樂」,云: 且 「離草也。 「恂盱,樂皃也。」訓異而意同。 《韓奕》並同。 `藥,人人食之也。」《廣雅》:「孿夷,芍藥也。」王念孫《疏 ž 《卷耳》傳:「姑,且也。」《御覽》引《韓詩章句》云:「故 」與「且往」之「且」不同義。 《山有扶蘇》傳: 未審今何草。』《御覽・藥部七》引《義疏》云: 溝 《衡門》「泌之洋洋,可以樂飢」、《傳》云:「洋洋,廣 洫 「孿夷,即留夷。 「勺藥之和。」 揚雄賦曰: 《正義》引《義疏》云:「今藥草勺藥無香氣,非是 志 言將離别贈此草也。」《韓詩》釋經義,不言勺藥 勺藥不載於《爾雅》。《釋文》引《韓詩》云: 注、《後漢 洵訏且樂」,言洧水之外,其地信廣大且以 中齊、西楚之閒曰訏。』《生民》、《抑》、 「且,詞也。」「且往觀乎」,言姑往觀 書 留 袁紹傳》 攣, 《周禮》:「女巫掌歲 伊、維也。 「士曰既且」,言士曰 聲之轉也。 「甘甛之和,勺藥之羹。」 注、《續漢 謔,戲謔也。 張揖注《上林 書 ○「既且」之 **以**時祓除 「司馬相 禮 儀 |既觀 志 \bigcirc

> 長大。 賦》云: 澤蘭,其香在莖、葉,不必在華耳。 草,亦是花香,莖葉不香也。至可馬相如《子虚賦》「勺藥之 莖及葉無香氣,而花則香,故《毛詩》謂之香草,猶蘭爲香 草芍藥也。 草多芍藥。」《中山經》句檷之山、條谷之山、洞庭之山竝云 藥,一名辛夷,亦香草屬。」然則《鄭風》之「勺藥」、《離騷》之 辭 陸氏引以證勺藥之草,誤也。」案王説是也。 和」,揚雄《蜀都賦》「甘甛之和,勺藥之羹」,皆是調和之名 岳川谷及邱陵。』陶注云:「出白山、 「其草多芍藥」,則芍藥山草。 「留夷」、《九歌》之『辛夷』一物耳。 九歌》云:「辛夷,香草也。」郭璞注《西 餘處多赤。』與《山經》合。 留留 今人畦種之、《離騷》所謂「畦留夷」者矣。 夷, 新 夷 也。」「新」與 《名醫别録》云:『芍藥生 則古之芍藥,即醫家之藥 《西山經》云:『繡山,其 辛 蔣山、茅山最好, 同。 唯上章之蘭爲 山經》云: E 逸 注 其根 白 芍芍 楚 中 丽

深皃」、「皃」當作「也」。 士與女,伊其將謔,贈之以勺藥。【疏》《傳》「瀏 曰既且。 女、殷其盈矣。【傳】殷、衆也。 溱與洧,瀏其清矣。【傳】瀏,深貌。 且往觀乎,洧之外,洵訏 瀏 |訓爲「深」,非形容之詞。 女 曰 且. 觀 樂。 乎, 士與 《釋 維

卷七終

三九

四四

O

詩毛氏傳疏卷八

長洲陳英學

齊雞鳴詁訓傳弟八 毛詩國風

周成王時,薄姑氏與四國共作亂,成王滅之,以封師 句。 北至于無棣。」」案東海,萊夷之地、《齊語》: 室。」賜我先君履,東至于海,西至于河,南至于穆陵 命我先君大公曰:「五侯九伯,女實征之,以夾輔周 今府北博興縣。僖四年《左傳》:「管仲曰:「昔召康公 後兼有薄姑爲大國。 父、是爲大公。《詩》風齊國是也。」是齊初都臨淄,其 時有逢公柏陵,殷末有薄姑氏,皆爲諸侯,國此地。 封。」又云:「少昊之世有爽鳩氏,虞、夏時有季則,湯 【疏】《漢書・ 齊國十一篇,三十四章,百四十三 地理志》云:「齊郡臨淄,師尚父所 臨淄在今山東青州府治,薄姑在 「通齊國 尚 至

界。」此云「西至濟」,則在濟西,所謂「大朝諸侯於陽 有此四邑也。 域,而西南及於兖焉 故瀆之所經也。 穀」,是其西境。 紀酅。]案杜預注《春秋·莊三十年》:「濟水歷齊、魯 正封疆,地南至于鋾陰,西至于濟,北至于河,東至于 之初即至東海、西河也。又《齊語》:「桓公既反侵地 之,而東有東夷,西有戎狄,但舉海與河言之。 燕爲周三公,其封國皆連壤,故管仲於南、北舉齊境言 地。」攷四邑皆在大河左右,築之以禦戎狄,非齊西境 《齊語》:「桓公築五鹿、中牟、蓋與、牡丘,以衛諸夏之 今聊城屬山東東昌府,聊城之去大河故瀆幾四百里。 注云:「聊攝,齊西界也。平原聊城縣東北有攝城。」 故瀆,春秋初未改禹迹。 萊、琅邪、高密、膠東。」此就春秋已後言之矣。至大河 尤,在今登、萊兩府之地。《地理志》:「東有甾川、東 至于海邦」也。《晏子》:「對景公曰:「姑尤以西。」」姑 東海、爲有海邦諸夷之國、猶《魯頌》所謂「遂荒大東・ 之魚鹽于東萊。」韋注云: 蓋穆陵南接魯無棣、北接燕、齊。 云「北至河」者,無棣之上、下,皆大河 然則齊封域在《周禮・職方》幽州之 《晏子》曰:「聊攝以東。」杜 「東萊,齊東萊夷也。」齊有 非建國 與魯

(雞鳴》三章,章四句。

部一》引《韓詩》云:「《雞鳴》,讓人也。」韓與毛異。 際賢妃貞女夙夜警戒相成之道焉。【疏】《史陳賢妃貞女夙夜警戒相成之道焉。【疏】《史陳賢妃貞女夙夜警戒相成之道焉。【疏】《史陳賢妃貞女夙夜警戒相成之道焉。【疏】《史陳賢妃也。哀公荒淫怠慢,故

蒼蠅 明》于階下。」鄭注:「應門,朝門也。 師 鳴佩而去。」亦此意也。 所。 《列女傳• 蠅之聲,有似遠難之鳴。【疏】《書大傳》云:「雞鳴,大 作,朝盈而君作。 《漢書•杜欽傳》引《魯詩》:「后夫人雞鳴佩玉,告去君 似遠雞鳴」。 (書大傳》云: \奏《雞鳴》于階下,夫人鳴佩玉于房中,告去也。] 李奇注 「朝盈而君 即 雞既鳴矣,朝既盈矣。【傳】雞鳴而夫人 青蠅 作」也。 也。 《御覽》引《薛君章句》:「 「然後應門擊椨,告辟也。 賢明》篇: 非實雞鳴,故云「似」。 匪 先夫人者,思賢妃之意。 雞則鳴,蒼蠅之聲。【傳】蒼 此《傳》所謂「雞鳴而夫人作」也。 「雞鳴,樂師擊鼓以告旦,后夫人 辟,啓也。」此《傳》所 「雞遠 然後少師奏《質 蠅聲細小,故云 鳴,蠅聲 ○蒼,青也。 相 似

或火光所照,宿蠅亦有時群飛作聲。北方多蠅,夜起每逢也。」毛、韓訓同。《後箋》云:「蠅雖不夜飛,或人起驚觸,

此景。」

娶》篇: 羊傳》: 正同。 即《左傳》「内宮之朝」是也。 乎内」之義也。《碩人》傳:「君聽朝於路寢,夫人聽内事於 【疏】《傳》云「夫人纚笄而朝」,朝,夫人之朝也。 明,月出之光。 女之義,不聞有以妻朝夫之禮。《書大傳》云:「然後夫人 陰,故以夫婦比君臣,然非古也。 也。」是以妻朝夫見於漢人傳、 「平旦,纚笄而朝,則有君臣之嚴。」」何休注莊二十四年《公 正寢。」君路寢,君之内朝也。 朝」,朝,君之朝也。 人纚笄而朝。 入庭立,君 《正義》引《列女傳》:「魯師氏之母齊姜戒其女云: 東方明矣,朝既昌矣。【傳】東方明, 「雞鳴,纚笄而朝,君臣之禮也。」又《白虎通義・ 「雞初鳴,咸盥漱,櫛、 Ш 朝。」 朝已昌盛, |案夫人正寢在君燕寢之内。 此即《易・家人》「男正位乎外,女正位 【傳】見月出之光, 君與夫人各自有朝,文義與此 夫人正寢,夫人所以聽內事 注。 則君 縱、笄、總而朝,君臣之道 古人首重夫婦,有男先乎 當時外戚彊盛,扶陽抑 聽 朝。 以 匪 爲 庭,即夫人 東 東 云「君聽 方明 方 則 則 夫

卷

八

制同。 《書傳》與《詩傳》皆合。 既鳴矣」句。皆就夫人言也。《傳》云「見月出之光,以爲東 以編髮爲之。見《君子偕老》篇。 纙、笄。 櫛 戒相成之道」也。 方明」,見者,夫人之所見。 光」,承「東方明矣」句,猶上章「匪雞則鳴,蒼蠅之聲」承 燕居,亦纚、笄、總而已。」據毛《傳》,則夫人日視朝之服亦 以笄,是謂之纚笄。 冠笄者,櫛、縰。」「縰」與「纚」同。 注:「纚笄,首服。」《士昏禮》:「姆纚笄,女從者纚笄。」注: ПП 正寢之庭。 《士冠禮》男子之纚説婦人之纚也。《内則》:「子事父母 朝 縱、笄、總。 也。 士妻始嫁及助祭皆用纚笄。《追師》注云:「王后之 凡后夫人常服纚、笄,其盛飾副、笄。 「君出朝」,此《傳》所謂「朝已昌盛,君聽朝」也 「夫人入庭立」,此 婦事舅姑如事父母,櫛、縰、笄、總。 夙,早也。早夜,謂東方未明時 婦人與男子其笄或異,而其叟髮之繼 又案《特牲饋食禮》:「主婦纚笄。」 此即《序》云「賢妃貞女夙 纙亦廣充幅,長六尺。」此鄭本 《傳》所謂 纚,所以 发髮。 〇「匪東方則明,月出之 東方明, 副不用孋,而 而又飾之 夫人纚笄 男女未 夜敬 谿

其君子,亦不忘其敬。 (傳)會,會於朝也。 蟲飛薨薨,甘與子同夢。【傳】古之夫人配 卿大夫朝會於君朝聽政,夕歸 會且歸矣,無庶予子憎

> 斯》傳: 内朝。 也。 多耳。 也。 治其家 焉。」」章注:「外朝,君之公朝也。 夕。1是於夕而不治公事,故歸治家事也。」案《魯語》云: ○經言「會」、《傳》云「會於朝」,承上章「朝盈」、「朝昌」而言 同夢,言親愛之無已。」《箋》訓 義,「亦不忘其敬」釋「甘」義。《箋》云:「我猶樂與子臥而 子,謂君子也。 ○經文「予子」連文,辭句不順,奂疑「子」乃「于」之誤。 後即安。」韋注:「職, 「卿大夫朝考其職,書講其庶政,夕序其業,夜庀其家事,而 云: 「成十二年《左傳》曰: 「世之治也,百官承事,朝而 「公父文伯之母曰:「自卿以下,合官職於外朝,合家事於 云「夕歸治其家事」,此正釋經「歸」字之義也。 云「卿大夫朝會於君朝聽政」,此申釋「會於朝」之義 外朝,子將業君之官職焉。 《伯兮》傳: 「薨薨,衆多也。」彼言蠡之衆多,此乃言蟲飛之衆 事。 無 《傳》以「古之夫人配其君子」釋「與子同夢. 庶 予 「甘、猒也。」猒 子 在公之官職也。」並與《傳》義同 憎, 無見惡於夫人。 「甘」爲「樂」,非《傳》之指: 内朝,家朝也。」又云: 内朝,子將庀季氏之政 言 將早 【疏】《螽 《正義 -起也。

O 子静本改。 「于」,原作「予」,據中國書店影印武林愛日軒 刻 本、

·夫人謂卿大夫。憎惡君,是見惡於卿大夫也。]陸、孔依 《釋文》云:「於夫人,音符。 字。 憎」也。 作「予于憎」,其義甚明。 於夫人」者,無使卿大夫見惡於夫人也。 使衆卿大夫見憎於我,此夙夜敬戒之詞。《傳》云「無見惡 予于毒」、「實予于懷」、「胡轉予于恤」,皆上一字作「予」、下 定本作「與子憎」,亦誤也。 《箋》申《傳》,實非《傳》義。 故憎惡於子。」鄭冢上「與子同夢」作説,非所據經作「予子 言,予,我也,我夫人自謂也。 字作「于」句法正同。 於,即經之「于」字。夫人,即經之「予」字。是《傳》本 但解「憎」謂憎君,而與《傳》謂憎夫人文義不同。 此句「予」字與上句「子」字對文立 《箋》:「庶,衆也。 占本當作「無庶予于憎」,與 《傳》上文三言夫人,不應於此 或依字讀者,非。」《正義》云: 庶,衆也,衆卿大夫也。 惡,即經之「憎 無使衆臣以我 言無 八比

〈還》三章,章四句。

言夫人音符異讀

賢,閑於馳逐謂之好焉。 無厭,國人化之,遂成風俗,習於田 《還》,刺荒也。 哀公好田獵 【疏】《孟子 從 梁惠王》篇 獵 禽獸 謂 之 而

薄

卷

八

云 「從獸無厭謂之荒。」閉,當作 「閒」,閒亦習也。

經• 【疏》《傳》「還,便捷之皃」,當作「便捷也」三字。 儇兮。【傳】從,逐 捷之貌。峱,山名。 亨哀公,立其弟静,是爲胡公。 《齊詩》早亡。 詩》。好,謂容好也。《漢書‧地理志》引《詩》作「營」,《水 好皃。」《説文》、《玉篇》、《廣雅》並云:「嫙,好也。」本《韓 多力。」與此「便捷」同。《釋文》引"「《韓詩》作「嫙」。 捷者,疾得之謂也。 詩》舊説。 山在臨淄縣南十五里。」顏師古注《漢書》云:「《齊詩》作 文》:「峱,山。 「營」。之,往也。 「便捷皃」,「皃」正「也」之誤。 「獿」、《御覽・獸部二十一》作「猱」,竝字異義同。 ?姑,而營丘舊都遂爲田獵之地。 淄水》注亦作「營」。 子之還兮,遭我乎峱之閒兮。【傳】還,便 顏云「《齊詩》」,不足據也。 班習《魯詩》,以 在齊地。」本《毛詩》也。《方輿紀要》云: 言往適營丘,而相逢於嶩山也。」案唐初 《淮南子•兵略》篇:「虎豹便捷 也。 並驅從兩肩兮,揖我謂 峱,《地理志》作「嶩」,字亦 獸 便之言疾也。 胡公徙都薄姑。」是胡公都 「營」爲營丘,或是相傳《魯 Ξ 歲 依顔説 曰 又攷《齊世家》: 肩。 軍得曰捷。 則詩當作在 儇,利 《釋文》作 熊 《説 也。 周 嫙 我 便 作 羆

馳逐也。 覽•知化》篇「猶懼虎而刺猏」,高注云:「獸二歲曰猏。」 肩。」《晏子・諫下》篇:「公孫接 《爾雅》、《廣雅》皆人《釋獸》歟。《廣雅》亦云:「獸三歲爲 田豕亦是獸。 《周禮注》引《詩》亦作「肩」。彼言豕,此言獸。豕,田豕也: 也。 諸齊、魯也。《七月》「獻豣于公」、《傳》:「豕三歲曰豣。」 馬融傳》注引《韓詩章句》與毛同。 歲豕,肩相及也。 也。 聲爲訓。「驅從」爲「驅逐」,二字連文,猶《序》「馳逐」連文 字。《爾雅》:「拼,使也。」《桑柔》傳:「荓,使也。」從、逐雙 章「茂」、「昌」爲地名,疑皆出《魯詩》。○竝,即「拼」、「荓 公以後矣,與《毛詩序》言哀公不合。 「豧」、「豧」皆俗字。 《傳》訓「儇」爲「利」者,利猶閒也,閒於 言子之習於田獵,遭我於峱,使我驅逐,復揖我以譽我 凡田獵,必卑者馳逐,尊者乃發射。《説文》:「豜,三 「婘,好也。」本《韓詩》。 《釋文》引: 鄭司農《庖人》注:「野豕爲六獸之一。」故 《詩》曰:「竝驅從兩豣兮。」」《後漢書・ 「《韓詩》作「婘」。 一搏豬而再搏乳虎。」《吕 而許所據作「豣」,或出 崔靈恩《集注》并以下 婘,好皃。」《廣

也。並驅從兩牡兮,揖我謂我好兮。【疏】「茂,子之茂兮,遭我乎峱之道兮。【傳】茂,美

美一、《生民》同。美者、謂習於田獵也。

嗁聲以誘人。去數十步止,其猛捷者,人不能制。 兵者,不能及也。」「臧」訓「善」,善亦好也。 前廣後。」《正義》引《義疏》云:「其鳴能小能大,善爲小兒 子·兵法》篇:「八曰:舉狼章,則行山。」是狼爲山獸,與 也。 狼之牝者獨得狼名、《傳》但云獸名,不言牝者,略也。 雅》"「狼"、牡貛、牝狼,其子、獥、絕有力、迅。」《爾雅》言 好、昌、臧六句一律,與《韓詩》同,而與《毛詩》異。 盛也。」兩「盛」字義同。《箋》:「昌,佼好兒。」還、儇、茂、 之盛也。《大叔于田》「叔在藪,火烈具阜」、《傳》云:「阜、 獸名。臧,善也。【疏】[昌,盛]、《猗嗟》同。盛者,田 「遭峱」、「驅狼」亦合。《説文》:「狼,似犬,鋭頭,白頰,高 並驅從兩狼兮,揖我謂我臧兮。 【傳】狼 子之昌兮,遭我乎峱之陽兮。【傳】昌,盛 雖善用 《管 獵

《箸》三章,章三句。

也。《韓奕》「韓侯迎止,于蹶之里」,諸侯親迎也。周自文迎,天子以下達士皆行之。《大明》「親迎于渭」,天子親迎《箸》,刺時也。 時不親迎也。 【疏】古者親

哀公,則春秋之前,哀公之世,親迎之禮已廢矣。詩人陳古夫婦之始,天子、諸侯皆在所譏。《正義》以《箸》三詩皆刺年,劉夏逆王后于齊。」天子不親迎矣。「桓三年,公子暈如年,劉夏逆王后于齊。」天子不親迎矣。「桓三年,公子暈如年,數夏逆王后于齊。」天子不親迎矣。「桓三年,公子暈如王及宜王時,其禮不廢。《春秋》:「隱二年九月,紀裂繻來王及宜王時,其禮不廢。《春秋》:「隱二年九月,紀裂繻來

義以刺今時,亦《春秋》之譏也

以内。《士喪禮》: 屏宁在路門内兩塾閒。 所本也。 應門内之兩墊閒,即路門外之兩墊閒。《荀子•大略篇》: 女》、《相 素,象瑱。 人君宁立之處也。 天子外屏,諸侯内屏, 著」、《爾雅》作「宁」。《釋宫》:「門屏之閒謂之宁。」《傳》 充耳以素乎而,尚之以瓊華乎而。 俟我於箸乎而、【傳】俟,待也。 鼠》同。 李注云:「正門内兩墊閒名宁。」正門,應門也。 瓊華,美石。 於,當作「于」,下二章同。 士有二門,外門謂之大門,寢門在大門 陳 `禮也。」外屏宁在路門外兩塾閒,内 天子、諸侯兩塾在路門左右。 鼎于寢門外,當東塾。」寢門外 士之服也。【疏】「俟,待」、《静 門屏之閒 箸,今俗作 【傳】 此即 日 有

之宁。 爵弁、纁裳、緇袘 堂,歷陳其卑尊之次。 迎,二章言卿大夫親迎,卒章言人君親迎。 《詩》義,以三代親迎禮分屬三章。 庭、堂同。 我於箸,謂從君子而出至於箸,君子揖之時。」《箋》亦言: 揖婦以人,及寢門揖人。」此「俟箸」之説也。《箋》云"「待 我乎巷兮」、《傳》:「巷,門外。」門者,大門也。 在寢門内也。 牆當門中。」士家於寢門之内設屏,屏閒可以宁立,故 東塾,則 耳。」對曰: 王,王病之,曰:「子復語。 謂之瑱。 庭,殷人逆於堂,周人逆於户。」户即箸。 庭,逆于堂,逆于户。」隱二年《公羊傳》注:「夏后氏逆於 「壻出,婦從至於箸,壻揖婦以人。」則箸爲壻家之箸也。 「壻乘其車,先俟于門外。」此「俟巷」之説也。 故《毛詩》之「箸」,三家《詩》作「户」也。《鄭風・丰》篇「俟 《東方之日》韓詩傳云: 有西塾可知。 天子玉瑱,諸侯以石。」然則士以象矣。 《正義》誤。 「賴君用之也、 寢門一曰 ,其瑱以象爲飾。 《釋宫》: 又案《繁露・質文》篇:「昏禮,逆干 ○「素,象瑱」、《淇奥》傳云:「充耳 | 閨門。 故言。 不穀雖不能 「門屏之閒謂之闥。」蓋闥 「屏謂、 《説文》: 不然,巴 毛《傳》以爲首章言士親 《楚語》: 之樹。」郭注云:「小 「閨,特立之户。 用,吾 浦之犀、犛、兕、 此或齊、 于箸、于庭、于 「子張驟諫靈 《士昏禮》: 「婦至,主人 **憗 寘之於** 士親迎 亦 下 謂

四五

耳。 象,其可盡乎? 鄭《箋》以詩三章素、青、黄爲縣瑱之紞,而以瓊華、瓊瑩、瓊 亦或爲「襍」。」案華,亦襍也。 氏》:「無有華離之地。」杜子春注云:「離,當爲「襍」。《書》 耳,無聞知」同意。 瑱以塞耳,故泛言以爲拒人規諫之喻,與《旄丘》箋「如見寒 英爲瑱,與《傳》,異。王肅申《傳》,造「以美石飾象瑱」之 《蕩》傳「上」訓「尚」,「尚」與「上」通。《廣雅》:「尚,加也。」 云:「士佩瓀玟而青組綬。」瓀玟,石也。 《傳》以 「瓊瑰」,毛《傳》皆謂之佩玉,則此詩之「瓊華」與「瓊鎣」、 「瓊英」亦爲佩玉。 「瓊琚」、「瓊瑶」、「瓊玖」、《有女同車》之「瓊琚」、《渭陽》之 言四獸之牙、角可以爲瑱。」案子張以牙、角皆可爲瑱, 「瓊華」爲美石,瓊爲美,華爲石。《周禮・形方 其又以規爲瑱也。]]章注云: 《傳》云「士之服也」者、《禮記・玉藻》 或謂諸侯盛飾亦用牙、角之瑱,誤矣。 華石,襍色之石。《木瓜》之 是士佩玉用石矣。 「瑱,所以 寒

爲「青玉」,謂卿大夫青玉爲瑱也。瑩與《淇奥》不同。《淇夫之服也。【疏】庭,讀爲「廷内」之「廷」。○《傳》以「青」瓊瑩乎而。【傳】青,青玉。瓊瑩,石似玉。卿大俊我於庭乎而,充耳以青乎而,尚之以

説、《正義》駮之,是也

足以發明兩詩《傳》義矣。《玉藻》云:「大夫佩水蒼玉。」也。《説文》:「螢,玉色也。一曰:石之次玉者。」許兩説正似。(傳》云:「璓瑩,美石也。」美石,謂璓不謂瑩。此與》「充耳璓瑩」,謂以璓爲充耳,「璓」下之「瑩」當作虚義

安那一点, 安那一点, 安那一点, 安。《説文》:「瑛,玉光也。」 英本爲玉光,引申爲石之似 玉,皆石之似玉者。唯天子用白玉瑱。英者,「瑛」之假借 玉,皆石之似玉者。唯天子用白玉瑱。英者,「瑛」之假借 玉,皆石之似玉者。唯天子用白玉瑱。英者,「瑛」之假借 玉,猶瑩爲玉色,引申爲石之次玉。 上章青爲青色之 玉,猶瑩爲玉色,引申爲石之次玉。 其義同也。《玉藻》 二、浙登爲玉色,引申爲石之次玉。 其義同也。《玉藻》 二、浙登爲玉色,引申爲石之次玉。 其義同也。《玉藻》 二、浙登爲玉色,引申爲石之次玉。 其義同也。《玉藻》 五、浙登爲玉色,引申爲石之次玉。 其義同也。《玉藻》 五、浙登爲玉色,引申爲石之次玉。 其義同也。《玉藻》 三、浙登爲玉色,引申爲石之次玉。 其義同也。《玉藻》 三、浙登爲玉色,引申爲石之次玉。 其義同也。《玉藻》 三、浙登爲玉色,引申爲石之次玉。 其義同也。《玉藻》 三、浙登爲玉色,引申爲石之次玉。 其義同也。《玉藻》

淫奔,不能以禮化也。《東方之日》,刺衰也。君臣失道,男女《東方之日》,刺衰也。君臣失道,男女

東方之日兮、【傳】興也。日出東方、人君明

就此昏禮。刺今之不能,以禮化見衰 之日也。」韓以日月喻女子,與《毛詩》義異。 也。」就,猶成也。 以立訓也。 女篇》注引《韓詩章句》:「詩人言所説者顔色美盛,若東方 女賦》、顔延之《秋胡詩》、陸機《日出東南隅行》、曹子建《美 下之人自無淫奔之男女。 察」二字又與下章《傳》「盛察」義通,爲互詞總釋也。 不照察也」者,所以明經之興義。 也。【疏】經以日月爲興、《傳》云「日出東方、人君明盛、無 云「君臣失道,男女淫奔」,《傳》正本《序》言,君臣有道,則 室兮,履我即兮。【傳】姝者,初昏之貌。 盛,無不照察也。 「姝,美色也。」此云「初昏之皃」者,《傳》探下「在我室兮」句 《長發》傳亦云:「履,禮也。」《東門之壇》傳云:「即,就 子,女子。 禮我,猶我禮,言我以禮,而姝者始能成 彼姝者子,在我室兮。 我室, 壻室也。 此陳古刺今也。《文選》宋玉《神 日喻人君之明照, 履者,「禮」之假借 ○《静女》傳: 履,禮 在 而 《序》 盛 我

在我闥兮,履我發兮。【傳】閩,門內也。發,行日也,臣察於下若月也。彼姝者子,在我闥兮。東方之月兮、【傳】月盛於東方、君明於上若

卷

夾室。 風》「畿」,在門中之梟。《楚茨》「祊」爲門旁之祭。《傳》皆 闥者,本非門内之名。 寢之制。 中五。」鄭注云:「達,夾室也。」江永《釋宫增注》謂此爲燕 以「門内」釋之,是其義矣。 寢門左右塾爲闥,韓以寢門內屏爲闥。 也」、《釋文》引《韓詩傳》云:「門屏之閒謂之闥。」是毛意以 簾帷之制。 是謂之闥。 字。《内則》:「天子之閣,左達五,右達五。 禮化之也。 女不行; 而行也。 又有下章合上章發《傳》者,此其例也。 爲訓,亦互詞總釋也。 「君明於上若日,臣察於下若月」,又家上章「日明於東方」 也。【疏】《傳》云「月盛於東方」,以釋「東方之月兮」句。 「日,君道。 士二門,大門與寢門也。 非得禮義,昏禮不成。」 《匏有苦葉》傳云:「以言室家之道,非得所適,貞 案達即闥也。天子燕寢,有左右房,有左右夾室, ○闥,古字當作「達」。 月,臣道。」亦以日月喻君臣。 簾帷,亦屏也。 士燕寢,東房西室。 闧在門内,故《傳》即門内釋之。《谷 全《詩》中有上章合下章發《傳》者 「發」訓 是亦謂之闥。 寢門之左右有塾,其内設 其正寝亦左右房,無左右 《説文・ 「行」者,言姝者必待禮 《十月之交》傳云: 毛、韓自指一 《傳》云「闥,門内 明察者,謂能以 公、侯、伯 門部》無 於房 闥 處。

二四七

《東方未明》三章,章四句。

禮》:「挈壺氏,下士六人。」於諸侯未聞。節,號令不時,挈壺氏不能掌其職焉。【疏】《周》,,以無節也。朝廷興居無

東方未明,顛倒衣裳。【傳】上曰衣,下曰案。顛之倒之,自公召之。【疏】《緑衣》「绿衣黄裳。顛之倒之,自公召之。【疏】《緑衣》「绿衣黄腹倒之義,故再釋之也。《荀子·大略篇》:「諸侯召其臣, 原不俟駕,顛倒衣裳而走,禮也。《詩》曰:「顛之倒之,自公召之。」」《説苑·奉使》篇:「魏文侯遣倉唐賜大子衣一处召之。」」《説苑·奉使》篇:「魏文侯遣倉唐賜大子衣一覧, 新倉唐以雞鳴時至, 大子迎拜, 受賜, 發篋視衣, 盡顛襲, 勃倉唐以雞鳴時至, 大子迎拜, 受賜, 發篋視衣, 盡顛襲, 和倉唐之節, 斷章取義耳。其實詩之本意,以未明見召爲大子衣一, 其實詩之本意,以未明見召爲大子衣一, 其實詩之本意,以未明見召爲大子衣一, 其實對之本意,以未明見召爲大子衣一, 其實對之本意,以未明見召爲大子衣, 其實詩之本意,以未明見召爲大子衣, 其實詩之本意,以未明見召爲大子衣, 其實詩之本意,以未明見召爲大子衣, 其實詩之本意,以未明見召爲大子衣, 其實詩之本意,以未明見召爲大子衣, 其實詩之本意,以未明見召爲大子衣, 其實詩之本意,以未明見召爲大子、其實詩之本意,以未明見召爲大子、其實詩之本意,以未明見召爲大子、其實詩之本意,以未明見召爲大子、其實詩之本意,以未明見召爲大子、其實詩之本意,以未明見召爲大子、其實詩之本意,以未明見召爲大子、其實持之本意,以為,其以為,其實詩之本意,以為,其實詩之本意,以為,其實持之本意,以為,其實詩之本意,以為,其實持之本意,以為,其實持之本意,以為,其實持之本意,以為,其實持之之之。

倒之顛之,自公令之。【傳】令,告也。【疏】晞者,東方未晞,顛倒裳衣。【傳】晞,明之始升。

《爾雅·釋詁》文。「告」與「誥」通。升」、《傳》云:「升,出也。」未昕,猶未明也。〇「令,告」,「昕」之假借字。「明之始升」,日始出也。《天保》,如日之

弗得。』《玉藻》「視容瞿瞿」,鄭注云:「不審貌。」與 之者喻。 段注云:「楊之細莖小葉者曰柳。」《采薇》箋云:「柔,謂脃 禁,以柔脃之木爲之,是無益於禁也。《傳》言此以爲無守 園,其樊也。」《載師》注云:「樊圃謂之園。」是也。 《周禮・大宰》:「園圃毓草木。」鄭注云:「樹 屏、蔽爲一義之申。 脱之時。」「柔脃」與「脃脕」義同。 瞿」同。 文、《青蠅》同。《版》:「藩,屏也。」《桑扈》:「屏,蔽也。」藩 辰,時,夙,早,莫,晚也。【疏】《說文》:「柳,少楊也。」 夜,以告時於朝。不能辰夜,不夙則莫。【傳】 矣。瞿瞿,無守之貌。古者有挈壺氏,以水火分日 樊、藩也。圃、菜園也。 《周禮 折柳樊圃,狂夫瞿瞿。【傳】柳,柔脃之木。 《傳》云「無守之兒」者、《序》所謂「不能掌其職」也。 挈壺氏》:「凡軍事,縣壺以序聚 檬。 ○狂夫,謂無守之人。《檀弓》:「瞿瞿如 《傳》釋「圃」爲「菜園」者,園 折柳以爲藩園,無益於禁 「樊,藩」、《爾雅・釋言》 凡喪,縣壺以 果蓏 亦藩也。 藩園爲 有求而 (詩「瞿 日圃。

百刻。 長也。 合。 刻。 夏至晝六十刻,夜四十刻。」鄭注《堯典》云:『日中者,日見 焉。 代哭者。 申之云「以告時於朝」者,以刺今朝廷之不然。《爾雅》: 東漢曆法,與司馬彪《續漢書・律曆志》所紀二十四氣刻漏 有四十八箭」者,此據漢法而言,則以器盛四十八箭,箭各 四十五刻,於四時最短也。」此與馬義異。云「大史立成法、 之漏與不見者齊。日長者,日見之漏五十五刻,於四時最 百刻,春、秋分晝夜各五十刻。 者,異晝夜漏也。 者,爲沃漏也。 未明、未晞也。 「不辰,不時也。」此與《四鐵》、《小弁》、《車舝》、《抑》傳竝訓 「辰」爲「時」。 《詩》言居朝廷之事,故《傳》引「古者挈壺氏所掌之職」,又 大史立成法,有四十八箭。」賈疏云:「馬氏云:「漏凡 「莫,晚」,《抑》同。 王肅則異鄭同馬,從古制也。《周禮》言軍喪 四十八箭者,蓋取倍二十四氣也。」案馬稱古制,鄭從 夜中者,日不見之漏與見者齊。 以壺盛水,縣於箭上,節而下之水,水淹一刻則爲一 皆以水火守之,分以日夜。」鄭注云:「以 不能時,失時也。「夙,早」、《采蘇》、《生民》 以火守壺者,夜則火視刻數也。 诵 漏之箭,晝夜共百刻。冬夏之閒,有長短 @章皆言太早,章末始言晚,蓋有失之早 不早則晚,承「夜」字而言。 冬至晝四十刻,夜六十刻。 日短者,日見之漏 分以日 水水守 夜,謂 縣 壺 夜 壺

者,即有失之晚者,所以窮其無節之弊。

《南山》四章,章六句。

文美、《猗嗟》刺魯莊公、《序》意皆同。 《南山》,刺襄公也。鳥獸之行、淫乎其 矣。」紫此即「淫妹」之事,則詩作在會濼之後矣。前二章刺矣。」紫此即「淫妹」之事,則詩作在會濼之後矣。前二章刺矣。《策山》,刺襄公也。鳥獸之行,淫乎其

蕩,齊子由歸。【傳】蕩,平易也。 帝位。」至于牛山而不敢登,曰:「五帝之位在于國南,請齊 之「牛山」。《晏子・諫上》篇云:「楚巫曰: 山》屬《齊風》,故《傳》云:「齊南山也。」齊南山,即《孟子》 既曰歸止,曷又懷止? 然,雄狐相隨綏綏然無别,失陰陽之匹。 齊南山也。 南山 崔崔、雄狐綏綏。【傳】興也。 崔崔,高大也。 【傳】懷,思也。【疏】《南 國君尊嚴 齊子,文姜也。 「請巡國郊以觀 如 南 魯 山 南山 道 崔 有 崔

之義。 綏綏,一興也。 公之隨文姜無别,失陰陽之匹。 綏」,亦「夊夂」也。 狐夂夂」。案《毛詩》用假借作「綏綏」。《有狐》篇「有狐綏 嚴之體。《玉篇》云:「夂,行遲兒。 證 丽 「齊侯之子爲魯侯之妻」也。 「踧踧,平易也。」蕩、踧聲轉而義同。 「蕩」訓「平易」,蕩猶蕩蕩也。 :後登之。」」又云: 崔,高大兒。 「隨」與「綏」古聲相近。 下三章各自爲興。〇魯道,自齊適魯之道。 重言崔崔。 彼《傳》云「匹行」,即此《傳》所云「相 「景公遊 於牛山 《小弁》「踧踧周道」、《傳》: 南山 歸,謂嫁也,嫁於魯侯也。 綏綏然,相隨之兒,以喻襄 南山崔崔,一興也。 思隹切。」引《詩》作 '喻國君。 北 北 文姜稱齊子者,猶云 臨 II 其國 崔崔以 城。」皆其 雄狐 喻 膧 雄 尊 義

關之東西或謂之緉,或謂之練。 既 者。 風 占 履中絞也。」五、疑讀爲「午」。 懷」訓「思」者,言襄公之思文姜也 日 「緉」字。《説文》: 葛屨》之「糾糾」是也。 冠矮,服之尊者。 庸 葛屨五兩,冠緌雙止。【傳】葛屢,服之賤 止,曷又從止? 「緉,絞也。」《方言》:「裲、練,絞也。 魯道有蕩,齊子 五兩爲屢飾,猶雙爲冠飾歟? 五兩,猶午絞,謂屢綦也,《魏 【傳】庸,用也。【疏】兩 絞,通語也。」郭注云: 庸 咋 謂

葛屨爲喻。 굸 下以固冠。 則》「冠緌纓」,鄭注云:「矮,纓之飾也。」孔疏云:「結纓頷 之琮、不珍之屨禮夫人貞女。」夫人受琮, 庶人以屨二兩加束脩二。曰:『某國寡小君使寡人奉不珍 緌。]注皆謂「凶服去飾」,此亦纓、緌異材之證。《昏禮 纓、緌爲二。」奂案《檀弓》:「喪冠不緌。」《玉藻》:「大帛不 纓與士同。」是孔亦以矮、纓爲二物矣。 纓,乃箸於纓之兩端。 纓、緌一物。 女。」是古者親迎,有納屨二兩,以一兩履女之儀,故詩人以 ○庸,即上章之「由」,由亦用也。 時,昏禮之備,服飾之盛,何等鄭重。 有二組屬於冠卷,結於頷下,垂緌以爲飾。 時,齊僖公尚在 「服之尊者」,亦但就葛屨冠緌賤與尊各有其耦以設喻爾 之爲言絞也。 《説苑 「主人玄端迎于門外。」鄭注云:「主人,女父也。」文姜嫁 「緌當用績,諸侯玄冠丹組纓。」而緌當用績,則鄭亦以 修文》篇 五兩非十枚,於親迎禮無聞。 結之餘者,散而下垂,謂之矮。」據此孔說,則 張惠言《儀禮圖》云:「疑矮者别爲絲組,既 「雙」與「練」同。 ,則僖公爲主人服玄端歟。 西古 「親迎禮 《玉藻》疏云:「惟繢緌爲異,其青組 ,諸侯以 止,語詞也。 《孟子• 《傳》云「服之賤者」、 屨 又『玄冠紫緌』,注 冠緌,尊飾。 盡心》篇: 詩言「雙止」, 取一兩屨以履 此謂文姜始嫁 玄端,玄冠,冠 兩 加琮,大夫、 Щ 《内 結

猶隨也

字。 父母廟」者,據下句「亦既告止」爲取文姜而言之也。《春 以興告父母廟乃可取妻。 上,則麻無葉也。」此正合毛説。」案「衡從其畝」,然後蓺麻 横。」又卷二十四作「東西曰廣」。 作「横由」,云:「東西耕曰横,南北耕曰由。」《衆經音義》卷 何 ? 以釋經「衡從其畝」句。 麻」,則蓺、樹皆種也。 穜也。从坴、丮。 三引《韓詩》作 止,曷又鞫止?【傳】鞠,窮也。【疏】《說文》: 「賈思勰《齊民要術》曰: 「横」之譌。」此皆所見本異也。 · 蓺」,作「藝」。《傳》訓「蓺」爲「樹」,又云「種之,然後得 `《禮記・坊記》引《詩》作「横」。 衡獵之,從獵之,種 蓺 必告父母。【傳】必告父母廟。 麻如之何? 「從横其畝」、《傳》曰:「南北曰從,東西 持種之。」引《詩》「我柔泰稷」,今通俗作 種,當作「穜」。「衡獵之,從獵之」 「獵」與「躐 「凡種麻,耕不厭熟,縱横七徧以 ○經言「告父母」、《傳》必云「告 之,然後得 衡從其畝。 毛、韓意同。《小箋》云: 武進臧鏞堂云: 通。 **衡從、《釋文》引《韓詩》** 麻。 衡者,「横」之假借 【傳】蓺, 取 既 妻如 「廣,即 日 柔 告 之 樹 日

> 母也。 秋 ※: 娶妻必告。」此亦取妻告廟之義證,與《傳》義相 法。 「圍布几筵、告於莊、共之廟而來」,以 來聘。」是魯桓取文姜,父母既殁,所告當是父母廟,非告父 讙。 「鞫」訓「窮」,言夫道窮也。 又《文王世子》:「五廟之孫,祖廟未毀,雖爲庶人,冠 公會齊侯于讙。夫人姜氏至自齊。 「桓三年秋,公子翬如齊逆女。 《正義》引《曲禮》「齊戒以告鬼神」、昭元年《左傳 九月,齊侯送姜氏于 り明取 冬,齊侯使其弟年 妻自有告廟之 發明 也

也。 斧,以興取妻待媒。 曷又極止?【傳】極,至也。【疏】「克,能」、《爾雅· 言》文。隱元年《穀梁傳》亦云:「克者何? 「極」訓「至」,言至于齊也 取妻如之何? 析薪如之何? 〇《伐柯》傳云:「媒 匪媒不得。 匪斧不克。【傳】克,能 所以用禮 能也。」析薪待 既 曰 得 냬

《甫田》三章,章四句。

功,不脩德而求諸侯,志大心勞,所 《甫田》,大夫刺襄公也。 無禮 以求 義 丽 求大 者 非

丘

卷

《春秋》經傳者,皆其求諸侯之事也。 有主盟之志。於後殺鄭子亹,納衞惠公,遷紀,圍郕,見於其道也。【疏】襄公於魯桓公十五年即位,會艾,定許,始

굸 侯,終無得也。 以此爲度。 畝,中地家二百畝,下地家三百畝。1謂其人力堪治,故 田」句。 傳亦云:「甫,大也。」《大田》傳:「莠,似苗也。」《説文》: 也。 在邊境、意者地廣而不耕、多種而不耨、費力而無功。 喬」,本三家《詩》傳。 垂,故曰揚。 山》傳云: 侯,徒勞其心 勞心忉忉。 「莠,禾粟下揚生莠也。」 莠草挺出直上,非若禾粟向根下 」,以釋「維莠驕驕」句。 「無田甫 大田過度而無人功,終不能獲。 無田 無、發聲。《正義》云「《周禮》:「授民田、上地家百 「甸、治也。」「甫、大」、《爾雅・釋詁》文。《車攻 過度,謂過此數 甫田, 田 驕驕者,揚之意。《法言·脩身》篇作「維莠喬 《鹽鐵論・地廣》篇:「今中國弊落不憂,務 忉忉耳。 【傳】忉忉、憂勞也。 `維莠驕驕。] 其斯之謂與?」三家《詩》與 維莠驕驕。【傳】興也。 云「大田過度而無人功」,以釋「田甫 田 【疏】上「田」字讀如甸。 [大田而有莠,以興無德而求諸 《而廣治田」是也。 言無德 無思遠人, 云「終不能 而 甫,大 《信南 求 《詩》 **禮** 諸

> 《箋》意不以「無」爲發聲。 『八切切耳」,求諸侯,釋經「思遠人」之義,則《傳》以「無」其心切切耳」,求諸侯,釋經「思遠人」之義,則《傳》以「無」以」同。《説文》無「切」字。《傳》云「言無德而求諸侯,徒勞切」同。《説文》無「切」字。《傳》云「言無德而求諸侯,徒勞以」,故《傳》云「憂勞」,《防有鵲巢》、《檜・羔裘》「切言「勞心」,故《傳》云「憂勞」,《爾雅》:「切切,憂也。」詩《笔詩》合。○遠人,謂諸侯也。《爾雅》:「切切,憂也。」詩

憂勞之意,故云:「猶忉忉也。」《匪風》傳:「怛,傷也。」 者,即 也。 也。 【疏】「桀桀」與「驕驕」同意,故云:「猶驕驕 無思遠 「揭揭」之假借。 無田甫田,維莠桀桀。 人, 勞心 《碩人》傳: 怛 怛。 「揭揭,長也。」怛怛,亦 【傳】桀桀, 【傳】怛怛, 也。一桀 猶 猶 驕 忉 忉 驕 桀

服 即是幼稺也。《説文》引《詩》「婉兮嫋兮」。 髦,女子未笄總角,其制略相似。 者,總爲聚,角爲兩髦,與《氓》「總角」不同。 幼稱也。弁,冠也。【疏】《傳》云「婉變,少好兒」者,少好 弁兮。【傳】婉孌,少好貌。 「婉」、「嫋」立訓爲「順」,本三家《詩》。 ,故《傳》以爲聚兩髦。 婉兮孌兮,總角丱兮。 親未没,又以兩髦爲飾也 總角,聚兩髦也。 此「總角」 未幾見兮,突而 云「總角、聚兩髦 - 乃男子未冠之 變,籀文「嫋」。 蓋男子未冠 바,

依唐 襲。吴王夫差曰:「好冠來。」孔子曰:「大矣哉! 奥》、《尸鳩》「弁」爲「皮弁」,此云「冠」者,意本孔子語而釋 孔子謂其未能言冠而欲冠,與詩言事相同。《傳》於《淇 能言冠而欲冠也。』」案吴子會晉、魯,不脩德而求諸侯,故 傳》:「黄池之會,吴子欲因魯之禮、因晉之權而請冠端而 稺之人突而加冠,所以刺襄公志大之意。哀十三年《穀梁 義》作「突若」。 突而,猶突然也。 突若,猶突如也。《箋》云 貫成童」,貫亦小也。」與《傳》「幼稺」之訓合。○突而、《正 《詩・風》。《説文》以爲古[卵]字。昭十九年《穀梁傳》[羈 「突爾」,義竝同。 《石經作「廾」。《五經文字》云:「廾,占患反,見 古弁、冠通稱弁,與總角對文。言總角幼 夫差未

《盧令》三章,章二句。

亂作,爲襄公因荒亡身之實據。皆與《序》合。 攷魯莊公之八年,齊襄公之十二年也。《左傳》稱田貝丘而 語》及《管子·小匡》篇竝云:「襄公田獵畢弋,不聽國政。」 不脩民事,百姓苦之,故陳古以風焉。【疏》《齊 .盧令》,刺荒也。 襄公好田獵畢弋,而

Л

《傳》義,得其恉矣。 田獵也?」此無他,與民同樂也。」《正義》引《孟子》以申述 欣欣然有喜色而相告曰:「吾王庶幾無疾病與? 篇:「今王田獵於此,百姓聞王車馬之音,見羽旄之美,舉 《傳》總釋全章之恉,陳古義以風今時也。《孟子·梁惠王》 ○其人,謂古人君也。云「能有美德,盡其仁愛」,以釋經 字皆作「鈴鈴」。《説文》:「盧獜獜,健也。」本三家《詩》。 人之冠纓然,故云「纓環聲」也。」《廣雅》云:「鈴鈴,聲也。」 鈴,下言環、鋂。 鈴鈴即是環、鋂聲之狀,環在犬之頷下,如 也。令令者,「鈴鈴」之古文假借字。《正義》云:「此言鈴 於《詩》之「盧」也。《四鐵》傳:「獫、歇驕,田犬也。」皆異名 云:「臂若馳韓盧而逐蹇兔也。」是韓之田犬稱盧,義實本 義》引《戰國策》云:「韓國盧,天下之駿犬也。」《秦策》又 故百姓聞而說之,其聲令令然。【疏】盧爲田犬、《正 奉之、愛而樂之、順時遊田、與百姓共其樂、同其獲、 令,纓環聲。言人君能有美德,盡其仁愛,百姓欣 「美且仁」,言人君美仁若此,故百姓樂聞其令令之聲。 盧令令,其人美且仁。【傳】盧,田犬。令 何以能 而

281

盧重環、【傳】重環,子母環也。 其人美且

《詩》作「鬈」,而《手部》不録「摧」,從毛不從三家也。 也。 鬈。 字。」鄭《箋》「權」字从手,非从木。 子母環,謂大環貫一小環也。」○「鬈」訓「好兒」,好謂容好 《箋》本三家。「勇壯」與下章《箋》「多材」一律。《説文》引 「張參《五經文字》『權」字注云:「從手作「權」者,古拳握 《箋》:「鬈,讀當爲「權」。權,勇壯也。」《詩小學》云: ·傳】鬈,好 貌。 【疏】《正義》云: 與捲勇、拳勇字同。」案 重 二環,謂 環 相 重

偲。 引《説文》:「偲,彊也。」《廣雅》: 如「思馬斯才」之「才」。《駉》傳云:「才,多才也。」《釋文》 於環言重環,而於鋂不言重鋂。○偲、才疊韻爲訓。才,讀 耳,非删「大」字也。 奂案《正義》引《説文》亦以證鋂爲大環,由轉寫者奪「大」字 云"「《玉篇》、《廣韻》皆云「大環」、《詩正義》删此「大」字。」 「鋂,環也,一環貫二。」」今本《説文》作「鋂,大環」,段注 别,「一環貫二」,謂一大環貫二小環也。《説文》亦云: 此篇詩辭與《鄭風・叔于田》同: 「洵美且仁」也,二章「其人美且鬈」,猶言「洵美且好」也, 【傳】偲,才也。【疏】《正義》云:「「重鋂」與「重環. 盧重鋂、【傳】鋂,一環貫二也。其人美且 子母環爲重環,一環貫二爲鋂,故《傳》 「偲,佞也。」義竝相近。 一章「其人美且仁」,猶言 案

> 多才而好勇。」 三章「其人美且偲」,猶言「洵美且武」也。 彼《序》云:「叔

《敝笱》三章,章四句。

弱。 魚。 《傳》言「大」以明經之興義也。 弱,不能防閑文姜,使至淫亂,爲二國 曰 : 《述聞》云:「鰥,即《爾雅》之「鯇」也。 後謂之大也。」案王説是也。 魴也,鰥也,魚之形體差大者,故曰大魚,非必盈車之魚 魴鰥」,則鰥之爲魚已明,何須又言「鰥,魚」乎? 字耳。或曰:《傳》當作「鰥,魚」,無「大」字。按經云「其魚 【疏】《邶·谷風》傳:「笱,所以捕魚也。」敝笱,興魯桓公微 曰:「筋鱮,大魚。」此亦當云「魴鰥,大魚」。 寫者脱去「魴 混」,或如「袞」。1字又作「鯤」,潘岳《西征賦》:「弛青鯤於 《傳》云「鰥,大魚」,王引之《詩述聞》云:「下章《傳 「鯇魚似鯉,生江湖閒。 齊子歸止,其從如雲。【傳】如雲,言盛也。 《敝笱》,刺文姜也。 敝笱在梁,其魚魴鰥。【傳】興也。 今楊州 魴鰥、魴鱮,皆以喻文姜,故 魴,鯿之類。鰥,未審何魚 齊人惡魯桓公微 人謂之鯶子魚。 陳藏器《本草 患 或説非。 鰥,大 焉 拾 聲如 遺 而

五五五

難制。 《韓奕》傳並云:「如雲,言衆多也。」盛, 彭生乘公之日,而敝於子翬逆女之年。 亂」,則詩乃作於十八年後,而 襄公通,桓即斃於彭生之手。 昏于齊,而文姜又爲僖公寵女,親送之讙,嫁從之盛,驕伉 制。」《正義》引孫説申《傳》,謂其從者多强盛而難制。 由,實始於微弱。 秋》書「齊侯送姜氏于讙」,齊侯,僖公也。 姜歸魯之日,襄公未爲君,言寵妹則非也。 嫁寵妹、庶姜、庶士盛如雲雨、故妹來自 雨,言多」、「如水,言衆」,皆盛也。 《載驅》皆以「齊子」爲文姜。 『鉅,解赬鯉於黏徽。」「鯤」與「鰥」占正同音。」○《南 魯爲齊弱,由來者漸。 陳啓源《稽古編》云:「笱之敝也、不敝於 婦人謂嫁曰歸。《出其東門》、 及至桓十八年,文姜如齊,與 《序》云「不能防閑,使 追刺其嫁時之盛爲淫亂之 孫毓云:「齊爲大國,初 亦衆多。 詩人推見禍本,故 桓以弑兄篡國 由,桓公不能 攷桓三年《春 下章 如 全淫 唯文 Щ Щ 求 禁

謂魴鱮之大也。《箋》云:「鰊似魴而弱鱗。」《正義》引《義齊子歸止,其從如雨。【傳】如雨,言多也。【疏】齊子歸止,其從如雨。【傳】如雨,言多也。【疏】

不於如齊刺之,而於歸魯刺之。

恉深哉!」陳説得之矣。

正》序云:「衆多如雨。」
鳙。幽州人謂之鴞鷗,或謂之胡鳙。」〇「雨」訓「多」、《雨無得鱮,不如啗茹。」其頭尤大而肥者,徐州人謂之鰱,或謂之疏》云:「鱮似魴,厚而頭大,魚之不美者,故里語曰:「網魚

注云: 「《易》以坤爲衆,坎爲水,水亦衆之類。」案文姜之歸 作「水喻衆」,改從誤本矣。 雲,言盛也」、「如雨,言多也」 例,當據以訂正。 門」,高注云:「竹笱,所以捕魚。 借。 也。 【疏】《釋文》云: 制。 也,從之者有媵、娣 儀部五》引《傳》:「如水,言衆者也。」者,衍字。 則出入者、《傳》亦就笱以設喻也。 姜之驕伉,以總釋全章之恉。 案詩三章皆言魚,魚陰,性淫。 皃。」與《玉篇》同。 《玉篇》:「瀢瀢,魚行相隨。」《箋》:「唯唯,行 不能制,即遺亡之意。《毛詩》「唯唯」即「遺遺」之假 齊子 敝笱在梁,其 歸 「《韓詩》「其魚遺遺」,言不能制也。」遺,亡 止 此必齊、魯義,而於毛、韓亦未有異也 姪、《周語》云:「人三爲衆。」 其 魚 從 《晉語》:「坎、水也、衆也。」韋 唯 如 《傳》云「出人不制」者,興文 唯。 《淮南子・兵略》篇「魚 水。 其門可入而不得出。」然 ○舊本《北堂 【傳】唯唯, 【傳】水,喻 書鈔 今陳禹謨 相 此與「如 出 隨 衆也。 入不 順之 禮

《載驅》四章,章四句。

惡於萬民焉。 盛其車服,疾驅於通道大都,與文姜淫,播其盛其車服,疾驅於通道大都,與文姜淫,播其

相近。 也。 車 謂之茀。 **茀朱鞹」箸明爲諸侯之路車。** 所謂「疾驅於通道大都」也。 少,言其圜甚箸地者微耳。 司農注云: 易之聲。 干》箋云:「竹葦曰簟。」《爾雅·釋器》:「輿革前謂之鞎,後 發夕,自夕發至旦。 朱革之質而羽飾。 「簟字從竹,用竹爲席,其文必方,故云「方文席」也。」《斯 ·其用革、用竹各有異名,此析言之也。 簟,方文席也。 《傳》云「薄薄,疾驅聲」,「疾」與「迫」義亦相近,《序》 載驅薄薄,簟茀朱鞹。 《考工記》:「凡察車之道,欲其樸屬而微至。」鄭 竹前謂之禦,後謂之蔽。」報、弗、禦、蔽皆前後闡 「樸,讀如「子南僕」之「僕」。 【疏】薄之言迫也。 魯道有蕩,齊子發夕。【傳】 車之蔽曰茀。 箸地者微則易轉。」案薄、樸聲 詩刺襄公,故《傳》於下句「覽 ○簟爲方文席,《正義》云: 【傳】薄薄,疾 微至,謂輪至地者 諸侯之路車,有 渾言之,則茀、蔽 薄薄,車箸地輕 驅 聲

車,大夫軒車,士飾車。」案《説文》:「軒,曲 前後皆有蔽,其後蔽以竹爲之,無飾,詩謂之簟茀,其前 車闕南方,前面無蔽,蔽在車兩旁,故又謂之藩車。 革,又言朱革爲質而飾之以羽,爲諸侯路車之制如此。《藝 《采芑》「路車有奭,簟茀魚服」,其義證也。 有,而制不同耳。 **笭也。」「籠,一曰笭也。」此異名同物。** 指興後者言。《説文》云:「答,籯也。」「籯,答也。」「篚,車 指輿前者言。 以翟羽飾車。 章「齊子」爲文姜,則此「齊子」與《南山》同。 式,見《韓奕》傳。 之幦,而無覆軾之文皮,《玉藻》云「乘路車不式」是也。 **複即幦也**。 之幦歟。《巾車》:「王之喪車五乘,皆有蔽榠飾。」蔽在後, 亦以竹爲之,覆之以染朱革,而又飾之以羽,此即路車覆答 文類聚・舟車部》引《白虎通義》云:「天子大路,諸侯路 興前蔽,李巡云「輿前以革爲車飾」是也。 《傳》雖釋經「朱鞹」,而義可互見。 不專稱輿後。 在前飾即幦之飾,其制略相似也。 此「簟茀」、《傳》云:「車之蔽曰茀。」無飾,當 茀,蔽也。」 茀即答,翟羽即覆答之幦之飾,當 《碩人》「翟茀」、《傳》云: 云「諸侯之路車,有朱革之質而羽飾」者 ○《南山》傳云:「蕩,平易也。」《傳》於下 簟茀,亦諸侯之路車。 闌車有蔽,前 翟、翟車 《傳》以朱鞹爲朱 朱鞹亦茀也,在 田輈藩車 發夕,夕發也 路車有覆答 也。 中也。」軒 唯路 :後皆 夫人 蔽 車

也。」「發」訓 發至旦」,以言終夕在道也。 《中孚》云:「齊子旦夕,留連久處。」本《韓詩》也 (東方之日》傳:「發,行也。」經言夕,不言旦,《傳》云「自 「明」,發夕爲旦夕。 《釋文》引《韓詩》: 《易林・屯》、《蹇》、《升》 「發, 旦 夕

圛

轡濔濔。

【傳】四驪,言物色

【疏】四驪,四馬皆驪。 齊齊也。 弟」,與上章同義。 敖皆樂易也。 行會襄公而言,此章就文姜與襄公會遇而言,下文翱翔、游 **焱,「衆」之意。** 爾,本亦作「濔濔」。」猶《新臺》「濔濔」今作「瀰瀰」,皆爲後 皃。」此《傳》云「垂轡,轡之垂者」,正謂鋚也。 人增益偏旁耳。 盛 魯道有蕩,齊子豈弟。 「豈弟」爲「樂易」、《蓼蕭》、《早鹿》、《泂酌》同。 齊」義亦相近。 「~~,乃米切。 四驪濟濟,垂 濟濟 《車攻》「我馬既同」、《傳》:「同,齊也。」「美」與 《爾雅 美貌。 《干旄》傳云:「四馬六轡,所謂衆也。」《玉 《説文》「爾」下云:「其孔怒怒。」爾爾猶 《蓼蕭》傳: 郭注 轡垂皃。」疑出三家《詩》。 物色盛,謂馬物之色盛也。 釋言》: 芸 垂 辔,辔之垂者。 「發,發行也。」《玉篇》: 「鋚革,轡首垂也。 【傳】言文姜于是樂易然。 「豈弟,發也。」正釋此章「豈 濔濔,衆也。 《釋文》: 上章就文姜 沖沖,垂飾 ○《傳》釋 濟濟,猶 「發,駕 爾 XX

> 車也。」「發」亦 ,明也。」與《韓詩》同義 「樂易」之意也。 《箋》: 「豈弟,讀爲閩 圛

麃; 《詩》之汶水也。 彭彭、應應分章與《清人》旁旁、儦儦分章同。 時事。」○《堯典》「湯湯洪水」,洪亦大也。 稱公賜季友汶陽之田,當齊襄公之時,汶水之北尚是魯 義》云:「魯在汶側、齊在魯北、水北曰 時魯之成邑,此齊人魯境之處。 「汶水滔滔」矣。」攷鉅平在今山東兖州府寧陽縣東北,春秋 歸」者也。 城東而西南流,城東有魯道、《詩》所謂「魯道有蕩,齊子由 出,西南入沸。 汶水所出。 猶彷徉也。【疏】《漢書・地理志》: 彭彭,多貌。 地。」又云:「襄公人於魯境往會文姜,此篇所陳,蓋 今亦謂之東汶水,班以出萊蕪者爲《禹貢》之汶水,蓋 彭 汶水湯湯,行人彭彭。 彭 ',猶旁旁矣。 今汶上夾水有文姜臺。 東至安丘人潍。 桑欽所言。」案沸即濟,東泰山即沂山,其水 魯道有蕩,齊子 《水經• 《傳》云「多」者,君 汶水》注云: 泰山郡萊蕪原山、《禹貢》汶水 當時 汶水又西南流、《詩》云 「琅邪郡朱虚東泰 翱翔。【傳】翱 相傳 「汶水南逕鉅平縣 【傳】湯湯,大 I陽。 行師從 彭,讀 或有依據。 僖元年《左傳 儦儦 也。 如 是莊 旁。 "; 翱翔 翔 ^念正 貌 Ш 此 即 麃 公

五五七

卷

同。《廣雅》云:「翱翔,浮游也。」延佇。」《文選》宋玉《風賦》:「倘佯乎中庭。」竝與「彷徉」延佇。」」《文選》宋玉《風賦》:「張衡《思玄賦》:「愰相佯而流,常羊思所并。」《後漢書》:「張衡《思玄賦》:「郊祀歌周書・司馬相如傳》:「消搖乎襄羊。」《禮樂志》:「郊祀歌周雙聲,彷徉疊韻。 哀上七年《左傳》:「横流而方羊。」《漢

《猗嗟》三章,章六句。

及齊人狩于禚,齊有《猗嗟》之詩,爲莊公狩而作也。」
云:「莊四年春二月,夫人姜氏饗齊侯于祝丘。其年冬,公威儀技藝,然而不能以禮防閑其母,失子之威儀技藝,然而不能以禮防閑其母,失子之

「《方言》:「盱、揚,雙也。 莊公之容貌。下文言美目,乃爲善射張本。 子偕老》正義引此《傳》作「揚,揚廣」,誤。 廣。」又云:「揚且之顔,廣揚而顔角豐滿。」皆其義也。 之,則眉以上皆得稱揚矣。《君子偕老》傳云:「揚 也。蓋揚之爲言上也。於目曰揚目,於眉曰揚眉,又引申 皃」、「色」字衍也。云「揚、廣揚」者、謂廣闊揚起顙額之際 《傳》云:「抑,美色。」「色」疑「皃」之誤。《釋文》作「美色 《玉篇》:「抑,美也。」《烝民》傳:「懿,美也。」抑、懿古同聲 單言猗,絫言猗嗟,故《傳》於《那》之「猗」與此「猗嗟」並云 也。《氓》傳:「沃若,猶沃沃然也。」是「若」與「然」同義矣。 之爲長兒也。 揚,廣揚。美目揚兮。【傳】好目揚眉。 「碩,長皃」、《碩人》同。 兮、【傳】蹌、巧趨貌。 昌,盛也。 「若,猶然也。」引《史記・孔子世家》稱「孔子頎然而長」,是 歎辭」也。 猗嗟昌兮, 頎 頎,長貌。 辭,當爲「詞」。「昌」訓「盛」, 若者,狀事之詞。頎若,頎然也,抑若,抑然 射則臧兮。【疏】猗,猶噫也 頒而、《正義》本作「頒若」,云: 而長兮。 抑若揚兮、【傳】抑,美色。 **驢瞳子,燕、代、朝鮮、洌水之閒** 【傳】猗嗟,歎辭。 案此三句皆歎美 ○《後箋》云: 謂容貌 巧趨 盛也。 眉上 《君 蹌

莊公忘父之讎,人齊之竟,乃與齊侯狩,故齊人得熟觀審悉 禚」、《公》、《穀》皆作「郜」。 皆謂莊公出射時也。○射,鄉射也。 言有容也。」經言「巧趨」,故云:「蹌,巧趨兒。」美目、巧趨 眉。」奂案《玉篇》: 形目美,謂好目於揚眉見之,故美目謂之揚,揚屬目 義》曰: 《漢書・ 揚兮。」」是也。 注云"「於竟,謂與鄰國君射也。」此即君與君行鄉射之義 [盱, 或謂之揚。] 郭注: 此其備。 《説文》: 狩而射者,若《小雅·車攻》先言「狩」而後言「射」之 但《車攻》篇「射」爲大射。 「眉上曰衡,謂舉眉揚目也。」然則毛《傳》正以揚眉 王莽傳》: 「盱衡,厲色。」李善注《文選》引《漢書音 《儀禮• 「蹌,動也。」蹌 毛《傳》云「好目揚眉」者,揚眉,猶言盱衡 咩 鄉射・記》:「於竟,則虎中龍膽。」鄭 `美目。」疑出三家《詩》,亦但屬目 「盱,舉眼也。 范甯注云:「郜,齊地。」是時魯 ,猶蹌蹌。《楚茨》傳: 或者天子與諸侯行大射,君 臧,善也。《春秋》「狩 揚、《詩》曰: 「蹌蹌 美目 不屬 云:

説。

下爲 【傳】二尺曰正。 清 猗 ,嗟名兮,美目清兮。【傳】目上爲 儀既 成兮,終日射侯,不 展我甥兮。【傳】外孫 日 出正 甥。 名,目 【疏】 兮,

例 證

八君行鄉射歟?

《詩》可以補《禮》之闕。

如

賦影 貫兮」,「射」字亦通上下句,舞與貫皆射也。《詩》辭中多有 章《傳》云「好目揚眉」,所謂「目上」也,則「名兮」即上文之 《爾雅• 則非是。 即所謂視容清明也。下文「儀既成兮,終日射侯,不出正 此例。《後箋》云:「目上目下,當讀爲「視不上於給」之 又生下「清兮」,名與清皆美目也。 貌 即《方言》「驢瞳子謂之縣」。 何超《晉書音義》云:「名,目也。」此固不誤。 兮」,故先言目之名兮、清兮,蓋形容其射時審固之狀 [上]、「不下於帶」之「下」,謂目之仰視俯視也。 彼「清」與「揚」對,揚爲舉目,則清爲低目。 也。」二字分釋, 「明,目精。」《冀州從事郭君碑》: 「名」與「明」通。 , 目下爲清」。 揚兮」矣。《爾雅》但釋《詩》之「名」、《傳》又增成其義,云 也。 【《詩》:「猗嗟顋兮。」覭,眉目閒也。 「眳藐 薛綜注《西京賦》云: 釋訓》: 如云「喪子失名」,豈得謂失其眉目閒乎? 流盼,一 案經中「美目」二字通上下句,承上「名兮」, 誤 《檀弓》:「子夏喪其子而喪其明。」注云: 「猗嗟名兮,目上爲名。」《傳》所本 矣。 顧傾城。」「眳」與「名」同。 至[目下爲清],即 郭注謂「 「眳,眉 「卜商號咷,喪子失名。」 下章云「舞則選兮、射則 睫之閒。 縣藐」者,縣藐猶眳 本亦作「名」。」此 「清揚」之「清」。 此「清」與「名」 又引《玉篇 藐,好視容 眳藐雙聲 爲名爲清 也。 《西京 上

則以 言正,遂以皮侯謂有鵠而無正,五采之侯謂有正而無鵠,其 肅引《小爾雅》,並 正、鵠皆在一侯也。《賓之初筵》正義引馬融注《周禮》及王 故司農以爲一侯之身設四尺之鵠,二尺之正四寸之鵠。是 大射張皮侯,棲鵠,不設正,禮射設采侯,皆棲鵠,又設正 屬。」皮侯、虎、熊、豹三皮之侯也。 鵠也。《考工記》:「梓人爲侯,廣與崇方,參分其廣而鵠居 方十尺日侯,四 卿大夫則共麋侯。皆設其鵠。」鄭司農注云:「鵠,鵠毛也。 以三耦射一侯,二正。 是其義也。 射,則共虎侯、熊侯、豹侯,設其鵠。 六耦射三侯,五正。 對,名爲上視,則清爲下視 《射人》注云:「畫五正之侯,中朱,次白,次蒼,次黄,玄居 《射人》之「三侯」謂即《司裘》虎、熊、豹設鵠之侯,凡侯皆有 也。 《貍步張三侯。」鄭司農注云:「三侯,虎、熊、豹也。 張皮侯而棲鵠,則春以功。 《詩》云:「終日射侯,不出正兮。」」《司裘》:「王大 《韓詩外傳》云:「景公以爲儀而射之,穿七札。」 《傳》云「二尺曰正」者,《周禮・射人》:「王以 一尺曰鵠,二尺曰 與司農同。 諸侯以四耦射二侯,三正。孤卿大夫 士以三耦射豻侯,二正。若王大射 ,其義 後鄭據《司裘》言鵠、《射人》 正,四寸曰質。」案司農以 五采之侯,五正之侯也。 也。」○儀 張五采之侯,則遠國 諸侯則共熊侯、豹侯。 ,容儀,射五善 Ę

鹄,與古説乖戾。《射人》注:「今儒家云:「四尺曰正,二尺 央。 曰鵠。」此説失之。」是也。 賈謂正、鵠俱在一侯,與鄭司農同。 禮》云:「四尺曰正,正五重,鵠居其内,而方二尺以爲鵠。」 車之軹,礙於任正 與槸相去一尺一寸有半,其廣亦然。 二尺,二尺之邊當有木榦,其中設布,畫以五采、三采、二采 正爲二尺,是其古制,儒家皆不能詳言之矣。又賈逵注《周 寸大半寸,侯中一丈者,鵠方三尺三寸少半寸,則高於 鵠,侯中丈八尺者,鵠方六尺,侯中丈四尺者,鵠方四尺六 以纏之,其高僅二尺餘,田車之輪乃可過也。 不等。《車攻》傳云:「裘纏質以爲槸。」槸,門橜也,在門中 以爲射正。」《弓人》「利射革與質」,注:「質,木椹也。」正 同。今細覈之,《司弓矢》「射椹質」,注:「質,正也。 正内二尺,則正方不止二尺,與毛《傳》「二尺曰正」之說不 次之。其侯之飾,又以五采畫雲氣焉。」後鄭謂 如鵠,内二尺。五采者,内朱,白次之,蒼次之,黄次之,黑 廣,皆居侯中參分之一,中二尺。」《梓人》注云:「正之方外 外。 田車之輪六尺有三寸,軹崇二尺一寸有半,其任 三正,損玄、黄。 , 豈能通行? 三正 賈景伯、鄭仲師 · 去白 據彼《傳》云「以質爲槸」、 蒼而畫以 而云四尺曰正,正大於 門槸高二尺,又有裘 並治《毛詩》, 、朱、緑。 若謂正大如 正外如 其外之 樹 正之 田 方

之甥。 子删《詩》存之,與書「子同生」一例。」 《序》亦云「人以爲齊侯之子」者,從時人之口,爲刺譏之詞。 乎人也。」范注云:「時人愈曰:「齊侯之子,同於他人。」」莊 語,實始於文姜之譖。 之子也。」「徐疏云:「夫人加誣此言。」然則「齊侯之子」一 年九月丁卯,子同生。」《穀梁傳》:「疑,故志之。 若《箋》云「姊妹之子爲甥」,則直指襄公之身言之,而其謂 其説不同若此。 詩中皆齊人述敘莊公有「展我甥兮」之語。 元年《公羊傳》:「夫人譖公於齊侯,公曰:「同非吾子,齊侯 魯莊爲齊甥,無二義也。」《箋》又云:「展,誠也。此誠我齊 罢: 「據外祖以言也。」謂不指襄公之身,總舉齊國爲信。 言誠者,距時人言「齊侯之子」。」案《春秋》:「桓 ○《正義》云: 於是人言 「《傳》言「外孫曰甥」者,王 藉藉,播惡萬民。 惠士奇云:「夫 時日: 此 詩 同 六

選,齊,貫,中也。 四 【傳】婉,好眉目也。 "肚,好兒」者,莊公生於魯桓公六年。)歲矣,身已逾冠故也。 矢,乘矢。【疏】《泉水》、《侯人》傳:「孌,好兒。」此云 猗嗟孌兮、【傳】孌,壯好貌。 四矢反兮,以 舞則選兮,射則貫兮。 《經義襍記》云:「《傳》本作「清揚 即 禦亂兮。 位四年狩禚,年十 清 揚 婉 【傳】 【傳】 兮。

謂

與詩義正合。 也。 師》:「燕射,帥射夫以弓矢舞。」則射時有以弓矢舞之禮 同。」王引之《周禮述聞》云:「《大司樂》:「大射,王出 三曰主皮,能中質, 注云"「射有五善焉" 此句言「舞」爲興舞也。 興民賢能。 眉即揚目耳。《正義》云:「眉毛揚起,故名眉爲揚。」非毛 好也,皆謂目之好。毛云「婉,好眉目」者,渾言之。 婉兮,好眉目也」。 舞,故曰興舞。」據王説,則興舞爲弓矢舞,爲射五善之一, 以《大司樂》考之,舞當在歌樂之時。 奏《王夏》。 曰主皮,四曰和容,五曰興舞。」五者皆是鄉射之禮,古以此 意也。」案《野有曼草》傳義同。 云:「「清揚婉兮」乃總上二章「揚兮」、「清兮」而言。 「鄉大夫之職,以鄉射之禮五物詢衆庶,一曰和,二曰容,三 7者,正 資舞者之位也。」「
「
」
「
東
」 鄉射歌《騶虞》以射,與王大射同 也。 詩歌此以覘魯莊技藝,下句言「貫」即主皮,則 及射,令奏《騶虞》,詔諸侯以弓矢舞。』《樂 舞位正 選者,「纂」之假借字。 以婉爲好,以清揚爲眉目之閒。」《後箋》 四日 ,則與樂節相應。 一曰和,志體和;二曰容,有容儀; 《論語・八佾》篇 和頌,合雅頌; 纂 通。 ○舞,亦 選 鄭注《樂記》云: 歌詠其聲,舞動其容 《文選》陸機《樂府》、 ,則射夫亦當以弓矢 者,正其舞位之謂 五曰興 「射不主皮」,馬 7射也。 (武,武 《周禮 其實揚 婉者 一人,令 與舞 綴 融

止亂也。 《詩》作「御」。御,止也。「以御亂兮」,美莊公之善射,可以 說,乃爲更進一義耳。」禦,《儀禮・大射》注及《鄉射》疏引 儀。」賈疏云:「四矢貫侯,如井之儀。」此於《韓詩》「變易」 之義爲近。然此義上章「不出正兮」已足該之,必如《箋》 「反」作「變」,云:「變易。」《周禮・保氏》:「五射,五曰井 云:「得其故處,當即五射所謂參連也。《釋文》引《韓詩》 射三而止。每射四矢,皆得其故處,此之謂復。」《後箋》 文也。鄭注云:「乘矢,四矢也。」《箋》云:「反,復也。禮 皮亦爲射五善之一。《鄉射・記》云「禮、射不主皮」者、不 釋。」」言不中則不釋算,即此詩「貫」字義也。貫是主皮,主 貫革耳,非不中革之謂也。 義,則中即獲也。《鄉射禮》:「釋獲,司射命曰:「不貫不 作「毌」、作「貫」者,假借字。「貫」訓「中」,「中」與「得」同 「乘矢」者共十有一、《傳》以「四矢」爲「乘矢」,本《鄉射禮 「言其舞應雅樂也。」」毛、韓義正相成也。 貫,今「串」字,古 傅毅《舞賦》注引: 「《韓詩》「舞則纂兮」、《薛君章句》云: 解者或失之。○《鄉射禮》言

卷八終

詩毛氏傳疏卷九

手,可以縫裳。【傳】摻摻,猶纖纖也。婦人三月

長洲陳英學

魏葛屨詁訓傳弟九 毛詩國風

【疏】《漢書・地理志》:「河東郡河北、《詩》魏國。」案魏在 姓之國,改號曰魏。春秋魯閔公二年,周惠王之十七年 商爲芮國地,與虞争田,質成於文王。至武王克商,封姬 也,晉獻公滅魏。今山西解州芮城縣是其地也 魏國七篇,十八章,百二十八句。

《葛屨》,刺褊也。 《葛屨》二章,一章六句,一章五句。 魏地陿隘,其民機巧

趨利,其君儉嗇褊急,而無德以將之。

也。 夏葛屨,冬皮屨。 糾糾葛屨,可以履霜。【傳】糾糾,猶繚繚 葛屨非所以履霜。 摻摻女

卷

t

月廟見,然後配。 祖矣。」」孔疏云:「賈逵以配爲成夫婦也。禮齊而未配,三 傳》:「鄭公子忽先配而後祖,鍼子曰:「是不爲夫婦,誣其 篇:「孔子曰:「三月而廟見,稱「來婦」也。」」隱八年《左 所以配衣也。」今女手縫裳,是亦褊也。 貌。」」《説文》、《玉篇》引《詩》並作「攕攕」,疑「纖纖」皆即 手」李注引:「《韓詩》「纖纖女手」,薛君云:「纖纖,女手之 摻,猶纖纖」,則以今義通占義也。《文選》古詩「纖纖出素 義。 白屨、素屨、皆即皮屨。 禮》:「屨人掌王及后之服屨,爲素屦、葛屨。」素者,白也。 繚繚,古今語。凡屬皆有綦,經言糾糾,《傳》言繚繚,皆謂 廟見,然後執婦功。 「攕攕」之誤。女者,未成婦之稱。《有狐》傳:「在下曰裳 云「葛屨非所以履霜」者,今葛屨履霜,是褊也。 葛。冬,皮屨可也。」又《士喪禮》:「夏葛屨,冬白屨。」《周 綦之狀也。」云「夏葛屦,冬皮屦」者,《士冠禮》:「屦,夏用 要,楆也。 摻、纖不同義。「糾糾,猶繚繚」,以今語通古語。「摻 襋,領也。好人,好女手之人。【疏】糾糾 鄭衆以配爲同牢食也。 要之襋之,好人服之。【傳】 據此,則婦人亦用皮屨、葛屨耳。 《禮記·曾子問 先食而後祭祖 ○糾、繚同

二六三

不同。 也。 成婦,有歸宗義。 忡忡」、《傳》云:「婦人雖適人,有歸宗之義。」謂未三月未 夕成昏也。」案毛《傳》雖無明文,然《草蟲》「未見君子,憂心 於夫婦也。」又鄭隱八年注云:「祖,爲祖道之祭。」是皆當 没者,三月廟見,故鄭成九年注云:「致之使孝,非是始致 疏 月廟見成昏,與士當夕成昏禮異。 二十四年、成九年《公羊傳》與《通義》同。然則大夫以上三 行夫婦之道。」《白虎通義·嫁娶》篇:「婦人三月,然後祭 伯姬三月廟見,當行夫婦之道。齊孝孟姬三月廟見,而 是大夫攝盛之禮 三月廟見,然後執婦功」,亦謂未三月未成婦,不執婦功 者,人之善惡可得知也,然後可得事宗廟之禮。」何休注莊 義,大夫以上無問舅姑在否,皆三月見祖廟,之後乃始成 無敬神之心,故曰「誣其祖」也。」《禮記》孔疏云:「賈、服之 云: 庶人深衣無裳,而首章言「縫裳」,下章「佩其象揥」,亦 舅姑既没,亦婦人三月奠采于廟。 故譏鄭公子忽先爲配匹乃見祖廟。《列女傳》: 「如鄭義,則從天子以下至於士,皆當夕成昏。 舅姑 鄭《駮異義》云:「昏禮之暮,枕席相連。」《曾子問》 ,則此詩亦不指士庶以下也。《箋》云: 是大夫以上皆三月成婦也。 漢人傳注皆同,唯 三月一時,物有成 此《傳》云 「宋恭 鄭説 後

> 訓。 服,士妻朝服,庶士以下各衣其夫。」 之「服」。服之,猶縫之也。《葛覃》傳云:「大夫命婦 家裳而申言之, 襋又因要而連言之。 箋》從《正義》本,不從定本,是也。 女手之人。」今定本云「好人,好女手之人」者,義亦通。」《小 文》:「襋,衣領也。《詩》曰:「要之襋之。」]許説正本《傳》 謂裳也。」《釋文》、《正義》據《傳》文「領」上有「衣」字。 裳上際。帶下適當身中,則裳上際爲身中矣。《詩》之「要」 部》「 窥,身中也。 古文作「 燮」。」 今隸變作「要」。 非人身「要領」之「要」。古人傳注有此義例。 《小箋》云:「褸,當作『要』。 《正義》云:「上云「女手」,此云「好人」,故云:「好人 謂 ·此「要」乃人衣帶下之「要」, 案此即承上文之意,要 服,讀如「服之無斁 案《説文・臼 衣帶下掩 成 《説

提 子• 也。」媞媞,本字,提提,假借 以爲刺。 尊,宛然而 提,安諦也。宛,辟貌。婦至門,夫揖而入,不敢 |爲「媞」也。 説林》篇「提提者射」,高注云: 好人提提,宛然左辟,佩其象揥。【傳】提 【疏】《爾雅》: 左辟。 《爾雅》邢疏、《楚辭》東方朔《七諫 象掃,所以爲飾。 「媞媞,安也。」《説文》:「媞,諦 字。 安、 「提 諦 維是褊 提, 同 義也。 安也。」亦 心,是 》注引 淮 當 假 南

「未二月,未成爲婦。」此鄭本古説。

○《傳》訓「要」爲「褸」,

門外。 門,壻家大門。此《傳》云「婦至門,夫揖而人」者,蓋自大門至 者,謂婦至壻之寢門,壻揖以婦人,則稍西避之,故《魏詩 于門外。 左辟。象揥,與《君子偕老》「象揥」同。象揥,所以擿髮,亦所 始至,未成婦,就客位,居西。升就西階則尚左手,故宛然而 寝門,每門皆揖也。云「不敢當尊」者,辟不敢當夫之揖。婦 云:「宛然左辟。」謂此時也。」《士昏禮》:「壻乘其車,先俟于 〈詩》作「媞媞」。 、禮記・昏義》:「降出,御婦車,而壻授緩,御輪三周,先俟 婦至,主人揖婦以入。及寢門揖入,升自西階。」案 本爲夫人所服,此或嫁時攝盛歟。 婦至,壻揖婦以人。」孔疏云:「婦至,壻揖婦以入 ○「宛」有「委曲順從」之義,故云「辟皃」。 佩,猶飾也。

《汾沮洳》三章,章六句。

亦有「子」字也。 字。《正義》云:「王肅、孫毓皆以爲大夫采菜。」則王、孫據 刺不得禮也。【疏】《釋文》及崔《集注》「君」下有「子」 《汾沮洳》,刺儉也。 其君子儉以能勤,

洳 ´´, 其 漸 彼汾沮洳、言采其莫。【傳】汾、水也。 洳 者。 莫,菜也。 彼其之子,美無度。 沮

券

ħ.

曲矣。 無汾 之北境,蒲州至榮河縣百二十里,汾水尚在縣北。 之句,此最精於地理:一曲者,汾水入河之處,稍折而 河津爲耿地,則魏境不得踰汾矣。 班固引《詩》但稱「汾曲 屬河東郡,今山西蒲州府榮河縣。 水出汾陽,郭璞注《山經》、高誘注《淮南》皆謂汾陰爲汾水 南至汾陰,人河。」《説文》或説、《周禮・職方氏》注皆 以汾爲水名。《地理志》:「大原郡汾陽北山、汾水所出、西 門以至華陰,皆汾水入河所會流,故詩舉晉水爲言,其實魏 者、《水經》:「河水南出龍門口,汾水從東來注之。」其自 晉水也。 在晉之南河曲,其詩曰:「彼汾一曲,實諸河之側。」」蓋汾、 南,自南望之,爲汾曲也。」案朱説是也。《地理志》云: 城,在河津縣東南十二里,自河津縣西南至榮河縣九十里 曰:「其境踰汾。」攷《水經注》:「汾水西逕耿鄉城北。」古耿 美無度,殊異乎公路。【傳】路,車也。【疏》《傳》 人河處,竝與《志》合。 汾陽,今山西忻州静樂縣。 蒲坂爲魏地,北接汾陰、《譜》言「魏境北涉汾水」、《正義 也 西境,言河。 云「沮 魏北汾,西河。 [洳,其 北境,則言汾耳。魏都其蒲坂已爲魏 漸洳者」,沮 汾逕西南以入於河,則汾曲即河 朱右曾《詩地理徵》云: 漸 語 之轉。 汾陰,漢 舉汾言 《列女 謂 汾

二六五

閒謂之「莫」。」案彼汾采菜,箸能勤也。 可生食。 毛刺。今人繅以取繭緒,其味酢而滑。始生,可以爲羹,又 之車者,所以刺儉也。 詩言「殊異乎公路」,殊,亦異也。 及車右身衣朝服,其朝服之内則有虎裘、狼裘。」《玉藻》: 車,與異姓同車不同服。」」注:「僕右恒朝服。」孔疏云:「僕 爲之。戎右,即車右也。《坊記》:「子曰:「君不與同姓同 天子戎右,中大夫二人。諸侯降於天子,其戎右當下大夫 政,令天子之路有車右。 之」之「度」。《箋》云:「美無有度、言不可尺寸。」《傳》釋 疏》云:「莫,莖大如箸,赤節,節一葉,似柳葉,厚而長,有 於汾隰。」杜注:「汾隰,汾水邊。」《史記・晉世家》作「汾 《説文》作「浑」。 「君之右虎裘,厥左狼裘。」是也。然則君之車右必衣顯服。 「路」爲「車」,公路,公車也。 ○之子,席在位之君子,乘公路者也。 度,讀 「予忖度 汾沮洳,猶之汾隰、汾旁矣。 「塗者,漸洳徑也。」《廣雅 |智 | 篇 : 五方通謂之「酸迷」,冀州人謂之「乾絳」,河汾之 「河潤九里,漸 桓三年《左傳》:「曲沃武公伐翼,逐翼侯 下「公行」、「公族」同。 諸侯亦然。」公車,公之車右也。 《周禮•巾車》:「掌公車之 如三 乎,猶於也。 釋詁》:「漸洳,溼也。」洳 莫爲菜名,《正義》引《義 `百步。」《漢書・ 下文乃刺其儉不得 《韓詩外傳 謂異於將公 東方朔

年《左傳》作「旄車」。毛《傳》不必據《左傳》晉官爲説。文同,遂以首章「公路」謂若「晉趙盾爲軞車之族」。今宣三文制,亦合矣。《箋》據《左傳》晉有公族、公行之官與此詩引《詩》「殊異乎公行」、「殊異乎公族」,殊異爲超尊,似與

鳥」如續斷草,不謂澤蕮。《正義》引《義疏》云:「今澤蕮節,拔之可復。」又「萮蕮」注云:「今澤蕮。」郭引毛《傳》「水牛脣。」郭注云:「《毛詩傳》曰:「水舄也。」如續斷,寸寸有失。以其之子,美如玉。美如玉,殊異乎公族。

一名水潟。」《本草圖經》云:「春生,苗多在淺水中,葉似牛一名水潟。」《本草圖經》云:「春生,苗多在淺水中,葉似牛一名水潟。」《本草圖經》云:「春生,苗多在淺水中,葉似牛一名水潟。」《本草圖經》云:「春生,苗多在淺水中,葉似牛一名水潟。」《本草圖經》云:「春生,苗多在淺水中,葉似牛一名水潟。」《本草圖經》云:「春生,苗多在淺水中,葉似牛一名水潟。」《本草圖經》云:「春生,苗多在淺水中,葉似牛一名水潟。」《本草圖經》云:「春生,苗多在淺水中,葉似牛一名水潟。」《本草圖經》云:「春生,苗多在淺水中,葉似牛一名水潟。」《本草》:「澤瀉,一〇族,公屬」,屬謂屬車也。

謂我欲何爲乎。心之憂矣,其誰知之?

其誰

〈園有桃》二章,章十二句。

而迫,而儉以嗇,不能用其民,而無德教,日《園有桃》,刺時也。大夫憂其君,國小

以侵削、故作是詩也。

我士也驕。彼人是哉,子曰何其。【傳】夫人謡。【傳】曲合樂曰歌,徒歌曰謠。不我知者,謂實之食。國有民,得其力。心之憂矣,我歌且實有桃,其實之殽。【傳】興也。園有桃,其

卷

ħ.

《廣韻・四宵》:「繇,喜也。」引《詩》「我歌且繇」,或義本三 曲,所謂徒歌也。《正義》云:「此文[歌]、[謡]相對,謡既 章句》云:「有章曲曰歌,無章曲曰謡。」」章,樂章也。 此「曲」之義也。 歌」,釋「歌」字。《周語》:「瞽獻曲。」韋注云:「曲,樂曲。」 民」也,所以刺不能用其民而無德教之意。○「曲合樂日 桃、棗實可爲肴、食,以興下民之力得爲國用,所謂「能用其 棘,言食不言肴,皆互詞。 義。 知之,蓋亦勿思。【疏】殽,古作「肴」、《賓之初筵》箋 |家上文兩「我」字説下。「何爲乎」釋「何其」,其,語助也。 何爲乎」者,「夫人」釋「彼人」,經言「子曰」、《傳》云「謂我」,即 家《詩》。不我知,不知我也。 案《行葦》傳作「比於琴瑟」,孔依此《傳》言合樂,意改之耳。 徒歌,則歌不徒矣。《行葦》傳曰:「歌者,合於琴瑟也。」」 古「謡」字,今字通作「謡」。《初學記·樂部上》引:「《韓詩 云「凡非穀而食之曰肴」是也。《傳》意合下章以明經之興 云「園有桃,其實之食。國有民,得其力」者,言桃不言 「徒歌曰謡」,釋「謡」字。 園之有桃、棗,以興國之有民 驕,驕慢也。云「夫人謂我欲 《爾雅• 釋樂》: 無章

二六七

亦語助之詞。「蓋亦勿思」,何勿思也,言勿思侵削之由。夫人自爲是,反謂我歌謡何爲也。「蓋」與「盍」同。盍,何也,

聊,願 國」同意。 棘。」趙注云: 矣,其誰知之? 《説文》:「樲,酸棗。」「棘,小棗叢生者。」《傳》以「棗」釋 【傳】極,中也。 彼人是哉,子曰何其。 心之憂 憂矣,聊以行國。 不我知者,謂我士也罔極。 「棘」,則小棗而非酸棗矣。《孟子・告子》篇:「養其樲 也。 園有棘,其實之食。 《傳】棘,棗也。 心之 《氓》「士也罔極」、《傳》亦云:「極,中也。」 行,猶去也。 「樲棘,小棘,所謂酸棗也。」渾言無別爾。 其誰知之,蓋亦勿思。【疏】 願去其國,與「逝將去女,適彼樂 \bigcirc

《陟岵》三章,章六句。

桃》及《檜・羔裘》、《浮游》皆云:「國小而迫。」

・人事部五十二》並作「國小而迫,數見侵削」。《園有詩也。《疏』「國迫而數侵削」、《釋文》、《正義》本及《御話也。《疏山」(與子大國,父母兄弟離散,而作是

皆五字句。《小箋》云:「子與已、止韻。 岾。 之確證。 無可怙也。❶ 林》:「施士丐説:「山無草木曰岵,所以言「陟彼岵兮」,言 無,猶不也。 與偕、死韻。」案崑山顧炎武句讀已如此。夙夜,早夜也。 又曰: 「父尚義,母尚恩。」則屬辭之意可見矣。」案《唐 無父,何怙也? 長。岵之言瓠落也,屺之言荄滋也。 與《爾雅》同,與毛《傳》異。《說文注》云:「《毛詩》所據爲 【疏】《爾雅· 哉,猶來無止。【傳】旃,之,猶,可也。 《爾雅》正相反。《正義》以爲轉寫之誤。《説文》、《釋名》竝 不已,猶不止。」義與此同。 父曰嗟予子,行役夙夜無已。 陟 ○「父曰嗟予子」、「母曰嗟予季」、「兄曰嗟予弟」、 彼岵 已,止也。 以帖之無草木,故以譬之。」」此可爲毛《傳 釋山》:「多草木,岵。 **屺有陰道,故以言母。** 兮,瞻望父兮。 《北山》篇「或不已于行」,《箋》云: 上,讀爲「尚」,《毛詩》作「上」, **岵有陽道,故以言父**。 無草木,峐。」《傳》與 【傳】山無草木 無母,何恃也? 季與寐、棄韻。 上慎 父尚義。 旃 毛 曰 語

予静本、《清經解續編》本改。
□ 「怙」,原作「岵」,據中國書店影印武林愛日軒刻本、徐

誠也。 也。」此「無止」亦是無所止息,有戒勉之意,故《傳》釋經云 則猶來即肎來矣。 誠至也。 洪适《隸釋》引《魯詩》石經殘碑作「尚」。 「父尚義」也。 || 猷」與「猶」同。《説文》:「可,肎也。」可爲肎,肎亦爲可, 旃、之聲相轉,之即至也。 「猶,可」,《白華》同。《爾雅》:「猷、肎,可也。」 猶來,思歸也。 《相鼠》「人而無止」、《傳》:「止,所止息 無止,勿止也。 「尚慎旃哉」,言庶幾乎其 尚,庶幾也。 思歸者,篤於 慎,

性也。

勿止者,勸以義也

子也。 吧。 字,音起。」〇季爲少子、《候人》傳亦云:「季,人之少子 從役之制也。 凡起徒役,毋過家一人,以其餘爲羨。」此用民起役之數也。 人,可任也者,二家五人。下地家五人,可任也者,家二人。 也。」《周禮》:「上地家七人,可任也者,家三人。中地家六 同在之咍部。《三蒼》、《字林》、《聲類》並云:「峐,猶「屺 《韓詩説》云:「年二十行役,三十受兵,六十還兵。」此用兵 【傳】母尚恩也。【疏】屺,今《爾雅》作「峐」。 母曰嗟予季,行役夙夜無寐。【傳】季,少 陟彼屺兮,瞻望母兮。【傳】山有草木曰 無寐,無耆寐也。 然則行役之人乃季弟耳。《傳》云「無寐,無 上慎旃哉,猶來無棄。 己聲、亥聲

> 寐」,誤矣。「母尚恩」以釋經之「無棄」,言不棄母也。 義。此言行役太早,欲寐不得寐。《箋》則謂「早無寐,夜無起,故無孰寐,言行役不能偃息在牀也。「早」、「夜」連文成起,故無孰寐,言行役不能偃息在牀也。 早夜,天未明而早人,故無執寐,言行役不能偃息在牀也。「早」、「夜」連文成之「耆」即《説文・廖部》:「瘿,孰寐也。

《十畝之閒》,刺時也。言其國削《十畝之閒》二章,章三句。

小,民

無所居焉。

男女無別往來之貌。行與子還兮。【傳】或行來十畝之閒兮,桑者閑閑兮、【傳】閑閑然,

二六九

寬閒,故《傳》云「男女無别往來之兒」也。「或行來者」,以釋 閒」、《文選》宋玉《登徒子好色賦》注引《毛詩》作「閒閒」。 閑,當作「閒閒」。 畝説詩,則下句言「桑者」有不可通矣。 閒」,二宅之地也。 者,或來還者。【疏】占者五畝之宅,樹牆下以桑。 桃》序云:「不能用其民,而無德教。」是爲刺 經之「行」字。「或來還者」,以釋經之「還」字。 人因與上文「閒」字異義,遂易「閒閒」爲「閑閑」也。 言其國削小,民居而無所也。 《釋文》作「閒閒」、《穆天子傳》注引作「閒 此在城邑,不在田野。解者皆以田野之 男女無別爲削小之由。 桑者,采桑者也。 所謂往來也。 一十畝 閒閒,猶 《園有 閑 Ź

世之多人,而無德教以加之,是爲刺也。逝,往也。 人之貌。 行與子逝兮。【疏】泄,猶呭、詍也。呭、詍 之。」曰:「既富矣,又何加焉?」曰:「富 皆謂多言,義相近。《論語・子路》篇:「子適衛,冉有僕。 皆謂多言,義相近。《論語・子路》篇:「子適衛,冉有僕。 と。」曰:「既富矣,又何加焉?」曰:「富 と。」曰:「既富矣,又何加焉?」曰:「富

《伐檀》三章,章九句。

《伐檀》,刺貪也。在位貪鄙,無功而受

禄,君子不得進仕爾

日穑。 風 獵、胡瞻爾庭有縣貆兮?【傳】種之曰稼、斂之 漣猗。 【傳】坎坎,伐檀聲。 寅,置也。干,厓也。 素餐兮。【傳】素,空也。【疏】經言「伐檀」,故《傳》云 連。不稼不穑,胡取禾三百廛兮? 者,當從籀文「厈」假省。 書・地理志》引下章俱作「諸」、「之」與「諸」通。《説文》: 「實,置」,説見《卷耳》篇。 詩》「坎坎」、《魯詩》作「飲飲」。《廣雅》:「飲飲,聲也。」字 漣」者,與《爾雅》「大波」義合也。 文、《傳》以「淪」爲「小風水成文」,則此云「風行水成文曰 爲灡」,或作「漣」。」是「灡」、「漣」同字也。 「厂,山石之厓巖,人可居。 籀文从干作「厈」。」詩作「干 異義同。 「坎坎,伐檀聲」。《隸釋》引石經殘碑「飲飲伐輪兮」,則《毛 河水清且瀾猗。 行水成文曰連。伐檀 坎坎伐檀兮,真之河之干兮,河水清且 一夫之居曰廛。 《將仲子》傳云:「檀,彊刃之木。」寘,當作「寘」。 大波爲瀾。」《釋文》引:「《説文》作「大波 厓,謂厓岸也。 實之、《禮記·中庸》注,又《漢 貆,獸名。彼君子兮,不 以 俟 《釋名》云:「風吹水波成 世用,若俟河水 《爾雅·釋水》: 「漣」與 不狩不 清 且

「五畮之宅"

征,法

[而不廛。] 此

市廛也。

豲从豕

夫之居曰廛」者,廛有市廛、園廛兩義。

地。」鄭康成不從司農説,注云:

人職》:

矣。

廛,民居之區域也。

里,居也。

以

農説:「廛,謂市中之地,未有肆。」引《孟子》:「市 訓同。《桑柔》、《閟宫》、《殷武》稼、穑皆渾言不別。 在都城者與?」《遂人》注云:「廛,城邑之居。《孟子》所云 ○《桑柔》箋云:「耕種曰稼,收斂曰穡。」與《傳》種稼斂穡 故解其意此人不得進仕,伐檀隱居,以待可仕之世,若待河 君子之人不得進仕也。」《正義》云:「伐檀爲車之輪、輻,非 且漣」,以喻君子當爲世用而不得,故《箋》申之云: 「俟河之清,人壽幾何?」《易緯》云: 「王者大平嘉瑞之 `,則河水先清。」是河水稀清,故以喻明君稀出 既云置檀河厓,因即以河爲喻。 「授民田,夫一廛,田百晦。」是廛里不謂民之邑居 `樹之以桑麻」者也。」案《遂人》「夫一廛,田 河水性濁,清則難待,猶似闇主常多,明 《傳》云「伐檀以俟世用,若俟河 而經於「河下」之下即言「河水清」, 《載師》:「以廛里 「廛里者,若今云邑居 也。」猗,石 廛里任國中,而《遂 《周禮• 襄八年《左傳》 廛人》鄭 任 [經残 - 廛而 國 一是 云 中 也。」 水清 碑 百 里 之 不 티 謂 作 《釋文》云: 居,園 豲亦豕屬。 原聲,讀若桓。 雅》耳。《草人》:「鹹瀉用貆。」此「貆」乃「豲」之譌字,故鄭 澀,今江東呼貈爲貈貌。」《釋文》引《字林》云:「澀,雌 據《周禮》不誤也。《淮南子・齊俗》篇: 注以貒釋之。《六書故》引《説文》:「豲,豕屬也。 貆爲貒也。 貈子,許云「貈類」,恐亦有誤字。《箋》云:「貉子曰貆 睡獸。」「貆,貉之類。」段注云:「貉,當作「貈」。」 奂案貆爲 貁謂之貌。」《廣雅》云:「貌,貁也。」《説文》:「貈,似狐,善 渾言狩、獵不别。《爾雅》:「貈子,貆。」郭注云: 廛,言三百夫耳。《箋》:「冬獵曰狩,宵田 也。《釋文》云:「古者一夫田百畝,别受都邑五畝之地 畝之宅」例之,則「廛」、「宅」義同。 晦」正與《孟子》「五畝宅,百畝田」合,此「廛 去而緣。」高注云:「狟,狟豚 之,故《孟子》云「五畝之宅」是也。」陸説得《傳》恉矣。 貛貉 [爲圃,在城邑。 《爾雅》「貒子,貗」。 豲、貆聲近易淆,鄭不言「貆,當作「豲」」,或所 《傳》但云「獸名」,不言貆爲何獸,意亦同《爾 「依字作「貈」。」鄭用《爾雅》貆爲貈子,則 《逸周書》:「豲有爪而不敢以撅。」」《廣雅 毛《傳》不言畝數,而以《七月》傳 也。」 狟狢,當依《脩務》篇 郭注: 一夫之居,即五畝之宅 貒 「狟狢得埵 豚 曰獵。」析言也。 **二爲園** 也

水清且

一漣猗然也。

待河水之清方始用之。

君

1稀出。

文曰

瀾

· 連

也。 也。

波

體

B轉流相

及連

廛

爲

 $\overline{\overline{\pi}}$

「兮」,同,語已詞

將出 굸

一名貛。」

防

弗 作

不

以

「其雌者名

貈

三百

然則 傅咸《贈何劭王濟詩》注引《韓詩》云:「素者,質也。 爲白餐,餐猶食也。 與白可受采同意,故素謂之白,又謂之空也。 獸,皆以喻有功受禄,以刺今之不然。《箋》云:「是謂在位 之「貆」爲同物,遂以已誤之《周禮》,欲改不誤之《爾雅》,而 或曰貆。」故以貆、貒爲一,是賈誤以《草人》之「貆」與貈子 用君子也。 之令。」案王吉學《韓詩》,説與《毛詩序》義合,所以刺在位不 云:「今使吏得任子弟,率多驕驁,不通古今。 有質樸而無治民之材,名曰素餐。」又《漢書・王吉傳》上疏 食謂之素餐。《《文選》曹子建《求自試表》及潘岳《關中詩》、 貪鄙,無功而受禄也。」○《羔羊》傳: 「素,白也。」空以盛實 解《詩》者又或謂《詩》「貆」爲野豕矣。 人,亡益於民。 豲 貛、 《箋》云:「彼君子者,席伐檀之人,仕有功,乃肎 貒 此《伐檀》所爲作也。 也。 趙岐注《孟子・盡心》篇: 《周 《禮疏》云:「《爾雅》: 宜明選求賢,除任子弟 稼穑取禾,狩 今俗以 至於積功治 『貈子,貒。」 굸 無功而 獵得 人但 徒 食

膽 直 不稼不穡,胡取禾三百億兮? 一猗。【傳】輻,檀輻也。 爾 庭 坎坎伐輻兮, 寘之河之側兮, 河水清且 有 縣特兮? 【傳】萬萬 側,猶厓也。 日 不狩不獵 億。 直,直 獸 三 一波 歲 ",胡 也。 日

同。 記 特。 矣。 也 誤。 其大小之波文。若直波,則不必風矣。《説文》云: 見上章「漣」、下章「淪」皆是水波。 語 意、億古今字。 涌流也。]〇《楚茨》「我庾維億」、《傳》亦云:「萬萬曰億。 爲經也。徑、涇、經同。《傳》本《爾雅》以「直波」釋「直」,以 굸 《箋》:「十萬曰億。」從古數。《説文》云:「十萬曰 水直波日涇。 「萬萬」,不從古數作「十萬」。毛、賈、許一家之學。 〈豐年》傳同,則説「億」不應與毛異。 疑「十萬」乃「萬萬」之 〈豐年》傳云:「數萬至萬曰億。」《正義》以爲此從今數。 水之出於山 》云:「賈、唐説皆以萬萬爲億。」則賈景伯 者,家上章「伐檀」而言。 《正義》引《九章筭術》皆以萬萬爲億。 《爾雅》:「直波爲徑。」郭注云:「言徑侹。」《釋名》: 凡輻三十。 輪人》鄭注云:「今世輻以檀。」是輻用檀,古今皆 猶厓也。」《説文》: 「露積曰庾。」禾三百億者,露積之數也。 彼君子兮,不素食兮。 |而流入於海者,命曰經水。|亦謂水之直流者 許與鄭合。然《説文》説「秭,數億至億 涇,徑也,言如道徑也。』《管子·度地》篇: 河側,與上章「河干」、下章「河漘」同義,故 「圳,遏遮也。」「側」與「埧」聲義略 伐輻,猶伐檀 漣、淪必言風,因風而 【疏】《傳》云 云獸 又韋昭 亦用今數作 也。 輻 [意。] 案 「波,水 《考 《楚茨 檀 **鄭** 與 I 鄭 輻

曰特,獸無耦曰介。」特、介皆大也。 「獸三歲」,三,當作「四」。 古積畫字「四」作「三」,故經傳中「獸三歲」,三,當作「四」。 古積畫字「四」作「三」,故經傳中「獸三歲」,三,當作「四」。 古積畫字「四」作「三」,故經傳中「獸三歲」,三,當作「四」。 古積畫字「四」作「三」,故經傳中以一、一、特」此家畜,非特」者、《爾雅》:「豕生二;縱。二,師。一、特。」此家畜,非

淪猗。 引《詩》 也。」厓即水隒。 葉,材中車輞。 也。」「枋、木。 飧。【疏】《傳》云「檀可以爲輪」者,亦家上章「伐檀」而言。 鶉,鳥也。 狩不獵,胡瞻爾庭有縣鶉兮?【傳】圓者爲困。 轉如輪也。不稼不穡,胡取禾三百囷兮? ,謂牙也。 世閒 鄭司農云: 坎坎伐輪兮,寘之河之漘兮,河水清且 作 【傳】檀可以爲輪。漘,厓也。 《或謂之罔,書或作「輮」。」《葛藟》傳: .. 「脣」。 彼君子兮,不素飧兮。【傳】孰食曰 《輪人》注云:「今世牙以橿。」《説文》:「橿,枋 可作車。」《爾雅》:「杻,檍。」郭注:「似棣,細 關西呼杻子,一名土橿。]則中牙材者不獨 《釋文》:「漘,亦作「脣」。」鄭注《乾鑿度》 《説文》: 「牙,讀如「跛者訝跛者」之「訝」,謂輪輮 「脣,口 耑也。」「漘, 小風水成 「漘,水隒 水厓也。 不 文,

> 傳: 也。 《詩》曰:「實河之漘。」」口耑謂之脣,水厓謂之漘,其 爲禮牢之飧,故云然 可素,不得與「不素餐」相配,故易之也。」誤解《傳》意,謂飧 孰食也。《正義》引《鄭志• 及《聘禮》注解《詩》「飧」爲「趙盾食魚飧」之「飧」。 傳云:「飧,孰食。 澆飯也。」水澆飯爲餐。 電爲鶉。√《淮南子・齊俗》篇云:「蝦蟇爲鶉。」○《祈父 故鄭注《表記》謂鶉爲小鳥也。《墨子・經説上》篇:「化若 之奔奔」,今字亦作「鶉」。《爾雅》: 隹。《四月》正義尚作「雜」,知唐以前不誤也。《庸風》「鶉 義》謂「方者爲倉」,失之矣。《傳》以鶉爲鳥名,「鶉」字當從 三百囷,謂三百圓倉也。《月令》:「修囷倉。」圓倉也。 者爲困」,鄭注《匠人》、章注《吴語》、《説文》竝與《傳》同 淪,文皃。」案順流則波之小者、《韓詩》説初無二義。 淪、輪、倫並聲同。《釋文》引《韓詩》:「順 「淪,倫也。 水文相次有倫理也。」《傳》以「轉如輪」釋「淪」。 「孰食曰饔。」飧、饔同義。《釋文》引《字林》云:「飧,水 《爾雅》:「小波爲淪。」郭注云:「言藴淪。」《釋名》: 謂黍稷也。」案孰食不專指黍稷。《箋 飧、餐聲之轉,謂孰食也。《大東 荅張逸問》:「禮,飧饔大多非 「鷯,鶉。」蓋鷯猶鷦鷯 流 而風 日 義一 。 正 淪

二七二

卷

《碩鼠》三章,章八句。

三家義與《毛序》「刺重斂」合。《碩鼠》,刺重斂也。國人刺其君重斂,《碩鼠》,刺重斂也。國人刺其君重斂,

之也。首章「樂土樂土」、《韓詩外傳》兩引作「適彼樂土」。 所耕獲以事君,而君乃重斂不肎顧我也。 字。女,謂君也。 《易・晉》:「九四,晉如鼫鼠。」鄭注即引此詩,是碩、鼫同也。 樂土,爰得我所。【疏】碩鼠、《爾雅》作「鼫鼠」。 詩》作「貫」、《隸釋》引石經殘碑作「宦」。 顧。【傳】貫,事也。 二章「樂國樂國」作「適彼樂國」,三章「樂郊樂郊」,《新 《采芑》傳云:「三歲曰畬。」「貫,事」,《爾雅・釋詁》文。《毛 「田鼠不化駕,國多貪殘。」與詩義合。 《郊特牲》云:「迎貓,爲其食田鼠也。」《逸周書・時訓》篇: 節士》篇作「適彼樂郊」,皆家上重句,與《毛詩》句異 碩鼠碩鼠,無食我黍。三歲貫女,莫我肎 我,謂民也。 二歲貫女,莫我肎顧,言三歲 逝將去女,適彼樂土。 碩鼠當即田鼠矣。 宦,本字,貫,假借 ○逝,逮也。 樂土 適 又

> 篇云:「斯民也,三代之所以直道而行也。」 得我直。【傳】直,得其直道。【疏】《傳》文「直」上奪得我直。【傳】直,得其直道。【疏】《傳》文「直」上奪同。一一一一一一一一一一一一一一一一一一一一一一一一一 明鼠碩鼠,無食我麥。三歲貫女,莫我

也。」呼、謼通用。 訓「之」字,古之、則聲通也。 「二十八年冬,大無麥、禾。」則直謂之饑矣。 禾之未秀者也。」禾未秀被水不爲災,故《左傳》以爲不害 云:「苗者,禾也。生曰苗,秀曰禾。」《倉頡篇》云:「苗者 也。」苗爲嘉穀、毛《傳》正本《左傳》爲訓。何注《公羊傳 秋》:「莊七年秋,大水。無麥、苗。」《左傳》云:「不害嘉穀 樂郊樂郊,誰之永號。【傳】號,呼也。【疏】《春 三歲貫女,莫我肎勞。 「不肎勞來我」是也。之,猶則也。《鶉之奔奔》傳以「則」字 一章言麥,三章言禾。 碩鼠碩鼠,無食我苗。【傳】苗,嘉 誰則永號,猶言樂郊之地,民無長嘆耳。 ○勞,讀如「勞來」之「勞」,《箋》云 逝將去女,適彼樂郊。 永,長也。 《爾雅》: 詩首章言 教也。

卷九終

「蟋蟀》三章,章八句。

長洲陳奂學

唐蟋

蟀詁訓傳弟十

毛詩國風

平陽焉。」案晉陽今屬山西大原府,平陽屬平陽府。 轍,況大原乎? 成侯之徙,有由然也。」 始衰、徐、戎侵洛、翟人侵畢。 改爲晉侯。鄭《譜》云:「至曾孫成侯南徙,居曲沃,近 共亂,成王滅之,以封弟叔虞,是爲唐侯叔虞。子燮父 於此,世歷夏、商。至周禄父之叛,劉累之子孫與四國 案大原晉陽,故大夏地。本爲堯舊都。 【疏】《漢書・地理志》:「大原郡晉陽,故《詩》唐國。」 《詩地理徵》云:「成侯徙都,當穆王、共王之世,周道 「唐侯」,後即天子位,遷都平陽,因遷高辛氏之子實沈 唐國十二篇,三十三章,二百三句。 畿輔近地,猶有戎狄之 堯初稱亦曰

> 《吕覽·當賞》篇:「晉文公曰:「若賞唐國之勞徒,則陶狐 傳》作「遺民」,誤。 釐侯。是僖公在共和宣王世矣。晉陽、平陽,皆堯舊都,故 禮,乃有堯之遺風焉。【疏】《史記・晉世家》:「唐 何其憂之遠也?」「案此《序》之所本也。今襄二十九年《左 見歌《唐》,曰:『思深哉! 將爲首矣。」」是後世亦有謂晉爲唐者。《正義》云:「季札 詩雖作於南徙曲沃之後,本堯之遺風,仍其舊號謂之唐。 周宣王初立。十八年,釐侯卒。」「釐」與「僖」同。 故曰共和。十八年,靖侯卒,子釐侯司徒立。釐侯十四年 叔至靖侯五世。靖侯十七年,周厲王出奔于彘,大臣行政, 也而謂之唐,本其風俗,憂深思遠,儉而 是詩以閔之,欲其及時以禮自虞樂也。 《蟋蟀》,刺晉僖公也。儉不中禮,故作 其有陶唐氏之遺風乎? 僖公,即 不然 此晉 用

去也。 其除。【傳】蟋蟀、蛬也。九月在堂。聿、遂、除 蟋蟀在堂,歲聿其莫。 無已大康,職思其居。【傳】已,甚,康, 今我不樂,日月

七五

卷

t-

爲訓。 「遂」。 除皆去也。 樂、言不自虞樂也。「除」與「舍」聲、 之年歲已晚也。」莫、暮古今字。 《詩》「蟋蟀在堂,歲聿其暮」、《章句》云:「暮,晚也。 也 《方言》:「蜻蛚,楚謂之蟋蟀,或謂之蛬。」郭注云:「即趨織 詞也。」又張協、沈約、陸機詩、任昉《序》、袁宏《序贊》注引 在堂亦爲九月。」毛探下句「歲聿其莫」爲訓,●聿者,遂之 也。」《七月》篇説蟋蟀「九月在户」。 正黑有光澤如漆,有角翅。 郭注云:「今促織也。 作「悉望」。 大也。 王孫,幽州人謂之趨織。 「寫」、《牆有茨》之「襄」、《楚茨》之「抽」、《傳》皆訓爲「除」, 爲全《詩》「聿」字通訓也。「聿」與「曰」通,其義皆可訓 梁國呼蛬。」《正義》引:「《義疏》云:「蟋蟀,似蝗而小, 職、主也。 ○《摽有梅》傳:「今,急詞也。」我,我僖公也。 遂,亦詞也。《文選·江賦》注引《薛君章句》:「丰· 瞿瞿然顧 「無」字與「毋」通,領下句連讀。「已」爲「已 率、帥古聲同。 好樂無荒,良士瞿瞿。 !禮義也。【疏】蟋,俗「悉」字。 亦名青蛩。」《考工記》注作「精列」。 里語曰:「趨 「蟋蟀,蛬」、《爾雅・釋蟲》文。 一名蛬,一名蜻 蛩。 韓解「歲聿其莫」句緣下文 堂、户地相連近,故 義相近。《泉水》之 織鳴,嬾婦驚。」是 【傳】荒 楚人謂之 《説文》 言君 不 知

> 見。」各隨文訓。 見。」各隨文訓。 見。」各隨文訓。 、《傳》云「顧禮義」正合。《東方未明》傳:「瞿瞿、無守之與《傳》云「顧禮義」正合。《東方未明》傳:「正,大也。」以若「良士瞿瞿」。」如許讀、《瞿瞿》即「明明」也。「左右視」以若「良士瞿瞿」。」如許讀、《瞿瞿》即「明明」也。「左右視」以若「良士瞿瞿」。」如許讀、《瞿瞿》即「明明」也。「左右視」以為「良士瞿瞿」。」如許讀、《瞿書》即「明明」也。「左右視」以為「良士瞿瞿」。」如許讀、《瞿雅》即「明明」也。「左右視」以為「良士瞿瞿」。」如許讀、《聖本 以為「已甚」之「已」。已者,甚之詞也。止」、「已然」之「已」,又爲「已甚」之「已」。已者,甚之詞也。

굸 也。 【傳】外、禮樂之外。 禮樂也。 蹶蹶,動而敏於事。【疏】逝,往也。「邁,行」猶「除,去」 其邁。【傳】邁,行也。 「蹶蹶,敏也。」《大玄・錯》篇:「勤,蹶蹶。」 云「外,禮樂之外」者,言思在於禮樂之外。 蟋蟀在堂,歲聿其逝。今我不樂,日月 《緜》、《版》傳皆云:「蹶,動也。」《爾雅 好樂無荒,良士蹶 無已大康,職 蹶。 思其 是亦不習 釋訓 【傳】

蟋蟀在堂,役車其休。今我不樂,日月

予静本改。 予静本改。 予静本改。 予静本改。 予静本改。 予静本改。 予申 下書」,原作「月」,據中國書店影印武林愛日軒刻本、徐

近。 其慆。 德、《詩》言樂必以禮,乃爲儉而不中禮者刺、《傳》與《雅》本 瞿、休休,儉也。」李注云:「皆良士顧禮義之儉也。」儉本美 樂道之心」者,道即禮也。《書・秦誓》「其心休休焉」,孔 女傳・仁智》篇引《詩》義合。鄭或用《魯詩》也。 樂,是則可憂也。《箋》:「憂者,謂鄰國侵伐之憂。」與《列 体,樂道之心。【疏】休,息也。 【傳】憂,可憂也。 《傳》云:「休休,樂善也。」與《詩》「休休」同。 過,猶去也。 【傳】慆,過也。 《傳》以「可憂」釋「憂」,言不以禮樂自虞 好樂無荒,良士休休。【傳】休 無已大康,職思其憂。 「慆」與「滔」聲、義皆相 《爾雅》:「瞿 云「休休

《山有樞》三章,章八句。

其國家 廷不能洒埽,政荒民散,將以 其國,有財不能用,有鍾鼓不能以自樂,有 公,僖公之玄孫。 Ш 而 有樞》,刺晉昭公也。不能脩道 不 知,國人作詩 桓二年《左傳》: 「惠之二十四年,晉始亂 以 危亡,四鄰謀 刺之也。【疏】昭 以正 取 朝

⊦

叔爲「四鄰」也。《正義》説非。
家」,當指昭公元年始有亂政之事,在封桓叔前,不得以桓不自安,封成師爲曲沃伯。」案此《序》云「四鄰謀取其國政,❶封桓叔于曲沃。」杜注云:「晉文侯卒,子昭侯元年,危

【傳】妻,亦曳也。 瀹爲茹,美滑於白榆。」榆之類有十種,葉皆相似,皮及木理 君有財貨而不能用,如 之刺榆」。 古文假借字。 《釋文》:「本或作「蓲」。」《隸釋》載《魯詩》石經殘碑亦作 宛,死貌。 衣裳,弗曳弗婁。 「蓲」。《管子・地員》篇云: 爾。 Ш 《廣雅》: 有樞,隰有榆。 邢《疏》引《義疏》云:「其針刺如柘,其葉如榆 愉,樂也。【疏】「樞,茎」、《爾雅·釋木》文。 今《爾雅》作「櫙」,其俗字也。 「挃,刺也。」「茎」與「挃」同。 宛其死矣,他 子有車馬, 山 「山之側,其木乃區榆。」區者 隰 【傳】興也。 不能自用其財。 人是 弗 樞 郭注以爲「今 偷。 , 荃 馳 榆 弗驅。 也。 易識之 子 【傳】 有 國

《揚之水》同。 炎武云:「石經「故」誤「政」。」案石經不誤。」下一篇即「政」,阮刻《春秋左傳正義》作「故」,《校勘記》云:「顧

0

故道者亦不宛氣。」並與《傳》訓相近。 宛黄。」又《循天之道》篇:「鶴之所以壽者,無宛氣於中,是 苑,讀「南陽之宛」也。」《繁露・五行順逆》篇:「民病心腹 經》篇: 批。」高注云: 木。 《方言》:「愉,悦也。」《廣雅》: 言不有也。 全章設興之意。 云「國君有財貨而不能用,如山隰不能自用其財」,此總釋 之「榆」即大榆。 「偷」。《説文》無「偷」字。 「弗曳弗摟」。《傳》依經作訓,故云:「宛,死兒。」《淮 「牽」義相近。 俶真》篇: 「江東有刺榆,無大榆。」是則《詩》之「樞 《管子》五粟、五 「故閉四關則身無患,百節莫苑。」注云:「苑,病也。 ○《釋文》引馬 「苑,枯病也。 **婁者,「摟」之假借字。** 「形傷於寒、 山之有樞、栲、漆,隰之有榆、杻、栗,有,以 白榆謂之粉,樞、枌皆榆之種類耳。 沃、 、五位皆 融 暑、 苑,讀「南陽宛」之「宛」。」《本 「愉,喜也。」《箋》改「愉」爲 注云:「婁,牽也。」「曳」與 有 燥、溼之虐者,形苑 榆 「愉,樂」,《釋詁》文。 《玉篇》引《詩 陳 藏 器《本草拾 」即刺榆、《詩》 ?》正作 《傳》 而 遺 南 神

【傳】酒,灑也。考,擊也。宛其死矣,他人是保。子有廷内,弗洒弗埽。子有鍾鼓,弗鼓弗考。山有栲,隰有杻。【傳】栲,山樗。杻,檍也。

義。「廷」與「庭」通。 臺》同。 上則播灑,室中握手。」是洒埽之事,尤重堂室,豈有言庭 章之衣裳、車馬,二章之廷内、鍾鼓、皆二字平列,字各爲 臺》篇「北山有杻」,是檍之大者歟? 中弓榦,亦中車輌。 弓材。」 奂謂檍爲梓屬其大者也,小者,郭所謂「似棣」,材可 字、「檍」作「楮」、云:「楮、梓屬。大者可爲棺椁、小者可爲 記・弓人》取榦之道有檍。 或謂之牛筋,或謂之檍。 關西呼杻子。一名土橿。」《義疏》云:「今官園種之,正 曰 中材用矣。《説文》作「柷」。 同。 者,葉如櫟木,皮厚數寸,可爲車輻。 傳並以「樗」爲惡木。 (内則))曰: 曰:「櫄、樗、栲、漆,相似如一。」」《義疏》云:「今所云爲栲 云"「栲似樗,色小而白,生山中,因名云。 【傳】保,安也。 [萬歲。 山樗與樗不同。 郭注云:「似棣,細葉。 既取名於億萬,其葉又好,故種之共汲山下。 「灑埽室堂及庭。」《弟子職》曰:「凡拚之道,堂 【疏】「栲,山樗」、《釋木》文、《南山 此言「隰杻」,當是檍之小者。 廷内,謂庭與堂室,非 山樗,一名栲。《正義》引郭注《爾雅 樗即今臭椿,故《七月》、《我行其野 是檍共材用矣。《説文》無「杻 材可爲弓弩榦也。」案《考 「杻,檍」、《釋木》文、《南 葉新生可飼牛,材中車 或謂之栲櫟。」則 〇《詩述聞》云: 亦類漆樹 謂庭之内也 《南山 有臺 山有 八栲亦 俗語 輞

《常武》傳竝同。上章「樂」,此章「安」,同義、 雅》:「攷,擊也。」「保,安」、《南山有臺》、《楚茨》、《思齊》、 相同。《文選》潘岳《河陽縣作》注引《毛詩》「弗擊弗考」, 考」、《傳》:「考,亦擊也。」與上章《傳》:「婁,亦曳也。」文義 是曰灑埽。《正義》云:「今定本「弗鼓弗考」,注:「考,擊 爲古文假借也。古者以水灑地曰灑。先灑地而 除其穢 也。」無「亦」字。 同。」「洒、灑」、《抑》傳同。 不及堂室者乎? 《傳》:「考,亦擊也。」與《正義》本合。 「灑」。《説文》:「洒,滌也。 義竝通也。」然則《正義》本經作「弗擊弗 《大雅・ 《東山》、《伐木》箋並以 抑》篇:「洒埽廷内。」義與此 古文以爲「灑埽」字。」是「洒 考,讀爲攷。《廣 洒 爲

(揚之水》三章,二章章六句,一章

四句。

《隸釋》載《魯詩》作「楊」。 粲,亦鮮明謂之鑿。 不樂。【疏】王、鄭風《揚之水》、《傳》並云:「揚,激揚也。」 侯繡黼丹朱中衣。 明貌。 相近。 斛春爲八斗曰繫。」「爲米六斗大半斗曰粲。」故鮮明謂之 揚之水,白石鑿鑿。【傳】興也。 素衣朱襮,從子于沃。【傳】襮,領也。 興者、揚水喻昭公。《王》、《鄭風》並以激揚之水 重言之曰「粲粲」,亦曰「鑿鑿」,聲、義 沃,曲沃也。 鑿,讀爲「糳」。《説文》:「糯米 既見君子,云何 鑿鑿然,鮮 諸

篇 》: 明明言諸侯者,亦謂禮唯諸侯中衣則然,大夫用之則爲僭。 爲之。 爲中衣領緣也。」孔疏云:「中衣,謂冕及爵弁之中衣,以 《傳》既釋「襮 雅•釋器》:「黼領謂之襮。」此釋《詩》之「襮」也。《説文》 不疑。 爲君 政亡,則國家從之。 桓 領有繡黼,其意亦用《爾雅》「黼領」之義也。 及鄭注《禮記》並釋《詩》之「襮」爲「黼領」,與《爾雅》同。 澈」興義同。 意不甚關切,失經之恉矣。 封於沃之後,能脩其德,日就盛彊,其大都耦國之形已昭 「繡黼丹朱中衣,大夫之僭禮也。」鄭注云:「繡黼丹朱,以 言亂本之所由成耳。 能脩道以 叔未爲諸侯,已服此諸 政之煩急亂促 桓叔之盛彊,實由於昭公之不能脩道正國,故詩首句 「暴,領連也。 繡黼爲領,丹朱爲緣。」案《傳》本《郊特牲》文,而 以白石之鮮明鑿鑿然,爲喻白石之鑿鑿由於水之激 唯器與名,不可以假人。 Œ ○素衣,謂中衣也。 」爲「領」,而又引《禮記・ 「其國」,即其義也。 是謂矣。」古者裘、葛皆有裼衣。 則 解者皆揚水喻桓叔,與《序》「刺昭公 亦作「襮」。」是領名曰襮矣。 以此文義 長中衣之制,其僭孰甚焉。 下章「皓皓,絜白」、「粼粼,清 我正同。 《傳》訓「襮」爲「領」。 白石喻桓叔。 若以假人,與人政 郊特牲》文以明中衣 H. |章《序 《郊特牲》: $\stackrel{*}{\succeq}$ 桓 刺 叔 裼 自 **企** 昭 《 爾 金玉 也 衣 N 然 分 公

> 故都。 書• 州聞喜縣東有左邑城,春秋時之曲沃也。 也。 素。 晉相去六七百里。」案此謂去唐叔舊都耳。 此。」劉昭《郡國志》補注云: 中衣之衣領緣以丹朱、畫以繡黼。 中衣,袒而露見謂之裼衣。」是也。 衣,或用素衣。説見《終南》篇。 者,對不免上衣而言也。 衣而言也。 又謂之中衣,其 《傳》謂「中衣」,則經之「素衣」即中衣。 地理志》: 沃、《左傳》作「曲沃」,故《傳》云:「沃,曲沃也。」《漢 揚之水,白 至昭公都翼,桓叔封於曲沃,在翼之南。 冕服皆上衣下裳,其中衣以充美爲盛 「河東郡聞喜,故曲沃。 、上有上衣,裼以見美爲敬。 石皓 金榜《禮箋》云:「掩合上衣謂 皓。 「曲沃在聞喜縣東北數里,與 〇子, 席叛晉者也。 【傳】 蓋冕服用素,中衣亦 諸侯皮弁服,中衣用 晉成侯自 쁨 君子, 席桓叔也 曲沃,晉南徙之 裼衣者,對 **胎,絜** 諸侯冕服,其 今山 晉陽 于,往 中 西 免 也。 絳 用 Ž 衣 Ē 徙

並與此 邑也。 【疏】《楚辭・大招》:「天白顥顥。」《廣雅》: 素衣朱繡,從子于鵠。【傳】繡,黼也。 黼 」者,亦本《爾雅》、《禮記》爲訓 既見君子,云何其憂。 **皓皓」同。** 絜白,謂白石絜白也。 朱即丹朱, 【傳】言無 ○《傳》訓 暤 中皞,白 繡即繡 鵠 憂也。 繡」爲 曲 也。」 沃

白

地

平列。

昭

《輿服志》注云:

「襮,繡領也。」

繡領即黼

領

也

與黼共爲刺文。

繡、 、黼同

!義,猶丹、朱同義,皆二字

耳。 似。 從叛之人。 稷之患也。 子知晉之必爲沃并,已情見乎辭矣。 微弱,畏桓叔之盛彊。 之四言矣。」」案侯犯據郈叛魯,與桓叔據沃叛晉,其事相 犯以郈叛。 告人」之故。蓋其人必身在桓叔,而心切昭公。 《序》又云:「知其蕃衍盛大,子孫將有晉國。」此即「不敢以 避之,則崇其美,揚其善,違其惡,隱其敗,言其所長,不稱 沃有善政命」者,釋經「聞有命」三字之義。 清澈粼粼然也。 从代,粦聲。」其字从代,故鄰鄰爲水。 命,不敢以告人。【疏》傳》云「粼粼,清澈 我聞有命,不敢 「君子見沃之盛彊, 「潾,水清皃。」「潾」與「粼」同。 《荀子·臣道篇》: 駟赤畏侯犯,特詠此詩以明己意,則知作詩之人斷 揚之水,白 上二章就叛晉者説,末章即承此意以諷動昭 將若之何?」對曰:「臣之業,在《揚之水》卒章 叔孫謂邱工師駟赤曰:「邱非叔孫氏之憂,社 《説文・((部):「鄰,水生厓石閒粼粼也) 能 以告人。 石 真有向隅仰屋,無所告語之嘆。 脩其政。」是即 「迫脅於亂時,窮居於暴國 粼 粼。 ○我,詩人自我也。 【傳】聞 【傳】粼粼,清 定十年《左傳》: 説稍異。 曲 沃之善政 下篇《序》云: 曲沃 也 」者,謂 《玉篇》: 憂昭公之 有 丽 「聞曲 澈 命也。 善 無所 白石 也。 君 政 公 非

309

四句,殊太短,恐漢初傳之者有脱誤。 學》云:「所引即《揚之水》之三章也。 其躬身。」」《荀子》引《詩》與毛《傳》釋《詩》意正合。 其所短,以爲成 俗。 《詩》 Ĭ: 國 「有大命,不 前二章皆六句,此章 可 以 告 《詩小 깃,

妨

【椒聊》二章,章六句。

彊,能脩其 椒 聊 (政,知其蕃衍盛大,子孫將 》,刺晉昭公也。 君子見沃之盛 有 晉

國焉。

聊。」朻亦即梂也。」胡 聊,❶椒也。」「也」上必脱「梂」字。鄭《箋》云:「一梂之實。」 椒 之訓矣。 意實承《傳》而述言之,緣《傳》已專訓,不必再爲「聊,核也. 室集》云:「《椒聊》「聊」字舊訓爲語助,謬矣。 毛《傳》:「椒 椒聊且,遠條且。【傳】條,長也。【疏】阮元《揅經 也。 「蔓椒、 椒聊之實,蕃衍 彼其之子,碩大無朋。 《爾雅》: 一名家椒。1《名醫别録》陶注云:「俗呼爲樛。」 「椒榝醜,菜。」菜即梂也。 《承珙《後箋》從阮説云:「今考《本苣 盈升。【傳】興也。 【傳】朋,比 又云:「朻者 椒 也。 聊,

> 義。 升。 即陳敬仲占辭「莫之與京」之意。」〇《六月》、《韓奕》傳竝訓 桓叔子孫之蕃衍,又以椒氣之遠長興桓叔之政教。 《艸部》。 樛 也。」亦「比方」字。朋、防一聲之轉。《後箋》云:「無比者 「必履反」是也。《秦・黄鳥》「百夫之防」、《傳》: 李注兩引《詩》下皆有「美其繁興」四字,疑亦三家《詩》傳之 福殿賦》、曹子建《求通親親表》李善注並引《詩》作「蔓延盈 見「聊」非語助。 聊,香草也。《詩》曰:「椒聊且。」蔎蔎,香貌。」據此,益可 實」。《楚辭·九歎》「懷椒聊之蔎蔎兮」,王逸注云:「椒 之「聊」,亦必毛《傳》已作「椒,梂也」,故但云「今一梂之 語。」奂案三家釋《詩》與《毛詩》義合。詩以椒實之蕃 即 〇之子, 席桓叔也。 「朋」訓「比」者,「比」爲「比方」之「比」,王肅、孫緐申毛 唯中二句非興。 此所引疑三家《詩》。「蔓延」與「蕃衍」聲同字通。 「朻」字。 蓋草、木散文得通耳。」《後箋》又云:「《文選・景 朻, 至王逸以爲香草者,猶《説文》以「茮」入 亦 篇内皆陳沃事, 即「林」字。 碩,亦大也。 鄭《箋》之「林」自是釋經 而昭公不知,是以 蕃衍、碩大竝兩字同 「防, 比 此皆 衍興 爲 又

0

書局點校本《揅經室集》、求是堂本《毛詩後箋》改。 聊」,原作「柳」,據本篇傳文、阮刻《毛詩正義》、中華

博。」鄭《箋》正申毛《傳》。 言聲之遠聞也」,正釋經之「遠」字。「條,長也」,正釋經之 此詩「遠條」二字成義同辭,不應分屬上下章可證矣。 遠聞,子孫將有晉國也。 未三句同辭、《漢廣》末四句同辭、《黍離》、《園有桃》*、* 亟,急也」。《殷其雷》、《北風》皆末二句同辭,以及《桑中》 章,如《殷其雷》傳 今以全《詩》通例攷之,凡上下章同辭,則《傳》必總釋於上 之遠聞也」,與「折,言傷害也」、「旬,言陰均也」同一句法。 後人誤奪,乃坿於篇末耳。「言」上當有「遠」字。「遠,言聲 條」字。《箋》云: 《傳》云「言聲之遠聞也」,案此六字當本在「條長也」之上: 脩」爲「長」。 黄鳥》末六句同辭,而其義皆總釋於上章,不分釋也。 「條」與「脩」皆從攸聲,故二字同訓。 「椒之氣日益遠長,似桓叔之德 「振振,信厚也」、《北風》傳「虚,虚也。 《左傳》云: 蓋詩以椒香遠長興桓叔 「故能有其國家令間 德 彌廣 遠, 下章 政 有

緑》同。宣十二年《左傳》:「舟中之指可匊矣。」杜注亦遠條且。【傳】言聲之遠聞也。【疏】「兩手曰匊」、《采其之子,碩大且篤。【傳】爲、厚也。椒聊且,根聊之實,蕃衍盈匊。【傳】兩手曰匊。彼

卷

+

長世。」

篤。1非良篤脩激之君子,其誰能行之哉?」《韓詩外傳》亦 有其文。 名,無顧利害,而後能成之。《詩》曰:「彼其之子,碩大且 已。」」「厚施」與《傳》「篤,厚」之訓亦合。 施焉、民歸之矣。 得衆」之意。」 奂謂昭二十六年《左傳》:「晏子曰:「陳氏厚 天之命》同。 云"「匊,二升。二匊爲豆,豆四升。」此别' 字之誤,而「手」字不誤。《考工記・陶人》疏引《小爾雅 云"「兩手曰匊。」《説文·勹部》:「在手曰匊。」「在」疑 掬」。 「故夫士欲立義行道,毋論難易,而後能行之,立身箸 ○「篤,厚」、《爾雅・釋詁》文、《大明》、《公劉》、《維 此雖斷章,而與《毛詩》不同,當出三家義也 《後箋》云:「「篤,厚」,即鄭子封謂叔段『厚將 後世若少惰,陳氏而不亡,則國其國也 《説苑・ 義。 匊,俗作 立 兩 一節》

《繆》,刺晉亂也。國亂,則《綢繆》三章,章六句。

昏姻不得

綢

其時焉。

女待禮而成,若薪岛待人事而後束也。三星在天,猶纏縣也。三星,參也。在天,謂始見東方也。男網繆東薪,三星在天。 【傳】興也。綢繆,

繆」句。 覵良人」指男子者不同。《正義》云:「以三章「見此粲者」 句。 長乎哉 ○王引之《詩述聞》云:「《傳》「嗟兹」即嗟嗞。《説文》: 粲是三女,故知良人爲美室。「良」訓爲「善」,故稱美也。」 人,猶美人。男子乘三星在天之夕,至女家來親迎,覬見美 是因,故參爲晉星。」蓋此詩人亦因晉星而起興爾。 肅云"「謂十月也。」纏緜薪芻,喻嫁娶之必待禮,以釋「綢 直似稱衡也。」《傳》釋「三星」爲「參」,又探下二章「在隅」、 書·天文志》同。 《史記・天官書》:「參爲白虎。三星直是也,爲衡石。」《漢 「嗞、嗟也。」《廣韻》: 人以成其家室,故《傳》云:「良人,美室也。」與《孟子》「將 兮者,嗟兹也。 人,美室也。 「在户」,知在天爲始見東方者,此參星爲東西直之時。 以 昭元年《左傳》云:「后帝遷實沈于大夏,主參。 嫁 司空馬。』《管子・小稱》篇曰:『嗟兹乎! 參星昏始見於東方,是可行嫁娶之候,以釋[三星 娶矣。 』《説苑•貴德》篇曰:「嗟兹乎! 子兮子兮,如此良人何? 【疏】綢繆、纏緜皆疊 今夕何夕,見 孟康注云:「參三星者,白虎宿中,東西 「嗞嗟,憂聲也。」《秦策》曰: 此 良 一韻字,古今語也。 入 ? 我窮必矣。」楊 聖人之言 【傳】子 「嗟嗞 (傳]良 唐人 〇良 Ŧ.

> 何 ? 《易·明夷》:「六五,箕子。」劉向説:「今作「荄兹」。」《公 煌煌」、《傳》云:「期而不至。」義正同 猶奈也。」「如此良人何」, 言見良人而不得見, 奈此良人 《正義》云:「如何,猶奈何。」昭十二年《公羊傳》注云:「如 羊》「負茲」、《白虎通義》作「負子」。皆子、兹聲通之證 韻。 乎」、「嗟嗞乎」也,故《傳》以「子兮」爲「嗟嗞」。《箋》謂「子 嗟也。」「子」與「咨」皆「嗞」之假借字。 兮子兮,帝娶者」,殆失其義。」案王説是也。《蕩》傳:「咨 也夫。」是「嗟子」與「嗟嗞」同。經言「子兮」,猶曰「嗟子 復見文武之身,然後曰:「嗟子乎! 禮經傳通解續》引《尚書大傳》曰:「諸侯在廟中者,愀然若 作「嗟子」、《楚策》曰:「嗟乎子乎,楚國亡之日至矣。」《儀 雄《青州 彼以「嗟」釋「咨」,此以「嗟兹」釋「子」,其義一也 親迎女猶有不至者也。《東門之楊》「昏以爲期,明星 牧箴》曰: 嗟 一兹天王,附 命 此蓋吾先君文武之風 下土。」皆歎辭 咨、嗞雙聲,子、嗞疊 或

而南昏見於隅,故《傳》以爲「東南隅」。《正義》云:「在十子兮子兮,如此邂逅何?【疏】參星在天,則自東今夕何夕,見此邂逅?【傳】邂逅,解説之貌。獨繆束芻,三星在隅。【傳】隅,東南隅也。

「説懌」,鄭《箋》作「説釋」,義竝相同

月之後,謂十一月、十二月。」是也。

○《説文》無「邂」字。

> 生謂 媵,每國三人,共一取九女。 夫一妻二妾。」又云:「士一 昏取亦卿大夫之禮也。《白虎通義・嫁娶》篇亦云: 之義。云「大夫一取二妾」者,又申明「三女」之義,則此詩 女私奔,故其母爲何德以堪也。《傳》引此者,以證 以堪之?」「案天子於后之外有媵、姪、娣三人,又有二國來 王御不參一族。 夫粲,美之物也。 獸三爲群,人三爲衆,女三爲粲。 王田不取群,公行下衆 涇上,密康公從,有三女奔之。其母曰:「必致之於王。夫 字作「效」,又作「努」。今通作「粲」。《周語》:「恭王遊於 《説文・女部》:「三女爲妫。 「《詩傳》·云:「三女爲婺。」又美好皃。」《玉篇·女部》同。 霜降以至冰泮,皆爲嫁娶之正時。 略篇》云:「霜降,逆女。 室東南隅,參星昏見當户,則南北直而偏東也。《荀子•大 「士有一妻二妾」,非是。 冰泮、殺止。」冰泮在正月之節,自 妻 諸侯亦然。 效,美也。 妾,下卿大夫禮也。」熊安 ○《廣韻·二十八翰》: 衆以美物歸女,而何德 从女,奴省聲。」古 密康公有一族三 「粲」字

《杕杜》二章,章九句。

《杕杜》,刺時也。君不能親其宗族,骨

二八五

肉離散,獨居而無兄弟,將爲沃所并爾。

曜也。」 行兒。 《傳》於此云「湑湑,枝葉不相比」,下章言「蓍蓍,葉盛」,互 《家訓・書證》篇:「江南本《傳》作「杕,獨皃」。」緣下文「獨 生貌。 所親」之意。 比次、即比依,亦當以《釋文》本爲長。○《說文》: 行」作訓,恐非毛義,當從《釋文》本作「特兒」爲長也。「杜 親也。嗟行之人,胡不比焉? 踽 相明耳。言葉雖茂盛,而枝條稀疏,以喻宗族雖彊,不相親 「《裳裳者華》亦云「其葉湑兮」,則湑湑與菁菁皆茂盛之貌。 赤棠」、《爾雅·釋木》文。說詳《甘棠》篇。《正義》云: 不依焉?【傳】依,助也。【疏】《釋文》據《傳》「特」下 無「生」字。《有杕之杜》箋云:「特生之杜。」彼《箋》依經 **, 杕,特兒」,與《釋文》同。特,當讀若「有菀其特」之「特」。** 生于道左」言,此不當有「生」字也。《六書故》引《傳》作 ,豈無他人? 不如我同父。【傳】踽踽,無所 《詩》曰:「獨行踽踽。」」踽、疏疊韻,疏即《傳》云「無 |案此興體也。《釋文》據《傳》「不相比」下有「次」字。 有杕之杜,其葉湑湑。【傳】興也。 杜,赤棠也。 《廣 雅 湑湑,枝葉不相比也。 踽踽,行也。」本三家《詩》。 人無兄弟,胡 獨行 .「踽,疏 杖,特 **念孟** 踽

> 而言。 馬 ? 《爾雅》:「父爲考,父之考爲王父,王父之考爲曾祖王父, 助亦輔也。《廣雅》:「比、飲,代也。」《方言》:「次、比,代 興嗟之意。 何不佽助之? 歎其無有輔助也。 也。」昭十六年《左傳》云:「庸次比耦。」「次」、「比」連言、與 不如我同父」,言他人不如我同父之親也。 曾祖王父之考爲高祖王父。」是祖、曾、高皆父也。 子 詩「比佽」連文同義。「伙」與「次」通。 我之同父於高祖者也。皆可謂之我同父。《伐木》傳云: 於祖者也, 曰從祖昆弟,我之同父於曾祖者也, 殺言之,曰昆弟,我之同於父者也, 曰從父昆弟,我之同父 「夭子謂同姓諸侯,諸侯謂同姓大夫,皆曰父。」「豈無他人, 盡 人無兄弟,胡不依焉」,胡,何也。 獨行之人,何不比輔之? 心 篇 ○《箋》云:「比,輔也。」《傳》訓「侬」爲「助」者 行 何 爲 踽 踽 涼 涼? 獨行之人,無兄弟之親 「嗟行之人, 胡不比 與 承上文獨行無所親 詩 此起下文宗族 踽 曰族昆弟 踽 今以旁 義 同。

比焉? 人無兄弟,胡不佽焉?【疏】經言「葉」,瞏,無所依也。同姓,同祖也。嗟行之人,胡不獨行瞏瞏,豈無他人? 不如我同姓。【傳】瞏

ž

弟,皆與我同姓於高祖者也。其宗子,所謂繼高祖之宗也。 《文選》張衡《思玄賦》、陸雲《贈婦詩》注作「營煢」。《思玄 菁、《釋文》:「本亦作「青青」。」○瞏,從袁聲。 瞏瞏之爲無 父、叔父等而下之,旁及於從父昆弟,皆與我同姓於祖父者 也」者,程瑶田《宗法小記》云: 孫以祖之字爲姓,故同祖 賦》舊注:「榮榮,獨也。」本三家《詩》傳。 瞏」。《釋文》云:「瞏瞏,本亦作「煢煢」。」王逸《九思》注、 華》「其葉青青」、《傳》:「華落葉青青然。」文義略同。 故《傳》云「葉盛」。 也。其宗子,所謂繼祖之宗也。」案此即同姓爲同祖之義。 姓於曾祖者也。 自祖父與從祖祖父等而下之,旁及於從祖昆弟,皆與我同 昆弟謂之同姓。是故自曾祖與族曾祖等而下之,旁及族昆 所依,猶《版》篇 18 18 之爲無所依矣。《説文》引《詩》作 《麟之止》傳:「公姓,公同姓。」「公族,公同祖。」姓、族皆出 其宗子,所謂繼曾祖之宗也。 葉盛而枝弱,興義與上章同也。《苕之 云「同姓,同祖 自父與世 瞏 書

(羔裘))二章,章四句。

,故姓、族皆得謂之同祖

《羔裘》,刺時也。晉人刺其在位不恤其

卷

╁

民也。【疏】《箋》云:「恤,憂也。」

《左傳》:「余不説初矣,余狐裘而羔袖。」裘袖不同物,言始 末,言在位與民。 袪爲末,與謂裘爲本作對文,非袪爲袂之末也。 中,袂末亦宜揜餘一尺。 袂末續緣,廣寸半。長衣中衣袂末揜餘一尺。裘制如 袂中,袂口謂之祛,徑尺二寸。袂口之緣是爲袂末。 執袂也。 字是也。今補正。《遵大路》傳云:「袪,袂也。」謂執袪猶 文》:「定本據《傳》「袂」下有「末」字。」僖五年《左傳》疏引 本末不同,在位與民異心。 終不同。 袪者末也。裘用羔,袪用豹,所謂「本末不同」也。 亦有「末」字。《遵大路》正義云:「《唐・羔裘》傳云: 相親比之貌。 位卿大夫之服也。」《傳》訓「自」爲「用」、《縣》、《執競》同, 『袪,袂末。』《唐風》取本末爲義,故言袂末。」然《正義》不出 一手,故今《唐風》正義作「袪,袂也」,無「未」字。 案有「末. 羔裘豹袪,自我人居居。【傳】袪,袂末也。 此《傳》云:「袪,袂末也。」袂屬衣幅,二尺二寸爲 輒與此詩《傳》意略同。 **豈無他人**? 羔裘不同,言在位與民異心。 此餘一尺乃用豹皮歟? 自,用也。居居,懷惡不 維子之故。【疏】釋 《箋》云:「羔裘豹袪,在 裘者本也 襄十四 《傳》謂 裘袪本 深衣 與

二八七

《皇矣》、《召旻》訓「自」爲「從」義異。 魚 不恤我之困苦。」是也。 惡也。」《傳》云「居居,懷惡不相親比之兒」者,義取《爾雅 倨」,高注:「倨倨,臥無思慮也。 《國語》舊注:「俉俉,疏遠之貌。」《淮南子・覽冥》篇「臥倨 相近。《晉語》:「暇豫之吾吾不如鳥鳥。」韋注:「吾,讀如 爲訓。《箋》:「其役使我之民人,其意居居然有悖惡之心, 居、究究,皆不恤其民之謂。 吾吾,不敢自親之貌也。」《御覽・人事部一百十》引 ○子, 席在位者也。 「居居」與上篇「湑湑」、「踽踽」聲義 《爾雅・釋訓》:「居居、究究 倨,讀「虚田」之「虚」。」 故,故舊也。 我人,我民人也。 居

究,猶居居也。 袪,亦袂末謂之衰,故云: 究究,猶居居也。 《説文》:「褎,袂也。 《詩》之「究」當讀爲「宄」,亦懷惡不相親之兒,故云:「究 羔裘豹褎,自我人究究。【傳】衰,猶祛也。 **豈無他人**? 俗作「袖」。」是褎亦袂矣。袂末謂之 「褎,猶袪也。」古究、宄聲同, 維子之好。【疏】

聲、義並相近。

鴇羽》三章,章七句。

、鴇羽》,刺時也。昭公之後,大亂五世,

【疏】五世,謂孝侯、鄂侯、哀侯、小子侯、晉侯緍也。 君子下從征役,不得養其父母,而作是詩 俱 在昭 也。

公之後。

苦。 【傳】盬,不攻致也。怙,恃也。 《釋木》文、《東門之枌》同。杼、《説文》作「柔」。《木部 通訓。 止。 鴇羽聲也。 屬。今世閒謂柞實爲阜斗。」栩實似栗,故柞栗又名橡栗。 實。 注云::「物叢生曰苞,齊人名曰稹。」郭注云::「今人呼物叢 言鴇不樹止而訓釋之也。「苞、稹」、《爾雅・釋言》文。孫 有所?【疏】興者,鴇之集栩、棘、桑,以喻君子征役之勞 司徒》「一曰:山林,宜阜物」,鄭司農注云:「阜物,柞栗之 云:「栩,柔也。 其阜,一曰樣。」「樣,栩實也。」栩實一名櫟 致者爲稹。」《箋》云:「稹者,根相迫迮梱致也。」「栩,杼」, 「阜」字。 《艸部》云:「草,草斗, 經言「鴇羽」,故云「肅肅,鴇羽聲」。「集,止」爲全《詩 王事靡盬,不能蓺稷黍,父母何 肅肅鴇羽,集于苞栩。《傳】興也。 「集」始見於《葛覃》「集于灌木」,而無《傳》。 象,當作「樣」,字之誤也。亦名柞實。 集,止;苞,稹;栩,杼也。鴇之性不樹 櫟實也。 悠悠蒼天,曷其 一曰象斗。」草,古 《周禮・大 此因欲 肅肅 . 怙 ?

316

風 暇更勤王事? 其殼爲汁,可以染阜,今京洛及河内多言栩汁。 也。 致,即今之「緻」字。 不堅固也。」不攻致,即不堅固。 也。」《采薇》、《杕杜》、《北山》「王事靡盬」、《箋》竝云: 蠱。」蟲害器敗穀,皆謂之蠱。「盬」與「蠱」字異義同。」 奂謂 義》云:「昭元年《左傳》:「於文,皿蟲爲蠱,穀之飛亦爲 危苦也。」竝本《傳》爲説。《禮記・内則》有「鴇」。○《正 大,無後趾。」趾,宋《毛詩》作「指」。《正義》引《義疏》云: 五方通語也。」云「鴇之性不樹止」者、《釋文》:「鴇似鴈而 「功辨其苦良」,鄭司農:「苦,讀爲盬。」鄭注《喪服》云: 《周禮・鹽人》「共其苦鹽」,杜子春讀「苦」爲「盬」。《典婦》 「鴇鳥連蹄,性不樹止。 **鹽」字異義同。** ·沽,猶麤也。」《檀弓》云:「沽,猶略也。」 ·苦」、「沽」亦與 ·伯兮》之言 [王事]皆作於桓王之世。 徐州人謂櫟爲杼,或謂之爲栩。其子爲阜,或言阜斗。 而《鴇羽》二言『王事靡盬』者何? 《四牡》「王事靡盬」、《傳》:「盬,不堅固 余友邵陽魏源云:「晉自曲沃構難,何 樹止則爲苦,故以喻君子從征役爲 《車攻》傳:「攻,堅 桓王二年, 謂櫟爲杼 此與《衛 ,曲沃 也。」 盬

> 傳云: 叛王。 沃。 母何恃」者,言何所恃而得食,何所恃而得嘗。《正義》云: 有萇楚》篇例皆同。 「下言「何食」、「何嘗」與此相接成。」是也。 侯,王命號仲立晉侯緍。 莊伯以鄭、邢之師伐翼,王使尹氏、武氏助之。 王師屬臨於晉,妨農失養,而作是詩。」○《齊• 王命虢公伐曲沃而立哀侯。 「蓺,樹也。」「怙,恃」,《釋言》文。「不能樹稷黍,父 虢仲、芮伯、梁伯、荀侯、賈伯伐曲 十六年,曲沃殺小子 《殷其雷》、《隰 是秋, 南山 曲 沃

《吕覽•

恃君》篇「冬日則食橡栗」,高注云:「橡,阜斗

櫟也。

其狀似栗。」案「橡」與「様」同。

栩一名柔,其實謂之樣。

實、柞實皆以形近通借耳。《正義》引《義疏》云:「今柞櫟

【疏】苞棘,猶叢棘。 蓺黍稷,父母何食? 悠悠蒼天,曷其有極?

肅肅鴇翼,集于苞棘。

王事靡盬,不能

無衣》二章,章三句。

 \vdash

卷

八年。 若成二年《左傳》: 使,是時使來者。」《正義》謂「其使名號,書傳無文」。 據以爲并國、命侯俱三十七年内,誤矣。《箋》云:「天子之 并晉國當在前 大夫人天子之國稱士,士不得上通天子,故屬於天子之吏。 得與天子之使交通。 案:禮,爲人臣者無外交。 以魯隱五年立。七年,莊伯卒。 釐王。釐王命曲沃武公爲晉君,列爲諸侯。 而有之。武公已即位三十七年矣。凡三十九年而卒。」攷 十六年,曲沃武公伐晉侯緍,滅之。 沃武公稱立。哀侯九年虜。 侯。」《史記·晉世家》云:「晉哀侯二年,曲沃莊伯卒,子曲 其大夫爲之請命乎天子之使,而作是詩 〈序》中「使」字必「吏」字之誤。天子之吏,謂三公也。 【疏】莊十六年《左傳》云:「王使虢公命曲沃伯以一軍爲晉 緍二十六年」,「六」誤作「八」,舊本《史記》不誤也。 至魯莊十六年,王命爲侯,武公即位已三十八年,則 無衣》,美晉武公也。 一年。 「晉侯使鞏朔獻齊捷于周,王使委於三 且命出自天子,又不得私相干請。 《史記》敘命侯於并國之先。《正義》 雖容或有周使適晉,晉大夫不 小子侯四年誘殺。 武公踰年即位,自在魯隱 盡以其實器賂獻于周 武公始并晉 於是盡并晉地 晉侯緍二 列國 哀侯 也。 國 蓋 奂

> 在晉。 也。 而反許受命之請,編《詩》者隱喻刺意爾 所作,故爲美而不爲刺。 君請命。 賂僖王,必有大夫至周。 吏,禮之如侯 三吏,三公也。」此其義證矣。晉武公克曲沃,以實器 由轉寫者「吏」誤作「使」,遂多謬説。此詩即其大夫 僖王得賂,遂以武公爲晉侯。 伯 克敵使大夫告慶之禮。」 至武公并晉,天子不正篡國之罪 其大夫亦但能屬乎天子之吏,爲 是請命在周,斷 杜注 云:「委,屬

章。 書爵,此不成爲君之義也 微國之君,未爵命,故不書爵,是則不命之諸侯。《春秋》不 子爲足美也。若《春秋》邾儀父、郳黎、來蕭、叔介、葛盧皆 於天子,則不成爲君」者,總釋詩義,以見武公之服命於天 公既得命服,故云「安且吉」、「安且奥」。 之禮、冕服七章。」是謂侯伯之禮也。 宫室、車旗、衣服、禮儀皆以七爲節。」《大行人》云:「諸 命,故冕服七章。《周禮·典命》云:「侯伯七命,其國家 天子,則不成爲君。【疏》(傳》釋經之「七」爲「七命」。 不如子之衣,安且吉兮。【傳】諸侯不命於 豈曰 無衣七兮、【傳】侯伯之禮七命、冕服 〇子, 舜武公也。 《傳》云、諸侯不命 七 猛 七 侯

豈曰無衣六兮、【傳】天子之卿六命,車旗、

衣服以六爲節。

不如子之衣,安且燠兮。【傳】

《有杕之杜》二章,章六句。

《有杕之杜》,刺晉武公也。武公寡特,

兼其宗族,而不求賢以自輔焉。

杜,赤棠也。義見上《杕杜》篇。道以右爲陰,左爲陽。杕噬,逮也。中心好之,曷飲食之?【疏】杕,特兒。陽,人所宜休息也。彼君子兮,噬肎適我。【傳】興也。道左之

券

+

然之杜,其枝葉足以庇陰人。生於道左之陽,衆人得休息 詞。上篇「有杕之杜,其葉湑湑」、「有杕之杜,其葉菁菁」, 章言武公初得晉國,寡特無助,宜求賢以自輔,不作反興之 者、罷市、相睹樹下、談語終日不歸。男女當壯、扶輦推興、 句爲興,不以「有杕」爲興,此亦同也。《管子・輕重丁》篇 實」、「有杕之杜,其葉萋萋」,以實、葉之蕃盛爲喻。 以葉盛不與枝相比依爲喻。《小雅》「有杕之杜,有皖其 之。興者,喻人君有國,賢者宜歸往之,刺今之不然也。 호: 何不謂之曷,猶何謂之盍,亦何不謂之盍,義竝同。 中心,心中也。《爾雅》:「曷,盍也。」郭注云:「盍,何不 《韓詩》正作「逝」,云:「逝,及也。」噬、逝同聲,逮、及同意 《爾雅》作「遾」,《日月》篇作「逝」。 噬,假借字。《釋文》引 君子,謂賢者也。《方言》云:「北燕曰噬。 語,終日不歸。」是古者道旁皆種樹,可作休息之義證。 相睹樹下,戲笑超距,終日不歸。 云:「途旁之樹,未沐之時,五衢之民,男女相好,往來之市 也。」《廣雅》:「曷、盍,何也。」曷、盍聲同,故何謂之曷,又 「曷,何不也。説者訓爲「何」,失之。」 父兄相睹樹下,論議玄 逮,通語 皆取下 《釋詞 也。 通

有杕之杜,生于道周。【傳】周,曲也。彼

Sp] 讀如《易》「觀我」之「觀」。 夏諺曰:「吾王不遊、吾何以休?」」是遊、觀義同也。 篇"「齊景公曰"「吾何脩而可以比於先王觀也?」晏子引 也。《釋文》引《韓詩》云:「周,右也。」韓以上章「道左」,則 《傳》:「卷,曲也。」道之曲與阿之曲同意,亦人所宜休息 此當訓「道右」。 與「曲」同聲,義通。 之,曷飲食之?【疏】周,讀如「漢盩庢縣」之「庢」,❶ 君子兮, 噬肎 》作「來游」。 游、遊古今字。 然道樹宜在左,毛義優也。○來遊,《卷 來 道曲,猶道左。《卷阿》篇「有卷者阿」, 遊。 來觀,猶上章之云「適我」矣。 云「觀」者、《孟子・梁惠王》 傳 遊, 觀 也。 中 心 觀 好

《葛生》五章,章四句。

下陽、圍上陽、滅號、執虞公、敗狄于采桑,是其好攻戰也。年卒。《左傳》伐驪戎、滅耿、滅霍、滅魏、伐東山皋落氏、滅多喪矣。【疏】《正義》云:「獻公以魯莊十八年立,僖九多喪矣。【疏】《正義》云:「獻公以魯莊十八年立,僖九《葛生》,刺晉獻公也。好攻戰,則國人

怨具慶」、「云徂何往,孔淑不逆」句法相同。 鄰》傳云:「亡,喪棄也。」誰與,即獨處。 義·嫁娶》篇云:「嫁娶者,何謂也? 葛、蘞皆蔓延野草,故以喻婦人之外成於他家也。《白虎通 《廣要》云:「《本草》:「蘞有赤、白、黑三種,疑此是黑蘞 也。 成,以出適人爲家。」○婦人稱夫謂美,猶稱夫謂良。 也。」《説文》:「黃,白薟。或作「蘞」。」則蘞有白蘞矣。」案 細,其子正黑如燕薁,不可食也。 此 誰 蔓,延也。《正義》引《義疏》云:「蘞,似栝樓,葉盛而 與獨 處? 【疏】葛、絺綌草也。 幽州人謂之烏服。」毛晉 嫁者,家也。 與「不遠伊邇,莫 蒙,覆 也。 婦人外 楚,木 ~車

野。 蘞草蔓延於塋域,亦是婦人外成之義。若謂葬夫之也。」《廣雅》:「宅、垗、塋、域,葬地也。」古者葬地皆在外棘,猶蒙楚。《傳》釋「域」爲「塋域」者、《爾雅》:「域,兆棘,猶蒙楚。《傳》釋,茲蔓于域。【傳》域,塋域也。

「庢」入十二部。是「周」、「盩」、「曲」同聲。也。」又於《六書音均表》,「周」、「盩」、「曲」入三部,也。」又於《六書音均表》,「周」、「盩」、「曲」入三部,不「庢」,疑爲「盩」之誤。段玉裁《説文解字注》「盩」下「庢」,疑爲「盩」之誤。段玉裁《説文解字注》「盩」下

而

蒙楚, 蘞生蔓於野, 喻婦人外成於他家。

予美亡

葛生蒙楚,蘞蔓于野。【傳】興也。

葛生

延

0

處,則失之。○獨息,猶獨處也。「息」訓「止」,處亦止也。

席韣而藏之」者,此引古禮文,以言夫從征役,既缺時祭,婦 所見《内則》文當有奪誤。《内則》云:「御者舉几,斂席與 連而及之。《正義》引《内則》:「夫不在,斂枕篋、簟、席韣 韣也,夫不在,則斂此三者藏之。 韣,席韜也。 篇》、《廣韻》並曰:「穎,篋也。」」是枕篋又謂之枕穎矣。 當在「枕」下、「枕」、「穎」相連。《釋文》「穎」作「穎」。《玉 席、枕几不傳。」凡言席者必兼簟、言簟席者必兼衣衾矣。 簟,縣衾,篋枕,斂簟而襡之。」又云:「父母舅姑之衣衾、簟 而藏之。」「此《傳》引彼,變「簟」爲「衾」,順經「衾」文。」案孔 枕貯於篋謂之枕篋,席納於韣謂之席韣。枕篋也,衾也,席 之别設此角枕錦衾也。《傳》又云「禮,夫不在,斂枕篋、衾、 美亡此,誰與獨旦?【疏】經言「角枕」、「錦衾」, 《少儀》:「茵席、枕几、穎杖。」王引之《禮記述聞》:「「穎」字 人斂藏枕衾,乃特假夫在齊物以起興爾。枕箧,枕匣也。 《傳》則申明經義,以爲齊時之物。凡齊,必居於正寢,故爲 錦衾。禮、夫不在、斂枕箧、衾、席韣而藏之。予 角枕粲兮,錦衾爛兮。【傳】齊則角枕」、 鄭注《内則》云:「襡,韜也。」「襡」與「韣」同。 詩但言枕、衾耳,席韣乃 席

夫不在,故自傷其獨旦也。獨旦,猶獨處、獨息也。本。○旦,讀如「昧旦」之「旦」。 祭昧旦而興質明而行事。本。○旦,讀如「器」字,當從《詩正義》所引無「器」字爲善毛《傳》但舉衾席以該衣簟耳。今本《内則》「韣」作「襡」,

夏之日,冬之夜、【傳】言長也。百歲之後、歸于其居。【疏】夏日長、冬夜長、故云:「言長後、歸于其居。【疏】夏日長、冬夜長、故云:「言長也。」《傳》統下章爲訓。〇《後箋》據章懷注《後漢書・蔡邕也。」《傳》統下章爲訓。〇《後箋》據章懷注《後漢書・蔡邕也。」《自駒》「夕,猶朝也」、《糾衣》「好,猶宜也」、《有女同車》「英,猶華也」、《薄兮》「漂,猶吹也」、《九跋》「宿,猶處也」、《白駒》「夕,猶朝也」、《鄉衣》「好,猶宜也」、《有女同車》「英,猶華也」、《薄兮》「漂,猶吹也」、《九跋》「宿,猶如」、《白駒》「夕,猶朝也」、《鄉衣》「好,猶宜也」、《有女同車》「英,猶華也」、《薄兮》「漂,猶吹也」、《九跋》「宿,猶處也」、《白駒》「夕,猶朝也」、《鄉衣》「戶,猶處也」、《前處之」、《有學》之義,非《傳》文有此四字也。舊本《北堂書鈔・禮儀十三・死三十》亦引作鄭《箋》,不作毛《傳》。

至。●【傳】室,猶居也。【疏】此詩「居」字、「室」字與

冬之夜,夏之日,百歲之後,歸

于其

▶ 「于」,原作「於」,據阮刻《毛詩正義》改。

卷

+

采苓》三章,章八句。

好聽讒也。 【疏】晉獻公嬖驪姬,殺大子申生,重耳、夷吾皆出奔,此其【疏】晉獻公嬖驪姬,殺大子申生,重耳、夷吾皆出奔,此其《采苓》,刺晉獻公也。 獻公好聽讒焉。

讒之無足信與人不聽讒而讒自止也。三章篇義同。 徵」,所以明經取興之義。 皆合。 陽」也。 小行,小道也。 云「采苓細事,首陽幽辟」,又云「細事喻小行,幽辟 名, 首陽非首山之陽矣。 晉都平陽, 故詩人遂以晉山爲興。 首陽之在平陽,可無疑矣。」案金説明辨。 之後,乃隱於首陽山也。 夷、齊恥之、隱於首陽山、采薇而食、遂餓死。」是武王克商 居於河、濟之閒也。 津之地。」孟津正當河、濟閒,是夷、齊去周,尚未隱首陽,而 首陽。《史記》云:「武王東伐紂,夷、齊叩馬而諫,蓋在 子所願居,其地近河、濟,又在蒲阪之北,與曾子、莊子所言 陽」,即夷、齊所隱之首陽也。平陽爲堯都,又黄帝所葬,二 遷于翼,在今平陽。獻公居絳,亦屬平陽。《詩》所詠「首 者,非也。 況《論語》言「肖陽之下」,是「肖陽」二字名山,非言「肖山之 陽」,則首陽當在蒲阪之北。 「隱首陽」。莊子言「北至於首陽」,明自河、濟閒而北去也 但非在河、濟之閒,意二子先居於河、濟,後乃隱於 蒲阪雷首山一名首山,不名首陽,則謂首陽在蒲阪 唐國即晉國,晉始封在晉陽,即夏禹都。 無徵,無徵不信也。 又云: 「武王已平殷亂, 天下宗周 战曾子言「居河、濟之閒」,而不言 小行、無徵皆指讒説。 雷首南枕大河,不得言 首二句是興體,下正言 毛《傳》亦謂 行,道也 至穆侯 北 喻無 也。

末,其義一也。無是者,無一是者也。焉,猶然也。 末,其義一也。無是者,無一是者也。焉,猶然也。 末,其義一也。無是者,無一是者也。焉,猶然也。 未,其義一也。無是者,無一是者也。焉,猶然也。 是援取,無是貪羨。」「無是可之誠也。「苟,誠」者,苟與果一聲即讒言,所謂小行、無徵之言也。「苟,誠」者,苟與果一聲也。「亦」爲語助。《陟岵》傳云:「旃,之也。」無然,無是也。《皇矣》「無然畔援,無然散羨」,《傳》:「無是畔道,無也。《皇矣》「無然畔援,無然散羨」,《傳》:「無是畔道,無也。《皇矣》「無然畔援,無然散羨」,《傳》:「無是畔道,無也。《皇矣》「無然畔援,無然散羨」,《傳》:「無是畔道,無是援取,無是貪羨。」「無是」釋「無然」,或在句首,或在句色。無是者,無一是者也。焉,猶然也。 末,其義一也。無是者,無一是者也。焉,猶然也。

義同。人勿用。」《象傳》云:「小人勿用,必亂邦也。」與《傳》「勿用」人勿用。」《象傳》云:「小人勿用,必亂邦也。」與《傳》「勿用」與亦謂之用矣。《易・師》:「上六,大君有命,開國承家,小

不可食,其葉有可食,故此《傳》又云「菜名也」。 無以下體」、《傳》:「葑,須從也。下體,根莖也。」葑之根莖人之爲言,胡得焉?【疏】《邶·谷風》「采葑采菲,人之爲言,胡得焉?【疏】《邶·谷風》「采葑采菲,

卷十終

二九五

卷

+

二九六

詩毛氏傳疏卷十一

長洲陳英學

秦車鄰詁訓傳弟十一 毛詩國風

《車鄰》三章,一章四句,二章章

六句。

車馬禮樂侍御之好焉。《疏》、史記・秦本紀》:「秦《車鄰》,美秦仲也。秦仲始大,句。有

謂幽王之世秦仲尚在也。《序》與《國語》合。也。且大,其將興乎?」」史伯言嬴姓之大始於秦仲耳,非年,秦仲之十八年也。」《國語》:「史伯曰:「秦仲,嬴之雋年,秦仲之十八年也。」《國語》:「史伯曰:「秦仲,嬴之雋 在,秦仲之十八年也。」《國語》:「史伯曰:「秦仲,嬴之雋 在,秦仲之十八年也。」《序》與《國語》合。

人」非即《周禮》「寺人」矣。詩稱「寺人」、《序》稱「侍御」,服 引《易》作「旳顙」。又《馬部》:「駒,馬白額也。《易》曰: 《易‧說卦傳》:「震爲旳顙。」《説文‧日部》:「旳,明也。」 《廣雅》:「轔轔,聲也。」今《詩》作「鄰鄰」者,占文假借字。 潘岳《藉田賦》、王融《曲水詩序》注引《毛詩》作「轔轔」。 寺人,内小臣也。【疏】《釋文》:「鄰,又作「轔」。」《文選 也。 臣爲奄官之長,與寺人别官。《傳》云「内小臣」,則知此「寺 也。《周禮・序官》内小臣、閻人、寺人、内豎皆奄官。 云"「旳,白也。 《傳》以「旳顙」詁「白顛」,《爾雅》:「旳顙,白顛。」舍人注 「爲馰顙。」」段注:☆:「疑「馰」後出,非古。」○君子,席秦仲 白顛,的顏也。 有車鄰鄰,有馬白顛。【傳】鄰鄰,衆車聲 顙, 額 未見君子,寺人之令。【傳】 也。 額有白毛,今之戴星馬也。」 内小

寺人使傳告之。」鄭用韓義也 大夫,與外諸侯同體,故亦得設内小臣之官。 謂之「内官之上」。 階上,如獻庶子之禮。」案諸侯亦有内小臣、《公食大夫禮 《傳》以「内小臣」釋「寺人」,實本《燕禮》爲説。秦仲爲宣王 階上,如 侍通用。 虔注襄二十九年《左傳》云:「秦仲始 《韓詩》作「伶」,云: 獻士之禮。 《儀禮•燕禮》:「主人洗,升自西階,獻庶子于阼 此詩下章「鼓瑟鼓簧」正行君燕臣禮 「使伶。」《箋》云: 辯降洗,遂獻左右正,與内小臣皆于阼 「欲見國君者,必先令 《有侍御之臣。」古 令,《釋文》引 寺

地》又云: 言其難至如升阪。」是也。 門之壇》傳: 雅 此 梅興義略同。 樂焉。 溼 【與《南有嘉魚》、《有駜》傳例又不同也。 日耋。【疏】阪有漆、桑,隰有栗、楊,與《終南》之有條 日 釋地》文。「阪」與 隰。 今者不樂,逝者其耋。【傳】耋,老也。 「下者曰 有漆,隰 既見君子,並 「遠而難 言興者,合下章發《傳》,而又明首章之非興。 隰。」《爾雅》「隰 流有栗。 列則 側 《如茹藘在阪。」《蒹葭》箋:「升者, 「下溼曰隰」,亦《釋地》文。 同 坐鼓瑟。【傳】又見其禮 意。 【傳】興也。 邊爲側,猶陂爲阪。 有 兩解。 「陂者曰阪」、《爾 陂者曰 下 - 溼謂平 阪,下 《釋 《東 入 地

以

十日 其老矣。《悉蟀》篇:「今我不樂,日月其除。」「今我不樂」 云"「七十日耊。」鄭注謂 日月其邁。」「今我不樂,日月其慆。」彼《序》云:「欲其及時 逝、往也。 以釋之。 則又見其笙入矣。《傳》云「又見其禮樂焉」者,乃承上合下 瑟」。 之隰。 中,奏《南陔》、《白華》、《華黍》」,此笙入三終也。 鳴》、《四牡》、《皇皇者華》。」此升歌三終也。「笙人,立于縣 章,不家上句。 堂下,詩亦言「並坐」,將 工坐」之文,或據之以解詩「並坐」爲樂工竝坐。 義也。「並坐」與「鼓瑟」不連讀。 隰。」○《爾雅·釋言》:「並,併也。」郭注引《詩》「並 下,經義始備也。 隰」而必云 下溼曰隰 「寺人之令」言見其侍御之好,鼓瑟則又見其升歌矣,鼓簧 ·禮自虞樂也。」詩義正同。 耊 《燕禮》:「公以賓及卿大夫皆坐乃安。」此「竝坐」之 」當作「七十日耋」。 下者對陂者言,則謂不平之隰。 ○樂,樂禮樂也。 「今者不樂,逝者其耋」,言今者不樂禮樂,往 《燕禮》:「小臣坐, 《簡兮》、《皇皇者華》傳竝云:「下 」者,於阪見其不平,而於隰箸 作何解乎? 「年踰七十」,經言「大耋」即 《易· 「耊,老」、《釋言》文。《傳》「八 逝,讀如「日月逝矣」之「逝 《燕禮》「鼓瑟在堂,上 離 授瑟乃降。 《傳》中「又」字家 九三》釋文引馬 《傳》不云「下 然鼓簧 工歌《鹿 詩上 爲過 溼 L 其高 坐 者 章 H 在 有 鼓 曰 曰

卷

+

元八

則其言耋亦與此《傳》不同。 九十曰 薹。」許以耊、薹年近,統稱其言 耄,與《版》傳不同: 見《曲禮》作「七十曰耋」。《禮記・射義》疏亦云「六十之 郭璞注《爾雅》皆主「八十曰耋」之説,後人遂以改易此《傳》 訂毛《傳》「七」誤爲「八」之證。《説文》:「年八十曰耋,年 九十日耄」也。 十謂之耋也。 耆,七十之耋」,與《公羊疏》同。「耋」即「耋」之省。今本 禮》文也。按今《曲禮》云"「七十曰耋。」與此異也。」徐彦 耊之年。 杜注僖九年《左傳》云:「七十曰耋。」與服注同。 「七十」爲「八十」,與《禮記 《曲禮》「七十曰耊」正爲毛《傳》所本。是七十謂之耋,非八 《曲禮》作「七十曰老」。疑「老」即「耋」之誤奪去下「至」耳。 |年《公羊傳》:「七十稱老。」徐彦疏云:「七十稱老,《曲 踰七十爲大耋,則 又《版》傳云:「八十日 耄。」即《曲禮》「八十 是八十謂之 耄,則七十謂之耊也。此皆足 曲禮》馬、鄭、服、杜注不合,且 《鄭亦以七十爲耋,與 而劉熙《釋名》、王肅注《易》、 何注宣十 (馬注 同。

阪有桑,隰有楊。 既見君子,並坐鼓簧。 十、八十,無正文」,不能釐正《傳》文之誤,而作此游移 與《版》傳耋、耄同稱八十,尤不可通。《正義》謂「耋有七

庸也。」

保也。 爲笙、《君子陽陽》同。○《傳》云「亡,喪棄也」者,喪、亡互 安而不忘危,存而不忘亡,治而不忘亂,是以身安而國家 者也。亡者,保其存者也。 棄,故國胙長久。《易·繫辭傳》云:「子曰:危者,安其位 訓,言無禮樂,則國政將喪棄矣。是時秦始大,而不忘 喪棄也。【疏】詩之「簧」即《儀禮》之「笙」也,故《傳》以簧 (傳】簧,笙也。 《易》曰:『其亡其亡,繫于苞桑。』」 今者不樂,逝者其亡。 【傳】亡, 亂者,有其治者也。 是故君子

《駟驖》三章,章四句。

紀》云:「周避犬戎難,東徙雒邑。 之事、園囿之樂焉。【疏】襄公,秦仲之孫也。 王封襄公爲諸侯。』《箋》云:「始命,命爲諸侯也。 瓤 驖 》,美襄公也。 襄公以兵送周平王,平 始命,句。 有 秦始附 《秦本 田 狩

大也。 上下者。冬獵曰符。【疏】駟,當作「四」,四 駟 公之媚子,從公于狩。 、驖孔阜、六轡在手。【傳】驖、驪、 【傳】能 馬 以 曰 道 駟。 媚 阜, 於 若

田》同 《傳》指。 君民。 也。」」媚民即媚下。 下者」,以釋經之「媚子」。《思齊》傳:「媚,愛也。」《卷阿》 「不是己身能上媚下媚,言能和合他人,使之相愛」,皆失 人。」此言「媚於下者」也。 於上者」也。 七章云:「藹藹王多吉士,維君子使,媚于天子。」此言「媚 馬六轡,六轡在手,言馬之良也。」○《傳》云「能以道媚於上 馬」,鄭注云:「阜,盛壯也。」大亦盛壯之意。《箋》云:「四 騵」,皆謂四馬也。《説文》引《詩》作「四駿」。《漢書· **舝》、《桑柔》、《嵩高》、《烝民》、《韓奕》,皆曰「四牡」,此詩曰** 志》作「四载」。 猶云「四牡孔阜」耳。 下一字爲馬名,則上一字作「四」,不作「駟」。 「驐」訓「驪」、《駉》傳云:「純黑曰驪。」《周禮・廋人》「以阜 「四駱」、《采芑》曰「四騏」、《車攻》曰「四黄」、《大明》曰 「四驐」、《載驅》、《六月》曰「四驪」、《四牡》、《裳裳者華》曰 《杕杜》、《六月》、《車攻》、《吉日》、《節南山》、《北山》、《車 昭七年《左傳》:「子産曰:「不媚不信,不信,民弗從 Ŧ. 肅 八章云:「蔼蔼王多吉人,維君子命,媚于庶 둜 「臷」乃「韱」之誤,而其字皆作「四 《箋》申《傳》以上下爲君臣。《正義》謂 卿大夫稱子。」「冬獵曰狩」、《叔 凡《碩人》、《小戌》、《四牡》、《采薇》: 《傳》正本《卷阿》詩義。上下謂 「四驖孔阜」, 可可 地理 證。 应 产

> 豈希馮所據《詩傳》作「柭」歟? 栝。 **腢爲上殺」是也。《箋》云:「拔,括也。」《釋名》云:「矢末日** 以射之。」人君自左射,故毛《傳》云「自左膘而射之,達於右 賈疏云"「逐禽左者,謂御驅逆之車,逆驅禽獸使左當人君 也。」此即鄭司農《周禮・保氏》注所云「五馭逐禽左」也 辰 牡」,不釋經之「奉」,故《箋》云:「奉是時牡者,謂虞人也。」 冬獵連類稱之耳。《傳》中多有此例。 狩」,而此則又引《周禮・獸人》文以廣證「時牡」之義,實因 訓「時」爲「是」。 也。 大,孔碩,猶孔阜也。 《騶虞》傳:「虞人翼五豝,以待公之發。」即此義也。 雅・釋詁》文。《十月之交》、《文王》、《韓奕》、《訪落》傳竝 之,舍拔則獲。【傳】拔,矢末也。【疏】「時,是」、《爾 括,會也,與弦會也。」《玉篇·木部》:「拔,矢末也。」 」訓「時」。 冬獻狼,夏獻麋,春秋獻鹿豕群獸。 奉時辰牡,辰牡孔碩。【傳】時,是,長,時 時牡,謂冬獵之獸也。 時、是同聲,古文以「時」爲「是」字也 ○《箋》云:「左之者,從禽之左射之 獲,言中禽也 上章《傳》云「冬獵曰 且《傳》釋經之「辰 公曰左 碩

車鸞鐮,載獫歇驕。《傳》輔,輕也。徐、歇縣,田遊于北園,四馬既閑。《傳》開,習也。 輔

+

詩毛氏傳疏

皆當作「閒」。《箋》以《序》「田狩園囿」分屬二事,遂謂公遊 犬也。 鑾,故曰「鑾鑣」。 也,當即從公媚子之所乘。《車攻》傳:「諸侯發,則大夫、 副也。」案張以「屬車之酱」解詩之「輔車」,此輔車爲倍乘 張衡《西京賦》:「屬車之 莲、載獫 獥獢。」薛綜注云:「 造 之馬」、恐非《詩傳》之恉。 北園爲田獲以前,竝讀「閑」爲「邦國六閑」、四馬」爲「四種 以閑之也。 有禮,故戎事閑也。」《書大傳》:「戰鬭不可不習,故于搜狩 之好。」是閑、習同義。《禮記・仲尼燕居》篇:「以之田獵 馬,即四駿也。 敖,文義正相同也。 首章言狩,此章言北園,與《車攻》篇上言狩言苗,而下言干 言之,遊亦田也。 士發。]上言公射,此乃及大夫以下推廣言之耳。 《爾雅 「遊,觀也。」《書・無逸》篇云:「于觀于逸,于遊于田。」渾 **一獫」、「歇驕」爲「田犬」,而又引《爾雅・** 《説文》:「輶,輕車也。《詩》曰:「輶車鑾鑣。」」鑣在 長喙曰獫,短 長喙, 閑之者,貫之也。 《還》序云:「習於田獵謂之賢,閑於馳逐謂 獫; 古者田在園囿中,北園當即所田之地 詳《蓼蕭》篇。 北園、未聞。秦有具圃、見《左傳》。 短喙,猲獢。」《説文》:「獫,長喙犬 喙 日歇驕。 〇「輔,輕」、《釋言》文。《文選》 貫之者,習之也。」案閑,古字 載,載於車也。《傳》釋 【疏】《有杕之杜》傳" 釋畜》文以分釋之。 鸞,當作 四

> 也。二獨 喙犬謂之猲獢。」「獢,猲獢也。」是許所據《詩》、《爾雅》作 獨獢」。 "知喙犬也。 郭注《爾雅》、李注《文選》引《詩》皆同 《 詩 》 曰: 「載獫猲獢。」《爾雅》曰: 「短

《小戎》三章,章十句。

至岐卒。」 殺幽王,而襄公將兵救周,戰甚力,有功。 圍犬丘,世父擊之,爲戎人所虜。 婦人能閔其君子焉。【疏】《秦本紀》:「襄公二年,戎 戎,西戎方彊而征伐不休,國人則矜其車甲, 《小戎》,美襄公也。 備其兵甲以 七年,西戎與申侯伐周 十 一年,伐戎而 討 西

輈上句衡也。一輈五束,束有歷録。 轂,駕我 禦出也。 俊,浅,收,軫也。五,五束也。 鞘,所以 陰靭鋈續。【傳】游環,斬環也。 小戎俴收,五楘梁輈。【傳】小戎,兵車也。 八引也。 齊驅 、騏馵。 慎駕具,所以止入也。 鋈,白 【傳】文茵,虎皮也。 金也。 續,續期 桑,歷録也。 游 在背上 游環 陰,揜軓 暢 文茵暢 毂,長毂 脅驅, 梁輈, 一,所以 也。

也。

騏 騏

文也。

左

足 白

日

馵。

言念君子,温其

貫之,則驂馬 其出。」禁,即禦也。 馬得其義,而靳環兼驂馬得其義也。 Ę 具,所以止人也」者、《箋》云: 出也」者、《箋》云: 馬之胸,當胸之革爲靳。 從子如驂之有靳。」《説文》:「靳,當膺也。」 驂馬之首當服 環」各本作「靭環」,今依《釋文》訂正。 游,猶流也。 束爲五尺,當在近衡之前五尺,不在近帆之後五尺矣。 四尺四寸。 五楘爲衡束,故申釋「五楘」之義云「一輈五束,束有歷録」: 車歷録束文也。」與《傳》訓同。 東之文是曰楘。《釋文》:「楘,本亦作「鞪」。」《説文》: 「楘 襄二十四年《傳》:「張骼、輔躒、皆踞 ○經言「五」、《傳》云「五束」。 「軫」也。 〈傳》既以「輈上句衡」釋「梁輈」之義,「句 一輈共五束,東文有歷歷録録然也。 輈在與下者謂之任 任正如隧深,在興下四尺四寸,合之帆前十尺,輈長寸 後軫,故可踞、可鼓琴。 鄭司農云: 不得外出,故曰「禁其出」也。 設環流於服馬背上,是謂之游環。《傳》「斬 「游環在背上無常處,貫驂之外轡,以 蓋環游於服馬之背上,而驂馬之外轡 「四馬之轅,率尺所一縛。」然則 靳上有環,謂之靳環。 「脅驅者,箸服馬之外脅,以 束,約也。 梁輈謂曲轅,五楘謂輈束。 此亦兵車淺軫之義證 云「游在背上,所以禦 定九年《左傳》: 轉 五束,五約也。 而鼓琴。」「轉 」與「軥」同,又嫌 云「脅驅慎駕 游環就 與 服 \bigcirc 五 即

謂

+

書

《玉篇》並云:「靷,引軸。」案軸在興下者謂之横任。 牙錯相嵌而函之,範圍此輈,故謂此處爲朝。」《箋》云:「揜 ○「陰,揜軓」,陰' 慎重,而驂馬亦不得退入於後,故曰「所以止驂之人」也。 緊之處,驂馬之內轡倚箸於服馬之外脅,則服馬駕具亦得 止驂之人。」是驂馬首與服馬脅適 者,系於靷之環,白金爲環之飾也。《箋》云:「鋈續,白金 雅》:「白金爲之銀,其美者謂之鐐。」《小箋》以爲古《毛詩 引 朝在軾前,垂輈上。」是也。 環所以系朝,是曰續。 飾續靷之環。」《釋名》:「續,續靷端也。」蓋靷以皮爲之,靷 本皆作「泆」。 「 浃」即 上,是謂之揜軓。 皮,即《韓奕》所謂「淺幭」也。 同 急就篇》: 軸, !》稱「兩靭」。《正義》謂「靭繋於陰版之上」,非也。 「文」爲「虎皮」,各本文下衍「茵」字,當删。 車 或用革爲之,故字又從革,即 未嘗敢均茵伏。」 ,則當繫於横任,在陰版之後,横任兩頭有靭,故《左 「鞇、粃、靯、 揜雙聲。 程瑶田《通藝録》説,「前軫下輈侯起處 「鐐」字之假借也。 設於軸上,不設於軓前也。 鞲、鞍、鑣、鐊。」《史記·酷吏傳》: 徐廣《音義》云:「伏,軾也。」《漢 《傳》以「引」釋「靷」、《説文》、 軓,軾前也。 茵薦軾中,或用席爲之,字從 相 《韓奕》所謂「鞹鞃」也。 埒 服 續,猶系也。 軾前之版揜於軓 馬 之脅爲駕 文者,覆軾之 ○《傳》 續靷 啊 具 《 爾 吃

也。 《索隱》云: 鞇」,解者皆從劉説,恐未是。 《史記·禮書》「寢兕持虎」, 倚較及伏軾,故云持虎。」徐廣《音義》引《續漢 文。 得尺九寸二分,即二在外也。 當得六寸四分,即一 **轂之長,去一以爲賢,去三以爲軹。參分其轂長,二在外,** 作「暘」。」《廣雅》:「暘,長也。」《考工記・輪人》:「五分其 志》:「文,虎伏軾。」案此文即伏之證也。 文 》: 杜、范注:「長轂爲戎車。」○《傳》「騏文」、《正義》本作「綦 傳》:「長轂九百。」又文十四年《穀梁傳》:「長轂五百乘。」 戰,是曰軝。《采芑》傳: 長於輿下者。 留其一,當得六寸四分,所以置輻也。 所引《説文》作「青驪,文如綦」,謂「白馬而有青黑紋路相交 鳩》傳同。 在内,以置其輻。」凡轂,長三尺二寸五分。 文茵、糊狀皆二事。 霍 「騏,馬青驪,文如博棊也。」段注依《七發》注、 《文選》顏延之《赭白馬賦》注引《傳》「騏,綦文」。 光傳》「加 《出其東門》箋作「綦文」,正本《傳》訓。 「寢兕,以兕牛皮爲席。 長觀,指在興外可見者言也。 畫 繡烟馮」、《列女傳 在内也。 《釋名》釋《詩》「文茵」用 「軝,長轂之軝也。」昭 内,在興下者也。 外,在興外者也。於内外閒 持虎,以猛獸皮文飾 》作「細 《玉篇》: 其用革鞔於長 其長一爲賢. 三爲軹,當 書 五年《左 「虎文爲 馮 「暢,亦 玄應書 即 《説 伏 服

同《爾雅》。 後左足爲馵。」《説文》:「馵,馬後左足白也。 驪」爲馬文,不謂「青驪馬」,仲達誤會騏馬爲青黑馬,豈騏 云「我念」,故《箋》云:「言,我也。」君子,謂乘小戎者也。 弁亦青黑弁乎? 知鄭注言「青黑」爲弁文,不謂「青黑弁」,猶《説文》言「青 《傳》「在邑」 《野有死麕》傳云: 〈傳》所本也。 (駉)/[騏]凡四 (駉)正義云: 青黑曰騏。」引《詩》云:「我馬維騏。」是騏爲青黑色。 張綦者」是已。 唯毛《傳》不言「後」者,省文耳。 爲 《易 「騏、黑色之名。」《顧命》「四 見。 在敵 《尸鳩》正義云: 如如 孔説非是。 《爾雅 説卦傳》: 邑, (玉,德如玉也。]板,古作「版」。 則 知 釋畜》:「馬後左足白,馵。」 「震爲馵足。」虞翻注: 板 此及《皇皇者華》、《采芑》、 「馬之青黑者謂之騏。」又 屋爲西 戎板屋矣。 人騏弁」,注 ○言念,二章 讀若注。」並 「馬白 下章 《漢 不

騧。

几 牡 孔阜, 六轡在手。 騏駵是中 騧 驪

盾

卷

+

則心亂

此上四句者,婦人所用,閔其君子。

公十年,伐邽。

漢武帝改爲天水郡。

其鄉居悉以板蓋屋,

詩》所謂

「西戎板屋」

|也。」《箋》云:

「心曲,心之委曲也,憂

《秦詩》曰:「在其板屋。」」又酈注《水經・渭水》篇:「秦武

地理志》

「天水隴

西,

Ш

多林木,

民以

板爲室屋,故

黑

華》,而「 詳。 也」者,其,當作「於」、《正義》不誤。 Ž. 上章 曰犉」合。 《爾雅》作「黄馬黑脣,犉」,與《無羊》、《良耜》傳「黄牛黑脣 《爾雅》:「白馬黑脣,駩。 則知《小戎》、《駉》之「駵」亦或兩釋之矣。 也。 《釋文》:「駩,孫本作「犉」,云:「與牛同稱也。」」孫炎所 爲人經始見之馬。「駱」首見《四牡》,「駰」首見《皇皇者 駵」,疑《傳》文有此六字,今羼入《箋》語。《傳》凡言馬色必 驂内轡也。 軜。 云:「今以淺黄色爲騙馬。」疑郭景純所見《爾雅》本不誤。 是驂。【傳】黄馬黑喙曰 喙者謂之騙。 , 刻 「中,中服也。 「騏」義已見上章。 《傳》 畫龍文於盾也。 方何爲期,胡然我念之?【疏】[赤身黑鬣日 【傳】龍盾,畫龍 「駱」與「駰」又見於《駉》。 <u> </u> 此謂馬、牛同矣。 言念君子,温其在邑。【傳】在敵邑 驖 爲此《傳》所本。 験,兩騑也。」○《傳》云「龍盾,畫龍 ,驪也。」驪 《齊語》: 「駵」義雖箸於《駉》篇,而此 其盾也。 黑喙,翳。」白馬,當作 黄馬而黑脣者謂之犉,黄馬而 「輕罪 易識之馬,例不傳。 尋《傳》之例,皆兩釋之, 龍盾之合,鋈以 騧即冢上犉言。 合,合而載之。 畫 贖以 ,刻畫也。 鞼 解見《駉》篇 盾一 「黄馬」。 戟。 畫龍於 「駵」實 《箋》 郭注 其盾 鞼 觼 情,以期望之。」意與此同 訓「方」爲「有」,此「方」亦爲「有」也。何爲、胡然,皆疑問之 之觼軜。 環,是謂之轙。 轡,皆先貫於服馬之游環,其兩驂外轡從游環復入車軶大 車衡載轡者。或作「钀」。」然則四馬八轡,兩驂馬各有内外 之環也。 當讀 ○經言「在邑」、《傳》云「在敵邑」,敵謂西戎也。 皆足以申明《傳》義。 乎車也。」與此《傳》「載」字同義。 王肅云:「合而載之,以 「三公持納。」持納,謂軾前也。 繋於軾前。」《説文》云:「觼,環之有舌者。 爲車蔽。」〇《傳》釋「軜」爲「驂内轡」。 云「合而載之」者,謂覆合而載於車也。 期逝不至,而多爲恤」、《傳》云:「遠行不必如期,室家之 「觼」之假借字。 · 勒,駿馬內轡繋軾前者。《詩》曰:「茨以觼軜。」案鄭、許 言有歸期而不歸,使我念之不已也。 畫 **軜之言納也,謂納於觼也。** 績」之「績 《箋》云:「鋈以觼軜,軜之觼以白金爲飾也。 其兩驂内轡從游環復貫軾前之大環,是謂 又《釋器》:「載轡謂之轙。」《説文》:「轙 《爾雅・釋器》:「環謂之捐。」「捐」即 詛 詩 龍 盾 楊注云"「「納」與「軜」同。」 同。 内轡納於觼,故在手 觼者,所以貫驂内轡 盾 《大東》傳: 《小雅·杕杜》篇 狀 如 或作「鐍」。 蓋 《鵲巢》傳 故 「載,載 曰 合 軜

,

《正義》云:「叴矛,三隅矛,刃有三角。」今據《正義》補正 文 也。 興。 鄭注《顧命》云:「戣、瞿,蓋今之三鋒矛。」凸與戣、瞿 也。」《箋》云:「駟,四馬也。」俴駟,猶言駟介。 也。 案「駟馬」之「駟」當作「四」,「不」字衍。 《箋》云:「俴,淺也。 閉、維、線、繩、騰、約也。言念君子、載寢載 韔,弓室也。 膺,交韔二弓,竹閉組縢。【傳】虎,虎皮也。 馬四, 戎車之馬皆箸甲矣。《清人》「駟介旁旁」,《傳》云:「介,甲 《箋》申《傳》也。《釋文》引《韓詩》:「駟馬不箸甲曰俴駟。」 秩秩,有知也。【疏】《傳》以「四馬」釋「駟」,「介」釋「俴」。 「甚」,甚群者,旁旁之意也。 「駟」,「箸甲」解「俴」。《韓詩・六月》傳云:「馬被甲。」則 巨鳩切。」段注云:「《詩》「叴矛」是此「叴」字。」案《説 四介馬也。 金部》引《詩》正作「叴」。《傳》文「叴」下奪「矛」字。 蒙,討羽也。伐,中干也。 厭厭良人,秩秩德音。【傳】厭厭,安静也。 **俴駟孔** 膺,馬帶也。交報,交二弓於報中也。 ·群, 公矛鋈錞, 蒙伐有苑。 【傳】 後 孔,甚也。 公矛,三隅矛也。 謂以薄金爲介之札。介,甲也。」此 ○《説文・口 苑,文貌。 韓亦以 部》:「叴,高气 虎韔 四馬 孔 錞,鐏 鏤

… 〇四

繩

<u>.</u>

刃犯難 衣也 伐 農《周 中盾也。 語 詩 也。 皮爲弓韔,故《傳》云: 羽」之義。 之漢鐓,漢人則謂之銅鐏。 也。」字皆作「鐓」。 底曰鐓。」此析言之也。 鐏,後其刃。 《御覽・ 「鐓,讀 朱干舞《大武》」,或舞下以染朱羽爲飾與? 詩》曰: 》用假借作「伐」。 ,故曰厖伐。」鄭説 ,以羽冒 討,治也。 也。 禮 $\widetilde{\Xi}$ 而鐵無患者,何也? 錞、鐏以疊 兵部八十四》引《詩》亦作 大盾曰櫓。 「頓。」是鐓狀固平底矣。 「叴矛 芙錞。」」段注據玄應書《説文》作「鐓 《箋》云: 《説文》: 匈 1覆頭上。」案仲師所云「蒙羽」即本此《傳》「蒙,討 舞師》注: 也 進矛 戟者,前其鐓。」鄭注云: 謂治羽而覆於中干之上,是曰蒙伐。 韻 《淮南子・原道》篇云: 傳 「蒙, 厖也。 不同。 **路爲訓。** 「苑」訓「文皃」者,謂羽飾 我,盾也。」「干」與「我」同。 《傳》云「伐,中干」,《玉篇》誤爲《箋》 「虎'虎皮。 型舞 以 《説文》: 馬 《玉篇》引三家《詩 ○《傳》云「蒙,討羽」者,蒙,覆 `蒙羽舞。」又《樂師》注: 禮 以其託於後位也。」高誘注: 帶 記 討,襍也。 白金爲凸矛下飾、《詩》謂 釋 韔,弓室也。」弓室,猶弓 「錞,矛 「鐓」。 曲 膺 [禮》: 《玉篇》: 馬 輓 畫襍羽之文於 「猶鐓之與刃。 「鋭底日鐏 秘下 帶 ○虎韔,以 進戈者,前其 》作「瞂」,《毛 也。 非馬 - 銅鐏 《禮 中 「鐓,鐏 大帶。 <u>...</u> 戦即 「聖舞 鄭司 》稱 **ず** 也 虎 案

《傳》文 緄。 」此 與路車 縢」,此 《角弓》傳:「不善紲檠巧用,則翩 詩既言交弓於韔中,又用竹檠約之以繩,所以虞其翩 之「柲」,而即以《考工記》「終紲」之「紲」釋之,實一 因之評繁日紲。 者,爲發弦時備損傷。 《考工記》「譬如終紲、引如終紲」,注: 《詩》云: 注 竹閉,以竹爲閉 是也。二弓、《閟宫》謂之「重弓」。 也。」鏤膺與鉤膺不同。 有「二弓」二字。《正義》云「交二弓於韔中,謂顛倒安置之 「檠,榜也。」「榜,所以輔弓弩也。」「紲,繫也。」案繫檠曰 白膺, 革有金飾,故曰鏤膺。 `大帶在腹下,馬帶在匈前 「柲, 弓檠。 ~~ 縨 ·制異也。 縢 緄」有「約」義。 「竹柲緄縢。」古文「柲」作「粊」。」「閉」亦爲「紲」、 騰,謂約之必以繩 有 繩; 「繩」義。 也。 縢 毛意蓋讀詩之「閉」爲《既夕・記》「有 鉤膺,詳《采芑》篇。 弛 則 約 閉 《詩》云: 縛之於弓裹, 鉤膺下 《少儀》「甲 《閟宫》「緑縢」、《傳 亦作「柲」。 一疑 有 也。 也 互 垂,而鏤膺不下垂。 「竹製組縢。」《説文》云: 《箋》云:「鏤膺,有刻金飾 一譌。 馬帶以革爲之,箸於匈 緑 不組縢」、《周書 騰者,其繩色緑也。 報,即 然而反。」是其義 《既夕• 備損 ○《傳》文「交韔 紲,弓靴。 宋策》: 傷, 「虎韔」之「韔」。 》亦訓 記》「有柲」、 東 以 竹爲之。 弓有 組 此 「縢」爲 》有「金 反 物 一下當 戎 矣。 也 柲 紲 也 前 然 百

馬

故

不也 《綢繆》毛傳「良人,美室」同義,未審毛於此詩「良人」然 秩秩德音。」此之謂也。」案此三家釋《詩》「良人」指婦人,與 賢明》篇: 言》同。《爾雅》:「秩秩,智也。」古知、智通用。《列女傳・ 也。」此云「安静」,各隨文訓也。 賈公彦疏
上作 《詩》作 「愔愔」。 「君子謂於陵妻謂有德行。 緄 愔 繩; 」即「懕」之異體。 縢 約 約 矣。 厭,古「懕」字。 ○ 《湛露》傳: 《詩》云:「愔愔良人, 「秩秩,有知」,《巧 **懕懕**,二家 厭 厭 , 安

蒹葭》三章,章八句。

《蒹葭》,刺襄公也。未能用周禮,將無

以固其國焉

事成。 以至也。 道阻且長。 方。【傳】伊,維也。 亷; 葭,蘆也。 蒹葭蒼蒼,白露爲霜。【傳】興也。 國家待禮,然 遡游從之,宛在水中央。 【傳】逆 蒼蒼,盛也。 **灬後興。** 流 而 方,難至矣。 上 白露凝戾爲霜,然後歲 所謂伊人,在水一 日 鎙 洄。 【傳】順 遡洄從之, 逆 禮 則 流 莫 兼, 能 而

討 ※ 得國興。 雅 所謂是知周禮之賢人。」此《箋》申《傳》也。 也,猶言是人也。《箋》云:「伊,當作「緊」。 《伐木》、《白駒》曰「伊人」、《烈文》及《雝》曰「維人」。 晞、未已就未爲霜言,喻未得禮。 游,猶順禮。 蒹葭之盛,喻國家之興。 露凝戾爲霜,然後歲事成」也。 月之前,而「白露爲霜」乃在九月已後,故《傳》又申之云「白 也。《廣雅》:「蒼蒼,茂也。」盛、茂義同。「蒹葭蒼蒼」在七 「七月,秀蓕葦。」蒹葭即茬葦之未秀者,七月始秀而成爲茶 其初生三月中,其心挺出,其下本大如箸,上鋭而細。 義引《義疏》亦云:「薍,或謂之荻。 薕。」《説文》云:「蒹,莅之未秀者。」「薕,蒹也。」《碩人》正 涉 人謂之馬尾。」「葭,蘆」,《騶虞》、《碩人》同。《夏小正》: 隒 聲之轉,伊其即維其,伊何即維何,伊人即維人。此篇及 日 ,厓也。」《疏證》云:「方,猶旁也。《秦風》傳: 釋草》文。 遡 赚、厓、厲,方也。 游。 此一興也。 此又一興也。 順 郭注云:「似藡而細,高數尺。 禮 求 下皆以水爲喻。 濟 邊、厓、旁、隒,方也。」又《釋邱》: 此一興也。又言霜至物成,喻禮 道來迎之。 首章爲霜,喻已得禮。 案此詩多用興體也。 餘義三章盡同。 至秋堅成,則謂之茬。 【疏】「蒹,簾」,《爾 遡洄,猶逆 緊,猶是也 《廣雅 江東呼爲 「湄、水隒 ○伊、維 下章未 禮; 先言 楊州 釋 遡

游 言之。 釋「宛在水中央」句。 下曰游游。」「下」字疑亦當作「上」字。逆流爲洄,順流爲 句。 向同字。 游洄也。」《公劉》、《桑柔》傳:「遡,鄉也。」遡、游同字,鄉 洄。 雅 假喻以言遠。」《箋》正申成《傳》義。 也。 亦是涉也,不作「下」字。 游,渡水皆是鄉上也。 之意。《東門之壇》傳云:「得禮則近,不得禮則遠。」〇《爾 故云「難至」。 義亦相通。 武》傳:「濆,厓也。」《汝墳》傳:「墳,大防也。」「方」與「防 天一方」,古詩云「各在天一涯」,「涯」與「厓」通。」 奂謂《常 「汓」同。《傳》就濟渡言,故云「順流而涉」。 其實逆流而上 逆流而上爲淚洄,順流而上爲淚游。是以逆、順分洄 《雄雉》、《谷風》傳並云: 「海、《詩》作「遡」。」《説文・水部》:「海,逆流而上曰渧 涘, 厓也。」即經所云「水一方」也。 游,向也。 釋水》:「逆流而 云「逆禮則莫能以至也」者,此兼釋「道阻且 隄防與厓岸一也。《箋》云:「在大水之一邊: 《傳》合「在猸」、「在涘」而言。此亦其人甚遠 水欲下, 違之而上也。 央,亦中也。 《説文》:「汙,浮行水上也。」「游」與 上日 云「順禮求濟道來迎之」者,此 淚 「阻,難也。」《爾雅》:「順流而 洄。」《傳》所本也。《釋文》 中坻、中沚,就首章而 一方爲曲隈蔽隱之處 字或作「遡」。」「洄 故蘇武詩云『各在 長 申 兼

水隒也。 中坻。」許同《傳》訓。 也。 藟》傳:「漘,水隒也。」「湄」與「漘」皆有「垂邊」之義,故 遡游從之,宛在水中坻。【傳】坻,小渚也。【疏】 《傳》訓相同。 也。」《箋》云:「未晞,未爲霜。 今《釋文》亦倒誤。 宋本作「淒淒」,不誤也。《釋文》:「淒淒,本亦作「萋萋」。」 本作「萋萋」訓「盛」,已見於《葛覃》傳,不當云「猶蒼蒼」矣。 淒淒,讀爲「萋萋」,故《傳》與上章「蒼蒼」同訓爲「盛」。若 「坻」乃易之云「小渚」者,沚、坻皆是絶小之稱,不復區 《斯干》、《長發》異,故不云《釋詁》文也。 「隮」。」《正義》本當作「隮」字,與《蝃蝀》同,而與《候人》、 《説文》:「坻,小渚也。从土,氐聲。《詩》曰:「宛在水 小渚曰沚。 晞,乾也。所謂伊人,在水之湄。 蒹葭凄凄,白露未晞。【傳】淒淒,猶蒼蒼 遡洄從之,道阻且躋。【傳】躋,升也。 「躋,升」,《釋詁》文。《釋文》:「躋,本又作 小沚曰坻。」《傳》於「沚」用《爾雅》,而 《湛露》「匪陽不晞」、《傳》亦云:「晞,乾 《甫田》箋云:「坻,水中之高地也。」 言未凝戾爲霜也。」〇《葛 《爾雅》:「小州 【傳】湄 别 於

也。未已,猶未止也。所謂伊人,在水之涘。蒹葭采采,白露未已。【傳】采采,猶淒淒

三〇七

(傳)美, 厓也。遡洄從之, 道阻且右。【傳】右,

或作「持」。」郭注《穆天子傳》云:「持,小渚也。」 案「大」字誤。《説文》亦云:「小渚曰沚。」《爾雅》釋文:「本 作》注引《韓詩》「宛在水中沚」、《薛君章句》:「大渚曰沚。」 其前」之義。「小渚曰沚」、《釋水》文。《文選》潘岳《河陽縣 之義。上章《傳》云「躋、升也」、升、猶前也、即本《爾雅》「出 《傳》云「出其右」者,謂水出道右也,正本《爾雅》「出其右 其義別。○「涘,厓」,詳見《葛藟》篇。《爾雅・釋丘》:「水 氣有所制止也。」據劉熙所見《爾雅》,「正」乃「止」之誤。 左,營丘。」《釋名》:「水出其右曰沚丘。 出其前,渻丘。水出其後,沮丘。水出其右,正丘。水出其 或言既,或言已。「已止」之「已」、《詩》或言止,或言已。 凄、采采一語之轉。 已爲止,未已爲未止,《緑衣》傳同 采,衆多也。」是采采亦爲盛,故云「猶淒淒也」。 蒼蒼、淒 出其右也。 「已止」之「已」與「已然」之「已」不同。 「已然」之「已」,《詩》 曰沚。【疏】《芣苢》傳:「采采,非一詞也。」《浮游》傳:「采 遡游從之,宛在水中沚。【傳】小渚 沚,止也。西方義 此

《終南》二章,章六句。

周土。」《終南》,戒襄公也。能取周地,始爲諸《終南》,戒襄公也。能取周地,始爲諸

鎬之南山,必非秦履。 列爲諸侯。」據此,知襄公賜封僅有岐西,尚無岐東。 之岐以西之地。其子文公遂收周餘民有之,地至岐。 此。 南。 【疏】《漢書·地理志》:「右扶風武功大一山,古文以爲終 也。 東獻之周。」《漢書・匈奴傳》亦云:「秦襄公伐戎,至 郊,始 南,未是也。《史記·秦本紀》言:「平王封襄公爲諸侯,賜 漢京兆長安縣之南山,今陝西西安府南五十里終 物皆在雍州渭南。 宜也。君子至止,錦衣狐裘。【傳】錦衣,采色 南,周之名山中南也。 古文《尚書》終南、惇物皆在武功界内,而以大一當終 酆在長安西,鎬在長安東,則終南爲周酆、鎬之南 垂山,古文以爲敦物。 狐裘,朝廷之服。 終南何有? 惇物,漢扶風武功縣之南山,而終南爲 《傳》云「終南,周之名山中南也」者 有條有梅。 條,稻,梅,柟也。宜以戒不 顔如渥丹,其君也哉。 皆在縣東。」案《禹貢》終南、惇 【傳】與也。 南山 至豐、 岐以 終 山 即

樟

豫樟葉大如

4年耳,

頭

尖,赤心,華赤黄,子青,不

可 豫

同 Ħ

《衆經音義》引樊光注云:

|荆州

日

一梅,楊州曰柟,

益州

「赤楩。

葉似豫樟,無子也。』《義疏》云:

「梅樹皮葉似

稻

17,今山

「楸也。」郭璞注同。

梅,

`柟」、《釋木》文、《墓門

用毛義,謂「條」即「槄」之假借字也。《正義》引《義疏》云:

`山榎。」孫炎注引《詩》「有條有梅」,云:「條,槄也。」孫

魏無汾,而《汾沮洳》名篇,正是一

例。

○《爾雅・

釋木》:

槄

徑,故秦大夫偶以終南起興。

秦無終南,而《終南》名篇,

故宗廟宫室盡爲禾黍,而襄公來朝受命東都,終南道

所由 其

謬者也。

然則詩

何以詠終南也?

終南爲周西都地,

辞

因以西起秦隴

,東徹藍田,横亘八百里皆屬之終南,則謬之

似》篇亦云"「受周故地酆、鎬。」其誤與《詩譜》同。

而説者

疑

襄公遂横有周西都畿内八百里之地。」高誘注《吕覽・

、統穆、孝以後

及而言。

自鄭康成誤讀班《志》、《詩譜》云:

列爲諸侯。」此班孟堅括《史記》襄公至德公以後而言,下文

「故秦地於《禹貢》時跨雍、梁二州,《詩》風兼秦、豳兩國」,

地

也。

《地理志》:

「襄公將兵救周,有功,賜受郊、酆之地

中南,「中」與「終」通。

終南爲周之名山、毛《傳》既有明文:

〈序》云「能取周地」者,亦謂取周岐西地耳,非以周山爲周

昭

四年《左傳》:

_ 同

馬 州侯曰:

异

南,九州之險。」」終南

即

明矣。 也。 作「上衣」,字之誤。 非諸侯則不用錦衣爲裼。」案鄭言「裼衣象裘色」,「裼衣」當 也。 錦 白裘色也。 素錦爲衣覆之,使可裼也。 者,狐裘,狐白裘也。《玉藻》:「君衣狐白裘,錦衣以裼之。 弁服有采衣。 故服諸侯朝服視朝 無采衣。」案麻衣,朝服也。 箋》云:「宜,謂言山所宜,以戒不宜,此説起興戒勸之意。」 與上庸、 堅、子白者材脃、江南及新城、上庸、蜀皆多樟柟。 食。 Ξ ○《傳》以「采色」 詁 之所宜有也,以興襄公始爲諸侯,宜乎長受此顯服。 此合下章而總釋大義。 「衣狐裘,諸侯之服也。」鄭注云:「君衣狐白毛之裘,則 《詩》云:「衣錦絅衣,裳錦絅裳。」然則錦衣復有上衣 《逸周書‧大匡》篇: 「及期日質明,王麻衣以朝,朝中 「錦者,襍采爲文,故云采衣。」是孔據《傳》作 **柟葉大,可三四** 天子狐白之上衣,皮弁服與? ·新城通,故亦有柟也。」《傳》云「宜以戒不宜 若諸侯之皮弁服、《論語》所謂「素衣麛裘」也 采衣,即錦衣矣。 天子皮弁服上衣,以白布爲之,是象狐 ,以示貶。 「錦衣」・疑「色」乃「衣」之誤。 葉 終南之有條、梅,又有基、 蘩, 天子皮弁,日視朝。 袒而有衣曰裼,必覆之者,裘褻 木 諸侯朝服無采衣,唯天子 《傳》云「狐裘,朝廷之服 理 細細 緻 凡裼衣,象裘色 於豫樟、子 此因荒變 堂,皆 《正義 終 赤 「采衣 也 者 南 佘小 也 者 以 材 山

後人依《毛詩》改之也。 文》引《韓詩》作「沰」,云:「沰、赭也。」赭、沰聲通。 禮合。○「渥丹」,「丹」字疑誤,當同《簡兮》作「渥赭」。 是錦衣狐裘,唯諸侯在天子朝廷君臣同服之衣。《書大傳》 弁服,裼衣者,錦衣也。 服,裼衣者,素衣也。 朔與天子日視朝之正服,故諸侯在己國行廟受之禮皮弁 氏入廟冕服也。 裨冕,釋幣于禰」,注云:「裨冕者,衣裨衣而冠冕也。」此侯 衣爲貴顯之服矣。《夏小正》:「九月,王始裘。」亦與秋觀 云:「命於其君,得命衣文駢錦。 天子皮弁服之制,明在朝廷不在廟中也。 廟則冕服。天子諸侯君臣同服。 于朝、于廟、皆皮弁服有裼衣、若王朝于朝則皮弁服 公揖人。公裼,降立。 禮》:「賓皮弁聘,至于朝,公皮弁迎賓于大門内。 人皮弁用璧勞。 《聘禮 丹」,則聲不通矣。 「皮弁者,天子之朝朝服也。」此侯氏初來皮弁服也。 「侯氏 》注云: 「皮弁時 秦襄公入覲,以錦衣爲狐裘之裼,此正同 侯氏亦皮弁迎于帷門之外,再拜。」注云: 今《韓詩外傳》引《詩》「顔如渥赭」,或 其裘,則麝青也。 賓裼,奉束帛加璧享。」是侯國朝聘 其裘,則狐白也。 或素衣,其裘同可 《簡兮》傳云:「渥,厚也。」《箋》 未有命者,不得衣。」是錦 《覲禮》:「至于郊,王使 諸侯在天子朝廷皮 皮弁服爲諸侯視 裼衣,即中衣也。 7知。」是 及廟門 也。 若作 **而** 《釋 《聘 干

哉,儀貌尊嚴也。」 云:「渥,厚演也。 顔色如厚演之丹,言赤而澤也。 其君

0

也

《傳》釋「紀」爲「基」,基爲山厓之下,堂爲山厓之邊。 《傳》所本。 「棠」,蓋亦本《韓詩》也。」○「黑與青謂之黻」,《考工記》「畫 元以「紀堂」爲終南之物産,則是讀「紀」爲「杞」,讀 出,則璆琳琅玕、《夏書》載焉。 詩》。柳宗元《終南山祠堂碑》曰:「其物産之厚,器用之 「考《白帖・終南山類》引《詩》作『有杞有棠』,所引蓋《韓 「畢也」二字,孔仲達所據已不能諟正矣。 名,邊如堂之牆然。」此鄭申《傳》說。 云:「基也、堂也、亦高大之山所宜有也。 之矣。」案段説是也。 「平如堂」、非也。 「堂」謂「畢道平如堂」,「平」字當衍。《小箋》云:「定本作 不忘。【疏】紀,讀與「基」同,古己、其聲通也。 黑與青謂之黻。五色備謂之繡。 堂,畢道平如堂也。 終南何有? 畢者,道名,謂終南山之道有厓岸如堂牆者也 此自兩厓壁立言之。平如堂,則自道言 《爾雅•釋厓岸》:「畢,堂牆。」此 君子至止,黻衣繡裳。 有紀 紀堂條梅、《秦風》詠焉。」宗 有堂。 今本《箋》「基也」誤作 佩玉將將, 【傳】紀, 畢,終南山之道 《詩述聞》云: 《傳》釋 基也。 壽考 【傳】 《箋

冕也。 不得備滿刺五色。《傳》云「五色備」者,所以釋經「繡」字 之訓,蓋唯冕服之裳有繡文也。 子男自毳冕以下,不得備畫績五色。子男未出封四命,又 畫 續皆有五色,山、龍青、華蟲黄、作繪黑、宗彝白、璪火赤, 工記》:「五采備謂之繡。」五色即五采也。 子賜諸侯、大夫冕弁服於大廟,歸設奠,服賜服。」]案冕,裨 何也? 在天子朝廷不得服所賜之服。此亦詩詠黻之義歟?《考 子之卿六命言之,其例正同。又《曾子問》:「孔子曰:「天 用黼,不應用黻。 蠻,雖大,曰子。」則是襄公始封諸侯,當始就子男之命,應 (九跋)》之「繡裳畫刺」自有等差。 出封爲子男五命。」《曲禮》云:「其在東夷、北狄、西戎、南 珩之例。天子卿六命,出封爲侯伯七命。 會將中軍,且爲大傅。」此公之孤四命有黻也。 續之事」文。宣十六年《左傳》:「晉侯請于王,以黻冕命士 諸侯黼,大夫黻,天子大夫與列國大夫同。 | 績之五色也。 弁,爵弁,即玄冕也。天子所賜冕弁必歸奠而後服, 此與《唐・無衣》篇晉武公始封侯伯,二章仍就天 黺 而詩詠黻衣,仍從天子大夫四命之節者, 絲、黼、黻亦備五色,黹刺之五色也。 將將,猶瑲瑲也。 故《終南》之「繡裳」與 天子大夫四命, 古者常刺與畫 黻如赤韍、蔥 《禮器》云:

《黄鳥》三章,章十二句。

學《齊詩》,說異。 學《齊詩》,說異。 學《齊詩》,說異。 學《齊詩》,說異。 是詩也。 《黃鳥》,君子謂穆公收良以死。」《詩序》與《左 京之、爲之賦《黄鳥》,君子謂穆公收良以死。」《詩序》與《左 京之、爲之賦《黄鳥》,君子謂穆公收良以死。」《詩序》與《左 東之、爲之賦《黄鳥》,君子謂穆公收良以死。」《詩序》與《左 以子車氏之三子奄息、仲行、鍼虎爲殉,皆秦之良也。國人 以子車氏之三子奄息、仲行、鍼虎爲殉,皆秦之良也。國人 以子車氏之三子奄息、仲行、鍼虎爲殉,皆秦之良也。國人

明經興義,總釋全章也。 所止喻人得死,所以見三良不得壽命終,小鳥之不如,所以 名。 宛》「交交桑扈」、《傳》亦云「交交、小兒」也。《傳》以黄鳥得 兮,人百其身。【疏】黄鳥,小鳥。故交交爲小兒。《小 天,殲我良人。【傳】殲,盡,良,善也。 臨其穴,惴惴其慄。【傳】惴惴,懼也。 貌。黄鳥以時往來得其所,人以壽命終亦得其所。 誰從穆公? 子車奄息。【傳】子車,氏。奄息, 左傳》爲之「賦」,毛《傳》爲之「興」,此因興以賦,猶《葛藟》 維此奄息,百夫之特。【傳】乃特百夫之德。 交交黄鳥,止于棘。【傳】興也。 交交,小 詩本賦三良耳,而因黄鳥生興,故 彼蒼 如可 贖 者

猶詒之法,而況奪之善人乎?《詩》曰:「人之云亡,邦國 慄,誤俗字。 因 殄瘁。」無善人之謂。若之何奪之?」」此《傳》訓「良」爲 曰:「秦穆之不爲盟主也,宜哉! 盡之意也。「良」訓「善」,良人,善人也。《左傳》:「君子 人殲于遂。」《穀梁傳》:「殲者、盡也。」《公羊傳》: 其栗」之「惴」也。」皆作「栗」可證。《爾雅》:「慄,懼也。」 足以匹百夫耳。穴,讀「死則同穴」之「穴」。「惴惴,懼」, 舟》傳:「特,匹也。」云「乃特百夫之德」者,言奄息之德,乃 云:「子車氏。」《傳》所本也。 《詩》作「惴惴其栗」。《淮南・説山》注:「倕,讀《詩》「惴惴 善」之義也。「人百其身」,言百人身也 《爾雅・釋訓》文。慄,當作「栗」。《孟子・公孫丑》注引 之辭,故曰瀸積,衆多也。」案「瀸」與「殲」通。 積死非一, 「興以比。 瀸積也。」何注云:「瀸者,死文。瀸之爲死,積死非 「殲,盡」、《釋詁》文。《春秋》:「莊十七年,齊 、該賦、比 矣。 子車爲氏,奄息其名。 ○從,從死也。 死而弃民。先王建世, 子車、《左傳》 《庸•柏 瀸 者

臨其穴,惴惴其慄。彼蒼者天,殲我良人。仲行。維此仲行,百夫之防。【傳】防,比也。交交黄鳥,止于桑。誰從穆公? 子車

「防、猶當也。」防如字、義亦通。
「防、猶當也。」防如字、義亦通。
「防、猶當也。」防如字、義亦通。
「防、猶當也。」防如字、義亦通。
「防、猶當也。」所如字、《寒》謂「仲行、字」、恐非是。《傳》讀「防」稱名而一稱字。《寒》謂「仲行、字」、恐非是。《傳》讀「防」稱名而一稱字。《寒》謂「仲行、字」、恐非是。《傳》讀「防」稱名而一稱字。《寒》謂「仲行、字」、恐詩人以此分章、不當兩仲、字也。行方」。徐邈云:「毛音「方」。」是也。《箋》:
「防、猶當也。」防如字、義亦通。

表耳。 炎交黄鳥,止于楚。誰從穆公? 子車 就虎。維此鍼虎,百夫之禦。【傳】禦,當也。 與虎。維此鍼虎,百夫之禦。【傳】禦,當也。 與虎。維此鍼虎,百夫之禦。【傳】禦,當也。

《晨風》三章,章六句。

其賢臣焉。【疏】與《權輿》刺意同。《晨風》,刺康公也。忘穆公之業,始棄

鴥彼晨風,鬱彼北林。【傳】興也。歍,疾飛

晉士會以策 相應,先君謂穆公,今謂康公也。文十三年《左傳》:「繞朝贈 「心中欽欽然」,釋「憂心欽欽」句。《爾雅》:「欽欽,憂也。」 《傳》合二句爲興也。下二章以山、隰所有興國家有賢人。 如,猶奈也。 與《棫樸》訓 皆作「菀」,訓「茂」。鬱、菀一語之轉。《傳》訓「鬱」爲「積」者 〇君子,謂賢人也。 趙注云:「鸇、土鸇也。」鬱、《正月》、《小弁》、《菀柳》、《桑柔》 鳩、鴿、燕、雀食之。」《孟子·離婁》篇:「爲叢敺爵者,鸇也。 引《詩》作「晨風」。晨,古文假借字。《正義》引《義疏》云: 風,鸇」、《爾雅·釋鳥》文。《説文》:「鸇,鷃風。」而於「鴥」下 飛兒」者,「疾」與「鴥」疊韻也。《韓詩外傳》八作「鷸」。「晨 子,憂心欽欽。《傳》思望之,心中欽欽然。 如何? 賢人,賢人往之,駛疾如晨風之飛入北林。 "北林,林名」,其地未詳。 鸇似鷂,青黄色。 忘我實多。【傳】今則忘之矣。【疏】「獻,疾 ,曰:「「子無謂秦無人,吾謀適不用也。」」此即康 我,我君子也。 「槱」爲「積以薪」之「積」喻賢人之衆多者同意。 燕頷,句喙,嚮風摇翅,乃因風飛急疾,擊 《傳》云「思望之」,釋「未見君子」句。 晨風飛入北林,猶賢人之歸先君。 云「今則忘之矣」者,今與先君 未見君 如何

> 説以爲子之忘父,而乃誦之以諷文侯之忘其子, 《晨風》。」文侯曰:「《晨風》謂何?」對曰: 章,亦言之不順矣。」 據此,必此詩爲君忘其臣,故倉唐引以爲諷。 云云至「忘我實多」,此自以忘我者也。」於是文侯大悦。」 《詩》。」文侯曰:「於《詩》何好?」倉唐曰:「好《黍離 子使於文侯,文侯曰:「中山之君亦何好乎?」對曰:「好 傳》云:「魏文侯封大子擊於中山,三年莫往來。 趙倉唐爲大 字本與《傳》異、《正義》强以鄭説述毛,殊失毛旨。 公之業1乃作詩大旨,非即指詩中「忘」字也。《箋》釋經「忘. 康公之忘己」,此泥於《序》文「忘」字之故,其實《序》言「忘穆 指賢者而言。 公忘棄舊臣之事矣。《後箋》云:「《傳》文兩「之」字相 心爲思賢,與《傳》同。 思,謂穆公思之。忘,謂康公忘之。《箋》以憂 至「忘我實多」,則謂「假穆公之意,青 「鷸彼晨風 若如《箋》 《韓詩外 雖曰 承,明 シ與

貌。

晨風,鸇也。鬱,積也。

北林,林名也。

先君

招

機《疏》云:「秦人謂柞櫟爲櫟,河內人謂木夢爲櫟,椒榝之「櫟,其實梂。」孫炎云:「櫟實,橡也。有梂彙自裹也。」陸何如何? 忘我實多。【疏】《正義》云:「《釋木》:如馬,倨牙,食虎豹。未見君子,憂心靡樂。如如馬,倨好,食虎豹。未見君子,憂心靡樂。如如馬,

或曰 《後箋》云:「「六」字當爲「犖」之聲借。 駮 豹。」蓋兼《海外北經》而爲説也。 郭注引《西山經》云:「駮如白馬,黑尾,倨牙,音如鼓,食虎 樣。」「草」下「櫟實」字是名柞櫟,非子梂生之櫟也。」 奂案 子房生爲林」者合、許意謂「木夢」也。 也。」《説文》: 屬 《吴都賦》「驀六駮」,劉注即引此詩。《衆經音義》九「魏黄 虎豹,故虎疑焉。」、《説苑・辯物》篇言晉平公出畋之事同。 乘馬,虎望見之而伏。 作「枹櫟」。 《説文》「草」下「櫟寶」亦是借稱,櫟實爲梂,不爲樣。 櫟實也。 《秦詩》當是柞櫟。觀許「櫟」、「梂」二篆連屬,與陸云「木蓼 初三年,六駮再見於野」,亦引此詩爲證。」據胡説,則《傳 而與《傳》不合。 也。 ,與下章「山有苞棣,隰有樹檖」皆木相配,不宜云「獸」, 一名兹白,見《王會》篇。 [木蓼。 」與《鴇羽》、《東門之枌》「栩」不同。 其子房生爲梂。 ○「駮,如馬,倨牙,食虎豹」、《爾雅·釋畜》文。 曰樣斗。」《木部》「栩」下云:「柔也。 其草一曰 機以爲此《秦詩》也,宜從其方土之言柞櫟是 「櫟,櫟木也。」「梂,櫟實。」段注云:「陸謂 駮言六者,王肅説據所見而言。 管仲對桓公曰: 木蓼子亦房生,故説 《正義》引陸機《義疏》以駮爲梓 《管子·小問》篇: 《艸部》云:「草斗 「此駮象也。 六駮,即 《爾雅》注引《詩 者或日 烾 胡承珙 華駮。 「桓公 [柞櫟, 此詩 駮食 據

「駮」上當奪「六」字。

何 ? 是許所據《詩》、《爾雅》皆作「樣」。《爾雅》作「檖,蘿」。「蘿」 雅》二傳皆互誤,可據此《傳》文以訂正。 華」、《傳》:「常棣、移。」是也。今本《爾雅》及《召南》、《小 棣。」是也。 棣 舊本當作「唐棣、棣。 棣、《傳》必以爲唐棣、未詳聞也。」案《正義》非 檖,赤羅也。 之楊檖。 覽‧果部九》引《義疏》云:「檖一名赤蘿, 名山棃。今人謂 加‡頭,俗字。 「赤」字耳。 「檖,或作「遂」。」《説文》:「 核,羅也。」引《詩》「隰有樹 核 」。 ,則唐棣謂之棣。 Щ 忘我實多。【疏】《正義》云:「《釋木》有唐棣、常 樹及實如黎,但實甘小異,一名鹿黎,一名鼠黎。」 有苞棣,隰有樹檖。【傳】棣, 郭注云:「今楊檖也、實似棃而小、酢,可食。」《御 唐棣謂之棣,則常棣謂之移。《小雅》「常棣之 《詩正義》引作「檖,赤羅」者,疑依毛《傳》增 未見君子,憂心 《召南》「唐棣之華」、《傳》: 常棣、移」、爲《傳》所本。 如 醉。 ○《釋文》云: 也。 棣謂之唐 如 唐 「唐棣 爾 棣 何 也。 雅 如

《無衣》三章,章五句。

《無衣》,刺用兵也。秦人刺其君好攻

其好攻戰也。」定四年《左傳》:「申包胥如秦乞師,秦哀公二年,晉人、秦人戰于河曲。十六年,楚人、秦人滅庸。」是秋》:「文七年,晉人、秦人戰于令狐。十年,秦伯伐晉。十秋,亟用兵,而不與民同欲焉。【疏】此亦刺康公戰,亟用兵,而不與民同欲焉。【疏】此亦刺康公

爲之賦《無衣》。」

軍,拊 名也。 字指百姓、 姓樂致其死」者,所以明即事起興,以總釋全章也。 六「子」 言説以忘寒。」與詩義正合。 則可該緼也。 《禮記・ 矛長二丈。天下有道,則禮樂、征伐自天子出。 師 匹 「褚」同。《傳》不以袍爲緼,而以袍爲襺,義本《爾雅》。 ,,脩我戈矛,與子同 上與百姓 而勉之。 續謂今之新綿也, 緼謂今纊及舊絮也。」案「箸」與 豈曰無衣,與子同袍。【傳】興也。 【疏】「袍,襺」、《爾雅·釋言》文。字亦作「繭」。 玉藻》:「纊爲繭,緼爲袍。」鄭注云:「衣有箸之異 ,六「同 同 三軍之士皆如挾纊。」杜注云:「纊,綿 ·補,即同纊。 同 」字謂同 欲, 則 欲 百姓樂致其死。王于 《傳》云「上與百姓同欲,則百 仇。【傳】戈長六尺六 詩 宣十二年《左傳》:「王巡三 中但言上與百姓同欲,至 袍,满 寸 仇, 也 興

> 匹。 恉也。 「矛, 酋矛也。 思周道也。 農云:「酉、發聲。 常有四尺」,注:「此兵車也。 百姓之樂致其死,是《傳》申 詩人追念古明王用師之道,以慨今之不然。 天子出」、《論語·季氏》篇文。《傳》引之者,亦以總釋全章 矛」,二酋矛也,不數夷矛。 矣。《傳》云「矛長二丈」,謂酋矛也。《清人》、《閟宫》之「二 戟、酋矛、夷矛也。 案《考工記》言兵車六等,戈、軫、人、殳、戟、酋矛也。 三尋」,注:「酋、夷,長短名。 柄也。」《傳》云「戈長」者,謂戈柄之長也。《考工記》「酋矛 〇《考工記》及《廬人》「戈柲六尺有六寸」,鄭注云:「 人》「六建既備」,注:「六建,五兵與人也。」五兵者,戈、殳 征伐出自天子,則下國之兵禍自息。 「仇」與「疇」通。匹者,匹讀「秦晉匹也」之 建於兵車,長二丈。」然則叔重亦但指酋矛 直謂矛。」、《廬人》「酋矛常有四尺,夷矛 夷矛不常用,故凡矛皆酋矛。《説文》: ○「天下有道,則禮樂、征伐自 酋之言遒也。 説經義,以爲今用 八尺曰尋,倍尋曰常。 酋近夷長矣。」 此猶《匪風》之 秦本周地,故 兵 「柲,猶 者 鄭司 《廬 刺

王于興師,脩我矛、戟,與子偕作。 《傳》作,起豈曰無衣,與子同澤。 《傳》澤,潤澤也。

卷

+

「起」者、「起」讀「以起軍旅」之「起」。 「起」者、「起」讀「以起軍旅」之「起」。 「起」者、「起」讀「以起軍旅」之「起」。 「起」者、「起」讀「以起軍旅」之「起」。 「起」者、「起」讀「以起軍旅」, 「起」者、「起」讀「以起軍旅」之「起」。 「起」者、「起」讀「以起軍旅」之「起」。 「起」者、「起」讀「以起軍旅」之「起」。 「起」者、「起」讀「以起軍旅」之「起」。 「起」者、「起」讀「以起軍旅」之「起」。

《詩》作「與子皆行」。 《詩》作「與子皆行」。 《傳》行,往也。 《 與書‧趙充國傳》贊引甲兵,與子偕行。 【傳》行,往也。 《 疏》行、往同義。 豈曰無衣,與子同裳。 王于興師,脩我

《渭陽》二章,章四句。

之陽,念母之不見也,我見舅氏,如母存焉。穆公納文公,康公時爲大子,贈送文公于渭公之女。文公遭麗姬之難,未反而秦姬卒。《渭陽》,康公念母也。康公之母,晉獻

《詩》,與《毛詩》同。晉文公即位,在魯僖公二十四年。公。大子罃思母之恩而送其舅氏也,遂作此詩。」此三家為:「穆姬死,穆姬之弟重耳入秦。秦送之晉,是爲晉文及其即位,思而作是詩也。【疏》《列女傳・賢明》

舅。 馬也。 渭陽,不渡渭也。《箋》云:「秦是時都雍,至渭陽者,蓋 公也。 《傳》所本也。晜,俗「罤」字,今通假作「昆」。舅氏,謂晉文 四 以物相與曰贈,其義爲送。 馬皆黄。」此直謂乘爲四,黄爲馬者,路車乘馬爲諸侯之車 義爲賜、爲予。《大叔于田》「乘乘黄」、《傳》云:「乘黄,四 者,義不限於首見也。《説文》:「贈,玩好相送也。」凡平人 行必渡渭」者,誤也。○「贈」訓「送」,《雞鳴》、《溱洧》不傳 在今鳳翔府鳳翔縣西北。《正義》謂「雍在渭南,晉在秦東」 行送舅氏於咸陽之地。」攷咸陽在今陝西西安府長安縣,雍 乘黄,四馬也。【疏】《爾雅・釋親》:「母之晜弟爲舅。」 [馬也。]案康公作詩時,穆公尚在。 何以贈之? 我送舅氏,曰至渭陽。【傳】母之昆弟曰 渭,水名。 《嵩高》「王遣申伯,路車乘馬」,彼《傳》云:「乘馬 水北曰陽。 路車乘黄。【傳】贈,送也。 自上與下曰畀、曰貺、曰賚,其 渭陽,在渭水北。送舅氏 《坊記》:「父母在,饋 東

賜不及車馬。此賜則白王,然後行可知也。」然則康公亦白「師曠請歸,王子賜之乘車四馬。」孔注云:「禮,爲人子,三獻不及車馬。」此贈車馬,何也?《逸周書・大子晉》篇:

穆公而行歟?

注《穆天子傳》引作「贈我以璿瑰」,「璿」與 敷 ? 瓊瑰,美石也。 珠,大夫含玉亦非白玉。 也。 含象。」案杜説誤。 泣而爲瓊瑰盈其懷。」杜注云:「瓊,玉,瑰,珠也。食珠玉, 瑰列珠類。《傳》云「石而次玉」,或瑰爲圜好之石似珠者 珠,6《説文》:"「玟,火齊珠。 以納閒。」則瑰亦納閒之玉也。 玉佩」,猶「佩玉瓊琚」耳。《有女同車》傳: 瓜》、❶《子衿》傳皆云「佩玉」,❷此「玉佩」猶佩玉。「瓊瑰 念母也。 瑰玉佩。【傳】瓊瑰,石而次玉。【疏】悠悠,思也,思 一曰:圜好。」「璣,珠不圜者。」「琅玕,似珠者。」許以 成十七年《左傳》:「聲伯夢涉洹,或與己瓊瑰食之, 我送舅氏,悠悠我思。 ○《竹竿》、《有女同車》、《終南》篇及《芄蘭》、《木 古玉、石通稱也。《左傳》「贈我以瓊瑰」,郭 瓊非玉名,瑰亦非珠名。 聲伯夢食瑰,則瑰爲石之次玉者。 一曰: 石之美者。」「瑰,玫瑰 納閒有琚瑀,母又有蠙 何以贈之? 「瓊」通 「佩有琚瑀,❸所 大夫不得含 瓊

〈權輿》二章,章五句。

0

0

十

子静本改。「瓜」,原作「爪」,據中國書店影印武林愛日軒刻本、徐

子静本改。「衿」,原作「矜」,據中國書店影印武林愛日軒刻本、徐

子静本改。
③ 「琚」,原作「踞」,據中國書店影印武林愛日軒刻本、公

本、徐子静本改。 本、徐子静本改。 本、徐子静本改。

子静本改。「蠙」,據中國書店影印武林愛日軒刻本、徐

詩毛氏傳疏

受也。 《逸周書・ 者,爲道之存故也。 臥。申公、白生强起之,曰:「獨不念先王之德與? 今王 《漢書·楚元王傳》:「初,元王敬禮申公等。 偶爾憶誤。 輿」、《爾雅》注引《詩》作「胡不承權輿」。 也,受也。」「奉」與《毛詩》「繼」相近。「受」本《韓詩》也。 依》曰:「夏屋蘧蘧,高也。 選》王延壽《魯靈光殿賦》「揭蘧蘧而騰湊」,李注引崔駰《七 阿。」渠渠,無《傳》。 詁「夏」爲「大」,則渠渠爲大皃。 冠禮》注: 弓》「見若覆夏屋者矣」,鄭注云: 元王每置酒,常爲穆生設醴。 「權輿,始」,《釋詁》文。《大戴禮・誥志》篇:「百草權輿。」 「繼」。《文選》盧諶《贈劉琨詩》注引《韓詩章句》云:「承・ 《句讀》云:「夏屋,兩下爲之,有東西翼。 旦失小禮,何足至此?」穆生曰:「先王之所以禮吾三人 穆生退曰:「可以逝矣。 「渠渠、盛也。」義蓋本三家《詩》。 謂受恩。」疑是此詩章句。 「周制,卿大夫以下,其室爲夏屋。」濟陽張 周月》篇:「日月權輿。」皆謂始也。「不承權 「于嗟乎」是悲嘆之詞,不必更益「胡」字也。 今而忽之,是忘道也。]遂謝病去。]此 音渠。」案「蘧」與「渠」通。 醴酒不設, 上之意怠。」稱疾 及王戊即位,常設,後忘設 「夏屋,今之門廡 《説文・手部》:「承,奉 ○《傳》訓「承」爲 郭以乎、胡同聲 天子諸侯 穆生不耆酒 也。二人上 令文 り則四 (爾岐 《廣

與《詩》「不承權輿」之意合。

粱。 訓同。 鄭注云:「朔月四簋,則日食粱、稻各一簋而已。」然則 大夫以上食粱,四簋有粱可知。 饌設黍、稷,加 膳稻于粱西,賓北面自閒坐,左擁簠粱。」此諸侯食大夫正 【疏】《公食大夫禮》:「宰夫設黍、稷六簋。 宰夫授公飯粱 侯朔月之禮待賢者,每食之食也。 食、每食粱、稻二簋。 簠、簋異用也。 今也每食不飽。 於我乎,每食四簋、【傳】四簋、黍、稷、 饌設稻、粱。 散文則簠、簋可通稱耳。 朔月加黍、稷,共四簋。 黍、稷盛於簋,稻、粱盛於簠 于嗟乎,不承 《玉藻》 四簋有稻、粱,鄭注與毛 每食減於食。 **「諸侯朔月四** 秦先君以諸 權 諸侯 簋, 輿。 稻 禮

卷十一終

詩毛氏傳疏卷十二

長洲陳英學

陳宛丘詁訓傳弟十二 毛詩國風

國。」今河南陳州府治附郭淮寧縣,陳故都也。 以此爲三恪矣。《漢書 封帝堯之後於祝,封帝舜之後於陳。」古《春秋》左氏説 【疏】《左傳》:「子産曰:「昔虞閼父爲周陶正,以服事 文》作「愙」。《樂記》:「武王克殷,封黄帝之後於薊 以元女大姬配胡公,而封諸陳,以備三恪。」案恪、《説 我先王。我先王賴其利器用也,與其神明之後也。庸 陳國十篇,二十六章,百二十四句。 • 地理志》:「淮陽國,陳故

《宛丘》三章,章四句。

宛丘》,刺幽公也。淫荒昏亂,游蕩無

于彘。」

度焉。【疏】《史記·陳世家》:「幽公十二年,周厲王奔

《地理志》云:「婦人尊貴,好祭祀用巫,故其俗好巫鬼 府大夫者,以下篇子仲爲陳大夫,與此相類。風化之所行, 覽・地部十八》引《詩》皆作「蕩」。○《爾雅・釋丘》:「陳 之下,陳之富人有處師氏者,脂車百乘觴於韞丘之上。」此 《傳》意同也。又《韓詩外傳》云:「子路與巫馬期薪於鰛丘 又曰:「東門之枌,宛丘之栩。子仲之子,婆娑其下。」此其 《陳詩》曰:「坎其擊鼓,宛丘之下。亡冬亡夏,值其鷺羽。」 由於幽公之淫荒昏亂,帝大夫即以刺幽公,兩詩一意也。 無望兮。【傳】洵,信也。【疏》《序》刺幽公、《傳》以子 有宛丘。」餘姚邵晉涵《正義》云:「《水經•渠水》注:「宛丘 「蕩」者,即游蕩也。《楚辭・離騷》注、《六帖》六、《御 由來久矣。湯,讀與「蕩」同。湯,古文假借字。《傳》云 之所。處師氏脂車觴此,則陳大夫之游蕩無度,習成風俗 風也。」案班引兩《詩》以證陳之風俗如此,與《毛詩序》、 湯,蕩也。四方高,中央下日宛丘。润有情兮,而 「韞丘」即宛丘。陳有宛丘,猶之鄭有洧淵,皆是國人游觀 子之湯兮,宛丘之上兮。【傳】子,大夫也。

在陳城南道

東。

,而李吉甫能按其道里,樂史且計其崇卑, 以爲翳。〕類師古《漢:南三里,高二丈。」宛丘在元魏時,酈道元 「翟,翟羽也。〕舞用翟夗丘在陳州宛丘縣南三里。」《太平寰宇 也。」止持也。《小宛》:王隱云:「漸欲平,今不知所在矣。」』《元 持,執持也。《小宛》:

也。 爲異説。 《釋名》云:「中央下曰宛丘,有丘宛宛如偃器也。」李巡、孫 記》: 兮」,言信有淫情而無德望也。 炎並云"「中央下。」並與毛《傳》同。 説是也。 疑後人别指一丘以當之,非王隱所云「漸欲平」者矣。」案邵 已云「不知所在」,而李吉甫能按其道里,樂史且計其崇卑, 和 「信」者,「信」作虚義解,不作實義解。 郡縣 《爾雅》:「詢,信也。」古恂、 「在宛丘縣南三里,高二丈。」宛丘在元魏時,酈道 、志》: 「宛丘 《爾雅》又云: ○洵,讀爲恂。《説文》:「恂,信心也。」是恂爲信 「宛中,宛丘。 《傳》爲全《詩》「洵」字通訓。 詢、 唯郭璞謂 洵通用。 「洵有情兮,而 丘上有丘曰宛丘。」 「中央隆高 釋「洵」爲 無望

坎坎,亦擊缶聲謂之坎坎,皆考擊之義也。值、持疊韻。亦擊也。」「坎」與「考」一語之轉。擊鼓謂之考,擊鼓聲謂之羽,可以爲翳。【疏】坎之爲言考也。《山有樞》傳:「考,無冬無夏,值其鷺羽。【傳】值,持也。鶯鳥之無失無夏,值其鷺羽。【傳】近,持也。鶯鳥之、坎其擊鼓,宛丘之下。【傳】坎坎,擊鼓聲。

信也。」

《静女》、《叔于田》、《有女同車》、《溱洧》箋並云:

洵

頭上有毛十數枚,長尺餘,毵毵然與衆毛異好。 揚人皆謂之白鷺。 鷺》、《有駜》傳並云: 潔白,故謂之白鳥。 注云:「頭、翅、背上皆有長翰毛。 鼓、值羽,自其風俗。 亦言於枌栩之下歌舞以娱神也。」案顔説或本三家義。 翻,立之而舞以事神也。」其釋下篇詩云:「婆娑,舞貌也。 以爲翳。」顔師古《漢書注》云:「值,立也。 名之曰白鷺縗。」《正義》引《義疏》云:「鷺,水鳥也。 ,翟羽也。」舞用翟羽,亦用鷺羽,故云:「鷺鳥之羽,可 《小宛》: 訓同義别。 青腳高尺七八寸,尾如鷹尾,喙長三寸, 齊、魯之閒謂之春鉏,遼東、樂浪、吴 「鷺,白鳥也。」《爾雅》:「鷺,春鉏。」郭 負, 至無冬夏,則游蕩而無度矣。 ○《簡兮》「右手秉翟」、《傳》: `持也。」攜持 今江東人取以爲睫 也。 鷺鳥之羽以爲 《抑》:「 捫,持 好 《振 攡 瑿 丽

傳》:「擊甕叩缻,真秦之聲也。」缻,俗「缶」字。《吕覽·古冬、無夏,值其鷺。獸。【傳】納,翳也。【疏】「盎謂之冬、無夏,值其鷺。獸。【傳】納,翳也。【疏】「盎謂之冬、無夏,值其鷺。獸。【傳】納,翳也。【疏】「盎謂之岳。無以其擊缶,宛丘之道。【傳】盎謂之岳。無頭上有毛十數於長尺餘 對對然與衆毛異好」

叔重之説: +

氏」矣。《箋》云:「之子,男子也。」「婆娑,舞」、《爾雅・

釋

其仲師、 亦或有然耳。然則《詩》之「翻」即《周禮・ 舞之樂,民俗化而爲之。」其祀星辰,於宛丘上下持翳以舞 言祀星辰。 翳其首」,與仲師「蒙覆頭上」義同。 首,以祀星辰也。 異,不得合爲一説也。 同 羽。 文》云:「翳,翳也。 下,則於四方而不於社稷、宗廟矣。翻,古字作「翳」。 舞,蒙羽舞。 羽 用 今本不同。《周禮·樂師》「凡舞有帗舞,有羽舞,有皇舞」 《陳風》、《易・離卦》:「九三,不鼓缶而歌。」則又不專説奏 也。」吕不韋秦人,此正秦擊缶之説也。然《詩》言「擊缶」在 樂》篇:「帝堯命質爲樂,置缶而鼓之。」高注云:「鼓,擊 「故書「帗」作「翇」,「皇」作「毣」。鄭司農注云:「翇舞者,全 人矣。○《御覽・時序部十一》引《傳》作「翿,亦翳也」,與 [羽,而毣則專用諸四方,與《舞師》言「毣舞舞旱暵」者不 型舞用於四方,而早暵舞亦用之。 社稷以爱,宗廟以羽,四方以聖。11又《舞師》注云:「聖 羽舞者, 析羽。 《詩譜》言: 書或爲「皇」,或爲「義」。」蓋翇、羽、型二舞皆 从羽,王聲。讀若皇。」叔重言 翌舞爲「自 ,皆足申明此《傳》「翻 所以舞也。」「型,樂舞。 **翌舞者,以羽冒覆頭上,衣飾翡翠之** 案此詩言陳大夫持翿於宛丘之上 「陳大姬無子,好巫覡禱祈鬼神歌 仲師言四方,而叔重則 樂師、舞師所掌各 樂師》之「翌舞」。 |訓爲「翳」之義 以羽猩自翳其 《説

> 併此三字於《釋文》。 《傳》已見於《君子陽陽》矣,此又承上章而申言之。 宋本誤

《東門之枌》三章,章四句。

之所行,男女棄其舊業,亟會於道路,歌舞於 《東門之枌》,疾亂也。 幽公淫荒,風化

市井爾。

釋全章也。○子仲,陳大夫。子仲氏,猶《秦・黄鳥》「子車 故《傳》云「國之交會」,釋首二句。 詳《鴇羽》篇。 榆。《玉篇》亦云:「枌,白榆也。」「栩,杼」,《鴇羽》同。 及鄭注《内則》並云"「榆白者枌。」漢有枌榆社,枌榆即白 枌。」郭注云:「枌榆先生葉,卻箸莢,皮色白。」孫注《爾雅 枌者,榆之一穜,其皮色白,故云白榆。 娑其下。【傳】子仲,陳大夫氏。 栩, 杼也。國之交會, 男女之所聚。 東門之粉,宛丘之栩。【傳】粉,白榆 宛丘,疑地近東門。 云「男女之所聚」,以總 枌、 婆娑,舞也。【疏】 树,人所宜休息者 子仲之子,婆 《爾雅》:「榆白 也。 説

也。其下,即宛丘之下也。舞,是曰媻娑。上篇云「值其鷺羽」、「值其鷺翻」,是其舞俗作「婆」、非是。」然則「婆」字古本作「媻」字矣。盤辟而俗性「婆」、非是。」然則「婆」字古本作「媻」字矣。盤辟而以。、《説文・女部》引《詩》「市也媻娑」、徐鉉云:「今訓》文。李巡注云:「媻娑,盤辟舞也。」李所據《爾雅》作訓》文。李巡注云:「媻娑,盤辟舞也。」李所據《爾雅》作

耳。 궁. 雅 女也婆娑」,今多不修中饋,休其蠶織,而起學巫祝,鼓舞事 《傳》義也。 氏之女可以爲上處。]上處,即舞位之前頭。 氏。」是原氏、留氏皆以邑爲氏者也。《箋》云:「以南方原 仲,陳大夫。 如陳葬原仲。」《公羊傳》:「原仲者何? 日》傳:「差,擇也。」擇,讀「擇不處仁」之「擇」。《箋》訓 肅音嗟。」用《韓詩》并改經「旦」爲「且」,實非毛意也。 大夫氏。 「差」爲「擇」,毛意當然也。《春秋》:「莊二十七年,公子友 「稱字者,葬從主人。」《左》杜注、《穀梁》范注皆云:「原 差,無《傳》。 釋詁》文、《小雅·黄鳥》、《甫田》同。善旦,猶言詰朝 穀旦于差,南方之原。【傳】穀,善也。 不續其麻,市也婆娑。【疏】「穀,善」、《爾 ○《潛夫論·浮侈》篇云:「《詩》刺「不續其麻 原,氏。 于差,《釋文》引:「《韓詩》作「于嗟」,**王** 仲,字。」《丘中有麻》傳:「留,大夫 陳大夫也。」何注 此申明經 《吉 原,

「女」、字之誤。《後漢書・王符傳》作「市」。事神、與《地理志》合、則兩詩一意也。市、《潛夫論》作神、以欺誣細民、熒惑百姓。」案此三家《詩》。婆娑爲鼓舞

雅翼》:「荍、荆葵也。 葵,似蕪菁,華紫緑色,可食,微苦。」毛晉《廣要》云:「《爾 《詩》字異義同。○《爾雅》:「荍,蚍衃。」《説文》:「荍,蚍 之詞。 《采蘋》、《擊鼓》皆云「于以」,此云「越以」,皆合二字爲發語 四者爲一物異名者,非。」貽,當作「詒」。 紅,有紫紋縷之。」崔豹《占今注》以荆葵、芘芣與戎葵、蜀葵 也。」並與「芘芣」同。《正義》引《義疏》云:「芘芣,一 也。《玉篇・彳部》:「後,數也。」引《詩》「越以後邁」,三家 數行者,言急數行會也。《序》云「亟會」,亟,急也,急亦數 《泉水》、《黍離》、《悉蟀》、《時邁》同。 雅·杕杜》同。越,讀同粤。《爾雅》:「粤,于也。」《采蘇》、 **數** 芘芣也。 「椒,芳香也」,定本作「椒,芳物」。《小箋》從定本。 邁,行也。 穀旦于逝,越以 鬷,讀爲總。《羔羊》傳云:「總,數也。」「邁,行」, 椒,芳香也。【疏】「逝,往」、《二子乘舟》、《小 視爾 比戎葵葉俱小,花似五銖錢大,色粉 如荍,貽我 鬷 邁。【傳】逝, 「數」有「急聚」之義 7握椒。 治,遺也。 【傳】荍 往, 《内則 《傳》云 名 鬷 荆 妚

以勺藥」同意。彼《傳》云:「勺藥,香草。」《箋》云:「遺我一握之椒,交情好也。」案此與《鄭風》「贈之「佩容臭」,鄭注云:「容臭,香物。」芳物其即容臭之類與?

《衡門》三章,章四句。

扶持也。」
是詩以誘掖其君也。【疏】《箋》云:「誘,進也。掖,是詩以誘掖其君也。【疏】《箋》云:「誘,進也。掖,《衡門》,誘僖公也。愿而無立志,故作

門。 之云「言淺陋也」。《爾雅·釋詁》:「棲遲,息也。」《傳》本 屋。」竝與《傳》訓合。 門之下。」顏師古注云:「衡門,謂横一木於門上。」《御 爲横木。 以樂道忘飢。【疏】《閟宫》「楅衡」,衡爲木,則知此衡亦 樂飢。【傳】泌、泉水也。 《爾雅》而必益其義云「遊息也」者,「遊」字與下「樂」字關 《漢書•章玄成傳》:「宜優養玄成,勿枉其志,使得自安衡 居處十》引劉楨《毛詩義問》云:「横一木作門,而 言淺陋也。 衡門之下,可以棲遲。 衡者,「横」之假借。 棲遲,遊息也。 横木爲門,無阿塾之制,故《傳》又申 《傳》云:「衡門,横木爲門。」 洋洋,廣大也。 【傳】衡門,横木爲 泌之洋洋,可以 樂飢,可 上無

療飢。」」案韓義與《毛詩》同,其字當亦作「樂飢」。 忘食矣。 彈琴以詠先王之風。 忘亂。」此申《傳》説也。 王肅云:「洋洋泌水,可以樂道忘飢。 廣大言水寬。 也。」「洋洋、廣大」、《碩人》傳、「洋洋、盛大。」盛大言流滿 邱?」泌、祕、柲通,並以爲邱名。 逍遥。」束皙《玄居釋》云:「學既積而身困,夫何爲乎祕 《郭林宗碑》: 之意。 飢」,喻用賢治國,下二章亦謂「用人不必賢聖」,然與《序》 案鄭説真足以申明經、《傳》之恉。 不遊息於其下,以喻人君不可以國小,則不興治致政化。」 通。 亦與通章相關通也。 必大邦施政教之喻。 《泉水》傳云:「泉水始出,毖然流也。」「毖」與「泌」通。 ·誘掖其君」之説稍疏,恐此尚非《傳》恉也。 釋邱》:「邱上有邱爲柲邱。」王念孫《疏證》云:「蔡邕 淺陋喻小邦,遊息喻政教。 下二章食魚不必魴鯉,取妻不必齊姜、宋子,亦是不 《詩》曰:「衡門之下,可以棲遲。 「棲遲泌邱。」《周巨勝碑》:「洋洋泌邱,于以 云「樂飢,可以樂道忘飢」者,即 有人亦樂之,無人亦樂之,亦可發憤 《傳》云「淺陋」、「遊息」雖釋首二句 《箋》云:「賢者不以衡門之淺陋,則 《韓詩外傳》云:「雖居蓬户之中, 下文泌水樂飢,即是遊 説與毛異,蓋本於三家 唯下文「樂飢」作「瘿 魏魏南面,可以樂治 泌之洋洋,可以 ○「泌,泉水」, 是遊 今《外 息也。 《廣 息

桊

+

比傳疏

也。或作「療」。」鄭與毛、韓異,或從齊、魯説。選》王元長《策秀才文》注引《箋》作「糜」。《説文》:「糜,治傳》往往與《韓詩》同也,今字誤作「療」。《箋》作「糜」。《列女傳》誤作「療」。《列女傳》誤作「療」。《列女傳》誤作「療」。《列女傳》誤作「療」。《列女傳》

之姜?【疏》(箋》云:「姜,齊姓。」 豈其取妻,必齊

之子?【疏》(箋》云:「子,宋姓。」 豈其食魚,必河之鯉? 豈其取妻,必宋

《東門之池》三章,章四句。

而思賢女以配君子也。《東門之池》,刺時也。疾其君之淫昏,

「東門,城東門也。」城池,謂城下溝。《文王有聲》傳:「減,起興焉。池爲城池,則東門爲城東門。《東門之壇》傳:地也。漚,柔也。彼美叔姬,可與晤歌。【傳】東門之池,可以漚麻。【傳】興也。池,城東門之池,可以漚麻。【傳】興也。池,城

耳。 與君子配偶、《序》所謂「思賢女配君子」是也。歌者,謂有 字矣。《小箋》從《釋文》作「叔姬」,今據以訂正。叔姬與淑 《韓奕》傳、《燕燕》、《中谷有蓷》、《尸鳩》、《鼓鐘》、《桑柔》、 刈之,則八月可績也。 轉。 女不同。 姬,各本作「淑姬」。全《詩》「淑」字、《關雎》、《君子偕老》、 乃刈,漚其皮而剥之,是爲秋麻。色青而黯,不絜白。」○叔 落,摇而拾取之、《詩》言「九月叔苴」。叔,拾也。拾取子盡 夏至開花,所謂「榮而不實謂之英」者。花落即拔而漚之, 勃勃即麻實,所謂「不榮而實謂之秀」者。 麻有兩種,程瑶田《通藝録・九穀考》云:「牡麻,俗評花麻。 漚、柔疊韻爲訓。 城溝也。」虞翻《易注》云:「城下溝,無水稱隍,有水稱 《泮水》箋,竝訓「淑」爲「善」,唯此篇無注解,則經本作「叔 剥取其皮,是爲夏麻。夏麻之色白,《詩》言「八月載績」,夏 注云:「漚,漸也。 ·晤」、「覯」並訓「遇」。 「遻」之假借字。案《草蟲》「亦既觀止」,「觀,遇也。」《傳》於 《爾雅》:「遇,選也。」《説文》:「選,相遇驚也。」晤者: 治麻與治絲皆用漚。《傳》云「柔」者,言與蹂、揉同也。 叔,字,姬,姓。「彼美叔姬」,猶云「彼美孟姜」 《考工記》「慌氏湅絲,以涚水漚其絲」,鄭 楚人曰漚,齊人曰涹。」案漚、涹雙聲之 「遇」與「偶」通,可與遇者,言叔姬可 苴麻,俗評子麻。夏至不作花而放 八九月閒子熟則 池。」

琴瑟鐘鼓之樂。

枲》注云:「白而細疏曰紵。」疏,猶麤也。 曰 頭麻,即祭也。 《説文》云:「紵,榮屬。」今見山東人呼麻穜之驫作繩索用者 脱,但得其裏韌如筋者,謂之徽紵。今南越紵布皆用此麻。」 今官園種之,歲再刈 宿根在地中。至春自生,不歲種也。 「假寐兮愍斯,誰可與兮寤語?」此必三家《詩》義。 【疏】《正義》引《義疏》云:「紵,亦麻也。 東門之池,可以漚紵。 ,刈便生剥之以鐵,若竹挾之,表厚皮自 彼美叔姬,可與晤 荆、楊之閒一 ○《楚辭・ 科生數十莖。 · 九懷》: 歲三收。

後漸白 醜 索, 漚乃尤善矣。」《通藝録·釋茬葦》云:「菅茅, 亦崔葦 **泆之爲柔,猶漚之爲柔,皆一聲之轉。《正義》引《義疏** 豆反。與「漚」同。」案渥,猶泆也。《隰桑》傳:「浃,柔也。」 漚菅者。」漚菅、《慌氏》注引作「渥菅」。《釋文》云:「渥,烏 晤一言。【傳】言,道也。【疏】哀八年《左傳》:「拘鄫人之 云:「菅似茅,而滑澤無毛,根五寸,中有白粉者柔韌 然菅柔忍,而茅脃。 東門之池,可以漚菅。 ,每莖末其秀疏散,多者數十條,取其莖爲埽 菅有二穜,小者五月秀,初色紫, 彼美叔姬,可 ₹彗,呼 宜爲 與

> 傳: 苕帚。 育君子於善。」又「君子謂黔婁妻爲樂貧行道。」引《詩 之「道」。《列女傳・ 程説,此詩之「菅」,其即《小雅》之「白華」? 「白華菅兮」,豈謂蘆芒與? 者,拔之、剥之,有三重未秀,皆可取爲繩作屢也。《詩》言 疏散長出數十條者,故不可爲埽彗,但可用流星桿耳。 莖上,其白如雪,其密不可以數計也。 末十餘節,每節爲小莖數十,參差旋繞而至於末。 「可與寤言」,皆可以申明此《傳》「道」字之義 人謂之蘆芒,江北人謂之家芒,亦呼八月芒。 其心之包莖 「白華,野菅也。 已漚爲菅。」「漚」字即本此詩。 〇《公劉 葉。 「直言曰言。」言易曉耳。 未秀時拔之,亦可爲繩作屨。大者八月始秀,每莖 **歙人謂之荻芒,江北人謂之巴芒。其心之包莖者只** 賢明》篇:「君子謂齊姜絜而不瀆,能 若荻芒,其初華乃紫色也。」據 云「道」者,「道」讀爲「性道 茶落則莖未秃然,無 彼《傳》云: 茶生小 歙

《東門之楊》二章,章四句。

(東門之楊),刺

時

也。

昏姻失時

男女

之時,與《有狐》序同。違,離也。離,猶喪棄也。多違,親迎女猶有不至者也。【疏】失時,失年盛

+

之事。 明取興之義。 交。 禮 禮會而行之者,所以蕃育民人也。」又《野有死屬》傳:「春 時,不逮秋冬」者,此家上生下之詞。「男女失時」,所以申 盛之時,與《易》枯楊生稊、生華設喻正同。 其道同類天道,嚮秋、冬而陰氣來,嚮春、夏而陰氣去,故古 也。●《正義》引《荀子·大略篇》云:「霜降逆女,冰 禁,故亦不逮秋冬。義各有當,然而嫁娶正時必 禁。」會男女在中春,其實年盡之男女,雖過仲春,奔亦不 不暇待秋也。」《召南》言凶荒嫁娶,此言踰年嫁娶。 宜以有室家,不逮秋冬而行嫁娶,以起下文,刺親迎而不至 之楊,其葉將將。」本三家《詩》。《内則》「取豚若將」,注: 星煌煌。【傳】期而不至也。【疏】詩以楊興男女失年 然,盛貌。 止。」又引《春秋繁露·循天之道》篇云: - 將,當爲牂。」此即牂、將聲通之證。 ○《傳》云「言男女失 牂牂、肺肺又以興歲月晚也。 媒氏》:「中春之月,令會男女。 《摽有梅》傳:「三十之男,二十之女,禮未備則不待 東門之楊,其葉牂牂。 言男女失時,不逮秋冬。 時,謂年時。 男踰三十,女踰二十,皆是也。 《易林•革》云:「南山 【傳】興也。 於 「聖人以男女陰陽 昏以 是時也,奔 楊葉盛在 爲期,明 心以秋冬 牂 泮 者不 春夏 《周 殺 牂

> 收聚。 禮耳。 媒不交,無幣不相見。」此唯秋、冬嫁娶爲得禮之正時,通媒 疏載王肅論引《韓詩傳》亦云:「古人霜降逆女,冰泮殺 期」,霜降逆女也。 不逮秋、冬矣。此外尚有凶荒多昏之政,無限時月,但不備 妁之言,備五兩之禮。 秋、冬爲正時,仲春爲盡期。 此常禮也。 《坊記》:「男女無 所謂「霜降而婦功成,嫁娶者行焉」是也。」然則嫁娶之候。 職》所謂「中春之月,令會男女」是也。今文「酉」,古文 出自王肅,亦本古禮不易也。 止。」荀、董、韓皆大儒,其言男女之昏時與毛合。《家語》雖 之制也。 「丣」、俗誤爲「卯」。白露下、收聚之初、始耶之辰。《荀子》 「卯」。始戼合男女者,清明後,出耕之日,始戼之辰。《媒氏 「春十二,清明發禁。十二始卯,合男女。秋十二,白露下 人霜降始逆女,冰泮而 既立常期以定禮,又權變時以便俗,聖人至精至密 十二始卯,合男女。」惠士奇《禮説》云:「戼,俗 今試即全《詩》以統論之,《氓》「將子無怒,秋以爲 《匏有苦葉》「士如歸妻,迨冰未泮」,冰 至二月則無媒不禁矣。 殺 (止,與 **奂又案《管子・幼官》篇:** 陰 俱 近 丽 陽遠也。」《媒氏》 其失時,則

予静本、《清經解續編》本改。 「然」,原作「而」,據中國書店影印武林愛日軒刻本、公

明》傳: 傳、《箋》云:「至大星煌煌然。」《女曰雞鳴》篇「子興視夜 明星有爛」、《箋》云:「明星尚爛爛然,早於别色時。」 至」以申明經義、《序》所謂「親迎女猶有不至者」也。《大 煌煌」,則過昏矣。 ○《士昏禮》:「從車二乘,執燭前馬,昏以爲期也。」「明星 氏《傳》:「綏,安也。 始生,陰陽交接之時也。」《夏小正》:「二月,綏多女士。 通義・嫁娶》篇:「嫁娶必以春何? 仲春爲正期,變前儒之説,故《箋》與《傳》往往不同。 非昏姻之正。 狐》不能行殺禮之制,故《序》又刺其失時。 昏以爲期,明星哲哲。 東門之楊,其葉肺 「煌煌,明也。」「煌煌」與下章「晢晢」同訓,故此不 其昏姻之正,則秋冬爲不可易矣。 云「期而不至」者,「期」字即家上句「不 冠子、娶婦之時也。」」此鄭説所 肺。

【疏】肺肺 也。 則 沈北北。 《小弁》藿葦衆謂之淠淠、《生民》荏叔長 【傳】哲哲,猶煌煌 【傳】肺肺,猶 牂 也。 牂

卷

H

朮 謂之旆旆。 然。 讀若輩。」《庭燎》傳云: 淠淠、旆旆,亦即뉚뉚也。 「断晰,明也。」哲、晣一字。 《説文》云: 「艸木盛朮

泮殺

从止也。

《草蟲》、《行露》,秋月也。

《鵲巢》、《綢繆》、《葛

屨》,冬月也。

《墓門》二章,章六句

蕃育民人。《東山》得殺禮之制,故《序》亦樂其及時。

此又因時

制宜

《有

自鄭氏以

《白虎

春者,天地交通,萬物

本。

某

後。《摽有梅》、《野有死屬》皆爲凶荒殺禮,不待秋冬,所以

《采蘋》猶在嫁女之前,《桃夭》乃在于歸之

《釋文》作「它」。它、佗古今字。 作。 秋》書「陳佗」之例,外之也。《穀梁傳》所謂 秋》書「鄭忽」,内之也。 佗。」《序》從《春秋》志也。鄭昭公未踰年出奔衛、《春秋》書 也。 夫稱之」是也。《詩》、《春秋》相表裏,於《序》見之矣。 在陳佗自立爲君之歲矣。凡云刺者,多刺君。 年》,是其不義也。不義由於無良師傅,此蓋國人遭亂 公卒,佗殺大子免而代立爲君。 「鄭忽」。 至於不義,惡加於萬民焉。【疏】陳佗,文公子。 詩中但責其師傅之不良,作推本之論。 其謂陳佗者何? 墓門》,刺陳佗也。 忽,世子,當立,故《鄭風》序但云「刺忽」,不從《春 《春秋》:「魯桓公六年,蔡人殺 佗不當立,故云「刺 事見《春秋・魯桓公五 陳佗無良 其實詩之作當 「匹夫行,故匹 陳佗」,從《春 陳佗,陳 師傅,以 柦 君 陳 耐

墓道之門。 墓門 斯,析 有棘,斧以斯之。【傳】興也。 也。 幽 閒希行,用生此 棘薪,維斧 墓門,

可

힜

開析之。

夫也不良,國人知之。【傳】夫,傅

歫 之不義,維師傅之不良又有以交引之。 教之。二章言墓道之門有梅,又有鴞以集止之,以興陳佗 棘,維斧可以開析之,以興陳佗之不義,維良師傅乃有以訓 塞之矣。」是其義也。 以及《列女傳》、《韓詩外傳》皆以幽閒爲隱辟也。 覽・謹聽》、《觀世》、《淮南・覽冥》、《脩務》、《新書・耳痺》 鬼下》、《莊子・ 奔墓,亦免。」此陳墓可以辟兵,其爲隱辟可知。《墨子•明 墓門爲幽閒之地,故云「幽閒希行」。襄二十五年《左傳》: 之門」。 【疏】墓,塋域之地。 ○《傳》釋「夫」爲「傅相」,傅相,即師傅。 心》篇:「山徑之蹊,閒介然用之而成路。 言》:「斯,離也。」《廣雅》:「斯,分也。」義竝與「析」相近。 相 「鄭伐陳,陳侯扶其大子偃師奔墓,遇賈獲與其妻扶其母以 也。 案棘、梅喻佗,斧與鴞以喻師傅。 幽閒之地,人所罕行,故云「用生此棘薪」。《孟子・盡 《説文》云:「斯,析也。」本《傳》訓也。《爾雅》、《方 而 不已,誰昔然矣。【傳】昔,久也。 庚桑楚》、《荀子・ 墓有門,門有道,故《傳》云「墓門,墓道 斧以析薪,故云「維斧可以開析之」 王制》、《議兵》、《吕 一章言墓道之門有 反喻,一正喻也。 良,善也。 爲閒不用,則茅 希者,罕 已**,** 止

> 君,子弑其父,非一朝一夕之故,其所由來者漸矣。」 躬陷誅絶之罪惡而不自知也。《易・文言傳》云:「臣 陳佗也。 其時佗年當幼,觀其辭氣,初未嘗不善,則後日之不義,皆 六年《左傳》:「往歲鄭伯請成于陳,陳侯不許。 也。 山》:「其舊如之何,言久長之道也。」《緜》:「古,言久也。」 由失教,故國人深責其傅相也。 曰:「親仁善,鄰國之寶也。 「昔」與「曩」、「舊」、「古」四字同義,故竝訓爲「久」。 言傅 然,猶是也。言陳佗信任不良傅相久已如是,雖 相之不善 ,國人皆知之。 君其許鄭。二案五父,佗之字。 《爾雅》:「曩,久也。」《東 知之而 不 能救止也 五父諫 誰,誰 隱

繁鳥爲鴞矣。 篇作「梅」,是譌字也。 有棘,有鴞萃止。」二家《詩》與上章皆作、棘」。《列女傳》續 棘,負子肆情?」王逸注載「解居父事婦人」引《詩》"「墓門 柟」、《終南》同。 【傳】訊,告也。 負子肆情」不出於《詩》,三家或附會之,而張揖、郭璞皆以 惡聲之鳥也。 墓門有梅,有鴞萃止。【傳】梅,柟也。 「鴞,惡聲之鳥」、《泮水》「翩彼飛鴞,集于泮 萃,集也。夫也不良,歌以訊 詳《終南》篇。《楚辭・天問》: 訊予不顧,顛倒思予。【疏】「梅」 《毛詩》作「梅」。 奂竊疑「繁鳥萃**棘** 「何繁鳥萃 啃 舄

文》:「訊,本又作「誶」,徐息悴反。」是徐仙 鵬。 凶 《義疏》云:「鴞,大如班鳩,緑色,惡聲之鳥也。 中者,韻下用字不得或異。 句[止]字與上句[止]字相應爲語詞。凡古人之詩韻在句 之譌也。 「「歌以訊之」,與「萃」爲韻。《小雅》「莫肎用訊」與「退」、 也。」集、聚義相近。 者歟? 誼賦云: 굸 **炙。」案陸説本《史記》。** 正同。 「息」,與此處「止」譌作「之」,失《詩》句用韻之通例。」案《釋 公曰:「有鴞,昔者鳴聲無不爲也,吾惡之甚。」」與《傳》訓 一 辞」,不 誤。 「遂」、「瘁」爲韻,而《釋文》以「音信」爲正。 「誶」。止,作「之」,誤,今正。休寧戴氏震《聲韻考》云: 諸家説鵬似雞,鴞似鳩,或因形相似,而方俗評之同名 「服,黑色也。」《史記》之「鴞」,《文選》作「鵬鳥」,乃賈 賈誼所賦鵬鳥是也。 《史記· 鴞與《瞻卬》「梟鴟」異鳥。 《廣韻・六至》[誶]字引《詩》[歌以誶止],然則此 「鵬似鴞,不祥鳥也。」似鴞,則鴞類於鵬,而非即 爾爾 賈誼 雅 《鴇羽》傳云:「集,止也。」〇訊,當爲 傳》云:「楚人命鴞曰服。」《正義》引 釋 緑,當作「黑」。《索隱》引《吴録 詁 三百篇惟「不可休思」「思」譌作 其肉甚美,可爲羹臛,又可爲 一辞,告也。」《傳》所本也, 《易》彖傳云:「萃,聚 不知皆「誶」字 民所據尚作 人人家:

「誶,諫也。」引《詩》「誶予不顧」,予不顧,不顧予也。 顛倒,並相近。「訊予」之「訊」亦當作「誶」。 王逸注《楚辭》:音、義皆殊。《韓詩》:「誶,諫也。」《説文》:「誶,讓也。」義《雨無正》箋:「誶,告也。」今字亦譌作「訊」。「訊」與「誶」

林」、《傳》亦云:「鴞,惡聲之鳥也。」《晏子·襍下》篇:「景

《防有鵲巢》二章,章四句。

言亂也

旦 名。 也。 「苕,陵苕。 人無徵。 之有甓,邛之有苕、鷊,皆信而有徵,無可誑者,以喻讒賊之 張,誑也。 素愛公子完,完懼及禍,乃奔齊。」以此爲宣公信讒之證。」 記》:「宣公嬖姬生子歉,欲立之,而殺其大子禦寇。 君子憂懼焉。【疏】《後箋》云:「王氏《總聞》據《史 《續漢書·郡國志》「陳國陳縣」,劉昭注引《博物記 「邛地在縣北,防亭在焉。」然於古未聞也。 邛,丘也。苕,草也。 防有鵲巢,邛有旨苕。【傳】興也。 防有鵲巢》,憂讒賊也。 宣公信之,是爲刺。「防,邑,邛,丘」,陳邑丘之 心焉忉忉。【疏】興者,防之有鵲巢,中唐 黄華,蔈。 白華,羐。」《小雅・苕之華》傳既云 誰侜予美?【傳】侜 宣公多信 《爾雅》: 防,邑 禦宼 讒

幽州 字異而義同。《説文》云:「侜,有癰蔽也。」誑謂欺誑,與 楊雄《國三老箴》作「侏張」、《論語・微子》篇作「朱張」,並 讒人也。」《傳》「侜張」之上《小箋》補「侜」字。 「侜張」釋 蘇 物。 可染阜。」孔仲達據陸説「陵苕生下溼」、「苕草生高邱」爲二 苕 人,「所美,謂宣公也。」《齊·甫田》傳云:「忉忉,憂勞也。」 娓 《爾雅• 云:「一名鼠尾,生下溼水中,七八月中華,紫似今紫草華. 莖葉緑色,可生食如小豆藿也。」《苕之華》正義引《義疏 毛《傳》而爲之説也。 也。」「蔈,苕之黄華也。」「艸之白華爲茇。」此許合《爾雅》: 直謂苕爲草,與苕爲陵苕詳略可互見也。《説文》: 「無或侜張爲幻」。《説文》引作「譸張」,馬融本作「輈張」, 「侜」,此疊字釋單字之例,而又釋「侜張」之義爲「誑」也 雕蔽」義相近。 [頌《圖經》所説陵苕不合,恐不然矣。○《箋》云:「誰,誰 ?,美也。」毛、韓字異而義同。 ,陵苕」矣,此云 然陸説「陵苕」即《爾雅》「葝,鼠尾」,苕草爲苕饒。 、人謂之翹饒。 蔓生,莖如勞豆而細,葉似蒺藜而青,其 中唐有甓,邛有旨鷊。 釋訓》:「侜張,誑也。」《傳》所本也。 予美、《釋文》引《韓詩》作「予娓」,云: 二苕 《正義》引《義疏》云:「苕,苕饒也。 _, 草 」者,以《爾雅》「苕」人《釋草》,故 《箋》謂予美爲我所美之 【傳】中,中庭也。 郭注引《書》 「苕,艸 與

陳。 美 ? 注云:「甗甎也。 《釋宮》:「令適謂之甓。」《傳》所本也,今字作「瓴甋」。 唐」,孔晁注云: 互譌,而如注「庭」字實本毛《傳》。 志》作「商,中庭」、《史記・孝武紀》索隱作「唐,堂庭」,各本 注》:「唐,庭也。《毛詩》曰:「中唐有甓。」」《漢書·郊祀 「廟中路」,其義一也。《文選・東京賦》注引如淳《漢書 之走。」言庭之中皆有道可走者也。《詩》「中唐」、《爾雅 言大也。 中庭,則唐爲庭涂必矣。 傳既本《雅》訓,此不應唐、陳同名,與《雅》訓乖戾。 陳。」《何人斯》「胡逝我陳」、《傳》:「陳,堂涂也。」《何人斯 古作「涂」。《爾雅・釋宮》:「廟中路謂之唐。 唐,庭 「庭」。《傳》「唐,庭塗」,「庭」各本作「堂」,字之誤也。 云「中,中庭也」者,中庭,庭中,此猶 《説文》:「廷,朝中也。」廷皆不屋,字皆當作「廷」。 今通作 中庭之涂謂之庭涂、《詩》謂之唐。陳之言敶也,唐之 塗 心焉惕惕。 堂涂在東西,庭涂則在中也。 也。 甓,令 「唐,中庭道。」亦與毛《傳》同。 今江東呼瓴甓。」《周禮・考工記》注及《禮 【傳】惕惕,猶切切也。 適 蓋堂階之涂謂之堂涂、詩》謂之 也。 鹝, 《逸周書・作雒》篇「隄 綬 「中林、林中」之例。 草 《釋宮》:「中 也。 皆其義證 堂涂謂之 【疏》《傳 誰 且中爲 侜 -庭謂 子 郭

鄭以「所美」爲宣公,用韓申毛,無有異也 郭注云:「《詩》云:「心焉惕惕。」《韓詩》以爲説人,故言「愛 也」。」案愛者,謂愛君。君受讒賊所誑,故君子憂勞之心惕 來者之悐悐。」《説文》惕、悐同字。 惕惕,亦憂勞之意,故云:「猶忉忉也。」《楚辭・九章》:「悼 **甓則甃諸中庭道者也。** 記 「虉」。 「廟中,路」,堂涂繫於「甓」下,知不徒施諸庭涂矣。《詩》之 所以甃涂也。凡涂必以專甃之,故《爾雅》言「宫中,衖」、 部》:「擊,令適。」甓、擊古今異名也。《周禮》賈《疏》云: 「令甓,今之塼也。」「塼」與「甎」通,古字祇作「專」。專者 或謂之令適,亦謂之令甓。 大徐本作「令甓」。案適、甓聲同,故或謂之甓,亦謂之適 「鷊」,假借字。《義疏》云:「鷊五色作綬文,故曰綬草。」〇 禮運 「鶇,綬艸也。」引《詩》作「鶇」。《玉篇》引《詩》作 「鸛,又作「鷊」。」郭注云:「小草,有襍色似綬。」《説 《爾雅》釋經義,毛《傳》釋字義也。 依《説文》,鷏,正字,虉,俗字。《詩》、《爾雅》作 !》注皆云「令甓」。《説文・瓦部》:「甓,令適也。」 ○《爾雅·釋草》:「虉,綬。」《釋 甓,又作「墼」。《説文・土 《爾雅》:「惕惕,愛也。」 説人,即是愛君。

《月出》三章,章四句。

《月出》,刺好色也。在位不好德,而説

美色焉。

姿態則窈糾然也。 屬》、《常武》「舒」訓「徐」,此「舒」訓「遲」者,舒、遲以雙聲得 由之佼以好1又作「佼」。是二字本多通借。」《説文》云" 子·非相篇》「古者桀紂長巨姣美」作「姣」、《成相篇》「君子 凡好謂之姣。」《後箋》云:「《毛詩》「佼」爲「姣」之借字。 《説文》:「姣,好也。」小徐引《史記》「長姣美人」是也。《荀 舒其光。」謝莊《月賦》注引《詩》「月出皦兮」。○《釋文》: 月光也。《文選》宋玉《神女赋》云:「其少進也,皎若明月 美色。三章興義同。「皎,月光」,則二章「皓」、三章「照」皆 「僚,好兒。 之姿也。勞心悄兮。【傳】悄,憂也。【疏】月出,喻 兮,舒窈糾兮,【傳】僚,好貌。 「佼,字又作「姣」。」引《方言》云:「自關而東,河、濟之閒 云「窈糾,舒之姿」者、《説文》:「姿,態也。」謂舒遲之 月出皎兮、【傳】興也。皎、月光也。 从人,寮聲。」本《傳》訓也。 《後箋》云:「《史記 舒,遲也。 司 《傳》於《野有死 馬 相如傳》「青 窈糾,舒 佼人僚

《洛神賦》所謂「矯若游龍」者也。」奂案「窈糾」疊韻也,二章 言之則曰悄也。《箋》云:「思而不見則憂。」 《邶・柏舟》、《出車》篇皆云「憂心悄悄」。 同聲矣。此九幽與蕭豪部近,合音也。 受」同聲,今詩首章用與皎、僚、悄爲韻,則又與二章「夭紹」 螭青虬之蛐蟉蜿蜓」。「蚴蟉」、「蛐蟉」皆與「窃糾」同,即 虬蚴蟉於東箱」、《正義》云:「蚴蟉,行動之貌也。」又「驂赤 「懮受」疊韻也,三章「夭紹」疊韻也。「窈糾」本與二章「懮 ○「悄」訓「憂」, 重言曰悄悄,單

亦憂也。 草」、《爾雅》作「慅慅」,重言曰慅慅,單言之則曰慅也。慅 啼裝、折腰、齲齒,以善爲妖態者」也。」○《巷伯》「勞人草 《詩》「舒慢受兮」。凡此疊字形容,即《梁冀傳》所謂「愁眉 《説文》無「懰」、「嬼」字,是陸所據《詩》作「劉」也。 作「懰」。力久反。 兮。【疏】皓,當依唐石經作「晧」。○《釋文》:「劉,本又 文》:「慢,於久反。 「懮受,舒遲之皃。」《廣韻》同。《集韻》、《類篇》亦同。 月出皓兮,佼人懰兮,舒慢受兮,勞心慅 舒皃。』《後箋》云:「《玉篇·心部》云: 好兒。《埤倉》作「嬼」。嬼,妖也。」案 竝引 《釋

月出照兮,佼人燎兮,舒夭紹兮,勞心慘

《詩》不協。 賦》:「致飾程蠱,要紹便娟。」又《靈光殿賦》「曲折要紹而 態,麗服颺菁」,注:「要紹,謂嬋娟作姿容也。」又《南都 章之文。上章「僚兮」、《釋文》云:「本亦作「嫽」。」則僚、嫽 傳》索隱、《衆經音義》卷九皆引《詩》「姣人嫽兮」,疑當出此 《廣雅》云:「燎,好也。」「燎」與「僚」同。《史記・司馬相如 兮。 燥燥,單言之則曰燥也 懆」。今《詩》中《正月》篇「憂心慘慘」、《北山》篇「或慘慘劬 照、燎、紹韻。《説文》:「懆,愁不安也。」引《詩》「念子懆 切。《方言》云:「殺也。」《説文》云:「毒也。」音、義皆於 同。」○戴氏震《毛鄭詩考正》云:「「勞心慘兮」,慘,七感 環句」,注:「要紹,曲貌。」此諸言「要紹」者,皆與「夭紹」 分章之義相混矣。《後箋》云: [《文選•西京賦》[要紹脩 經文字》:「懆,千到反。 篇云:「字亦作「懆」。」於《白華》篇「念子懆懆」云:「亦作 勞」、《抑》篇「我心慘慘」,皆「懆懆」之譌。《釋文》於《北山 此,可見《詩》皆作「懆」之證。」案懆,勞心之兒。重言之曰 「慘慘」。』未能決定二字音義矣。」《詩小學》云:「張參《五 【疏】燎,當爲「嫽」。 蓋「燥」字轉寫譌爲「慘」耳。 見《詩》。慘,七敢反。 《説文》:「嫽,女字也。」《方言》、 懆,干到切,故與 悽也。」 據

株林》二章,章四句。

時詩,訖於陳靈公淫亂之事,謂之變風、變雅。」十年被弒,詩作在弒前矣。鄭《譜》云:「孔子録懿王、夷王十年被弒,詩作在弒前矣。鄭《譜》云:「孔子録懿王、夷正之,。以子氏稱,故曰夏姬。陳靈公於春秋魯宣公之,朝夕不休息焉。【疏】夏姬,陳大夫御叔之妻也,往,朝夕不休息焉。【疏】夏姬,陳大夫御叔之妻也,

記》以柘城縣爲春秋時陳之株野,而於下邑縣又云[或以爲 陽國有柘。』《續志》同。 城在寧陵縣南七十里,此又在陳之東北。《前漢志》:「淮 志》: 「宋州柘城縣,本陳之株邑、《詩》「株林」是也。」故柘 兮。 「陳有株邑、蓋朱襄之地。」於「柘」下不言「即株」。 在縣西南三十里。 云:「夏南,夏徵舒也。」今此城北五里有株林,即夏氏邑。 氏邑也。 名華亭。1考陳州本古陳國,西華縣在州西八十里,夏亭 -里,陳詩《株林》刺靈公也。 《後箋》云:「《寰宇記》:「夏亭城在陳州西華縣西南三 【疏】夏南食采於株林,故知株林爲夏氏邑,其地未 胡 《爲乎株林? 夏南,夏徵舒也。 是夏氏之邑去陳國本遠。 然劉昭《補注》但於「陳縣」下云: 從夏南兮。【傳】株林,夏 「胡爲乎株林? 匪 適 株林,從夏南 若《元和郡縣 從夏南。」注 《寰宇

> 也。 矣。 「乘我」之文不相承接。 之意如此。《箋》訓「匪」爲「非」,爲觝拒之詞。 國之人見靈公往株林,下章言靈公命駕往株林。 株林者,從夏南兮也。 各本皆從定本删去兩「兮」字者,非也。 之家,是謂君臣爲謔。」鄭注即援引陳靈公數如夏氏爲說 事,詩有隱辭也。《禮運》云:「諸侯非問疾弔喪,而人諸 叔生徵舒。」詩言「從夏南」、《序》言「淫夏姫」。《序》則 三年《左傳》疏引《世本》云:「宣公生子夏,子夏生御叔,御 舒、《左傳》謂之「戮夏南」,是知夏南即夏徵舒也。」昭二十 故爲夏氏。徵舒字子南,以氏配字,謂之夏南。楚殺夏徵 陳之株林」。 ○夏,氏,南,字,徵舒,名。《正義》云:「徵舒祖字子夏 適,之也。言「何爲乎株林? 案《正義》本「從夏南」下有「兮」字,定本無「兮」字。 此雖傳疑不定,要可見株野、株林必非一 上二句疑詞,下二句決詞。 從夏南兮」,彼靈公之之 胡,何也。 與「駕我」、 詩人分章 上章言 匪,彼 處。 臣

篇。 以上曰驕。」是五尺以上爲大夫之所乘也。 馬 大夫乘駒。 也。 乘驕,四馬皆驕也。 駕我乘馬,説于株野。 駒,當依《釋文》作「驕」,説詳《漢廣》、《皇皇者華》 朝食于株。【疏】我,我靈公也。 「大夫乘驕」、《漢廣》傳云: 乘 我 株,即株林也 乘 駒 乘馬,四 ,【傳】 「五尺

+

服,以戲于朝。」在朝既君臣同衷衵服,如夏氏則君臣共乘 車 乘」者,實得經、《傳》微旨。 九年《傳》云:「陳靈公與孔寧、儀行父通於夏姬,皆衷其衵 往夏氏已非一日,《序》故謂「驅馳而往,朝夕不休息」也。 儀行父飲酒於夏氏。」此雖爲靈公被弒發《傳》,然其君臣共 亦未見爲非。 並未嘗及孔、儀也。」

矣謂經言我、《傳》言大夫。

鄭以「變易 以爲乘驕者謂孔、儀從君適株。 夏氏。」是靈公當日實有易服微行之事,故《箋》云「變易車 株林則已。永夕永朝,淫蕩忘返。《國語》云:「南冠以如 出,至株野,託言他適,乃舍之而乘大夫所乘之驕,以至于 必先經株野。 《後箋》云:「株林即 -乘」申明經、《傳》,固是精確。 「郊外日 ·野,野外曰林。』《説文》同。 何也? 然則「駕我乘馬」者,謂靈公本以諸侯車騎 株,乃夏氏邑, 宣十年《左傳》云:「陳靈公與孔寧、 王肅見《傳》云『大夫乘驕』,遂 《正義》用王肅語述《傳》, 不知《序》但云『刺靈公』 在株野之外。 是由國中至株林 **魯** 頌

《澤陂》三章,章六句。

驕、《傳》云「大夫」,亦未嘗不關通孔、儀矣。

國,男女相說,憂思感傷焉。【疏】女,謂夏姬也。《澤陂》,刺時也。言靈公君臣淫於其

禮也。 障也。 聞。 部。 言。 魯字異而意同。 說無禮之甚,而爲之感傷也。《爾雅》:「陽,予也。」郭注 茄』。」是鄭本三家《詩》之證。 實之總名也。《箋》云:「夫渠之莖曰荷。」案古荷與茄同 蘇》作「扶渠」。從艸者,俗字。 【傳】傷無禮也。 云:「今巴濮之人自呼阿陽。」引《魯詩》「陽如之何」。 之「傷」。《傳》云「傷無禮也」者,言有美一人,見陳君臣淫 茄,不爲荷也。 水》傳:「蒲,草也。」《箋》云:「蒲,柔滑之物。」亦指蒲草而 云「澤障」,障,防也。 亦藪也。《車鄰》傳:「陂者曰阪。」「陂」與「阪」同義。《傳》 目曰涕,自鼻曰四。【疏】《大叔于田》「藪」訓「澤」,則澤 《爾雅·釋草》:「荷,夫渠。」《傳》所本也。 ○「有美一人」,謂有禮者也。 鄭蓋讀「荷」爲「茄」。《釋草》:「其莖茄。」夫渠之莖爲 彼澤之陂,有 蒲喻性之柔,荷喻形體,菡萏喻美色,蕑以喻 荷,夫渠也。 《正義》云:「樊光注《爾雅》引《詩》「有蒲與 涕泗、《易・萃・上六》、《禮記・檀弓》皆 寤寐無爲,涕泗滂沱。【傳】自 ·陂」與「障」又同義也。 蒲與荷。 有美一人,傷如之何? 詳《山有扶蘇》篇。 荷一名夫渠,此莖、蓮 傷,即《序》「憂思感傷 【傳】與也。 《王風・ ____ 彼,彼無 陂,澤 有扶 毛

作「涕洟」,鄭注云:「自目曰涕,自鼻曰洟。」泗者,「洟」之

假借字。

蘭」、《溱洧》同。《傳》不必與上下章一例。《箋》云:「蕑、 爲,中心悄悄。【傳】悄悄,猶悒悒也。 美 禮•曾子立事》篇:「吾子終身守此悒悒。」《制言中》篇: 兮,又悲余心之悁悁兮,哀故邦之逢殃。」《繁露。 皃。」好,謂有好德也。」《楚辭・九歎》:「勞心悁悁涕滂沲 文》:「卷,本又作「婘」。」《齊風》釋文云:「《韓詩》:「婘,好 本《韓詩》:破此《傳》文,蘭爲蓮,以與上下章同例。 詩・溱洧》篇以蕑爲蓮。 當作「蓮」,夫渠實也。」《釋文》、《正義》據《箋》「蘭,當作 爲「悁邑」之「悁」。」邑,古「悒」字。 並與《傳》「悒悒」同。 「君子無悒悒於貧。 「蓮」」。《箋》改《傳》文,非易經字。 占蓮、蘭聲通,故《韓 (一人,碩大且卷。【傳】卷,好貌。 · 「此吾所悁悁而悲者也。」並與《詩》「悁悁」同。 《大戴 彼澤之陂,有蒲與蘭。【傳】蘭,蘭也。 知我,吾無訢訢; 鄭司農《周禮 蓮即蘭,非謂荷蓮之蓮也。 不知我,吾無悒悒。 廬人》注云:「絹,讀 【疏】「萠 寤寐 精華》 ○《釋 鄭乃 無 有

彼澤之陂,有蒲菡萏。【傳】菡萏,荷華也。

卷

有美一人,碩大且儼。【傳】儼,矜莊貌。 《薛君章句》云:「娢,重頤也。」《廣雅》:「娢,美也。」《説文》 引《義疏》云:「扶渠華,未發爲菡萏,已發爲扶渠。」《爾雅 華爲夫容。」《説文》:「菡蘭,夫容華。 也。 翼》引《義疏》同。不知扶渠爲荷之異名,非華已發之異名 未發也。《易林・訟》云:「菡萏未華。」《御覽・百卉部六》 夫容。」「萏」即「藺」之省。高注《淮南・本經》亦云:「其華 無爲,輾轉伏枕。【疏】《山有扶蘇》傳:「其華菡萏。」 皃。」此與上章之「卷」同 引《詩》作「碩大且嬪」,皆本《韓詩》。《説文》又云:「儼,好 曰夫容,其秀曰菡萏。」是荷華有此二名,而析之則爲已發、 本《釋草》文也。《正義》引郭注《爾雅》云:「今江東人呼荷 展」。 陸説誤。 《關雎》云: ○儼、御覽・人事部九》引《韓詩》作「娢」, 「展轉反側。」 義。 矜莊,亦好皃也。 未發爲菌醬,已發爲 寤寐

卷十二終

三五五

河

.'南開封府密縣東北有鄶城,是其地。

朱右曾《詩地

詩毛氏傳疏卷十三

長洲陳英學

: :

檜羔裘詁訓傳弟十三

毛詩國風

權國四篇,十二章,四十五句。《疏》 標文》云:「檜,本又作「鄶」。」《水經注》:「僧水出鄶《釋文》云:「檜,本又作「鄶」。」《水經注》:「僧水出鄶城西北雞絡隔下,洧水東南逕鄶城南。」《大戴禮・帝紫》篇云:「陸終弟四子曰萊言,是爲云鄶人。云鄶人「」。字。 妘鄶人,僧國之上祖。鄶人者,鄭。鄶、鄭同地也。其實鄶、鄭同地而不同城。《鄭譜》正義云:地故也。其實鄶、鄭同地而不同城。《鄭譜》正義云:「僖三十三年《左傳》稱文夫人葬公子瑕於鄶城之下,「僖三十三年《左傳》稱文夫人葬公子瑕於鄶城之下,「僖三十三年《左傳》稱文夫人葬公子瑕於鄶城之下,「僖三十三年《左傳》稱文夫人葬公子瑕於鄶城之下,「僖三十三年《左傳》稱文夫人葬公子瑕於鄶城之下,「檀三十三年《左傳》稱文夫人葬公子瑕於鄶城之下,「檀三十三年《左傳》稱文夫人葬公子瑕於鄶城也。」」今東北,新鄭在榮陽宛陵縣西南。是别有鄶城也。」」今東北,新鄭在榮陽宛陵縣西南。是别有鄶城也。」」今東北,新鄭在榮陽宛陵縣西南。是别有鄶城也。」」今東北,新鄭在榮陽宛陵縣西南。是别有鄶城也。」」今東沿。

> 也。 次比耦,以艾殺此地,斬之蓬蒿藜藋,而共處之」。 年》: 與晉文侯共立平王、卒滅虢、鄶。《世家》言「桓公之 孥俱出自周,故推本桓公言之,非桓公時已滅虢、鄶 與《外傳》所云「寄拏號、鄶」之事正合。 理徵》云:「《左傳》言「先君桓公與商 時,號、鄶獻十邑」,夫十邑者,通號、鄶言之爲十國,非 武公通乎鄶夫人。蓋在此二年中,幽王既滅,武公乃 有通於鄶夫人者。」《外傳》言「鄶由叔妘」,此鄭伯正指 幽王九年,越二年,而幽王滅。《公羊傳》云: 「先鄭伯 之邱,是曰桓公。」然攷文侯二年,爲周幽王三年。 虢、鄶之國有是十邑也。《水經・洧水》篇稱《竹書紀 桓公未爲司徒,未謀於史伯,又何遽滅鄶而居之也?」 桓公寄孥,則武公當桓公之世已居鄶矣。寄孥在 「晉文侯二年,王子多父伐鄶,克之。 乃居鄭父 人皆出自周,庸 商人與桓公之 時

《羔裘》三章,章四句。

能自强於政治,故作是詩也。《疏》《箋》云:「以迫,君不用道,好絜其衣服,逍遥遊燕,而不《羔裘》,大夫以道去其君也。國小而

宣元年《公羊傳》及《白虎通義・諫諍》篇。道去其君者,三諫不從,待放於郊,得玦乃去。」案待放,見

朝冗食者之食。」然則天子朝唯有外 眡燕朝則正位。」此内朝即燕朝也。 寇、朝 《緇衣》傳:「適,之也。」視朝在路門外治朝之宁,聽朝則 誤以爲皆三朝矣。 路門内燕朝之堂、《碩人》傳云「君聽朝於路寢」是也。 士》:「正朝儀之位,大僕前,王入,内朝皆退。」《大僕》:「王 其「不能自强於政治」也。 之厚以居。」此狐取厚者,所謂褻裘也。 衣狐裘白,在祭衣狐裘青,皆禮裘也。《七月》傳云:「狐 用羔裘。 今游燕而羔裘,是其好絜衣服也。 狐裘以適朝。 「適朝」,二章「在堂」,其實一也。 《序》云「消摇游燕」,此四字同義。 政令,使我心勞。 遊,當作「游」。 士掌外朝。 羔裘逍 一遥,狐 豈不爾思? 其言朝位同,此外朝即治 今試明之。 燕者、安也。 【疏】逍遥,當作「消摇」,説見《清人》 裘 ○經言「朝」、《傳》云「適朝」。 以 《周禮》宰夫掌治朝, 朝。 《傳》以「游燕」釋「消搖」。 **天子諸侯皆二** 諸侯朝服、燕居、燕飲皆 勞心忉忉。 《槁人》云:「掌共外 内二而已。 【傳】羔裘 今以褻裘適朝,是 諸侯在天子朝 頭也。 一朝,解之者 諸侯與天 以 (傳)國 遊 小司 首章 《司 燕, 内 在 貉

朝。 門,爲内城門。 門。」天子五門,其一曰皋門,爲郭門,亦爲外城門。 畢門。 庫門以内亦出入不禁,其無朝又可知。 子同。 庫、路之中,故亦爲中門。 應、路三門皆宮門,庫門爲大門,應門爲中門,路門爲内門。 制確不可易。 門,一曰雉門,三曰 唯外、内二而已。 從内朝出立外朝,即從燕朝而出俟治朝也。 何注云:「從内朝出,立於外朝。」蓋外朝有諸大夫位 道,使諸大夫皆内朝。 朝。」《文王世子》之外朝,司士所掌,與《周官》司士正朝 内朝,内親也。 臣萬民復逆爲治朝者同。又宣六年《公羊傳》:「靈公爲無 位爲治朝者同。《魯語》之外朝合民事,與《周官》宰夫掌諸 姓也。」《魯語》:「天子及諸侯,合民事於外朝,合神事 臣有貴者,以齒。 朝 《禮記・文王世子》:「其朝於公,内 有外有内 外朝在路門外,内朝在路門内。」與案仲師説門朝之 《緜》傳:「王之郭門曰皋門。 皋、雉二門,出入不禁,其無朝可 雖有貴者以齒,明父子也。 ,以在路門之外、内而名之也。 鄭司農《朝士》注云:「王有五門:外曰 其在外朝,則以官,司士爲之。 1庫門, 趙盾已朝而出,與諸大夫立於朝。」 ,四日應門,五日 朝君人應門, 應門,宮之正門,在 則應門以内始 路門。 外朝以官,體異 朝則東面 王之正門日 然則諸侯朝 路門 公族朝於 天子外 知。 二 曰 北 於内 庫 焉 上 朝 雉 應 泉 亦 有 曰

卷十

在應門 尊服也。 《大傳》張生、歐陽生多所增益。 先鄭不合,而與《朝士》注、《玉藻》注同。 傳》言諸侯門制 皋門内曰外朝,應門内曰内朝,路門内曰路寢之朝。」《大 之宫,三門三朝。 朝即治朝,而遂以爲有二内朝之説也。 因下文「聽政路寢」言之。要不得援一端以該群經,謂此 《玉藥》:「朝服以日視朝於内朝。」疑「内」乃「外」之誤,或 門内者,或謂之燕朝。」然内朝即燕朝,古無二内朝之名。 굸 雉門外, 鄭五門皋、雉、庫、應、路爲皋、庫、雉、應、路,故一説外朝 之外。」《朝士》注:「外朝,在庫門之外、皋門之内。」蓋易先 亦既以治、外爲一 在路門之外。」《文王世子》注云:「外朝,路寢門之外庭。」 朝,而諸侯之二朝可據理推也。 朝在雉門内、 皆宫門。 「周天子諸侯皆有三朝,外朝一,内朝二。 内 狐 庫門爲大門,雉門爲中門,路門爲内門。 説外朝在庫門外。 路門外,内朝 裘,褻服也。 路門外,其内朝亦在路門内。 與《禮記》不合,而與《縣》箋同。言三朝 朝矣。 其外曰皋門,次曰應門,又次曰路門。 在 乃《小司寇》注:「外朝,朝在雉 尊 路門内。 服以 鄭氏本無定解。《朝士》注 消 門制,詳《縣》篇。 後鄭《宰夫》注云:「治朝 摇 諸 | 褻服以適朝,故《傳》 《書大傳》: 侯 此鄭氏所據歟? 庫 仲師言天子二 雉 内朝之在路 路 ○羔裘 諸侯外 「諸侯 門 其 内 鼬 又 在 門 亦

> 忉忉然。」 《箋》云: 云國 心,心勞也。 無政令」也。 「爾,女也。 **齊** 甫田 굸 三諫不從,待放而去。 「使我心勞」者,我,大夫自我也。 [》傳: 「忉忉,憂勞也。」勞亦憂 思君 如 (是,心 也 勞

然後適小 寢階前,此路門内内朝無堂可證也。 容,則廢。」此路門外外朝無堂可證 唯路寢乃有堂耳。《曾子問》:「諸侯旅見天子,雨霑服失 謂之門側之堂,不當中門。 《逸周書・大匡》篇「朝于大庭」, 孔晁注云:「大庭, 公堂之 也; 反,降於阼階之前。」《大僕》注:「大寢,路寢也。」登車於路 亦如之」,注: 「王如有車 庭。」與此《傳》「公堂」同。 摇也。」是翱翔亦游燕之義。 豈不爾思? ·廷,朝中也。」今通作「庭」。 堂,路寢堂也。 君日出而視之,退適路寢聽政,使人視大夫。 羔裘 ·寢,釋服。」注:「小寢,燕寢也。」《考工記》「外有 翶 翔, 我心憂傷。 公堂者,以公所聽政之堂而名之也 狐 裘 -出之事,登車於大寢西階之前 凡朝君,臣咸立於庭。《說文》: 其當中門者,自庫門以至路門, 在 ○堂在路門内,燕朝,路寢庭 皆有門而不屋。 堂。 【疏】《箋》云:「翱翔,猶 也。 《玉藻》:「朝,辨色始 【傳】堂,公堂 《春官• 路門左右塾 樂師》「車 大夫退 也。 消

卷 + 朝之位也。升堂在過位之後,此唯路寢有堂又可證也。 復逆,必由外朝入内朝升堂。 位。」引鄭注《鄉黨》「過位」,謂入門右北面君揖之位。 位,卿之朝位也。」孔《疏》云:「卿位,路門之外門東北 外朝之室。 位即外朝之位,爲大夫治事之處。堂爲君聽政之處。 升堂出降一等,没階復其位。《曲禮》「下卿位」,注: 路寢反燕寢也。 諸曹治事處。」攷諸侯外朝亦有官府治處,大夫治事,當在 九室,九卿朝焉」,注:「外,路門之表也。 君聽政,則在内朝之堂。視大夫朝罷,而後從 《論語·鄉黨》記孔子人公門,過位攝齊, 君與圖事,而臣復退俟於外 九室如今朝堂, 諸臣 案此 卿 面

爲「慟」。

○《箋》云: 光」、《傳》:「見月出之光,以爲東方明。」皆其句例。 其如膏。」此倒句也。 裘翱翔」而言,是其好絜衣服可見,不能自强於政治 悼,動也。【疏】末章但言羔裘,承上兩章「羔裘消揺」、「羔 後見其如膏。 《傳》:「蒼蠅之聲,有似遠雞之鳴。」「匪東方則明,月出之 「羔裘如膏,日出有曜」、《傳》云:「日出照曜,然後見 羔裘如膏,日出有曜。【傳】日出照曜, 「悼,猶哀傷也。」《氓》傳云:「悼,傷也。」「動 不爾思? 《雞鳴》篇「匪雞則鳴,蒼蠅之聲」, 中心是悼。 【傳】 :亦可 與 然

> 《説文》無 動」。「悼」與「妯」、「蹈」亦聲近而訓同。 傷」義相近。《鼓鐘》之「妯」、《菀柳》之「蹈」、《傳》皆訓爲 慟」。 《周禮》「九撵振動」,杜 動,古「慟」字。 子春讀「動

素冠》三章,章三句。

我問三年之喪。孔子曰:「子生三年,然後免於父母之懷 《素冠》,刺不能三年也。【疏】《論語》:「

記 *: 冠,白布冠也。十三月爲練,已練之冠謂之練冠。《襍 幾」同訓之理,而皆爲「幸」之詞。 乎?」《易傳》云:「顏氏之子,其殆庶幾乎?」此「庶」與「庶 《抑》、《江漢》箋並以「庶」爲「庶幾」。《論語》:「回也其庶 單言「庶」,絫言「庶幾」,故《雨無正》、《巧言》、《生民》、 文。《傳》爲全《詩》通訓也。《釋言》又云:「庶幾,尚也。」 兮。【傳】博博,憂勞也。【疏】「庶,幸」、《爾雅·釋言》 「喪冠條屬,以別吉凶。 三年之練冠,亦條屬,右縫。」 云「素冠,練冠也」者,素 勞心博博

素冠,練冠也。棘,急也。樂樂,瘠貌。 夫三年之喪,天下之通喪也。」 庶見素冠兮,棘人樂樂兮、【傳】底,幸也。

勞」,皆所以形容棘人哀痛未盡、思慕未忘之狀。下二章首 雅 常」、《傳》就小祥説。《箋》以素冠爲編冠,就大祥説。 非 則纓、武異材焉。 繩,若布爲武,垂下爲纓,屬之冠。 鄭注云: 詩首章三句一意,《傳》於「樂樂」訓「瘠」,於「慱慱」訓 《詩》云: 地》篇: 「臠臠」。 讀爲臠, 爲全《詩》「棘」字通訓也。《正義》云:「「棘,急」、《釋言 正》、《文王有聲》、《抑》、《桑柔》、《江漢》之「棘」竝同。 風 《傳》雖言小祥,其實小祥之後、大祥之前皆練冠。 練冠」,是練冠爲三年小祥之冠,故亦得謂三年練冠也 而不能行三年之練冠矣。 **--純吉。** 彼「棘」作「戒」、音、義同。」案今本《釋言》作「悈」。 「慱慱,憂也。」《詩》言「勞心」,故《傳》訓「憂勞」。 縮冠。 「棘者欲肥, 「亟,急也。」棘者,假借字。《采薇》、《出車》、《雨無 亦假借字也。 「棘人之樂樂。」言羸瘠 《爾雅》:「臠,病也。」癵,俗「臠」字。《吕覽 「别吉凶者, 吉冠不條屬 時人以練除首經、《春秋》遂有「已練弁冕」之説 中月 右縫者,右辟而縫之。」案練冠非純凶,亦 7而禫 肥者欲棘。」高注云:「棘,羸瘠 《説文》: 1/ 提冠。 「三年之喪,初喪,喪冠,小祥 () 踰月吉祭,乃玄冠,復平 で也。」義 象大古喪事略也。 也。 雕也。」引《詩》正作 條 與《傳》 深屬者, 通 间。 屈 ◎北 《傳》 · 任 吉冠 樂, **爾** 也。 憂 案 伙 條

> 注引《毛詩》作「摶摶」。 得分作兩橛解矣。 見之,傷悲菀結,是爲刺也。 刺詩者自我也。 '與首章同,而下皆變其辭,以 子,即首章之棘人也。 「慱」字不見《説文》。 此篇義也,則樂樂、慱博 「我心」與「子」作對言。 乃從不可得見而幸 《文選・ 思玄賦 1百不 我

旬

服編冠。」此素編者、《玉藻》所云「編冠素紕、既祥之冠」。 素編麻衣。」注云:「《喪服小記》曰:「除成喪者,其祭也朝 裏、縓緣。」《閒傳》: 麻衣縓緣,三年練之受飾也。」引《檀弓》曰: 衣,爲不制衰裳,變也。 其母練冠、麻,麻衣縓緣。」注云:「此麻衣者,如小功布深 衣,或長衣。 夫,主人長衣練冠以受。」案練冠所配之衣,或麻衣,或深 筮,則筮史練冠長衣以筮。」又《聘禮》: 喪,而後越人來弔,主人深衣練冠,待于廟。」《襍記》: 《左傳》:「季孫練冠麻衣。」《檀弓》:「將軍文子之喪,既 與之同歸。【疏】傳》云「素冠,故素衣也」者,昭三十一年 傷悲兮,聊與子同歸兮。【傳】願見有禮之人, 庶見素衣兮、【傳】素冠、故素衣也。 鄭注:「麻衣,即深衣。」《喪服・記》:「公子爲 「期而小祥,練冠縓緣。 縓,淺絳也。 染謂之縓。 「遭喪,將命于大 又期而大祥 「練,練 練冠而 我 衣黄 如如 心

白也。 麻衣十五升布,亦深衣也。 然則小祥、大祥皆用麻衣。 **靳章,亦謂與知禮之人同歸,與《毛詩》義合也** 之人」,欲見能行三年喪者也。「與之同歸」,同 朝服緇衣素裳。 衣、冠皆爲三年練之受服也。《箋》就既祥祭而言素衣,謂 素冠爲練冠,則素衣即《檀弓》之「練衣」。 衣配練冠。《傳》意以此章「素衣」與上章「素冠」同時之服, 云:「我心傷悲,聊與子同歸。」案《列女傳》出《魯詩》,此雖 《傳》釋「聊」爲「願」,與《泉水》、《出其東門》同。「願見有禮 《列女傳・貞順》篇:「君子謂杞梁之妻貞而知禮。」引《詩 不得以緇爲素,明矣。 ○傷、 但朝服麻衣色緇,三年麻衣色白。 悲同義。 謂之麻者,純用布,無采飾 大祥之麻衣配編冠,小祥之麻 《鼓鐘》傳云: 又朝服無裳,鄭以素衣爲素 練衣,即麻衣。 「傷,猶悲也。」 '歸於禮也。 素者, 也。」

兮。 夫子 衎 而 日 弦,切 衎 白 而樂,作而 【傳】子夏三年之喪畢,見於夫子,援琴而弦, 君子也。」閔子騫三年之喪畢,見於夫子,援琴 庶見素鞸兮,我心蕴結兮,聊與子 切 君子也。」 而 哀,作 曰:「先王 一子 而 路 曰:「先王 曰 制 禮,不敢不及。」夫子 敢 問 制 禮,不敢過也。」 何 謂 也?」夫子 如一

> 《喪服小記》及《襍記》言「祥祭服朝服」, 閔子騫哀未盡,能自割 曰:「子夏哀已盡,能 則有玄黄襍之,異朝服,如深衣有韠而無裳。 爵弁靺韐配纁裳也。玄端不與裳相應, 火 韠也。」「韠」與「芾」通稱。 言素轉爲能終三年喪者,作幸見之詞。 之喪,賢者之所輕,不肖者之所 玄冕之服,天子朱鞸配朱裳,諸侯、卿大夫赤鞸配赤裳,士 大祥之人矣。」案《傳》章末據三年之喪畢説,則孔説是也 喪服始終無鞸。 薀」。《校勘記》 龍,卿大夫山。 《説文》云: 也。 《尸鳩》篇: 「薀,積也。」「子夏三年之喪畢」以下,《傳 〉據唐石經初 禮,大祥祭朝服素鞸。 此畫繪之轉,以配衮、鷩、毳、希之裳也。 引 「淑人君子,其義 **韠象裳色**,天子山、火、龍,諸侯 以 而 禮,故 刻作 致 之於 勉。 「薀」, 日君子也。」夫三年 禮,故 《候人》傳云: 故士玄端爵轉,裳 朝服素轉、故詩人 【疏】《正義》云: 毛意亦以卒章思 以後改 兮。 日君子也。 ○藴, 藴 |爲俗 當作 芾

字。 心如一 當有成文。《正義》引《檀弓》説子夏除喪之行,與此正反。 貢,皆所聞異也。 而《説苑·修文》篇亦與此《傳》大略相似,又以子路爲子 心 如結兮。」《傳》云:「善人君子,其執義當如 「聊與子如一兮」者,言願與有禮之人用 其義一兮 也。

四三

不敢過,皆謂專壹於禮,《傳》以釋經「與子如一」之義也。一,則用心固。」與此「如一」義同。一,謂專壹。不敢不及、

《隰有萇楚》三章,章四句。

恣,而思無情慾者也。 國人疾其君之淫《隰有萇楚》,疾恣也。 國人疾其君之淫

弋」、《爾雅・釋草》文。郭注云:「今羊桃也。 知。 之狀。二章云「猗儺其華」,三章云「猗儺其實」,猗儺皆謂 池》同。 《釋文》本無「順」字。《傳》「柔」,《箋》「柔順」,與《東門之 下溼曰隰,萇楚生於下溼地也。《傳》「猗儺,柔順也」,當依 今人呼爲細子根。」據蘇説,則郭注「麥」字疑「棗」字之誤 如棗核,苗長弱即蔓生,不能爲樹。 赤,不一穜。《本草圖經》云:「生平澤中,葉、花似桃,子細 葉似桃,華白,子如小麥,亦似桃。」《正義》引《義疏》云: 銚弋也。猗儺,柔順也。夭之沃沃,樂子之無 「今羊桃是也。 【傳】天,少也。 隰有萇楚,猗儺其枝。【傳】興也。 萇楚, 蓋詩以萇楚之枝柔,興人之年少也。 葉長而狹,華紫赤色。」案萇楚華色白,或紫 沃沃,壯佼也。【疏】「萇楚,銚 今處處有,多生溪澗 猗儺者,枝柔 或曰鬼桃。

> 義實通。 家」,不知家也,三章云「無室」,不知室也,亦因首章而申 **撲**J與「媉媉」聲同。 辯》、《九歎》引《詩》「旖旎其華」云:「旖旎,盛貌。」此三家 言之。此句例也。《序》所謂「思無情慾者」也。《箋》云: 無知,無猶不也,知,讀「不識不知」之「知」。二章云「無 「知,匹也。 枝之柔,而其華、 人之年少時也。沃,當作「芺」。《廣雅》:「媉媉,容也。」「芺 《詩》義。猗儺、旖旎一語之轉。○《傳》訓「夭」爲「少」, 於人年少沃沃之時,樂其無妃匹之意。」與《傳 . 其實因 壯佼者、《正義》云「少壯而佼好」是也 ||首章 而申言之。 王注《楚 (辭・九

隰有萇楚,猗儺其華。 夭之沃沃,樂子

之無家。

隰有萇楚,猗儺其實。夭之沃沃,樂子

之無室。

《匪風》三章,章四句。

難,而思周道焉。《匪風》,思周道也。國小政亂,憂及禍

平,群生遂, 不祥,群生不壽,而五穀不登。 夏寒冬温,春熱秋榮,日月無光,星辰錯行,民多疾病,國多 者,以申明傷之之義,此思古以慨今之不然。 文》:「怛,憯也。」「傷」與「憯」義相近。《王吉傳》引《詩》作 古,謂古之道也。 之車也。 爲「非有道之車」,「匪」爲「非」,有道即探下周道而言。 有道 古昔之意、《序》所謂「思周道」也。 吉傳》: 詩 疾兒。」下章《傳》云「迴風爲飄」。 【疏】發,猶發發也。《蓼莪》「飄風發發」,《傳》云:「發發 制,顏注云: `》皆作「揭揭」。 「《傳》曰: 心怛兮。 伯兮》傳云: 之風。 厞 「吉引《詩》説曰:「是非古之風也。 揭揭者,蓋傷之也。二案王治《韓詩》,與毛義同。 風 萬 《發兮,匪車偈兮。 【傳】發發飄 [物寧,故曰: 偈 「國無道 1, 【傳】怛,傷也。 偈 ○周道,岐西之道。 《傳》釋「匪風」爲「非有道之風」,「匪 「偈,疾驅皃。」《漢書• 古「怛」字。」云「下國之亂,周道 疾 驅 ,則飄風厲疾,暴雨折木,陰陽錯氛 非 其 有道之車。 《風治,其樂連,其驅馬舒,其 當成周之時,陰陽調,寒暑 下國之亂,周 偈,猶偈偈也。 中心,心中也。 「顧瞻周道」,猶睠念 王吉傳》、《韓詩外 發發者,是非古 顧 《韓詩外傳》 瞻 道 周 風非 滅也 滅 也。 《説 至 《韓 道 車

> 亦與毛義同。 揭兮。顧瞻周道,中心怛兮。」」韓意以「周道」當成周之時,民依依,其行遲遲,其意好好。《詩》曰:「匪風發兮,匪車

傷也。 兮。」」今字隸變作「嘌」。 者,是亦疾驅之意。 嘌,猶偈偈也。 雅》:「扶摇謂之猋。」」猋亦迴風,非鄭所見《爾雅》本異 飄」、《爾雅・釋天》文。 「傷」,今吳郡人有「弔心」之語。 《説文》「飄,回風也。」今字通作「迴」。嘌,猶嘌嘌也。 嘌,無節度也。 匪風飄兮,匪車嘌兮。 【疏】飄,猶飄飄也。 疾驅謂之偈偈,亦謂之嘌嘌。 顧 《説文》:「噢,疾也。 膽 鄭注《月令》云: 周 ○弔,猶怛也,故《傳》並釋之爲 道 飄飄,猶發發也。 中中 弔心,即傷心也 【傳】迴風 心弔兮。 《詩》曰:「匪車 「迴風爲猋。 云「無節 爲 飄。 傳】弔, 迴風爲 爾爾 度 也 嘌 噢

乎西。 治民矣。 鬻。」」許據《詩》作「摡」。釜,通作「釜」。 驚,釜屬。亨魚煩則碎,治民煩則 「概」。」《説文》:「摡,滌也。 誰能亨魚? 懷,歸也。【疏】溉,當爲「摡」、《釋文》:「本又作 誰將西歸? 溉之釜鬵。 从手,既聲。 懷之好音。【傳】周道在 散。 《泂酌》傳: 《詩》曰:「概之釜 【傳】溉, 知亨魚,則 滌 也。 知

鮮而數撓之,則賊其澤。 《爾雅》:「贈謂之鸞。鬻,鉹也。」説鼎,與此異。《傳》云 或作「釜」。」「鍑,如釜而大口者。」案大釜曰鬻,與鍑相似 也。」滌、清義相近。《説文》云:「鬵、大鬴也。」「鬴、鍑屬。 以有道之君貴静,不重變法,故曰: 下國政亂,因而思古之治也。《韓子·解老》篇云:「亨小 又申之云「知亨魚、則知治民」者、治民之道、在不煩而已。 故《傳》云「釜屬」。《采蘋》傳:「無足曰釜。」則鬵無足矣。 以善政令也,亦是「思周道」之意。 音,即家上句「西歸」而言。 「西」也。 ○《傳》承上章兩「周道」,故云「周道在乎西」,以釋經之 「亨魚煩則碎,治民煩則散」,以釋經「亨魚」爲治民之喻。 懷、 、歸疊韻爲訓,《皇矣》同。 治大國而數變法,則民苦之。是 周之道在西,有歸之者,當歸之 治大國若亨小鮮。」 之,猶是也。 歸是好

卷十三終

詩毛氏傳疏卷十四

長洲陳奂學

曹蜉蝣詁訓傳弟十四 毛詩國風

東有三朡亭。 東有三朡亭。 東有三朡亭。 東有三朡亭。 東有三朡亭。 東有三朡亭。 東有三朡亭。 東有三朡中, 東有三朡亭。 東有三股中, 東有三朡亭。 大經》「濟水逕定陶縣故城 大學,故曹國,周武王弟叔振鐸所封。《禹貢》 南上帝。 南上帝。 以水經》「濟水逕定陶縣故城 南上帝。 東有三朡亭。 八十八句。 「疏】

《蜉蝣》三章,章四句。

以自守,好奢而任小人,將無所依焉。【疏》、正《蜉蝣》,刺奢也。昭公國小而迫,無法

卷

+

рц

字。 義。 也。」」綵,俗「采」字。 《傳》云「朝生夕死,猶有羽翼以自修飾」,合下章而總釋其 翼,以喻在位所任之小人,雖有此尊盛之服飾而不能終也。 言》篇:「浮游不過三日。」言三日死,説稍異。浮游有羽 案《淮南子·説林》篇:「浮游不飲不食,三日而終。]又《詮 蟬也。」樊光謂之糞中蝎蟲,隨陰雨時爲之,朝生而夕死。」 下有翅,能飛。夏月陰雨時,地中出,今人燒炙噉之,美如 義》引:「《義疏》云:「似甲蟲,有角,大如指,長三四寸,甲 朝生而莫死。」、《説文》作「螶蛻」,則「渠略」爲假借字。《正 殷。《傳》:「殷者,衆也,浮游殷之時也。浮游者,渠略也 雅·釋蟲》文,古字作「浮游」。《夏小正》:「五月,浮游有 貌。 渠略也,朝生夕死,猶有羽翼以自修飾。 ○《釋文》:「楚楚,《説文》作「糟灩」云:「會五綵鮮色 「會五采鮮色」,與《傳》「鮮明」義正申成。 心之憂矣,於我歸處。【疏】「蜉蝣,渠略」、《爾 蜉蝣之羽,衣裳楚楚。【傳】興也。 糙、楚同聲。 **糙糙,本字,楚楚,**假借 楚楚,鮮明 蓋許取三家 蜉蝣,

年崩。是當周惠王時也。」
閔公元年即位,僖七年卒。周惠王以莊十八年即位,僖八閔公元年即位,僖七年卒。周惠王以莊十八年即位,僖八養》云:「《曹世家》自叔振鐸至昭公,凡十五君。昭公以魯

三四五

處、《序》所謂「將無所依」也。 繡義同也。「於我」二字讀逗,「於我歸處」,言於我乎何歸會五采皆於裳。離離指繡裳而言,故《説文》入《黹部》,黹、《詩》之本字,以明《毛詩》之借字也。凡冕服,上衣下裳。

例也。 者,事是君則爲容悦者也。」「容閱」與「容悦」同。 以喻小人在位偷合苟容也。《孟子· 閲,容閱猶容躬。 云「容閱」,釋「閱」不釋「堀」,「堀」乃連而及之,詁訓中有此 多也。「息」訓「止」。歸息,猶歸處也,處亦止也 《韓詩》「采采衣服」、《薛君章句》云:「采采、盛貌。」盛亦衆 采,衆多」,謂文采之衆多也。《文選》禰衡《鸚鵡賦》注引 如 心之憂矣,於我歸息。【傳】息,止也。【疏】「采 「掘」,非。」突,謂地突,猶土堀也,釋「堀」不釋「閱」。 一章羽翼興衣服,辭義有别。 (雪,言鮮絜也) 「堀,突也。」引《詩》作「堀」。《小箋》云:「各本作 《谷風》「我躬不閲」、《傳》: 蜉蝣掘閲,麻衣如雪。 蜉蝣之翼,采采衣服。【傳】采采,衆多也。 言浮游居土堀中能自容躬,是謂之堀閱 心之憂矣,於我歸説。【疏》說 ○麻衣,朝服也。 「閲,容也。」連言曰 【傳】掘閱,容閱也。 盡心》篇: 「有事君人 凡布,幅廣 此章與上 《傳》 容

> 倬 通稱。 鮮絜,謂其色鮮絜也 裳言,朝服無裳而有素鞸。 《傳》云「如雪,言鮮絜」,「絜」下「也」字今補。 朔視朝,用皮弁服。 秋初楚已用之。 也。」《楚策》:「令尹子文緇帛之衣以朝。」是朝服用絲,春 絲,朝服用麻。《玉藻》云:「朝服之以縞也,自季康子始 服爲降等,則麻衣爲朝服。 謂之麻衣。 王麻衣以朝。 衣即朝服。 小記》:「除成喪者,其祭也朝服編冠。」素編即編冠,則麻 麻衣矣。《禮記•閒傳》:「又期而大祥,素編麻衣。」《喪服 半。二者精麤不同,而其用 「子曰:「麻冕,禮也。 尺二寸。 是古者朝服麻衣矣。 麻冕,麻衣而冕,與祭服玄冕玄衣而冕同。 此一證。《逸周書・ **緦麻其色白,朝麻其色染緇。《鄭風》「緇衣」即** 八十縷爲升 日視朝之服,天子皮弁,諸侯朝服。」王服朝 魯至康子時亦用之,孔子曰 君臣同服,亦謂之朝服,皆以麻爲之。 今也純。」」麻亦麻衣也。 朝 朝服 此又 麻則 素鞸,白韋爲之,故以雪比白。 服 用 如深衣、衣、裳不殊。 大匡》篇: 十五. 證。《論語·子罕》篇: 也,故朝服與緦 开 「及期日質明 緦 儉。 凡衣皆連下 則 占冕、弁得 去 儉,恭儉 祭服用 服 朝 浴皆得 服 之

卷十四

(候人)四章,章四句。

好近小人焉。【疏】共公,昭公子。 《候人》,刺近小人也。共公遠君子,而

表之義。 而欲入者,暫下以驚牛馬曰祋。」《樂記》注引《詩》「祋」作 殳也。」本《毛詩》。又「或説城郭市里,高縣羊皮,有不當人 候人?」」是侯國有候人矣。《無羊》傳亦云:「何,揭也。」 《玄鳥》傳:「何,任也。」各隨文訓也。《説文・殳部》:「祋: 主逆賓客也。宣十二年《左傳》:「隨季對楚使曰:「豈敢辱 語》:「敵國賓至,關尹以告,行理以節逆之,候人爲導。」此 治,則帥而致于朝。 引與《正義》同。迎,當作「逆」。《周禮・候人》:「若有方 字、《正義》有「迎」字。《群書治要》、《御覽》兵八十二、四兩 蔥珩。大夫以上赤芾乘軒。【疏】宋本「送」下奪「迎」 芾,釋也。 一命縕芾黝珩,再命赤芾黝珩,三命赤芾 人。彼其之子,三百赤芾。【傳】彼,彼曹朝也。 迎賓客者。何,揭,役,及也。言賢者之官不過候 「綴」、《疏》以爲齊、魯、韓《詩》。 彼候人兮,何戈與役。【傳】候人,道路送 揭戈殳者,乃爲候人之事。云「言賢者之官不過 及歸,送之于竟。」此主送賓客也。《周 綴,表也。 高縣羊皮,亦揭

鶴,鶴有乘軒者。」定十三年: 命、三命言也。三百,三百人也。《箋》云:「佩赤芾者三百 故《傳》申之云:「大夫以上赤芾乘軒。」「大夫以上」,統再 赤芾爲卿與大夫之服。經言「赤芾」,則緼芾乃類及之耳 子、男之卿再命,其大夫一命,其士不命。〕案曹爲伯甸,其 《周禮》:「公、侯、伯之卿三命,其大夫再命,其士一命。 珩,詳《鄭風》篇。 言芾、轉同,故《傳》云:「芾,轉也。」「一命緼芾黝珩,再命 人。」是謂共公之好近小人也。 赤芾黝珩、三命赤芾蔥珩」、《禮記・玉藻》文。《玉藻》作 芑》、《車攻》、《斯干》、《采叔》皆作「芾」。 唯《素冠》作「韠」。 下。候人爲賤官也。賢者不在曹朝,而任以道路送逆之 朝之官,候人是上士、下士,則侯國之官,候人當在中士以 「韍」、作「幽衡」,芾、韍同字,「幽衡」即「黝珩」之假借也 《采叔》箋:「冕服謂之芾,其他服謂之韠。」析言之也。 《説文》云:「市,鞸也。 官,是共公之遠君子也。○《傳》以「彼」爲「彼曹朝」,對上 候人」者、《序官》:「候人,上士六人,下士十有二人。」彼王 「彼」字不在曹朝者而言之。子,席小人也。芾,古作「市」。 | 命爲士,再命爲大夫,三命爲卿。 緼芾即韎韐,士之服 鄭注云:「緼,赤黄之閒色,所謂韎也。」 篆文作「韍」。」「韠,韍也。」此及《采 唯亦 閔二年《左傳》:「衛懿公好 意兹乘軒。」哀十五 渾

國務民窮之張本。《荀子・富國篇》云:「士大夫衆,則國務民窮之張本。《荀子・富國篇》云:「士大夫衆,則以就之未及。下二章皆就近小人說,末章又說近小人,皆是狀。案《詩》言「三百赤芾」、《左傳》言「乘軒三百人」,皆是狀。案《詩》言「三百赤芾」、《左傳》言「乘軒三百人」,皆是狀。案《詩》言「三百赤芾」、《左傳》言「乘軒三百人」,皆是就。梁《詩》言「三百赤芾」、《左傳》言「乘軒三百人」,皆是就。案《詩》言「三百赤芾」、《左傳》言「乘軒三百人」,皆是就。案《詩》言「三百赤芾」、《佐傳》本《左傳》本《左傳》以補等之未及。下二章皆就近小人說,末章又說近小人,為問義之未及。下二章皆就近小人說,末章又說近小人為國國人。其一人之之。

> 其、己、記同。 誦,不獨楚成王矣。《左傳》作「己」。《禮記》引作「記」。 子,不稱其服。」子臧之及,●不稱也夫。
二、然則此詩之流 殺之。君子曰:「服之不衷,身之災也。《詩》曰:「彼己之 絜衣服。 爲語詞也。 也; 邶 「不濡咮」,濡咮也。《傳》於「不」下加「乎」,意以「不」 谷風 ○僖二十四年《左傳》: 》傳所謂 濡有潤澤之義。 魚梁」也。 鵜在梁而濡其翼,喻小人之好 不, 「鄭子臧好聚鷸冠,鄭伯 語 訶。 「不濡翼」,

可。《曹詩》曰:「彼己之子,不遂其媾。」郵之也。夫郵而可。《曹詩》曰:「彼己之子,不遂其媾。【傳】媾,厚也。【疏】《玉篇》引其之子,不遂其媾。【傳】媾,厚也。【疏】《玉篇》引其之子,不遂其媾。【傳】媾,厚也。【疏】《玉篇》引其之子,不遂其媾。【傳】媾,厚也。【疏】《玉篇》引其之子,不遂其媾。【傳】媾,厚也。【疏】《玉篇》引其之子,不遂其媾。【傳】蛛,喙也。彼維鵜在梁,不濡其咮。【傳】咪,喙也。彼

斯 飢。 隮,當作「躋」。《正義》云:「「隮,升」,《釋詁》文。」誤「躋 爲「隮」也。 兮」,此或本三家《詩》。 爲草木盛多,因之爲凡盛多之稱。《説文・艸部》引《詩》 《文選•西都賦》注引《倉頡篇》::「蔚,木盛兒。」是薈蔚本 南 女,民之弱者。【疏】薈蔚雙聲。《説文》:「薈,艸多兒。」 《御覽・地部七》引《十道志》云:「曹南山,有氾水出焉。」 「薈兮蔚兮」。又《女部》:「嬒,女黑色也。」引《詩》「嬒兮蔚 山,曹南山也。 薈兮蔚兮,南山朝隮。 【傳】薈蔚,雲興貌。 【傳】婉,少貌。孌,好貌。季,人之少子也。 今《爾雅》不作「隮」、《説文》無「隮」可證。 齊,升雲也。 南山,屬《曹風》,故云「曹南山」。 婉兮孌兮,季女 <u>~</u>正

> 少弱之稱、義無分别、則《傳》亦不必分釋其義。 字。● 此「季女」與《采蘋》、《車牽》不同。季爲人之少子: 《御覽・天部八》引《傳》皆有「雲」。案有「雲」字是也。 從定本而誤。斯,猶其也。季女其飢,言室家之窮乏也。 定本云:「季,人之少子。女,民之弱者。」是定本以季女爲 女爲女子,分釋其義,故婉變亦分釋其義,與《甫田》不同 也。」案《正義》本《傳》文當作「季,人之少子。女,女子」七 女而已,故以季女爲人之少子、女子。皆觀經爲訓,故不同 故以季女爲少女。此言「斯飢」,當謂幼者,竝「飢」非獨少 也。《傳》解經「季女」,各本依定本。《正義》云:「《采蘋 少好兒。」此云「婉,少兒。孌,好兒」,渾言、析言,義各有當 居尊位者之盛多。○婉孌疊韻。《齊・甫田》傳:「婉孌, 山,喻在尊位者。 義》本所據《傳》「升」下無「雲」。《釋文》、《集注》、定本及 「有齊季女」、《車舝》「思孌季女逝兮」,皆不得有男在其閒 「女」,不言「民」也。古毛《傳》當從《正義》本。今《正義》本 雲有盛多之義,南山之朝升雲薈蔚然,言 且經言

《鳲鳩》四章,章六句。

❶ 「七」,據上下文意,疑當作「八」。

卷

四

三四九

之不壹也。 之不壹也。 在位無君子,用心

《吕覽》注及張揖《廣雅》並以尸鳩、戴勝爲一鳥,其義皆出 關而東謂之戴勝。」《毛詩義疏》云:「今梁、宋之閒謂布穀 也。 鳩之養子平均,興君子用心之壹。 楊雄《方言》。 爲鵲鵴。」則布穀是鳲鳩明矣。 戴勝。」郭璞注云: 謂之戴南。南,猶爲也。 篇。《方言》:「属鳩,自關而東謂之戴爲,東齊、海岱之閒 壹之德。」樊光《爾雅注》:「《春秋》云:「鸤鳩氏,司空。」心 也。」今戴勝自生穴中,不巢生,雄言非也。」案高誘《淮 如結兮。【傳】言執義一則用心固。【疏】《釋文》:: 如 秸鞠也。 鸤鳩之養其子,朝從上下,莫從下上,平均 「鳲,本又作「尸」。」尸、鳲古今字。 「鳲鳩,秸鞠」,詳《鵲巢》 昭十七年《左傳》疏云"「孫炎云"「《方言》"「鳲鳩,自 **鳲鳩在桑,其子七兮。【傳】興也。爲鳩,** 毛《傳》用《爾雅》,決不以鳲鳩爲戴勝矣。《傳》以鳲 淑人君子,其儀一兮。其儀一兮,心 然《爾雅》: 「属,音尸。」按《爾雅》即布穀,非戴勝 或謂之鶭鸅,或謂之戴頒,或謂之 「鵖鴔,戴鵀。 而楊雄云:「鸤鳩是戴勝 《鵲巢》箋:「鳲鳩有均 鳲鳩**,**鴶鵴。」判 南》、 然

苑・反質》篇:「「尸鳩在桑,其子七兮。 日 母雍雍若一。慈母以禮義之,漸率導八子咸爲魏大夫卿 耳不能兩聽而聰。 正同。 平均,故爲司空。」與《傳》義同。 言心之均一也。 其子七兮。 士,各成於禮義。君子謂慈母一心。《詩》云: 『尸鳩在桑 之功。行衢道者不至,事兩君者不容。目不能兩視 執義 女傳》:「魏芒慈母有三子,前妻之子有五人。 五子親附慈 《荀子》引此皆爲《傳》文,可得其證矣。《荀子·勸學篇》: 十六字攛人《箋》語,使《傳》文上下語意不通。 上言尸鳩養子平均如一,此言君子執義當如尸鳩之一也。 「是故無冥冥之志者,無昭昭之明。 無惛惛之事者,無赫赫 ,脩之吉。君子執之,心如結。」毛《傳》正用其師説。 兮,心如結兮。」故君子結於一也。」又《成相篇》:「治復 心可以事百君,百心不可以事一君。此之謂也。」《説 善人君子,其執義當如一也。」案此當是《傳》文。《傳》 「尸鳩在桑,其子七兮。 今各本割截經、《傳》,而又以「淑,善, 則用心固」,亦謂在位君子,其用心當一,與《序》説 淑人君子,其儀一兮。 尸鳩以一心養七子,君子以一儀養萬物 螣蛇無足而飛,鼫鼠五技而窮。 淑人君子,其儀 ○《箋》云: 其儀一兮,心如結兮。」 淑人君子,其儀 淑 儀,義也」下 善; 唯楊倞 兮。 儀,義 而 其儀 念詩 《列 明 注

並與毛義同。 結於一乎?』《韓詩外傳》: 曰:「淑人君子,其儀一也。 理萬物者, 兮。』《傳》曰: 雖鑽之,不通。 「壹」爲長。」 儀也。」、《淮南子・詮言》篇:「有智而無術、 『尸鳩之所以養七子者,一心也。 《小箋》云:「經、《傳》「一」字,《疏》内皆作 有百技而無 「君子務結心乎一。」亦引此詩、 其儀一也,心如結也。」君子其 道,雖得之,弗能守。 君子所以 故《詩

帶之制云:「天子素帶,朱裹,終辟。 之,得長大而處他木也。」〇《箋》云:「其帶伊絲,謂大帶 數,下章云在梅、在棘、在榛,言其所在之樹,見鳲鳩均壹養 也」者、言鳲鳩之子飛在梅也。《正義》云:「首章言生子之 【傳】騏,騏文也。弁,皮弁也。【疏】《傳》云「飛在梅 緇辟。」是其襍色飾焉。」案《玉藻》注:「辟,讀如「裨冕」之 絲,故言絲也。 夫素帶,辟垂。 神。 人君子,其帶伊 大帶用素絲,有襍色飾焉。」《正義》云:「《玉藻》説大 鳲鳩在桑,其子在梅。【傳】飛在梅也。 裨 ,謂以繒采飾其側 《玉藻》又云:「襍帶,君朱緑,大夫玄華,士 士練帶,率,下辟。」是大夫以上,大帶用 絲。 其帶伊絲,其 襍 猶飾 諸侯素帶,終辟。 也 ,即上之裨也。」又 弁伊 騏 淑 大 素

君臣言也。

異也。 《干旄》「素絲紕之」、《傳》云:「紕,所以織組也。」帶以素絲 服,知是皮弁。」奂案諸侯視朝玄冠,朔視朝皮弁。 之常服。 引《詩》正作「綦」。此其證。《正義》云:「皮弁是諸侯視朝 騏,皆「綦」之假借字。《書》枚本作「綦」、《周禮・弁師》注 傳:「騏,綦文。」謂白馬而有蒼色文也。 悉用緇帶。《傳》「騏文」之「騏」、《釋文》作「綦」。《小戎 是皮弁配素帶,天子、諸侯、大夫同。通冕弁服皆用之。士 緣邊,所謂「其帶伊絲」也。 臣同服,則朔視朝,大夫亦服皮弁。《序》云「在位君子」,統 鄭注云: 文」,謂白鹿皮而有蒼色組以飾弁也。《顧命》「四人騏弁」, 編冠素紕」,注: 《書》之「騏」與《詩》之「騏」皆謂弁縫飾色如綦文。 「青黑曰騏。」鄭謂青黑爲弁飾之色,非與毛訓有 又朝天子亦服之。 一紕,緣邊也。 此帶爲素帶,下文弁爲皮弁。 作者美其德能養民,舉其常 紕 讀 如「埤益」之「埤」。」 此《傳》「騏,綦 在朝 君

【傳】正,長也。【疏】《正義》云:「「忒,疑」、《釋言》文。」 言,當作「詁」。 不忒。【傳】成、疑也。 鳲鳩在桑,其子在棘。 《爾雅 釋詁》: 其 儀 「貳,疑 不忒,正 淑人 也。」《詩述聞》謂 君子,其 是 四 國。 儀

卷

+

79

《詩》言先王行仁義。儀,即義也。是又毛《傳》本《荀子》之 學》引《詩》釋之云:「其爲父子兄弟足法,而后民法之也。」 同。○《小箋》:「據《傳》文,「長」當作「是」。訓「正」爲 極。《詩》曰:「淑人君子,其儀不忒。」此之謂也。」」荀引 善,遠方慕其德。 紂,此四帝兩王,皆以仁義之兵行於天下也。故近者親其 驩兜,舜伐有苗,禹伐共工,湯伐有夏,文王伐崇,武王伐 《詩》正同。不疑,猶壹也。又《荀子·議兵篇》:「陳囂問 孫卿子曰:「先生議兵,常以仁義爲本。」孫卿子曰:「堯伐 貳,亦「貳」之誤。 有壹德不貳,則無疑惑也。」《釋文》:「忒,本或作「貳」。」 德。」《詩》云:「淑人君子,其儀不忒。」」」鄭注云:「君臣皆 臣,而臣不惑於其君矣。 曰: 「爲上可望而知也,爲下可述而志也,則君不疑於其 「是」,則「是」爲「此」。「正是四國」,言是此四國也。《大 「貮」乃「貳」之誤,古忒、貳通用也。《禮記 證。《管子·内業》篇:「萬物中義守不忒。」亦與毛訓 案《傳》以「不忒」爲「不疑」,與《禮記》釋 兵不血刃,遠邇來服。 尹吉曰:惟尹躬及湯,咸 德盛於此,施及四 緇衣》篇:「子 有 壹

鳲鳩在桑,其子在榛。淑人君子,正是

民法,即經「正」字之義。」

國人。正是國人,胡不萬年?《疏》《簡兮》傳:

「榛,木名。」

《下泉》四章,章四句。

之所有。 其侵刻,而因念周之賢伯也。 晉亂,而不能修德以進於自治。 共公而作。《候人》刺招致晉禍之所由,《下泉》乃疾其既遭 曹人明明言晉文之不如齊桓矣。此詩與《候人》先後皆刺 修觀狀之怨,侵曹、入曹,執曹伯畀宋人,取濟西田。終共 于淮齊桓公作方伯,共公幾盟會無不至。 自晉文公人國 即位在魯僖公八年、《春秋經》于洮、于葵丘、于鹹、于牡丘、 「神祇」、「祖考」連言同例。 侯獳曰:「齊桓公爲會,封異姓。今君爲會,滅同姓。」」是 公之世,不得儕於盟會者,晉爲之也。《左傳》:「曹伯之豎 民不得其所,憂而思明王賢伯也。【疏】案共公 《下泉》,思治也。曹人疾共公侵刻,下 明王、神祇、皆推廣之、非經義 明王、賢伯連言,與《鳧鷺》序 疾共公,并以惡晉侯,故疾

也。下泉、泉下流也。苞、本也。稂、童粱。非溉洌彼下泉、浸彼苞稂。【傳】興也。洌、寒

興之義,以統釋下二章蕭、 氏説訂正。 「莠」誤作「采」,因以童粱爲禾穗不成之名,非是。今從段 公之施政教,徒困 然者正與莠同。《正義》引《義疏》「莠」誤作「秀」。 而不成則嶷然,謂之童粱。」陸言「禾莠」,猶《説文》言「禾處 爲莠之不成者。二章「蕭,蒿」,三章蓍亦蒿屬。 不成者,謂之童蓈。」案「蓈」即「稂」。 童蓈即童粱,則 莠類也。」《詩》、《爾雅》釋文兩引《説文》:「禾麋之莠生而 也。」「稂、童粱」、《爾雅・釋草》文、《大田》同。 倒句以明義。 流」者、《七月》傳: 草,得水而病也。 「下出」之義。 苞、本雙聲。 苞稂爲稂本,與下泉爲泉下,皆 也。」李注云:「水泉從上溜下出。」《傳》釋「下泉」爲「泉下 文》:「例,寒貌。」故字從冰。、《廣韻》、《集韻・十七薛》: 當作「冽」。 「藜、莠、蓬、蒿竝興」,相類而言也。 「例,寒也。」皆不誤。《爾雅》:「沃泉,縣出。 禾穗下垂,莠穗不下垂。 《傳》又云「非溉草,得水而病也」者,此明經取 《正義》云:「字從冰。」《大東》正義云:「《説 《斯干》、《生民》、《常武》傳皆云:「苞,本 「病其民。」○《箋》云:「愾,嘆息之意。」 「流,下也。」則下亦流也,是即《爾雅 愾我寤嘆,念彼周京。【疏】洌, 一著而言。 童粱雖不成莠,而其則嶷 《義疏》云: 《箋》云:「興者,喻共 郭注:「稂, 「禾莠爲穗 縣出,下出 若《月令》 《説文》 金粱

> 慨。 《禮記・祭義》:「 嘆。」、《玉篇・口部》引作「嘅」。 《説文》: 周京,猶京周也。 「愾,大息也。 「出户而 聽,愾 从心,氣聲。 然必有聞乎其嘆息之聲。」 《楚辭• 《詩》曰: 九歎》注引作 「愾我寤

大周也。 萩也。 萩蒿也。 云:「蕭,蒿也。」《爾雅》:「 我寤嘆,念彼京周。【疏》《蓼》》「蓼彼蕭斯」、《傳》亦 《傳》不用《爾雅》以萩釋蕭,意謂萩亦蒿也。 洌彼下泉,浸彼苞 或云牛尾蒿。」案蕭與藾蕭不同。 蕭,萩。」《義疏》云:「今人所謂 蕭。 【傳】蕭,蒿 《詩》之「蕭」皆 也。 京周

愾

蕭,則蓍莖亦如苹莖之似箸矣。 葉青白色,莖似箸而輕脃。!《爾雅》: 굸 伏龜。」是蓍爲叢生之草矣。《易・説卦》釋文引《義 文》云:「蓍,蒿屬。」《淮南子・説山》篇:「上有叢蓍,下有 我寤嘆,念彼京師。【疏】「蓍,草」,草名蓍也。 「今藾蒿也。」是藾蕭亦蒿之類。 「蓍似藾蕭,青色,科生。」《鹿鳴》正義引《義疏》: 洌彼下泉,浸彼苞蓍。 京師,大衆之所居也 蓍之爲言箸也。 【傳】蓍,草也。 「苹,藾蕭。」郭注云: 蓍似藾 《説 疏 愾

芃芃黍苗,陰雨膏之。【傳】芃芃,美 貌。

虔曰: 四國 於天子之老二人,分天下以爲左右,曰二伯。」周制,方伯 句,又以申明伯爲二伯。 事」者,釋「四國有王」句。云「二伯述職」者,釋「郇伯勞之 北爲誤也。今山西蒲州府臨晉縣東北有郇城。 與俗符,賢於杜氏矣。」是酈注以郇國在解縣東北,杜 十四里有故城,在猗氏故城西北,鄉俗名之爲郇 故國也。 是荀本侯爵也。《水經·涑水》注:「涑水西逕郇城,郇 伯,郇侯也」者,桓九年《左傳》:「荀侯伐曲沃。」荀即郇 于矜寡,無不得其所焉。」即此「勞」字之義也。《傳》云「郇 勞于野」之「勞」。《鴻雁》序云:「能勞來還,定安集之,至 云:「芃芃,長大皃。」文義皆同。○王,王事也。勞,讀「劬 念彼也。《小雅·泰苗》篇「芃芃泰苗,陰雨膏之」、《傳》 雨膏之則芃芃然美對三「浸」字,以喻恩及下民。 有事,二伯述職。【疏】黍苗對稂、蕭、蓍,陰雨對下泉,陰 「千里之外,設方伯。 一伯皆九命。 有王,郇伯勞之。 「郇國在解縣東,郇瑕氏之墟也。」今解故城東北二 杜元凱《春秋釋地》曰:「今解縣西北有郇城。」服 方伯屬於二伯,外統於内也。 州有伯,八州八伯。 勞來,亦述職中事也。《王制》: 【傳】郇 伯 邮 八伯各以其屬屬 郇侯爲二伯 侯 云「諸侯有 也。 城。 此愾我而 説 服説 諸 西 伯 侯

> 雅 三家《詩》。 此值晉文修怨之年,似不必更追述文王子之郇矣。 《傳》不言郇伯爲文王子、《序》又不言古明王賢伯。 王」,謂郇伯勞來當在厲王流汾、共伯攝政之世。 稂,十年無王。 《傳 ?》無明 黍苗》刺幽王,但近述召穆公,已不必遠追召康公,則 文,未審何 魏默深攷厲王末年當之,説似有據 荀伯遇時,憂念周京。」魏源據焦説「十年無 時 人。 説《易 林 蠱 | | | | | 一 下 **奂竊謂** 焦説本 . 泉 佘小 苞

卷十四終

稷,故陳王業者,必本后稷也。此周公遭管、蔡之變而作。

長洲陳英學

豳七月詁訓傳弟十五 毛詩國風

於豳。 其地 【疏】豳,公劉國。 理志》云: 歸朝廷,致大平,爲成王營雒,彷彿公劉治豳,故託始 而大師編《詩》遂以爲豳國之風焉。 《漢書・地 豳國七篇,二十七章,二百三句。 「右扶風栒邑,有豳鄉。」今陝西邠 周公既遭管、蔡之變,東征三年後 州即

《七月》八章,章十一句。

先公,豳公也。 稷先公風化之所由,致王業之艱難也。 【疏】 、七月》,陳王業也。 周公遭變,故陳后 公劉居 豳,故謂之豳公。 豳公之業由於后

卷

+

Ħ.

也。 月,螽。」《左傳》:「火伏而後蟄者畢。今火猶西流,司曆過 【疏】火,東方心星,亦曰大火。《四月》篇「六月徂暑」,《傳) 昏中,七月西流。其候逐歲漸差。詩雖作於周初,然公劉 傳》文爲説。攷《堯典》:「日永星火,以正仲夏。」《夏小 民無不舉足而耕矣。 豳土晚寒。于耜,始修耒耜也。四之日,周四月也, 也。三之日于耜,四之日舉趾。 卒歲? 【傳】一之日,十之餘也。 一之日,周正月 在夏末或已七月西流也。《春秋・哀十二年》:「冬十二 正》:「五月,初昏大火中。」與《詩》、《月令》、《左傳》皆不 云:「六月,火星中。暑盛而往矣。」本《月令》及昭三年《左 饁彼南畝,田畯至喜。【傳】三之日,夏正月也。 一之日觱發,二之日栗烈。 流,下也。九月,霜始降,婦功成,可以授冬衣矣。 蓋大火在唐虞、夏以五月昏中,六月西流。 麝發,風寒也。二之日,殷正月也。栗烈,寒氣 七月流火,九月授衣。【傳】火,大火也。 **饁**,饋也。 無衣無褐,何以 田畯,田大夫也。 同我婦子, 周以六月

三. 五. 五.

粗

故翳發爲風寒。 文》"「凓,寒也。」《玉篇》"「冽,寒氣也。」十一月待風而寒 發,風發發也。 行之,不敢怠棄,是其義也。 月,殷正。 也 也。 下 也。 也。」杜 日,十有一月之日。 十月也。 霜降,授衣。 者,即下章《傳》所謂「絲事畢」也。 九月猶西流,其候又差矣。 月,曆官失一閏。」案火伏在九月。 「褐」、「卒歲」而言。 」者、《春秋》「春三月」皆書「王」。春正月,周正。 《傳》又云「一之日、二之日、三之日,爲周、殷、夏正月 「以毳織之,若今馬衣也。 ,風寒也。」栗烈,《下泉》、《大東》兩正義引《詩》、《文 古詩》注引《毛詩傳》並作「栗冽」。 火向西而下,暑退將寒之候也。 |注云:「火伏 「褐,毛布。」《孟子・ 數起於一,終於十,復從十月而數其餘月。 春三月,夏正。夏、殷、周各統一正,而三正實兼 云「授冬衣」者,謂禦寒之衣。探下文「衣」、 **豬爲風寒之皃。翳,當讀爲嗶、《説文》:** 十二月不風而寒,故栗冽 二之日,十有二月之日。 (在今十 ○《傳》云「一之日,十之餘也」者,十 此即後世歲差之法。 -月猶 觱,即「觱」之俗。 滕文公》篇「許子衣褐」,趙注 或曰: [西流,言未盡 春秋之季,火伏在十月。 婦功成於八月,至九月 褐,枲衣也。 栗,當讀爲凓,《说 《傳》云「婦功成 皆以紀夏正 没。 爲 **鶯發疊韻** 寒氣 流火,火 知 春二 曰 一之 是 也 九.

田

止》同。 修之。 《詩》「四之日舉止」,止、趾古今字。 二月爲周四月之日,據周正爲説。 二月也。 《傳》又爲全章通釋也。 《廣雅》: 之日、夏之正月。」是韓亦兼夏正矣。《漢書・食貨志》引 尊本朝,法前王也。 百穀,皆言周正,而所紀時月皆用夏正。 凡耜必兼耒言也。 詩則正月始修耒耜者,爲豳土晚寒故也。 書·貨殖傳》「短褐不完」, 顔注亦爲編枲衣。 《初學記・地部下》引《韓詩》:「二之日,夏之十二月。 《御覽•資産部》兩引《韓詩》:「三月之時,可豫取耒耜 「耜廣五寸」,謂耒耑之金廣五寸也。 「枱,耒耑也。 《説文》:「褐,編枲韤。 也。」「周人謂餉日 布 衣也。」 趙 至于四月, 0 一之日爲周正月,則四之日爲周四月矣。 「毼,罽也。」罽者,織毛爲之。 「饁,饋」、《爾雅・釋詁》文。《説文》: 或作「鈶」。」「耜」與「枱」、「鈶」同。《考工記 前 始可舉足而耕 耒以木爲之。《月令》修耒耜在十二月: 周公作《豳風》與孔子作《春秋》同意。 説 饢。」「餉,饋也。」「饋,餉也。」 饁 與《箋》同 四之日,四月之日 一曰粗衣。」與趙或兩説同。 也。」韓從周 篇中若改歲、春酒、始 馬 《傳 經言耜、《傳》云耒耜 衣即《 》訓爲「足」、《麟之 蓋行事仍從夏時 蓋 也。 左傳》「馬 幽土 以褐 正爲説。 ○《説文》: 周四月,夏 爲 此變言 晚寒」 毼 《漢 也 又 繕

樂田畯」,鄭司農注云:「田畯,古之先教田者。《爾雅 饢 文》:「喜,王申毛如字。」《甫田》、《大田》同 皆以田畯爲嗇夫。 餉。」此子饋也。 妻饈之。」此婦饋也。 〈傳》云「田大夫」猶之農大夫也。 ·田,謂田畯,主農之官也。」高注《呂覽》以田爲農大夫。 、饋四字同 「畯,農夫也。」」《月令》「孟春,命田舍東郊」,鄭注云: 義。 南畝,詳《信南山》篇。 僖三十三年《左傳》:「白季見冀缺耨,其 《覲禮》注:「嗇夫,蓋司空之屬。」《釋 《孟子·滕文公》篇:「有童子以黍肉 鄭箋《詩》及郭注《爾雅 《周禮・籥章》「以

祁。 倉庚。 【傳】倉庚、離黄也。 陽。」郭注云: 悲,感事苦也。 【疏】《箋》云:「陽,温也。」《爾雅》:「四時,春 及,與也。 五畝之宅,樹之以桑。 女心傷悲,殆及公子同歸。 七月流火,九月授衣。 蘩,白 女 執 「氣青而温陽。」《爾雅》: 蒿也,所以生蠶。 豳 懿 筐, 春女悲,秋士悲,感其物化也。 公子躬率其民,同 懿筐,深筐也。 遵彼微行, 春日遲 春日載陽,有鳴 祁祁,衆多也。 「倉庚、黧黄。」亦 時出,同 微行,牆 爱求柔 【傳】遲遲,舒 遲,采蘩祁 時 下 爲 桑。 殆, 傷 徑 鯞 青 굸

以桑」。 驪並同。 桑,正 鄭注: 作「離黄」,與毛《傳》同。又「雜,雜黄 麻」者也。」先、後鄭並以五畝宅爲邑居矣。 此詩言豳女求 「五畝之宅,樹之以桑。」又《遂人》「上地,夫一廛,田百畝」, 布」,鄭司農注:「宅不毛者,謂不樹桑、麻也。」引《孟子》: 之宅,城郭都鄙之居也。《周禮・載師》「宅不毛者有里 略放今之離落村堡,與田錯處,不甚相遠。 地,公有公邑,家有家邑,縣、都有縣邑、都邑。 内,即城郭之内,亦謂之國中,亦謂之邑中。 畝田。」與《孟子》同。 之」,是桑樹於牆下矣。 云:「牆下徑也。」《孟子・梁惠王》篇兩言「五畝之宅,樹之 懿筐爲深筐也。 庚非黄鳥,辨見《葛覃》篇。 亦云:「鳴則蠶生。」《小正》、《月令》竝記「仲春鳴」也。 其色黎黑而黄。」《方言》作「驪黄」。 「鵹黄」。 是匹婦蠶桑,乃居室之事。 「廛,城邑之居。《孟子》所云「五畝之宅,樹之以桑 又《盡心》篇言「五畝之宅,樹牆下以桑,匹 《箋》云:「温而倉庚又鳴,可蠶之候也。」《説文》 高注《吕覽》、《淮南》引《爾雅》作 行,道也。 古者近郊有門,謂之郭門。近郊之 《荀子•大略篇》:「家五畝宅,百 〇《小爾雅》云:「懿,深也。」故 微行,小道。《傳》乃探下句,故 《傳》引《孟子》爲訓 案離與黧、黧、黎、雜 也。 「黎黄」。 宅、居也。 티 : 其餘鄉遂之 邑皆民居 楚雀也 《説文》 五畝 婦

部

以五畝 醜不一 《夏小正》云:「二月,采蘩。」「祁祁,衆多」、《玄鳥》箋同。 所能容者? 立畮。 孫、郭《爾雅注》、許《説文》、陸《義疏》並即以爲白蒿。 春晝舒長也。 亦緩也。《采叔》傳:「舒,緩也。」「舒」與「舒」通。 桑,稺桑也。」〇《廣雅》:「遲遲,長也。」《傳》云「舒緩」,舒 有門堂,外有場圃,又有桑、麻、雞、彘,豈一畝零九步中之 百六十步,則古之五畝,當今二畝零十八步。 之數,而不知理不可通。 卿因古説廬井二畝半,又創説邑居二畝半,以徙就五畝 居,各二畝半以爲宅,冬人保城二畝半,故爲五畝也。」案邠 女傷悲」、《傳》因述古語,則秋士以類相及。《御覽· 白義同也。 《傳》云「傷悲,感事苦也」者,謂感蠶事之勞苦。 《傳》云「白蒿」,《釋文》及定本皆作「皤蒿」,與《采蘩》傳同。 《采薇》傳:「柔,始生也。」柔桑,始生之桑。 畝零九步。 六尺爲步,步百爲晦。古之百畝爲今四十一畝。 穜。 宅爲田中廬舍明矣。 《正義》云: 繁可 太原閻若璩《四書釋地》三續駮趙説是也。 《正義》謂「人遇春暄,四體舒泰」,非也。 生蠶, 一夫一婦以養父母妻子五口爲率。 「白蒿,所以生蠶。 蠶惡 《食貨志》言田 趙 溼 岐《孟子注》云: 宜燥 則 [制用《司馬法》建步 繁爲陸 今人猶用之。 《箋》云: 古之二畝半, 經但言「春 廬 地之蘩。 舒緩者。 井 時序 皤 柔 内 宅 邑

> 此也。 公子率民,又補經義。 孫。」則公子,豳公之子,謂成王也。 與」、《釋詁》文。 承上章之意,言 是古有此語也。 四》引《淮南 • 公子,猶公孫。 |耕者出 案此章因授衣而言女功、始蠶之事,末句 繆稱 訓》 同歸必同出 而歸耳。 春女悲、秋士哀、知物化矣。」 《狼跋》傳:「公孫,豳公之 殆, 經言民與公子、《傳》言 、以箸君民勤於農事 讀 與「始」同。 及

章。 桑也。 也。」皆萑也。 也。」《大車》:「菼,雖也。 崔之初生者也。」《蒹葭》:「蒹,簾 「茬」。 必因天時,故 陽,明也。 事畢而麻事起矣。 朱孔陽,爲公子裳。【傳】點,伯勞也。 遠,枝遠也。揚,條揚也。 斨,以伐遠 豫畜萑葦,可以爲曲也。 雚 七月流火,八月萑葦。 七月鳴鶪,八 名薍,葦一 祭服玄衣纁裳。【疏】篇中皆敘人事,而人事 詩前三章以「七月流 《騶虞》、《碩人》、《蒹葭》云:「葭,蘆也。」皆 ~揚,猗 玄,黑而有赤也。 名葭,判然二物。 彼 月載績。 女桑。 角而束之曰猗。 蠶月條桑,取 火」發端 【傳】貳爲在,葭 【傳】折,方銎也。 載玄載黄,我 《碩人》: 朱,深纁 也。 載績,絲 女桑,荑 在,當 「菼, 薍 彼 也。 斧 爲

初生之稱。 桑,桋桑。」《釋文》: 《傳》云「角而束之」,「角」即「捔」字。 猗,當作「掎」、《説文》:「掎,偏引也。」《廣雅》:「捔,掎也。」 枝亦條也。 桑之枝條遠揚者,故《傳》釋「遠」爲「枝遠」,「揚」爲「條揚」。 也。」空即「孔」字。斧孔曰銎,方孔者則曰斨也。 作「挑桑」。「斨,方銎」、《釋文》引《説文》云:「銎,斧空 葦可以爲曲,豫畜之,以供來春養蠶。 槌。」郭注云:「槌、縣蠶。 月也。 謂之薄。 也。」《方言》:「宋、魏、陳、楚,江、淮之閒謂之苗,自闚 葦也。 蘆。」」然則 藿葦春生苗,至秋乃成。《小正》七月,豳土則八 則不爲茬葦。 蘆爲未成之葦。 「茶,崔葦之秀,爲蔣楮之也。● 萑未秀爲菼,葦未秀爲 遼、筐」,鄭注云:「時所以養蠶器也。 ○《箋》云:「條桑,枝落之采其葉也。」《玉篇》引《詩》 云「豫蓄 萑葦,可以爲曲也」者,《月令》「季春,具曲 《傳》義悉本《爾雅》。 宋、魏、陳、楚,江、淮之閒謂之植,自關而西謂 《汝墳》傳:「枝曰條。」《説文》:「條,小枝也。」 《集注》、定本皆云「女桑,柔桑」者,或以「荑」字 秀,然後爲 萑葦,故先言秀。」灌茶。《傳》: 《夏小正》:「七月,秀崔葦。《傳》:「未秀 「桋,或作「夷」。」毛《傳》作「荑」,荑者 薄,柱也。」案曲、苗古今字。 炎、薍、兼、薕爲未成之 藿,葭、 《爾雅・釋木》: 《傳》探下文釋經義 曲,薄也。 遠揚,謂 植 而 女 柏 荏 Ž 西 O 緇。 曰績。 雅

植

也。

言染絲之事。《上冠禮》注:「凡染黑,五人爲緅,七人爲 月」爲「五月」,未免臆解,總不若《箋》晚寒從氣爲説 絲事也。 ○《傳》云「絲事畢」者,承上蠶桑,探下玄黄,謂至八月始 以五月鳴,應陰氣之動,其聲鶪,故以音名也。」是子建以 陰而殺蛇、磔之於棘而鳴其上。」《御覽・羽族部十》引陳思 言「某月」者、皆夏正也。 五月鳴、《詩》七月猶鳴,遂以七月爲周正。 王《惡鳥論》:「《詩》云:「七月鳴鶪。」七月,夏五月。 注《吕覽》云:「是月陰作於下,陽發於上。 皆「五月鳴」。《月令章句》云:「應時而鳴,爲陰候也。」高 鷯」,昭十七年《左傳》作「伯趙」,聲並通。 束而采之。」○鶪,《夏小正》作「鴂」。「鶪,伯 難明,故易「柔」字。《箋》云:「女桑少枝長條,不枝落者 玄則六人與?」又注:「爵弁者,其色赤而微黑,如 釋鳥》文。 絲所成曰帛,麻所成曰布。 云「麻事起」者,以釋經「載績」之義。 郭注云:「似鵲鸛 崔《集注》及王述毛竟改經之「七 而大。」《小正傳》作「百 詩重絲事也,故下文即 《小正》、《月令》 而不知《豳 伯勞夏至後 絲曰紡,麻 勞」,《爾 伯勞 風 爵 畢

「楮」,徐子静本、《清經解續編》本 シ本 《大戴禮 記解詁》作「褚」。 同。 廣 雅 書局 叢

三五九

纁 以見豳公子朱裳亦是祭服也。 是也。《傳》意承「載玄載黄」句,故云「祭服玄衣纁裳」,就士 即天子玄冕也。 玄冕,玄衣而冕也。玄衣配以朱裳,《方相氏》「玄衣朱裳」,此 而言,以見豳人亦自作服。 纁」即是「純赤」。 朱爲四人,皆足補經文所未備。《説文》:「絑,純赤也。」 縓、赬、纁染絳法。 「三人爲纁」之文。《周禮》言纁、緅、緇染黑法,《爾雅》言 之赬,三人謂之纁。 染謂之纁。」《士冠禮》注云:「凡染絳,一人謂之縓,再人謂 爲緅,七人爲緇。』《釋器》:「一染謂之縓,再染謂之赬,三 黄,猶之玄纁也。《考工記》:「鍾氏染羽,三人爲纁,五人 赤色者爲玄。」許説「玄」正本毛氏《傳》訓。 又復再染以黑,乃成緇矣。 再染以黑則爲緅。 頭 人與?」《夏小正》傳:「玄也者,黑也。」《説文》云: 然。 ,淺絳也。」纁三人,則絑深於纁,爲四人矣。《傳》云「深 天子五冕之衣皆玄衣,裳有衮、鷩、毳、希之異。 天子 或 《謂之緅。」《考工記》注: 士玄衣,則配以纁裳、《禮器》「士玄衣纁裳 絑,今通作「朱」。 六人、四人,經無明文,鄭以玄爲六人而 緅,今禮俗文作「爵」,言如爵頭色 朱則四人與?」案《周禮》、《爾雅》皆有 經言「我朱孔陽,爲公子裳」,又 凡玄色者,在緅、 《絲衣》傳:「絲衣,祭服也。」 「染纁者,三人而 詁「陽」爲「明」者,色鮮 黄色近纁,玄 一緇之閒,其六 「黑而有 成。 也 又

艸也。 《詩》: 興五日翕,望乃伏。 云:「五月,唐蜩鳴。 審何草。 子傳》:「珠澤之藪,爰有蒹葽。」郭璞注:「葽,莠屬。」引 案劉子政説葽爲苦葽,鄭《箋》疑即王萯,不從劉説。 引《傳》「葽,草也」,不誤。「葽,草」,未詳。 《傳》文重「葽」字。《初學記・歲時部》、《御覽・時序部六〉 繼,功,事也。豕一歲曰豵,三歲曰豜。 同,載續武功,言私其豵,獻豜于公。【傳】續 也。 蘀。 云:「莠秀於六月,非秀於四月,葽非莠明矣。」苦葽,亦未 小 取彼狐貍,爲公子裘。【傳】于貉,謂取狐 穫,禾可穫也。隕,墜,蘀,落也。一之日于貉, 獸私之。【疏】「不榮而實曰秀」、《爾雅・釋草》文。 狐貉之厚以居。孟冬,天子始裘。 【傳】不榮而實曰秀。 葽,葽草也。 《詩》曰:「四月秀葽。」劉向説: 「四月秀葽。」《廣雅》:「葽,莠也。」《通藝録》辨之 四 ○《爾雅》: 月秀葽,五 《傳》: 《傳》: 「蜩,唐蜩。」 月鳴 「其不言「生」而稱「興」,何也っ 『唐蜩者, 匽也。』」又云:「匽之 蜩,八月其 俗作 「此味苦,苦葽也。」 《説文》:「葽 穫,十月隕 二之日其 大獸公之, **愛** 蜩,螗也。 小正》 《穆天 貍 皮

引《論語》爲證。

《説文》:「貈,似狐,善睡獸。」引《論語

影作

狐貉之厚以居」、《論語

鄉黨》篇文。

《傳》家上文「于貉

「于貉」二字羼入《傳》中,致不可讀,當據全《詩》通例訂正。

今本删去複經句「取彼狐貍」四字,而又因《箋》中

以 可 謂

自爲裘也。」凡《傳》未備,《箋》乃申補之,以完經義。

此

`互見、故不更爲「于貉」作解。

《箋》乃云:「于貉,往搏貉

取狐貍皮也」十字。

《傳》言狐貍爲狐貍

皮,則貉爲貉

皮

○《傳》文「下貉,謂取狐貍皮也」八字誤,當作「取彼狐貍,

·備藏,隕霜而冬裘具。」」故下文即言取皮作裘之事。

節

解而

隕

(蘀,謂草木隊落也。

《説文》云:「艸木凡皮葉落陊地爲

隊」、《小弁》、《縣》同。

隊,俗作「墜」。

「蘀,落」,《鶴鳴》同

故

《傳》云:「穫,禾可穫也。」《大東》傳:「穫,刈也。」「隕

而《詩》則五月始鳴,皆以紀候也。

〇豳地八月,其禾始穫

意以《七月》之蜩即《小正》之唐匽。《小正》詳匽伏在五月:

不見也。」」案《詩》言「蜩」凡二見、《傳》於《小弁》、《蕩》皆釋

五日也者,十五日也。

翕也者,合也。

伏也者,人而

「蜩」爲「蟬」,唯此「蜩」爲「唐」。《蕩》又釋「唐」爲「匽」,其

也 不

而伏云者,不知其死也,故謂之

)。望也者,月之望也。 n·知其生之時,故曰「興」。

以其興也,故言之興。

Ŧī.

日

翕

蘀。」引《詩》:「十月隕蘀。」《周語》:「先王之教曰:

「草木

其通例。

禮 • 傳《毛詩》,其所據《豳詩》作「肩」,與《齊風》同。 爲豵,二歲爲豝,三歲爲特,四 《還》「竝驅從兩肩兮」、《傳》:「獸三歲曰肩。」鄭司農注《周 田 皆《釋詁》文。」今《爾雅》「纘」作「纂」,「功」作「公」。 궁: 裘。」是其事也。」○同,讀如「我馬既同」之「同」。《車攻》傳 革,春獻之」,注"「皮革踰歲乾,久乃可用,獻之以 仲冬始搏獸者,爲來年用之。《天官·掌皮》「秋斂皮,冬斂 成王也、故《傳》即以天子釋之。《正義》云:「孟冬已裘,而 爾。 裘。」《傳》云「孟冬」,豳地晚寒也。 九年《左傳》稱齊大夫東郭書衣貍製,服注云:「貍裘。」」是 子爲大夫,狐貉以居,是大夫得服狐貉也。 貍亦大夫裘也。 貉者立。」《繁露· 謂狐貉之裘爲褻裘。《論語·子罕》篇:「衣敝緼袍與衣 皮不獨爲私居之裘,其狐皮之厚者以私居也。 貈」,今字通假作「貉」。 獵之事也。「豕一 大司馬職》云:「《詩》云:「言私其豵,獻肩于公。」一歲 「同,齊也。 《小正》:「九月,王始裘。」《月令》:「孟冬之月,天子始 田獵齊足。」《正義》云:「「續・ 竊謂褻裘與禮裘異。 服 歲日豵」、《騶虞》傳同。 派制》篇: 貉皮毛厚,以爲私居 「百工、商賈不敢服 歲爲肩,五歲爲慎。]案仲師 經言「公子」,豳公之子, 貉、狐貍或上下通 《正義》引: 湿,宜 豕,田 江水《圖 其云「三 狐貉。」孔 功,事」, 也。 豕也。 武功 人司 定定 考 一歲 狐 狐

備故也 晚也。 田。」此言「二之日」是季冬,不用仲冬者,豳地晚寒,故習兵 馬職》文。 特」,是其證。《正義》云:「「大獸公之,小獸私之」,《大司 二歲爲豝,三歲爲肩,四歲爲特。」稚讓作「三歲肩,四 皆尚小,則必自四歲、五歲始也。《廣雅》: 豕。 特,四 慎即慶也。 《説文》及《韓詩章句》並同。 「歲肩」,「肩」、「特」二字互譌。 四 . 時皆習兵,而獨説冬獵者,以取皮在冬,且大閱禮 禽、獸得通。」《大司馬》:「仲冬教大閱,遂以狩 豕生一歲爲小,三歲爲大。 豵、豝、肩皆豕,特、慎 毛《傳》 「獸一歲爲豵 他獸三歲以上 於肩兩言「三 歲 菲

蝑。』《傳》所本也。 爲改歲,人此室處。 北 窒熏鼠,塞向 月在宇,九月在 螽,蚣蝑也。 (墓門))傳: 『蚣』。]郭注云:「俗呼春黍。」詩之斯螽即《爾雅》之析螽。 出牖也。 五. 戸斯 「斯,析也。」「斯」與「析」皆象其動股作聲。 墐,塗也。 莎雞羽成而振訊之。 螽 怪 堪 户。 動股,六月莎雞 蜤, 户,十月蟋蟀入我牀下。 當作「析」。 【傳】穹、窮、窒、塞也。 【疏】《爾雅・ 庶人篳戸。 《説文》:「蜙,或 釋蟲》:「蜤螽,蚣 嗟我婦子,日 七月在野,八 振羽。【傳】斯 向, 穹 作 蚣

詩》云:「字、屋霤也。」〇穹、窮雙聲、窒、塞亦雙聲、《爾 皆因豳地晚寒也。 野」者,首章出耕既後於《月令》,則入處亦必後於《月令》, 覽》:「季夏,居宇。」《淮南》:「孟秋,居奥。」而詩則「七月在 室。 《正義》引《義疏》云:「莎雞,似蝗而斑色,毛翅數重,其 近,於蟋蟀以紀候焉爾。《月令》:「季夏,蟋蟀居壁。」《吕 正赤,或謂之天雞。 雞。」《說文》云:「赤羽。」是蟲、鳥同名,則莎雞亦 굸: 蝑 至十月入我牀下,皆謂蟋蟀也。」蓋古者在野有廬,在邑有 云:「莎雞,似蠶蛾而五色,亦曰犨雞。」皆異名也。《傳》以 之蒲錯。」李巡云「酸雞」,郭璞云「樗雞」,《御覽》引《廣志 蟲》"「翰,天雞。」樊光注:「一名莎雞。」《釋鳥》:「翰,天 又五月中,以兩股相切作聲,聞數十步。]〇《釋文》:「沈重 長角,長股,股鳴者也。 「振、訊,動也。」○蟋,當作「悉」。 「振訊」釋「振」,訊亦振也。 云"「舊多作「沙」,今作「莎」,音素何反。」」《爾雅 、春黍並於斯、 春夏居廬,秋冬居室,故豳人歷敘其由外而内,由 「幽州人謂之舂箕。 析聲 八月以往,悉入於邑矣。《釋文》引《韓 六月中,飛而振羽索索作聲,幽州 義 或謂似蝗而小,斑黑,其股似瑇 春箕即春 相 《爾雅》: 近 也。 《箋》云:「自七月在野 《周 季。 「振,訊 南》 蝗 類 Œ 也。」《廣雅》: 也。 義 引《義 赤羽 長 八而青 遠 人謂 疏 巾 瑁 翉 而

日 閉,閉之。 《月令》「孟冬,天地不通,閉塞而成冬」,鄭注云:「門户可 者、《儒行》注:「篳門,荆竹織門也。」襄十年《左傳》注:「篳 向者,填塞西室之北牖也。 門,柴門。」則篳户當以柴、竹爲户。 丹雘。」今《梓材》作「涂」。 泥也。」「墐」與「墐 北風驟緊,交冬閉藏,故毛、韓皆謂「塞向」爲「塞在北之向. 房、室之閒亦有户以相 窻亦牖之屬。凡屋,前有堂,後有房、有室。 鄉者,「向」之假借字。《釋文》引《韓詩》:「向,北向窻也。」 古有熏鼠之事。 《説文》:「剫,閉也。 《明堂位》注: 語 《説文》:「墐、涂也。」涂、塗古今字。《角弓》傳:「涂: 「社鼠出竊於外,人託於社。 室在西,有南牖。 嗣詞。 釋言》文。《雲漢》傳: 此鼠之患。」」又云:「稷蜂不攻,而社鼠不熏。」然則 窻牖可塞,塞之。」案此即「塞向墐户」之事。 《漢書 「鄉,牖屬。」《士虞・記》注: 穹窒熏者,言窮盡鼠穴而塞之、灼之也 食貨志》作「聿爲改歲」。 同。 讀若杜。」《丹部》引《周書》:「惟其敷 通。 房之北有北堂,北堂之下有北階, 《説文》:「揰,拭也。」涂,讀同 涂、敷聲通。《傳》云「庶人篳户」 墐户者,涂拭房室相通之户也 室之北有北牖。 熏,灼也。《韓詩外傳》:「晏子 灌之,恐壞牆。 泥之,使不通風矣。 「鄉、牖一名也。」 古「日」與「聿 此燕寢制 房在東,有南 熏之,恐 敗 也 寒

曰:「寒氣總至,民力不堪,其皆人室。」」是其義也。十一月爲歲始。人室處者,將避寒氣。《月令》:「命有司通。《緇衣》傳:「改,更也。」改歲,更一歲也。周建子,以

同時熟。」據孔説「蘡薁、鬱類」,則薁爲木。 鬱類而小別耳。 引陸機《義疏》與《義問》同。《正義》又云:「蘡薁者,亦是 實。」言「一名棣」,則與棣相類,故云「棣屬」。《齊民要術 李,一名車下李,一名棣。 尺,其實大如李,正赤,食之甜。」《本草》云:「鬱, 者,是唐棣之類屬也。劉稹《毛詩義問》云:「其樹高五 苴,麻子也。樗,惡木也。【疏】《正義》云:「一鬱,棣屬 采茶薪樗、食我農夫。【傳】臺、瓠也。 「燕薁, 「薁,嬰薁也。」人《艸部》,俗字作「蘡」。《 廣雅・釋草》: 壽,豪眉也。七月食瓜,八月斷壺,九月叔苴, 棣屬。 薁,蘡薁也。剥,擊也。 一十四株,爽李一株。」車下李即鬱,爽李即薁,二者相類 棗,十月穫稻,爲此春酒,以介眉壽。 【傳】鬱, 蘡舌也。」《疏證》云: 六月食鬱及薁,七月亨葵及菽,八月剥 《晉宫閣銘》云:「華林園中有車下李三百 生高山川谷或平田中,五 「即蘡薁也。 春酒,凍醪也。 **薁李樹不名**蘡 案《説文》: 叔,拾也。 月 名 雀

六四

凍醪、《楚辭》謂之「凍飲」,疑即今作白酒釀酒之有汁滓者。 竿擊棗謂之扑棗。《小箋》云:「剥,即「攴」之假借,今字作 作「菽」。《釋文》、本亦作「叔」」,爲假借字。《小宛》傳" 滑 伏後可種冬葵,九月可作葵菹、乾葵。」案此作菹在九月矣。 《齊民要術》引崔寔《四民月令》云:「六月六日可種葵,中 《爾雅・釋草》疏以爲《韓詩》。○《士虞・記》:「鉶芼,夏 矣。」鄭以醴爲汁滓酒。《説文》:「醴,酒一宿孰也。」醴、醪 《周禮 「扑」。」○春酒爲凍醪,義未聞。 《傳》云「擊」,言擊而取焉爾。 詩言「七月亨葵」,與《儀禮》「夏用葵」合。 用葵,豆實葵菹。」《周禮・醢人》:「饋食之豆,其實葵菹。」 毛公釋《詩》正謂此草也。」案《説文》引《詩》「食鬱及藿」, 薁藤。』《宋開寶本草注》云: 薁,蘡薁自是葡萄之屬。 菽 「櫐似燕薁,連蔓生。」《御覽》引《毛詩題綱》云:「藟 「櫻薁,實大如龍眼,黑色。 :,鄭注云「夏秋用生葵」是也。《説文》:「尗,豆也。」今字 、藿也。」藿爲尗之少者。 《夏小正》:「八月,剥棗。《傳》:「剥也者,取也。」」毛 酒正》注:「醴 ,猶體也。 《齊民要術》引陸機《詩義 今車鞅藤實是。]又引《疏》云: 「蘡薁是山葡萄,亦堪作酒。」 七月 示時尚少,蓋亨其少者 今山東人於棗孰時,男女持 《説文》:「醪,汁滓酒也。」 成而汁滓相將,如今甜酒 亨葵以供鉶羹之 我疏》云: 名熊

禮也。 經》:「籩實之蕡、豆實之糁,熬麻子爲之也。」《邶·谷風》、 「叔,拾也。 也。」《管子・山權數》篇云: 瓜瓠,又作「瓜華」。《郊特牲》:「天子樹瓜華,不斂藏之種 八月,兼食瓠葉。 苦,不可食也。」《箋》云: 此皆壺、瓠聲通之證。 《爾雅・釋器》「康瓠」,瓠即壺。《釋木》「壺棗」,壺即 及瓜,謂後年瓜時。」是食瓜在七月也。 傳》:「瓜時而往、曰: 也。」秀、豪同義。介、大也。 之春正月。 必齊。」蓋稻有稬、稅, 稬者釀酒。 每置酒,常爲穆生設醴。」 滓」,義互相成。 連篆,當是一 「荸,麻母。」《説文》作「芓」,麻母曰芓,麻子則曰苴。 「疆埸有瓜,是剥是菹」、《傳》云:「剥瓜爲菹。」莊八年《左 宿而孰,不齊之」是也。 是春酒爲易孰矣。 十月作酒,而十一月用之酒,即末章行鄉飲酒 酒, 汝南名收芋爲叔。」正本《傳》訓。 《漢書• 於「醴」 至八月,葉苦不可作菜,則斷 及瓜而代。」服注云:「瓜時、七月。 瓠亦作菹。 「瓠葉苦,至八月之時。」然則未至 下言一 楚元王傳》:「穆生不耆酒 顏注云「醴,甘酒也。 《月令》:「仲冬,乃命大酋 《南山有臺》傳云: 「民之能樹瓜瓠。」《説文》云: 酒,所以養老也。 秫稻,稬稻也。 宿孰」,於「醪」下言「汁 《匏有苦葉》傳: 壺,讀與「瓠」同 「眉壽,秀眉 ○《信南山 瓠以爲菹 少麴多米 《爾雅》: 仲冬, , 秫 元王 瓠葉 《禮 瓠 周 稻

392

菹,樗可作薪,豳土疏材之蓄聚,足以給食農夫也 氣。 不中規矩。 蒲,子又如眼目,故得此名。 皆謂惡木。《本草圖經》云:「椿木、樗木形榦大抵 采其復生之茶歟? 歷春,得夏乃成。」《吕覽·任地》篇:「日至,苦菜死而 「吾有大木,人謂之樗。 生者也,故緯書謂「苦菜生於寒秋」。 生。」案日至在仲夏、苦菜已死。 雅》釋文引《易通卦驗・玄圖》云:「苦菜生於寒秋,歷 |椿木實而 北人呼樗爲山椿,江東人呼爲鬼目。葉脱處有痕如樗 立於途,匠者不顧」是也。」此言瓜瓠苴,茶可作 葉香可噉。 樗,今俗之臭椿。 其本雍腫,不中繩墨。 樗木疎而氣臭,膳夫亦能熬 其木最爲無用、《莊子》所謂 所謂「資生」者,其實落復 此及《我行其野》傳 詩言「九月采茶」,是 小枝曲 相類。 法人其 拳, 冬 資

仴

《緜》傳並云:

「茶、苦菜也。」《月令》:「孟夏、苦菜秀。」《爾

綯, 綯 孰 夫,我稼既同,上入執宫功。【傳】後孰 十月納禾稼,黍稷重穋,禾麻菽麥。 日穆。 絞 亟 也 九月築場圃、【傳】春、夏爲圃、秋、冬爲場。 其 入爲上,出 乘 乘屋,其始播 升 也。 【疏】《説文》: 山爲下。 百 晝 穀。 爾 「場,治穀田也。」《東 于茅,宵 【傳】宵,夜; 嗟我農 , 曰重, 先 爾 索

卷

+

 \overline{H}

也。

《笺》云: 麥並稱可證。 以禾稼爲諸穀苗榦之大名,非是。《生民》詩亦菽、禾、麻 判然四物。 「種」之假借,穋、稑一字也。 謂之稑。」《吕覽• 重」,高注云:「晚穜早孰爲稑,早穜晚孰爲重。」《説文》 皆作「種稑」。鄭司農注云:「先種後孰謂之種,後種先孰 重穋」、《吕覽》注作「重稑」、《周禮・内宰》、《舍人》、《司 《傳》依經義言也。《箋》云:「場、圃同地。 云"「種,先種後孰也。」「稑,疾孰也。 「禾稼」也。 小米。《説文》:「禾之秀實爲稼,莖節爲禾。」則絫評之曰 ○《箋》云:「納,内也。 云:「場,築地爲墠,季秋除圃中爲之。」竝與《傳》義合 治之以種菜茹。 後釋「場」。 方未明》傳:「 種蓺」作「穜」,之用反。 《正義》本作「宫公」,定本作「宫功」。 「既同,言已聚也。」《爾雅》: 《正義》謂於麻、麥之上更言「禾」,以總諸禾,因 重穋、《説文》引《詩》作 春夏之圃,至秋冬作場以治穀,是謂之築場圃 「我稼」之「稼」亦謂禾,以該黍、稷、麻、麥也 圃,菜園 至物盡成孰,築以爲場。」《序官》「場人」注 任地》篇「穜稑禾不爲稑,穜重禾不 也。」場、 治於場而内之囷倉也。」禾者,今之 今種、穜二字互用。 占「種稑」作「種」,直容反。 圃連言、《傳》乃先釋「圃」、 「種稑」。《閟宫》「黍稷 「宫謂之室。」功,專 或作「穋」。」重者 《傳》云「人爲上 自物生之時,耕 禾、麻、 、菽、麥 稼 爲

二六五

同。 索。 屋。」趙注《孟子・ 分。」●古者野屋 登、升三字同聲。 之。」按《爾雅》云:「綯,絞也。」《詩》云「宵爾索綯」,即是其 曰:「此堈既從遠來,運致非易,恐其破損,故以蒲 《匡謬正俗》"「或問曰"「蒲州盛酒堈謂蒲綯,何也?」| 荅 物。』《墨子・辭過》篇曰:「古之民衣皮帶茭。」「茭」與「絞. 纑。」哀二年《左傳》「絞縊以戮」、杜注曰:「絞,所以縊人 爲繩也。 綯」,郭璞注曰:「綯,亦繩名。」引《詩》「宵爾索綯」。 言》「車紂,自關而東,周、洛、韓、 《詩述聞》云:「索者,糾繩之名。 茅也。「宵,夜」、《小星》同。「綯,絞」、《爾雅・釋言》文。 之事。」宫中,猶室中也。 下文出治野屋爲訓也。 者,承上章「人此室處」之意而 《説文》:「筊,竹索也。」義與絞亦相近。」奂案顔師 趙岐注《孟子》曰「晝取茅草、夜索以爲綯」是也。 此堈爲加蒲索,故謂之蒲綯爾。」顏以綯爲索,索即繩 可見唐人解經有不誤。 絞,亦繩也。 「或用 滕文公》篇云: 《考工記 茸屋敷。 《急就篇》:「纍、繘、繩、索、絞、紡、 《箋》云:「上人都邑之宅,治宫中 ○《説文》:「茅,菅也。」是菅亦稱 《爾雅》:「登,升也。」古乘 匠人》:「葺屋參分,瓦屋三 言。 《箋》云:「急當治野 「及爾閑暇,亟而乘,蓋爾 綯即繩也。 鄭,汝、潁之閒或謂之曲 又云「出 「爲下」者,蓋 索綯,猶言糾 7廬之 是綯 索 **《**方 纏 古 探

賦》注引《韓詩章句》云:「穀類非一,故言百也。」」以來歲播穀爲亟。《周語》:「其時儆曰:「收而野屋之用,以來歲播穀爲亟。《周語》:「其時儆曰:「收而野廬之屋。」此家上十月治場既畢而言。于茅索綯,待修治

疆。 夫加 也。 注云"「腹,厚也。 也。【疏】《月令》:「季冬,冰方盛,水澤腹堅,命取冰。」鄭 肅、縮也。 霜,十月滌場。 之日其蚤,獻羔祭韭。【傳】冰盛水複,則命取冰 於山林。沖沖、鑿冰之意。凌陰、冰室也。 兩樽曰朋。 以羔羊。 【傳】公堂,學校也。 二之日鑿冰沖沖,三之日納于凌 霜降而收缩萬物。 躋彼公堂,稱彼兕 饗者,鄉人飲酒也。 此月日在北陸,冰堅厚之時也。 朋酒 斯饗,曰 觥,所 滌,埽也。 以誓衆也。 殺羔羊。 鄉人以狗,大 觥 場,功畢入 九月肅 萬 陰 疆,竟 【傳】 今《月 四四 無

↑ 「三」、徐子静本、《清經解續編》本同。 阮刻《周禮

事,陽氣出,地始温 月取冰,正月藏冰,二月開冰。 高注《吕覽》云: 之冰室一也。 毛《傳》同。 凌。」鄭注云: 意同。 與今《月令》同。 不洩,則結而爲伏陰。」是取冰於山谷也。 之。』《初學記 《周禮》、《禮記》、《左傳》取冰、藏冰皆在十二月。《詩》十二 令》無「堅」。」《釋文》:「腹,本又作「複」。」毛《傳》無 一鲜,當爲「獻」。」《左傳》、《月令》皆不及「祭韭」者,文略也。 "獻羔祭韭」,言出冰之事也。 〈傳》云「沖沖,鑿冰之意」,《韓詩》云「沖沖,聲也」,訓 '「豳土晚寒,故可夏 「凌,冰室也。 西 《周禮》: [陸朝 冰者,固 覿 「凌,冰室也。」《説文》:「鯵,仌出也。 「仲春、天子乃鮮羔開冰、先薦寢廟。」注: 《正義》謂 地 而 「開冰室取冰,治鑒以祭廟,春薦韭卵。」案 「凌人掌冰正。 昭四年《左傳》:「深山窮谷,於是乎取 出之,謂二月日在婁。 部下》引《韓詩》: ,故禮應開冰,先薦寢廟。」又引服注《左 **鯵同。」《韓詩》云:** 「陰冱寒之物,故凌謂之冰室,與凌陰謂 (正月納冰。 凌爲冰體,誤矣。蚤、早古今字。 定 《左傳》亦云:「獻羔而 歲十有二月,令斬冰,三其 義》引《鄭志·荅孫晧 夏二月仲春, 「冰者,窮谷陰氣所聚 「凌陰,冰室也。」與 四度,春分之中。 Ш 林猶言山 ,大蔟用 《詩 堅 異而 毫玉 谷。 啓 飲酒 以 禮 》: 説。

東方,祖陽氣之發于東方也。」是鄉人飲 《正義》本有五字,今訂正。 園壺無玄酒也。 此、則鄉人有大夫、尊兩壺爲兩方壺矣。 卿大夫、士也。 西,兩方壺。 收縮萬物」也。 云:「其牲,狗也。亨于堂東北。」《鄉飲酒義》云: 「兩壺,斯禁」,射亦飲酒也。 葭》傳云:「白露凝戾爲霜,然後歲事成。」此所謂 束爲肅,猶收縮爲肅也。 令》「仲春行冬令,草木皆肅」,注:「肅,謂枝葉縮束。」是 用。」鄭意本《爾雅》「西陸爲昴」,故依《周禮》「孟夏頒 人士君子尊於房户之閒,賓主共之也。」《詩》言「朋」,《傳 九月,埽場則在十月也。 奎始晨見東方,蟄蟲出矣,故以是 「兩尊」釋之,此即「兩壺」,賓主所共之尊也。《鄉射 《箋》云:「此章備暑。」〇古肅、 也」五字。 「尊兩壺于房户閒,斯禁。」《禮記·鄉飲酒義》篇: 尊士旅食于門西,兩園壺。」注:「尊方壺,爲 《説文》: 尊士 《説文》: 樽,俗字。 旅食者,用 《周語》云:「場協人。」〇《鄉飲 首章《傳》云:「九月霜始降。」《 「滌,洒也。」埽、洒 《傳》文「饗者」下各本奪「鄉人 饗, 《鄉飲酒禮 又《燕禮》:「司宫尊于東楹 鄉 園壺,變於卿大夫也。」據 人飲 縮聲同。 時 出之,給賓客 酒 》及《鄉射 酒 兩方壺有玄酒,兩 也。」本《傳》訓 旧人義。 性以狗矣。 《正義》引《月 「亨狗干 築場 喪 記》皆 冰」爲 祭之 降 禮 洒 而

遂學在縣鄙,亦如鄉學之在於州黨也。 郊學,謂之四郊小學。 里爲六鄉,六鄉之中有州序黨庠,謂之鄉學。 之。」案成周之制,中爲王宫之學,謂之四門大學。 周之小學爲有虞氏之庠制,是以名庠云。 宫之東。 習禮於遂學。」《王制》:「周人養國老於東膠,養庶老於虞 界之外者也。 謂鄉學也。 移之郊,如初禮。不變,移之遂,如初禮。」鄭注云:「此庠 帥教者以告。 傅農事。」○公堂爲學校,此鄉學也。《王制》:「命鄉簡 者移之左,命國之左鄉簡不帥教者移之右,如初禮。 大司徒帥國之俊士與執事焉。 樂已人,歲事既畢,餘子皆入學。 其鄉里。 黨正,下大夫。《書大傳》云:「大夫、士七十致仕退老,歸 有大夫在焉,則加以羔羊也。 不「亨狗 虞庠,在國之四郊。」鄭注云:「東膠,大學,在國中王 虞庠,小學也。 大夫爲父師,士爲少師。 而 鄉謂飲酒也。 「殺羔羊」、《傳》云 又爲之習禮於郊學。 耆老皆朝于庠。元日習射上功,習鄉上齒。 又其外歫國二百里爲六遂,有遂學。 周立小學於四郊。 習禮於鄉學,使之觀焉。 不變,命國之右鄉簡不帥教 鄉大夫,卿。 「大夫加以羔羊」,鄉 **岠冬至四十五日始出,**學 新穀已人, 櫌鉏已藏, 祈 遠郊之外曰遂,又爲之 此學制之大概也。 其立鄉學亦 州長,中大夫。 庠之言養也。 六鄉之境有 歫國百 人飲 郊,鄉 不變 酒 加 示

> 鄉飲酒禮有大夫,則大夫爲尊客也。 遂稱觥致祝。「萬壽無疆」,衆人所以致祝於尊客之辭也 家所設以教民者,故曰公堂。 夏、殷之際,而飲酒養老,四代皆如是也。 飲之禮。 該鄉也。 庠爲鄉學。 大學饗群臣,非《傳》義。 《周官》飲酒之禮,箸於黨正一職。 《州長》「春秋,以禮會民而射于州序」、《黨正》「以禮屬民而 天子 飲酒于序」,注:「序,州黨之學。」《學記》「黨有序」,注: 「疆之爲言猶竟也。」「疆」訓「竟」、《傳》爲全《詩》通 「觥,所以誓衆」者,誓猶戒也。 「庠,鄉學也。 「黨,屬於鄉。」《鄉飲酒義》「主人拜迎賓於庠門之外」,注: 六鄉,以 鄉五州,每州二千五百家。 飲酒即以養老。 飲酒、本鄉人會飲於州黨。 庠之制,有堂有室也。」然則 東西言,則謂之左鄉 州、黨曰序。」《鄉射禮》注: 《卷耳》傳:「兕觥,角爵也。」此云 周公陳后稷、公劉之業,適 鄭《箋》及《月令》注以公堂爲 飲酒將終,戒衆設觥,衆人 黨學即 右鄉,每鄉萬二千 州五黨,每黨五百家。 其飲酒也,有大夫與 昭元年《穀梁傳》: 庠有堂。 鄉學亦得名庠。 鄉學,可舉黨以 「周以有虞氏之 庠爲公 五百 虞

鴟鴞》四章,章五句。

乃爲詩以詒王,名之曰《鴟鴞》。」然則《鴟鴞》之詩,蓋作於《書・金縢》篇云:「周公居東二年,則罪人斯得。于後,公志,公乃爲詩以遺王,名之曰《鴟鴞》,焉。【疏】《鴟鸮》,周公救亂也。 成王未知周公之

東征二年之後周公未歸時也,故次在《東山》前

鷯。」《小毖》箋鷦,或曰鴟鴞矣。 子》之「蒙鳩」也。 幽州 王也。 閔斯。 **商,風至蕳折。」依《韓詩》説,此即《大戴禮》之「妄鳩」、《荀** 爲巢,以麻紩之,如刺襪然。 義》引《義疏》云:「鴟鴞似黄雀而小,其喙尖如錐。 鸋鳩」、《爾雅・釋鳥》文。《説文》作「寧鳩」。《方言》云: 寧亡二子,不可以毀我周室。 「桑飛,自關而東謂之工爵,或謂之過廳,或謂之女匠。 而東謂之鸋鴂。 ·人謂之鸋鴂。」《韓詩》: 鴟 鴟鴞鴟鴞,既取我子,無毀我室。【傳】興 【疏】全章皆託鴟鴞起興,周公以自喻也。 鶏,鸋鸠也。 【傳】恩,爱; 《荀子· 自關而西謂之桑飛,或謂之懱爵。」《正 無能毀我室者,攻堅之故也。 鬻,稚; 勸學篇》楊倞注云:「蒙鳩,鷦 「鴟鴞,鸋鴂,鳥名也。 縣箸樹枝,或一房,或二房。 趙 恩斯勤斯,鬻子之 岐注《孟子》鴟鴞爲小 関,病也。稚子,成 敷之葦 取茅莠 「鴟鴞 白

謂愛惜此二子,非《傳》意也。《正義》引《爾 蔡也。 「醫,稚也。」郭璞曰:「鞠,一作「毓」。」《邶 言我周室當恩愛保護,勤勞勉作。 公志矣。 管作難。 之兄,武王崩,成王幼,次當及己爲天子。 東諸國。 之室則幾乎毀壞,周公誅二子,不得已也。 曰取、曰亡,明明既誅管、蔡矣。 傳》:「言取,病内也。」此即經「取」字之義。「僖十九年冬 鳥。 梁亡」、《左傳》:「梁亡,自取之也。」此即《傳》「亡」字之義 也。「無」、「勿」、「毋」三字並與「不可」同義。 釋「無」、《漢廣》傳又以「無」釋「不可」,無猶勿也,無猶毋 也。」「甯,所願也。」「寧」與「甯」音、義皆同。《傳》以 可以毁我周室」者,此釋經之正義也。 巢也,以喻周室之堅固。 同古説。○《傳》云「無能毀我室者,攻堅之故也」者,室猶 謂鴟鴞爲小鳥矣。 三章《傳》:「手病、口病,故能免乎大鳥之難。」則毛 《春秋》:「莊九年九月,齊人取子糾,殺之。」《穀梁 ○《説文》:「恩,惠也。」惠亦愛也。 意將興復殷商,而管叔習見殷商。 朝變起,天下殷周,不知誰何。 唯郭注《爾雅》、《方言》、王注《楚辭》不 此釋經之喻義。云「寧亡二子,不 當時武庚啓釁,遂株連 承「無毀我室」句。 《説文》:「寧,願詞 蔡在同監,故 后稷以來,攻 弟及己乃叔旦 毛氏可謂善逆 雅 谷風》正義引 「恩斯勤斯」, 二子,謂管 釋言》: 「不可」 堅 奄 亦

397

三六九

卷

十 五

破,是其病也。」毛、韓大指相同 之。愛憐養其子者,謂堅固其窠巢。 義,而又釋經義,云:「稺子,成王也。」《文選》陳琳《檄吴將 作 大樹茂枝,反敷之葦萵,風至,萬折巢覆,有子則死,有卵則 校部曲》注引《韓詩》云:「鴟鴞,所以愛養其子者,適以病 「稺」。「閔,病」、《邶・柏舟》、《閔予小子》同。 一育 稚」,今本作 鞠 稺」。 石 經 稺」作「稚 病之者,謂不知託於 」,《釋 《傳》既釋字 文》作

> 君蓋亦指成王也。侮,猶毀也。 人君能治其國家,誰敢侮之? 刺邠君曾不如此鳥。」案邠

《方言》:「錐謂之鍣。」「鍣」與「苕」同。蓋以鍣狀錐,則 華。《傳》云:「崔苕。」《出其東門》箋:「茅秀。」《廣雅》: 茶之脱穎秀出者如錐然矣。凡茅一莖,秀只一條,旋即作 也。」《韓詩傳》作「葦蘭」。 《爾雅》:「蔈、荂,茶。 名。」「葦醜,芀」,注:「其類皆有芀秀。」《説文》:「芀,葦華 也。 ○《芣苢》傳云:「捋,取也。」「荼,萑苕」,「萑」當作「萑」。 云:「拮据,手病也。」 戟 挶者,即手病之謂,俗作 以見毛、韓訓異意同,非分釋「拮」「据」兩義也。《玉篇 也。」「据,乾挶也。」案許於「据」下用毛,而於「拮」下用韓 瘏」爲訓,故必兼言口也。《説文》:「拮,手口共有所作 足爲事曰拮据」,韓蓋以鳥之手即鳥之足,其探下「予口 「蔛,茅穂。」蔛即荼。《淮南子・説林》篇: 室家。【傳】謂我未有室家。【疏】《釋文》引《韓詩》「口 審、【傳】拮据、機揭也。茶、萑苕也。租、爲、寐、病 手病、口病,故能免乎大鳥之難。 予手拮据,予所捋荼,予所蓄租,予口卒 猋、藨, 芀。」郭注:「皆芀、茶之别 案「苕」、「薦」皆「芀」之假借 「適苗類絮,而 曰予未有 :「撠」。 知 卒

二七

毋遠天室。』營周居于雒邑而後去。」事見《逸周書 夏之居。 與《正月》同。未有室家,言未營成周也。 自防,故知求免大鳥之難也。」○《傳》以「謂」字代「曰」字, 病者,上三句皆謂手病也。《正義》云:「鴟鴞小鳥,爲巢以 韓改毛耳。「瘏,病」、《卷耳》同。 **奂案蓄,《釋文》作「畜」。《蓼莪》箋:「畜,起也。」「祖」訓** 字,爲也。」《正義》:「祖訓始也。 ○《校勘記》云:「《釋文》: 不可爲絮。]高注云: 云:「祖,爲也。」」今《釋文》、《正義》「祖」皆譌「租」,當正。」 「我維顯服,及德方明。 「敵戰」之「敵」,幽冀謂之 茬苕也。」皆散文可通之例。 「武王克商,遷九鼎于雒邑。」《史記・周本紀》:「武王曰: 租」下引《韓詩》云: 爲」,爲者,作也。 然則欲營成周,公之志,武王之志也。《書大傳》云: 我南望三塗,北望嶽鄙。 「畜」亦當訓「起」。 「積也。」疑《韓詩》作「蓄,租」,今本從 「適苗,崔秀。 自雒汭延于伊汭,居易毋固,其有 「租,子胡反。 此言口病、《傳》必連言手 物之初始,必有爲之,故 顧詹有河,粤詹雒、伊 楚人謂之藡。 此毛義也。 本又作「祖」。 桓二年《左傳》: 度邑》 《釋文》 適,讀 如

予羽譙譙,予尾偷偷、【傳】誰誰,殺也。偷

Ŧi.

一年營成周。

曉曉」。 修」。 傳: 也。 肅 與女」、「維予二人」、「維予侯興」、「維予胥忌」、「維予小 阢不固之言也。」《蘀兮》「風其漂女」、《傳》云:「漂,猶吹 臑臑也。」應劭《風俗通義・説夏》: 修然無潤澤之色,亦「且乾」之義也。 本用合韻,淺人改爲「消」,又或改爲「翛」。今本《釋文》亦 者,《考工記•矢人》:「羽豐則遲,羽殺則趮。」「殺」與「豐 作,而民思憂。」「譙」與「噍」同。 記》篇:「其哀心感者,其聲噍以殺。」又云:「志微噍殺之音 曉。【傳】翹翹,危也。 脩,敝也。予室翹 依《毛詩》字例當作「維予」。 也。」《玉篇》引《詩》「予維音之曉曉」、《説文》作「唯 是淺人所改。《集韻》所據《釋文》未誤。」案《中 正相反。《小箋》云:「唐定本、宋監本、越本、蜀本皆作「修 `魚尾脯脯、鳥尾修修,聲義並同也。 ○「翹翹,危」、《爾雅・釋訓》文。 《釋名》云:「危,阢 「脩,且乾也。」「脩」与「修」通。 唐石經、宋《集韻》、光堯石經皆作「脩脩」。 蓋《毛詩 「音」下皆有「之」字,與今本異。 一翹,風雨所漂摇,予維 曉曉,懼也。【疏】《禮記 維,發聲也。 重言之日 「馬掉尾肅肅。」馬 修修,謂鳥尾勞敝,修 《説文》:「臐,乾魚尾 《説文》作「唯予」、 羽殺尾敝,喻勞苦 《詩》凡言「維予 一誰誰。 -谷有 云「殺 予音之 音 尾肅 蓷 嘵 樂

《爾雅》作「憢憢」,誤。懼者,懼室爲風雨所危也。子」,皆作「維予」,是其證。「嘵嘵,懼」,亦《釋訓》文。今

《東山》四章,章十二句。

武庚之叛,周公之征,總在成王元年中。 東征作《大誥》,故《書大傳》《大誥》廁《金縢》前,有以也 年即位。 其謂矣。 大傳》云:「周公攝政,一年救亂,二年克殷,三年踐奄。」是 東征告成之詩。《書・大誥》篇「肆朕誕以爾東征」,東征之 而歸。 民,民忘其死,其唯《東山》乎?【疏】此美周公 於人,序其情而閔其勞,所以説 之望女也,四章樂男女之得及時也。君子之 章言其完也,二章言其思也,三章言其室家 年也。 滕文公》篇「伐奄三年,討其君」,東征之三年也。 東山》,周公東征也。周公東征,三年 《金縢》篇「居東二年」,東征之二年也。 勞歸士,大夫美之,故作是詩也。 **奂竊謂東征與居東非有二時。武王既喪,成王踰** 其夏六月葬武王,而武庚遂作亂,武庚叛即東征。 流言釁起,東國欲 也。 説以使 **念孟 零**

解,以滋曲説,故具論之。 故「辟」爲「辟嫌」、「居東」爲「辟居東都」。 此。 管、蔡」,鄭氏乃礙於、罪人未得不便,一聞流言遂即東征」, 其灼然者也。 則未得也。直至雷風動處,乃於三年之秋迎公。即於三年 倫遭變,實生意表。「罪人斯得」,以爲至是而得罪人,前 此史臣載筆之辭。 天子。王命唐叔歸周公于東,作《歸禾》。」此東征顛末心 之冬,公歸朝廷。《書序》云:「唐叔得禾,異畝同穎,獻 告厥功於先王爾。 蔡流言也。不然,外侮不禦,禍生蕭牆。公之聖,初不出 二年,則罪人斯得。」案「弗辟」,《説文》作「不擘」。 「擘」訓 喪,管叔及其群弟乃流言于國,曰:「公將不利于孺子。」周 「治」。治者,治武庚,非治管、蔡也。治武庚叛亂,非治管 公乃告二公,曰:「我之弗辟,我無以告我先王。」周公居東 以 篇,文字極簡略,記流言不及叛亂,論管、蔡不及武庚、 (蠢動,西土人衆而尚未知出自管、 道聽浮說,輒動干戈,公之聖亦斷不出此。蓋《金縢 自僞孔《傳》「辟」爲「刑辟」,「居東」爲「東征 若當初周公意中但欲出師治武庚亂,以 絕不疑啓商始禍,乃出 蔡。 《書》云:「武王 於骨肉懿親,天 不明「辟」字的 迹 此 既

我徂東山,慆慆不歸。我來自東,零雨

文。《傳》引之者,以釋經「西悲」之義,閔管、蔡之既誅也。 於章首先箸明之。 者,謂此也。 之罪未箸。 蒙陰縣南。 濛」,「濛,微雨。」與《傳》訓同。 云「言久」也。 於少暤之虚」,服虔注云:「商奄,魯也。」周公之征,管、 後益封,始得奄之故地。《左傳》祝鮀稱「因商奄之民,封魯 宿,亦在車下。 歸,我心西悲。【傳】公族有辟,公親 〈九罭》「我覯之子,衮衣繡裳」,《傳》:「所以見周公。」即其 【傳】蜎蜎,蠋貌。 【傳】士,事; 樂,爲之變,如其倫之喪。 東山」同。 ,古「製」字。 奄國强大,故踐奄又在克殷之後。 【傳】慆 《悉蟀》「日月其慆」,重言之曰 勸禄父以畔者, 周公所誅之奄國,在魯境内。 《孟子·盡心》篇「孔子登東山而小魯」,與詩 零,當爲「霝」。 「製彼裳衣」,言成王以上公之服迎周公也。 枚,微也。 慆, ○「公族有辟」以下、《禮記・文王世子》 【疏】東山,魯東蒙山,在今山東沂州 蠋,桑蟲也。 言久 奄君薄姑也,故出師必先征 蜎蜎者蠋,烝在桑野。 也。 制彼裳衣,勿士行枚。 案此紀往來東土之勞苦,每 《説文》引《詩》作「霝 濛, 烝, 寘也。 詩以「徂東山」發端 雨 [慆慆。 魯初封曲阜,其 貌。 素 我 敦彼獨 服,不舉 三年,故 東 雨其 曰 蔡 府 奄 事

終身守此勿勿也。」盧注云:「勿勿,猶勉勉也。」《開元 所引《説文》「葵」作「桑」。《韓子・ 蠋者,「蜀」之俗。《玉篇》: 先述周公悲傷兄弟、勤勞王家、《傳》可謂善逆《詩》志者矣。 微,人不知曲直。」並與此「行微」義同。 經•電占》引京房云:「霆或正直而長光明者,此 也,不微人。人知之,則願也。 致也?」」毛公親受業於荀門,故《傳》義常用師説。 誠盛於内,實於外,形於四海,天下其在一隅邪,夫有何 怠,忠信無勸,而天下自來。 之,愛莫助之」、《傳》:「愛,隱也。」隱猶微也。 ○鄭注《考工記・ 戴禮・曾子立事》篇: 曰:「我欲致天下,爲之奈何?」對曰:「執一無失,行微無 積微也。彼訓「愛」爲「隱」,義本《荀子》,則此訓「行枚」爲 微,言周公密勿從事,行微不怠也。 《説文》:「蜀,葵中蠶也。」引《詩》正作「蜀」。 「行微」,義亦本《荀子》。《荀子・堯問篇》云:「堯問於 也。 勿,猶勉也,如《韓詩傳》「密勿,黽勉」之義。 《傳》於「士」讀爲「事」,於「枚」 廬人》云:「蜎,掉 「君子不絶小,不殄微也。 「蜎,蜀皃。」又 執 人不知,苟吾自知也。 一如天地,行微如日月, 内儲説上》篇:「蠶似 《烝民》「維 也。」 |讀爲「微」,皆 案篇皆敘軍士,此 重 「蜀,桑 言之日 《爾雅》釋文 謂 仲 仲 勿 行自微 蟲也。」 山 尋 山 蜎 事 君 聲 甫 甫 蜎 忠 行 子 能 舉 行 得

二七四

蠋」,司馬彪注云:「蠋,豆藿中大青蟲。」是在豆藿中者亦 異。」然則蜀狀如蠶矣。 蠋。」又《淮 云:「一章言完。」是其義也 云:「敦,猶專專也。」亦在車下,以驗軍士之生還。《序》 曰蜀也。 「填」、《箋》云:「古者聲「寞」、「填」、「塵」同。」三章《傳》 「烝,寘」,當依《釋文》作「實」。《常棣》傳「烝」訓 南子・ 説 战林》篇: 《莊子・庚桑楚》篇「奔蜂不能化藿 「蠶之與 蠋 一; 狀 相 類, 而 愛憎

倬 樓也。 括樓、《説文》作「舊婁」,其字又作「觚蟖」。 青黑色。 《正義》引:「李巡注云:「括樓,子名也。」孫炎云:「齊人謂 「懷也。 【疏】《爾雅・釋草》:「果贏之實,括樓。」此釋《詩》 蛸在户。 蓋《唐本草注》也。 之天瓜。」《本草》云:「括樓葉如瓜葉形,兩兩相值,蔓延 其濛。果贏之實,亦施于宇。 伊威在室,蠨 果括、 熠 我徂東山,慆慆不歸。 耀, 烽也。 六月華,七月實,如瓜瓣。]是也。」案孔引《本草》 、羸樓皆一 ,威,委泰也。 町睡鹿場,熠燿宵行。【傳】果贏,括 果贏,蔓生草之類。括,俗從木作「栝」。 聲之轉、《傳》直以「括樓」釋「果廳」矣。 燐,螢火也。 蠨蛸,長蹄也。 不可畏也,伊 我來自東,零雨 高注《吕覽・孟 町疃,鹿 可 迹

膜如錢大者爲喜子,以其白膜窠中抱子者當之。」奂案《説 也。 通。 長,故《爾雅》、毛《傳》謂之長踦。 文》作「蠨」,云:「蠨蛸,長股者。」蠨蛸後兩足於前六足較 《詩》之蠨蛸也。 驚觸,便分開後兩股,如排八字,以候飛蟲而擒之。 人歙戴庚云:「惟此種籠鼄,後兩股頗長,結網極速。 州、河内人謂之喜母。 者,俗呼爲喜子。」《義疏》云:「蠨蛸,長踦,一名長腳。 處多。」〇「蠨蛸,長踦」、《釋蟲》文。郭注云:「小鼈鼄長腳 背有横紋蹙蹙起,大者長三四分。 形似白魚而大。」窓宗奭《本草衍義》云:「多足,其色如蚓 魚。」案白魚狀似今之地鼈蟲。 也。」此郭景純所謂舊説,鼠婦爲蛜威别名也。 負。」《説文》:「蟠,鼠婦也。」「蛜,蛜威,委黍。」「委黍,鼠婦 威,委黍」、《釋蟲》文。《爾雅》作「蛜」。《釋蟲》:「蟠,鼠 夏紀》及《淮 注》:「王瓜葉似栝樓。」陶隱居注: 「同類」,不謂「同物」矣。《葛覃》傳云:「施,移也。」〇「伊 《正義》引《義疏》云:「在壁根下 幽州人謂之親客,亦如蜘蛛,爲羅網居之。」是也。 南 俗呼喜母,或稱喜子。 時 則 訓》 此蟲來著人衣,當有親客至,有喜 謂 與 陸佃《埤雅》亦云:「伊威 王 長腳、長股,亦皆指後兩 在處有之, 塼甃及下溼 「栝樓狀如王瓜。」又謂 瓜 今人又以壁上結白 甕底土中生,似白 物。 「婦」與「負 然《唐 此即 本草 偶 近 荆 有

聲。」「速」即「鏖」之省。

《定

心部》:

處

也。

籀文作

从鹿,速

「速」。」「速」乃「迹」之籀文,資昔切。

「速」非 「迹,步

「速」字也。

爾爾

林》云"「鹿迹。」《説文·鹿部》云"「鏖,鹿迹也。

《釋文》「速」作

「鏖」,云:「素ト反。

本又作「速」。」引《字

「鹿,其迹速。

「鹿迹」者,祇釋經「疃」字之義。《釋獸》:

曰

「田處。」田處者,謂人所田之處。

獸足蹂地曰厹,其所

《廣韻・

青韻》注

段注云"「「町」下「踐」字疑淺人所增。

《詩》曰:「町

'疃鹿場。'」从田,

童聲。」其字作「疃」。

反。

字又作「墥」。」《説文》:「田踐處曰町。」「疃,禽獸所踐

他興反。或他頂反。字又作「圢」。

畽,本又作「疃」,他

短

之壁錢當之,乃與長踦古訓不侔,失之。○《釋文》:

町

网之 鼈鼄,亦同類别物矣。

陸元恪謂「蠨蛸,喜母」,而以今

作白膜之壁錢,則其爲能作网之鼊鼄,而與壁錢爲不能

作

凡爲鼄蟊之不能作网者,不得渾稱也。

也。」蠱蟊,即《爾雅》之次蠹。

許云作网鼄蟊爲蠿蟊,以

别 蟊 麁 短

「蠨蛸,長踦」,斷非

其大名也。《説文》:

缸

鼄,鼄蝨也。」「蠱

雪,作

网

鼄 鼅

若齊,不能作网。

二者俗通呼之爲喜子,或謂喜母,而

足言也。

此

紅缸電

中

·能作网者。

壁錢,亦

鼅

鼄

類,其足長

蓋

字。」案段解町

'疃爲平坦所踐處,則町爲平坦。

《傳》云

蹂之處日疃。

《楚辭・

九思》:

「鹿蹊兮

斷

韓同。 轉鄰也,人血之爲野火也。]張注: 也。 作「劵」。《炎部》:「粦,兵死及牛馬之血爲粦。粦,鬼火 自不當依《爾雅》之「熒火」夜飛有火蟲釋之矣。燐、《説文》 并謂毛以螢火爲燐爲非。 《章句》以爲鬼火,或謂之燐。」仲達以《韓詩章句》未爲得 螢火爲燐。 「熒」。」《詩正義》引《爾雅》本作「螢火」。 章言「倉庚于飛、熠燿其羽」,則熠燿又謂鳥羽之光明矣。 爲正。」案此章「熠燿」,《傳》謂燐之光,當是相傳古説。 引毛《傳》: 熠宵行」。《文選》張華《勵志詩》「涼風振落,熠熠宵流」注 專謂鹿迹。 雅》言鹿迹謂之麋,則麋爲鹿迹之專稱,故《説文》於「麋」下 云:「宋本、葉鈔本作「熠熠」。 反。」《説文》:「熠,盛光也。 迹者,鹿所步處也。 《釋文》:「燐,字又作「嶙」。」螢,《爾雅》釋文: 云「鹿迹」,本《爾雅》。 从炎、舛。」段注云:「《列子・ 毛又釋「燐」爲「螢火」,亦與韓釋「燐」爲「鬼火」同 引陳思王《螢火論》:「《詩》云:「熠燿宵行。」 「熠熠,燐也。」疑皆「熠燿」之誤,當依《 毛《傳》依經作訓 ○《釋文》:「熠,以執反。 而於「疃」下云「禽獸所踐處」,即 然則《傳》釋「熠燿」爲「燐」,毛與 《詩》曰: ,故釋「町疃」爲「鹿迹」。 王伯厚《詩攷》舉《説文》「熠 天瑞》篇曰: 「熠熠宵行。」」段 又按諸文皆不言 「馬血之爲 「本又作 《詩音 燿, 以 蓋 義 下 照 注 鹿 不

「此皆 形之内自變化

三七五

可見。 之説。 不可易。 火爲一物,「熒」改作「螢」,「姦」作「燐」,又改作「鳞」、《廣 故从炎、舛。」 奂案《説文》於「熠」下引《詩》「熠燿宵行」,於 炤」當之,且或改「熒」爲「螢」,改「淼」爲「鳞」,大非《詩》義。 言鬼火也。《毛詩》字本作「熒」,或乃以《釋蟲》之「熒火,即 如 火,故即以鬼火釋之。 之處,有人馬血積年化爲粦。粦著地、入草木,皆如霜露不 而至,血灑汙人。以簪招,則不至。』《博物志》:「戰鬥死亡 露百日,則 「兵死之士血爲鬼火。」見《詩正義》。 也。』《淮南 「粦」下言鬼火。 「抽簪招燐,有何爲驚?」高注:「燐血似野火。 《煼豆。」《詩傳》曰:「燐,熒火。」熒火謂其火熒熒閃暘,猶 :》遂有「螢火,蠎」之説,而《唐本草》更有「螢火一名熠燿 其誤始則誣《傳》,繼且誣經矣。 有觸者,著人體便有光。 ○《箋》:「懷,思也。」《序》云:「二章言其思也。」 八爲燐。 氾論訓》曰: 許宗毛,知毛《傳》之熒火斷非《爾雅》之熒 遥望炯炯若然火也。1又《説林訓》曰: 至魏晉閒人誤合《爾雅》、毛《傳》熒 「老槐生火,久血 拂拭,便散無數,又有吒聲 高注"「血精在地、暴 段説原許申毛,確 爲燐。」許 招之,應聲 注

我徂東山,慆慆不歸。

我來自東,零雨

也。 將陰 其濛。 垤上,則失其義矣。 同。 雨。 華《情詩》注引《韓詩》:「鸛,水鳥也。 謂之封。』《箋》云:「鸛,水鳥也。 冢,其墳然者也,俗作「塚」。《方言》云: 覽•慎小》並云「蟻封」,封、冢聲相近。 冢」、《説文》云「螘封」,趙注《孟子·公孫丑》、高注《吕 中,稍稍以食其雛。 背竈,一名阜裙。又泥其巢一旁爲池,含水滿之,取魚置池 望見人,按其子令伏,徑舍去。一名負釜,一名黑尻,一 赤喙,白身,黑尾翅。樹上作巢,大如車輪。 物。 又作「雚」。」《説文》引《詩》正作「雚」,與《鳥部》之「驩」異 【傳】敦,猶專專也。烝,衆也。 洒埽穹窒,我征聿至。有敦瓜苦,烝在栗薪。 《正義》引《義疏》云:「鸛,鸛雀也。 天將雨而蟻出壅土,鸛鳥見之,長鳴而喜。」案毛、韓義 蟻知雨,鸛好水,鸛見垤而喜鳴。 自我不見,于今三年。【疏】《釋文》:「鸛,本 雨則穴處,先知之矣。 鸛 鳴于垤 長鳴,猶長聲也。 若殺其子,則一村致旱災。」「垤, 蝗 ,婦歎于室。 鸛好水,長鳴而喜也。 將陰雨則鳴。」《文選》張 言我心苦,事又苦 ○洒,灑; 《正義》謂鸛鳥 【傳】垤, 螘冢 巢處知風,穴處知 封者,聚土之義; 似鴻而大,長頸 「楚郢以南,蟻土 卵如三升栖。 埽,拚也 鳴於

外,歷時既久,於其歸也,喜幸見之。《序》云:「三章言其 年,即周公攝政之三年,亦即成王即位之三年也。 也。」鄭《箋》「析薪」與韓義近。 薪,故曰「栗薪」。 室家之所樹。《鄭風》「東門之栗,有踐家室」是也。 《傳》因言「心苦,事又苦」,以明經義。 也。 聚兒。」專專者,聚之意。 穹,窮; -至」,言室家之人望我征夫之將至也。《行葦》傳: 「烝,衆」、《爾雅・釋詁》文、《烝民》同。 室,塞也。 《釋文》引《韓詩》作「夢薪」,云: 廷内 則 專,古「團」字、《釋文》「徒端反」是 《洒埽之,向户則窮塞之。 〇曰「三年」者,東征之三 瓜栗,猶云瓜果,皆 經言「瓜苦」。 軍上在 栗木爲 「我 「聚薪 敦 征

其濛。 也。』《桃夭》傳: 羽翼鮮明,以喻嫁者之盛飾。」《箋》云:「熠燿其羽,羽鮮明 如之何?【傳】言久長之道也。【疏】王肅云:「倉庚 衿結帨。 縭,九十其儀。【傳】縞,婦人之褘也。 駁其馬。 我徂東山,慆慆不歸。 倉庚于飛,熠 九十其儀,言多儀也。 【傳】黄白 「之子,嫁子也。 日 皇。 燿其 駵 羽。 于,往也。」婦人謂 白 其新孔嘉,其舊 我來自東,零 曰 之子于歸, 駁。 母戒女施 親 %結其 嫁回 皇 हाज

室家之望女也。

《釋畜》「駵白,駁」,孫注:「駵,赤色也。」《駉》傳:

「赤身黑

405

色。」段注:「驟即皇。」則舉驃例皇,可以明黃白之義矣。 謂馬色有黄處有白處,其説自誤。 疊韻,謂黄馬而發白色者是曰 駁。」與「青驪,駽」同一文法,皆謂全身一色之馬。 白色」下有「襍」字者、非也。 引舍人云:「黄白色名曰皇。」《駉》正義所引舍人注於「黄 家共之。 歸。 及《駉》傳俱依《爾雅》爲訓。 秣其馬」,馬皆壻家之馬。 「皇駁其馬」,其馬或皇或駁也。 大夫以上嫁女,則自以車送之。」「黄白曰皇」,此 《士昏禮》注云:「士妻之車,夫 《釋畜》:「黄白,皇。」《正義 《爾雅》:「黄白,皇。 皇,非黄白二色相襍 《説文》:「驟,黄馬發白 《漢廣》「之子于歸,言 黄與皇 也。 駵白 孔

器》: 之蔽厀。 帨巾也。」《説文》:「禕、蔽厀。」《方言》: 之褘,或謂之祓。 雅 於赤駵,黄駵即駵白色也,所謂駁馬也。 非深赤,故《説文》云:「駁,馬色不純。」謂非正赤色耳。 鬣曰駵。」駵爲赤馬,以駵馬而發白色者是謂之駁。 《月令》: ·釋畜》馬屬有朱駮,「駮」與 「婦人之褘謂之縭。」此《傳》所本也。 「夏駕赤駵,中央駕黄駵。」赤駵即 魏、宋、南楚之閒謂之大巾。 「駁」同。 「蔽厀,江淮之閒謂 駁亦有赤義。 孫炎注云: 赤馬 ○《爾雅 自關東西 黄駵 淡赤 · 福, 較 《廣

齊、魯之郊謂之袡。」是叔然説爲有據矣。

褘又謂

Fi.

領也。 之縭。 帨」,正是一事。 結之以爲事舅姑拭物之所需。父母及庶母皆有戒辭,傳 注"「帨,事人之佩巾也。」帨爲女子初生時所設,及嫁,則 謂大巾曰 事。」又《列女・齊孝孟姬傳》:「母醮房之中,結其衿縭。」 《士昏禮·記》: 「母施衿結帨,曰:勉之敬之,夙夜無違宫 儀。」此言多威儀者,婦人無男子之禮、揖讓周還之儀耳,其 《文選·思玄賦》注引《韓詩章句》:「縭,帶也。」《傳》文 本作「紟」。《内則》「衿纓」,注: 「給,衣系也。」《玉藻》「紳、韠、結三齊」,「結」或作「衿」,宋 但引母戒者,母至親也。 今齊人有言紛者。」《釋文》:「紛,或作「帉」。」《説文》:「楚 《内則》「婦事舅姑,左佩紛帨」,注:「紛帨,拭物之巾也 此結縭即結帨之確證矣。 引《爾雅》之文,下文又引《儀禮》「結帨」以證經之「結縭」。 「儀」上當奪「威」字。《正義》云:「《斯干》傳: 郭注以爲即今之香纓、《正義》府之,是也。 佩巾系於革帶,革帶又有繫之,其所繫之組謂之給。 此「衿」斷非衣之交領,其字當作「紟」。《説文》: 《釋器》: 常。」常、**帉同。又《内則》**「女子設帨於門右」, 又案《鄭風・子衿》傳以衿爲領,領,衣交 「縭,緌 也。」矮下垂, 經言「親結縭」、《傳》言「母施衿結 《野有死麕》傳:「帨,佩巾也。」 「衿,猶結也。」字亦當作 縭亦 取下 「婦人質無威 -垂遮 蓋《傳》既 蔽 之

> 也。 得及時也。」及時者,謂及男女年盛之時。 而欲室者,故詩歌之,以敘其情。《序》云: 説:「二十從役,三十受兵,六十還兵。」今東征歸士中有壯 注云「夫婦當有終身之義」是也。《擊鼓》正義引《韓詩》 如之何? 欲將共成家室,樂此大平。《易·序卦傳》: 《文王》傳: 駆 「夫婦之道,不可以不久也,故受之以恒。 云「言久長之道也」者,謂今新昏既甚嘉矣,其久長之道,又 -動威儀則多也。」是《正 昏禮屬嘉、《周禮》以嘉禮親成男女。**舊,**故也。 「濟濟,多威儀也。」句意亦正同。 義》本 所據 《傳》作「多威儀 恒者,久也。」鄭 「四章樂男女之 ○ 新 《傳》 新昏

《破斧》三章,章六句。

《破斧》,美周公也。周大夫以惡四國

焉。【疏】此亦東征之詩。

哀我人斯,亦孔之將。【傳】將,大也。【疏》《七國是皇。【傳】四國,管、蔡、商、奄也。皇,匡也。斯,民之用也。禮義,國家之用也。周公東征,四斯,民之用也。禮義,國家之用也。周公東征,四

國,在魯。」 《郡國志》: 畔。」殷、商

郁

與

奄

同。

縣縣西南十里有故蔡城,是蔡叔所封國也。武王又命爲三 理志》:「河南郡中牟有管叔邑。」在今河南開封府鄭州,是 狹而長也。」《伐柯》傳:「柯,斧柄也。」斧柄廣三寸,厚一寸 「齊人謂柯斧柄爲椑。」則椑隋圜也。 斧首隋圜,故斧柄亦爲狹長之形。《考工記·廬人》 於斧言破、於斨言缺、互詞。《傳》以斧斨喻禮義 《此《傳》「隋銎曰斧」下當有「方銎曰 「魯國魯縣有故奄國。」《説文》:「周公所誅郁 ○《傳》釋「四國」爲「管、蔡、商、奄」,管者,《地 「汝南郡上蔡,故蔡國,周武王弟叔度所 武王時又居三監之一,在殷東之鄘。 奄者,商諸侯,嬴姓。 銎者,斧柄之孔。《釋文》云: 商者,謂禄父也。 十八世徙新蔡。」今河南汝寧府上蔡 此重釋之者,欲借斧斨以設 案當時叛者不止 「周公使管叔監殷,管叔以殷 篇首先聲箸其罪,惡之也 「又缺我斨。」許正 武王封禄父於邶。 奄君蒲姑之國? 斧隋孔, 斨方孔。 此四國。 隋 斨 四四 ,孔形 含書 字。 封 喻 蔡 本 爲二 事。 皇。」言東征述職, 東征而西國怨, 子・王制篇》:「周公南征而北國怨,曰: 傳》:「古者周公東征 事。」然後禄父及三監叛也。 既死矣,今王尚幼矣,周公見疑矣,此百世之時也 亦以管、蔡、商、奄言之,與毛《傳》正合也。 監」當作「二監」,説見王引之《尚書述聞》。《大傳》釋東征 流言于國曰"「公將不利于王。」 奄君蒲姑謂禄父曰"「武王 大傳》云:「周公身居位,聽天下爲政。 服。」商蓋即商奄。 滅之。」《吕覽·察微》篇:「猶尚有管叔、蔡叔之事,與東夷 庚之叛,東隅之侯脅從群起,言四國者,舉其重者耳。 八國不聽之謀。』《韓子・ 滅唐。」《地理志》:「周成王時,薄姑氏與四國共作亂,成 邑。」《史記·晉世家》:「武王崩,成王立。 殷、東徐、奄及熊盈以略,凡所征,熊盈族十有七國,俘維 序》:「成王伐淮夷,遂踐奄。」《逸周書 一伯,中分天下,出黜陟。 《白虎通義・巡守》篇引《傳》曰:「周公人爲三公,出 e E 周公黜陟, 《墨子 「何獨後我也?」」案此即 ,則西國怨。 説林上》篇: • 耕柱》篇亦作「商蓋」。 周公以成王之命殺禄父。」「三 《詩》曰:「周公東征,四國是 而天下皆 西征,則東國怨。」《荀 「周公攻九夷而 管叔、蔡叔疑周公 正也。」何休《公羊 作雒》篇: 「何獨不來也?」 唐有亂

者、《地

理志》:

管叔所封國也。

下二章同。

破缺之以喻四國壞周公禮義。

《傳》訓。

《説文》:「斨,方銎斧也。

《詩》曰:

然則

含書 孟 商

有半。

月》正

一義

據

二叔及

周

公誅

斨,方銎。

已見《七月》。

:》固有此例耳。

度放,成王封其子胡。

監

商者,仍舊號也。 立一,在朝歌紂都。

《孟子》:

也。

請

僖四年《公羊

東征

四國之

虎平淮夷,亦冢宰述職中事耳。 美義相近。《廣雅》曰:「將,美也。」首章言「將」,二章言 甚大也。「將,大」,義已見《樛木》傳。《詩述聞》云:「大與 將」,承「東征」句。言哀我民人遭此破缺之害,則征匡之德 天下」之「匡」。《爾雅》:「皇、匡,正也。」故《白虎通義》釋 是皇。」言不暇匡晉也。亦假「皇」爲「匡」。匡,讀如「一匡 成毛義。 主東方諸侯。東諸侯畔周,出師東討。 注》亦云:「此道黜陟之時也。」亦引此詩。 「嘉」,三章言「休」,將、嘉、休皆美也。 「皇」爲「正」,義同。 皇,讀與「匡」同。《晉語》:「是之不果奉,而暇晉 ○「哀我人斯」,承「破缺」句。「亦孔之 據三家《詩》説,正足以申 將、臧聲相近,「亦孔 若方叔征荆蠻,召 蓋周公爲東伯

之將」,猶言「亦孔之臧」耳。」

《傳》云「化」訓同。《大明》傳云:「嘉,美也。」也。」《說文》無「訛」字。云「化」者,《書・大誥》篇:「肆予也。」《說文》無「訛」字。云「化」者,《書・大誥》篇:「肆予。」《說文》無「訛」字。云「化」者,《書・大誥》篇:「肆予也。」《說文》無「訛」字。云「化」者,《書・大誥》篇:「肆予也。」《說文》無「訛」又作「吪」。」《節南山》箋:「訛,化是訛」。《釋文》:「訛,又作「吪」。」《節南山》箋:「訛,化

(伐柯》二章,章四句。

言朝廷者,以刺者周大夫也。《九罭》同 知也。《疏》《狼跋》序云:「近則王不知。」此不直席王而 (伐柯》)美周公也。周大夫刺朝廷之不

用也」,此《傳》云「禮義者,亦治國之柄」。玩「亦」字,即家 上篇而言。 分其長,以其一爲之首。」鄭注云:「首六寸,謂今剛關 謂之柯。」又「車人爲車,柯長三尺,博三寸,厚一寸有半,五 ·媒,所以用 禮義者,亦治國之柄。 《傳》云「柯,斧柯也」者,《考工記》:「車人之事,一欘有半 【傳】媒,所以用禮也。 柯,其柄也。 與上篇斧斨喻禮義意同。 「柯,斧柄也。」「柄,柯也。 伐斧柄,必待斧而後成,猶治國之柄,必待禮義而後 伐柯如何? 禮 ○取妻必用禮。 也。」又申之云「治國不能用禮,則不安」者 鄭司農云"「柯長三尺謂斧柯。」」《説 匪斧不克。【傳】柯,斧柄也。 治國不能用禮、則不安。【疏】 取妻如何? 媒者,用禮之人,故《傳》云: 上篇《傳》云「禮義,國家之 或作「棅」。」案柯者,斧柄 匪媒不得。 頭

> 即承 媒以喻周公也。 皆明經義。 「所以用禮」之故。 斧喻禮義,媒喻用禮義。 周公能執禮義,而王不知,是不能用禮 禮即 禮義也。 《傳》中兩云「治國」, 雖兩喻,實一意也 也

也。 也。」《中庸》注: 以饗燕之。《正義》用王肅義,謂周公以禮治國,「篡豆 行列,即陳列。周大夫欲周公之歸,而望朝廷設籩豆陳 不遠。」《韓詩》義同。 四者不求於外,不假於人,反諸己而存矣。夫人者,説人者 傳》云:「原天命,治心術,理好惡,適情性,而治 睨而視之,猶以爲遠,故君子以人治人,改而止。 喻治人之法不在遠求,《傳》即本《中庸》爲訓 不遠,施諸己而不願,亦勿施於人。」案詩言伐斧柄之法,以 可以爲道。《詩》云"「伐柯伐柯,其則不遠。」執柯以伐柯 交乎下,以其所願乎下事乎上,不遠求也。 《禮記・中庸》篇:「子曰:「道不遠人,人之爲道而遠人,不 子,籩豆有踐。【傳】踐,行列貌。【疏】則,法也 | 謂見其行禮 形而爲仁義,動而爲法則。《詩》曰:「伐柯伐柯,其則 伐柯伐柯,其則不遠。【傳】以其所願乎上 ,以申述《傳》意。 「踐,或爲「纘」。」「纘」同「纂」聲義相 ○「踐,行列皃」、《説文》:「後,迹 竊恐《傳 》意不然, 也。 我覯之 忠恕違道 《韓詩 道畢矣。 近 列 如

踐

心悲,皆是往復其辭,以刺王之不知爾。乃望其用周公。下篇始言欲見周公,後言周公不歸,以爲《箋》以籩豆之饌迎周公也。案此篇先言成王不用周公,未

《九罭》,美周公也。周大夫刺朝廷之不《九罭》四章,一章四句,三章章三句。

知也。

賦 裳。 數罟,故《傳》又申之云:「小魚之網也。」《魚麗》傳:「庶人 魚 選》王襃《講德論》:「鰌鱓立逃,九罭不以爲虚。」又《西京 《御覽・資産部十四》引《韓詩》云:「九罭,取鰕笓也。」《文 不數罟。罟必四寸,然後入澤梁。」四寸之目,網至小者也。 云:「今之百囊罟,是亦謂之 III。 小魚之網也。 、《傳》云「大魚」者,對九眾爲緩罟而言。 「緵罟謂之九罭。九罭,魚罔也。」《傳》所本也。 「罭,本亦作「域」。」《説文》無「罭」字。《爾雅・ 「布九罭,摷鯤鮞。」皆謂小魚之網。 【傳】所以見周公也。衮衣,卷龍也。【疏】《釋 九罭之魚,鱒魴。【傳】興也。九罭,緩罟, 鱒魴,大魚也。 今江東謂之緵。」 緵罟,即 我覯之子,衮衣繡 鱒魴雖非極大之 九罭但能 郭注 取鰕 釋

同聲。 笓,摷 《傳》乃依經連言,非解「玄」字與「衣」字也。「衮」與「卷」古 多細文。」《説文》、《玉篇》皆云:「鱒,赤目魚也。」○覯,見 子,赤眼。」陸《義疏》云: 鳟鲂與鴻皆以喻周公也。王肅云:「以興下土小國,不宜 魚,不宜居小魚之網,猶下文云「鴻,大鳥」,不宜循渚、 有殊衣裳者,亦有連衣裳者。 篇》:「黼衣黻裳者不茹葷。」是黼衣猶繡衣,黻裳猶衮裳 加衮之服曰衮衣,玄衣而加衮曰玄衮,戴冕而加衮曰 也。之子, 府周公也。「衮衣繡裳」, 上公之禮服, 故云: 久留聖人。」是其義矣。《爾雅》:「鮅,鱒。」郭注云: 之繡。」《唐風・揚之水》傳云:「繡,黼也。」《荀子・哀公問 《爾雅・釋言》云:「衮,黻也。」此言「衮衣繡裳」、《終南》言 「《白虎通》引《傳》曰:『天子升龍,諸侯降龍。』」唯此爲異。 天子上公皆有之。《覲禮》注:「上公衮無升龍。」賈疏案: 叔》傳:「玄衮,卷龍。」亦但釋經之「衮」字。 「所以見周公也。」《傳》「衮衣,卷龍」但釋經之「衮」字。《采 「黻衣繡裳」,是衮衣猶黻衣矣。《終南》傳云:「五采備,謂 古者衮、繡、 《鯤鮞,不 卷者,曲也。 當網 黼、黻義得通稱也。 ,鱒魴, 象龍曲形曰卷龍。畫龍作服曰龍卷。 「鱒似鯶魚,而鱗細於鯶。 故言 單言裳,連上衣也,若騫裳爲 大」以 凡上爲衣,下爲裳,然 り明其 義。 衮衣,玄衮 鱒 魴之大 「似鯶 一衮冕 赤眼, 陸。

裘、衮、驚、毳、希五冕同玄衣而冕也。 作「常」,通作「裳」。 即繡裳,故下章「是以有衮衣兮」,但舉衮衣以該繡裳言也。 祀天,裘冕衣玄衣而 也。」故裘冕亦在五冕中也。 羔裘也。」天子冬日圜丘大禘,大裘之冕仍用衮。 裘冕、衮冕、鷩冕、毳冕、希冕也。 玄衣也。 祭群小祀,玄冕。」又《弁師》:「掌王之五冕,皆玄冕。」玄, 公、饗、射 細覈之,惟許合古也。 鄭康成於《采叔》箋及《禮記•玉藻》注、《周禮 言衣者,上兼下」是也。 衣、錦衣、麻衣,衣皆兼裳也。 摳衣也。 《儀禮• 《説文解字・衣部》云:「衮,天子享先王,卷龍繡於下幅. 一帝,服大裘而冕, 龍蟠阿上鄉。」《説文繋傳》於「下」之下有「裳」字。裳,古 「祭之日,王被衮以象天。 覲禮》注皆謂「畫卷龍於衣」,儒者悉從鄭無異説。 玄衣,絲衣也。 單言衣,連下裳也,若緑衣、褧衣、毳 **,** 驚冕。 祀四望山川,毳冕。 祀五帝亦 許叔重説卷龍繡於裳,與鄭不同。 不 《周禮・司服》:「王之吉服,祀昊天 裼 《弁師》云「王之五冕」即《司服》之 然則衮、繡同文、衣、裳同制、 , 其 《玉藻》: (餘冕人 《白虎通義 如之。 戴冕璪十有 云「王之五冕皆玄冕」,則 廟 享先王,衮冕。 「大裘不裼。」是天子 祭社稷、五祀,希冕。 則皆裼。 鄭司農注:「大裘 ・衣裳》篇云「凡 旒 衣、緇衣、素 司 可 ,則天數 知玄衣 《郊特 服》注 享先 ,衮衣 今 玄衣也。 《尚 也。 也。 之等級。 爲上衣。 書

端,端衣玄也。 於上衣,色皆玄,從正色,不從閒色,固已。 「衣正色,裳閒色。」正色者,不貳采也。 中、下三等,玄端同,而裳有玄、黄、襍之異。《玉藻》云: 黄裳、襍裳。」鄭司農《司服》注云:「衣有襛裳者爲端。」玄 赤、纁之殊。《士冠禮》、《特牲饋食禮·記》:「玄端,玄裳 夫玄冕赤裳,士變冕爲爵弁則纁裳。其玄冕同,而裳有朱 衣。」純衣亦絲衣。 則裳有龍衮、黼、黻之尊服。《士冠禮》:「爵弁服 裳。」亦玄衣同也,而惟士纁裳。 玄衮,玄衣衮裳也。 者,免上衣,見裼衣。」若畫龍於上衣,衣已見美,又何爲免 諸侯冕服之裼也。 上見裼之禮? 玄希,玄衣希裳也。 希冕以上,裳皆襍采。 皋陶謨》篇: 《禮器》:「天子龍衮,諸侯黼,大夫黻,士玄衣 爵弁與玄冕本同 其内有中衣。 猶爵弁服之純衣,五冕之玄衣也。 此亦畫在裳不在衣之證 純讀爲黗、《説文》:「黗、黑也。」純 天子當以錦衣爲裼。 玄鷩,玄衣鷩裳也。 「予欲觀占人之象: 中衣又謂之裼衣。 其玄衣同也,而裳有衮、鷩 制。 玄冕以下,裳不盡皆襍采,而 天子玄冕朱裳,諸侯、卿 天子、諸侯、大夫加 閒色者,襍合五 也。 《聘禮》注云:杨 日、月、星辰、山 玄毳,玄衣毳裳 繡黼 章章可考者 五冕皆玄衣 丹朱中衣 ,纁裳,純 士有上 、毳、希 爱服 液猶

雖與《大傳》異,而意實大同。 書》曰:「山、 爲「畫績」之「績」。 作繪爲黑色,而次諸山龍、華蟲、宗彝、璪火之閒。「繪」讀 皇,於養老言深衣,互詞也。 **畫繢之五采備** 繪列於五采之一也。 黄帝,象乾坤,製爲衣裳。 諸乾坤。」《九家‧説卦》云:「乾爲衣,坤爲裳也。 宗彝,白也。 璪火、山龍。 合之爲十有二。」《深衣》:「制十有二幅。」又引《易》曰: 大夫服二,士服一。」案《虞書》「觀象」當讀如《易》「象」之 有德,五服五章哉。」山龍,青也。 彝、璪火、山龍。 于五色作服。」《大傳》云:「天子衣服,其文華蟲、作繪、宗 龍 「有虞氏皇而祭,深衣而養老」,注:「皇,冕屬。」蓋於祭言 ·坤,六二之動,直以方也。」此「取諸乾坤」之義也。 象」。《易・ 華 華蟲作繪 龍、華、蟲、作繪。」」許謂繪、繡同事,有繪而後 璪火,赤也。天子服五,諸侯服四,次國服三, 繁傳》:「黄帝、堯、舜垂衣裳而天下治,蓋取 大夫璪火、山龍。 ,宗彝、璪、 猶 諸侯作繪、宗彝、璪火、山龍。子男,宗彝、 有繡而後黹刺之五采備。 《禮器》云:「白受采。」以白畫黑,故作 《説文》云:「繪,會五采繪也。❶ 火、粉米、黼 古人衣、裳連而不殊、乾坤各六 則虞冕服,深衣也。《大傳》以 《説文》又云:「璪,玉飾如水 士山龍。 華蟲,黄也。 · 黻 、希繡 故《書》曰:「天命 其解《虞書》説 作繪,黑也。 以 乙五采章 《王制》 有虞法 《虞 施

> 者爲朝服、燕居服,而祭用冕服,則衣與裳殊。作繪,黑也 可得而詳。 殷之冕無旒。夏有黻冕、殷有黼冔。 同。 上衣玄,象天之玄也。 夫去白而二,士服青而已。 黄、黑、白、赤,其服五。 有虞冕服,若周深衣然。 但稱畫衣也。不數日、月、星辰者,或三辰自古在旌旗也 曰「以五采章施於五色」也。《大傳》不數粉米以下者,古者 所畫繢之五采而分布之總曰繡者,常刺亦襍合五采也,故 章,是曰黼,黑青綫相次成章,是曰黻。又黹,細米文。 二者本一物,特「絲」字從糸,乃人《糸部》耳。「黹」與「希 文。」「黹,箴縷所紩衣。」「繡,五采備也。」「粉米」作「黺絲」。 文如聚細米也。」「黼,白與黑相次文。」「黻,黑與 藻之文。 「黺」下云「畫粉」,粉即細米。「絲」下云「繡文」,繡文即畫 其解黼、黻、繡本《考工記》「畫續之事」,白黑綫相次成 《虞書》曰 冕服至周,文始大備。 其 操火 諸侯去黄而四,子男去黑而三,大 (山、龍以下爲冕服九章,皆裳飾 畫續 粥刺皆爲衣飾,天子備青 此有虞氏之服物采章也。 | 粉米。] J 「粉, 蓋周以虞之祭服連衣裳 黼黻爲裳,然其服不 畫 粉也。二 青 絲, 相 并 繡

解字注》、陳昌治刻《説文解字》竝作「繡」,當據正。●「繪」,徐子静本、《清經解續編》本同。經韻樓本《説文

公之孤四命,止刺二章。 者,自宗彝以下。」據鄭注以推,則所謂九章者,一曰龍,二 又去黼也。 黻冕爲大傅。」所謂大夫黻是已。 七兮」,此侯伯也。 章、畫四章、刺三章、七命、以七爲節也。《唐風》「豈曰無 叔》、《韓奕》、《烝民》言衮皆上公也。侯伯鱉,去龍、 章,子男冕服五章」,鄭注云:「古天子冕服十二章,周 服,自玄冕而下。」《大行人》「上公冕服九章,侯伯冕服 子男之服,自毳冕而下。 三章,五命,以五爲節也。《大車》「毳衣如菼」,畫白 云:「九章者,自 日、月、星辰畫於旌旗、登龍於山、登火於宗彝。 毳衣如璊」,畫赤也。 山,三日華蟲,四曰火,五曰宗彝,六曰璪,七曰粉米,八 、黼、黻三章爲黹刺。 蟲、也。 畫六章,刺三章,九命,以九爲節也。 《九罭》、《采 九 》:「公之服,自衮冕而下。 Ξ 版。 諸侯之卿大夫玄冕纁裳,則又無刺矣。 毳 書 龍 山 虎蜼 щ́ 子男毳,去華蟲、火而五章,畫二章,刺 龍以下。 此子男也。 謂宗彝也。 `華蟲、火、宗彝、璪六章爲畫繢,粉 天子衮升龍,備九章也。上公衮亦 宣十六年《左傳》:「命晉士會以 孤之服,自希冕而下。 七章者,自華蟲以下。 此公之孤希冕,裳無畫、 侯伯之服,自鷩冕而 希刺粉米,無 惟希冕以下不依命次。 **鷩**畫雉 畫 卿大夫之 也。」又 上七玄 山而 五章 也 下。 衣 七 謂 以 七 也。 即五色也。 謂玄也。 命之士。 侯伯也。 端玄裳。

九章,

曰

《司服

E

黼

章,以奉五色。」九文,九章也。 即虞之五服五章竝同於周之九章、七章、五章,亦以畫、刺 朔,易服色。 在裳爲閒色也。 分屬於衣裳,而不知周之冕服上皆以玄衣爲正色,畫、刺 之服若深衣,畫、刺皆在衣也。 禮》測《虞書》,遂創「六者繪衣,六者繡裳」之説。 下士一命,玄裳同於諸侯之上士也。 公之孤也。中士再命,玄冕無刺,同於諸侯之卿大夫也 男之服,而同於大夫四命也。 畫二,刺二,毳如子男而去黼,故《終南》詠黻衣爲秦始受子 對公無山而言也。王之卿六命,去火,畫三,刺三,驚同於 刺三,衮同於上公也。《荀子·大略篇》:「天子山 士玄端黄裳,下士玄端襍裳。 《學記》云:「水無當於五色,五色弗得不章。」水屬黑 《荀子・ 此周冕服之大凡也。 火,取其明,故王之卿或無火也。 此即「五色六章」之義也。 《禮運》云:「五色六章,十二衣。」六章,猶六采 夏、殷不相沿,虞、周不相襲。 昭二十五年《左傳》云:「爲九文、六采、五 哀公問》云: 王之上士三命,刺二,希同於 王之三公八命,去山 既誤以虞爲上衣下裳,因 六采,五采合玄也。 「端衣玄裳者,謂 王者受天命爲天子,改正 解 其黄裳、襍裳,謂之不 經者 王之大夫四命 並謂畫衮在衣 迺後儒援《周 而不知 士 「冕。」蓋 也。」中 畫 五章 五

而不在裳,故詳證言之如此。

爾,此也。 《傳》云「鴻不宜循渚,陸非鴻所宜止」,非謂大鴈也。《小 客》傳同。 禮,是公歸而尚無所,於此東而信處也。 雅》傳云:「大曰鴻,小曰鴈。」此因下言鴈,決上言大鴈乃 目 **新田,再舉知天地之圜方,最爲大鳥,故《箋》云:「大鳥。」** 渚也,遵陸,循陸也。 【疏】《傳》詁「遵」爲「循」,與《汝墳》、《遵大路》同。 所,於女信處。 【傳】周公未得禮也。 「鴻」字假借之用。 「鴻者,鴻鵠也。」鴻鵠,即黄鵠也。 鴻 飛遵渚、【傳】為不宜循渚也。 此,此居東也。 而今人遂失「鴻」本義。」〇女,猶爾也。 鴻以喻周公也。《小箋》云:「《説文》 衮衣,所以禮周公。周公未得 黄鵠一舉知山川之 「再宿曰信」,《有 再宿 公歸 遵渚,循 日信。 無

是以有衮衣兮,無以我公歸兮、【傳】無與復,於女信宿。【傳】宿,猶處也。《疏》:「宿,止也。」是不復爲不傳:「復,反也。」王肅云:「未得所以反之道。」是不復爲不復,於女信宿。【傳】宿,猶處也。【疏】《我行其野》 鴻飛 遵陸,【傳】陸非鴻所宜止。公歸不

「無使我心悲也。」
「無使我心悲也。」無使我心悲兮。【疏》《傳》「無以」爲以、「與」通也。言朝廷有衮衣,當爲見公之服。今成王不持衣逆公,是無與公歸之道也。此周公未得服。今成王不持衣逆公,是無與公歸之道也。 此周公未得

《狼跋》二章,章四句。

也。《疏》此詩既歸朝廷而作,在攝政四年後事。國流言,近則王不知,周大夫美其不失其聖國統計,近則王不知,周大夫美其不失其聖

文》:「躓,跲也。《詩》曰: 獵跋也。」「與」即今《詩》「跋」字。 躐 ; 膚,美也。赤鳥,人君之盛屨也。 几几。【傳】公孫,成王也,豳公之孫也。 尾,進退有難,然而不失其猛。 「跋,躐,疐,跲」,皆《爾雅・釋言》文。《説文》:「踑,步行 建,路也。 狼跋其 胡,載疐其尾。【傳】興也。 老狼 水有 动,進 「載躓其尾。」」三家《詩》作「躓」, 跋,郭音「貝」是也。《説 則 公孫碩 躐 几几,約貌。【疏】 其胡,退 膚, 碩,大; 則 赤舄 路其 跋,

王》同。 《方言》:「齊、宋之閒曰巨曰碩。」《簡兮》同。「膚,美」,《文 攻》傳:「金舃,達屨。」《箋》云:「金舃,黄朱色也。」此詩以 爲人君之盛屨。 舃,常服稱屨,此析言之也。 궇 聖德昭箸焉。 公歸周,成王年既長大,德又盛美,於以見公之輔相成王, 文義而言也。○公謂豳公,孫謂成王。 《傳》申之云「然而不失其猛」者,喻周公不失其聖。 營」、《賓之初筵》作「傞傞」又作「姕姕」,皆其例。 老狼躐胡 作「嬒」、《四牡》作「嘽嘽」又作「痑痑」、《正月》作「蹐」又作 王,而又自申其説云"「豳公之孫也。」「碩,大」、《釋詁》文。 跆尾,進退有難,興周公四國流言,成王不知,遠近皆有難。 又作「鼞」、《君子偕老》作「紲」又作「褻」、《碩人》、《丰》作 曰載疐其尾」六字。❶ 「趚」、《蓼莪》作「罄」又作「窒」、《青蠅》作「營營」又作「營 「褧」又作「檾」、《子矜》作「挑」又作「叏」、《候人》作「薈」又 「永」又作「羕」、《江有汜》作「汜」又作「洍」、《擊鼓》作「鏜. 《毛詩》作「疐」,故段注《説文》於「疐,礙不行也」下增補 「周公歸周,反藉於成王,而天下不輟事周。」○冕服 《正義》引《小爾雅・ 美成王,即是美周公也。《荀子·儒效篇 赤舄,其色以金爲飾,則謂之金舄。 蓋許用毛,不廢三家。如《漢廣》作 屨,其大名也。 廣訓》云:「膚,美也。」此美周 《傳》以「公孫」爲成 故《傳》以 蓋探下 (赤舄 **庫** 一詩 稱

> 禮 • 履。」孟康注云:「今齊祀履,句頭飾也。 冕赤舄之絇,以金爲飾,其狀則几几然也。 爲冕服。 案「句」與「約」同。 皮弁、屢飾取黼黻相次之文也。 純。」《考工記》:「黑與青謂之黻,白與黑謂之黼。」此玄端 如刀衣鼻,在屨頭。」《漢書・王莽傳》: 以爲行戒。」《士冠禮》注云: 「絢之言拘也,以爲行戒。 赤舄美周公、《韓奕》以赤舄賜韓侯、是赤舄爲諸侯盛飾矣。 有詘形,故曰己己。 作「掔掔」。」考己象萬物辟藏詘形,絇在屨頭如刀衣鼻,自 [《説文·己部》引《詩》作「赤舄己己」,《手部》又引《詩》作 士爵弁,大夫以上爲冕。 云「几几,絇皃」者,《屢人》注云:「絇謂之拘,箸舄屨之頭 「掔掔」。《吕氏讀詩記》引董氏云:「崔靈恩《集注》「几几」 人》:「掌王及后之服屨,爲赤舄、黑舄,赤繶、黄繶、青 記》:「玄端,黑屨,青 黄繶所施未聞。 黑鳥配青絇,爲玄端服。 至掔、《説文》訓「堅」。 此冕服、屢飾取同色之義也。 於赤言繶,於約言青,互詞。 絇繶純。 「爵弁,纁屨,黑絇繶純」, 素積,白屨,緇絇繶 「莽再拜,受衮冕句 出履三寸。』《士冠 擊擊,當并取 赤舄配赤繶 胡承 珙云: 句。」 狀 衮

予静本、《清經解續編》本改。
○ 「六」、原作「四」、據中國書店影印武林愛日軒刻本、

絢箸屨堅固之貌,是三家《詩》義,疑以金鳥加金爲飾也。」

卷十五終

詩毛氏傳疏卷十六

長洲陳英學

鹿鳴之什詁訓傳弟十六

毛詩小雅

實自幽王始也。 成王誅管、蔡以及賓燕諸侯、宣王初年征伐、作牧考 十五句。【疏】《小雅》皆録殷紂尚存、文武未大平, 幽王諸詩皆刺朝政以至滅亡,乃下變爲風之漸, 《鹿鳴之什》十篇,五十五章,三百一 《關雎》序云:「政有小雅焉。」

鹿鳴》三章,章八句。

年表》、《潛夫論・班禄》篇、《文選・琴賦》注引蔡邕《琴操》 實幣帛筐篚,以將其厚意,然後忠臣嘉賓得 盡其心矣。【疏】此燕群臣之詩也。《史記・十二諸侯 鹿鳴》,燕群臣嘉賓也。 既飲食之,又

卷

+

六

也。 皆以《鹿鳴》爲刺詩,三家説。

近。 注 《傳》:「苹也者,馬帚也。」」《小正》作「苹」、《爾雅》作「荓」。 《爾雅》:「荓,馬帚。」毛蓋以馬帚之荓釋此經之萃,後人轉 辨》云:「《爾雅》:「苹,蓱。其大者蘋。」則蓱是水草。此詩 **欸」,即「嫰」之省。《廣雅》云:「呦呦,鳴也。」曾到《詩異同** 《説文》:「呦,鹿鳴聲也。或作「嫰」。」《玉篇》引《詩》作「欻 七月苹秀合。又案《管子・地員》篇云「其草宜苹蓨」、尹 帚,屈馬第也。」《通藝録》謂北方埽帚菜爲蓬。 荓、蓬音相 此即苹、井通用之證。《説文》:「井,馬帚也。」《廣雅》:「馬 寫加水耳。」案曾説是也。《夏小正》:「七月,苹秀。 云「野之苹」,不得以水之蓱解之。疑「蓱」本當作「荓」。 之好我,示我周行。【傳】周,至,行,道也。【疏】 也。吹笙而鼓簧矣。筐,篚屬,所以行幣帛也。 鼓瑟吹笙。吹笙鼓簧,承筐是將。【傳】簧,笙 樂賓客,當有懇誠相招呼,以成禮也。我有嘉寶 「苹蓨,草名也。」不以苹爲蓱。《管子》又云:「蔞下於 馬帚、埽帚名復相同。見埽帚菜立秋節無不秀者,與 鹿得蓱,呦呦然鳴而相呼,懇誠發乎中,以興嘉 呦呦鹿鳴,食野之苹。【傳】興也。革,蔣

三八九

二九〇

小臣左何瑟,面鼓,執越,内弦、右手相。 爲實,而以大夫爲實,明嫌之義也。」《燕禮》「工四人,二瑟: 鄭注云:「某,大夫也。」此即《禮記 賓,謂群臣也。《燕禮》:「射人請賓,公曰:「命某爲賓。」」 皇者華》」,此升歌三終也。「笙人,立于縣中,奏《南陔》、 面 綸 基》篇云:「《鹿鳴》,以仁求其群。」《淮南子·泰族》篇云: 此即《傳》所謂 禮 鳴 意則 「《鹿鳴》興於獸,君子大之,取其見食而相呼也。」《鹽鐵 食,欲與群臣嘉賓燕樂之,如鹿得苹草,以爲美食,呦呦然 臣 呼同類,猶 毛、鄭皆本《爾雅》。此章之苹與下章之蒿異名同類,其用 荓, 荓下於蕭。」是荓爲蔞 〈白華》、《華黍》。 《箋》:「苹,藾蕭。」亦用《釋草》文。 闽東上, •刺復》篇云"「《鹿鳴》之樂賢。」此皆與毛義同。 相呼,以 相呼,以成君禮,斯不然矣。」引鄭《駮異義》云:「君有酒 燕禮》:「小臣戒與者,膳宰具官饌于寢東,樂人縣。」 也。 坐。 君 鹿鳴食野草,以興君燕群臣。 小臣坐授瑟,乃降。 呼臣子。 「懇誠相招呼,以成禮也」。 閒歌《魚麗》,笙《由庚》,歌《南有嘉魚》, 或以爲兩鹿相呼,喻兩臣相招,爲群 類。 荓 工歌《鹿鳴》、《四牡》、《皇 Ü 食 郭注云: 燕義》篇:「不以公卿 (鹿,猶 人,升自西階,北 陸賈《新語 《正義》云:「鹿 蔞 「今藾蒿也。」 议 餘 馬 ○嘉 敷? 《儀 道

不誤。《小箋》本依《王風》正義訂正。 不同。 簧,言吹笙則鼓簧。」是今本《傳》文「而」字乃「則」字之誤、 作也。 即笙,故《傳》兩云: 歌、《傳》有明文也。《君子陽陽》「執簧」、《車鄰》「鼓簧」,簧 鳴》、《四牡》、《皇皇者華》三章皆周公本文王之道以爲樂 《傳》云:「周公作樂,以歌文王之道,爲後世法。」然則 閒畢,「 也。 《宋書 皆在成王之世。周公制禮,以《鹿鳴》列於升歌之詩。下篇 下則衆音并作。 備」」,此合樂三終也。 瑟無琴,與此詩首章言鼓瑟不言鼓琴合。 「吹笙而鼓簧矣」、《君子陽陽》正義引《鹿鳴》云:「吹笙鼓 南》:《鵲巢》、《采蘩》、《采蘋》。 在堂下, 閒乃堂上堂下代作。 三終也。 笙《崇丘》; 末章言鼓瑟琴,不及吹笙,當指合樂。 ・樂志》引「吹笙則簧鼓矣」,「簧鼓」文倒,而「則」字 《傳》:「簧,笙也。」《小箋》本於「笙」下增一「簧」字。 《鹿鳴》雖是文王燕群臣之樂,而《雅》、《頌》之作,實 遂歌鄉樂、《周南》:《關雎》、《葛覃》、《卷耳》、《召 案詩言鼓瑟即升歌,吹笙即笙閒。 歌《南 詩但就其堂上琴瑟爲説,亦非堂下衆音 Ш 「簧,笙也。」此笙、簧連言,與單言簧者 有臺》,笙《由 合樂堂上,歌《詩》,以琴瑟弦之,堂 升歌以瑟爲主,故《儀禮》有 大師告于樂正曰 [正 「儀》」, ○筐與筐筥不同 此 笙人三.終,閒 《燕禮》升歌 然非堂上 歌在堂上, (()) 鹿 歌 笙 歌

也。 自留焉。 之道矣。」《禮記·緇衣》篇:「子曰: 以樂之,幣帛以將之,則能好愛我。 不同義。 《逸周書》「實玄黄于匪」。 《詩》之筐猶《書》之篚,故《傳》云: 亦未嘗不用酬幣也。」○「周行」訓「至道」,與《卷耳》「周行 飲食之,于是乎折俎、加豆、酬幣、宴貨,以示容合好,則燕 作「篚」。《後箋》云:「《周語》言先王之燕,體解節折而共 黄,實玄黄于篚」,趙注以爲《尚書》逸篇之文。《説文》引 《正義》以爲《書・ 將,行也。 言示我以忠信之道。」此與毛義同。 《詩》云: 王肅云:「謂群臣嘉賓也。 《箋》云:「承,猶奉也。 人之好我,示我周行。」」鄭注云:「行,道 胤征》文。《孟子・滕文公》篇「篚厥玄 案玄黄即所行之幣帛。 《書》曰:「篚厥玄黄。」 「篚屬,所以行幣帛 好愛我,則示我以至美 「私惠不歸德,君子不 夫飲食以饗之,琴瑟 《禮》注與《詩》 匪,今通 也。」

傚。 鼓」、《爾雅・ 旨 有 酒 '嘉賓',德音孔 【傳】姚,愉也。 ,嘉賓式燕以 岰 釋草》文。《説文》:「蒿,鼓也。」「鼓,香蒿也 鹿鳴,食野之蒿。 昭。 是則是傚,言可法傚也。 敖。 視民不恌,君子是則是 【傳】敖, 遊 也。 【疏】「蒿 我 有 我

卷

+

六

箋異

呦

【傳】蒿,鼓也。

遊,連言之曰敖遊。 古文作「鋞」,今字通作「遊」,即古文「逕」之字變。 孟僖子可則效已矣。」此引《詩》 德音爲先王之德教,當從《禮》注爲長。 之明德可則傚也。』《禮》注以德音爲嘉賓之明德,《箋》又以 禮》、《燕禮》云:「嘉賓既來,示我以善道,又樂嘉賓有孔昭 古今字,古澆薄字作「愉」不作「偷」。《説文》:「佻,愉也。」 四月、五月採苗,日乾。 汝南、汝陰皆云菣也。」《神農本草》:「草蒿一名青蒿, 或作「藍」。」《正義》引《義疏》云:「蒿,青蒿 人法傚。 人呼爲青蒿。」○《箋》云:「視,古「示」字也。」恌 之。」蜀本《圖經》云:「葉似茵蔯蒿,而背不白。 方潰。]陶注云: 《傳》義所本也。 「愉,薄也。」服注《左傳》云:「示民不愉薄。」鄭注《鄉飲酒 佻。 佻。 「仲尼曰:「能補過者,君子也。 傚」二字連文成義。 「佻,愉」、《釋言》文。 昭十年《左傳》及《説文》、《玉篇》人部引《詩》皆作 《箋》謂君子所法傚,非《傳》義。 「傚」與「效」同。 「處處有之,即今青蒿。 鄃 「是則是傚」,是則傚也。 江東人呼爲犼蒿,爲其臭似犼。 柏舟》云: 今《爾雅》「愉」作「偷」。 《詩》曰:「君子是則是效。」 《説文》: 亦謂君子可爲 「微我無酒,以 則,法也。 人亦取襍香菜食 昭七年《左傳》: ^食也。 「敖,游也。」游 言君子可爲 高四尺許 荆 人則 豫之閒 敖謂之 「則」、 當 敖以 一名 偷 北 爲

三九

遊。」是有酒可以敖遊矣。

傳云: 樂也。」今字皆作「湛」,通作「耽」。《釋文》:「湛,本又作 其炎反。」正切「藤」字之音,與陸、許不同。 同魚音切,菜名。 芩。」」《釋文》引作「蒿也」。《説文注》云:「恐是一本作「蒿 矣。《後箋》云:「燕以示慈惠。 之蒿爲同類。 云:「荶似蒜,生水中。」此則别是一物。」案《釋文》:「芩,又 屬」,「也」字或「屬」字之誤。《集韻》、《類篇》荶、巌、芩三字 無歸」之語,故《傳》云「樂之久」是也。」「燕」訓「安」,《湛露》 牛馬亦喜食之。」《説文》:「芩,艸也。《詩》曰:「食野之 能得其志,則嘉賓不能竭其力。【疏】陸機《義疏》云: 『耽』。』《氓》正義引此詩作「耽」。 【傳】湛,樂之久。 有嘉賓,鼓瑟鼓琴。 「芩草,莖如釵股,葉如竹,蔓生澤中下地鹹處,爲草貞實. 【傳】燕,安也。夫不能致其樂,則不能得其志。不 呦 「厭厭,安也。」兩「安」字訓同,皆即《燕禮》「司正命 《呦鹿鳴,食野之芩。【傳】芩,草也。 ○湛,讀爲媅,此假借字也。 似蒜,生水中。攷《字林》、《齊民要術》皆 我有旨酒,以燕樂嘉賓之心。 鼓瑟鼓琴,和樂且 《湛露》有「厭厭夜飲,不醉 「耽」、「湛」行,而 《説文》: 許意芩與上章 「媅」廢 _ 媅, 湛。 我

> 禮也。 也。 相怨也。 然後取其什一,故上用足而下不匱也。 上之不虚取於下也。 下皆務竭力盡能以立功,是以國安而君寧。 稽首,升成拜,明臣禮也。君荅拜之,禮無不荅,明君上之 即《序》所謂「忠臣盡心」之義、《傳》實本《禮記・ 安實」之義。 《燕義》篇云:「君舉旅於寶,及君所賜爵,皆降 臣下竭力盡能,以立功於國,君必報之以爵禄,故臣 和寧,禮之用也。 又經言燕樂賓心,而《傳》必 上必明正道以道民,民道之而 此君臣上下之大義也。」 是以上下和親而不 推 至賓能竭 禮無不荅,言 燕義》爲 有功, 力, 再拜 訓 此

《四牡》五章,章五句。

之貌。 傷悲。 之道,爲後世法。 率諸侯撫叛國而朝聘乎紂,故周公作樂,以歌文王 四 周道,岐周之道也。倭遲,歷遠之貌。 【傳】盬,不堅固也。 ·牡騑騑,周道倭遲。 【傳】騑騑,行 豈不懷歸? 思歸者,私恩也。 王事靡盬,我 靡 文 不 心 王 盬 止 聘,故

以東諸

長亦率從文王焉。

襄四年《左傳》云:「文王帥

於是鎮撫叛國

使通

朝

西伯但能率西方諸

侯,厥後東諸侯叛殷,從周文王。

王受殷天子命,人爲三公,出爲西伯。

申

「歷遠」之義云「文王率諸侯撫叛國而朝聘乎紂」也。

近,徐、揚於岐周爲遠。

使臣朝聘,從岐周而行,故《傳

文义

三家不同訓

而於經各通。

歷遠者,荆、梁於岐周爲

夷」,言使臣乘馬行於此道。

險阻也。」隇,俗字。

顔注《漢書・地理志》引《韓詩》作「郁

此或出《魯詩》,顏乃誤爲《韓

夷」,并引《薛君章句》云:「威夷,險也。」《玉篇》云:「隇夷,詩》作「倭夷」,「倭」字疑誤。《文選》潘岳《西征賦》注作「威

遲。」」「倭」與「委」俱有「順隨」之義,「遲」有「遠」義,故《傳》

「委」。」《説文》:「委,隨也。」「倭,順皃。 《詩》曰:「周道倭

「周道,岐周之道也。」《釋文》:「倭,本又作

以「歷遠」釋「倭遲」也。

《傳》文「歷遠之兒」、《文選》江

淹

《别賦》、顏延年《秋胡詩》注引皆無「之」字。《釋文》引《韓

乘四牡,騑騑然行不止,勤勞也。」竝與《傳》訓同。

文王都

無公義,非忠臣也。

君子不以私害公,不以家事辭

傷悲者,情思也。

無

私恩,非孝子也。

一事。【疏】《玉篇》:

「騑騑,行不止也。」《左傳注》:

「使臣

於岐周,故云:

Æ 《左傳》爲訓。《四牡》、《采薇》、《杕杜》三言「王事靡盬」,實 皆係《傳》文。《集注》及定本皆無「箋云」二字,今據以訂 義矣。 將父母 「不堅固」而引申之,毛《傳》之精密如是也。 以蕃王室」即是文王令諸侯從己事紂之意。 楚,以蕃王室也。 「王事靡盬,不遑啟處。」東西南北,誰敢寧處? 九年《左傳》:「葬靈王。鄭子展使印段往,曰:「《詩》云: 堅固」詁「盬」,固亦堅也。《天保》傳: 樂,以歌文王之道,爲後世法。」此言爲一部諸文王詩之總 《皇皇者華》,歌文王以爲後世法也。《傳》云:「故周公作 周公所作。 不娱,逆諸文王,是其時也。 國以事紂。」此事蓋在受命五年乘黎之後。 紂囚羑里,諸侯 服事殷。』《後漢書·西羌傳》亦云:「文王率西戎征殷之叛 侯奉勤于商。」《論語· 殷之叛國以事紂。』《逸周書・ 事也。 思歸爲私恩,又申之云「無私恩,非孝子也」者,探下文 ○懷,思也。王,殷王紂也。 」而言也。 《鴇羽》傳又云:「盬,不攻致也。」「不攻致」又從 如《鄉飲酒禮》、《燕禮》皆有《鹿鳴》、《四牡》、 王事無曠,何常之有?」」案「堅事晉、楚 靡盬爲公義,又申之云「無公義,非 泰伯》篇云:「三分天下有其二,以 案詩所歌皆文王之道,而樂乃 程典》篇云:「文王合六州之 盬、固皆古聲,故以「不 「固,堅也。」襄二十 「無私恩」以下 毛《傳》正本 堅事晉

三九三

事 궄: 所謂「有功而見知」也。 以釋經「我心傷悲」句。 「忠臣」,其指一也。「君子不以私害公,不以家事辭王事」, 序「忠臣盡心」、《皇皇者華》傳「忠臣奉使,能光君命」,三言 也 ,辭王事。 」者,正 「吾聞君子不以私害公。」哀三年《公羊傳》云:「不以家 一説使臣有功於王事,推文王之忠以 以王事解家事,是上之行乎下也。」 言思歸而不歸,有此情思也。 此釋全章之總義。 爲 《韓詩外傳》 忠。 《鹿鳴 《序》

居也。 貌。 《詩》。 篇》"「疼,力怯也。」俱引《詩》曰"「疼疼駱馬。」本三家 王事 秋,駕白駱。」《明堂位》:「夏后氏駱馬黑鬣。」駱色白,故謂 鬣曰駱」、《爾雅• 申之云「馬勞則喘息」者,知馬勞即 《詩》曰: 《六書故》「嘽」下引《傳》「喘息兒」。 皃」,「之」字疑衍。 馬勞則喘息。 單聲、多聲相近。 靡盬,不 臣受命、舍幣于禰乃行。【疏】「嘽嘽、喘息之 「嘽嘽駱馬。」」本《毛詩》。 牡 騑 騑 追啟 釋畜》文、《駉》同。 《釋文》作「喘息也」,「也」乃「皃」之誤 ,嘽嘽駱馬。【傳】嘽嘽,喘息之 白馬黑鬣曰駱。 處。【傳】遑、暇; 《傳》既釋「嘽嘽」爲「喘息」,而又 知使臣勞也。 《説文》:「嘽,喘息也。 又「疼,馬病也。」《玉 《禮記·月令》: 豈不懷歸? 啟,跪; 「白馬黑 處, 一件

之白: 於家。」是臣出使,舍幣乃行之事也。 受命乃行。1注引《曲禮》曰:「凡爲君使,已受命,君言不宿 服釋幣于禰。」注云:「告爲君使也。」又曰:「釋幣于行,遂 者,此言使臣自周道出使朝聘,亦釋全章總義也。 止。」隱几而坐曰跪凥。 踞也。《説文注》云:「踞,俗字。今「蹲踞」古作「蹲居」,今 郭注云:「小跽。」「啟」與「跽」一聲之轉。 遑,當作「皇」,下同。不皇,不暇也。「啟,跪」、《釋言》文。 駱」,段注云:「「駱」當爲「駁」。」○「遑,暇」、《殷其靁》同 釋文所引《説文》「鬣」作「毛」,又引《廣雅》「白馬朱鬣曰 據《爾雅》作「白馬黑髦鬣尾也」。髦、鬣同義,寫者誤併耳 馬黑毛曰駱。」「毛」與「髦」同也。《詩》釋文引變光、孫炎所 《集注》「髦」字皆作「鬣」。」高注《淮南子・時則》篇云: 黑耳。 云:「《聘禮》:「命使者,使者辭,君不許,乃退。 厥明,賓朝 「居」當作「凥」。 《説文》:「駱,馬白色,黑鬣尾也。」與樊、孫本合。 「居處」古作「凥處」。」《説文》:「凥,處也。 「髦」。」《駉》正義云:「髦,即是鬣。 駱。 《爾雅》釋文:「鬣,髦 駱馬 黑 古謂之啟處,今謂之跪凥。 鬛 即 白馬 《傳》云「臣受命、舍幣于禰乃行 黑鬣 也。 也。 皆謂馬之騣也。 舍人作「鬣」,衆家並 駱 引此者,證「不遑啟 馬 全身白色、 「處」訓「居」 《廣雅》:「啟 从尸得几而 《爾雅》 《正義 定本、 唯 作 鬛

處」、言臣受命即行,是「不遑啟處」也。」

也。 之矣。《説文》:「鯡,祝鳩。」昭十七年《左傳》:「祝鳩氏,司 名。 《南有嘉魚》釋文同。《方言》作 然則子雲不以鵻爲鶻鳩也。 郭璞注云:「鶻鵃,舊説。」及《廣雅》云「斑鳩」,此其明證 鳩,謂鳩之小者。 鷄鳩、鸊鵯、鷄鳩,鵵鳩也。」「鐫」與「鳻」同。 鳩」之下。 謂之鶴。」案「或謂之鶻鳩」五字,舊本當在「其大者謂之鳻 **鴓鸠,或謂之鷄鳩** 東,周鄭之郊、韓魏之都謂之鵖鷎,其鴓鳩謂之鸊鵯。 《爾雅》本「鵻」下有「其」字,衍也。《方言》:「鳩,自關而 而 雕,夫不也。 「浮」即「夫不」合聲,或其鳥聲近之。 也。」杜注云: ||西,秦、漢之閒謂之鵴鳩,其大者謂之鴓鳩。 鶻鳩即鴓鳩,謂鳩之大者。 【疏】《廣雅》云:「翩翩,飛也。」「騅,夫不」、《釋鳥》文。 翩 翩 《廣雅》云: 者鵻 王事 「祝鳩 稚讓正本子雲也。《左傳》、《爾雅》疏引 ,或謂之鶏鳩,或謂之鶻鳩。 載 靡 盬 鶴鳩。 「鵖鷎,鳩也。 飛 一,不遑將父。 【傳】將,養 載下,集于苞栩。 《釋文》:「鵻,本又作「隹」。」 **鶴鳩孝,故爲司徒,主教民。**」 :「鷦」同。 **鴓、鸡鳩、鸊鷎、鸦鵴、鵴** 故說離者每以鴉鳩當 鶻鵃, 鷁鳩也。 郭注: 鵖鷎爲鳩之總 其小者謂之 「鶏,音浮。」 梁、宋之閒 **鴓鸠、** 白關 傳

> 云「猶」。 樊、杜以鵻鳩爲孝。 樊光亦云:「孝,故爲司徒。」案詩言鯡集栩杞興養父母,故 ○將,讀與「養」同。 「天不我將」,《箋》云: 此東漢人訓例 將父,養父也, 或本三家説。 「將,猶養也。」鄭以將、養不同義,故 也。 《廣雅 「栩,杼」,詳《鴇羽》篇 將母,養母也。 釋詁》云: 《桑柔 將,養

也。」本此《傳》訓

益氣耳。」 作羹茹微苦,其莖似莓子。 草注》掌禹錫引《義疏》云:「一名苦杞,一名地骨。 檵」、《釋木》文。 《四月》同。 雅》: 「梅乳,苦杞也。 杞,枸檵也。 翩翩者鵻 王事 ·, 載 地荕,枸杞也。」「槆」與「枸」同。 靡 盬 飛 秋熟,正赤,莖葉及子服之輕身 載 ,不遑將 郭注云: 止,集 「今枸杞也。」《廣 母。【疏】「杞,枸 于苞杞。 春生 (傳) 《本

念」、《釋言》文。 疾步也。」「駸,馬 四馬皆駱也。 念也。 豈不懷歸? 駕彼四 父兼尊親之道,母至親 載,詞 [駱,載 說,讀與「念」同。 行疾也。 是 也。 用 作歌,將 驟 載 《詩》曰: 驟,猶 駸 駸。 而尊 載馳。 **諗從念聲,念從今聲,古** 母 【傳】駸 「載驟駸駸。」」「診 來諗。 不至。 《説文》:「驟,馬 駸,驟 【疏】四駱 【傳】諗, 貌

三九五

+

六

而尊不至。」《陟岵》傳云:「父尚義,母尚恩。」於母情尤篤也,故《傳》又申之云:「父兼尊親之道,母至親於母情光篤也,故《傳》又申之云:「父兼尊親之道,母至親乃作歌以勞之。與首章「我心傷悲」同意。歌念母者,孝子聲同也。來,語詞。「是用作歌,將母來諗」,言使臣念母,

《皇皇者華》五章,章四句。

本君之教也,家上篇而歸美於其君。 樂,言遠而有光華也。 【疏】此遺使臣之詩。 臣之功樂,言遠而有光華也。 【疏】此遺使臣之詩。 臣之功禮

也。 遠 陸。」《傳》於《天保》云:「高平曰陸。」 今通作「原」。 會》本作「高平曰遠」。《周禮・大司徒》:「五曰遠隰。」遠、 煌煌也。」煌煌,華色明也。《説文》:「遠,廣平之野。」《韻 雖;懷, 靡及。【傳】駪 無近,如華不以 高平曰原,下溼 皇皇者華,于彼原隰。 `和也。【疏】皇,古「煌」字,故《傳》云:「皇皇,猶 《爾雅》:「大野曰平。 駪,衆多之貌。 高下易其色。 日 隰。 忠臣奉使,能光君命,無 征 【傳】皇皇,猶煌 駪駪征 用《爾雅》文。 廣平日 夫,行人也。 原。 夫,每懷 高平日 此 毎, 煌 ᇁ

干徵師、我行人叔孫婼、宋行人樂祁犂、衞行人北宮結 非專官也。 謂卿行師從也。 疑係後人所改。 韋注:「莘莘,衆多也。」《説文》:「桑,盛兒。 侁」,云:「行聲也。」此三家義。《國語》引《詩》作「莘莘」, 也。 也。 色」,喻臣不以遠近失其名,此君遣之之詞,勉使臣不辱 「下溼曰隰」,詳《車鄰》篇。《傳》意言「華不以高下易其 《公羊傳》:「上平曰原,下平曰隰。」上平亦對下平 曰:「無以尸造于門。」」此「使人」指公孫貞子。 介芋尹蓋對曰:「無禄,使人逢天之感。 「莘莘,衆多也」,然則《毛詩》作「莘莘」矣。 今作「駪駪」者. 「莘莘征夫。」」李注《文選・東都賦》、《魏都賦》皆引《傳 人」,即《序》之使臣,當是一人。下文「每,雖, 人,唯此一人稱使,其餘上介、衆介不稱使也。 「君與卿圖事,遂命使者」,鄭注云:「聘使卿。」案聘使卿一 《左傳》云:「書曰『行人』,言使人也。」哀十五年《傳》:「上 高平曰原」者,隰下 ○《楚辭·招魂》注、《玉篇》、《廣韻》引《詩》皆作「侁 在君謂之明,在臣則謂之忠。 《春秋經》有鄭行人良霄、衛行人石買、陳行人 云「衆多之兒也」者,言從使臣者衆多,所 征,行也。 溼 ,則原高平,爲對舉之稱也。 征夫爲行人,是一時奉使之人, 光者,遠而自 今君命逆使人: 讀若《詩》曰: 懷,和」自爲 《傳》云「行 他 《聘禮 昭 有 丽 :耀者 亢 言 命 年

原,乃 訓》文。 王、孫申毛,得其恉矣。 謂「無所及」,即是「每懷靡及」,「每,雖, 也。」孫毓云:「毛《傳》上下說自相申 皆同。 懷以戒重耳,與詩「每懷」本不干涉。 義取「征夫無及,不可懷安」,故復取西方書及《鄭詩》之言 爲鄭諱。 若作「雖私」,理尤不可通。 也。」改「和」爲「私」,豈「和德」亦作「私德」乎? 子・庚桑楚》篇 本《國語》也。 也」,不誤。《玉篇》、《廣韻》皆云:「每,雖也。」《常棣》篇 無及,亦謂使臣一人,非謂衆行人也。 《傳》言中和,王肅云: 《國語》以「懷和」釋「懷」,毛《傳》以「和」釋「懷」,毛《傳》實 (國語・ 《箋》云:「每有,雖也。」「有」亦衍字。 每有良朋」,又云「雖有兄弟」,是「每有」即「雖有」也。 能 蓋鄭誤也。 通中和 今本《爾雅》作「每有,雖也」,衍一「有」字。 魯語》叔孫穆子引此詩,而釋之云懷和爲每懷。 又據《晉語》姜氏引此詩以證「懷私」。 鄭《箋》改「和」爲「私」、《將仲子》及《烝民》箋 之德。 「每發而不當」、《釋文》引《爾雅》「每, 《版》詩「懷德維寧」、《傳》亦云:「懷,和 《傳》云「中和」與《序》言「禮樂」意正 「「雖有中和」者,即上「每雖懷和」 中謂禮,和 孔仲達疑「每,雖」後人所加,曲 謂樂。 成。 首章《傳》言和 「每,雖」,《爾雅 懷、 懷,和」之義。」案 「雖有中和」當自 必達夫禮樂之 和雙聲得義。 且「雖和」 不知姜語 末章 《莊 彼 雖 釋

《公羊傳》云:「及,猶汲汲也。」相合,言使臣雖有中和之德,猶自謂靡及,必將周咨之。

即數周也。 下四事,意亦數周不數咨也,斯爲善承左氏之學矣。 實識、謀、度、詢皆連咨言,皆是訪問於善。 氏,非有異也。 於善,此即必咨於周之義。《内傳》以咨列「五善」。 明。《内傳》之所謂「善」,即《外傳》之所謂「忠信」也。 日: 諏。 咨諏。 語》:「忠信爲周。」襄四年《左傳》:「《皇皇者華》,君教使臣 驕。J]許引《詩》可證。《箋》云:「如濡,言鮮澤也。」○《國 《説文》:「馬髙六尺爲驕。 後人改之。《皇皇者華》篇内同。」是沈所據此篇作「驕」也 《左傳》文。《國語》作 「乘我乘駒」、《釋文》作「乘驕」,引沈重云:「或作「駒」字 「必咨於周。」臣聞之,訪問於善爲咨。」内、外《傳》義互 【疏】我,我使臣也。《釋文》:「駒,本作「驕」。」《株林 「謀事曰咨。」「汎謀曰訪」。 我馬維駒, 【傳】忠信爲 故《外傳》「六德」不數咨。 此毛氏兼用内、外《傳》説,周、咨竝舉。 六 「咨才爲諏」。 周。 轡如 从馬,喬聲。《詩》曰:「我馬維 訪 濡。 問 諮,俗字。 於 案「才」 載 八善爲 内、外《傳》皆 馳 「咨」字一義,領 即 「咨事爲諏」, 咨。 載 「事」之假借 驅 咨事爲 數咨, 周 《説 出 訪問 爰 其

字。 皆謀也。」《爾雅》:「諏,謀也。」《説文》:「諏,聚謀也。」 《晉語》:「文王諏於蔡原,而訪於辛尹。」韋注云:「諏、 韋 注云:「才,當爲「事」。」依《内傳》改《外傳 15),非 訪 也

《左傳》:「會于成紀,來諮謀齊難也。」諮謀,即咨謀。 《淮南》云:「如絲,言調勾也。」與下章「既均」同義。 《小戎》傳:「騏,綦文也。」《駉》傳:「蒼綦曰騏。」云「言調忍 則其所聞見者遠矣。 驅,周爰諮謨。」以言人之有所務也。」《墨子・尚同 爲「難」。」依《内傳》改也。 《左傳》: 本三家。 馳 云:「夫唯能使人之耳目助己視聽,使人之吻助己言談,使 懈惰,後世無名。《詩》云:「我馬維騏,六轡如絲。 倉不盈; 也」者,以釋「如絲」之義。 人之心助己思慮,使人之股肱助己動作。 「易」字可證。《淮南子・脩務》篇云:「是故田者不强,囷 |載驅,周爰咨謀。 【傳】咨事之難易爲謀。 【疏】 我 官御不厲,心意不精, 「咨難爲謀。」《國語》「咨事爲謀」,韋注云:「事,常 ○《傳》云「咨事之難易爲謀」者, ·馬維騏,六轡如絲。 【傳】言調忍也。 助之言談者衆,則其德音之所撫循者 《説文》云:「慮難曰謀。」桓 忍爲彊忍,謂既調且忍也。 將相不强,功烈不成, 助之視聽者衆 ·疑「易」字當衍。 載馳載 中》篇 侯王 皆無 説或 高注 六年

> 若。 與《傳》「自謂無所及,成於六德」之義合。 即舉其事速成矣。]其下引:「《詩》曰:「我馬維騏,六轡沃 博 不善也,皆馳驅以告天子。」案謂以馳驅之獲告天子也。 載馳載驅,周爰咨謀。」即此語古者國君諸侯之聞見,善與 矣。 載馳載驅,周爰咨度。]又曰:「我馬維騏,六轡若絲 助之思慮者衆, 則其謀度 速 得矣。 助之動作者衆 竝

載

《傳》見上篇。 也。」《晉語》云:「度於閎夭。」 語》:「咨義爲度。」兼内、外《傳》作訓也。 ○《傳》云「咨禮義所宜爲度」者,《左傳》:「咨禮爲度。」《國 咨度。【傳】咨禮義所宜爲度。【疏】白馬黑蠶曰 我馬維駱,六轡沃若。 若,猶然也。《氓》傳云:「沃若,猶沃沃然。」 載馳 《爾雅》:「度,謀 載 驅, 周 駱 爰

同。 駰。 今之泥驄。 於六德也。 之謀爲詢。 者,目下白也。」孫炎曰:「陰,淺黑也。」郭璞曰:「陰,淺黑 《駉》正義云:「舍人曰:「今之泥驄也。」樊光曰: 均,調也。 我馬維駰,六轡既 或云目下白,或云白陰,皆非也。」璞以陰白之 【疏】「陰白襍毛曰駰」、《爾雅・釋畜》文、《駉 兼此五者,雖有中和,當自謂無所及,成 載馳載驅,周爰咨詢。 均。【傳】陰 【傳】親戚 白 襍 毛 「駰 曰

於善爲咨」。 使臣以大禮,重之以六德。」據此文義,則所謂「六德」即上 取周以備數,與毛《傳》不合。《外傳》云:「懷和爲每懷,咨 謀、度、詢四事,析言之各有專義,渾言之則皆爲謀也。 親爲詢。」《爾雅》:「詢,謀也。」《晉語》云:「詢於八虞。」諏 六語是矣。忠信爲周,言咨於忠信之人,即《内傳》之[訪問 才爲諏,咨事爲謀,咨義爲度,咨親爲詢,忠信爲周。 五善、《内傳》本文自明。《外傳》六德、韋昭注於五善之外 「《春秋》内、外傳説此詩有五善、六德,咨、諏、謀、度、詢爲 家上文「每懷靡及」句而總釋之也。 〇《傳》云「親戚之謀爲詢」者,《左傳》、《國語》並云: 聲,陰、駰亦雙聲。均,讀爲「匀」,故《傳》云:「均,調也。」 陰白襍毛謂黑。 不可讀。」 奂案陰之爲言幽也。 《隰桑》傅:「幽,黑色也。」 與白陰也。」《説文》:「駰,馬陰白襍毛也。」宋本「也」作 五善之外,雖有中和 「魏」下「虎竊毛謂之魏苗。 「兼此五者,雖有中和,當自謂無所及,成於六德也」者,此 段注云:「許蓋「襍毛」之下釋云:「陰,淺黑也。」如 周、咨一義,韋分兩德,誤也。 馬發白色而閒有襍毛是曰駰也。 ,自謂無及,以備六德之一。 竊,淺也」正是一例。今本漏奪 陳啟源《稽古編》云: 懷和爲每懷,在 與《外傳》 陰、幽雙 君況 答 云

> 懷和,則謂之「六德」,從《外傳》說。 以五善而加門,讓、度、詢各一,爲五善,從《内傳》說。以五善而加詢凡六事,而云「兼此五者」,則合周、咨爲一矣。周、咨合門,誤又與韋等。」案陳説是也。《傳》列周、咨、諏、謀、度、可謂德乎? 又謂《傳》「中和」是釋「周」義,而指爲六德之正相符。穆叔以懷和爲一德,而康成破「和」爲「私」,懷私

文與驪白、黄白、蒼白、彤白相類,故知陰是色名,非目下白

《常棣》八章,章四句。

合九族之樂歌、《東山》「我心傷悲」之意也。作《常棣》焉。《疏》此詩在周公既誅管、蔡,而作以爲《常棣》,燕兄弟也。 閔管、蔡之失道,故

部》引三家《詩》作「夫移之華」、《詩考》引《韓詩序》:「《夫格」、正爲《傳》所本。《毛詩》「常棣之華」、《藝文類聚·木斯據《傳》本或作「常棣、移」者是也。《爾雅》當作「常棣、榜」,正爲《傳》所本。《毛詩》「常棣之華」、《藝文》、「唐棣、移。常棣、棣也」、本或作「常棣、移」。按格」、正爲《傳》所本。《毛詩》「常棣之華」、《藝文類聚·木格」、正爲《傳》所本。《毛詩》「常棣之華」、《藝文類聚·木格」、正爲《傳》所本。《毛詩》「常棣之華」、《韓】與也。常棣、常棣之華,》不華華。《傳】興也。常棣、常棣之華,》不華華。《傳】興也。常棣、常棣之華,》不華華。《傳】興也。常棣、

三九九

+

六

外禦,則彊盛而有光耀,若常棣之華發也。」杜預《左傳注》 《正義》引王肅云: 爲「光明」、《藝文類聚》引三家《詩》作「煒煒」。不,語 盛也。」《玉篇》:「轉,盛兒。」隸變作「韡」。 謂 鄂鄂然,華外發也」者,「華」字各本作「言」字,誤。《正義 也。 棣也。 雅• 文》引《詩》亦作「萼」。段注云:「字當作「咢」。 其即移歟? 稱棣,而常棣一名移,乃棣之屬。《七月》傳: 矣》篇。 常棣,移也。 棠棣也。」「棠」乃「常」字之誤。 棣」、《韓詩》作「夫移」、是常棣爲移之確證。《説文》:「移、 移》,燕兄弟也。 「山有苞棣」,棣,唐棣也。 「常棣,移」,亦其明證矣。《詩》有唐棣、常棣二穜,《爾 華 今《詩》作「鄂」,亦非咢取、咢布之意。」《傳》云「鄂,猶 釋木》: 聚而發於外也。 「華外發鄂鄂然也。」是其證。 《采薇》「維常之華」,常,常棣也。 ○《文選》東皙《補亡詩》,注引《毛詩》作「萼」,《説 毛《傳》皆本《爾雅》以釋《詩》,然則唐棣得專 「唐棣,棣。 唐棣,白棣也。 閔管、蔡之失道也。」據此· 「不韡韡,言韡韡也。 又以華之外發,取衆多爲義。 常棣,移。」此釋《詩》也。《晨風》 《何彼襛矣》「唐棣之華」, 常棣,赤棣也。 許治《毛詩》,則毛《傳》之作 此篇「常棣之華」. 以興兄弟能内睦 《傳》訓 `則《毛詩》「常 辨見《何彼禮 「鬱,棣屬。」 萼,俗字 | 韡 韡 唐棣 辫 《釋 詞

> 類,以歌此詩,則周公作詩爲古,而召公歌詩爲今也。 「作樂爲後世法」也 則二叔不咸爲古,而周公作詩爲今也。 棣之言,即《常棣》之詩也。 **彊盛而有光輝韡韡然。」王、杜皆足以申明《傳》義。** ○《傳》云「聞常棣之言,爲今也」者,以釋經之「今」字。 「華發」, 云 「鄂鄂然華外 杜云「華外發」, 發。 不韡 尤足以訂今本《傳》文之誤 **韓**,言 周公弔二叔之不咸,以作此詩 韡 韓, 召穆公思周德之不 以 喻兄弟和 睦 王云 列則 常

高下得其宜,以喻兄弟共處,長幼得其序。 《傳》訓。 子政亦釋「威」爲「畏」也。「懷」訓「思」、《箋》云:「死喪,可 篇 篇》引《詩》「原隰捊矣」,云:「捊,聚也。」《大雅》釋文引《釋 畏怖之事。 也。 詁》:「捊,聚也。」「裒」即「捊」之俗。 「死喪之威,兄弟孔懷。」言死可畏之事,唯兄弟甚相懷。」劉 矣,言求兄弟也。【疏】「威,畏」、《巧言》同。 「君子謂聶政姊仁而有勇,不怯死以滅名。 原隰裒矣,兄弟求矣。【傳】哀,聚也。 ○「裒,聚」、《般》、《殷武》同。 維兄弟之親,甚相思念。」鄭用三家義,以 案此興也,原隰相聚 《説文繋傳》及《玉 《傳》文「求矣 《列女傳》續 《詩》云: 求 申

死喪之威,兄弟孔懷。【傳】威,畏,

懷,思

謂思求兄弟,以相救於急難也 上奪「兄弟」二字,當補。 經言「兄弟求」、《傳》云「求兄弟」,

難

《小宛》篇「題彼脊令,載飛載鳴」,《傳》:「脊令不能自舍, 之?」」《左》引《詩》以明「急難」即上章之「死喪」,「兄弟急 威、兄弟孔懷。」兄弟之不睦、於是乎不弔。 諸侯貳。 奪「兄弟」二字,當補。 難言兄弟之相救於急難,皆是申明經義。《傳》文「急難」上 即其不能自舍也。 君子有取節爾。」案兩《傳》並以不能自舍爲喻。 義》引《義疏》云:「脊令,大如鷃雀,長腳,長尾,尖喙,背上 雝 《爾雅・釋鳥》文。 青灰色,腹下白,頸下黑如連錢,故杜陽人謂之連錢是也。」 永,長也。【疏】《釋文》: 於急難。 飛 强,一 旭則鳴 「衞事晉爲睦,晉不禮焉。 脊令在原,兄弟急難。 ',行則摇,不能自舍耳。 曰精列。」「精列」即「脊令」之轉,一 《詩》曰:「即令在原,兄弟急難。」又曰: 每 有 良朋,況也永嘆。 脊令喻兄弟。 俗作「鴨鳹」。《説文》:「雅,石鳥,一名 昭七年《左傳》:「晉大夫言於范獻 「脊,亦作「即」。」「即令,雝渠」、 脊令言飛行不舍兄弟,急 庇其賊人,而取其 急難,言兄弟之相救 【傳】脊令, 雝渠也。 【傳】況,兹; 況遠人,誰敢歸 物而四名。 飛鳴行摇 「死喪之 (地,故 。 正

> 傳 : 戚之也。」語意相同 急。 它,疏之也。其兄關弓而射之,則己垂涕泣而道之。 戎」同義。 雖有良朋,徒滋其永嘆而已。 也。」「滋、益也。」《詩傳》訓「兄」爲「兹」、「兹」與「滋」同。 古今字。 旻》同。兄、況古今字,古作「兄」,今通作「況」。《晉語》: 「歎」。長歎朋友之不如兄弟相救於急難,與下章「烝也 「況,益也。」《書 「衆況厚之。」又「況固其謀也。」字皆作「況」。 「況」爲「益」,與《詩傳》訓「兄」爲「兹」,其義一也。 「則兄自敬德」,王肅本作「況」,注云: 」即上章死喪而懷思兄弟。 《孟子》曰:「越人關弓而射之,則己談笑而道之。 「每,雖也。」況,《釋文》:「本或作「兄」。」與《桑柔》、《召 古作「兹」,今通作「滋」。《説文》:「兹,艸木多益 蓋兄弟之情親,而朋友之道疏,義不存乎相 無逸》: 「則皇自敬德。」漢石經 「永」訓「長」。嘆、《釋文》作 毛義亦然也。 「況滋益用敬德。」訓 ○《皇皇者華》 韋注云: 兹、滋亦 **| 殘碑作** 無它 言 救

> > 429

《爾雅》: 御 有良朋,烝也無戎。 · 禦 ; 兄弟鬩于牆,外御 務, 「鬩,恨也。」孫炎本作「很」。 侮 也。 兄 弟 【傳】烝,填; 雖 内 以其務。 鬩, 韋注《國語》:「鬩,很 而 外 【傳】鬩,很 戎, 禦 相 侮 也。 也。 【疏】 也。 每

四〇一

卷

弟比以安,尨也可使無吠。」」亦義取「外禦侮」之意。《大 小忿,外禦侮爲不廢親。 牆,外禦其侮。」如是,則兄弟雖有小忿,不廢懿親。」閱牆爲 不敗親也。」」僖二十四年《左傳》引,「《詩》曰:「兄弟鬩干 「子皮賦《野有死麕》之卒章,趙孟賦《常棣》,且曰:「吾兄 此經、《傳》作「禦,禁」耳。 故以「禦」釋「御」也。 以《傳》「禦」爲「御」。」案《正義》禦、御二字互誤。 《箋》。《小箋》云:「作《正義》時未誤,今訂正。」《正義 訟争貌。」竝與「很 也。《孟 《詩》作「務」,内、外《傳》引《詩》皆作「侮」。 《邶・谷風》同。《詩》作「御」,内、外《傳》引《詩》皆作「禦」, 云:「定本經「御」作「禦」,訓爲「禁」。《集注》亦然。 从門、兒。」「兒,善訟者也。」「訟,争也。」杜注《左傳》:「鬩· 義之證。《説文》: 「務」爲假借字,故《傳》以「侮」釋「務」也。《周語》:「富辰 ·御」、《傳》作「禦」,當是古本《傳》文如是。 "【古人有言曰"「兄弟讒鬩,侮人百里。」周文公之《詩》 「兄弟鬩于牆,外禦其侮。」若是,則鬩乃内侮,而雖鬩 子•離婁》篇: () 義近。 「鬩,恒訟 韋昭、杜預注:「禦,禁也。」後人因改 好 此《傳》所本也。 「御,禦」以下十五字,各本作 ?勇鬩 「務,侮」、《爾雅・釋言》文。 也。 很 《詩》曰:「兄弟鬩于牆。」 以 危父母。」 又昭元年《傳》: 「侮」爲本字 「御,禦」, 此 俗本經作 鬩 俗本 很 同

> 「戎,相」、《釋言》文。相 烝謂之填,填謂之久, 烝謂之塵 雅 「填,久也。」《爾雅》:「烝,塵也。 緜 》亦作 「禦侮」。 ○ 烝 助 也 訓 ,塵謂之久,其義相因 塵,久也。」占填、塵聲同。 填」、《桑柔》、《瞻 叮 也

不如兄弟。 又不同。 人改竄。《大戴禮·立事》篇:「兄弟憘憘,朋友切切。」文 然」。」依《釋文》本作「切切然」,不作「切切節節然」,皆是後 義亦云: 弟尚恩熙熙然,朋友以義切切節節然」十六字。《伐木》正 作「偲偲」。 怡」、「節節」當彼「偲偲」也。 굸 磋勉勵之貌。 朋友之交則以義,其聚集切切節節然。 [切切偲偲然]。今各本依定本作[怡怡然],不作[熙 然。【疏》《正義》云:「兄弟之多則尚恩,其聚集則熙熙 友生。【傳】兄弟尚恩熙熙然, 「切切、勸競貌。 喪亂既平,既安且寧。 「朋友切切節節。」《釋文》云:「「切切然」,一本作 ○案上三章曰「死喪」、曰「急難」、曰「外粉」,朋 依《論語》,則俗本誤。」然則《正義》本當作「兄 此章言喪亂既平之後,兄弟不如朋友者,愈以 《論語》云:「朋友切切偲偲,兄弟怡怡。」注 怡怡,謙 定本「熙熙」作「怡怡」,「節節 順貌。」此「熙熙」當彼「怡 朋友以義切 雖有兄弟,不 切切節節者,相 切節節 然 如 熙 切

親之禮,以下三章皆是也。弟五章爲承上起下之詞。見兄弟之當親。「喪亂既平,既安且寧」,即行燕兄弟内相

屨 階以東。 之誤。 即 《楚茨》「諸父兄弟,備言燕私」,《傳》:「燕而盡其私恩。」此 也。 燕則有之。」注云: 古「敶」字。 也。 屨升坐」。 飲酒義》篇「降説屨、升坐」之義也。 屨,升,就席。 飲」、《傳》: 【疏】償、陳疊韻爲訓。 ·飫」爲「私」,而又申明其爲燕私也。《傳》「不」字必「下」 (傳)九族 '屨賤',不在堂也。」《少儀》:「凡祭於室中、堂上, 「私」字之義。「不脱屨升堂謂之飫」、《傳》既本《爾雅》釋 將燕,降說屨,乃升堂。」毛《傳》「下脱屨升堂 不 《燕禮》:「賓北面 價爾籩豆,飲酒之飫。【傳】償,陳, 脱 卿大夫皆降,東面北 《草蟲》傳: 會 屢升堂謂之飫。 「夜飲,燕私 新,私」、《爾雅·釋言》文。 公以賓及卿大夫皆坐,乃安。」此即《禮記 曰 和。 「祭不跣者,主敬也。 孺,屬也。 陳,讀如《禮》「皆南陳」之「陳」。 「降,下也。」然則《傳》文作「下脱屨 也。 [取俎以出。 宗子將有事, 兄弟既具,和 上。 王與親戚燕,則 賓反人,及卿大夫皆説 鄭注云:「凡燕坐必説 膳宰徹公俎,降自阼 燕則有跣,爲歡 《湛露》「厭厭夜 則族人皆 樂 即 且 飫, 尚 無 「降説 [侍。] も。 孺 跣 陳 字 鄉 私

> 覔 也。 沈。 甚顯白矣。 則所謂飲酒者,燕禮也。 韓爲一義,今「下」亦誤作「不」耳。 賦》注引賈逵《國語注》: 李所據「跣」上有「下」字。《韓詩》云「下跣而上坐」,即《毛 賦》引《薛君章句》:「飲酒之禮,下跣而上坐者,謂之宴。」 沈,不可以湎。」《御覽・ 能飲者飲之,不能飲者已,謂之醧。 酒,●不脱屨而即席者,❷謂之禮。 醧」。 而飲,不醉無歸,燕私之禮也。 詩》之「下脱屨升堂」也。 | 部 | :: 《詩》曰: 閉門不出客,謂之湎。 徐堅《初學 「醧,宴私之飲也。」本《韓詩》也。 《毛詩》作「飫」,張載 「飲酒之饌。」」本《毛詩》也。 記 器物部》: 「下脱屨升堂謂之宴。」賈正合毛 飲食部三》引同。 同姓在焉,異姓則否。 《衆經音義》卷一及《文選・南都 君子可以 《説文・ 注《魏都賦 是詩爲燕兄弟之樂歌 「《韓詩》説: 跣而 齊顔色,均衆寡,謂之 宴 食部》: 上坐者, 可 今字通作「飫」。 又李善注《東都 宴私,即 以驅,不可 》引《韓 坐而飲,夜 「饌,燕食 「夫飲之 謂之宴。 **祥詩》作** 燕私 以

0

四

01.

0

卷

+

六

酒酒 部 酒 干 一》作 經 解 續編》本 :「禮」。 同。 古 香 1 齋《初 學 記 服 食

部 「席」,《清 酒 - 7.經解 一》作「序」、《禮部下 續編》本 同。 古 饗讌五》作「席」。 香 齊《 初 學 記 服 食

祖昆弟爲族父」者,高祖之曾孫也。 者,曾祖之孫也。 也 詳於《釋親》矣。其曰「父之昆弟,爲世父、叔父」者,祖之子 爲己、父、祖、曾、高。 謂親益疏者,服之則輕。」案殺之爲言猶治也。 《傳》以九族會爲和,即本《左傳》「召穆公合九族於成周而 祖,以子親孫,五也。 而親畢矣。」鄭注云: 之親也。」鄭言九族、《葛藟》、《行葦》序箋同。《禮記・喪服 作詩」以爲説也。 樂」與下章「和樂」不同義。 《爾雅》、毛《傳》釋「飫」爲 小記》篇:「親親,以三爲五,以五爲九,上殺,下殺,旁殺 不可以不辨。 訓 飫 詩》字義正合。 退。」舊説云:「飫,宴安私飲也。」《魯語》亦作 己,合之則成九族也。 ,而用《周語》立成之飫爲説,誤解經之「飫」字,并誤解 纑 由己而父而旁殺之也。 雙聲,字 ○具,俱也。 , 鄭《箋》不用《魯語》之「飫」以申「飫私」之 《箋》云:「九族,從己上至高祖下至玄孫 由己而父而祖而旁殺之也。 而 義 下殺五,則爲己、子、孫、曾、玄。 以祖親高祖,以孫親玄孫,九也。 「己,上親父,下親子,三也。 同。 九族者,旁殺之義也。 「私」之義。 此 兄弟既具,言已俱在也。 曰「父之從父昆弟爲從祖父. 國 「和」讀「民大和會」之「和」, 語 由己而父而祖 魯 《正義》從鄭申毛,是 語 繹 「飫」,與《毛 日「父之從 旁殺之義. 上殺五,則 不 以父親 一而曾祖 盡 三五. 殺 和 飫 則

《管子•形勢解》:「和子孫,屬親戚。」即 也。」《周禮·司儀》云:「王燕,則諸侯毛。」又《齊語》云: 釋「孺」爲「屬」,而又明「屬」之義云「王與親戚燕,則尚毛 理盡」也。 單於下」也。 者,親戚,謂兄弟也。 食」也,所謂「序之以昭穆,而人道竭」也,所謂「群居和壹之 孫之昆弟焉,有曾、玄之昆弟焉。 有合族之道,與燕飲于宗室。 於五世矣。 弟,有殺義而無族名。 殺之,所謂「六世親屬竭」也。然則父之昆弟、父之從父昆 與己同出於高祖之父,由父之從祖昆弟之子而下殺之而 之,所謂「五世袒免」也。 「班次顛毛,以爲民紀統。」 之昆弟焉,有曾、高之昆弟焉。 弟」,與己同出於高祖, 而旁殺之,所 「九族會曰和」,此其義也。 五世而外,絶族而稱姓,所謂「姓别於上,而 古者立宗收族,數世以降,子姓衆庶,于是 謂 四 世 《禮記·中庸》云: 而總」也。 族之名,成於四世矣。 由父之從祖昆弟而下殺之而旁殺 曰「族昆弟之子相謂爲親同姓」, 己而上,有父之昆弟焉,有祖 己而下,有子之昆弟焉,有 曰 所謂「旁治昆弟、合族 族父之子 「孺,屬」,《釋言》文。 「燕毛,所以序齒 其義也。 九族之義,成 相謂 《傳》既 爲族 以 君 戚 旁 昆

妻子好合,如鼓瑟琴。兄弟既翕,和樂

言》:「翕,聚也。」「合」與「聚」義相近。《釋文》:「湛,又作東》、《般》同。《夏小正傳》亦云:「翕也者,合也。」《方且湛。【傳】翕,合也。【疏】「翕,合」、《釋詁》文。《大

「耽」。」引《韓詩》云:

「耽,樂之甚也。」

邦。」文王之詩也。 弟,而推及兄弟之室家妻子,至於室家宜、妻子樂,則合族 帑戮汝」,皆是子也。」然則此章「宜爾室家,樂爾妻帑」,即 好合」,子即帑也。《左傳》曰「秦伯歸其帑」,《書》曰「予則 之,古人於兄弟之道信如是乎? 爲後世法。」〇《鴻雁》傳:「究,窮也。」「深」與「窮」義相近。 之道盡矣。《思齊》云:「刑于寡妻,至于兄弟,以御于家 上章「妻子好合,如鼓瑟琴」之意。爾,爾兄弟也。 注《中庸》云:「古者謂子孫曰帑。」《正義》云:「上云【妻子 也。【疏】家室,唐石經作「室家」。帑者,「奴」之假借。 究是圖,亶其然乎?【傳】究,深,圖,謀,亶,信 圖,謀,亶,信」,皆《釋詁》文。 宜 一爾家室,樂爾妻帑。【傳】帮,子也。 《四牡》傳:「周公作樂,以歌文王之道: 然,猶是也。 於是而深謀 由燕兄 是 鄭

《伐木》三章,章十二句。【疏】今訂正,

辨見下。

《伐木》,燕朋友故舊也。自天子至于庶人,未有不須友以成者。親親以睦,友賢不人,未有不須友以成者。親親以睦,友賢不真之刺。」《風俗通義・窮通》篇同。是《魯詩》説以《伐木》鳥,之刺。」《風俗通義・窮通》篇同。是《魯詩》説以《伐木》高門之刺。」又注潘岳《閒居賦》以「勞者歌其事」爲《韓詩》:「飢者歌食,勞者歌事。」其詳略不同,而韓與毛義相近。「飢者歌食,勞者歌事。」其詳略不同,而韓與毛義相近。「飢者歌食,勞者歌事。」其詳略不同,而韓與毛義相近。

也。「鳥鳴嚶嚶」以下、又一興也。鳥遷喬木、而不忘幽谷地。「鳥鳴嚶嚶」以下、又一興也。為、深、喬、高也。我其友聲。《傳】嘤嘤、驚懼也。為、深、喬、高也。我其友聲。《傳】嘤嘤、驚懼也。為、深、喬、高也。我大友聲。 出自幽谷、遷于喬木。嚶其鳴矣、鳴嚶嚶。 出自幽谷、遷于喬木。嚶其鳴矣、水其友聲。出自幽谷、遷于喬木。嚶其鳴矣、水其友聲。出自幽谷、遷一香木。鳴其鳴矣、

《韓詩章句》云:「鳥,微物也。」○「矧,況」,《釋言》文。《賓 家舊義。❶《文選》禰衡《鸚鵡賦》、顔延之《讌曲水詩 之初筵》、《抑》箋並云"「矧,況也。」「況」即《常棣》、《召 詁》文、《時邁》同。《傳》云「君子雖遷於高位」釋「遷于喬 喬木而入于幽谷者。」趙注以幽谷爲深谷。「喬,高」、《釋 子・滕文公》篇: 以「丁丁」、「嚶嚶」連言,非毛義。 轉寫者依誤本《爾雅》改之也。 作「噰噰」。「丁丁」下又誤衍「嚶嚶」二字。鄭《箋》非原本: 木」句,「不可以忘其朋友」釋「求其友聲」句。 也。」《文選・東京賦》、《笙賦》注作「嚶嚶」,今本《爾雅》誤 謂驚懼也。《箋》云:「丁丁,相切直也。 懼而作其聲嚶嚶然。 之鳥,以興君子居高位,而不忘下位之朋友。 《詩》:「鸎其鳴矣。」《玉篇》:「鸎,黄鳥也。」引《詩》亦作 《傳》則言其正義也。《文選》張華詩「屬耳聽駡鳴」,李注引 《爾雅·釋訓》:「丁丁,相切直也。」《釋詁》: 村,伐木聲。」「丁」同「朾」。 「須友以成」之義,故二章、三章亦以伐木爲興。《廣韻》: 唐人用「陽出谷」命題,蓋本諸此。 「吾聞 【出于幽谷,遷于喬木】者,未聞下 嚶實鳥鳴之聲,故下文「嚶其鳴矣」不 ○「嚶嚶,驚懼」,《傳》言鳥驚 毛以「鳥鳴嚶嚶」連下讀 「幽,深」、《釋言》文。《孟 嚶嚶,兩鳥聲也。」 桐城徐璈以爲三 「嚶嚶,音聲和 經言喻義 伐木者,取 》注引 鄭

【傳】粲,鮮 顧。 大夫、士友其宗族之仁者。 謂同姓大夫皆曰父,異姓則 諸父。【傳】羚、未成羊也。 以筐曰釃,以藪曰 【傳】微,無 伐木許 明 貌。 許, 也。 滑。 圓 釃 日簋。 酒 於粲 藇,美貌。 有藇。 稱舅。 天子謂同姓諸 天 寧 洒 子八簋。 適不來,微我弗 埽 , 既有肥 【傳】許 國 陳 君友其賢臣 饋 心 對,以 許, 既 侯、諸 八簋。 有肥 柿 貌 谏

牡,以速諸舅。寧適不來,微我有咎。【傳】

^{● 「}徐」,原作「張」,據中國書店影印武林愛日軒刻本、徐

亦作

「也」字。

「藇,音敘」,謂次敘之美也。

《玉篇》:

「 藇

四〇七

《傳》:「藇,美也。」奂疑今本作「皃」乃「也」字之誤,《釋文》

縮酒用茅,其事非漉酒也。」《初學記・器物部》引

施酒也。

籔者, 滰淅之器。

較麤。」 籔,今人謂之溲箕,皆可以

漉

酒。

·籔」誤作「藪」。《正義》云「草」,甚謬,未聞草可名藪,草可

《詩異義》云:「段氏《説文注》曰:「筐者,盛飯之器,較細。

也。」 茜之,謂

以藪漉之,是謂之湑也。

藪者,「籔」之誤。

者,蓋探下章「有酒

湑我」作訓

也。

下章《傳》:

「湑,

茜之

去細。」釃、驚聲義皆同。

經言釃、傳》必兼云「以藪曰湑」

謂之釃。

下,猶漉也。

又《説文》:

「籬,竹器

(也,可以取麤

筐」通。

《説文》:

「釃,下酒也。」凡作酒者,以筐漉酒

, 是

舅。 《式微》傳:「微,無也。」「式微」之「微」訓「無」,「無」與「有 《説文》:「羜,五月生羔也。」云「天子謂諸侯同姓稱 同 對文。「微我」之「微」訓 寧,猶胡也。 者,此即《序》所云「自天子至庶人,皆須友以成」之義也 言。 也。」案此《傳》釋「諸父」兼釋「諸舅」,國君,統天子、諸 《禮記・ 父,服、杜注云:「諸侯稱同姓大夫,長曰伯父,少曰 傳》鄭厲公稱原繁伯父。又隱五年《傳》隱公稱臧僖伯 大夫同姓稱父,異姓稱舅」者,《正義》引:「莊十四年《左 叔。 異姓,謂之叔舅。」此二伯較大於方伯,故二伯稱 父,異姓,謂之伯舅。 小邦稱叔。 姓稱舅」者,《覲禮》:「同姓大國則曰伯父,其異姓則曰伯 「麒」字。 酒之美也。」引《詩》作「藇」, 意别。 詩詠天子燕耳,諸侯已連而及之,而并下及大夫、 毛《傳》不言伯叔,則渾言稱父稱舅耳。 同姓小邦則曰叔父,其異姓則 祭統》衛孔悝鼎銘「公曰叔舅」,其稱伯舅,未聞 ◎爾雅 無我弗顧者,勿弗顧我也。 《曲禮》: 胡,何也。 釋畜》:「未成羊、羜。」《傳》所 「五官之長曰伯,天子同姓,謂之伯 九州之長,天子同姓,謂之叔父, 「無」,「無」與 適,之也。 亦作「醾」。 日 何之不來,言必來也 勿同 無我 叔舅。」此大邦稱 《説文》 有咎者,勿有 義。 其云「諸 俏, 無「與」、 1叔父。1 方伯 三父,異 本也 误侯謂 伯

肝」之「肺」,即玄應所云「江南

○《六書故》「湑」下、「灑」下兩引《傳》「以匡曰釃」,「匡」與

謂之札,又謂之妣。

今江蘇人謂所斫木皮曰木枕,讀如「肺

! 名妣」也。

栿,

蒲貝

反。

義》卷十八云:「江南名栿,中國曰札,山東名朴豆。」引《説

「紌,削木朴也。」「朴,木皮也。」木皮謂之朴。

削木皮

篇、《初學記·

器物部》作「滸滸」、《説文》作「所所」、云:

"伐木聲。」所,本字。

許、滸皆假借字。

《傳》云「柿兒」,

即

「妣」之隸變。

《廣韻》云:

「桃,斫木札也。」《衆經音

咎,過也。

【疏】許許、《後漢書・

朱穆傳》及《家訓

書證

同。 禮》:「上大夫八簋。」是諸侯燕群臣及他國之使臣皆八簋 爲天子之燕而言也。 明,非形容洒埽也。 物於尊者曰饋。」《爾雅》:「咎,病也。」「過」與「病」義相近。 天子之燕與侯國同也。《明堂位》云:「周之八簋。」簋盛黍 注》增入、《釋文》、《正義》皆無此三字。 《周禮 清竫也。 我 《傳》云「圓曰簋」,與鄭合,而與許不同。 也。 - 歎詞者,非也。 《傳》云「粲,鮮明皃」,「皃」當作「也」。此言洒埽之鮮 八數者,周之制。 ○《釋文》云: 舍人》注云:「方曰 《説文》: [幸其來之之詞。 《桑中》傳:「爰,於也。」「於」與「爰」皆發 「簋,黍稷方器也。」「簠,黍稷圜器也。」 「於,如字。」《箋》、《疏》並同。 《釋文》作「鮮明也」,不誤。 《聘禮》:「堂上八簋。」《公食大夫 《膳夫》「凡王之饋」,❶鄭注云:「進 我,王自謂我也。 簠 圜 曰 簋。」所傳 「天子八簋」,據詩 或疑《傳》依《周禮 通章七 鮮明,猶言 2 聞異 「音鳥」 「我」字 也

茜之也。 【傳】餱,食也。 豆有踐,兄弟無遠。 伐木于阪,釃 酤,一 宿酒也。 有酒湑 酒 有衍。【傳】衍、美貌。 我,無酒酤 民之失德,乾 坎坎鼓我,蹲 我。 餱 蹲 (傳)滑 以 舞 我 。 愆。 簜

> 《箋》:「族人陳王之恩。」鄭亦以酒爲族人設矣。 紀》:「詔曰: 雅·釋言》文。《説文》:「餱,乾食也。」依 爾」,皆謂兄弟爲九族之親,不爲異姓矣。 令兄弟」,《行葦》内睦九族,其詩曰「戚戚兄弟,莫遠 具來」,《角弓》刺幽王不親九族,其詩曰「此令兄弟」、「不 弟」,《頻弁》刺幽王不親九族,其詩曰「兄弟匪他」、「兄弟 鄰》傳 具酒食相賀召,由是廢鄉黨之禮,令民亡所樂,非所以導民 以行禮樂也。 「兄弟,同姓臣也。」《葛藟》刺桓王棄九族,其詩曰「終遠兄 夫、士友其宗族之仁者」,是宗族亦有朋友也。《沔水》傳: 臣、親爲兄弟、則誼爲朋友。 禮,諸舅乃兼及之耳。下文云「有酒湑我,無酒 《周禮》周之宗盟,異姓爲後,故《詩》言燕飲,召族人飲酒之 《箋》因上章速諸父、諸舅,故兄弟兼異姓言。 「乾食」爲餱,其實餱即食耳。 皃」亦當作「也」,字之誤。 Š 陂 「夫婚姻之禮、人倫之大者也。 今郡國二千石,或擅爲苛禁。 者 日阪。」; 衍,美兒」, 上章《傳》「國君友其賢臣,大 ○《伐柯》傳:「 愆,過也。 衍 謂 「乾餱」言,故云 《漢書・ 禁民嫁娶不得 **飯** 多 酒食之會,所 踐,陳列皃。 案鄭説非也 溢之美也。 食」、《爾 酤 同 宣帝 ...姓之 我」, 具

❶ 「夫」,原作「人」,據阮刻《周禮注疏》改。

(傳) 蹲蹲,舞貌。

迨我暇矣,飲此湑矣。【疏》車

句

也

我

有

酒則湑之,我無酒則

八酤之。

鍇以今之雞鳴酒當之,非也。

:者謂之酤,滲去其汁滓者謂之湑。

對文。

《韓詩》謂醴爲有汁滓者,酤與醴

大誤。

云「酤,

宿酒也」者、《説文》:

、珙《後

 \bigcirc

又指

縮酒

, 游酒也。」 鄭不誤。

「醴,酒

縮酒。」《説文》「莤」下引《春秋傳》作「無以莤酒」。 古莤、縮 和氣不興、未必不由此也。」其下亦引此詩。 無恩德,不相飲食,則闕乾餱之事爲過惡也。」〇《傳》云 「湑」爲「莤」,與鄭大夫訓「縮」爲「浚」意同。《箋》:「王有 「祭祀,共蕭茅。」鄭大夫注云:「蕭,字或爲「莤」。 「清,茜之也」者,《釋文》:「茜,所六反。」《天官· 束茅立之祭前,沃酒其上,酒滲下去,若神飲之,故謂 「鄉黨闕於嘉賓之懽,九族忘其親親之恩。 **莤酒者**,自 漢酒於茅上,非謂 莤爲茅也。 毛《傳》訓 一宿孰也。」此詩以湑、酤對文,猶《行葦》篇以酒、 故齊桓公責楚不貢包茅,王祭不共,無以 《釋文》、《正義》並以莤爲蕭茅: 「湑,酒之泲者也。」《甸師》注: 「有酒湑我,無酒酤我」,此倒 夫人道不通,則陰陽否 一般以 宿,言易孰耳。 言有酒 耐, 酒也。 (您。」」又《薛 顔注云: , 用 宿酒也。」 飲食周 然則有汁 甸師》: 茜,讀爲 川其滲去 一言 鬲 徐 醴 急 官 章,章十二句。 諸父、諸舅爲二章、「兄弟無遠」爲卒章、是《正義》本自作三 末。 木許許」爲二章上二句,「伐木于阪」爲卒章上二句。 箋》云:「凡《傳》、《箋》下《疏》語統釋 案此詩分章各本皆誤。 爲之擊鼓則坎坎然,我爲之興舞則增增然,亦倒句也。 壿」,亦詁「竷竷」,其意實同。 案上句言鼓,下句言舞,舞與鼓相應也,故許以「舞. 舞我。」」《爾雅》:「坎坎、壿壿,喜也。」其字皆作「壿」可證 鼓我」,或「鼓」字據今本改之也。 矣」、「犬夷呬矣」之例。 汁滓之酒; 夕。《詩》曰:「**竷**竷舞我。」」許合下句而言,猶「東方昌 今本《説文》作: 故下文但云「飲此湑矣」,不更及酤也。 「本或作「増」。」《説文・士部》:「増,舞也。 《説文》:「一曰:酤 「竷竷」之假借。 「有酒酤我」,亦訓爲「買酒」,俱本三家《詩》義。 今總十二句爲 無酒 各本作六章章六句者,阮氏《校勘記》以 《釋文》引《説文》作「竷」,云:「舞曲也。」 「竷,繇也,舞也。 ,則用 一疏,作三次申述。 ,買酒也。』《漢書・ 有 黄公紹《韻會》引《繋傳》本作「竷竷 《正義》標起止 汁滓者也。 「坎坎鼓我,壿壿舞我」,言我 蹲,當作「壿」,《釋文》: 樂有章,从章,从条,从 汁滓之酒,禮 食貨志》魯匡釋《詩 《箋》:「酤,買也。」 亦誤。 章者,例置每章之 又《序》下疏指「伐 《詩》曰:「壿壿 胡承 ○坎坎者

之縮。

縮,浚也。

縮。

之厚彌衰,送往勞來之禮不行。

也

《詩》不云乎?

「民之失德,乾

追非常設,

聲同。

酒則沸茜之。」《鳧鷖》箋:

爲

詁

単

如是也。」如是也。」、「舊説」,必箸明之。此不言異同,毛、鄭分章皆宮》「故言」、「舊説」,必箸明之。此不言異同,毛、鄭分章皆以訂正。凡毛、鄭分章異同,《關雎》、《思齊》、《行葦》、《閟其誤始於唐石經合併經注,正義時又誤改標起止耳。今據其誤始於唐石經合併經注,正義時又誤改標起止耳。今據

《天保》六章,章六句。

詩,所以荅前篇《伐木》之意也。政,臣能歸美以報其上焉。【疏】此臣下報君上之政,臣能歸美以報其上焉。【疏】此臣下報君上之

平日陸 鄭讀「方」與「旁」同。 所謂大阜也。《箋》云:「川之方至,謂其水縱長之時也。」 曰 文》:「陵,大鳥也。」《文選・長楊賦》注引《韓詩》云:「四平 平,謂土地豐正名爲陸,土地獨高大名曰阜,最大名爲陵。」 《北堂書鈔・地部一》引《韓詩》云:「積土高大曰阜。」《説 《説文》:「陸,高平地。」「阜,大陸山無石者。」今通作「阜」。 陵」,皆《爾雅 ·陵。」《廣雅》:「四隤曰陵。」隤,平隤也。 」者,以明阜、陵亦地之高平者也。 釋地》文。《傳》釋「阜」、「陵」而必 增,益也 四 李巡注云:「高 一 費即四平,皆 兼引 高

保》、《泂酌》作「饎」、《玄鳥》作「糦」。《七月》、《甫田》、《大 或鄭用《韓詩》作「圭」也。 饎」之「圭」。 圭,絜也。」《士虞禮》注引《詩》作「吉圭爲饎」。 以象神。 君曰卜爾,萬 先王。【傳】吉、善、獨、絜也。 釋訓》文。 春曰祠,夏曰禴,秋 「蠲,舊音圭。」《周禮・蜡氏》注: 吉蠲爲饎,是用孝享。 《説文》:「饎,或作「饑」,或作「糦」。」《天 予也。【疏】「吉,善」、《摽有梅》同。 壽 無疆。【傳】君,先君也。尸,所 古圭、蠲聲同。「饎,酒食」、《爾 日嘗,冬日烝。公,事也。 饎,酒食也。享,獻 禴祠烝嘗,于公 「蠲,讀爲「吉圭惟 《釋

> 嘗言甘也。 祖也。 田》箋: 黍也,秋之所先成也。 韭也; 獻也。 上之,爲上祭,貴天賜,且尊宗廟也。」案此皆本《周禮》爲 曰祠,善其司也。 韭也,春之所始生也。 者,以十月進初稻也。 歲四祭。 此釋四時之祭,《傳》所本也。《繁露·四祭》篇云:「古者 雅·釋天》:「春祭曰祠,夏祭曰礿,秋祭曰當,冬祭曰烝。」 云:「春上豆實,夏上尊實,秋上机實,●冬上敦實。 曰祠,夏曰礿,秋曰嘗,冬曰烝。 者,隸寫之變。 獻」、《釋詁》文。《我將》、《載見》同。《説文・亯部》: 礿者,以四月食麥也, 當者,以七月嘗黍稷也, 過時不祭,則失爲人子之道也。 从高省,曰 「喜,讀爲饎。」凡黍稷爲酒爲食,是曰 四祭者,因四時所生孰而祭其先祖父母也,故春 畢孰故曰烝,烝言衆也。 《爾雅》:「享,孝也。」是孝亦享也。 夏約故曰礿,貴所受初也。 象進孰物形。篆文作「車」。」今作「享 敦實、稻也、冬之所畢孰也。 尊實, 體也, 夏之所受初也。 此天之經也,地之義也。」《祭義》篇 此言不失其時,以奉祭先 奉四時所受於天者而 祠者,以正月始食 先成故曰嘗 [饎也。 始生故 机 豆 喜 亭, 爾爾 實 實 烝

> > 439

秋繁露義證》作「朹」。下「机」同。「机」、《清經解續編》本、宋本《春秋繁露》同,蘇輿《春

0

+

六

説。 《大宗伯之職》:「以祠春享先王,以禴夏享先王,以嘗秋享 合。 予」、《釋詁》文。《楚菸》篇「神嗜飲食,卜爾百福」、《箋》: 服授尸」,鄭注云:「尸當服卒者之上服,以象生時。」「卜, 也。」皆《傳》所本也。《周禮・守祧》「若將祭祀、則各以其 統》云:「尸在廟中,則全於君。」又《郊特牲》云:「尸,神象 《嵩高》傳:「功,事也。」《靈臺》、《江漢》、《酌》「公」皆訓爲 先王,以烝冬享先王。」《詩》義與《周禮》合。公,讀爲功、 袷,與夏、殷不同。 殷之禘,即爲四時祭之一,而周則四時祭之外,更有禘又有 統》注亦謂「春礿、夏禘、秋嘗、冬烝,夏、殷時禮」,然則夏、 曰:「礿祠烝嘗,于公先王。」此周四時祭宗廟之名。」《祭 名,周則改之。 初,夏曰禘,秋曰嘗,冬曰烝。」鄭注云:「此蓋夏、殷之祭 食,「以享」也。 卜爾,萬壽無疆」,「以介景福」也。 「事」。○經言「君」、《傳》云「先君」,先君即先王也。《祭 「卜,予也。」文義與此同。 「礿」與 爾,爾主人也。《箋》云:「尸嘏主人,傳神辭也。」 「禴」同。 「禴祠烝嘗,于公先王」,「以祀」也。 春曰祠,夏曰礿,以禘爲殷祭。《詩・小雅 説詳《閟宫》篇。 完 王 「制》:「天子諸侯宗廟之祭,春 「吉蠲爲饎,是用孝享」,以爲酒 文義與《楚茨》首章亦 蓋禮制出自周公,故 「君曰 曰

神之弔矣,詒爾多福。【傳】弔,至, 詒,遺

傳》:「襄三十一年,公孫揮能辨於其大夫之族姓。昭三十 族。 也。 【疏】「弔,至」,與《節南山》訓同義别。至,謂神靈之降至 也。 也。」古者功臣世官則受之以姓,其支子爲庶姓,則分之以 姓,以監其官,是爲百姓。」章注云:「百姓,百官受氏 之徹官百。王公之子弟之質能言能聽徹其官者,而物賜之 大欲所存。○《傳》云「百姓、百官族姓也」者、《楚語》:「民 詁》文、《縣》、《抑》同。 是質成之驗也 族姓。」族姓,猶氏姓也。 年,我盍姑億吾鬼神,而寧吾族姓。」《書•吕刑》云: 黎百姓,徧爲爾德。 「成」。用,以也。 百官族姓,謂百官各有其族,亦各有其姓也。《左 「詒」訓「遺」、《北門》傳云:「遺,加也。」「質,成」、《釋 民之質矣,日用飲食。【傳】質,成 日以飲食,此民成之實也。 成,當讀「先成民,而後致力於神」之 「徧爲爾德」,言能廣徧君上之德 【傳】百姓,百官族姓 飲食者、民之 也。 也。 群 姓

文》、「恒、本又作「縆」。」定本「絙」字作「恒」。「絙」即「縆」赛、虧也。如松柏之茂、無不爾或承。【疏】《釋也。言俱進也。如南山之壽、不騫不崩。【傳】如月之恒、如日之升。【傳】恒、弦、升、出如月之恒、如

《采薇》六章,章八句。

采薇采薇,薇亦作止。【傳】薇,菜,作,生

卷十

六

葷粥。 《天作》同。《無衣》傳:「作,起也。」《駉》傳:「作,始也。」訓 也。 獫允之故。 《史記‧周本紀》:「懿王之時,王室遂衰,詩人作刺。」《漢 州地,其北皆狄,總謂之北狄。 别而義同。 薇》爲懿王時詩 虐中國,中國被其苦,詩人始作,疾而歌之曰:「靡室靡家」 書‧匈奴傳》:「穆王之孫懿王時,王室遂衰,戎狄交侵,暴 時曰葷粥,周曰獫狁,秦曰匈奴。」案大王事葷粥,則殷亦稱 北狄」、《箋》云:「北狄,今匈奴也。」《史記・匈奴傳》: ○《説文》無「玁狁」、《釋文》「本或作「獫允」」是也。「獫允、 也。【疏】「薇,菜」、《草蟲》同。詳《草蟲》篇。「作,生」, 之故。不遑啟居,玁狁之故。【傳】玁狁,北 「唐虞以上有山戎、獫狁、葷粥居于北蠻。」晉灼注云:「堯 曰歸曰歸,歲亦莫止。 殷周又爲獫允,秦漢皆爲匈奴,隋唐爲突厥。古雍 豈不日戒? 蓋同者,其字義則一,別者,所因之文不同也 獫允孔棘。」」此三家舊説,以《采 春秋時白狄,亦其類也。 靡室靡家, 玁狁 狄

我戍未定,靡使歸聘。《傳》聘,問也。《疏》《箋》曰歸曰歸,心亦憂止。憂心烈烈,載飢載渴。不聽采薇,薇亦柔止。《傳》柔,始生也。

《杕杜》箋皆主《爾雅》「十月爲陽」之説,與毛訓實同。 也。」《傳》皆依上下同義爲訓。 也。」《小明》四章「無恒安處」、五章「無恒安息」,「息,猶處 也。 ○《箋》云:「處,猶居也。」啟處,即啟居,承上章以釋下章 歷敘戍役所經之月,故《傳》云:「歷陽月也。」《杕杜》云: 末章云:「昔我往矣、楊柳依依。 四月,正陽純乾之月也。」是自四月以至十月皆爲陽月。 陽月、《漢書・五行志》引《左氏》説:「正月、謂周六月、夏 【傳】疚,病; 事靡盬,不遑啟處。 「王事靡鹽,繼嗣我日,日月陽止。」是其義也。此《箋》及 曰 「剛」字,今依《小箋》補。《箋》云:「剛,謂少堅忍時。」陽爲 歸 《九罭》二章「於女信處」、三章「於女信宿」,「宿,猶處 曰歸,歲亦陽止。【傳】陽,歷陽月也。 采薇采薇,薇亦剛止。【傳】剛,少而剛 來,至也。【疏】《傳》「少而剛也」上奪一 憂心孔疚,我行不 《四牡》「不皇啟處」,《傳》 今我來思,雨雪霏霏。」是 來。 也。 王 詩

Š

備記於此。

「死,至」、《釋詁》文、《召旻》、《閔予小子》
は、「處,居也。」「疾,病」、《釋詁》文、我,我戍役也。《杕杜》云:「匪
、「不糇不來」也。疑「不來也。」《説文・來部》亦引《詩》曰
、「不糇不來」也。疑「不來也。」《說文・來部》亦引《詩》曰
、「不糇不來」也。疑「不來」古本《詩》有作「不糇」者與?
、「處,居也。」「疾,病」、《釋詁》文、《召旻》、《閔予小子》

革。」方叔乘路車不乘戎車,此其義。 路謂乘車,下文乃言兵車耳。 華,以興將率車馬服飾之盛。」〇《汾沮洳》傳:「路,車 【傳】業業然壯也。 止,乘其四騏,四騏翼翼。 餘師旅乘戎車。《采芑》方叔受命而爲將,詩云:「方叔率 又名移,詳《常棣》篇。《箋》云:「此言「彼爾」者,乃常棣之 瀰,盛皃。」凡從爾聲之字,並有衆、盛之義。常棣,一名常 據《毛詩》作「繭」也。 也。《説文》:「薾,華盛。《詩》曰:「彼薾唯何?」」或許所 駕,四牡業業。 常,常棣也。 彼爾維何? 彼路斯何? 《載驅》:「濔濔,衆也。」《新臺》: 捷,勝也。【疏】爾,讀爲繭,假借字 **豊敢定居?** 維常之華。【傳】爾,華盛 路車有奭,簟茀魚服,鉤 或者天子命軍帥自乘乘車 君子之車。戎車既 《箋》云:「君子,謂 月三捷。 膺攸 也。 貌。

《左傳》:「季文子賦《采薇》之四章。」高大之意。「捷,勝」、《釋詁》文。三捷,未聞。文十三年率也。」《烝民》「四牡業業」、《傳》:「業業,言高大也。」壯即

閒」。 器》:「弓有緣者謂之弓,無緣者謂之弭。」孫注云:「緣,謂 和 也。 棘。 所腓。 骨,用則或 述毛「所以辟患」,亦此意也。 其意爲「辟」,此謂假借也。 牡騤騤」無《傳》,義同也。 象弭 雕 以 義相 東而漆之。 解 」但言「無緣」,不言「弓末」,實則無緣之弓,其末必飾象 依,猶倚也。 ,辟也。」亦假 紛也。 片魚服。 【疏】《傳》云「騤騤,彊」者,彊,馬彊盛也。 《車鄰》傳: 駕彼四牡 近。《采芑》「四騏翼翼」,義當同。 【傳】騤騤,彊也。 張 (或弛。 魚 弭,不以繁束,骨飾兩頭者也。」《爾雅》釋 【傳】翼翼、閉也。 服,魚皮也。 「腓」爲「辟」。 小人,謂徒兵。辟,辟於車下者也。 「閒,習也。」《廣雅》: 四四 僖二十三年《左傳》「左執鞭弭」,杜 牡騤騤。 腓,讀與「辟」同。 《生民》「牛羊腓字之」、《傳》: 云「翼翼,閑」者,「閑」當作 「君子所依」,謂依於車中者 腓,辟也。 豈不日戒? 象弭,弓反末也所 君子所依 「翼翼,和也。」閒 ○《爾雅 四 其字作「腓」 《六月》「四 牡翼翼, 玁狁 一小人 王肅 釋 孔

二年《左傳》「歸夫人魚軒服」,注:「魚,獸名。」《義疏》云: 衎。 《傳》必是涉《箋》致誤。 禮・士冠》、《士喪》、《少牢饋食》注皆有「紒」字。 鄭於《周禮 經典中唯《士冠禮》采衣紒、主人紒作「紒」,古文本作「結」。 《釋文》:「解紒,本又作「紛」,芳云反。」毛《傳》古本當作 則《傳》文「弓反末所以解紒也」八字當作一氣讀。 注: 者,以象骨爲之,以助御者解轡紒,宜滑也。」《説文》云: 反末」下衍一「也」字,失其理矣。《箋》云:「弭,弓反末瞥 紒。」「弓」釋「弭」,「末」釋「象」,反所以解紒總釋象弭之用 之「象弭」,弭謂無緣弓,象弭謂有象骨飾弓末,故《傳》云 爲飾,亦使可張。」案《左傳》、《既夕》之弭皆是弛弓,《詩 末之象骨可以任解紒之用,故《傳》云:「弓反末所以解 末」、「反」讀如「翩其反矣」之「反」,反猶弛也。 有弭飾焉,亦張可也」,鄭注:「弓無緣者謂之弭,弭以骨角 「解紛」。《箋》申《傳》作「解轡紒」,「紒」字不見於《説文》。 「弭,弓無緣可以解戀紛者。」鄭、 「弓末」,末謂兩頭也。 《傳》不解經「服 「弭,弓末無緣者。」《既夕禮 追師》、《弁師》注、《禮記・襍記》注、《儀]字,故《箋》申之云:「服,矢服也。」閔 《詩》之弭亦是弛弓,故《傳》云「弓反 《傳》云「魚服,魚皮」,疑「服」字當 許皆足以申成《傳》義。 記》「弓矢之新、 弭弛,則 各本「弓 今本毛 沽 》謂 功 其

十六

卷

「子曰」之「曰」非。棘,急也。 「母」之「曰」非。棘,急也。」「日」爲「日月」之「日」,作 日相警戒乎? 誠日相警戒也。」「日」爲「日月」之「日」,作 在數千里外,可以知海水之潮氣自相感也。」○《釋文》: 在數千里外,可以知海水之潮氣自相感也。」○《釋文》: 在數千里外,可以知海水之潮氣自相感也。」○《釋文》: (予曰」之「曰」非。棘,急也。

是也。 【疏】《釋文》引《韓詩》云:「昔,始也。」楊柳、蒲柳合二字爲 勝既乎。」今又以爲箕鑵之楊也。」《車舝》「依彼平林」, 廣似柳葉,皆可以爲箭榦,故《春秋傳》曰:「董澤之蒲,可 兩種,皮正青者曰小楊,其一種皮紅者曰大楊。 其葉皆長 傳》注「蒲,楊柳」是也。《王風》正義引《義疏》云:「蒲柳有 莫知我哀。【傳】君子能盡人之情,故人忘其死。 遲,載渴載飢。 霏霏。【傳】楊柳、蒲柳也。霏霏,甚也。 《傳》:「依,茂木皃。」茂木謂之依,重言曰依依。《文選》潘 木,若杞柳之爲柜柳也。 蒲柳一名蒲、《揚之水》箋「蒲,蒲柳」、宜十二年《左 昔我往矣,楊柳依依。 【傳】遲遲,長遠也。 楊柳一名楊、《爾雅》「楊,蒲柳 今我來思,雨 我心傷悲, 行道遲 雪

> 也。 也。 《出車》篇同。「霏霏,甚也」,「也」當作「兒」。《北風》「雨 《東山》序云:「君子之於人,序其情,而閔其勞,所以說也。 傳云:「室家踰時則思。」又云:「遠行不必如期,室家之情, 長遠也。 有怨女,外有曠夫。」即引此詩。○「遲遲,長遠」,言歷道之 霏,雪也。]始見楊柳而往,及雨雪而來,此遣戍北狄之詞 篇作「莫之我哀」,或本三家異字。 以期望之。」此皆能盡人之情也。 者自我也。 其霏」、《傳》:「霏,甚皃。」重言之曰霏霏。 思」與「往矣」對文,思猶矣也。 岳《金谷集作 説以使民,民忘其死。」彼《序》與此《傳》同。 《白虎通義・三軍》篇:「古者師出不踰時者,爲怨思 天道一時生,一時養。人者,天之貴物也。 渴飢,一章云「飢渴」,皆言其戍役之情苦。 「我心傷悲,莫知我哀」,此道人之情也。《杕杜 :詩》注引《韓詩章句》云: 《漢廣》傳云:「思,詞也。」 君子如此,故人忘其死。 依 《鹽鐵論 《廣雅》云:「霏 依,盛貌。」「來 踰時,則 我, 戍 備胡 内

《出車》六章,章八句。

車》以勞還。」勞還將率也。 《出車》,勞還率也。 【疏】《采薇》序云: 〔《出

里,軍 地 來矣」, 三軍,亦出郊遂之中,與王畿同制。《齊語》云:「卒伍整于 遠野也。 直達於畿。其閒皆有閒隙可以放牧,故《駉》詩以遠野爲牧 外日林,林外日坰。 在坰之野」、《傳》: 義正用師説。 子·大略篇》:「天子召諸侯、諸侯輦輿就馬、禮 人三郊三遂,峙乃楨榦。 命,以車就牧。」牧地者,放牧之地也。《駉》篇「駉駉牡馬 之載矣。【傳】僕夫,御夫也。 棘矣。 【疏】我,我將率也。 「我出我車」,我出車也,與 牧 「我將我享」句法相同。《傳》云「出車,就馬於牧地」者,《荀 地。 此篇上章言牧,下章言郊,則牧即在郊外,是又不必在 天子遠郊百里,百里内六鄉,百里外六遂,而六遂餘地 「我出我輿,于彼牧矣。 **『旅整于郊。』亦其義也。** 我出 謂 自天子所,謂我來矣。 天子六軍,出於六鄉,亦出於六遂。《粊誓》:「魯 我之來, 我車,于彼牧矣。【傳】出車, 《 鹽 鐵論. 「坰,遠野也。 從 牧之坰野則駉駉然。」是牧地自在遠郊 天子所, 魯人三郊三遂,峙乃芻茭。」成國 散不足》篇亦云:「占者天子有 自天子所,謂我來矣。」《傳 自,從也。 奉 邑外日郊,郊外日 - 天子 王事 命, 召彼僕 「自天子所,謂我 出 多 爲將率 難 也。 夫, 就馬 維 1野,野 《詩》 也 其 謂 於

> 無羊? 也。 用者、《烈文》曰「維皇其崇之」、《我將》曰「維天其右之」是 已」、《十月之交》曰 使訓群騶知禮。」襄十六年《傳》「虞丘書爲乘馬御」,杜注: 「馭」通。 即馭夫,更無戎僕之官,故《傳》以僕夫爲御夫也。 以」,以也,「維此」,此也,「維彼」,彼也,「維何」, 語》謂之「贊僕」。○維,發聲。凡言「維其」,其也, 子僕夫當即是戎僕,與馭夫别官。 夫爲戎僕,又有馭夫之副。 馬之政,三阜爲數,數一馭夫。 《馭夫》「掌馭從車」,注:「從車,戌路之副。」《校人》: 〇《周禮》「戎僕掌馭戎車」,注: 「維」、「其」連文,它皆放此。 「乘馬御,乘車之僕。」是諸侯僕夫或名「乘馬 維」皆發聲。 有連句中上言「維」,而下言「其」者、《無羊》曰 三百 成十八年《左傳》:「程鄭爲乘馬御,六騶屬焉、 維 有「維其」用在句中者、《緑衣》曰 群。 「則維其常」是也。 誰謂爾無牛? 若天子命將率乘戎車,其僕夫 棘,急也,獫允急也。 六數爲廐,廐一僕夫。」案天 「師 天子自將乘戎車,其 出, 有 九十其犉」是 É 句中「維其」分 乘以自 御一矣。 曷 一誰謂爾 「御」與 將 掌王 何 維其 《 國 維 也

旄矣。彼旟旐斯,胡不旆旆?【傳】龜蛇曰旐。我出我車,于彼郊矣。設此旐矣,建彼

平列義同。 景兮,夫何旗旐郅偈之旖旎也?」郅偈即指干旄,旖旎即指 淠淠」、《傳》:「動也。」《泮水》「其旂茷茷」、《傳》:「言有法 柔》同。 旒 度也。」竝與「旆旆」同。 鳥,旐則有繼旆 旄,則旐與旟同也。「鳥隼爲旟」,亦《司常》文、《干旄》、《桑 僕 「悄悄,憂皃。」況,古作「兄」。兄,兹也。《北山》「或盡瘁事 在遠郊。二〇 牧」,韋注云: 旄 旄,干旄」者、《干旄》傳: 垂,正與《傳》合。 干 ¬,彼《傳》云:「盡力勞瘁,以從國事。」況瘁、盡瘁皆二字 夫況瘁。 旌。 案此乃師旅之所建也。 《楚辭• 鳥 「龜蛇曰旐」、《周禮・ 隼 國外日郊。 【疏】邑外曰郊,郊即牧也。 ,説詳《六月》篇。 日 九歎》云: 旒,古作「流」。 旟。 楊雄《甘泉賦》云:「騰清霄而 旆 「注旄於干首。」凡旗之干皆有 牧,放牧之地。」《箋》云:「牧地 旆 「顧僕夫之憔悴。」又云:「僕 若天子諸侯之旟,有錯革 旒. 胡,何也。 司常》文、《桑柔》同。 〇《邶·柏舟》傳云: 垂 親。 《周語》「國 《采叔》「其旂 憂心 悄 | 軼浮 有郊 悄 云

方,近玁狁之國也。 央央。【傳】王,殷王也。 王 命南仲,往城于 彭彭, 四馬 方。 南仲,文王之屬。 貌。 出 車 交龍爲族。 彭彭,旂 方,朔 旐 央

夫慌悴。」並與《詩》「況瘁」同

三家。 意謂《六月》之方即《出車》之方。《六月》之鎬方,當在今甘 岐山之北有密須國,涇北 耳。 亦必狄所荐 大王辟狄去郊,邠之北爲狄所竄處。文王都岐山之南,而 欲知朔方,當先求玁狁之國矣。 《鹽鐵論・繇役》篇、《出車》與《六月》皆以爲宣王時詩,當 功,是以「赫赫南仲」,載在《周詩》。」馬治《毛詩》,而亦兼取 亦從魯義。 此南仲與《常武》南仲爲一人,從《魯詩》説也。 表》作「南中」,與召虎、方叔同列,而文王時無南仲。 南仲州伯,故《傳》云「南仲,文王之屬」也。《漢書・古今人 制》: 州有伯,八州八伯。 央,鮮 〈六月》「侵鎬及方」,《箋》: 人,分天下以爲左右,曰二伯。] 州伯屬於二伯,文王西伯 襄,除也。【疏】王爲殷王,文王爲西伯時殷王紂 仲,玁狁于襄。【傳】朔方,北方也。 《後漢書》馬融疏亦云:「玁狁侵周,周宣王立,中 ○《傳》云「方,朔方」,而又申之云「近玁狁之國」者 明 也。 而《史記》又以羼入襄王者,恐司馬遷記憶之誤 居。 天子 然則 南仲 命 有阮國、 我 八伯各以其屬屬於天子之老二 「鎬也、方也,皆北方地名。」鄭 往城之方,其去涇 城 殷周之際,獨狁迫近中夏 共國。 彼 朔 阮 方。 共 二 赫 《匈奴傳》及 北 赫,盛 赫 一國之北 也。 遠也。 赫 興之 班以 ② 王 貌。 南

Ź,

「諸侯畫交龍,

索錦

綢

杠

纁

流帛 終,

素升

龍

于 終, H

車就馬

匈

河套而築城以禦狄?

又不然矣。

朔方」也。」《元和郡縣志》:「夏州朔方縣什貴,故城在縣治 朔方城、後立朔方郡、皆非三代時疆域所有也。 大,自趙武靈王攘北地西至雲中九原,秦始皇使蒙恬席逐 在今薩哈賚喀河之南延安慶陽,殷周已屬荒服,焉得 方,而謂殷周之朔方即漢郡之朔方,必不然矣。 方與嵎夷、南交、西爲四表,不謂《書》之朔方即《詩》之朔 「薄伐玁狁,至于大原」、「出車彭彭,城彼朔方」矣。 》彭。」「交龍爲旂」、《司常》文、《韓奕》同。 ?奴、築長城,漢武帝遣衞青等度西河、歷高闕、收河南、 ,即漢朔方縣之故城、《詩》所謂「城彼朔方」是也。」魏、唐 故彭彭爲四馬兒、《北山》、《烝民》皆云: :國志》同,不云即《詩》之朔方也。 「東南逕朔方縣故城東北、《詩》所謂「城 一象其升朝,一象其下復也。』《爾雅》: 然不知朔方本無定向。《堯典》宅朔 又《地理志》:「朔方郡,武帝 '奴傳》、《衞青傳》必連引兩詩 宣王北伐至大原,即文王 三代西北疆域地 練旒 九,飾 鄭注《周禮 以組,維 漢朔方城 ○《傳》以 唯《水 **◎** 「四牡 不廣 元朔 北 時 彼 鐵 所 築 \mathbf{z} IJ 濱 縷。」郭注云: 龍。 《朝事儀》曰:「天子建大常,十有二旒。」」鄭解大常縿首畫 也。 鈴曰旂」,郭注云:「畫交龍於旒。」此皆釋「交龍爲旂」也。 《六月》「帛夜央央」、《傳》云:「央央,鮮明兒。」央央,猶 九旒,以贈諸侯」、《覲禮》「侯氏載龍旂弧韣」是也。 謂之龍旂、《考工記》「龍旂九斿,以象大火」、《樂記》「龍旂 畫文在旒者,其制殊異,故謂之加文章。是謂之交龍族, 《公羊傳》云:「加文章曰旂。」畫升龍於正幅之緣與他旂之 日、月、縿下及十二旒畫交龍。 「天子載大旂,象日、月、升龍、 上公之旂有升龍、降龍、《爾雅》不言降龍者,略也。 武》同。 英也。《采芑》句同。 芑》、《韓奕》曰「旂」。 方爲北方。」《爾雅・釋訓》:「朔、北方也。」「赫赫,盛」、《常 云:「鈴在旂上。」央央、《釋文》作「英英」。 大旂、《巾車》「金路建大旂」,《左傳》「魯公分大旂」是 《詩》於《載見》、《閟宫》、《玄鳥》曰「龍旂」、《出車》及《采 唯不畫日、月爲異。 王建大常,緣首畫日、月,其下及旒,交畫升龍、降龍 《爾雅》: 纁帛,絳 「赫赫,迅也。」郭注云: 旂爲交龍旂,交龍旂有鈴、《載見》傳 ○方爲朔方、《傳》又申釋之云: 也。 此郭與鄭同 畫 `降龍」,鄭注云:「大族,大常 郭釋旂縿畫 白 ,龍於終,令上向。」又「有 也。 「盛疾之貌。」舍人 「也」當作「兒」。 一升龍,九旒 何注宣十二年

肅平涼

府

固

原

《涇州鎮原閒。

城朔方之地,故《漢書・

匈

《覲禮》

三年開。」《郡

繇役》篇引《詩》同。

經

河水》注:

北

人言朔方,其説始混。

「朔

英

或

畫

交

又謂之

也

本作 于除」,言玁狁之難 「攘」。」「襄」與「攘 :「奭 (奭」,古赫、 通 、奭聲 于 通。 ᇇ 除 襄 也。 除」,《 《釋文》: 《牆有茨》同。 「襄,本 或 玁 作 狁

管敬仲言於齊侯曰:「戎狄豺狼,不可厭也。 也; 使臣奉命以 文王有昆夷之患,故 塗」,箸伐戎之始。 釋。」《臣乘馬》篇:「日至六十日而陽凍釋,七十日而 豈 簡 丽 鄰國有急,以 載塗。【傳】塗,凍釋也。 「是乃所謂 《傳》:「凍塗者,凍下而澤上多也。」」《莊子・庚桑楚》篇: 《傳》云「凍釋」,謂雪 實,不爲華。 デ 陰凍,地下也。」案「黍稷方華」,箸城方之始, `牒也。」凡鄰國有急難之事,則 陰凍釋而 懷歸? 昔我往矣,黍稷方華。 冰解凍釋者。」《管子・五行》篇:「冰水解 (戒敕相救,是謂之戒命。 | 积稷。 簡書相告 華,猶秀也。 畏此 ○《爾雅》:「簡謂之畢。」《説文》云: 云然也。]凍開 百日不积稷。」尹注云:「陽凍 籣 釋也。 ,則奔命救之。 塗,當作「涂」,今字通作「塗」。 書。 閔元年《左傳》:「狄人伐邢 王事多難,不遑啟居。 《夏小正》:「正月凍塗。 【傳】簡書,戒命也。 八書之於 簡 今我來思, 、戒雙聲也。 簡,謂之 【疏】黍稷不榮 諸夏親暱,不 「雨雪逝 簡書。 雨 其 地上 陰 而 雪 時 凍 凍

> 命。 不奉承,以奔告於諸侯?」」 命救州來。 會,吴人州來,子重自鄭奔命。 傳》:「成七年,吴始伐楚、伐巢、伐徐,子重奔命。 此簡書。 пŢ 人救邢。」毛《傳》正本《左傳》。 弃 昭二十三年,吴人伐州來,楚薳越帥師及諸侯之師奔 也。 」
>
> 「
> 簡書,
> 同惡相恤之謂也。 宴安酖毒,不可 三十二年,魏獻子使伯音對曰:『天子有命,敢 懷 也。 子重、子反於是乎一歲七奔 《詩 「奔命救之」,義亦見《左 請救邢,以從簡書。」齊 「豈不懷歸 馬陵之 畏

遂伐 忡忡。 陽以西即爲西戎所居。 也。」案聞伐西戎之命在秋月 鳴,晚秋之時 西戎之命,則跳躍而鄉望之,如阜螽之聞草蟲鳴焉。 而從之,天性也。 也。 伐西戎。 降,下也。 西戎耳。 喓 文要草 既見君子,我心則降。 【疏】喓喓、聲也。 也。 《采薇》序:「文王之時,西 **俱見《草蟲》篇。** 蟲, 喻近西戎之諸侯,聞南仲既 此以其時所見而興之。 趯趯阜螽。 「赫赫南仲 也。 趯趯,躍 《箋》云: ○玁狁在 ,薄伐西戌」,言伐玁狁 未 也。 赫 見君子,憂 草 有昆夷之患。」 涇陽之北 赫 君子,) 帝南 忡 **还征玁狁** ·蟲鳴,阜 南 忡 猶 仲 草 將伐 丽 蟲 衝 薄 心 仲 蟲 躍 涇 衝

《箋》云:

「文王爲西伯服事殷之時也。

昆夷,西戎也。」《書

西戎止有「薄伐」一語者,陳王事也。伐西戎在玁狁後。者,就岐周而言之也。《詩》篇中於伐玁狁至再至三,而於涇洛以東皆得恣逞其凶威,故但稱文王伐犬夷。不及玁狁西伯四年中事。蓋西戎之患,岐周先罹其害,北狄之禍,改之,南仲一行,并平二寇。」然則《出車》諸詩自在文王爲大傳》:「文王四年,伐犬夷。」犬夷即西戍。鄭注云:「四年大傳》:「文王四年,伐犬夷。」犬夷即西戍。鄭注云:「四年

草》文、《四月》同。 祁 盛爲萋萋矣。 萋」,言草木皆萋萋然也。 也。」《説文》:「卉,艸之總名也。」艸、草古今字。「卉木萋 【疏】《七月》傳云: 訊 一辭」者,謂所生得敵人,而聽斷其辭也。 爾雅》: (辭以獘其罪。) 祁。 解也。 喈喈,鳴 「附于刑 春日遲遲,卉木萋萋。 「訊,言也。」《正月》傳:「訊,問也。」此釋「訊」爲 執 赫赫南仲,玁狁于夷。【傳】夷,平也。 訊 也。 《卷阿》「萋萋」,梧桐盛也。 ,用情訊之。 獲 」此《傳 祁 《方言》:「東越、楊州之閒名草爲卉 「遲遲,舒緩也。」「卉,草」、《爾雅 醜 祁,衆多也。 1>義也。 ,薄言還歸。 《葛覃》:「萋萋,茂盛兒。」是草 求民情,一 《皇矣》「執訊連連」無《傳》: 倉庚、采蘩,二月時也。 倉庚喈喈,采蘩 日 [辭聽。 【傳】卉,草也。 是木盛爲萋萋 《周禮・ 辭聽者,聽 小司 釋

> 克和服 衆。 《傳》釋「馘」爲「獲」,則此詩「獲」字即爲 《皇矣》傳云:「馘,獲也。 義與此同。 西戎之事,自正月凍釋而來,至二月而還歸也。 者訊之,殺者馘之。 也。」義與《傳》同 上文「懷歸」,兩「歸」字相應。 此《箋》及《采芑》箋並以「獲」爲「得」,失之。此正言伐 ,使衆咸宜,竟其金革,是謂大夷」,孔注云:「夷,平 此篇「訊獲」、「獲」字無《傳》、蓋義見《皇矣》也。 醜,衆也。 不服者殺而獻其左耳曰馘。」彼 ○《逸周書·大明武》篇「既 「執訊獲醜」,言執訊 「馘」之假借字。 「還歸」與 馘 者 生

《杕杜》四章,章七句。

《杕杜》,勞還役也。【疏】《采薇》序云:「《杕

杜》以勤歸。」勤亦勞也,勞歸戍役也。

「皖」訓「實兒」,其義未聞。《説文》云:「牝曰杜。」是杜有赤葉也。」院、《釋文》作「皖」云「字從白,或從目邊」,非。征夫遑止。《疏》《唐風·杕杜》傳云:「杕,特兒。杜,王事靡盬,繼嗣我日。日月陽止,女心傷止,王事靡盬,繼嗣我日。日月陽止,女心傷止,有杕之杜,有皖其實。《傳】興也。皖,實

卷

+

六

王事休息,則征夫閒暇也。此言伐玁狁之事。○《采薇》傳云:「陽,歷陽月也。」「征夫遑止」,遑,暇也。三章云「陟彼北山,言采其杞」,正以喻役夫之勞苦也。三章云「陟彼北山,言采其杞」,正以喻役夫之勞苦也。皆

所以獨勝三家也 之情,極道其勞役之苦,室家之意,不泥於文辭,此毛氏之 歸之語,故三家《詩》以二詩刺時而作,《毛詩》則以爲盡 憂,妻子詠歎。 今近者數千里,遠者過萬里。歷二期,長子不還,父母愁 戎之事。 日遲遲,卉木萋萋,薄言還歸。」文義與此同。 章謂春,詩人歷道其所經,所謂踰時也。《出車》篇云:「春 【傳】室家踰時則思。【疏】萋,猶萋萋也。 悲。 《鹽鐵論・繇役》篇:「古者無過年之繇,無踰時之役、 此《杕杜》、《采薇》之所爲作也。」案《詩》中皆敘踰時期 有杕之杜,其葉萋萋。王事靡盬,我心 《傳》云「室家踰時則思」者,蓋室家之情有如 卉木萋止,女心悲 憤懣之恨 ,發動於心; 止,征夫 慕思之積,痛 上章謂冬,此 此兼言伐西 歸 於骨 咋 人 是

> 「綰,惡絳也。」聲義亦相近 字、云:「愈、憂也。」疑「痯」即「息」之異體。《説文》又云: 可以爲輪。 也。 父母。 詩》,聲義相近。 《釋文》引《韓詩》作「緣緣」。《廣雅》: 幝」,本《傳》訓也。 黄》棧車同解矣。《説文》:「憚,車敝兒。」引《詩》「檀車幝 車,戎車也。 幝幝,敝貌。 陟 檀車 彼 察車自輪始,故凡車皆得稱檀車。《大明》檀 此檀車,棧車也。 北 「痯痯,罷皃」,罷,病罷也。 幝 Ш 《後漢書・ 一,言采 幝, 痯痯,罷貌。 四牡 其 劉陶傳》注引《詩》作「嘽嘽」, 《傳》云「役車」,與《何草不 杞。 痯痯、【傳】檀車,役車 征夫不遠。【疏】檀 \pm 「繊繊,緩也。」本《韓 事 《説文》無「痯 **靡** 憂 我

《爾雅・ 甚病也。 匪,不,疾,病也。 爲恤。 邇止。【傳】卜之、筮之,會人占之。 邇,近也。【疏】 家之情,以期望之。 匪 釋詁》文、《祈父》同。 【傳】逝,往,恤,憂也。 「逝,往」、《二子乘舟》、《東門之枌》同。「恤,憂」, 載匪來,憂心孔疚。 「匪載匪來,憂心孔疚」,言不載來,憂心 卜筮偕止,會言近止,征 云「遠行不必如期,室家之 遠行不必 期逝不至, 如 期, 而 夫 多 室

夫近與上章征夫不遠,皆所謂「室家之情,以期望之」也。相同,「言」與「且」皆語詞。「會言近止」與「會且歸矣」句法也」句,以釋經中「會」字。「會言近止」與「會且歸矣」句法思」相應,皆總釋全章,以盡室家之情也。《傳》云「卜之、筮思」相應,皆總釋全章,以盡室家之情也。《傳》云「卜之、筮思」相應,皆總釋全章,以盡室家之情也。《傳》「室家踰時則情,以期望之」,以釋經中「期」字,與上章《傳》「室家踰時則

《魚麗》六章,三章章四句,三章章

二句。

明矣。【疏】文、武道同。 憂勤,終於逸樂,故美萬物盛多,可以告於神以《天保》以上治内,《采薇》以下治外,始於以《無麗》,美萬物盛多能備禮也。文、武

祭獸然後殺,獺祭魚然後漁,鷹隼擊然後罻羅設。不風不暴不行火,草木不折不操,斧斤不入山林,豺也,寡婦之笱也。鱨,楊也。鯊,鮀也。大平而後微也,寡婦之笱也。鱨,楊也。鯊,鮀也。大平而後微也,寡婦之笱也。鱨,楊

轉。 笱,魚所留也。」段注云:「蓋曲梁别於凡梁,寡婦之笱別於 寡婦所作也。」案《傳》與《苕之華》傳同。《邶·谷風》傳: 然則曲,薄也。 器》注:「孫炎曰:「罶,曲梁,其功易,故謂之寡婦之笱。」」 「《釋訓》曰:「凡曲者爲罶。」是「罶,曲梁」也。《釋器》曰: 作「歷録」、《小戎》傳:「楘、歷録也。」「麗」與「録」一聲之 爲適歷。」《説文》:「秝,稀疏適歷也。」「秝」與「歷」同。 注云:「磿者,適歷,執綍者名也。」賈《疏》云:「稀疏得所名 見《傳》當不誤。 於水中,則魚麗歷於罶者。」陸、孔皆以「麗」「歷」連文,其所 《釋文》:「麗,力馳反。麗歷也。」《正義》:「時捕魚者施笱 酒,旨且多。【疏】《傳》云「麗,歷」,「歷」上奪「麗」字。 童、澤不竭、鳥、獸、魚、鼈皆得其所然。君子有 隱塞,庶人不數罟,罟必四寸,然後入澤梁,故山不 是以天子不合圍、諸侯不掩群、大夫不靡不卵、士不 「梁,魚梁。 《詩傳》曰:「罶,曲梁也。 「嫠婦之笱,謂之罶。」是「寡婦之笱」也。《釋訓》注郭璞引 魚麗歷在罶,言魚在罶録録歷歷然也。《正義》云: 笱,所以捕魚也。」《説文》:「罶,曲梁寡婦之 以薄爲魚笱,其功易,故號之寡婦笱耳,非 麗歷,猶適歷。 凡以薄取魚者,名爲罶也。」《釋 《周禮·遂師》「抱磿」,鄭

四 三

卷

+

篇「衆 當有成文。 微物,魚衆多,則萬物盛多可知,此乃大平之所致。《無羊》 樂浪潘國。」此别 是也。 凡笱。 詩》「鯊」本作「沙」。」〇《傳》云「大平而後微物衆多」者,魚 而有黑點文。」舍人注云:「鯊,石鮀也。」《正義》引《義疏 者,誤。」「鯊,鮀」、《釋魚》文。 力解飛者,徐州人謂之楊。 云:「魚狹而小,常張口吹沙,故曰吹沙。」《説文》:「魦,出 疏》云:「今江東呼黄鱨魚,尾微黄,大者長尺七八寸許。」 雅 之多如是。 饉」,言「三星在 麗》、「美萬物盛多能備禮也」,故言此曲梁寡婦之笱,而 〈六月》序所謂「法度」是也。「古者不風不暴不行火」以下 (説文): 《詩》云「敝笱在梁」,言逝梁必言發笱。」○「鱨,楊」,《爾 **外此同。** 釋魚》無文。 《維魚矣,實維豐年」,《傳》: 似 曲梁者,僅以薄爲之。 「鱨,揚也。」本《毛詩》説。 燕頭魚,身形厚而長大,頰骨正黄。 《傳》引庶人用罟四寸人澤梁,以證「魚麗于罶」 《苕之華》,「大夫閔時 云「取之有時,用之有道」,所以推明衆多之故 「羀」,則無魚可 《正義 種,非《詩》之「鯊鮀」也。 》引《義疏》云:「鱨,一名黄頰 黄頰,通語也。」又《釋文》引《義 郭注云:「今吹沙小魚,體圓 寡婦之笱,笱之敝者 知 「陰陽和・ 也。 也。 段注云:「揚,各本从木 師 梁與笱相爲用,故 旅过起,因之以 ,則魚衆多矣。」 段注云:「《毛 魚之大而 也。 **魚** 魚 有 飢 魚

酒,多且旨。

【疏】魴,易識之魚,不傳。

《正義》云:

魚麗于罶,

魴鱧。

【傳】鱧,鯇

也。

君子有

也。 詳。 承「多」、「旨」、「有二、字而廣言萬物耳。 及《荀子・王制篇》文義俱與此略同。 「偃」。」「偃」即「堰」字。 之義,而又推廣言之,以美萬物盛多也。 「旨多」,旨皆謂酒,且多、且旨、且有皆謂物也,故下三章即 《集注》「總」作「緵」,緵亦數也。 .正義》「操」作「芟」。「士不隱塞」、《釋文》:「隱,本又作 言君子之酒既美,物且多也。 《逸周書・文傳》、《淮南子・主術》、《賈子・禮 「庶人不數罟」、《正義》作「總罟」。 此與《禮記· 「多且旨」、「旨且有」同 〇「旨且多」,旨,美 胡承珙《後箋》説 草 木不折不操」, 王制》篇 》等篇 較

文 *: 云:「鱧,字或作「鱺」、《本草》作「盠」。」今《神農本草》作 依定本改也。 檢諸本,或作「鱧,鯉」,或作「鱧,鯇」,或有本作「鱧,鰈」者 《釋魚》「鱧,鯇」,舍人曰:「鱧名鯇。」郭璞曰: 定本「鱧,鯛」、「鯛」與「鱧」音同。」案今《傳》文作「鱧 ·鯇」不作「鮦」,明矣。 ·鯇」釋「鱧」、《傳》於「鱣」、「鰋」皆從《爾雅》,則「鱧」下必作 「鮦,欚也。」「鱶,鮦也。」鮦名鱶,不名鱧。《爾雅》釋文 《爾雅》以 鮦,即今之烏 「鱣」釋「鯉」,以「鮎」釋「鰋」,以 魚頭 有七星者。 「鱧,鯛。」徧 鮦 《説

也、於寶,慈蒙是以入《爾雅》之「鱧」或誤作「鱶」,郭景「鲞」,「蠡」即「鱶」之省。《爾雅》之「鱧」或誤作「鱶」,郭景

生江湖閒。」
生江湖閒。」
生江湖閒。」
生江湖閒。」

同也。 《名醫别録注》云:「鮧,即鯷也。 州人呼鮎鯷。」謂鮎即鯷也。 謂鮎之大者别曰鮧也。 注云"「「鮀也」乃「鮎也」之誤。」案許與《爾雅》、毛《傳》義 酒,旨且有。【疏】「鰋,鮎」、《釋魚》文。 孫炎注云: 名鮎。」《説文》:「鮎,鰻也。」「鰻,鮀也。 鮎,一名鯷,一名鮧。《爾雅》釋文引《字林》云:「青 魚麗于罶, 鰋鯉。 今《説文》「鮧」作「鮷」,同。 引《説文》云"「鮧,大鮎也。」 【傳】鰋、鮎也。 今人皆呼慈音,即是鮎 或作「鰋」。」段 君子有 陶弘景 「偃

物其多矣,維其嘉矣。【疏】物,萬物也。嘉,

十六

作臛,食之。」鯉,亦易識之魚

善也。

同義。」 字通。《荀子》以時宜、敬交、驩欣爲偕、是「偕」與「嘉 也。」《詩述聞》云:「《廣雅》曰:「皆,嘉也。」「皆」與「偕」占 《序》云「美萬物盛多能備禮」合。 宜,不敬交,不驩欣,雖指,非禮也。」」楊倞注云:「「指」與 篇》:「《聘禮志》曰:「幣厚則傷德,財侈則殄禮。 [旨]同。]此明聘好輕財重禮之義也。《荀子》引《詩》與 云,玉帛云乎哉!《詩》曰:「物其指矣,唯其偕矣。」不 物其旨矣,維 其偕矣。【疏】《荀子 《豐年》傳云:「皆,徧 禮 굸 大 時 禮 略

物其有矣、維其時矣。《疏》《後箋》云:「時」次法倒裝耳。《說苑・辨物》篇曰:「天子南面視四星之変法倒裝耳。《說苑・辨物》篇曰:「天子南面視四星之意也。且此詩嘉、偕、時皆謂政之善,即首章《傳》所云意矣。」 「與之有時,用之有道」也。故《六月》序云:「《魚麗》廢,則法度缺矣。」」經文「維其」二字,確是推本萬物盛多之由,猶法度缺矣。」」經文「維其」二字,確是推本萬物盛多之由,猶法度缺矣。」」經文「維其」時矣。《疏》《後箋》云:「時」與「嘉」「爾亦與「偕」、「痛其」之,是以似之」,凡言「維其」者如此,此《詩》

四三五

取之有時、皆較《詩疏》爲勝。

取之有時、皆較《詩疏》爲勝。

《南陔》,孝子相戒以養也。

《白華》,孝子之絜白也。

《華泰》,時和歲豐,宜黍稷也。有其義, 而亡其辭。《疏》《箋》云:「此三篇者,《鄉飲酒》、《 是也。孔子論《詩》「雅、頌各得其所」,時俱在耳,篇弟當在 是也。孔子論《詩》「雅、頌各得其所」,時俱在耳,篇弟當在 是也。孔子論《詩》「雅、頌各得其所」,時俱在耳,篇弟當在 是也。孔子論《詩》「雅、頌各得其所」,時俱在耳,篇弟當在

> 也。 訓傳》,分別衆篇之義,各置篇端。 屬,故連聚置於此。」此由不知三詩本當在此,非毛所連聚 陔》、《白華》、《華黍》三詩本相連。《正義》云:「毛公爲《詁 爲柔臣子之義。 下爲周公、成王之《詩》; 言缺者爲剛君父之義,不言缺者 孔《疏》以此爲别,謂《華黍》以上爲文、武之《詩》,《由庚》以 篇,自《鹿鳴》至《華黍》皆言缺,自《由庚》以下則變其文。 之什》,非毛公所移。 《新宫》」、《新宫》亦《詩》篇名也,辭、義皆亡,無以知其篇弟 由鄭氏移『《魚麗》』一句於「《南陔》」上也。又《六月》序《南 上,亦必非鄭氏所移可知。且《六月》序列次《小雅》二十二 於此。」是謂《南陔》三篇在《魚麗》後,足見《魚麗》殿《鹿 之處。』《後箋》云:「《箋》云:「孔子時,《南陔》等篇弟當在 儀》。」亦遭世亂而亡之。《燕禮》又有「升歌《鹿鳴》,下管 庚》,歌《南有嘉魚》,笙《崇丘》; 者、《鄉飲酒》、《燕禮》亦用焉,曰:「乃閒歌《魚麗》,笙《由 下非孔子之舊。」又《由庚》、《崇丘》、《由 惟所云「據《六月》序、《由庚》本弟在《華黍》下,而與 雖近穿鑿,然亦可見《序》文原本如此,非 而《六月》序《魚麗》一句在《南陔》之 歌《南山有臺》,笙《由 此三篇之《序》,無詩 儀 》笺云: 此 三篇 可

❶ 「及」,阮刻《毛詩正義》作「乃」。

卷十六終

又云"「笙詩乃不歌而笙之詩,即鄭注《儀禮》所云「以笙吹此 華》領什之始,取彼虚名,當其實數,亦可以不必矣。」《後箋 既亡,自無庸分篇數而入什目。 《正義》之説。翁氏《附記》謂「當從蘇、呂所定,收入什中」 《大雅》及《頌》皆然。《稽古編》謂毛公置六詩於什外,此本 《小雅》云耳。言「以下非」,則止《鹿鳴》一什是也」。據此, 在,而獨亡此六篇,亦屬可疑。 詩,以爲樂也」。 殊不知分什者,止因篇數既多,簡札煩重,不得不分。六詩 六篇,凡《小雅》七什,末什爲十四篇,奇零之數歸於末什。 不入什數,以《南有嘉魚》至《吉日》爲次什,以下每相差者 什,以下凡《小雅》八什,什各十篇。毛《傳》則闕1六笙詩 是孔子時《鹿鳴》至《魚麗》爲一什,《南陔》至《湛露》爲一 亡者,以見在爲數,故推改什首,遂通耳,而下非孔子之 《釋文》云「以其俱亡,使相從者」爲當耳。又《箋》云「闕其 《由庚》三篇連聚一處,當由毛公所置。然孔説尚不如陸氏 《崇丘》同處者,以其是成王之詩,故下從其類」,此則不誤。 舊」、《正義》謂「毛公不數亡《詩》,推改什篇之首,遂通盡 惟其專以笙吹,故其辭易亡。 得此,乃更無疑義矣。」 必以《南陔》居什之終,《白 不然,他詩具

四二七

詩毛氏傳疏卷十七

長洲陳英學

南有嘉魚之什詁訓傳弟十七 毛詩小雅

《南有嘉魚之什》十篇,四十六章,二

百七十二句。

《南有嘉魚》四章,章四句。

《南有嘉魚》,樂與賢也。大平之君子至

誠,樂與賢者共之也。

魚」句。《漢廣》序:「文王之道被于南國,美化行乎江、漢樂。【疏》《傳》云「江、漢之閒,魚所産也」者,釋「南有嘉所產也。 罩罩,籗也。 君子有酒,嘉賓式燕以麻

言南方之魚既旨且多,有捕魚之人以罩罩取之,喻賢人散 罩魚爲籗,按而取之器也。今見太湖人尚有以罩取魚者。 《傳》知經之南謂在江、漢閒也。 義同。〇君子,大平君子也。嘉賓,謂賢者也。 處天下,亦既善且衆,有大平君子以禮禮賓之也。 非也。《淮南子·説林》篇云:「單者抑之。」案抑者,按也。 炎曰:「今楚篧也。」郭璞曰:「今魚罩。」然則罩以竹爲之, 器》:「篧謂之罩。」李巡曰:「篧,編細竹以爲罩捕魚也。」孫 也。」「籬,罩魚者。 文》引郭注云:「籗,捕魚籠也。」《説文》云:「罩,捕魚器 無竹則以荆,故謂之楚篧。重云「罩罩」者,非一也。」《釋 肅云:「烝,衆也。」云「罩罩,籗也」者,《正義》云:「《釋 牡》篇。皆紀文王之詩。 《周南・樛木》篇。 之域。」是則南者,周之南國。 或省作『籗』。竹角切。」今作「籗」者,疑 弟四章云「翩翩者 鵻」,見於《小雅 而此篇亦借樛木、翩鵻設興,故 弟三章云[南有樛木],見於 周以文王官人爲法。○王 次章興 • 四

李巡曰:「汕,以薄汕魚。」孫炎曰:「今之撩罟。」」孫與鄭君子有酒、嘉賓式燕以衎。【傳】衎、樂也。【疏】君子有酒、嘉賓式燕以衎。【傳】衎、樂也。【疏】

雅》同。 衆也。」王念孫《疏證》云:「「淖淖」與「覃罩」同、「澾渡」與 皃。《詩》曰:「烝然汕汕。」」義本三家。 **罾疑即樔。** 罺。」此與李説「以薄汕魚」合。《淮南子》云:「罾者舉之。」 樓。」邵晉涵《爾雅正義》云:「壅艸澤畔,蓄魚其中,名爲 之訓爲「衆」,蓋亦本三家也。」〇「衎,樂」者,與上章同義。 《詩》:「烝然鯙鯙。」「鯙」與「罩」同。 「汕汕」同。《廣韻》汕、渡二字並所簡切。 《箋》、郭注皆同。《釋文》:「樔,字或作「罺」。」與今本《爾 《説文・网部》無「罺」字。《木部》: 罾樔,猶橧巢也。《説文·水部》:「汕,魚游水 《廣雅》:「淖淖、涟涟 「淖淖」、「滩滩 「樔,澤中守艸 又《魚部》引

「蔓」者,蔓,長也,延也。《樛木》箋:「纍而蔓之。」是「纍」也。君子有酒,嘉賓式燕綏之。《疏》《樛木》傳:也。君子有酒,嘉賓式燕綏之。《疏》《樛木》傳: 「木下曲曰樛。」樛木下垂,甘瓠得而纍蔓之,喻君子禮下, 「木下曲曰樛。」樛木下垂,甘瓠得而纍蔓之,喻君子禮下, 「木下曲曰樛。」『樛木下垂,甘瓠得而纍蔓之,喻君子禮下, 「本下曲曰樛。」『樛木下垂,甘瓠得而纍蔓之,喻君子禮下, 「本下曲曰樛。」『樛木下垂,甘瓠得而纍蔓之,喻君子禮下, 「本下曲曰樛。」『樛木下垂,甘瓠得而纍蔓之,喻君子禮下, 「本下曲曰樛。」『樛木下垂,甘瓠得之。《傳》訓「纍」爲 也」,舉中明此上下,足知魚、雖皆興也。《傳》訓「纍」爲 也」,舉中明此上下,足知魚、雖皆興也。《傳》訓「纍」爲 衎,亦樂也。《説文》:「衎,行喜兒。」

爲「蔓」也。古字作「曼」。綏,安也。

《彤弓》傳:「右,勸也。」 言衆然來也。 曲之木,喻君子與賢之誠,此章言壹宿之鳥,喻賢者之一 之「壹」。 慤謹專壹,雕之性也。詳《四牡》篇。案上章言下 《箋》:「壹宿者,壹意於其所宿之木也。」讀「壹」爲「專壹 古之、思聲同,故之、思二字皆爲語已之詞。 用兩「之」字。此章以「來」、「又」爲韻,而韻下用兩「思」字。 心乎君子。所以然者,本由君子至誠也。 云:「夫不,鳥之慤謹者。」此《傳》云「鵻,壹宿之鳥」, 亦作「隹」。」《四牡》「翩翩者鵻」、《傳》:「鵻,夫不也。」《箋》 君子有酒、嘉賓式燕又思。【疏】《釋文》:「鯡、本 翩翩者鵻,烝然來思。【傳】雖,壹宿之鳥。 思,猶之也。 上章以「纍」、「綏」爲韻,而韻下 ○「烝然來思」 又,讀爲右

《南山有臺》五章,章六句。

曰:「臣不堪也。」」《穆天子傳》:「祭公飲天子酒,天子命歌子如宋,歸,復命。公享之,公賦《南山有臺》,武子去所,邦家立大平之基矣。【疏】襄二十年《左傳》:「季武邦家立大平之基矣。【疏】襄二十年《左傳》:「季武

四二九

義同。《南山有 鞺》。」鞺,古「臺」字。 此皆謂得賢之樂,與《序》

總名。 名同。」毛晉《廣要》云:「藜草似蓬,一名洛帚藜。 譙沛人謂雞蘇爲萊,故《三倉》云: 「萊,茱萸。」此 也。 爲 與舊說異。《傳》云「萊,草」,草名萊也、《正義》誤以爲草之 羅端良本《爾雅》「舊説」也。 雅翼》云: 笠。」案夫須、莎一 以自尊顯。」五章興義皆同。 須 「興者,山之有草木,以自覆蓋,成其高大,喻人君有賢臣, 基,本也。 「笠」字疑當衍。 也。 釐 《正義》引《義疏》云: 莖、葉皆似菉王芻。 「養,所以備雨。」臺即養,是則臺皮可以爲蓑矣。 二與 《爾雅》:「釐,蔓華。」釐、《説文》作「萊」、《繫傳》以 南 菜,草也。 Ш 「萊」同。 「臺者,沙草,可爲衣以禦雨,今人謂之蓑衣。」此 樂只君子,萬壽無期。 有臺,北 《都人士》傳:「臺,所以禦雨。」又《無羊 語之轉。 《齊民要術》卷十引《義疏》云: 樂只 Щ 今兖州人蒸以爲茹,謂之萊蒸 「舊説: 《爾雅》舊説「可爲簑」,「蓑」下 有萊。 《都人士》箋:「以臺皮爲笠。」 君子,邦家之基。 ○「毫,夫須」、《爾雅・ 夫須,莎草也,可爲養 【傳】興也。 【疏】《箋》云: 二草異而 疑與萊 「萊,藜 臺,夫 釋草》 【傳】 《 爾

> 許之。 言。 《詩》皆作「旨」。 《詩》云: 二十四年《左傳》:「子産曰:「夫令名,德之輿也。 「樂旨君子,邦家之基。」子産,君子之求樂者也。」案兩引 年《傳》:「同盟于平丘,子産争承,自日中以至于昏,晉人 之基也。 ○《昊天有成命》傳: 異 穜 而與《序》「樂得賢」「樂」字不同義。 仲尼謂子産於是行也,足以爲國基矣。《詩》曰: 據 「樂旨君子,邦家之基。」有令德也夫。」」又昭十二 有基無壞,毋亦是務乎? 景 純、 「旨」與「只」皆語詞。 漁 仲 「基,始也。」「本」與「始」義相 注 釐 名蒙 有德則樂,樂則能久。 華, 樂,謂德樂,指君子 君子, 席賢者也 未 詳 其 狀 德,國 近。 何 似。」 家 襄

之光。樂只君子,萬壽無疆。【疏】(箋)云:「光,南山有桑,北山有楊。樂只君子,邦家

明也。

政教明,有榮曜。」

疏》云:「杞,其樹如樗,一名狗骨。」○《禮記·大學》篇:《本草注》謂枸杞有高一二丈者,疑即此也。《釋文》引《義山》之杞爲即今之枸杞,而以此南山之杞爲山木,恐非是。以之杞爲即今之枸杞,而以此南山之杞爲山木,恐非是。如之杞爲即今之枸杞,北山有李。樂只君子,民之南山有杞,北山有李。樂只君子,民之

猶不忘也。《説文》:「忘,止也。」民之所好好之,民之所不已。《表記》文以釋「豈弟」之義,言各有當也。已,止也。不已,以强教之,易以説安之,民皆有父之尊、母之親。」《傳》用以强教之,易以説安之,民皆有父之尊、母之親。」《傳》:「樂謂有德則樂也。《泂酌》「豈弟君子,民之父母」、《傳》:「樂謂有德則樂也。《剎文》、「臣之所好好之,民之所好好之,民之所

同也。 檍也。 但解眉爲秀,眉而壽未見,故必連壽言之,云:「眉壽,秀眉 疆。」經於眉不言秀,而黃不言髮,此乃行文之例。《傳》嫌 **耆**,皆古者老壽之稱。 也。 分釋之,黄爲黄髮,耉爲壽,此 也。」下章「黄耆」不箸明黄髮,而 桑》之「遐不謂矣」,毛無《傳》者,意「不」與《棫樸》、《下武》 爲助詞,無意義。 不作人」、《下武》之「不遐有佐」訓「遐」爲「遠」,兩「不」字皆 檍」、《山有樞》同。詳《山有樞》篇。 樂只君子,德音是茂。【疏】「栲,山樗,柤 《釋詞》云:「遐,何也。 南山有栲、北山有杻。【傳】栲、山樗、杻、 樂只君子,遐不眉壽。【傳】眉壽,秀眉 唯此篇「遐不眉壽」、「遐不黄耉」與《隰 《烈祖》篇亦云:「綏我眉壽,黄耉無 《傳》義也。《七月》傳: 遐不,何不也。」案眉壽、 `黄」字之義未見,故又必 ○《傳》於《棫樸》之、遐 眉 黄

或三家《詩》有謂眉爲老者矣。《還》傳云:「茂,美也。」壽,豪眉也。」義與此同。《方言》:「眉,老也。東齊曰眉。」

合。 餳。 《内則》皆作「椇」、《説文》作「椒」。《説文》:「椒、 言: 與柘棘爲類,是枸木爲叢生之木可知。 枳枸之閒,危行側視,振動悼慄。」其字亦作「枳枸 選》宋玉《風賦》作「枳句」,「句」同「栒」。《莊子・山木》篇 噉之甘美如飴,八月熟。今官園種之,謂之木蜜。]案今《文 鼠梓。 木理如楸,山楸之異者,今人謂之苫楸。]郭注《爾雅》云: 疏》云:「枸樹高大似白楊,有子著枝端,大如指,長數寸, 曰:「枳枸來巢。」則枸木多枝而曲,所以來巢也。」引《義 保,安也。【疏】《正義》云:「枸、《釋木》無文。 考,老也。樂只君子,保艾爾後。【傳】艾,養, 「楸屬也。 曰木名。」崔豹《古今注》云:「枳椇子」 「楰,鼠梓」,《釋木》文。 《正義》引《義疏》云:「其樹葉 實形拳曲,核在實外,味甜美如餳蜜。」崔説與《義疏 「騰猿得柟梓豫章,攬蔓其枝,而王長其閒 南 樂只君子,遐不黄耆。【傳】黃,黄髮也。 Ш 今江東有虎梓。」郝懿行《爾雅 有枸,北山有楰。【傳】枸,枳枸, 枸、《禮記· 義 名樹蜜, 名木 疏》云:「今一 積極也。 宋玉賦 得 曲 枳 禮》、 柘 楰, 枸 棘

箋》云:「依《傳》,似經文當作「艾保」。」 也。」「保,安」、《山有樞》、《楚茨》、《思齊》、《常武》同。 養」、《釋詁》文。《鴛鴦》「福禄艾之」、《傳》亦云:「艾,養 色如浮垢,老人壽徵也。」 耆、垢疊韻,故取以爲訓。「艾, 也。」《説文》:「耉,老人面凍黎若垢。」孫炎云:「耉,面凍黎 章之「壽」,釋此章之「耉」也。《爾雅》云:「黄髮,壽也。」又 黄即黄髮之義也。 背」,又《閟宫》四章言「黄髮眉壽」、七章言「眉壽黄髮」,此 云:「耉,壽也。」《行葦》序箋云:「黄,黄髮也。 ○《傳》知黄爲黄髮者,《行葦》「黄耉台背」、《閟宫》「黄髮台 種楸大,葉如桐葉而黑,山 「耈,壽也」,疑陸所據《傳》不誤。「耉」詁「壽」,《傳》意以上 今本「耉,老」下奪「也」字、《釋文》作 中人謂之檟楸,即郭所云虎梓。」 耉,凍黎 尒小

《由庚》,萬物得由其道也。

《崇丘》,萬物得極其高大也。

義,而亡其辭。【疏】説見上。末七字毛公作《傳》時所 由儀》,萬物之生,各得其宜也。 有其

益也。❶

蓼蕭》四章,章六句

祭義》

篇 : 北,無思不服。」此之謂也。」 海而準,推而放諸北海而準。 「推而放諸東海而準,推而放諸西海而準,推 蓼 蕭》,澤及 (四海 《詩》云: 也。【疏】《禮記 『自西自東,自 而 放諸南 1南自

子」,謂諸侯之見天子也。 大兒。」義與此同。「蕭,蒿」、《下泉》同。 言》:「輸,寫也。」「輸寫」蓋古語。《泉水》傳: 祭祀、諸侯有與助祭祀之禮、故詩以蓼蕭起興。 《傳》云「蕭上露兒」也者,謂蕭上露盛多湑湑然也。 同。《裳裳者華》傳:「湑,盛皃。」盛曰湑,重言曰湑湑。 我心寫兮。【傳】輸寫其心也。 有譽處兮。【疏】夢,猶夢夢也。 大貌。蕭、蒿也。湑湑然、蕭上露貌。 〈傳》云「輸寫」,此以雙字釋單字。 蓼彼蕭斯,零露湑兮。【傳】興也。 我,諸侯自我也。 輸亦寫也、《廣雅・釋 《蓼莪》傳:「蓼蓼,長 燕笑語兮,是以 零,當作「霝」,下 既見君子, 「寫,除也。」 經言「寫」, ○「既見君 蓼,長 蕭以共

⁰ 子静本改。 「七」,原作「六」,據中國書店影印武林愛日軒刻本、徐

意也。」《箋》悉訓爲『名譽』之「譽」,疏矣。」 譽。』《六月》曰: 而言之。《裳裳者華》之「譽處」,承「我心寫兮」而言之。 安也。1則譽處,安處也。《蓼蕭》之「譽處」,承「燕笑語兮」 義》引《詩》「則燕則譽」,而釋之曰:「則安則譽,皆安樂之 「嘉賓式燕以樂。」《車舝》曰:「式燕且喜。」又曰:「式燕且 《吕氏春秋•孝行》篇注曰:「譽,樂也。」《南有嘉魚》曰: 譽」皆樂也。」蘇氏之説是也。 (詩述聞))云: 輸寫」與「除」義 「《集傳》引蘇氏曰:「譽、豫通。 「吉甫燕喜。」《韓奕》曰: 孙相 近。 燕,安也。 《爾雅》曰:「豫,樂也。 與下章 『韓姞燕譽。』《射 孔 凡《詩 燕 同。 豫 类

티 : 既見君子,爲龍爲光,其德不爽,壽考不忘。 受。』」案昭子四言正釋詩四章之義。《詩》「龍光」、《左傳》 也。 盛皃。」「蕃」與「盛」義同。 爲寵光也 作「龍光」,龍讀爲寵。 【傳】龍,寵也。 『宴語之不懷,寵光之不宜,令德之不知,同福之不 昭十二年《左傳》:「宋華定來聘,公賦《蓼蕭》,昭子 蓼彼蕭斯,零露瀼瀼。【傳】瀼瀼,露蕃 寵 亦光 爽,差也。【疏】《野有曼草》傳:「瀼瀼、 也 毛《傳》正本《左傳》。「爲寵爲光」, 〈酌》「我龍受之」、《長發》「何天之 ○龍,古「寵」字,占文以龍爲寵 貌。

發》「龍」字不訓「龍」矣。「爽,差」、《氓》同。龍」、《箋》並以龍爲寵,本此《傳》訓。而《傳》於《酌》、《

《旱鹿》、《泂酌》傳竝同。 既見君子, 朝諸侯,言同姓諸侯盡以爲宜也。《沔水》傳: 經謂兄宜弟宜,故云「爲兄亦宜,爲弟亦宜」也。 露》傳所云:「厭浥,溼意也。」○「豈,樂,弟,易」、《載驅》、 豈。【疏】《廣雅》: 宜兄宜弟、【傳】爲兄亦宜、爲弟亦宜。 子爲諸侯之兄弟。」順經作解,失《傳》之恉。 臣也。」是其義。《正義》云:「宜爲人兄,宜爲人弟,則 蓼彼 瀟斯 孔燕豈弟。【傳】豈,樂, ,零露泥泥。 「泥泥,露 經言「宜兄宜弟」、《傳》乃逆 也。」《傳》云「霑濡 【傳】泥 泥 「兄弟,同姓 弟,易也。 霑 兄弟,指來 令德 濡 ,即《行 解釋 也。

義同。 既見君子, 鞗革沖沖。 不 和,在鐮曰鸞。 【傳】俸、轡也。 叫 通。 蓼彼蕭斯, ○鞗爲轡首之飾,非轡也。 ŝ 義》云: 【疏】《説文》:「濃,露多也。」「厚 革,轡首也。 零露濃濃。【傳】濃濃, 《釋器》: 和鸞雝 沖 『轡首謂 今《傳》文「鞗轡」二字理 沖,垂 雝, 立飾貌。 之革。」郭璞曰 萬福 在軾 攸同 與「多 厚 貌 日

四

注 注 鞗,當作「鋚」。 《采芑》箋云:「鞗革,轡首垂也。」此《箋》正用《蓼蕭》傳 之,故云: 謂勒爲靶外 勒絡馬首所垂之轡,其上飾謂之鉴,鉴以金爲之、《説文》曰 也。」「勒,馬頭絡銜也。」「銜,馬勒 革 蓋轡首以垂爲飾,故又解沖沖爲垂飾兒。 當作「鞗革、轡首垂也」六字、「轡首」詁 貌。」案《傳》文 玉,諸侯以 天子以下,轡首皆有飾。《考工記 于衡」,注: 者謂之勒。 《説文》「龍」作「駹」,四玉 銅」,銅即金也。 5],注:「龍,駹也。 謂 靶 「勒面 「貝 也。」 [轡也。」《載見》箋: 俸 一然則馬 ,貝飾勒之當面也。」又《既夕・ 「貝勒,貝飾 ,謂以如王龍勒之韋爲當面飾也。」「翟 金,大夫、士以 勒關馬口者謂之銜。 ,有餘而垂者,亦誤。 革,轡首垂也。』鞗 俸,轡也。 革,古文「勒」。 《正義》謂鋚爲皮,蓋因字誤從革耳。 轡所靶之外 以白黑飾韋襍色爲勒。」「厭翟勒 「勒。」 奂謂勒當馬面,所謂 石。 「鞗革,謂 革,轡首也」七字,據仲達所見 貝 (敷? 有 龍勒以玉爲飾。 餘而垂者 《説文》云:「鋚,轡首 《春官・ 勒以革爲之,故字從革。 革即言沖沖, 口中也。」是轡之絡馬首 《載驅》「垂 玉人》:「上公用龍。」 轡首也。」皆渾言之。 「革」,「垂」詁 記》纓轡貝勒縣 「,謂之革, 巾車》「革 《韓奕》箋:「鞗 故 轡爾爾」 是天子以 車 E 轡首 知 貞 鞗 路 垂 (面) [烽]。 面 皮 語 也 龍 又 銅 飾 爲

和 《傳》云:「在軾曰和。」軾,軾前也、《載見》傳亦云:「 云 : 之處,未聞也。 同,而云「和在衡」與毛異。 設衡者也。」《白虎通 應。」《輿服志》劉昭《補注》引《魯訓》: 則敬,此御之節也。」《經解》: 在衡爲鸞,在軾爲和,馬動而鸞鳴,鸞鳴而和應,聲曰和,和 鈴於鑣爲鸞。 鸞,亦鈴也。 行有聲,故又謂 叢》篇亦云:「鸞設於鐮,和設於衡。」然則云「鸞在鐮」與 在鑣,和在衡。』《史記 前。」桓二年《左傳》:「鍚鸞和鈴,昭其聲也。」杜注云: 皃。」金,所謂鋚也。 飾 鑣 「鸞在衡,和在軾前。 《傳》: ,謂轡首之垂飾。 在 ,馬銜也。」馬銜之出於兩旁者爲鑣。 「鸞、和、皆鈴也、所以爲車行 軾 垂 與毛同 轡 鸞繋於鑣、《傳》云:「在鐮曰鸞。」《説文》: 《大戴禮• 轡 之和。 一説驂馬 之垂 丽 垂飾以金爲飾。 義》: 「沖」與 升車 云「鸞在衡」又與 者。」此《傳》云: 若此,則和爲環轡之聲,而非鈴矣。 禮書》集解引服注同。 保傅》篇:「升車,則聞 內轡繫於軾前 「鸞者在衡 則馬動,馬 和繫軾前,軾前即馬尾,其繫鈴 「鶬」一聲之轉。 「升車 節 也。」引《韓詩内傳》: 則 《載見》箋:「鶬 動則鸞鳴,鸞鳴則和 代毛異。 和 沖 有鸞和 和 兩旁,故兩鑣。 ,其環謂之觼。 者在軾。」 沖 設軾者 · · , 垂 〇和,鈴也, 鄭於《大馭 之音。」鄭 《説苑 和鸞之聲。 飾 也。 然則 和 皃。 在軾 鶯 繋 車 説 鰶 垂 注 毛

《詩》辭每言八鸞,當謂馬有二鸞。 《韓奕》、《烈祖》皆云「八鸞」。 也。 得置八鸞乎? 在衡」之説。 注、《玉藻》注过云:「鸞在衡,和在軾。」《四鐵》箋: 此皆本「鸞在衡」之説,而更誤作鳥形矣。 高注《吕覽》云:「鸞鳥在衡。」《輿服志》亦云:「鸞雀立衡。」 章句》云:「以金爲鸞鳥,縣鈴其中,施於衡,爲遲速之節。」 許説當出《五經異義》。 鎗鎗。1則一馬二鸞也。」又曰:「「輶車鸞鐮」,知非衡也。」 經》篇:「『和鸞噰噰,萬福攸同」,言動有紀度,則萬福之所 也。』《禮記・ 「鸞在鑣」之説。 『輪崇、車廣、 从金,鶯省。」《輿服志》注引許慎曰:「《詩》云:「八鸞 《於乘車。」是乘車之鸞在衡,田車之鸞在鑣。 「鑾,人君乘車,四馬鐮,八鑾鈴,象鸞鳥之聲,和則敬 《烈祖》箋:「鸞在鑣,四馬則八鸞。」則又主 少儀》篇: 衡長,參如一。」則衡之所容,唯兩服馬耳。 以此知鸞必在鑣。」案孔《疏》是也。 鄭本無定解。 「鸞和之美,肅肅雍雍。」《新書・ 四馬八鐮八鑾、《采芑》、《烝民》、 鸞者,「鑾」之假借字。 《左傳疏》云:「《考工記》: 鸞若在衡,衡唯兩馬,安 《爾雅》: 亦主「鸞 「置鸞于 :「雍,聲 《月令 《説 容

湛 露》四 章 ,章四句

聚也。」

湛露》,天子燕諸侯也

則

夜

《傳》。 暘。 此假借 聲,古音讀如「沈没」字。 露茂盛貌。 三章不言陽、末章并不言露、皆互見其義。 宴,爲賦《湛露》,不荅。 乾」、《蒹葭》同。 出,是不親也; 《爾雅》: 杞、棘、桐、梓喻諸侯所在之國。 之,於是乎賦《湛露》,則天子當陽,諸侯用命也。二杜 引《詩》作 云:「言露見日而乾,猶諸侯稟天子命而行。」案杜正用毛 「暘」。」此陽、暘古通矣。《説文》云:「暘,日 飲, 乾。 《祭義》「殷人祭其陽」,注:「陽,讀爲「曰 湛湛露 私 詩凡四章,上二句是興,陽喻天子,露喻諸侯,豐草、 也。 厭厭夜飲,不醉 燕也。 「懕懕,安也。」《説文》:「懕,安也。 「懕懕夜 飮」。 《小戎》傳: 陽,日 斯, 文四年《左傳》:「衛甯武子來聘,公與之 醉 宗子將有事,則 也。 而不出,是漢宗也。【疏】湛,從 匪 對曰: 『昔諸侯朝正於王,王宴樂 《釋文》及《文選· 陽不晞。 「茂盛」與「甚」義相近。 「厭厭,安静也。」亦當作「懕懕」。 晞,乾也。 [無歸。 首章不言露之所在,二章 族 露雖湛湛然,見陽 【傳】厭厭,安也。 傳興也。 人皆侍,不 魏都賦》、《琴賦 ○厭 从心,厭聲。 出也。」「晞 雨日 ,讀爲懕 陽,讀 湛 暘]之 醉 湛, 而 甚 爲 注

宗也。 《傳》既釋「夜飲」爲「燕私」,而又援宗子族侍之禮釋經「不 薦脯以降,奏《陔》。」此謂夜飲不醉無歸也。 甸 《記》云:「宵,則庶子執燭於阼階上,司宫執燭於西階上, 對曰"「諾,敢不醉?」皆反坐。」此謂「不醉無歸」也。 禮有讓,德施有復,義之至也。」案此與《傳》義同。 飲而醉者,宗室之意也,德將無醉,族人之志也。 則兄弟之道備。 已而與族人飲也。不醉而出,是不親也。 終日、大宗己侍于賓。 醉無歸. 《傳》曰: 義、故言「燕私」也。」是孔所據《傳》文「私燕」作「燕私」矣。 锐屨,升,就席。 安。』卿大夫皆對曰: 貌。」與《毛詩》異。 注引《韓 「厭厭」爲「安」之義也。《正義》云:「《楚茨》:「備言燕私。」 '人執大燭於庭,閽人爲大燭於門外。 「司正升受命,皆命"「君曰無不醉。」賓及卿大夫皆興, 出而不止,是不忠也。 一句。 「燕而盡其私恩。」明夜飲者,亦君留而 詩》 作 《書大傳・ 愔 公以賓及卿大夫皆坐,乃安。」此即《傳》訓 備者,成也。 《燕禮》云: 愔夜飲」、《薛君章句》: 『諾,敢不安?』賓反人,及卿大夫皆 奠,然後燕私。 酒誥》篇: 親而甚敬,忠而不倦。 成者,成于宗室也。 「司正命卿大夫" 『君曰以我 「宗室有事,族人皆侍。 燕私者,何也? 賓醉,北面坐取其 醉而不出,是渫 但《儀禮》不言 愔 愔, 盡私恩之 《燕禮 是故祀 故曰: 和 若是 悦 V 祭 Ż

此詩可以補《禮》之闕,而《傳》又足以申補經之義也。同姓、《傳》乃探下章「在宗載考」句,故《傳》主族燕爲説。

室矣。 國離矣。」可見此詩本不專謂燕同姓諸侯。 同姓之親親以該異姓耳。《六月》序云:「《湛露》廢,則 成於宗子之室也。王者爲天下之大宗,即爲天下諸侯之宗 之禮言之。 草、《小弁》云:「茂草。」是「豐」爲「茂」也。 之義。「在」與「於」同。上章「不醉無歸」,《傳》援宗子族侍 也。」二字互訓。 厭夜飲,在宗載考。【傳】夜飲必於宗室。【疏】豐 燕諸侯,兼同異姓。周之宗盟,異姓爲後,故詩特舉 湛湛露斯 此言宗室,正是宗子之室。考,成也。 ○《傳》云「夜飲必於宗室」,以釋經 ,在彼豐草。 【傳】豐,茂 《爾雅》: 夜飲 「在宗 「茂,豐 厭 必

赤棘也。」杞棘,猶杞桋矣。○君子,謂諸侯也。令德。【疏】《四月》「隰有杞桋」、《傳》:「杞,枸檵也。 桋,湛湛露斯,在彼杞棘。顯允君子,莫不

「離離,長皃。」「垂」與「長」義相近。 梓屬。」離離,猶歷歷也。《初學記・果木部》引《韓詩》云:「梅豈弟君子,莫不令儀。【疏】《定之方中》傳云:「梅其桐其梅,其實離離。【傳】離離,垂也

《彤弓》三章,章六句。

《彤弓》,天子錫有功諸侯也。

飾

傳》:「玈弓以射甲革、椹質。」服以玈弓當《周禮》之弧弓, 弓、弧弓,以授射甲革、椹質者, 夾弓、庾弓,以授射豻侯、 之。【疏】《説文》:「彤,丹飾也。」以丹飾弓曰彤弓,故 弓。」」案定八年《穀梁傳》云:「大弓者,武王之戌弓也。 體、來體若一,謂之唐弓之屬,利射深。」注云:「射深用直。 受王弓矢之賜者。」鄭與毛同也。《考工記・弓人》:「往 必有師據。此《傳》言「彤弓以講德習射」,則當《周禮》之大 鳥獸者,唐弓、大弓,以授學射者、使者、勞者。」服虔注《左 心貺之。【傳】貺,賜也。 以講德習射。習、弛貌。言、我也。我有嘉寶、中 唐弓合七而成規,大弓亦然。《春秋傳》曰:「盜竊寶玉大 者弓亦用中,遠近可也。 公受賜,藏之魯。是大弓爲我魯受諸先王所藏之弓。」則彤 〈公羊傳》皆云:「諸侯彤弓。」《夏官》:「司弓矢掌六弓:王 《傳》云:「彤弓,朱弓也。」《荀子・大略篇》及何注定四年 鄭注云:「學射者弓用中,後習强弱則易也。使者、勞 彤弓弨兮,受言藏之。【傳】形弓,朱弓也, 勞者,勤勞王事,若晉文侯、文公 鍾鼓既設,一朝饗 周

弓之即大弓,此確證也。《公羊傳》云:「弓繡質。」繡即 《左傳》:「季武子賦《彤弓》,宣子曰:「我先君文公獻功于 受」,猶「永言,我永也」、「願言,我願也」,同其句例。 訓「言」爲「我」者,與《葛覃》、《泉水》、《文王》同。「受言,我 愾而獻其功,王於是乎賜之彤弓一、彤矢百、玈弓矢千,以 諸侯也。「貺,賜」、《爾雅・釋詁》文。《説文・貝部》無 諸侯也。我諸侯受彤弓於天子,守而藏諸祖廟也。 饗禮,兩君相見,揖讓而入門,入門而縣興。」又云:「人門 千。」此即諸侯敵愾獻功而賜之之禮也。 戾?」」案《傳》以「賜」詁「貺」,正用《左傳》。 又僖二十八年 覺報宴。今陪臣來繼舊好,君辱貺之,其敢干大禮以自取 公與之宴,爲賦《湛露》及《彤弓》,武子對曰:「諸侯敵王所 示子孫。」是矣。 「受言載之」、「受言囊之」同。 衡雍,受彤弓于襄王,以爲子孫藏。11又昭十五年《傳》: 金奏,此鍾鼓即金奏之樂,樂之始也。 《傳》:「晉侯獻楚俘于王,賜之彤弓一、彤矢百、玈弓矢 ·彤弓、虎賁,文公受之。」皆其義也。 王肅云:「我藏之以 ·貺」,當是「況」字之誤。文四年《左傳》:「衛甯武子來聘 .歟?《説文》:「弨,弓反也。」「弛」、「反」義相近。《傳》 金作,示情也。」《郊特牲》言: 「饗禘有樂。」又云:「賓人 《仲尼燕居》言:「大 〇天子饗諸侯有 ○嘉賓,謂 襄八年 丹

465

耐

四三七

卷 + 伯,天子乃以饗禮當之,《周語》「公當饗」是也。 兩君奏三節異焉。」矣案凡諸侯賜弓矢、專征伐,是九命作 其禮宜隆,故樂闋必待卒爵也。又燕聘賓,金奏止二節,與 與聞。 牡》、《皇皇者華》稱「《鹿鳴》之三」也。又樂闋亦有異、《燕 享諸侯,乃得備三章,故《左傳》不言《肆夏》而言『三夏』也。 其二、《渠》其三,以《肆夏》統之,故曰「《肆夏》之三」。 猶 而《左傳》穆叔如晉,金奏《肆夏》之三,不拜,以爲使臣不敢 其異也。 賓,及庭而奏《肆夏》,兩君相見,則入大門即奏《肆夏》,此 鑮播之,鼓磬應之,所謂金奏也。」金鶚《求占録》云:「燕聘 鼓奏《九夏》。」鄭注云:「先擊鍾,次擊鼓。」又《燕禮・記》: 夏》,天子所以享元侯也。1」《春官·鍾師》:「凡樂事,以鍾 《郊特牲》言:『卒爵而樂闋。』當兼賓、主言。 《文王》、《大明》、《緜》三篇稱『《文王》之三』,《鹿鳴》、《四 《外傳》謂金奏《肆夏》、《繁遏》、《渠》。《肆夏》其一,《繁遏》 若以樂納賓,則賓及庭,奏《肆夏》。」注云:「《肆夏》,以鍾 、肆夏》,即兩君相見,人門縣興。 《左傳》:「穆叔曰:「《肆 記》云"【賓拜酒,主人荅拜,而樂闋。】是賓未卒爵也。 . 而 蓋諸侯燕聘賓惟用《肆夏》一章,而兩君相見及天子 三奏《肆 且樂章亦殊、《燕禮》謂燕他國大夫,奏《肆夏》。 夏》,示易 以敬也。」此實即大實, 蓋諸侯爲賓 一朝,猶終 入大門 奉

罷,故以「朝」言之。」朝也。《正義》云:「以燕如至夜,饗則如其獻數,禮成而朝也。《正義》云:「以燕如至夜,饗則如其獻數,禮成而

醴,命晉侯宥。」是則饗禮本有侑幣,王禮或更有玉與馬。」 王,王饗醴,命之宥。僖二十八年,晉侯獻楚俘于王,王饗 **饗醴,命之宥,皆賜玉五瑴、馬三匹。僖二十五年,晉侯朝 侑幣、酬幣爲義。《左傳》:『莊十八年,號公、晉侯朝王,**王 明是饗時之事,不當泛以勸報有功釋之。右之、醻之,當主 作「右」,又作「宥」。《後箋》云:「上言「鍾鼓既設」,則右醻 祀」,注:「右、讀爲侑。」此右、侑聲通之證。侑,本字,假 也。」〇《楚茨》傳:「侑、勸也。」《周禮・大祝》「以享右祭 歸」,以釋經「載之」之義,與上章「藏之」同意也。「喜,樂」, 設,一朝右之。【傳】右,勸也。【疏】《傳》云「載以 有嘉寶、中心喜之。【傳】喜、樂也。 《釋詁》文。《菁菁者莪》「我心則喜」、《傳》亦云:「喜,樂 彤弓弨兮,受言載之。【傳】載以歸也。 鍾鼓 既 我

矢」、《傳》亦云:「囊,韜也。」《齊語》「垂囊而人」,韋注云:設,一朝醻之。 【傳】磷,報也。 【疏】《時邁》「載羹弓有嘉賓,中心好之。 【傳】好,說也。 鍾鼓既

於食、燕矣。 幣、侑幣。 云若弗酌,則以幣致之。」此節注疏最爲明晰。 禮,互文也。』《疏》云:「以此文爲互,則饗、食、燕皆有酬 云:『禮,謂食、 酬,此所以用酬幣也。 『大饗,君三重席而酢。 侯享范獻子,展莊叔執幣。 訓「報」、《楚茨》、《瓠葉》「酢」亦訓「報」,酬、酢義同。 説」與訓 櫜,囊也。」「韜」與「囊」義近。 ,則此詩「右之」、「醻之」即饗時之侑幣、酬幣,不必舝及 「春秋時,秦后子享晉侯,歸取酬幣,終事八反。 是以《掌客職》「三饗」、「三食」、「三燕」云云,即 「好」爲「樂」,義亦相近。 燕也。❷ 《儀禮·覲禮》「饗禮乃歸」,**①**注 三獻之介,君專席而酢。」有酢必有 王或不親以其禮幣致之。 皆饗有酬幣之證。 好,猶喜也。 ○醻,或 《傳》訓「好」爲 「酬」字。 饗禮既有侑 《郊特牲》: 略言饗 酬 《後 魯

(菁菁者莪》四章,章四句。

同

材 `,則天下喜樂之矣。 〈菁菁者莪》,樂育材也。君子能長育人

盛 **一貌**。 菁菁者莪,在彼中阿。 莪,蘿,蒿也。 中阿, 阿中 也。 【傳】與也。 大 陵 日 阿。 菁菁, 君

0

0

卷

+

Ł

《爾雅》申明「阿」字之義。大陵謂之阿,則「中阿」與「中陵 阿」、《爾雅· 蒿即薰蒿。 遺》云:「蔯蒿生高岡,宿根先於百草,一名莪蒿。」 並謂 頗似蔞蒿。」《廣雅》云:「莪蒿,藁蒿也。」陳藏器《本草拾 似邪蒿而細、科生。三月中,莖可生食,又可蒸食,香美,味 蘿。」莪、蘿爲蒿,蒿類不一,故《説文》以爲蒿屬也。《正義 引《義疏》云:「莪,蒿也,一名蘿蒿。 生澤田漸洳之處,葉 「《詩》:「葎葎者莪。」茂兒。」竝與「菁菁」同。 我」、《薛君章句》:「蓁蓁,盛皃也。」《集韻·十四清》引: 樂且有儀。【疏】《文選・西都賦》注引《韓詩》「蓁蓁者 子能長育人材,如阿之長莪菁菁然。 「蒿也。」「莪蘿蒿也」四字作三句讀。 也。 釋草》文。《傳》本《爾雅》「莪」釋「蘿」,而又申之云: 案上三章言君子之長育人材,沚之長莪、陵之長莪 《説文》:「秣,蒿屬。」「秣」與「蘪」同。 釋地》文。《傳》既釋「中阿」爲「阿中」,又本 舍人云:「莪一名 既見君子, 「莪,蘿」、《爾 大陵日

「饗禮」,原脱,據中國書店影印武林愛日軒刻本、 静本、《清經解續編》本、求是堂本《毛詩後箋》補。 徐子

「食」,原作「會」,據中國書店影印武林愛日軒刻本、徐 子静本、《清經解續編》本、求是堂本《毛詩後箋》改。

四三九

儀? 儀,無《傳》。文三年《左傳》:「公如晉,晉侯饗公,賦《菁菁 猶阿之長莪也。 也。」「莊叔釋《詩》「樂」即經之「樂」,「慎儀」即經之「有儀」, 者莪》,莊叔以公降,拜,曰:『小國受命於大國,敢 莪》廢,則無禮義矣。」今字亦作「儀 且有儀」句,就見君子者一邊説。 ·貺之以大禮」,所謂「錫我百朋」也。《左傳》釋《詩》意 艺不作 君貺之以大禮,何樂如之? `儀」,説見《相鼠》篇。《六月》序云: 末章又以舟之載物,興君子之用人材。 儀,古作「義」。 抑小國之樂大國之惠 「禮義」作 《菁菁者 不 樂 慎 \bigcirc

則天下喜樂之矣。」是喜亦樂也。 「別君子,我心則喜。【傳】喜,樂也。【疏】《采 「別君子,我心則喜。【傳】喜,樂也。【疏】《采 「別君子,我心則喜。【傳】喜,樂也。【疏】《采 「別君子,我心則喜。【傳】喜,樂也。【疏】《采

宣生得大貝百朋,以獻紂。」高注亦云:「五貝爲一朋也。」○《箋》:「古者貨貝,五貝爲朋。」《淮南子・道應》篇:「散陵。」中阿,阿中,中沚,沚中,中陵,陵中,皆倒句以就韻。既見君子,錫我百朋。【疏】《天保》傳:「大阜曰既見君子,錫我百朋。【傳】中陵,陵中也。

貨五品, 具不盈六分, 不得爲貨。此王莽制。 上, 皆二枚爲一朋。不盈寸二分, 漏度, 不得爲朋。」是爲貝上, 壯貝三寸六分以上, 幺貝二寸四分以上, 小貝二分以用泉、布, 而貝不廢。《漢書·食貨志》:「大貝四寸四分以用泉、有, 百朋五百貝。《説文》:「貝, 海介蟲也。 占者貨一朋五貝, 百朋五百貝。《説文》:「貝, 海介蟲也。 占者貨

汎汎,流兒。 《箋》云「舟者沈物亦載」,申 以言物不論重輕,舟無不載,喻才不論大小,朝無不用 據《正義》訂正。沈浮,猶重輕,重者舟亦浮,輕者舟亦浮 木爲舟謂之松舟矣。《傳》上句「亦浮」,各本作「亦沈」,今 沈亦浮,载浮亦浮。 」,申解「載浮亦浮」句。○《破斧》傳云:「休,美也。」 汎汎楊舟,載沈載浮。【傳】楊木爲舟,載 楊木爲舟謂之楊舟,猶柏木爲舟謂之柏 既見君子,我心則休。 ·解「載沈亦浮」句, 「浮物 一舟、松 【疏】 也 亦

《六月》六章,章八句。

華》廢,則忠信缺矣。《常棣》廢,則兄弟缺樂缺矣。《四牡》廢,則君臣缺矣。《皇皇者《六月》,宣王北伐也。《鹿鳴》廢,則和

得

其

年

萬

物

Ш

有

《湛

夏

衰

道

理

》廢,

矣。

車》

則

廢

六 .月棲棲, 戎 車既 飭。 四 牡 騤 験, 載 是

卷

Ł

月》,其彷彿文王之《采薇》乎。

常服。 「正同 《釋文》作「簡閱之兒」。 語• 也。 孔子曰: 「以不教民戰,是謂棄之。」故比年簡徒謂之蒐,三 閱。」何休注《公羊傳》云:「大簡閱兵車,使可 也。 兵,王載大常。 《采薇》傳云: 閲,常禮也。 服,戎服也。 《傳 文。《司常》云:「王載大常。」●《大司馬》云:「仲秋,教治 「治兵于廟」,爲用兵教戰之事,而與常蒐不同。 簡申謂之大閱,五年大簡車徒謂之大蒐。」案五年一大簡 》正本《大司馬》爲訓。 飭,讀爲敕、《説文》:「敕,誠也。」 憲問》篇邢 王于出 「整」、《常武》篇「整我六師,以修我戎」,是其義也。 【傳】棲棲, 詩言六月簡 「騤騤,彊也。」○「日月爲常」,《周禮 玁 流云: 征 及致,建大常,吃軍衆。」詩言 一,以 狁孔 籣 「栖栖,猶皇皇也。」《傳》「簡閱兒」, 匡 《春秋》: 熾 閲 | 閱棲棲然,此猶莊八年《春秋經 《巾車》「建大常十有二斿」,注: 王 貌。 了, 我 國。 飭,正 「桓六年秋八月壬午,大 是用急。 【疏】棲,通作「栖」、《論 正」與 也。 滅 任用而習之。 【傳】熾,盛 日 籣 戎車,兵車 月 閲載 」義相 爲 可 常。 常 近

疏》、孫治讓《周禮正 載」,徐子静本、《清 義》竝作「建」。 經解續編》本同。 案 阮 刻 《周 禮

0

國古音同部、《園有桃》、《尸鳩》、《青蠅》、《抑》以棘、國爲 帖,而國古音在職德,二字不同部,故急、國不入韻。 《桑柔》、《江漢》通訓也。 韻 也。」《傳》爲《采薇》、《出車》、《雨無正》、《文王有聲》、《抑》、 急也。」《傳》爲《七月》、《靈臺》通訓也。《素冠》:「棘,急 急,字之誤,全《詩》字皆作「棘」,又作「亟」。《北風》:「亟 ○《采薇》傳: 戰伐冠皮弁。」此本《白虎通義·三軍》篇也,與《周禮》異。 常爲大常,服爲戌服。《司服》: 币 **縿游皆如是。天子大常十二游,則兩旁各屬六游也。** 持游者有縷以維之。其張緣有弧,弧有衣曰韣。 「流」。「旒」即「流」之俗。 《采芑》箋竝依《周禮》説也。《正義》引鄭注《孝經》: 三人持之。禮,天子旌曳地。」案游,或作 「畫縿」,而於《覲禮》注并言 「大常,九旗之畫日月者,正 ·六人維王之大常」,注:「王旌十二旒,兩兩以縷綴連,旁 ,則此詩「急」字當爲「棘」矣。《常武》以戒、國爲韻,戒與 終首畫日、月,其下及旒交畫升龍、降龍。」鄭於他注言 「天子載大旂,象日、月、升龍、降龍。」注:「大旂,大常 「玁狁、北狄也。」「熾、盛」、《爾雅・釋言》文、 其字皆不作「急」。 急古音在緝葉 游分屬於緣,緣爲正幅,張於杠 「畫旒」,宜以此爲定説。 幅爲終, 斿 「凡兵事,韋弁服。」此及 |則屬焉。]《節 「斿」,或又作 凡旌旗之 「田獵 棘與 服 《傳》 《覲 氏

> 于興師」、《傳》云:「天下有道,則禮樂征伐自天子出。」 「王于出征」。《易·離》上六爻辭云:「王用出征,以正邦 也。 鐵論• 雅》作 也。」文義正相同。 者,今本作「急」,後人用其義改其字耳。」于,語詞。 曰"「宣王用棘於獫狁。」是六朝時《詩》本有作「我是用棘 國占音亦同部。 「極」,其義則皆訓爲「急」。 雖則將率出征,亦出自王事,故一章「王于出征」、二章 比物四 繇役》篇引此詩作「戒」,《毛詩》作「棘」,其音皆讀 「悈,急也」。《釋文》:「本或作「懓」,又作「亟」。」「《鹽 驪 《素冠》正義引《釋言》: 必言王者,尊王命也。《秦・無衣》「王 , 閑之維 《詩小學》云:「謝靈運撰 則。 【傳】物,毛物 「戒,急也。」今《爾 征 匡,正 賦

色。 强,不取同色。 故連言「毛物」以曉人。 馬而頒之。 里。 天子也。【疏】夏官·校人》:「凡大祭祀、朝覲、會同,毛 我服。我服既成,于三十里。【傳】師行三十 則,法也。 物馬,齊其力。」《正義》引此以爲「《傳》直言「物」難解 王于出征,以佐天子。【傳】出征 凡軍事,物馬 言先教戰,然後用師。 而言「四驪」者,雖以齊力爲主,亦不厭其同 比物者,比同力之物。 而頒之。」鄭注云:「毛馬,齊其 維此六月,既成 戎事齊力尚 以 佐 其爲

之事。 日 比吉 月》。」杜注云:「《六月》,尹 仲孝友」、《傳》:「使文武之臣征伐,孝友之臣處内。」是官 《六月》, 喻公子還晉必能匡王國。」襄十九年《傳》:「季武子賦《六 所以佐天子者命重耳。」」杜注云:「道尹吉甫佐宣王征伐, 王使吉甫征伐,而與張仲在國也。 甫也,有文有武。」是伐玁狁者,吉甫也。 狁,至于大原。 云"「师行三十里。」與《傳》同。天子,謂宜王也。 午,度于孟津。 《漢書・ 出 而度。」賈捐之、陳湯、王吉《傳》及《白虎通義・喪服》篇竝 治兵,即六月出 先教戰」是承上之詞,云 》詞。 「征以佐其爲天子」,謂吉甫之佐宣王也。 「君稱所以佐天子、匡王國者以命重耳。」」章注云: 1甫出 僖二十三年《左傳》: 律曆志》云:「癸巳,武王始發。 案「比物四驪,閑之維則」二句承上起下、《傳》云 征以 道 尹吉 匡王國。」《晉語》: 文武吉甫,萬邦爲憲」、《傳》:「吉甫,尹 孟津去周九百里,師行三十里,故三十一日 「師,故重言之云「維此六月」也。 甫 佐 宜 Ξ 「然後用師」是起下之詞。 、吉甫佐天子征伐之詩,以 |征伐,復文武之業。] 案内、外 「公賦《六月》,趙衰曰: 皆尹吉甫征伐以佐天子 「秦伯賦《六月》,子餘 又「侯誰在矣,張 丙午,還 下章「薄伐玁 服即戎服 《傳》云 師。 〇六月 「君稱)晉侯 吉 戊

親征,誤矣。《傳》與毛義同。《正義》從王肅、孔晁之徒,謂毛氏爲王自

色」是也。

<u></u>
四

鐵

》傳:

「閑、習也。」「則、法」、《釋詁》文、《烝

有聲》、《行葦》、《卷阿》同。 就韻耳。 下引《傳》: 威敵厲衆。」是陸、孔所見毛《傳》不重「嚴」字。《華嚴音義 國。 爲; 衍「嚴」字,訓「嚴」爲「威」,不訓「嚴 竝訓爲「爲」,又訓「作」。 顒其大也。 《箋》增入「嚴」字。 「膴」同聲,故爲「大」。 文》: 「顒,大頭也。」是顒有「大」義。 「其大有顒」,猶 【傳】嚴,威嚴也。 也。 「威」、《箋》「威嚴」,猶《傳》「敬」、《箋》「恭敬」。今各本依 「有嚴天子」、《傳》: 膚,大,公,功也。 【疏】「脩,長」、《韓奕》同。 顋,大貌。 四 1牡脩 ○《鴟鴞》傳: 「嚴,威也。」不誤。 與「有費其實」、「有皖其實」句法同,特倒 廣,其大有顒。 薄伐玁 《釋文》: 「嚴而威也。」亦訓「嚴 翼,敬也。 公,讀與「功」同。 「祖、爲也。」、奏」與「祖 祖、作疊韻、奏、作雙聲。 **城**狁,以 有嚴有翼,共武之服。 翼,古 「嚴,威也。」《正義》:「 「翼,敬」、《釋詁》文。《文王 「廣,大」,《鑑》同。 共武之服,以定 「趩」字。 |爲「威嚴」也。 奏膚公。【傳】奏、 【傳】脩,長,廣,大 《傳》各本「威」下 」爲「威」。 《論語 」聲轉,其 《常武 「其嚴 「膚」與 13). 「趨 《傳 辭 효 《説 王 有

471

四四四

+

七

「趩」也。共,王肅音「恭」。 進,翼如也。」《説文》作「趩」。凡全《詩》「翼」訓「恭敬」者皆

涇陽。 風郡。 水》篇: 所謂瓠中 穫。」郭注云:「今扶風池陽縣瓠中是也。」酈注《水經 茹,度也。 寅車, 章,白旆央央。【傳】鳥章,錯革鳥爲章也。 狄錯居涇渭之北」也。 時,狄侵中國,迫近王都、《漢書‧西域傳》所謂「自周衰, 東,本周都畿内之地名。 曰 繼 息不度德」耳。 **、穫,澤名。** 焦穫,漢曰瓠口,亦曰瓠中。 旅者也。 【傳】元,大也。 玁 先疾 今陝西西安府三原、涇陽二縣之閒 【傳】焦穫, 「瀘水東注鄭渠,渠首上承涇水於中 **然**雅 也 並見[≪]邶 也, 《傳》云「周 《爾雅 央央,鮮明貌。 茹 整, 周 ?,整居 :》以爲周焦穫矣。」古穫、瓠聲相通 整旅也。 柏舟》篇。 曰 《史記·)周地,接于 元戎, 夏后氏 地」者,澤亦地 而《傳》又云「接于玁狁者」, 焦 《爾雅 穫。 池陽,漢縣 匈奴傳》: 先 日鉤車,先正 元戌十乘,以 玁狁匪茹」,猶《左傳》云 良也。 玁 侵鎬 巾 狁 釋地》:「周 「犬戎殺幽王,遂 者。 【疏】匪,不 .有焦穫澤,即 ,在馮翊,晉屬扶 焦穫在渭 及 ·山西邸瓠 方, 也; 織 白 先 文 至 殷 有 宣 北 旆, 币 鳥 啟 于 戎 $_{\pm}$ 涇 此 古 溏 焦 日

北方也。 《漢書·陳湯傳》。 日 也。 以爲冀藪。 **覽** 取周之焦穫,而居 閒。 梁傳》:「水北爲陽。」《箋》云「來侵在涇水之北」是 南仲,往城于方」、《傳》: 章云「來歸自鎬、我行永久」、言吉甫自 不必先焦穫乃侵鎬、方。 也、方也,皆北方地名。《正義》云:「鎬、方雖在焦穫之下、 池陽,一名具圃。 竟人爲戌地矣。 甘肅平涼府府西南有漢涇陽故城 務》篇:「禹之爲水,以身解於陽盱之河。」又《穆天子傳 Zį 交侵之患,近在焦穫,居心腹之内, 「至于陽紆之山、河伯無夷之所都居。」 此皆在華陰西之證 「千里之鎬,猶以爲遠。」」」案王駮之是也。 有始》篇「秦之陽華」,竝同 高注「陽紆」誤與焦穫同處,因辨及之。《箋》云: 「陽華,或曰在華陰西。」案華陰近河西之地,故《職方 涇東、涇北皆是北狄蹂躪之處,而 鎬地,未聞。 後人於秦,故《釋地》以爲秦藪。 《淮南子·墬形》篇九藪有陽紆,高誘 《周禮》作「楊紆」、《爾雅》作「楊陓」、《吕 于涇渭之閒,侵暴中 方,即南仲所築之方。《出車》篇「王命 涇陽,涇水之陽也。 「方,朔方,近玁狁之國 王肅以爲鎬京,王基駮曰: 地 ,即此地。 而 遠在 異 ·國。」蓋 實 鎬來歸 稱。 未嘗 鎬、方,居肘 僖二十八年《穀 然則當時 《淮南子· 至幽 高注《吕 血也, 踰涇也。 也。」朔方 劉 E 故劉 向 也。 「據下 ᆫ 以爲 説 腋之)後, 覽 脩 狁 見 向

旗。」」許既引《爾雅》,更引《周禮》以爲别義,與

明矣;

其非州里百官旗,又明矣。

《説文》云:「旟,錯革書

鳥其上,

所以

進士

一衆。

旟

海,衆

地。

《周禮

「州里

建

旗厅

施

L

畫日月、

旅畫蛟龍、

、縿旒並有畫文者同,其寵異也。

《考

旟,其不畫於緣上可知。

孫炎誤合《爾雅》、《周禮》兩旗爲

物、雖知鳥隼之畫於旒、而不知錯革鳥之乃畫於緣上、與

九游,侯伯七游,子男五游」合。《考工記》鳥旗爲侯

公伯旟.

|記》「龍旂九游,鳥旟七游,熊旗五游」,與《大行人》「上公

雅》釋 傳 》: 雅》作 蛇曰 燕尾。 下 「帛茷」。 柔》三篇皆引《周禮》,其用意甚明。《管子·兵法》篇:「五 此詩言吉甫北伐、説旟引《爾雅》、其於《干旄》、《出車》、《桑 旟七游」同旟,而與《司常》、《大司馬》别旟故也。 雅》不引《考工》者,意以《爾雅》之「錯革鳥」與《考工》之「鳥 長亦八尺,不識所據何書也。 也。 帛即緣也,以黑色之繒爲之,則旐乃通帛黑也。 曰 經之帛謂旐也,繼旐者謂之茷。 曰舉鳥章則行陂。」與《詩》「鳥章」異。 大白,物半白半赤,無物則半黑半赤,其餘旗皆赤也。 義》引孫炎注《爾雅》云: 「帛」也。 施。 注 《公羊疏》引孫炎云:「帛續旐末亦長尋。」孫更釋旆之 旐。《周 「繼旐如燕尾曰旆。」郭 一夜」。 |施||既 例。 義見《詩》。」是郭所據《詩》作 繼旐曰旆。」郭注云:「帛全幅長八尺、帛 茂者, 《傳》云「帛茷、繼旐者也」者, 然 ?禮》: 箸其 茷、 旗 旆」之假借字。《爾雅》: 旆二字古通用。 (色緇, |下「旐」下先引《考工》,「旟」下先引《爾 龜 蛇爲 又明其長尋,其 「緇、黑繒也。」蓋旌旗之幅爲緣 旐 《出車》、《桑柔》傳皆云: 云,燕尾」正本何 《傳》本《爾雅》釋「茷」不釋 縣鄙 何 旆 建 ○白旆、《正義》本作 注宣十二年《公羊 疑《傳》「帛 旐 (餘旗之長 「緇廣充幅長 《詩》釋文引《爾 郊 野載旐。」 義。 旐大黑, 續旐末 毛《傳》於 無明 一字符。 《詩 爾 旗 爲 文 鄭

同

《司常》:「鳥隼爲旟。」又「州里建旟。」《大司馬》:

鳥於緣上,《傳》有明文矣。

《爾雅》之旟與《周禮》之旟本不

官

「載旟。」此

旟

爲州里百

官建載,

自與尊者建載

不同

制

百百

傳

:》本《爾雅》之義,以爲畫急疾之鳥於緣上,則《周禮》之

章

- 也。

正幅也。

正

幅爲終。

《傳》云「錯革鳥爲章」,則

畫革

畫

章,正幅。

《詩》之綏章、《爾雅》之因章、《禮記》之龍

李同。

奂謂讀

「革鳥」爲「急鳥」是。

蓋錯之爲言涂也

錯

亦 與 李

注

云: 三:

「以革爲之、置於旐端。」是李以革爲皮也。

郭

注

荅張逸》云: 「畫急疾之鳥隼。」是孫本鄭

也。

正

義

引《鄭志•

畫急疾之鳥於旒、《周官》所謂「鳥隼爲旟」者矣。」《詩

雅

· 釋天》:

'錯革鳥曰旟。」孫注云:

「錯,置也。

革,急也。

織、當作「識

周

禮

司

常》疏

引

識

_

爾

同。 《御覽·兵部六十五》引占《司馬兵法》同。 縣鄙 此 即甲士百人。 央聲同。 訓 旐之别於凡旐,則錯革鳥之别於凡旗,更無疑矣。「央央」 杜預《左傳注》云"「旆,游也。」此皆旆之引申義也。 奕》傳謂之大矮,皆繼旐者也。若《左傳》「綪茷」,疏" 鄉遂之州長、縣正以下也。 「兵車 ′ 凡旐皆有旆也。 旗,其止畫龜蛇於游者,與天子諸侯之旗,其體製亦復不 之孤四命,其游如命數。 將羨卒也。」《考工記》:「龜蛇四游,以象營室也。」 奂案公 注 · 旆,繼旐之旗也,沛然而垂。」此唯天子諸侯之旐有旆,非 「茷」同「旆」。」《儀禮》「經末」,注:「今文「末」爲「旆」。」其 也。 -幅之續於上幅者,亦得爲旆。 Ŕ 「鮮明」、《出車》同。 其不同者,特有繼旐之旆以爲尊飾也。《説文》云: 郊野 一占甫 乘,甲士十人。」然則甲士二五爲一 龜蛇,象其 ○「元,大」、《采芑》同。「夏后氏曰鉤車」以下, 建載之旐,其游數當有不同。 帥 諸侯有大功,賜以虎賁百人,得專征伐者,謂 師,元戌十乘」,非謂宣王自將也。 《左傳》謂之大旆,《周禮》謂之大麾,《韓 行 難 《公羊疏》引《詩》「帛旆英英」,古英 辞 或四游之旐爲公之孤所建載與? 害 野,謂公邑大夫。 也。 旆與游皆以下垂爲義,故 縣 鄙 鄉 而縣鄙、郊野之 遂之官。 古《司馬法》: 乘,十乘百人 載旐者,以其 昭 郊, 知繼 謂

> 敵陳之前行。」鄭從《韓詩》義 之車,所以冒突先啟敵家之行伍也。』《箋》云: 戊十乘,謂車縵輪,馬被甲, 駰《集解》引《韓詩章句》:「元戎、大戎、謂兵車也。 以先啟行」。」」正本此詩,其明證矣。 年《左傳 劉 | 獻公曰: 『天子之老請帥 衡扼之上盡有劒戟,名 《史記·三王世 £ |賦, 元 「先前 戎十乘. 車有大 曰 宣家》裴 啟 陷

《傳》: 且閑。 「信,正也。」即引此詩。 之後而不軒。」案「蟄」與「摯」通。《車攻》「我馬 後頓曰軒。

《淮南子·人閒》篇: 【疏】《考工記・輈人》:「大車平地既節軒擎之任。」「軽」與 《傳》訓本無不合,《正義》謂《箋》義異,誤矣。 言齊,於此言正,義互相足也。 安,從後視之如擊,從前視之如軒。」《玉篇》:「前頓曰蟄 「摯」聲義相近,故《傳》以「摯」詁 憲。【傳】吉甫,尹吉甫也,有文有武。 大原。【傳】言逐出之而已。 戎車既安,如輊如 ·同,齊也,戎事齊力尚强也。」齊亦正也,於《車攻 【傳】軽,擊; 〇胡渭《禹貢錐指》云: 信,正 軒。 也。 《箋》:「佶 「道者,置之前而 文武吉甫,萬 「軽」也。《箋》:「戎車之 薄 四 伐 牡既信, 壯健之兒。」與 玁 憲,法也。 狁, 《日知録 《説文》: 不摯,錯 既 邦爲 既 至 同, 于 佶

2

平涼

小府鎮

原

縣

, 在

府北

指百三十

里。

縣

西

一里有漢高平故

之出塞,至固

原

《而止,不窮逐也。」奂案《方輿紀要》:

陝西

之東。

玁狁侵及涇陽

,而薄伐之以至於大原。

蓋

一自平涼逐

大原。1則大原當在州界,非平涼縣。

故州即元開城縣,今固原州也。

《小爾雅》云:「高平謂

之

縣乃古涇陽,在固原

百

1里城。

貞元十九年,徙治平涼縣,西去故州一

百六十里。

治,廣德元年没吐蕃。

節度使馬璘表置行原州於靈臺縣之

元魏改置曰平高。

唐爲原州

按漢安定郡治高平縣,後廢。

大原。」亦以其近邊而爲禦戎之備,必不料之於晉國也。」渭

大河之東,距周京千五百里。

豈有寇從西來,兵乃東出

故曰:

天子命我城彼朔方。

而《國語》:「宣王料民

于 者

高》同。 王莽曰: 從。 與《傳》義合。 盡境而還。 伊德,侵玩上國。 原。 漢武帝所築朔方城即《出車》詩之朔方,因滋曲説,斷不可 渡西河,至高闕,遠在大河之北,去鎬京幾二千里。」而又以 年》:「宣王二十七年,遺兵伐大原戎,不克。」皆即《詩》之 城。 水之北矣。 大原也。 書 涇陽直北追至鎮原,不更向西北矣。 原州界西之中。」疑古大原當在鎮原 (傳》亦云:「憲,法也。」 允文允武」耳。 《史記》: 「武王伐紂,放逐戎夷涇洛之北。」當亦不甚相遠也。 《傳》云「逐出之而已」者、《漢書・ 夷王命號公率六師伐大原之戎,至于俞泉。]汲郡《紀 西羌傳》: 固 [原州在府西北百十 《箋》云: 『當周宣王時,獫允内侵,至于涇陽。 楊雄《并 「趙武靈王築長城、至高闕 其視戎狄之侵,譬猶蟁蝱之螫,歐之而已。」」此 或謂漢五遼郡本秦九遼郡,即此詩之大原 ○宣王時吉甫即尹吉甫,故《傳》特明之,《嵩 「穆王西征 「憲、法」、《釋詁》文。 「吉甫 宣王命將,攘之涇北。」是古大原即在 州箴》云: 此時大將也。」「有文有武」 里。 一犬戎,獲其五王。 「周穆遐征、犬戎不享。 鎮原爲唐之原 爲塞。」《漢書》: 平涼 《桑扈》「百 《史記 匈 '奴傳》: 即涇 匈 州 遂遷戎于大 命將征之 治 陽 辟爲憲」 奴 「嚴尤諫 地 固 《後漢 傳 衛 原 貉 從 涇 屬

涼縣,本漢涇陽縣地,今縣西四十里涇陽故城是也。」然則涇陽。」注:「涇陽,屬安定郡,在原州。」《郡縣志》:「原州平

大原當即今之平涼,而後魏立爲原州,

, 亦

是取古大原之名

計周人之禦玁狁,必在涇原之閒。

若晉陽之大原,在

也。

《漢

書

地理志》:「安定郡有涇陽縣

3.开頭

公山,在

西

《禹貢》涇水所出。』《後漢書・靈帝紀》:

「段熲破先零羌於

者多矣,若此詩,則必先求涇陽所在,而後大原可

今太原陽曲縣者,始於朱子。

而愚未敢信也。

古之言大原

得

而

明

曰:

『「薄伐玁狁,至于大原」,毛、鄭皆不詳

其

地。

其

以

爲

四四七

炮也。 維也。 鼈,故知有此也。」又《魯語》公父文伯之母曰:「「祭養尸, 羞。」注: 之「濡鼈」、《招魂》之「胹鼈」,其俗字誤作「炮鼈」,無毛不可 《説文》,蓋《説文》本有「缹」篆而迭之也。 者,音皆作「無」。」案《正義》已謬亂,今正之如是。 《正義》云:「字書:「炮,毛燒肉也。 同。 《箋》云:「吉甫既伐玁狁而歸,天子以燕禮樂之,則歡喜 文》曰:「燥煑曰無。」炮與無别。 我,我吉甫也。 歸,周厚賜之。」」即引此詩。「來歸自鎬」,自鎬來歸也 矣,又多受賞賜也。」《漢書·陳湯傳》:「劉向曰:「吉甫之 燕喜,燕樂之也。「祉,福」、《爾雅·釋詁》文,《巧言》同 【傳】御,進也。 使文武之臣征伐,與孝友之臣處内。【疏】喜,樂也 歸自鎬,我行永久。 諸友,處内諸臣也。《韓奕》箋:「炰鼈,以火孰之也。」 鼈者,燕飲庶 張仲,賢臣也。 「或有熆鼈膾鯉。」賈疏云:「《詩》燕飲吉甫有炲 燕喜,既多 蔡邕《獨斷》云:「御者,進也。」義與《傳 侯誰在矣,張仲孝友。【傳】侯: 羞之饌。 善父母爲孝,善兄弟爲友。 /)受祉。 飲御諸友, 炰鼈膾鯉 《儀禮 而此及《六月》云「炰鼈. 無,烝也。J服虔《通俗 【傳】祉, 大射儀》:「羞 **無鼈,猶《内則** 福也。 字書即 來 庶

> 孝友。」疑《箋》無下「友」字與李同,本三家《詩》。 爲句,而不以「孝友」連文。《箋》:「張仲,吉甫之友,其性 也。 其人孝,故稱孝友。」據李説,則經文以「張仲孝」爲逗,「友. 釋訓》文。云「文武之臣征伐」者,謂吉甫也,吉甫有文有武 中」。中,古「仲」字。「善父母爲孝,善兄弟爲友」、《爾雅· 《文王》、《下武》同,而用意差别。張仲、《古今人表》作「張 農注云:「大司馬主進魚牲。」○《爾雅》:「維,侯也。」維謂 「使仁居守。」是其義也。李巡注《爾雅》:「張,姓,仲,字。 之侯,侯亦謂之維。「維」與「侯」一聲之轉。《十月之交》、 魚牲,亦庶羞也。《周禮·大司馬》:「饗食,羞牲魚。」鄭司 射儀》注作「炮」,宋本作「炝」,「炝」即「魚」之異體。 饗養上賓。」鼈於何有?」此謂 云「孝友之臣處内」者,謂張仲也。《荀子·大略篇》: 正加之饌皆無鼈也。 今《大 膾 鯉

《采芑》四章,章十二句。

《采芑》,宣王南征也。

畬。宣王能新美天下之士,然後用之。方叔涖也。艺,菜也。田一歲曰菑,二歲曰新田,三歲曰瀬言采芑,于彼新田,于此菑畝。【傳】興

軍,七萬五千人耳。

今用

十八軍,二十二萬五千人。占

四四九

軍千乘。 二千乘,十八軍」。 金鶚《求古録》云:「夫天子六

《傳》,《箋》據《司馬法》一乘七十五人,《正義》因謂「天子六

「遠、臨也。」涖、遠聲近、俗作「莅」。「其車三千」無

《魯語》云:「天子作師、公帥之以征不德。」《説

「受命而爲將」,謂受天子命而出爲

〇「方叔,卿士」,謂

將率也。

天子三公中執政者也。

起於田畝,故詩人假以爲興,下章同。

篇

案新、

「菑爲休耕之田畝,至畬而出耕。

新田、菑畝中得

有芑菜之可采,以

喻國家人材養蓄之,以待足用。

凡軍士

雅

釋地》文。

《傳》引《爾雅》以釋經「新」、「菑」之義,「三

同名歟?

田田

歲曰菑,二歲曰

新田、三歳日

畬」,《爾

止,其

(車三千,

師干之試。【傳】方叔、卿士也、

受命而

爲將

涖,臨;

師,衆,干,扞,

試,用

也。

則《生民》言禾苗之白者爲芑,則芑莖帶白色,故得異物而

莖青白色,摘其葉,白汁出。

脃,可生食,亦可蒸爲茹。」然

【疏】「芑,菜」、《正義》引《義疏》云:「芑菜似苦菜

簟茀魚服,鉤

膺鞗革。

【傳】奭,赤貌。

鉤膺,樊

方叔率止,乘其四騏。

四騏翼翼,路車

-有奭。

歲曰畬」亦連而相及耳。「新」下「田」字當符,説詳《臣工》

乘,重 也。 得之。 在車之後也。 傳》言「獲其甲首三百」,甲首者,甲士之首也。 五人也。 十人,固守衣裝五人,廐養五人,樵汲五人。」此將重車二十 二百乘也。 弓矢,主射,右人持矛,主擊刺,中人主御,是謂甲首。 兵,選其强壯有勇者爲甲上,又選其尤者使居車上,左人持 步卒十五人。 安得有異? 人,蓋以步卒五人將重車也。 士卒,經典有明文。《周官》: 『五伍爲兩。』兩者, 七十五人者,邱甸之本法,三十人者,調發之通制。 十五人爲畿内采地法。 徒二十人。」鄭不詳其所以異。 二人。」而《小司徒》注又引《司馬法》:「革車一乘,士十人 及《論語注》引《司馬法》: 「兵車一乘,甲上三人,步卒七十 者用兵未有如此之多也。 是明言二十五人爲一乘矣。 車 然其解《周官》亦謂戰車七十五人,則亦誤也。 每一乘兵車所出之卒,除五人將重車。是兵車 乘 餘甲士七人,蓋在車之左右,步卒十五人,蓋 也。 且士卒出於鄉遂,非出於采地也。 甲士二伍,步卒三伍,士卒不相襍也。 調發之制,一乘三十人。 五乘凡一百五十人,馬二十匹,其糗糧芻 不知王者軍制,自畿内達之天下 《司馬法》本有二説。 杜牧注《孫子》云:「炊家子 賈疏及《春秋》孔疏皆以七 蓋兵車 而戰止用二十五 乘,甲士十人 三百人,則 鄭 江慎修謂 車 《詩箋 凡用 車 此 乘 乘 説

傳云: 弗 車,充其籠箙。」《説文》: 路車,有朱革之質而羽飾。」是路車有赤飾也。《載驅》傳又 赫爲赤也。 言軍士之衆,足爲扞禦之用也。 雅 馬法》「一乘三十人」合,可謂信而有證矣。 千人」與《管子》「一乘四馬,白徒:一十人,奉車兩」,並與《司 軍乎? 茭宜以 之制也。」案金誠齋之説,確不可易。 車三千乘,每乘二十五人,三千乘得七萬五千人,是王六軍 將 上 則爲炊、爨、樵、汲等事也。 老弱之人,皆步卒而非甲 「帥車三百乘,甲 也。 重車,抑又誤矣。 「簟,方文席也。 矢服繋於等,故曰籠箙,是即《詩》之「魚服」軟? 釋詁》文。「干,扞, 「翼翼,閑也。」奭,讀爲赫,《簡兮》傳:「赫,赤兒。」是 唯以二十五人爲一乘,按之諸書皆合。 魚 大車 《載驅》「簟茀朱鞹」、《傳》:「鞹,革也。 兩之人將重車,則無以成卒,又何以成旅、師與 `魚皮也。」服,古「箙」字。 載之矣。 ·上三千人」、《孟子》「革車三百兩,虎賁三 伍、兩、卒、旅皆戰士。 車之蔽曰茀。」《夏官・繕人》: 重車 「籠,笭也。」「笭,車笭也。」車笭即 試,用」、《釋言》文。 士,故不用以戰。 江氏謂四兩爲卒,以 在兵車之後。 ○率,古「帥」字。《采薇 誠齋又歷引《左傳》 《傳》云「鉤膺, 將重車者,非 行則將 將 「師,衆」,《爾 「師干之試」, 重車 方叔南征 派重車,止 諸侯之 者 兩之人 「凡乘 《采 大抵 樊 戦

傳》: 禮,夷吾出亡,未立爲君,故馬皆有纓而 禮》「薦馬纓三就」。 之襬。」蔡以漢索帬比況蘇纓,皆謂下垂蘇多之狀。 如索帬。」《方言》:「帬,陳、 傳》言薦夫人馬稱旌緐。 牛尾爲之,如斗,在乘輿左騑馬頭上,馬纓飾其狀 髦同。 飾。 語》「亡人之所懷挾纓纕」,韋注: 謂之緐纓,亦與旌竿析羽注旄首 匝,以毛牛尾,金塗十二重。」《説文》:「縣,马髦飾也。」毛. 革爲之。」賈疏引賈、馬亦云:「樊纓,馬 之「鏤膺」。 禮》鄭司農注:「纓,謂當胷。」引《禮》家説:「纓當胷,以 是人帶有金爲飾,馬纓之革,其上亦有金曲鏤之,《小戎》謂 此及《嵩高》、《韓奕》曰 纓,唯金路鉤樊纓,鄭注云: 纓」、《嵩高 鉤 過連 言膺 《孟子・告子》篇「一鉤金」,趙注以爲「一帶鉤之金」。 「衛仲叔于奚請緐纓以朝。」《新書・ 緐,今俗作「繁」,「樊」爲假借字。 同 戍車縷膺,路車則鉤膺也。 ,明鉤在膺前。 本《周 《記》: 禮 「鉤膺」,或皆指金路言也。 説。 蔡邕《獨斷》云: 以今騐古,明鉤是馬婁頷也。」案 魏之閒謂之帔,自關而 「纓、轡、 鉤, 周 相似,故哀二十三年《左 妻頷之鉤 「纓,馬纓也。」既夕,士 禮 貝 勒 樊者,纓之飾。 巾 無鯀。 飾在膺 漢之羽葆幢以犛 審微》篇云: 縣于衡。」又《晉 車 「蘇纓在馬膺 也。」賈疏 》五路皆 成二年《左 前十 相 東或 鉤 似,是 即 굸: 有 《周 謂 前 削 樊 金

之「鞶」,謂今馬大帶也,纓,今馬鞅,與占説絶異。 賈、馬、蔡、許説樊纓大略相同,唯鄭康成讀 纓即馬帶 纓者,君之駕飾也。」是緐纓爲尊者之馬 人之纓結頷下,馬之纓結胷前。《小戎》傳: 人有緌纓。 「鞗革,轡首垂也。」鞗,當作「鋚」,詳《蓼蕭》篇。 ,以革爲之,緐下垂,其上有鉤金以爲飾,先鄭 緌與纓異材。 賤 及者止 有冠纓,尊者以緌爲飾 飾。 「膺,馬帶也。」 「樊」如 馬有 蘇纓,猶 「鞶帶 **《箋**

車

處也。《傳》嫌鄉爲六鄉之鄉,故明之。《殷武》傳亦云: 斯劣矣。【疏】「鄉、所」、所猶處也。 之」,以釋經 三命蔥珩。 黄朱芾也。 服其命服,朱芾斯皇,有瑲蔥珩。 穀之軝也,朱而約之。 方叔率止,約軝錯衡,八鸞瑲瑲。【傳】軝,長 「長轂之軝」,長轂,戎車也,《小戎》謂之「畼轂」。「朱而 鄉,所也。」〇「旂旐央央」,詳《出車》篇。 所也。 薄言采芑,于彼 皇,猶 方叔涖 約 言周室之强,車服之美也。 字。 煌 朱, 其 **煜炮**。 止,其車三千,旂 錯衡,文衡也。 飾 新田,于此 也。 瑲,珩聲也。 《考工記 中所者,謂此菑畝中 《傳》釋 中 言其强、美 瑲瑲,聲也。 【傳】朱芾, 液 央 鄉。 蔥,蒼也。 輪 人》説 「軝」爲 央。 傳

也。 同也。 字。 二寸之長,一爲賢,得六寸四分,三爲軹,得尺九寸二分。 革,爨聲。 也。」「錯衡,文衡」、《韓奕》同。 案段説約軝之制既明晰 之」、許云「以朱約之」者,既朱則似先朱其革,其 丸泰之,而摩之,革色青白而後朱畫之。 以革縷若絲嵌約之,而後施膠、 容戰之笵,盛戰於中,以治之飾之。 其革、《詩》所謂「約軝」也。 虚其一者,留以置輻也。《考工記》[帜]字即《毛詩》之「軝 革色青白,謂之轂之善。」鄭注云:「篆,轂約也。」《説 **轂必直,陳篆必正,施膠必厚,施筋必數,幬必負榦。** | 軝」下本《傳》訓 置轂之制,五分其轂之長,去 |東者, 衡之文也。 计曲輈。 《説文》:「쀓,車衡三東也。 軹者,同 幬而朱之, 軝所獨也。 曲 讀如《論語》「鑽燧」之「鑽」。 轅車 F音假借。 衡 ,引《詩》作「軝」,或作「軝」。 其約束之革, 或 湯謂以 取此尺九寸二分者,以革約之而朱 矣。 容如製甲必先爲容之容,先爲 金 本是幬而朱之,毛云[朱而 《烈祖》箋云:「約 飾 「錯」詁「文」者,謂衡上束文 施筋,而後幬之以渾革, 以 衡者,則誤 曲轅爨縛,直轅屋縛。 是曰 爲賢,去三以爲 陳篆者,刻畫其文,而 饕 或作「穳」。」案曲 容戰以下,渾戰 錯 以錯衡爲金戹 段注云:「大 · 饕聲 五分三尺 意一 軝, 軹。 既 相 轂 也。」 文》 摩 近 容 所 丽

即

《晉語 《正義》云: 美者斯劣弱矣」八字,今各本皆誤。 爲此詩《傳》。 衡,下有雙璜、 白玉珩也。 諸侯用黝珩,而不與三命同蔥珩者,明嫌之義也。 佩山玄玉,大夫佩水蒼玉。」玄玉即黝珩,蒼玉即蔥珩。 諸侯之卿大夫而言之矣。又《玉藻》:「天子佩白玉,公侯 竝有「三命蔥珩」之訓。《説文》:「卿大夫蔥珩。」亦統天子 九命與諸侯之上大夫三命者,皆用蔥珩,故此及《候人》傳 耳。 篇文、《傳》引此以證經「蔥珩」之義。又以明天子之上大夫 黄朱。」《斯干》箋亦云:「皇,猶煌煌也。」經言「珩」,故云 則是深於赤而淺於朱矣。《斯干》箋云:「天子純朱,諸侯 侯赤芾。 瑲,珩聲」。 「鎗」。」《五經文字》云:「《詩》或作「鎗」。」云「聲」者,鸞聲 必言其强美者,斯劣弱矣。《老子》曰: ○命服,上公之服,朱芾、蔥珩皆是也。 (※注: (人))注云: 此嫌方叔用天子服,故《傳》云:「朱芾,黄朱芾。」 「《詩傳》曰: 「其車三千,言周室之强。 《周禮• 蔥、蒼聲轉義同。 案《傳》文「言其强美斯劣矣」七字當作「其强 `衝牙,蠙珠以納其閒。」賈疏謂是《韓詩》。 玉府》注引《詩傳》曰: 衡 之長 『上有蔥珩,下有雙璜。』」王應麟以 容 「三命蔥珩」、《禮記・玉藻》 兩服。」《釋文》: 此蓋總釋全章之義。 路車朱芾、言車服之 「國家昏亂,有 「佩玉上有蔥 天子朱芾,诸 瑲 唯天子 本 又 外 作

振

義》誤作「矣」、《後箋》依李迂仲《集解》訂 於强美者,斯爲宣王承亂劣弱,美而言之也。」「美」字今《正 忠臣; 六親不和,有孝慈。』明名生於不足。 詩人所以盛矜

《詩》言誓師 嘽嘽, 於也。 丁寧」、《淮南子・兵略》篇「兩軍相當,鼓錞相望」,皆是也 三金之用」者,錞即錞于,唯戰則用之。 鐸四金皆與鼓相應者也。 鼓,以金鐲節鼓,以金鐃止鼓,以金鐸通鼓。」以錞、鐲、 ○「伐,擊」、《甘棠》訓同義别。 也。 急疾之鳥也,飛乃至天,喻士卒勁勇,能深攻入敵也。 至」、《爾雅・釋詁》文、《小宛》、《采叔》同。 伐鼓淵淵、振旅闐闐。【傳】淵淵、鼓聲也。 方叔率止,鉦人伐鼓,陳師鞫旅。【傳】伐,擊 戾,至也。 ; 旅, 復長幼也。 【疏】《晨風》傳: 鉦以静之,鼓以動之。鞫,告也。 如飛如翰」、《傳》:「疾 亦集於其所止,喻士卒須命乃行也。」《常武》「王旅 鴥彼飛隼,其飛戾天,亦集爰 ,則鉦即《大司馬》之鐸、鐲、鐃矣。 《説文》云: 方叔 %粒止, 而《大司馬》言「習戰辨鐸、 其 《周禮 如飛,擊如翰。]文義相 車 三千, 「鴥 《晉語》「戰以錞于 鼓人》: 《箋》云:「隼 疾飛兒。」「戾 師干之試 顯允方叔, 咋 「以金錞和 鐲、 【傳】 入日 爰, 同

рц

五三

叔也。 旅 證。 所以明習戰之節 語》作「丁寧」,韋注 者,「治」之假借字。 年數軍實,皆有治兵振旅習戰之事。《春秋·莊八年》: 訓,而不及治兵者,文從略也。 五申之。既畢,然後即敵。」○「顯允方叔」,言有顯德者,方 亦以鐸、鐲、鐃謂鉦之屬。 曰振旅,習戰也。」又《晉語》云:「治兵振旅鳴鍾鼓,以至于 《十月之交》「告凶」,《漢書》「告」作「鞫」,此古鞫、告聲通之 《傳》云「復長幼」即是「反尊卑」,本《爾雅》文。《爾雅》釋 「春王正月,師次于郎,以俟陳人、蔡人。 〈詩》兼及治兵,則振旅爲習戰。 旅闐翼 東京賦》注引《尹文子》云:「將戰,有司讀誥誓,三令 告,讀「誓誥」之「誥」。《周禮》:「誓用之于軍旅。」《文 `承「陳師鞫旅」之下,猶是未戰時。 允,語詞。 行 ·師習戰,亦皆有治兵振旅,並與《詩》言 「出曰祠兵,人曰振旅,其禮一也,皆習戰也。」祠 ,出爲治兵,尚威武也。 淵淵,讀鼘鼘,故云:「鼓聲也。」「伐鼓振 ,非進鼓退金之謂也。 <u>Z</u> 《穀梁傳》云: 「丁寧,謂鉦也。」鄭司農注《周 然則鉦其大名也。 蓋周制,春秋二時教民,三 毛《傳》但依經言「振 「出曰治兵,習戰也, 人爲振旅,反尊卑也。」 《爾雅• 甲午,治兵。」《公 鞫,讀與「告」同 《傳》云静動 振 釋天》: 旅 旅 同。 禮 作 人

盛气也。」《玉篇》:「嗔,盛聲也。」皆引《詩》作「嗔嗔」,與《箋》謂「戰止將歸」,寔失經、《傳》之恉矣。《説文》:「嗔,

「関関」

同

鐲,鉦也。」「鐃,小鉦也。」「鐸,大鈴也。」「鈴,令丁也。」《國

【疏】「蠢,動」、《爾雅·釋詁》文。 《御覽• 也。」郭注云:「蠢動爲惡,不謙遜也。」《書·大誥》篇: 焞,盛也。 嘽 元,大也。 蠻,荆州之蠻也。 弓 《殷武》傳: 蠻」,顏注云:「荆蠻,荆州之蠻。」又劉峻注《世説新語 動」義同。 大,猶,道也。 調》篇引《傳》與顏注同。 注及《通典・邊防三》引《詩》作「蠢爾荆蠻」。又《通典》及 土人亦不静,越兹蠢。」又「反鄙我周邦,今蠢」。 》傳: -,嘽嘽 蠢爾 兵五十八》載《漢書・賈捐之傳》引《詩 孌 「荆蠻」作「蠻荆」者,誤。《文選》左思《吴都 ·焞焞,如霆如 五官之長,出於諸侯,曰天子之老。 ·荆楚,荆州之楚國。」與 顯允方叔,征伐 荆蠻、大邦爲讎。 南蠻也。 方叔率止,執訊獲醜。 方叔 」荆蠻即荆楚。 各本經、《傳》皆誤,今據以訂 元老,克壯其猶。 雷。 【傳】嘽嘽,衆也。 玁 (此《傳》句法正同。 又《釋訓》:「蠢,不 《漢書 【傳】蠢,動 狁,荆 地理志》: 蠻 與《詩》「蠢 ?》亦作 戎車 也。 來 【傳】 壯, 《角 嘽 Ę 焯 荆 周 排

猶」爲「大道」者、言方叔爲天子之大老、克任其大道也。 自稱於諸侯爲天子之老,與《詩》、《禮》正合。《傳》訓「壯 行」。二杜注云:「獻公,王卿士劉子。」案劉子爲王卿士,故 告劉獻公,對曰:「天子之老請帥王賦,「元戎十乘,以先啟 伯。」注云:「老,謂上公。」昭十三年《左傳》:「晉侯使叔向 老。」鄭注云:「【九命作伯」,伯,分主東西者。」又《王制》: 老」之義。《曲禮》:「五官之長曰伯,自稱於諸侯曰夭子之 訓「元」爲「大」,元老爲大老,又引《禮記 爲國家難,自古而患之矣。」《後漢書·南蠻傳》亦云: 言黨衆繁多,是以抗敵諸夏。」竝謂荆蠻爲荆楚也。○《傳》 傳》引《詩》釋之云:「言聖人起則後服,中國衰則先畔,動 廣雅》: 方叔率止 《詩》「方叔元老,克壯其猶」,或本三家説,與《毛詩》絶異。 《鹽鐵論・未通》篇:「五十以上,血脈溢剛曰艾壯。」引 丹楊。」今湖北宜昌府歸州東南有丹楊城,即漢丹楊郡丹楊 成 「八伯各以其屬屬於天子之老二人,分天下以爲左右,曰二 」,《傳》: (地)宣王時之楚國尚居於此。 E 一時,封文、武先師 喧 ,執訊獲醜」,正言伐荆蠻之事。《常武》「王旅嘽 「嘽嘽然盛也。」此焞焞爲盛,則嘽嘽爲衆矣。 嘽 ,衆也。」嘽嘽、 黝熊 一之曾孫 焞焞,謂聲氣衆盛也。 大邦,謂諸夏也。 熊 繹 於荆蠻 曲禮》文以釋「大 ,爲楚子,居 《賈捐之 僖五. 明

稍異。 六年崩,即若敖之九年也。 二十九年,熊粤元年。三十八年,楚若敖元年。] 宣王四 二諸侯年表》:「宣王元年,楚熊霜元年。 弟争立,仲雪死,叔堪亡辟難於濮,而少弟季徇立。 雪、叔堪、季徇。 十二年卒,子熊咢立。 威,猶畏也。 漢書・李膺傳》言: 「馮緄前討 疏曰:「昔周大夫方叔、吉甫爲宣王誅玁狁,而百蠻 禦侮,雖遣賢臣尹吉甫,而帷幄主謀,總在方叔運籌之内 方叔未嘗北伐,此爲得其實。 方叔與張仲類列,則《六月》所云「飲御諸友」,中有方叔矣。 月》、《采芑》,征伐無道。 故守衛中國,功必歸焉。《易林‧離》、《小過》並云:「《六 《箋》云:「方叔先與占甫征伐玁狁。」鄭用劉子政説。 而因及征伐玁狁者、《六月》伐玁狁,其時方叔爲上公,折衝 皃。」並與「焞焞」同。 年《左傳》: 韋玄成傳》引《詩》「嘽嘽推推」,《廣韻 「荆蠻來威」,據《漢書・韋玄成傳》引《詩》訂 「天策焞焞,火中 攷《史記・楚世家》,熊嚴生子四人:伯霜、仲 熊霜元年,周宣王初立。 ○案詩章末正言方叔率師 九年卒,子熊儀立,是爲若敖。《十 張仲、方叔,克勝飲酒。」據焦説 與《世家》合。 成 又《漢書 :荆蠻,均吉甫之功。] 其説 《軍。] 亦 謂 光明之盛也。 七年,熊徇元年。 陳湯傳》: 蓋楚當夷、厲之 熊霜六年卒,三 帷 南征荆蠻 帷 熊徇二 從。二 劉 車盛 《後 《漢 正 + 向

《車攻》八章,章四句。

轉棙也

械,復會諸侯於東都,因田獵而選車徒焉。事,外攘夷狄,復文、武之竟土,脩車馬,備器《車攻》,宣王復古也。宣王能内脩政

也。 充實也。 足,尚疾也。 宗廟齊豪,尚純也;戎事齊力,尚强也; 我車 -既攻,我馬既同。 四 牡 維 邑 也。 龐龐,駕言徂東。 【疏】車,田 【傳】攻,堅; [車也。 《膽 【傳】靡靡 贴卬》傳: 田 同,齊 獵 齊

> 蒐之禮,故詩中連言田 中,會諸侯於王城。 邑」釋「東」,用意顯然矣。 命駕而往會諸侯耳。 故經言「徂東」、《序》箋云:「東都,王城也。」成王作邑土 贚,充實皃。」疑出三家,字異。東,東都,東都在鎬京之東, 「齊足尚疾」正訓經之「同」字、宗廟、戌事連言及之也。 明「齊」之義爲尚純、尚强、尚疾也。 事齊力、田獵齊足」、《爾雅・釋畜》文。《傳》引之,而又申 而已。」〇龐、充疊韻。 人《爾雅注》云:「田獵取往於苑囿之中,追飛逐走取其 「鞏,固也。」攻、鞏聲義相近。 雒」,今作「洛」,非 宣王中興,復會於此。「駕言徂東」,言 會有大射,射有中禽。 獵。 充實者, 彊盛之意。 其會諸侯本在王城、《傳》以 雒邑即王城。 同 」訓「齊」。 「宗廟齊豪,戎 詩因田 《群書治要》作 獵而修車馬,則 又宣王實有大 《玉篇》: 輸 舍 疾

焉。 發。 其中,褐纏旃以爲門,裘纏質以爲嫩, 行狩。【傳】甫,大也。 入,擊則不得入,左者之左,右者之右,然 天子發,然 天子發,抗 田車既好, 大綏; 後 諸侯發; 四牡孔阜。 諸侯 田 者,大艾草 八發,抗 諸 侯 發,然 東有甫草, 小 綏。 閒 以 後大夫、 容握 爲防,或 獻禽於 後 焚而 驅 駕言 士 舍 射 而

四 五 五

卷

下, 也 草以爲防」者,昭八年《穀梁傳》:「艾蘭以爲防。」蘭 因 乘。」其事尚在宣王末年,而亦可見圃田之常獵也。 説。 君章句》: 【疏】甫、《楚辭 褿 ○《傳》云「田者」以下,皆所以明甫草行狩之事。 《爾雅》: 成周,斷不在王城,故成周有宣王之謝,謝以講軍實者,殆 《墨子・ 餘 斯卉,窮則知踰界。 不言地名。 《後漢書 此也。 ·城之東,而圃田、敖山又在成周之東。 [十里。]是圃田、敖山俱在天子囿内,鄭説足申《傳》義矣。 》『仲夏,教茇舍』,鄭注云:「芨舍,草止也。 軍有草止之 「中牟縣圃田澤多麻黄草。 故 云「或舍其中」者、《正義》云: 攷圃田 《靈臺》傳: 明鬼》篇: 「火田爲狩。」郭注云: 此章言狩,下章言苗,苗爲夏獵,則狩非冬獵。 不 「圃,博也,有博大之茂草也。」毛、韓義同,而皆 班固傳》、《馬融傳》注引《韓詩》「東有圃草」、《薛 在今河南開封府中牟縣西北 鄭 出 《箋》以 頃, 九歎 囿 「周宣王合諸 《詩》所謂「東有圃草」也。」」案此本鄭 田 》注作 ,所以域養禽獻也。 甫草爲 不 出 防,不 圃。 (甫田之草。 《述征記》曰:『踐縣境便覩 「放火燒草獵,亦爲狩。」 侯而田於圃田, 「此屬夏苗之田也。 《文選》班固 逐奔 宣王當日之蒐在 ,與敖山 走,古 《 水 經 • 天子百里,諸侯 || 東 之 相去僅百 云「大せ 成周在 車 都 道 潧 小草 數 賦 《周 也。 水》 百

四

也。 作「蟄」。」奂疑「擊」、「蟄」皆「輦」字之誤。《傳》家「門槸」而 可互明。 下毛《傳》「驅而人」三字,即《穀梁》「流」字之義。 握流行也,謂車輪行也。 槸,車入門,去兩旁旃竿各容 木爲榦,是謂之椹質。 『褐」。」案毛《傳》言「裘」者,所傳聞異。 木。 立旃爲門,如設轅在兩旁,非謂更以轅表門如 旃爲門,猶以旌爲門矣。 門。」鄭注云: 旃四褐也。」案《大司馬》:「遂以狩 通帛旃之竿,以爲門之兩旁,其門蓋南開,竝爲二門 法也。」」云「褐纏旃以爲門」 去門旁一 而復以裘纏其上也。 云「裘纏質以爲槸」者,槸,讀爲闑,闑爲門之中央所豎短 《釋文》本作「轚」,音計。 [指爲四寸,是門廣於軸八寸也。]擊,《正義》本作 《猗嗟》傳:「二尺曰正。」質即正也。 《穀梁傳》: 《正義》云: 握。」毛《傳》「閒容」二字,即 「軍門曰和,今謂之壘門,立兩旌以爲之。」以 「以葛覆質以爲槷。」范注云:「葛, 云「閒容握」者,閒,門中也。 兩軸頭去旃竿之閒各容一 今以椹質爲門中闑 《穀梁傳》:「置旃以爲轅門。」言 劉兆注《穀梁》云:「絓也,其字亦 旁,門旁也。 」者、《正義》云: 握也。 田,以 車行至門兩輪之軹 《穀梁》「旁」字之義 《穀梁傳》: 質,椹質,侯 方二尺,四 ,則闑高當二尺 旌爲左右 以織毛褐 范甯說也 其詳略義 握。 門中置 流,旁 用 或爲 邊以 中的 和 布 之 四 纏 曰 車

走

是其明

證

矣。

説者俱

依 E

: 誤本作《周

禮

舟車》「醫

務以自供,命之曰招蹷之機。」機亦門中槸也。 人」者,謂車也,「不得人」者,謂輦也。 止,爲務以自佚之喻,此輦不得過槸之説也。 《車徒者爲有聲也。」「徒御不警」、《傳》:「徒,輦者。 「臣請教閭里使高其梱。」王許之。 《吕覽·本生》篇:「出則以車,入則以 車入里,門槸高,則車亦高,乃可過也。 ,以質爲之,質髙二尺。 塵馬、候蹏、揜禽、旅御者不失其馳。」《穀 ,而御輦者不入門也。 以過槸。 下文「之子于苗、選徒囂囂」、《傳》: 「楚民俗 輦之離地庫,不得過槸。 好庳車,王欲下令使高之。 《穀梁傳》: 御輦者,謂徒也。 田車之軹,離 居半歲,民悉自 《傳》云「驅 輦則至機而 「御輦者 地 此 崇三 維 **《**史 御, 輦。 凡 而 車 高 相 義也。 禽也。 苑 也。 不若是。 互」之「轚」,以爲 《御 《穀梁傳 **覽**

渦

做之説也。

車。」梱即槸。

記 •

公孫敖傳》:

尺三寸,故車可

言

中之樹

曰

不得人。

車軌、

梁》亦謂車入門

不垝遇,不捷草,越防不追。」並與毛《傳》略同。 不出防。《廣雅·釋天》:「刈草爲防,歐而射之,不題 綏,諸侯抗小綏,群小獻禽其下,天子親射之於旍門。一亦 已訖,田止而獘,文不同也。下,綏下也。 門旁聲互便不令車人門,以此教戰,試其能 右」者,左右,和之門也。 「輦」爲「鼈」,「轚」又誤爲「擊」,俾古制遂不可攷矣。 修文》篇:「百姓皆出,不失其馳,不抵禽,不詭遇,逐 大綏,大麾也。 總由不明門槸,又不明輦不得入門槸之制,誤 資産部十一》引《韓詩内傳》:「天子抗 車人門當驅, 《巾車》:「大麾以田。」《王制 過 防弗逐,不從 焚,火田 Щ 驅 也。 車又不可與門 奔之道也。又《説 發,發矢也。 大禽公之,謂 否田獵之儀 旁擊互 》謂 抗,舉 云 左 殺 其 大 獻

建旐 夏獵 也。 于苗,言往苗也。 選徒」,是有司之事,故《傳》云:「之子,有司也。」于,往, 古「曰」與「爲」通。 日苗。 設旄,薄狩 之子于苗,選徒囂 囂囂,聲 《爾雅 ;于敖。 《周禮》、《左傳》、《穀梁傳》並云「夏 也。 釋天》:「夏獵爲苗。」《傳 【傳】敖,地 維數 囂。 【傳】之子,有司 車 徒者爲有 名。 【疏】經言 聲 》所本 也。

毛《傳》嫌言「御輦者不得人」,則并其人而言,故直云「輦則

不得人」,謂徒所乘之輦不得

2入門

,而徒仍

八門也。

不得人 ",徒趨。

謂 馳

輦,

非

謂

徒

心也。

《周禮》言:

陳

表之中,車驟

1,徒走。」車入表,故曰驟

馳。

徒則步入表,故曰

趨

御 數

[馬者。] 此皆言車徒之事。

田

獵,有車有徒。

之車也。

徒,甸徒也。

徒爲御輦之人,輦爲徒所御之車名

車,天子、諸侯、大夫、七所乘

四

經文作| 敖前,在山南,今開封府榮澤縣西北有 以所狩之地言也。 敖」、狩于敖也、「薄」爲語詞。 乃釋鄭《箋》,非釋經文也,說詳段氏《詩經小學》。 記》去: 敖」、《初學記・ 經 應法也。 獵,無讙譁之聲,《傳》意固以 曰 算。 算、《説文》:「算,數也。」《大司徒》「撰車徒」,鄭注: 黄, 「維數車徒者爲有聲」,此有司豫備田獵之事。 至天子出田 「獸」者,因《箋》而誤。 濟水》注、《後漢書 唯《公羊傳》以 「囂,聲也。」重言之曰囂囂。 算車徒爲數,擇之也。」「撰 「獵亦曰狩,狩獸也。」鄭《箋》言:「田獵搏獸也。」此 「薄狩」之確證。 ○「薄狩」作「搏獸」,誤。 武部》作「搏狩」,「搏」亦「薄」之誤。 秦敖倉在山北,春秋時晉士季帥七覆於 爲 無夏 今「薄」作「搏 《釋文》: 安帝紀》注引《詩》皆作「薄狩干 《田,説 敖本山名、《傳》云、地名」者 「有聲」對章末「無聲」言,作 」與「選」同 異,詳《叔 徐 「搏獸,音博,舊音傅。 《文選・東京賦》、《水 」者,音近而誤。 · 邈讀 曰 嗷。 敖山 即 ()于田 ,故撰亦爲算。 此 篇。 「薄狩干 選,讀 「撰,讀 《初學 狩 相 爲 説

舄 也。 達屨也。 赤芾金舄,會同 駕 彼四牡 時見 四四 日會,般見 牡 **!**有繹。【傳】諸侯赤芾金寫。 一奕奕。 日 同 【傳】言諸侯 釋,陳也。 來會 【疏】

以金。 欲輕也。」」趙注《孟子》:「一鉤金,謂 制。 之義,自當以《疏》説爲是。 誤也。 傳 : 以銀,連以珠,良玉之絇,其長尺。」是古人本有以金飾屨之 與《采叔》傳「諸侯赤芾邪 夫前方、後挫角,形不同 卿、大夫同服赤芾矣。 會諸侯於東都,而又因會習射也。 屨。」盛屨,猶達屨也。 也。」與《傳》「達屨」同。《後箋》云:「達,猶《孟子》「達尊」 者也。」《小爾雅》云: 屨」釋「金鳥」,不徒釋「鳥」。 據《正義》 「鳥」 上有「金」字,不 金舃之義。 山,文不同也, 也。」「四 《韓詩章句》云:「奕奕 牡 「再命、三命皆赤芾。」再命大夫,三命卿,是諸侯與其 又[晏子對曰:「古者人君大帶重半鈞,爲履倍重,不 諸 《正義》云:「言『金舃,達屨』者,達屨,屨之最上 攷《晏子春秋・諫》篇曰:「景公爲履,黄金之綦,飾 誤候所 、牡奕奕」,與《韓奕》句同。 今本《傳》文奪「邪」字、「金」字,當補正。 乘。 唯色同赤耳。 《傳 「履尊者曰達屨,謂 **,盛貌也。」案弟四章、五章正言宣王** 或疑約在屢頭如刀衣鼻,似難飾之 然服同而制有異:公侯前後方,大 ||探下文「會同」,故 也,諸侯會以火、山,卿大夫會以 ·幅」句例相同,而下又申釋邪 《豳風》傳:『赤鳥,人君之盛 此《傳》云「諸侯赤芾金舄」, ○「諸侯赤芾」、《候人》 《文選》謝 帶鉤之金。」則此 호: 之金舄而 「言諸 惠連 詩注 侯來 金 達 幅 會 鉤 引

表。」《説文》云:「朝會,東茅表位曰蕝。」「釋」與「蕝」義亦 其旂而立。」案凡大會同,於宫、壇之上皆有陳列之位。 者」是也。 義》云「有陳於會同之位,言各以爵之尊卑陳列於其位次 上介皆奉其君之旂,置于宫,尚左。 侯覲於天子,爲宫,方三百步,四門,壇十有一尋,深四尺。 重三分兩之一。 以大半兩爲鈞。」則此云「大帶重半鈞」者,當是一帶鉤之金 謂大帶之重者,亦是 繹 [同]、《周禮・大宗伯》文。 陳」、《爾雅・ 此古人金舄之制,可爲明證者也。]○「時見曰會,殷見 《晉語》: 舃履倍重者,當是兩舃之金重一鈞爲大半 釋詁》文、《常武》、《贅》同。 一昔成王盟諸侯於岐陽,置茅蕝,設望 帶鉤。 鄭注《周禮》云:「今東萊稱 詩言會,而同則連及之耳。 公、侯、伯、子、男皆就 《覲禮》:「諸 Ê 或

拾, 或作「抉」。」《周禮》「繕人掌王之用,抉、拾」,「鄭司農云" 【傳】柴,積也。【疏】決,《釋文》:「作『夬」,本又作「決」: 『抉者,所以縱弦也。 《次。』《詩》家説或謂抉謂 遂 決拾既佽,弓矢既調。 也。 伙,利 也。 拾者,所以引弦也。 引弦彄也,拾謂韝扞也。」玄謂 射 夫 既 同, 【傳】決,鉤 《詩》云:「抉拾 助 我 舉 弦 柴。 也。 相近。

此也。 弦。 於正射時笥中取出亦謂之決拾、《詩》言 射》注:「遂,所以遂弦者也。」於「説 拾」凡十三見,「袒決、遂」凡十一見。 射儀》,其以「遂」釋「拾」者,亦本《禮經》爲訓。 《大射儀》「右巨指鉤弦」,注云:「右巨指,右手大擘,以 以持弦、從先鄭引《詩》家說。 以《禮經》之「極」即《衛風》之「韘」,與 《周禮注》:「抉者,所以縱弦。」是「抉 生者以朱韋爲之而二,死用纊又二,明不用 者,皆可以爲決。 《詩》云:「決拾既次。」正,善也。 抉,挾 「説決、拾」凡四見,「袒決、遂」凡十五見。《大射》言「説決 組繫,鑛極二。」鄭注云:「決,猶閱也。 裏,以韋爲之。』《儀禮 「抉用正,王棘若檡棘。」則天子用象骨與? 「其非射時則謂之拾,拾,斂也,所以蔽膚斂衣也。」《大射 排以 弦在旁挾,由便也。」毛《傳》以「鉤弦」釋「決」,正本《大 矢時 《大射儀》:「小射正奉決、拾以笥,坐奠笥于物南 (巾,取決,興,贊設決、朱極三。 所以 持 極,猶放弦也,以沓指放弦,令不挈指 弦 飾 · 士喪禮》:「決用正, 王棘若檡棘。 也,箸右手巨 其《詩》家説即《毛詩》説也 王棘與檡棘,善理堅刃 」則曰拾、《鄉射》注: 於「袒」則曰遂、《鄉 指。 「決」異物。]與「極」同物。 小臣 「決拾既依」,正謂 挾弓以 正贊袒。 也。」然則先鄭 士 韝 扞 箸 左 臂 喪 《鄉射》言 横執弦 禮 抉者,所 ¥ 後鄭 小射 也

遂

拾也。 Ĕ. 「爲政 卿、大夫繼射也。 王射三侯,以 既同,言已合耦也。 此《傳》「伙」訓 《箋》兼箸沓而言。 喪》又決、極竝舉。 手指又箸沓而相比次也。」《大射》決、極、拾三者竝陳、《士 調也。《箋》:「飲,謂手指相次比也。」《芄蘭》正義申 利」、《説文》:「伙,便利。」利,讀如 此諸侯之大射 公即席,司正以命升賓。 射,小射正以笥受決、拾,退奠于坫上,復位。 執弓,以袂順左右限,上再下壹,左執粉,右執簫,以授公, 正又坐 公親揉之。 《箋》云:「「手指相比 [侯之六耦。]注云:「大射,王將祭射于射宫,以選賢也 請射。」遂告曰:「大夫與大夫、士御於大夫。」」注 「御,由 「弓矢既調」,順弓拂矢也。 **取拾** 小臣師 侍也。 **,興,贊設拾,以笥退,奠于坫上,復位。** 諸侯爲六耦。」又《大射儀》: 利 也。 ○射夫,謂會同之諸侯也。 」實異。 《箋》與《杕杜》傳 詩言決不言極,文不備也,故《正義》申 以中 天子大射, 大夫與大夫爲耦。 《周禮》:「大司馬之職,若大射,則合 次」,亦謂巨指既箸決,左臂加 内拂矢,而授矢于公,稍屬。 賓升復筵,而后卿、大夫繼射。」案 調,和也。 意與諸 下文云「射夫既同」,即 「利弓矢」之「利」,利猶 次伙 「決拾既依」,取決、取 **提供同。** 不足,則上侍於大 訓 自 助 小臣正贊襲。 《傳》云「饮 同 「
作階前日
: 」略同,而 ,猶合也。 大射正 拾, 公卒 與 此

> 事也 射不中,不得取 《詩》,與《毛詩》字義不同。 薛綜注云: **学」。《玉篇》、《廣** 大夫射,故云: 澤宫」,即其事也。 夫,與爲耦也。」案下章《傳》云「其餘以與大夫、上以習射 「訾」之誤。 積,謂積禽也。 「胔,死禽獸將腐之名也。」、舉胔」,本二家 禽。 「助我舉積禽也。」下章《傳》云「田 韻》引《詩》皆作 《説文》:「訾,積也。」引《詩》作「助我舉 田 雖不得禽,射中,則得取禽」, 張衡《西京賦》: 大射之禮 掌」。 ,天子先射, 疑今本「柴」乃 「收禽舉胔。」 而后 雖得禽 是其 卿 於

£ 作情 《箋》: 手」、《傳》:「進止如御者之手。」所謂御者之良也。 反。 也。 也。 「倚」一字音義迥别。 爲之詭遇, 滕文公》篇:「王良曰:『吾爲之範我馳驅,終日不獲 【疏】四黄,猶四 「倚重較兮」,於綺反。 不失其馳,舍矢如破。 一字可證。 「猗,倚也。」「倚,於綺反。」《淇奥》「緑竹猗猗」,於官 四 [黄既 沒駕,兩 不倚,無偏倚也。 朝而獲十。 《節南山》「有實其猗」,「猗,於宜反。」 1牡也。 驂不 此篇「倚,於寄反」,則《釋文》本 猗,當 《詩》云:「不失其馳,舍矢如 · 猗。 作「倚」。 【傳】言習於 《大叔于田》兩 【傳】言御 《釋文》「猗」、 射 者 ◎益 之 . 驂如 御 良 法

解「如」字。」案弟六章、七章承五章助舉積禽而追敘田 曰:「如椎破物。」趙注《孟子》曰:「應矢而死者如破。」皆誤 『舍矢如破』與 訓 破。」」」所謂習於射御 「習」,则「習」亦訓 『舍拔則 法也。 「閑」矣。 《獲』同意,皆言其中之速也 [©]四 《釋詞》云: 「鐵》傳: 如 閑,習也。」「 破,而 ii 破也。 **愛** |獵獲 閑

整也。 者。 悠悠旆旌」爲「不讙譁」,即下章無聲之義,於田獵見軍旅之 古者以辭讓取,不以勇力取。 面 上 客,三日充君之庖,故 徒御不警,大庖 射不中,不得取禽; 十焉,其餘以與大夫、士以習射於澤宫。 計 「傷不獻,踐毛不獻,不成 一殺;射右耳本,次之;射左髀,達于右髃,爲下殺。 「徒,輦者。 不警,警也。 Ē 《説文》: -蕭蕭 ŝ 馬鳴,悠悠旆旌。 義 · :: 御馬者 謹, 譁也。」「譁 不盈,盈也。 不盈 諸 田 自左膘而 [徒皆爲徒行,此獨以爲輦者、釋 [,二「者」字各本作「也」字,依《正 雖 〇【傳】徒, 辇者。 不得禽,射中,則 禽不獻。 ·蘿也。」蘿 【疏】《傳》釋 射之,達于右隅,爲 【傳】言不謹謹也。 日乾豆,二 禽雖多,擇取三 ·譁二字雙聲。 田 「蕭蕭馬 得取 雖得禽 御,御 日 禽 鳴 賓 馬

爲説。 弟 爾。 皆爲徒行」、《黍苗》、《嵩高》傳皆云「徒,徒行者」是也。 乾而豆之,中薦於宗廟。 四年》公羊、穀梁傳田狩之事皆有其文,何休注云:「一 長。 寧也」、「不康,康也」、《卷阿》「不多,多也」、《玉篇》云: 多也」、《文王》「不顯,顯也」、「不時,時也」、《生民》「不寧 之,此其句例。 《傳》以「不」爲助句之詞也。 不誤。「徒御不警」,徒御警也。「大庖不盈」,大庖盈 用馬駕,故輦亦徒也。 訓》云: 盈1、《傳》因推廣乾豆、賓客,此《禮記·王制》及《春秋· 「不,詞也。」凡古人作詞,多由方語。 「御,御車者。」義與此同。警,各本作「驚」,《正義》作「警」, 也。」《釋名》:「輦,車人所輦。」《黍苗》、《嵩高》傳皆云: 行爲舍車,而徒輦以人輓行車,爲異。 一之殺也,自左膘射之,達於右髃,中心,死疾,鮮絜,故 初以語言之發聲,後爲文辭之助句,皆出自然,非有 毛公深明乎古人屬辭之意,故特發明之。 徒既爲輦者,故御爲御馬者也。」案《正義》謂 『徒御不警,徒,輦 《桑扈》「不戢,戢也」、「不難,難也」、「不多 《説文》: 二者,弟二之殺也,自左膘射之, 者也。』《爾雅》特釋此文,故 一字不成詞,則用一助字以足 「輦,輓車也。」「輓,引之 語有急緩,則詞 其實輦以人輓,而 ○經言「庖 諸 有短 依 者 也 不 徒 徒 Щ

六

卷

+

七

倬 所 獻,禽雖多,天子取三十焉,其餘與士衆以習射於射宫。 達於右 是以知占之貴仁義 Щ 射之宫,在國中者也。《穀梁傳》: 梁》云: 左』者、蒙上文可知。」《公羊注》作「達於右脾」。范注《穀 義》云:「亦自左射之,達右耳本而死者,爲次殺,不言「自 庖廚。」案何注、毛《傳》詳略相同。 自左膘射之,達於右髃,❷中腸胃污泡,死遲,故以充君之 「左膘右鶻」、《公羊》釋文云:「一本作『胘」,音賢。 「髃,肩前也。」」《箋》:「「射右耳本」,射,當爲「達」。」《正 《公羊》釋文引:「《字林》云:『肩前兩乳骨也。』《説文》: 《釋文》作「左脾」,云:「本又作「髀」,謂股外。」《公羊注》作 《説文》:「臜,牛脅後髀前合革肉也。」右腢,本或作「髃」, 中,田 《餘獲,陳于澤,然後卿大夫相與射也。 汙泡,謂旁光也。 命不中者、 『胘,牛百葉也。 □脾,遠心,❶死難,故以爲賓客。 「小腹兩邊肉也。」《説文》云:「脅後髀前肉也。」」今 「次殺、射髀髂死。」《傳》云「射左髀、達於右鶻」、 不得禽,則得 雖中,不取。 (而賤勇力也。)又《書大傳》:「凡祭,取 禽; 踐毛、《正義》作「翦毛」。 田得 何以也? 禽,而射不中,則不得禽。 「面傷不獻,不成禽不 左膘、《釋文》引: 三者,弟三之殺 所以貴揖讓之取 中者雖中,不取 澤宮爲習 . = 《説 也 射

> 射又主中。」鄭注云: 取也,于澤宮,揖讓之取也。澤,習禮之處,非所以行禮,其 賤勇力之取也。 曏之取也,于囿中,勇力之取也。 「澤,射宮也。」案此皆成文,與毛《傳 今之

侕

略同。

讙

雅》:「允、展,信也。」又「展、允,誠也。」允謂之信,展亦謂 訓・文章》篇引毛《傳》作「諠譁」,「諳 釋經「有聞」,而以「無讙譁之聲」釋經「無聲」。 于苗之有司也。 之信,展謂之誠,允亦謂之誠。 文》有「讙」無「諠」,知毛《傳》作「讙」不作「諠」矣。 都賦》所謂「先驅後路,屬車按節」是也。 展 「諠」、《釋文》作「讙」。 譁之聲。 訓 之子于征,有聞 「誠」、「允」訓「信」。 允矣君子,展也大成。【疏】之子,即 征,行也,猶歸也。 譁,上章《傳》言 「允矣君子,展也大成」,言信矣 無聲。【傳】有善聞,而 允、展同義也。 言田獵斁而歸也。 即 「不讙 「讙」之異體。 《傳》以 譁 析言之,則 也 灌, 有善聞 ◎◎爾 或 《家 《説 《東 無 作

⁰ 子静本、阮刻《春秋公羊傳注疏》改。 遠」,原作「達」,據中國書店影印武林愛日 軒 刻 本、

⁰ 子静本改。 「艒」,原作「 據中國 書 1店影印武林愛日軒 刻 本、

《吉日》四章,章六句。

《孝經》説:「房爲龍馬。」」●《釋天》:「天駟,房也。」郭注 牡也。 車既好,四牡孔阜」,此即謂乘牡之事。《爾雅・釋天》: 云:「龍爲天馬,故房四星謂之天駟。」《詩》之伯即《周 也」者、《箋》:「戊,剛日也,故乘牡爲順類也。」下文言「田 升彼大阜,從其群醜。【疏》傳》云「維戊,順類乘牡 禱其祖。 人》:「掌祭馬祖,祭閑之先牧。」鄭注云:「馬祖,天駟也。 人》:「春祭馬祖,夏祭先牧,秋祭馬社,冬祭馬步。」《廖 「既伯既禱,馬祭也。」郭注云:「伯,祭馬祖也。」《周禮・校 吉日維戊,既伯既禱。【傳】維戊,順頻乘 伯,馬祖也。重物慎微,將用馬力,必先爲之 禱,禱獲也。 田車既好,四牡孔 阜。 禮

> 同意。《説文》:「獲,獵所獲也。」〇從,逐也。 作「既驕」。《傳》以「禱獲」釋「驕」,與杜、許以「禱」釋「禂 雅》曰:「既伯既禱,馬祭也。」」杜以禂牲謂禱所獲禽牲,禂 《甸祝》:「禂牲、禂馬、皆掌其祝號。」杜子春注: 云:「獸三曰群。」 「禂」下引《詩》作「既禂」,今《詩》作「既禱」者,疑當從或字 《詩》、《爾雅》釋文云:「禱,《説文》作「禂」。」陸所據《説文 《繁傳》引《詩》「既禡既禂」,此「既禡」乃「既伯」之誤 是杜、許皆足以申成《傳》意矣。《説文》:「禂,或作「驃」。」 「禱,禱獲也」者,獲亦所獲禽牲,此即《周禮》「禂牲」之謂 微」之義。既言「將用馬力,必禱於馬祖」,而因又申釋之云 之禂馬,禂馬即祭馬祖也。《傳》云「重物慎微」,即《序》「慎 爲禱牲,即以禂牲爲馬祭,正本杜説。《詩》之禱即《周禮 牲、禂馬自爲一祭。《説文》:「禂,禱牲,馬祭也。」許以禂 爲馬禱無疾,爲田禱多獲禽牲。《詩》云:「既伯既禱。」《爾 之馬祖,故《傳》以 「馬祖」釋「伯」也。 禱者,祭馬祖 下章《傳 「禂,禱也。 而禱也。

吉日庚午,既差我馬。【傳】外事以剛日。

四六三

卷

^{●「}鄭注」至「龍馬」十五字,引文於阮刻《周禮注疏》爲

比

耳。 又作「壬」、「儀」又作「義」、「僤」又作「單」、「仕」又作「上」之 與此同。 作「麢」。」麌麌、韓奕》作「噳噳」、《傳》:「噳噳然衆也。」義 擇」、《釋詁》文。差者,參差不齊。馬亦有良惡之不齊。 曰:「吉日庚午。」」案翼治《齊詩》,此當是《齊詩》說。 午,剛日也。《出車》傳:「出車就馬於牧地。」牧地在郊外, 【疏】「外事以剛日」、《禮記・曲禮》、《表記》皆有其文。 本也。《靈臺》傳:「麀、牝也。」《説文》:「麀、牝鹿也。 有車馬」之「擇」。 行寬大,己酉主之。二陽並行,是以王者吉午酉也。《詩》 差馬,亦是順剛之類。 是差馬爲外事也。 天子之所。【傳】鹿牝 沮之水,麀鹿所生也。 「差」爲「擇」,與《車攻》傳訓「同」爲「齊」一意。 南方之情惡也,惡行廉貞,寅午主之。西方之情喜也,喜 慶」疑「虞」之誤,轉寫者涉上文「麀鹿」,遂誤卢頭爲鹿頭 「虞」即「噳」之古文假借字,如全《詩》用字之例,「任 也。 《説文》引《詩》作「噳」,云:「麋鹿群口相聚兒。」 獸之所同 ○《爾雅·釋獸》:「鹿牝,麀。」此《傳》所 上章言乘牡是外事,宜用剛日。 《傳》文互明耳。《漢書·翼奉傳》: 從漆沮驅禽,而致天子之所。 曰麀。● 麀 鹿 慶慶。 慶慶,衆多也。 漆沮之從, 擇,讀如「擇 此章言 差, 字或 庚 漆 訓

> 以燕左右」者,謂焚燒防草,復驅之以待天子之射也。」 之從,天子之所」者,謂驅禽而納諸防中也。言「悉率天子」 傍,從彼以至天子之所。 射之,天子先發,然後諸侯、大夫、士發。」然則此言「漆、泪 陳,車驅卒奔,驅禽納之於防,然後焚燒此防草,在其中 上戒衆,教示戰法。 云:「《車攻》疏述《傳》義:「以田法芟草爲防,未田之前,誓 孔所據《傳》「致」作「至」,《騶虞》正義引亦作「至」。 《後箋 此云驅之漆、沮、皆見獸之所在驅逐之事,以相發明也。」案 水,其旁地亦麀鹿之所生。《正義》云"「驅之於漆、沮之 文》無「麌」字。《潛》傳:「漆、沮,岐周之二水也。」漆、沮之 《韓奕》作 「噳噳」、《吉日》作 教戰既畢,士卒出和,乃分地爲屯。 上言乘車升大阜,下言獸在中原 「虞虞」,皆其理也。 《説 丽 既

日群,二日友。悉率左右,以燕天子。【傳】驅禽 或友。【傳】祁、大也。 瞻彼中原,其祁孔有。 趨 則儦儦,行則 儦儦俟俟,或群 俟俟。 獸 Ξ

0

八》改。

子静本、阮刻《毛詩正義》與《毛詩傳義類。 「牝」,原作「牡」,據中國書店影印武林愛日軒刻本、徐 釋獸弟十

亦驅也。 此鄭申毛也。《騶虞》傳:「虞人翼五豝,以待公之發。」翼 賦》注引《毛詩傳》「驅禽獸於王之左右」,與今本異。 云:「率,循也。 訓「安」,云「驅禽之左右,以安待天子」,《文選》張衡《東京 友,从二又,相交友也。」其即「獸二爲友」之義歟? 異,未知審也。 注引《薛君章句》:「趨曰駓駓,行曰騃騃。」《説文》:「俟,大 注:「験,音俟。」引《韓詩》「駓駓騃騃」。《文選・西京賦 同,故訓「大」,大謂原野廣大也。 《韓詩》字異聲同。 也。」引《詩》作「伾伾俟俟」,許宗毛,則所引是《毛詩》,與 某氏注引《詩》作「麎」,本三家《詩》。《後漢書・馬融傳》 地廣大,物又甚有。 「自三以上爲群。」「二曰友」,其義無聞。 之左右,以安待天子。【疏】中原,原中。 案上章《傳》言「驅禽至天子之所」,此言「之左右 「獸二曰群」,《國語 悉驅禽循其左右之宜,以安待王之射也。」 今《詩》作「儦儦」,而與 《箋》改「祁」爲「麎」。《正義》據《爾雅》 孔,甚也。 •周語》文,韋注云: 《説文》: 「伾伾」聲部 原田之中,其 「祁」與「頎」 「同志爲 ○「燕 《箋》 絍

咒。【傳】殪,壹發而死,言能中微以制大也。以御既張我弓,既挾我矢,發彼小豝,殪此大

以安待天子」,皆即《序》「奉上」之義

十五年、二十八年「上饗醴」、《周語》「王乃淳濯饗醴」、「王 奉上由於接下,故美天子田獵,而於章末推本言之。 薦鬯饗醴」,與此《傳》「饗醴」不同。 即用鄉人飲酒之禮,是亦曰饗也。 鄉人飲酒也。」「廳,天子饗飲辟癰也。」案天子四郊之學亦 爲響醴,又申釋「饗」之義爲「天子之飲酒」。《説文》:「饗: 曰辟廱,其郊射之宫曰郊宫,亦曰射宫。 客謂諸侯也。 詳《騶虞》篇。 不調,則羿不能以中微。」《傳》云「中微」,殆用其師説。 賓 客, 射,射遠中微者,縣貴爵重賞以招致之。」《議兵篇》: 射遠中微,則莫若羿、蠡門矣。」《君道篇》:「人主欲得 【疏】《爾雅》:「殪,死也。」發殪,矢發即死。 矣,而不能以射遠中微,則非羿也。」《王霸篇》:「人主欲 大者制,此射者之能事也。 「發」字以明意耳。 兕言殪,互詞,故《傳》以「壹發而死」釋經「殪」字,必兼上句 且 以 《傳》文「饗醴」上疑奪「醴」字,醴即酒也,醴 ○《六月》傳:「御,進也。」田禽以饗賓客,賓 酌醴。 小豝,微禽也。大兕,大禽也。 【傳】饗醴,天子 《荀子·儒效篇》:「弓調矢直 《左傳》莊十八年、僖二 此即《序》「接下」之事。 天子射畢而飲酒 小豝言發,大 之飲 微者中. 酒 也。 豝

卷十七終

詩毛氏傳疏卷十八

長洲陳奂學

鴻鴈之什詁訓傳弟十八 毛詩小雅

《鴻鴈之什》十篇,三十二章,二百三

十句

《鴻鴈》三章,章六句。

居,而能勞來還定安集之,至于矜寡,無不得《鴻鴈》,美宣王也。萬民離散,不安其

其所焉。

之子于征,劬勞于野。《傳》之子,侯伯卿士也。鴻,小曰鴈。肅肅,羽聲也。鴻鴈知辟陰陽寒暑。鴻鴈于飛,肅肅其羽。《傳》興也。大曰

列。 卿士也」者,侯伯,外諸侯之長,卿士,内諸侯之長。 二章就已安集言,三章就未安集言。 寒陽暑皆知所辟,是猶辟離散而歸安集也。首章言離散 伯,申侯也,卿士,召公、方叔也,皆有「劬勞于野」之事焉。 侯有救患分災之任,内諸侯有命事考績之職。 今之野鷻,鳴,其大者也。 鴻謂鴻鵠、《匏有苦葉》之鴈謂鷻,其正字作「鴻」作「鴈」。 《傳》文「鴻鴈知辟陰陽寒暑」,此八字各本攛人《箋》語。 此「鴻鴈」乃野鳥,其正字當作「鳴雁」。《説文》曰「雁鳥」即 也。《孟子》稱梁惠王顧鴻、鴈、麋、鹿,飛者之有鴻、鴈,猶 憐 走者之有麋、鹿耳。 劬 劬 「劬勞,病苦」、《豈風》同。劬、勞二字平列,鄭注《内則》云 《後箋》從《正義》述《傳》,今據以訂正。 「鳴」。」《鳥部》:「鴻,鴻鵠也。」「鴈,騀也。」《詩・九罭》之 《説文・隹部》:「雁,雁鳥也。」「难,鳥肥大唯难也。 力也。 一, 秀苦也。 ,勞也」是也。《釋文》引《韓詩》:「劬,數也。」韓讀不平 ○矜、憐疊韻、《尚書・多士》「予惟率肆矜爾」、《論 老無妻曰鰥,偏喪曰寡。【疏】鴻、鴈,二鳥名 爰及矜人,哀此鰥寡。【傳】於, 杜注《左傳》亦云:「大曰鴻,小曰鴈。」 經言羽,故云「肅肅,羽聲」也 ○《傳》云「之子,侯伯 鴻鴈以喻萬民。陰 宣王時侯 外諸 或作

子・原道》篇云: 下、《王制》所謂「老 别也。《傳》云「偏喪曰寡」,偏喪,猶偏亡,承上句「老」字連 汲汲哀矜此鰥寡之人也。《漢書·蕭望之傳》:「《詩》云: 哀皆憐也,憐人即是哀鰥寡。及,猶汲汲也。爰,語詞。 憐」,此矜、憐通訓之證。《爾雅》:「矜,苦也。」《傳》不用 《左傳》: 「舜年三十不娶,稱鰥。」則不老而無妻亦稱鰥。 「爰及矜人,哀此鰥寡。」上惠下也。」蕭習《齊詩》,與《毛詩》 《爾雅》,緣下句「哀」字立訓。 雷 「老無妻曰鰥」、《王制》「鰥」作「矜」。襄二十七年 [虚篇》作「予惟率夷憐爾」。 「齊崔杼生成及彊而寡。」鰥亦稱寡。 「雖有偏喪,不復更醮。」與此「偏喪」同。 而無夫者謂之寡」也。 《説文》:「憐,哀也。」是矜、 又《論語》「哀矜」作 《書大傳》: 髙 此通言無 注《 淮 言 哀 南

藪。○《箋》云:「《春秋傳》曰:「五板爲堵,五堵爲雉。」雉澤,得所安集也。「中澤,澤中」,此倒句。凡《傳》云「皋集,得所安集也。「中澤,澤中」,此倒句。凡《傳》云「皋。雖則劬勞,其究安宅。【傳】中 丈爲板,五板爲之子于垣,百堵皆作。【傳】中澤,澤中也。

不言孤獨者,文不備故爾

不同。 詳。 之説不同,而謂「雉長三、丈」與古《周禮》、《左氏》說又未嘗 丈,則板當六尺」,以破毛義,其説「板六尺」與毛「板 《箋》據《公羊傳》「五堵爲雉」, 丈。三堵爲雉,一雉之牆,長三丈、高一丈。 説:「一丈爲板,板廣二尺,五板爲堵。 堵爲一雉。隱元年《左疏》引《異義》古《周禮》及《左氏 堵」者,此豎言之也。板廣二尺,累高五板爲一堵,横長三 矣。」」奂案《傳》云「一丈爲板」者,此横言之也。 步於度長三丈,則雉長三丈也。 三國之一,則五百步也。五百步爲百雉,則知雉五步。 害也。先王之制,大都不過三國之一,中五之一,小九之 氏傳》說鄭莊公弟段居京城,祭仲曰:「都城過百雉,國之 十尺,雉二百尺。1二説不同,故鄭《駁異義》辨之云: 板爲堵,五堵爲雉。」何休注《公羊》取《韓詩傳》云: 長三丈,則板六尺。」《正義》云:「《韓詩》説:「八尺爲板,五 用其長。以度其高者,用其高也。」説與毛義同。定十二年 一。今京不度,非制也。」古之雉制,《書》、《傳》各不得 《公羊傳》:「雉者何? 今以左氏説鄭伯之城,方五里,積千五百步也。 至《公羊注》作「八尺曰板,堵凡四十尺」,與《左 五板而堵,五堵而雉,百雉而 謂「按五堵 雉之度量 一堵之牆,長丈、高 成一 以度其長者 一於 雉,雉 云五 是定 丈 大都 可 城。 板爲 疏 Ŧī. 知

四六七

卷

+

引《戴 困之人皆能安集康居之。 也。」「雖則劬勞,其究安宅」,言上之人雖是病苦,而其下窮 云:「鰥寡孤獨曰窮也。」《皇矣》、《閟宫》傳並云:「宅,居 極,此窮爲窮困,二《傳》訓同意别。 謂之窮。 窮」、《釋言》文。 舍,築牆壁」,如《箋》說,則是勞民役,非安民居矣。 郭,此正是勞來安集之事。《箋》謂「於壞滅之國徵民起屋 謂 起也。」宣王承厲之變,萬民離散,遷徙無常、《十月之交》所 板,當作「版」。 「徹我牆屋,田卒汙萊」也。 《禮》及《韓詩》説「雉長四丈」合,而於古説皆不可 《蕩》「靡屆靡究」、《傳》:「究,窮也。」彼窮爲 《版》傳云:「垣,牆也。」《無衣》傳云:「作, 凡詁訓,「窮」有二義,窮極謂之窮,窮困亦 此承上章末二句,而言其得 侯伯卿士爲之坏垣牆 高誘注《淮南 ○「兖, 時則》 ()補城 通 所 窮

子曰:「寡君未免於此。」」襄十六年《傳》:「穆叔見范宣子, 謂 文十三年《左傳》:「鄭伯與公宴于棐,子家賦《鴻雁》,季文 作「嗷」。」《説文》:「嗷,衆口愁也。 則 嗸 我 各然。 宣 鴻鴈于飛,哀鳴嗸嗸。【傳】未得所安集 騎。 維此哲人,謂 【傳】宣,示也。 我劬勞。 【疏】《釋文》:「嗸,本又 《詩》曰:「哀鳴嗷嗷。」」 維彼愚 人

也。

篇中三「劬勞」皆謂侯伯卿士勞來病苦之情

無及也。」「穆叔遂賦《詩》以譏晉不急魯難,亦是驕慢之意。 急,朝不及夕,引領西望,曰:「庶幾乎!」比執事之閒,恐 曰:「以齊人之朝夕釋憾於敝邑之地,是以大請。 曰:「以寡君之未禘祀、與民之未息。 慢,猶不急也。《左傳》云:「穆叔如晉聘,且言齊故,晉 我宣驕」,言智者謂我病苦, 勞」與「驕」作對文。「維此哲人、謂我劬勞。 敢驕之?」《秦策》: 也。 賦《鴻 「慢」。《芄蘭》傳云:「以驕慢人。」是「驕」有「慢」義。 杜 「無鳩」爲訓。 [注:「鳩,集也。」《傳》云「未得所安集」者,即本《左傳) 示,古「視」字。 雁》之卒章。 〇我,我侯伯卿士也。 宣子曰: 驕者,慢也。 「王兵勝而驕。」高誘注 白 而愚者 在此, 《吕覽·期賢》篇: .猶謂 「宣」訓「示」,宣 不然,不敢忘。]穆叔 敢 使魯無鳩乎?」」 我視 維彼愚人,謂 立並訓 民 以 敝邑之 「驕」爲 「吾安 慢 猶 「劬 也 人 明

〈庭燎》三章,章五句。

罪也。」遂復姜后,而勤於政事,早朝宴退,卒成中興之君。」 其傅母通言於王。王曰:「寡人不德,實自生過,非夫人之女傳·賢明》篇:「宣王嘗夜臥宴起,姜后待罪於永巷,使女傳・賢明》篇:「宣王當夜臥宴起,姜后待罪於永巷,使

案此與詩義合。 箴,猶戒也,與《常武》序同

夜如

如何其?

夜未央,庭燎之光。【傳】

燎之百,由齊桓公始也。」鄭注:「僭天子也。 皆爲燭。 非也。《巷伯》傳: 爲,以葦爲中心,以布纏之,飴蜜灌之,若今蠟燭。」案賈説 麻燭也。」賈疏云:「古者未有麻燭。 事,共墳燭、庭燎」,「故書「墳」爲「蕡」。 禮》「甸人執大燭於庭」是也。《周禮・司烜氏》「凡邦之大 謂之燎。燎設於庭,謂之庭燎、《箋》云「於庭設大燭」、《燕 夜半。《正義》從其説,誤。「庭燎,大燭」,大燭別於凡燭 也,此者,猶言已也、盡也。 奕》箋「且」訓「多」、《載芟》傳「且」訓「此」。多者,猶言久 王子 雝不明「且」字之義,遂改「且」爲「旦」,而以「未旦」爲 文》云:「久也,已也。」王逸注《楚辭》云:「央,盡也。」《韓 旦」、《釋文》本「旦」作「且」、《正義》從王肅本作「旦」。 央,旦也。庭燎,大燭也。君子至止,鸞聲將將。 【傳】君子,謂諸 「且」字是也。《箋》云:「猶言夜未渠央也。」《釋文》引《説 庭燎爲大燭,亦猶是爾。 **昭侯也。** 「使執燭放乎旦而蒸盡。」是薪蒸與麻蒸 將將,鸞鑣聲也。【疏】「央、 「夜未且」正與「夜未久」同意。 《禮記·郊特牲》: 庭燎所作,依慕容所 鄭司農注:「蕡燭、 庭燎之差,公 「庭 案

> 和之、聲旦警衆。 鸞,古作「鑾」。《文選》曹子建《應詔詩》,注引此詩 東也。」」○君子爲來朝之君子,故《傳》云:「謂諸 也。 蓋五十,侯、伯、子、男皆三十。」孔疏云:「此數出《大戴禮 「大祭祀,鳴鈴以應雞人。」鄭注云:「雞人主呼旦,鳴鈴以 「鑾」。鸞在鑣,故將將爲鸞鑣聲。鸞者,鈴也。《巾車》: 百者,皇氏云: 「作百炬列於庭也。」或云: 「百炬共 必使鳴鈴者,車有和鸞相應和之象。」 [侯也。] 正 作

《傳》」,非。《釋文》:「晣,本又作「哲」。」張衡《東京賦》作 《左傳》:「艾,息。」竝與《傳》「艾,久」義近。 【傳】噦噦,徐行有節也。【疏】《正義》云:「艾,取名於 ○「噦噦,徐行有節」,此與上章《傳》義互 艾,以言夜先雞鳴時。」《箋》與《傳》同。《正義》謂 也。《爾雅》:「艾,長。」《小爾雅》:「艾,止。」杜預注襄九 艾』與「未央」,其意同也。」案《正義》謂未央、未艾同意,是 夜久。昏似幼,旦似艾。言夜未於久,亦是未至於旦。 『未 耆艾。 艾者,是年之久。 「庭燎晢晢」。《書・洪範》云:「明作晢。」是晢晢爲明 從幼至艾爲年久,似從昏至旦爲 君子至止,鸞聲噦 明。 《箋》:「芟末日 將 將亦徐行 噦

四六九

卷

H

Л

艾,久也。

晣

晰,明也。

夜如何其?

夜未艾,庭燎

晣

晣。

【傳】

噦亦聲也。噦噦,當作「銊銊」,説詳《泮水》篇。有節,而噦噦亦鸞鑣聲也。《泮水》「噦噦」言其聲也。是噦

之時也。朝禮,别色始人。」言,語詞。《箋》訓「我」,失之。○《箋》云:「上二章聞鸞聲爾,今夜鄉明,我見其旂,是朝燎有輝」,猶云「庭燎之光」耳,故《傳》訓「輝」爲「光」也。「庭「向」字。《箋》:「晨,明也。」《説文》:「晨,早昧爽也。」「庭「向」字。《箋》:「晨,明也。」《説文》:「晨,早昧爽也。」「庭「宛、《笺》云:「上二章聞鸞聲爾,今夜鄉長,庭燎有煇。【傳】夜如何其? 夜鄉晨,庭燎有煇。【傳】

《沔水》三章,二章章八句,一章

六句。

《沔水》,規宣王也。【疏】《箋》云:《春秋傳》

曰:「近臣盡規。」

京師者,諸侯之父母也。【疏》《傳》以「水流滿」詁「沔」。母? 【傳】邦人諸友,謂諸侯也。兄弟,同姓臣也。嗟我兄弟,邦人諸友。 莫 肎 念亂,誰 無父嗟我兄弟, 非人諸友。 以彼飛隼, 載飛載止。減減也。水猶有所朝宗。 鴥彼飛隼, 載飛載止。

海,若《周禮》春朝夏宗」,非古説也。 宗毛者也,當據之以爲解。 之外來。《玄鳥》篇「四海來假,來假祁祁」,即其義也。 衆諸侯,水有朝宗喻諸侯有朝宗于王。海水外至,猶諸侯 詩言「朝宗于海」、《傳》乃釋之云「水猶有所朝宗」者,水喻 來若朝宗然。段氏因發明《尚書》「朝宗于海」,其義明晰 海,謂海水來朝見尊禮也。」案許解「朝宗于海」以爲海淖之 吸相通,恩禮相受,二州之文相爲表裹,古説如是。朝宗于 謂海淖上達,直至荆州也。 江既人」,謂江、漢之人海也。 通,海淖不上。至禹治之,江、漢始與海通。 于海者,謂彼此相迎受。 往來,朝宗于海,不失其時,如月行天。」注「行險而不失其 漢朝宗于海,唐虞之前也。]又曰:「濤之起也,隨月盛衰」 信」,曰:「水性有常,消息與月相應。」皆與許説合。 小大、滿損不齊同。」虞翻注《易》「習坎,有孚」,曰:「水行 篇》辨子胥驅水爲濤事,曰:「天地之性,上古有之,經江、 云: 「《説文》無「濤」篆,「濤」即「淖」之異體。《論衡· 「淖、水朝宗于海也。 (匏有苦葉))傳: 「瀰,深水也。」沔、瀰聲義相 从水,朝省。」淖,古「潮」字。 洚水之時,江、漢不順軌,不與海 鄭《詩箋》、《書注》並謂「納水趨 江、漢之水下赴,海淖上迎,呼 於荆州曰「江、漢朝宗于海」 海之朝宗、隼之飛止 近。 於楊州曰二 《説文》: 朝宗 段注 許

《傳》釋「父母」爲 肎, 可 邦人諸友爲異姓臣,而兄弟則爲同姓諸侯也。 以 念亂,誰無父母?』言將皆爲害,然有親者,憂將深也。」不 論・釋難》篇:「且夫一國盡亂,無有安身。 《詩》云:「莫肎 本。」亦其義也。 先釋「邦人諸友」,後釋「兄弟」,或言諸侯,或言臣,是互詞。 兩 :喻,皆興諸 「父母」爲「京師」,本三家《詩》。 也。 誰, 侯朝天子。 誰 「京 諸侯也。 諸侯不可念亂,應供王職也。 **於師」。** 首章言朝,次章言不朝。 《民勞》箋:「京師 同 異姓皆諸 侯, 來朝 者,諸夏之根 京師,故 莫,不; 《潛夫 ○《傳》

也。 字當衍。 蕩乎八川分流,相背而異態。」與《傳》「言放縱無所人」義 之假借。《宛丘》傳: 【傳】不蹟,不循道也。 諸侯無道 念彼不蹟,載起載行。 (傳》「言無所定止」義合。 高注《淮南子·精神》篇云:「飛揚不從軌度也。」與 鴥彼飛隼,載飛載揚。【傳】言無所定止也。 沔彼 《傳》: ,不來朝於京師。 流水,其流湯湯。 示 ·蹟,不 「湯,蕩也。」司馬相如《上林賦》: 弭,止也。【疏】湯湯,即 水之放縱,鳥無定止,興者,以喻 道 ○彼,彼諸侯也。 也。」《箋》云:「諸侯不循 心之憂矣,不可弭忘。 【傳】言放縱 《傳》文「循 無 「蕩蕩」 所 蕩 λ 法

> 《傳》義正本《雅》訓。 度。」《日月》傳"「適,道也。」《箋》"「不道,不循禮也。」《十 通。 亦所以止亂。 則起則行,言諸侯之跋扈,所謂不道也。 見《十月之交》篇。《説文》:「蹟、「迹」之或字。 改《傳》,誤增「循」字耳。《爾雅·釋訓》:「不蹟,不道也。」 教。」三《箋》皆以「不循」申《傳》「不道」之義,後人遂依《箋》 月之交》傳: 亦弭也 《周語》: 「徹,道也。」《箋》:「不道者,言王不循天之政 「至于今未弭。」賈逵注云:「弭,忘也。」是忘 《説文》: 今《爾雅》於「不蹟」下衍一「也 饵 Ŀ 也。 讀若沔。」「弭」與 弭者,所以解紛 迹,道也。」 」字,説 饵

【傳】疾王不能察讒也。 隼之飛,循陵中而至止。 無有禁止也? 懲、艾同義。 文》引《詩 度。』《漢書・賈誼傳》云:「諸侯軌道。」○「民之訛言」、《説 之懲。【傳】懲,止也。 「我友敬矣,讒言其興」,興,起也。 鴥彼飛隼,率彼中陵。 》作「譌言」,無 寧,猶胡也。 《十月之交》云:「胡憯莫懲。」句法正 《箋》云:「喻諸侯之守 「寧或之懲」,言民造作僞言,胡 「訛」字。 【疏】率、循也。 我友敬矣,讒言 我友,我諸侯也。 懲,艾也。 民之訛言,寧或 中陵,陵中 艾亦 其 職 止 順 興。 司 也 也 法

《詩考》以爲此詩《内傳》文。讒言其起,我諸侯敬共爾位, 一詩皆作於宣王盛年。《國語》:「三十二年春,宣王伐魯, 起,由於王不能察,故《傳》云: 十二年以後之作。 亦因喪師以爲規諫歟? 念京師,篇首直以江、漢朝宗于海發端起興,當時大夫,或 民于大原。」夫南國喪師,經無足徵。 立孝公,諸侯從是不睦。]又云:「宣王既喪南國之師,乃料 上之世,改封申伯於謝,作《嵩高》,命召公平淮夷,作《江 仍循守朝正述職之事,疾宣王,以規諸侯,亦以規宣王。 范曄《宦者傳論》注引《韓詩》:「讒言緣閒而起。」王應麟 申,南國,在江、漢之閒。江、漢、《禹貢》荆州域也。 《沔水》而下諸詩,皆當在宣王三 「疾王不能 此詩言諸侯放縱,不 察讒 |也。」《文選 宣

鶴鳴》二章,章九句。

【鳴》,誨宣王也。【疏】《箋》云:「誨,教也。

教宣王求賢人之未仕者。」

澤也。 鶴鳴于九皋,聲聞于野。【傳】興也。 言身隱而名箸也。 魚潛在淵,或在于渚。 皋,

【傳】良魚在

淵,

小 魚 在

渚。

樂彼之園,爰有樹

也。 【傳】錯,石也,可以琢玉。 也。 檀 經・汾水》篇謂即《爾雅》:「昭餘祁,并州藪。」是皋爲 有「于」字,誤。」昭二十八年《左傳》:「御以如皋。」酈注《水 【疏】《小箋》云:「古書引皆無「于」字,凡十四見。 , 其 下 尚有樹檀而下其蘀。 -維蘀。 【傳】何 樂於 舉賢用滯,則 它山之石,可以 彼 園 之 觀 乎? 可以 爲 唐石 治 蘀,落 國。

經

同。 以喻君子修德窮僻,名猶達朝廷也。」《韓詩外傳》云:「故 榮?』《論衡·藝增篇》:「言鶴鳴九折之澤,聲猶聞於天。 而勝。 之於外,務積德於身而處之以遵道。 外數至九。」鄭本韓申毛也。云「言身隱而名箸也」者、《傳〕 詩》:「九皋,九折之澤。」《箋》:「皋,澤中水溢出所爲坎,自 在渚者爲小魚,在淵者爲良魚,則良魚乃大魚也。 君子務學,脩身端行,而須其時者也。」皆引此詩,竝與《傳》 正用其師説。又《漢書・東方朔傳》:「苟能修身,何患不 日月,天下應之如雷霆,故曰:君子隱 合下章總釋其義。《荀子・儒效篇》: 「君子務修其内而 《傳》但釋「皋」爲「澤」,不釋「九」字。《釋文》引《韓 詩全篇皆興也。鶴、魚、檀、石皆以喻賢人。〇《傳》以 《詩》曰:「鶴鳴于九皋,聲聞于天。」此之謂也。」毛 如是,則貴名起之如 而顯,微而明 《四月 辭

之。 子·梁惠王》篇:「今有璞玉於此,雖萬鎰,必使玉人彫琢 南子・ 而欲求賢 於教玉人雕琢玉哉?」《漢書・ 文六年《左傳》「出滯淹」、杜注云「拔賢能」是也。 之蘀。 也。」石可琢玉,喻賢可治國,故又云:「舉賢用滯,則可 曰厝,故《傳》既訓 治國也。」滯猶隱也。 尚,庶幾也。 落謂死葉萎枝也。下章「穀、惡木」、●則此下藥即下惡木 落也。」下蘀,猶隕蘀。《爾雅》:「下,落也。」是下亦落也. 與鶴鳴皋一意,就賢者一邊説。以下就用賢者一邊說。 傳云:「大魚能 ○「何樂於彼園之觀乎」,以釋「樂彼之園」句。 魚而云良魚者,以其喻善人,故變文稱良」是也。 、詩》作「錯」,爲「厝」之假借。 厝爲攻玉之石,因之攻玉亦 ·厝,厲石也。《詩》曰:「它山之石,可以爲厝。」」高注《淮 至於治國家,則曰: 爰,語詞。《七月》篇「十月隕蘀」、《傳》:「隕,隊,蘀, 脩務》篇: 云「尚有樹檀而下其蘀」者,所以申明樂觀之意也。 ,譬猶不瑑玉 樹檀下蘀,喻用賢者而退小人。○《説文》: |逃處淵。」《正義》云「潛淵喻隱者。 「殲諸,治玉之石。」引《詩》亦作「厝」。 「錯」爲「石」,而又申之云:「可以琢玉 「用滯」與上文《傳》言「身隱」相應。 而求文采也。」②琢玉以比治國,義 「姑舍女所學而從我。」 則何 董仲舒傳》:「夫不素養十 之觀,往觀 案魚潛淵 不云大 以 **念孟** 異 以 今

與《傳》同。

《義疏》云:「荆、揚人謂之穀,中州人謂之楮。」《西山 「可以琢玉」,亦即探此章「玉」字爲訓 山之石,可以攻」,即「它山之石,可以錯」耳。 「鳥危之山,其陰多檀楮。」檀楮即《詩》之檀穀也。 《詩》穀同。《説文》、《廣雅》並云:「穀,楮也。」《正義》引 于朝。」《管子·地員》篇:「五位之土,其柞其穀。」 並與 攻,錯也。【疏】穀與《黄鳥》之穀同。《書序》:「桑榖共生 【傳】穀,惡木也。 潛在淵。 「惡木」,喻小人。○「攻」訓「錯」者,《傳》家上章立訓。 鶴 、鳴于九皋,聲聞于天。 樂彼之園,爰有樹檀,其下 它山之石,可以攻玉。 魚 在 上章《傳》云 于渚,或 維 《傳》云 【傳】 經營 亡它

祈父》三章,章四句。

「瑑」,《青經解續編》本作「琢」。案武英殿本《漢書》作

ø

《祈父》,刺宣王也。

官,以備不虞。」《馮奉世傳》:「奉世居爪牙官,前後十年 之爪牙,不可不重。《辛慶忌傳》:「右將軍慶忌,宜在爪牙 爲己腹心、股肱、爪牙。」《漢書 我王之爪牙, 席祈父也。 掌兵甲,故爲王之爪牙,帝司馬,所以刺宣王也。予,我也 卿、大夫采邑,不出兵甲,其馬、牛、車、輦亦半出焉。 卒,五卒爲旅,五旅爲師,五師爲軍。」蓋六鄉不詳田制,鄭 六遂皆在邦畿二百里内。 注以爲與六遂同。 圻之兵甲」者,「封圻」釋「祈」,謂「祈」即「圻」之假借。 掌封圻之兵甲。 云:「順壽萬民之圻父。」是鄭作「壽」也。《傳》云「職掌封 故曰祈父。《書》曰「若屬祈父」,謂司馬也。」《釋文》: 【疏】「祈父,司馬」、《箋》云:「此司馬也,時人以其職號之, 【傳】恤,憂也。 「翯,古「疇」字。本或作「壽」。馬、鄭音受。」《正義》引鄭注 邦畿。 祈父,予王之爪牙。【傳】祈父,司馬也,職 《周禮・小司徒》: 宣王之末,司馬職廢,羌戎爲 六遂不詳軍制,亦當與六鄉同。 胡轉 成十二年《左傳》:「略其武夫,以 三百里至五百里爲王子弟、公、 「五人爲伍,五伍爲兩,四 予于恤, 靡所止 陳湯傳》:「戰克之將,國 六鄉 居? 司馬 [兩爲 封圻 敗。

《詩》。 職廢者,蓋休父卒後,他人代之,其人不賢,故廢職也。 屯。 「《常武》美宣王命程伯休父爲大司馬,則休父,賢者也。 有地名千畝。」《正義》從孔晁,不從杜預,是矣。《正義》云: 以千畝之戰生,命子桓叔爲成師,杜預注云:「西河界休縣南 其致敗之由。 以申明「憂」字之義。云「宣王之末,司馬職廢」者,所以明 爲折 本紀》亦作「姜氏之戎」。 王不耕藉田,神怒民困,爲戎所敗,戰于近郊。」《史記 十九年,戰于千畝,王師敗績于姜氏之戎。」孔晁注云: 「羌」也。 云:「爪牙之士,怨毒祈父。」此與《箋》合,蓋亦本三家 字異義同。鄭《箋》以爪牙爲軍士。《易林・謙》、《小過 王爪牙,不脩其職。」案杜説是也。《玉篇・牙部》引《祈父 事,以同恤社稷,而使魯及此?」」杜注云:「詩人責圻父爲 見中行獻子,賦《圻父》。獻子曰:「偃知罪矣,敢不從執 牙。」竝與《詩》言「爪牙」正同。 「維王之爪牙」,此三'家《詩》,「予」作「維」,維,爲也。 羌,當作「姜」,字之誤。《正義》所據《傳》作「姜」不作 衝 ○「恤,憂」、《小雅・杕杜》同。《傳》云「羌戎爲敗」, 宿 《周語》:「宣王不藉千畝、號文公諫而不聽。三 將。」《後 此總釋全章之大恉,爲補明《序》「刺」之義 漢 書 桓二年《左傳》稱晉穆侯夫人姜氏 度 尚 又襄十六年《左傳》: 傳 備 位 一方伯, 爲 「穆叔 與毛 國 宣 周 言 爪

之「底」與《小旻》之「伊于胡底」同,作「底」者,誤也。 掌我王爪牙之事也。○《説文・厂部》:「底,柔石也。 此字从氏聲、《五經文字》石刻譌作「辰」,少一畫,不可從。 厂, 氐聲。 「低」與「底」音、義均別。」案底,都禮切。 或作「砥」。」段注云:「訓「至」者,底之引申義。

底,職雉切。

此篇

爾爾

與「事」同,假借字也。

上言「爪牙」,此言「爪事」,謂祈父職

从

予于恤,靡所底止?【傳】展,至也。【疏】士,讀

祈父,予王之爪士。【傳】士,事也。

胡

轉

雅》:「底,止也。」郭注云:「「底」義見《詩傳》。

爲孰食,「饔」與「飧」同。 範五行傳》:「聽之不聰,是謂不謀。」昭九年《左傳》:「女弗 【疏】「亶,誠」、《爾雅·釋詁》文。 《版》「不實于亶」,《傳》亦 恤,有母之尸饔?【傳】尸,陳也。 「誠」作實義解。 |而樂,是不聰也。||竝與詩「不聰」同。 .「亶,誠也。」二《傳》訓同而意别。 「聰,聞也。」亶不聰者,誠不聞也,責祈父之詞也。《洪 《郊特牲》亦云:「尸 祈父,亶不聰。【傳】亶,誠也。 此「亶」訓「誠」,「誠」作虚義解。《兔爰 、,陳也。」《伐檀》、《大東》傳竝謂飧 《説文》:「饕,孰食也。」隸變作 《版》之「亶」訓 ○「尸,陳」,《釋詁 孰 胡轉予于 食曰饔。 「誠」,

> 不言「陳父饔」,恐非經恉 不得終養爾。」亦此意也,所謂「養不及親」也。鄭《箋》順經 之尸饔」,「有母」二字當逗讀。之,猶則也。 雍,古「饔」字。 作釋,嫌母陳祭不辭,故云「母爲父陳饌」,然經言「陳饔」 出,有母不得終養,歸則 如雞豚之逮親存也。」」其下即引《詩》曰:「有母之尸雍。」 養而親不待也,木欲直而時不待也。是故椎牛而祭墓,不 饔」,謂陳饔以祭,志養不及親。」」《韓詩外傳》:「曾子曰: 「饔」。《正義》云:「許氏《異義》引此詩曰:「「有母之尸 「往而不可還者,親也。至而不可加者,年也。是故孝子欲 「出則銜恤,入則靡止。」彼《序》云:「民人勞苦,孝子 《外傳》與《異義》合。案此古義也。 惟陳饗以祭,是可 言我從軍以 憂 也。 有母母

《白駒》四章,章六句。

〈白駒》,大夫刺宣王也。

【疏】皎皎,白駒兒。 今朝。【傳】宣王之末,不能用賢,賢者有乘白 去者。繁,絆,維,繫也。 皎皎白駒,食我場苗。 白駒,賢者之所乘也。 所謂伊人,於焉逍 繁之維之,以永 經言白駒來食 駒 遥。 而

四七五

卷

+

猶朝」,亦承上章言也。 幼少者皆曰藿。《傳》不謂藿爲未,猶不謂苗爲禾也。「夕, 圃毓草木。場有苗,非禾也。 赤之少者曰藿,因之凡草木之 曰苗,因之穀、蔬初生皆曰苗。 人,於焉嘉客。【疏】「藿,猶苗」,承上章言也。 今夕。【傳】藿,猶苗也。 皎皎白駒,食我場藿。 縶之維之,以永 ○賢者乘白駒而去,故曰嘉客。 場、圃同 夕,猶朝也。 地,場即圃 所 禾初生 也。 謂 伊 場

逸樂無期以反也? 慎爾優游,勉爾遁思。《傳》公爾侯,逸豫無期。《傳》爾公邪,爾侯邪,何爲皎皎白駒,賁然來思。《傳》賞,飾也。爾

優游而勉以遠遁之思,言有遐心也。 《釋文》:「遁,又作「遯」。」「慎爾優游,勉爾遁思」,賢者誠 慎皆誠也。 其性,物致誠慤。」《荀子·不苟篇》云:「不誠則不獨。」是 《中庸》「慎獨一即是誠身。《禮器》「言慎獨」,鄭注云:「少 岵》不傳者,例不限於首見也。《大學》「慎獨」必本誠意 釋「逸豫」也。「慎,誠」、《釋詁》文、《巧言》同。《燕燕》、《晄 説合。《顔氏家訓・音辭》篇曰: 『邪,北人呼爲「也」。」據 合。J案胡説是也。 也,何爲逸樂無期以反也? 此,知毛《傳》「邪」亦與「也」同,謂爾宜爲公也,爾宜爲侯 云"「李氏《集解》引毛《傳》正作「爾公邪,爾侯邪」。 云"「依《正義》當「爾公」下增一『邪」字。」胡承珙《後箋》 慎, 矣。《廣雅》:「賁,美也。」「飾」與「美」義相近。○《小箋 卦》以況之。《正義》以爲思賢者,當以車服表之,得其義 色也。」」是實有襍色之文。盛飾不一色,故《箋》引《易・賁 白色也。」《説苑・反質》篇:「孔子卦、得《賁》,曰:「賁、非 賢者之來,有車服之盛飾。 云:「願其來而得見之,《易卦》曰:「山下有火,賁。」 賁,黄 誠 也。 優游,猶逸豫也。 【疏】「賁、飾」、《易・ 《爾雅》:「豫,樂也。」故《傳》以「逸樂 《傳》意探下公侯爲訓也。 如此,於愛賢、留賢之意 遁思,與下章 「遐心」同 序卦傳》文。 「思」與「期 飾然來者,言 韻 與段 《箋》 乃 Œ

遐,遠也。 《與稽茂齋書》,注引《毛詩》俱作「無」可證。 《長門賦》、顔延年《秋胡詩》、王粲《贈士孫文始詩》、趙至 屬》傳云:「如玉,德如玉也。」言德如玉之人,宜生芻一束 芻 不作「毋」。《文選》謝莊《月賦》、張華《思玄賦》、司馬 以要之也。《釋文》:「毋,本亦作「無」。」《毛詩》例作「無」, 託言禮所以養賢人。 古「豅」字。」《説文》:「豅、大長谷也。」空谷字可作「豅」作 【疏》《文選》班固《西都賦》、陸機《苦寒行》,注引《韓詩》作 書·司馬相如傳》"「嚴嚴深山之谾谾兮。」晉灼注云"「谾' 也。」古空、穹通用,故穹謂之大,空亦謂之大矣。《漢 「穹谷」、《薛君章句》云:「穹谷,深谷也。」《爾雅》:「穹,大 束,其人如玉。 皎皎白駒,在彼空谷。【傳】空,大也。 言賢者德音如金如玉 一束者,不以微薄廢禮也。 毋金玉爾音,而有遐心。 爾。 無以金玉之音,而有 ○ 芻所以萎白駒。 音,德音也。 《野有死 相如 生

《黄鳥》三章,章七句。

遠遁之心,此留賢以刺不留也

〈黄鳥》,刺宣王也。

耳。 集桑、集栩同。 游》、《尸鳩》、《下泉》、《狼跋》、《斯干》、《節南山》、《角弓》皆 喻」。若《桃夭》、《麟之止》、《江有汜》、《雄雉》、《中谷有 《傳》「興」、《箋》則明言「喻」、《傳》「興也」、《箋》言「興者 《傳》疑有錯誤。 也。 蓷》、《風雨》、《甫田》、《鴇羽》、《車鄰》、《墓門》、《月出》、《浮 宜也。不集木,不啄粟,是不宜也。此《傳》之反言興義也 今各本「者」上奪「興」字,而以「喻」下十六字誤《箋》作《傳 家離散,妃匹相去有不以禮者」義更重複,此當是《箋》語 《箋》乃正言興義也,所以申成《傳》説也。 《箋》云「興者,喻天下室家不以其道而相去,是失其性」,此 「黄鳥宜集木啄粟」文不承接,又與下文「宣王之末,天下室 末,天下室家離散,妃匹相去有不以禮者。 【疏】案 穀、善也。言旋言歸、復我邦族。【傳】宣王之 相去,是失其性。 例可證。 《傳》云「興也。 黄鳥,宜集木啄栗者,喻天下室家不以其 黄鳥黄鳥,無集于穀,無啄我粟。【傳】興 《鶴鳴》傳:「穀,惡木也。」穀木叢生。 ○「穀,善」、《東門之枌》、《甫田》同。「不我 云「天下室家不以其道而相去」,既與上文 黄鳥宜集木啄粟」,言宜,以言今之不 此邦之人,不我肎穀。 凡全《詩》通例 下二章 (傳) 道而

四七七

釋全章之恉。 釋全章之恉。 釋全章之恉。 釋全章之恉。 釋全章之恉。 釋之章之旨」訓「我」,「旋」與「還」通。歸,歸宗也。 「選車言邁」之「言」訓「我」,「旋」與「還」通。歸,歸宗也。 「我」,下「言」字與「曰」同義,句法相同。又《傳》於《泉水》 「我」,下「言」字與「曰」同義,句法相同。又《傳》於《泉水》 「我」,下「言」字與「曰」同義,何法相同。又《傳》於《泉水》 「我」,言不可善我也,《傳》所謂「有不以禮者」也。「言旋

適 年,與女子子在室爲父三年同。 出,則已。」案此謂女子子既嫁而歸宗,遭父喪,則爲父三 受以三年之喪。 年。」鄭注云:「謂遭喪後而出者,始服齊衰期,出而虞,則 明猶曉也。婦人歸宗,皆爲被出。歸宗,《草蟲》傳亦云: 經言「不可與明」、《傳》乃申說之云「不可與明夫婦之道」 旋言歸,復我諸兄。【傳】婦人有歸宗之義。【疏】 之人,不可與明。【傳】不可與明夫婦之道。 婦人雖適人,有歸宗之義。」歸宗,故婦人於母氏之黨不絶 人者爲昆弟之爲父後者。 《儀禮・喪服》「斬衰」節:「子嫁,反在父之室,爲父三 黄鳥黄鳥,無集于桑,無啄 受既虞而出,則小祥亦如之。 《傳》: 又「不杖期」節:「女子子 「爲昆弟之爲父後者 我粱。 既除喪而 此 言 邦

母既殁則歸於諸父昆弟,謂之小宗。 高祖王父,同高祖宗者也。 父,同祖宗者也。 親,明有歸宗也。 祖姊妹爲族祖姑。」案此謂女子適人,而姑姊不絶九族之 之姊妹爲高祖王姑。父之從父姊妹爲從祖姑。王父之從 何以 宗之家,猶之將嫁之女,祖廟既毀,則必教於大宗之室。 之姊妹爲王姑。 宗子,故爲大宗之子服齊衰也。《爾雅·釋親》[宗族]節 遷,所謂大宗也。」案此謂婦人適人,有出必歸宗,不自絶於 人,女子子在室及嫁歸宗者也。 祖也。尊祖故敬宗。敬宗者,尊祖之義也。」」注云: 爲宗子、宗子之母、妻。《傳》:「何以服齊衰三月也? 之義,故爲昆弟之爲父後者服期也。 明非一也,小宗有四。」案此謂婦人雖外成他家,有歸 者,不自絶於其族類也。 也。」」注云:「歸宗者,父雖卒,猶自歸宗。 「男子謂女子,先生爲姊,後生爲妹。父之姊妹爲姑。王父 亦 期 也? 曾祖王父之姊妹爲曾祖王姑。 婦 與宗同曾祖王父,同曾祖宗者也。 其姊妹與宗同父,同父宗者也。 人 雖 在外, 曰小宗者,言是乃小宗也。 婦人歸宗,父母在則歸父室,父 必 宗子,繼别之後,百 有歸宗,日 小宗既絶,則或歸於大 又「齊衰」節:「婦 其爲父後 小宗,故 高祖王父 與宗同王 與宗同 世 小宗 小宗 服 服 婦婦 尊 重 期 不

黄鳥黄鳥,無集於栩,無啄我黍。 此邦

人,字猶繫姓,明不與父兄爲異族。」
人,不可與處。【傳】處,居也。【疏】《殷其靁》、復我諸父。【傳】諸父,猶諸兄也。如宗四,大宗一,復我諸父也。五宗之父,諸父也。故《傳》云"「諸五宗之昆,諸兄也。五宗之父,諸父也。故《傳》云"「諸人,不可與處。【傳】處,居也。「詩旋言歸,

《我行其野》三章,章六句。

《我行其野》,刺宣王也。

人《箋》語者,非。「男女失道以求外昏,棄其舊姻而相怨」, 昏姻之故,言就爾居。爾不我畜,復我邦家。 傳,「蔽芾,小兒。」「樗,惡木」、《七月》同。王肅云:「行遇傳:「蔽芾,小兒。」「樗,惡木」、《七月》同。王肅云:「行遇惡木,言己適人遇惡人也。」案下二章《傳》兩言惡菜同。〇惡木,言己適人遇惡人也。」案下二章《傳》兩言惡菜同。〇思木,言己適人遇惡人也。」案下二章《傳》兩言惡菜同。〇思木,言己適人遇惡人也。」案下二章《傳》兩言惡菜同。〇思木,言己適人遇惡人也。」案下二章《傳》兩言惡菜同。〇思木,言己適人遇惡人也。」案下二章《傳》兩言惡菜同。〇思木,言己適人遇惡人也。」案下二章《傳》兩言惡菜同。〇思本,言國不養也。

大指,以申補《序》意也,篇義皆同。今據《傳》通例訂正。三詩與此詩之《序》皆謂刺宣王而作。《傳》乃總釋全《詩》《傳》例也。《祈父》、《白駒》、《黄鳥》傳皆云「宣王之末」,彼《傳》合下末章「不思舊姻,求爾新特」而總釋其義如此,此

【傳】復,反也。【疏】曾到《詩異同辨》云:「《説文》無 文。 《釋草》無文矣。滑而不美,故毛以爲惡菜。《箋》云:「邃) 茹,滑而不美,多噉令人下痢。 民要術》引《詩義疏》云:「今之羊蹄,似蘆菔,莖赤。 煑爲 譌。《説文·艸部》:「苗,蓨也。 昏姻之故,言就爾宿。 名牛蘈。」孫炎爲鄭君弟子,則鄭解《爾雅》當同孫説。 牛蘈。」似誤。今本《爾雅》:「藬,牛蘈。」無「蓫,牛蘈」之 **蓫,一名蓨。」據此,則此之「蓫」即《爾雅》之「苖」,不可謂** 而不采「篴」之例耳。《釋草》:「苗,蓨。」郭注:「未詳。」《齊 可相通。 「笛,从竹,由聲。」《周禮》作「篴」。 「蓫」。《釋文》:「蓫,本又作「蓄」。」竊疑「蓄」當爲「苖」之 即謂鄭據《爾雅》本作「遠,牛蘈」,而孫炎云:「車前 我行其野、言采其蓫。【傳】蓮、惡菜也。 許君《艸部》采「苗」而不采「蓤」,猶《竹部》采「笛 爾不我畜,言歸斯復。 楊州謂之羊蹄,幽州謂之 則從由、從逐之字,古文 从艸,由聲。」《竹部》: 車前

四七九

卷十

我諸兄」,復皆返也。「反」與「返」通。 也。 已久。○《九罭》傳: 思復邦國。」是焦所見《詩》亦作「蓄」。 其蓄。』《易林・ 是藥而 ·復、返也。」上章之「復我邦家」,與上篇之「復我邦族」、「復 《神農本草》:「羊蹄一名蓄。」陶隱居注引《詩》:「言采 (非菜,與下章「采當」不類矣。 巽桂》: 「宿,猶處也。」歸,歸宗也。 「黄鳥采蓄,既嫁不荅。 毛義爲長。」案曾説 「苗」之爲「蓄」,其誤 念吾父兄: 《爾雅》: 是

惡菜,故本《爾雅》當爲説。 者有臭氣,則毛釋詩之當爲惡菜,殆指躉茅而言。 漢祭甘泉或用之。 赤有臭氣。」案「一種莖赤」即郭注所謂「藑茅華赤」歟? 弁,一名蔓。 引《義疏》云:「河東、關内謂之葍,幽、兖謂之燕葍,一 楚謂之當,秦謂之蔓。 菌, 薆茅。」郭注謂菌華白, 薆茅華赤, 爲異名。《説文》: 【傳】新特,外昏也。 不思舊姻,求爾新特。 「藑茅,蘛也。一名蕣。」「蒏,葍也。」「葍,鷰也。」「嶷,艸也。 我行其野,言采其葍。【傳】萬,惡菜 根正白,著熱灰中温噉之。 其華有兩種,一種莖葉細而香, 蔓地生而連華。」《齊民要術》卷十一 祇,適也。【疏】《爾雅》:「菌,营。 ○特,讀如「實維我特」之「特」。 成不以富,亦祇以異。 飢荒可蒸以禦飢。 《箋》不謂 種莖 名爵 屯。 赤

> 《毛詩》,訓「祇」爲「詞」,與《傳》訓「祇」爲「適」,其義相 《庸 《論語・顔淵》篇引《詩》作「誠」、《毛詩》作 《伯兮》傳:「適,主也。」「誠不以富,亦祇以異」,富猶賄也,即 從衣之「衹」字。《易・坎》釋文云:「祇,辭也。 唐石經皆作「衹」。●《説文・衣部》無「衹」,疑唐以前本無 舊因。」謂夫也。」三家《詩》亦以 娶》篇云: 自述其既歸求適之詞,下二句更自敘其去之之故耳。 舊姻,求爾新特」,此承上文兩「復」字而言,其語氣爲婦 女之棄舊姻而求外昏也。故《傳》兼男女相怨爲説。 養婦,是則男之求外昏而棄舊姻矣。 家室,則新特謂新昏姻,故《傳》釋之云「外昏」也。 《氓》詩之「以我賄遷」也。 「誠」之假借字。 《傳》「妃匹相去有不以禮者」,亦此意也。 柏舟》傳云: 「姻者,婦人因夫而成,故曰 祇、《五經文字》從衣作「祇」。詩三「祇」字 「特,匹也。」新特與舊姻對文。 異猶貳也,即《氓》詩之「士貳其行 舊姻指夫,毛意亦然也 女既反而求適人,此 《白虎通義 《詩》云: 「成」,「成」即 馬同。」馬習 舊姻謂 夫不能 「不思 不惟 上篇 通 嫁 舊

● 「衹」,原作「衹」,據中國書店影印武林愛日軒刻本、

〈斯干》九章,四章章七句,五章章

五句。

馬相閒」,「古文「閒」作「干」。」是古文《禮》假「干」爲「閒」, 爲熒」之「泆」。《説文》:「泆,水所蕩泆也。」《傳》云「流行 茂矣。【傳】苞,本也。 兄及弟矣,式相好矣, 秩秩斯干,幽幽 彘,周室大壞,宣王即位,復承文、武之業,故云「考室」焉。 遠。 澗。」《伐木》傳:「幽,深也。」重其言曰幽幽,重其義則曰 也」,也、《釋文》作「兒」。干,讀與「澗」同。《聘禮・記》「皮 無相猶矣。【傳】猶,道也。【疏】秩,讀若《禹貢》「決 也。干调也。 亦干、澗聲通之理。《采蘇》、《考槃》傳皆云:「山夾水曰 《詩》則假「干」爲「澗 興者,喻宣王上承姜嫄、后稷而來,如澗之流,如 《斯干》,宣王考室也。【疏】考,成也。 幽 幽, 」也。《考槃》「襉」、《韓詩》作「干」,此 南山。【傳】興也。秩秩、流 深遠也。 如竹苞矣,如 厲王奔 仙之 松 行 深

> 同。 深,以言周家之室流長縣遠也。《生民》、《行葦》箋"「苞,茂 弟,九族之親。「猶,道」、《采芑》、《小旻》、《抑》、《版》、《訪落 固也。《生民》傳: 也。」「苞」與「茂」同義。 《抑》、《執競》傳:「無競,競也。」「無」皆爲發聲之助 道也。「無」爲助詞,無意義。《文王》傳:「無念,念也。」 道,當讀如「有道」之「道」。《傳》言兄與弟相攸好,相有 「茂,美也。」松美以喻枝葉美盛也。○兄 《傳》云「苞,本」者,竹本以喻本根深

笑爱語。【疏】似,讀與「嗣」同,其字作「似」,其意爲 路寢明堂也。《大戴禮•盛德》篇: 傳皆讀「似」爲「嗣」。《箋》云:「妣,先妣姜嫄也。 户也。不言東北者,文不具也。《詩》固不謂燕寢矣。」與謂 室圖》云:「路寢,其大室之西則西鄉户,大室之南則 有牖,四面洞達、《禮》所謂「外户而不閉」也。 八牖,三十六户、七十二牖。」明堂九室即五室,室各有户、 也。」「西南其户」、《傳》釋之云「西鄉户、南鄉户也」者,此謂 南其户。【傳】西鄉户、南鄉户也。 新君即位,必有脩治路寢,《閟宫》、《殷武》皆是也。 嗣」,此謂假借也。《裳裳者華》、《卷阿》、《江漢》、《良耜 似續妣祖、【傳】似,嗣也。 「明堂九室,室有四户、 築室百堵 爰居爰處,爰 江都焦循《宫 祖,先祖 不必如 ·; 西 南

四八一

卷 +

例 不兼下接居處笑語,文有連讀得義之例,亦有離讀得義之 盛之好,子孫蕃衍之美,故「西南其户」句不專上接百堵,亦 路寢、燕寢也。 君子將營宫室,宗廟爲先也。「築室百堵」,上承宗廟,下該 也。 爰語」,指燕寢也。 此章爲總括全章之意。 于時言言、下時語語」、爰即于時也、于時即於是也。 三家説,宣王改小寢廟,以滋後人宣王遷都張本。 此離讀之,乃得其意恉矣 「君子攸寧」承燕寢言也。 「爰居爰處,爰笑爰語」、《公劉》「于時處處,于時廬旅, 「西南其户」,指路寢也。「爰居爰處,爰笑 下章「君子攸芋」、「君子攸躋」承路寢言 「嗣續妣祖」,遠承先妣,近接先祖: 以下皆從燕寢,極稱室家聚 爱,於是 ○案

閣」、《考工記・匠人》注引《詩》作「格格」。《爾雅》:「格 言縮版之繩歷歷 閣,猶 也。」東曰輅,東之亦曰輅, 版,上下相承而起。」「束」與「縮」通。 爲「朿」者、《箋》:「約、謂縮版也。」《縣》箋:「以索縮其築 攸去,君子攸芋。【傳】芋,大也。 歷歷也。 約之閣閣, 椓之橐橐。 然也。 橐橐,用力也。 《説文》:「輅,生革可以爲縷束 `重言之曰輅輅。《毛詩》作「閣 云「閣閣,猶歷歷 風 【傳】約,東也。 【疏】《傳》詁 雨攸除,鳥 者 約 鼠 閣

> 之「大」。《晉語》云:「今君之德宇,何不寬裕也?」 訓「居」、《毛詩》作「芋」,訓「大」。大,當讀如「君子大居正 謂約椓攻堅,風雨攸除,各有攸字。」案:「家《詩》或作「字」, 《易》「重門擊欖」,而「榜」下引《易》作「擊梓」,此欜、梓通 「芋」與「宇」通。《大司徒》「媺宫室」,鄭注云"「媺,善也 亦「去」也。《悉蟀》傳:「除,去也。」《爾雅》:「宇,大也。」 力也。」橐、登聲轉而義同,故皆謂以力擊之之聲。○「除 之理也。《傳》云「用力」、《縣》「築之登登」、《傳》亦云:「用 格,舉 |榛檬」矣。《釋文》:「本或作「楴楴」。」《説文》「檬」下引 「欜」之假借字。《廣雅》:「欜欜,聲也。」蓋三家《詩》有 也。 閣 格 皆 即 、 略也。 《説文》: 椓, 撃也。」橐者 用

《菁青者莪》篇「樂且有儀」、「我心則喜」、《傳》:「喜,樂文,如鳥斯革。【傳】棘,核廉也。革,翼也。如棘,如鳥斯革。【傳】棘,核廉也。革,翼也。如棘,如鳥斯革。【傳】棘,核廉也。革,翼也。如如此,對下一之字爲下句之訓。下《傳》「革,翼也。如如此,對下一之字爲下句之訓。下《傳》「本,翼也。如如此,對下一之字爲下句之訓。下《傳》「本,翼也。如此,對

《箋》本此。○「棘,棱廉」,謂棱角廉隅也。《釋文》引《韓 《玉篇》引《詩》「如企斯翼」,作「企」字者,三家《詩》義,鄭 也。 皆備,成章曰暈。 矢戟其肘,如鳥夏暑希革張其翼時」、「伊洛而南,素質五色 鳥」、「如暈」也。 於「斯翼」、「斯飛」可依類明義,并不釋「如跂」、「如矢」、「如 也。」皆其例矣。 制 錯亂莫辨矣。跂,當爲「翄」字之誤也。「如翄斯翼」,翄即 於經外增義。 爵。」李注引應劭曰:「觚,八觚,有隅者也。」《説文》曰: 詩》亦作「朸」。《抑》傳:「隅,廉隅也。」《箋》:「如宫室之 詩》作「如矢斯朸」,云:「朸,隅也。」《玉篇・木部》引《韓 言翼之狀,猶下句「如暈斯飛」,暈即言飛之狀,文意一律。 文》:「翱,翅也。」本《韓詩》。 爲「翶」也。 (方言):「 楼, 枫也。」「枫」與「觚 ,内有繩直,則外有廉隅。」棘、朸同字也,棱廉、廉隅同義 《文選・ 是《箋》爲四「如」字作解。 翬,飛也。」《説文》: 《釋文》引《韓詩》正作「翶」,云:「翅也。」《説 西都賦》:「設璧門之鳳闕,上觚棱 轉寫者誤以《箋》語人《傳》文,俾毛、鄭兩家 《箋》乃云「如人之跂竦翼爾」、「如人挾弓 且《傳》爲「斯棘」、「斯革」皆即字作訓, 此章四「如」者,皆謂廉隅之正,形貌之顯 同。 革,古文「翱」,古文假借 革、翶同字,翼、翅同義也。 「翬,大飛也。 人跂竦翼、人挾弓矢,未免 《詩》曰: (而棲 革 有 金 丽

○《傳》訓「躋」爲「升」者,升,升堂也。室唯路寢有堂。翬斯飛。」」許作「有」,與今本異。《九經字樣》「如」亦作「有」

【傳】正,長也。 也。 義未聞。 其真已没。 當。 皆作「幼」。幼、古「窈」字。 恩《集注》、孫炎《爾雅注》作「窈」,而王肅述《傳》及郭璞 殖、踧一聲之轉。 涂,謂庭涂平正 煟煟也。 禮・誥志》篇:「幽、幼也。」「幼」與「幽」亦通。 本義之「窈」字,斯兩得之矣。《説文》:「冥,幽也。」《大戴 書假借之例,幼爲長幼之幼,陸、孔皆因其説,而於經義 遠,皆言宫室之廣大深遠,非謂人之長幼也。 ○「正,長」、《爾雅・ 「覺」爲「大」,而此訓「覺」爲「直」,與毛訓互易而實通。 孫、崔作「窈」,經義雖當,而於《爾雅》、毛《傳》之古字: 有覺,言高大也。 殖殖其庭,有覺其 《箋》云:「噲噲,猶快快也。 冥,夜也。 今讀「幼」爲「窈」,存其假借之「幼」字,而讀以 殖殖然也。《小弁》傳"「踧踧,平易也。」 有覺爲形容其楹之高大。《箋》於《抑》訓 冥,幼也。君子攸寧。【疏】庭,庭 釋詁》文。 言居之晝日則快快然,夜則焆焆然, 長讀平聲。長者廣大,幼者 噲 噲其 楹。 「冥,幼」、《釋言》文。 【傳】殖殖,言 正,噦噦其 正,畫 也。 郭、王不明六 噲 噲 噦噦,猶 噦噦 平正 冥, 注

章。此三家説,與《毛詩》同。 之如制,下章言子孫之衆多。上章謂前五章,下章謂後四之意。《漢書·楚元王傳》劉向説《斯干》之詩,上章道宫室也。」與《箋》義略同。○寧,安也。安即起下章「乃安斯寢」也。」與《箋》義略同。○寧,安也。安即起下章「乃安斯寢」。《漢書·楚元王傳》劉向説《斯干》之詩,上章道宫室之意。《漢書·楚元王傳》劉向説《斯干》之詩,上章道宫室。此三家説,與《毛詩》同。

姑之衣衾簟席。夫不在,斂枕篋簟席。」皆「簟席」連言,猶 袵席亦當然。《士喪禮》:「下莞上簟,袵如初。」則平常皆 簟」,疏:「斂此所臥在下大席與上襯身之簟。」又「父母舅 疏亦以此下莞上簟爲臥席,是孔疏亦不盡從鄭《箋》也 莞簟也。 義》云"「此「下莞上簟」雖是與群臣燕樂之席,其室内寢臥 席,非行燕鋪陳之席。《箋》乃云:「鋪席與群臣安燕。」《正 席」、「今文「萑」皆爲「莞」」、莞、萑古通用、葦之屬。《載驅》 維麗、維虺維蛇。【疏】《儀禮・公食大夫・記》「萑 我夢。【傳】言善之應人也。 (内則》「斂枕簟」,注: 「方文席曰簟。」《説文》:「鏸,竹席也。」莞、簟皆安寢之 下莞上簟,乃安斯寢。 其寢臥之席,自天子以下,宜莞簟同。」又《禮器》 「簟,席之親身也。」又「御者斂席與 吉夢維何? 乃寢乃興,乃占 維 能

> 别一穜。《正義》引之,誤也。 猶熊、羆同類也。《爾雅》:「蝮虺,博二寸,首大如擘。」爲夢也。《吴語》:「爲虺弗摧,爲蛇將若何?」此虺、蛇同物,夢也。《吴語》:「爲虺弗摧,爲蛇將若何?」此虺、蛇同物,

也,故爲生男。虺蛇穴處,陰之祥也,故爲生女。」維蛇,女子之祥。【疏】《箋》云:「熊羆在山,陽之祥

也。 璋。 云"「裳爲下飾,以璋配裳,故知爲臣之職也。 「在下曰裳,所以配衣也。」《説文》:「弄,玩也。」《正義 後「裳」。「裳,下之飾」,昭十二年《左傳》文。《有狐》傳: 璋末不剡可知。 《説文》剡上爲主,半圭爲璋。案上者,末也。剡末爲圭,則 樸》傳作「主」,不誤。《周禮・典瑞》「璋邸射」,鄭司 《箋》云:「男子初生而臥於牀,尊之也。」「半珪曰璋」,《棫 云:「射,剡也。《爾雅》曰:「邸,本也。」」是璋本剡 其泣喤喤,朱芾斯皇,室家君王。【疏】 【傳】半珪曰璋。裳,下之飾也。璋,臣之職 乃生男子,載寢之牀,載衣之裳,載弄之 《傳》例先釋字義,再釋經義,故先「璋」而 宣王子孫當 出也。

《傳》:「宜君王天下也。」此其義。《箋》云:「芾者,天子純 子朱芾。皇,猶煌煌也。《傳》意以宣王之適子世爲君王, 藻》疏誤引此《箋》以爲《傳》文 朱,諸侯黄朱。 服其朱芾煌煌然。 是也。」○《説文》:「喤,小兒聲。《詩》曰:「其泣喤喤。」」天 從王行禮者奉璋。」又《棫樸》曰:「奉璋峨峨,髦士攸宜。」 父,當先知爲臣子也。」璋而得爲臣職者,王肅云:「群臣之 爲君,而言臣下者,王肅云:「言無生而貴之也。 《假樂》箋亦云:「或爲諸侯,或爲天子。」鄭不與毛同。《玉 宣王所生之子,或且爲諸侯,或且爲天子。」 《假樂》篇:「穆穆皇皇,宜君宜王。」 明欲爲君

也。

衣也。 弱,主下人也。」」裼,讀爲襜,假借字。 《後漢書·曹世叔妻傳》:「《女誡》云:「臥之牀下,明其卑 瓦。 許用三家《詩》字,而説解仍用毛《傳》。《説文》:「緥,小兒 威儀也。 酒食是議,無父母詒罹。 · 禘」,「禘」即「禬」。《説文》:「禬,緥也。」引《詩》作「禬」。 【傳】裼,褓也。 俗作「褓」。」《正義》引侯苞《韓詩翼要》云:「示之方 乃生女子,載寢之地,載衣之裼,載弄之 雁,憂也。【疏】《箋》云:「臥於地,卑之也。」 瓦,紡塼也。 【傳】無儀,婦人質無 《釋文》引《韓詩》作 無非 無 、儀,唯

> 《説苑•襍言》篇:「子獨不聞和氏之璧乎? 安父母」之意也 酒食是議」,言婦人不與外事,故無過失,尚質無威儀,乃酒 勞,主執勤也。」○非,猶過失也。《傳》文「婦人質無威 以之閒紡,曾不如瓦塼。《女誡》云:「弄之瓦塼,明其習 《釋文》:「罹,本又作「離」。」無父母詒憂者,即《葛覃》「歸 饋食之閒而已矣。」盧辯注即引此詩。 食之是議也。《大戴禮・本命》篇: 「婦人不出閨門,事在 「維」、《魯詩》作「唯」,此其例。維,猶乃也。「無非無儀,維 也」上奪「無儀」二字,今依《小箋》補。經言「儀」、《傳》云 「鏰,紡錘。」《集韻》: 祇作「專」,今俗作「塼」,又作「甎」。《廣韻・二十霰》: 絲,以竹爲之者,二物也。《説文·寸部》作「紡專」。案古 「瓦」, 紡即絲紡, 博, 所以持絲, 以瓦爲之。 「威儀」,與《東山》經、《傳》同。 明緥制方,令女子方正事人之義。」《傳》以「紡塼」釋 「韉,一曰紡甎。」是紡專又名鑛也 唯,當爲「維」,《毛詩》作 「罹,憂」、《兔爰》同 與鹿車所以收 價重千金,然

> > 513

無羊》四章,章八句。

《無羊》,宣王考牧也。【疏】《斯干》營室、《無

四 八五

+

卷

羊》畜牧,皆是官王遭亂中興,國家殷富 也

欇爲摇動。 其左翼,言休息也。」是戢戢有聚息義。《玉篇》:「餓,牛 作「戢戢」。《桑扈》、《時邁》傳:「戢,聚也。」《鴛鴦》傳:「戢 牛 ? 本三家《詩》義。 ○《釋文》:「瀓,本亦作「戢」。」疑古本《毛詩》作「戢戢」,後 者,牛以黄爲正色。 其角 脣也。《詩》曰:「九十其犉。」」段注云:「《爾雅》不言黄牛 犉。」舍人注云: 人涉下「溼溼」因誤加水旁耳。《御覽・獸十四》引《詩》正 脣曰犉」、《良耜》「殺時犉牡」《傳》同。 思,其角濈濈。 "牛七尺爲犉。」邢疏引《尸子》説大牛爲犉七尺,此别義。 蠹。」❷《詩》釋文引郭注云:「食已,復出嚼之也。」 或其耳」、《釋文》: 又角堅皃。 而息濈濈然,呵 誰謂 九十其犉。【傳】黄牛黑脣曰犉。 「溼溼」與「欇欇」聲、義皆相近。《傳》云「呞 爾無羊? 溼溼,耳動之兒。 或作「戢」。」案「艥」亦「戢」之俗。 「黄牛黑脣曰犉。」●《説文》:「犉,黄牛黑 凡不言何色,皆謂黄牛也。」《爾雅》: 「呞,本亦作「鮐」。」《爾雅》: 爾牛來思,其耳溼溼。《傳】聚 而動其耳溼溼然。【疏】「黄牛黑 三百 《爾雅》:「楓,欇欇。」攝 「維群。 《爾雅》:「黑脣、 誰 爾羊 謂 角堅,或 牛 爾 曰 而 多 來 無

> 衣。 持也。」《伐木》傳:「餱,食也。」《傳》云「異毛色者三十」,「毛 衰笠,時雨既至必求之。」亦「衰笠」連言也。 以備雨也。 《資産十三》引《傳》作「御」。 《候人》同。 所據正作「吪」。《釋文》引《韓詩》作「譌」,云:「譌,覺也。」 也。」《玉篇・口部》引:「《詩》:「或寢或吪。」吪,動也。」其 訛,當爲「吪」。《兔爰》「尚寐無吪」、《傳》亦云:「吪,動 【傳】何,揭也。 十維物,爾牲 訛,動也。 「譌」同「寤」,寤,覺也。 秦謂之萆。」《艸部》:「萆,雨衣。 或 降 「笠,所以禦暑」、《都人士》同。《御覽・器物十》、 蓑,即「衰」之俗。 爾牧來思, 于 呵, .則具。 【傳】異毛色者三十也。 【疏】 蓑,所以 或 毛、韓字異而意同。 飲 御、禦古今字。 備 何 于 《説文・衣部》:「衰,艸雨 雨。 池 蓑 何笠,或負 笠,所以禦暑。 或寢或訛 曰衰衣。」是衰所 《小宛》傳: 《越語》: ○「何,揭」 其 「譬如 「負 餱。 傳

釋

0

⁰ 子静本、阮刻《毛詩正義》改。 「犉」,原作「脣」,據中國書店影印武林愛日 軒 刻 本、

子静本、宋監本《爾雅 「牛」,原作「半」,據中國書店影印武林愛日軒刻本、徐 獸》改。 釋獸》、 阮刻《爾 雅注 疏

「收皮効物。」郭注云:「物,謂毛色也。」即引此詩。色」釋「物」。 鄭司農注《犬人》云:「物,色也。」《穆天子傳》:

굸 不騫者、《左傳》所謂「碩大蕃滋」也。 掉。」是燿爲小也。《梓人》又云:「小體騫腹。」騫亦小也 哨後」。鄭注云:「燿,讀爲「哨」。哨,小也。」下「哨」今作 下句「不騫不崩」之謂。 文》:「競,彊語也。」兢、競雙聲。《傳》云「以言堅彊」者,即 **宣十六年《左傳》引《詩》「戰戰兢兢」,本亦作「矜矜」。** 「大胷燿後」、《玉篇・口部》及《後漢書・馬融傳》作「大匈 來既升。【傳】肽,臂也。升,升入牢也。【疏】矜、兢 言堅彊也。 「頃」,誤。 來思,矜矜兢兢,不騫不崩。【傳】矜矜兢兢,以 《小箋》從《集注》作「曜」。 「矜矜」與「兢兢」同。《桑柔》、《烈文》傳:「競,彊也。」《説 「甄、讀爲「甄燿」之「甄」。 群 《説文・兄部》: 「競,競也。 爾牧來思,以薪以蒸,以雌以雄。 £疾,謂病者衆也。」案不崩者,《左傳》所謂「不疾瘯 《後漢書》注不誤。《玉篇》同。《周禮・典同 騫,虧也。 「騫,虧」,崔《集注》「虧」作「曜」。 崩 「曜」同「燿」。《考工記・梓人》 **,**群疾也。 甄,猶掉也。 讀若矜。」隸變作「兢」。 「崩,群疾」,《小箋 麾之以肱,畢 鍾微薄則聲 爾 羊 是

> 用臂曰麾。 上皆謂之肱。《傳》訓 蠡」也。 《君子于役》云:「日之夕矣,羊牛下來。」「日之夕矣,羊牛 「太,臂上也。 污,或能合群致死。」此與《傳》「群疾」之訓合。 《齊民要術》云:「羊有疥者,閒别之。 升,猶登也。 或从肉作「肱」。」「臂,手上也。」手以上、臂以 「肱」爲「臂」者,渾言也。 古登、升通用。 云「升入牢」者 ○《説文》: 不别: 以手曰招 , 相 染

下括。」是其義也

此與詩義合。 後復予民,魚迺出。」夫陰陽之感,物類相應,萬事盡然。」案 魚不出。」1長老皆言:「武帝時,縣官當自漁,海魚不出。 望之奏言:「故御史屬徐宫,家在東萊,言: 是爲豐年也。《漢書·食貨志》:「宣帝即位,御史大夫蕭 年。「實維豐年」,實,當作「寔」。 衆其魚,言魚之多。 也。 衆多矣。 上「維」字訓「其」,下「維」字訓「與」,言衆其魚,旐與旟也 占之,衆維魚矣,實維豐年。 旅旗,所以聚衆也。【疏】「衆維魚矣,旅維旗矣」, 牧人乃夢,衆維魚矣,旐維旟矣。 旐維旗矣,室家溱溱。【傳】溱溱,衆 詩以魚之衆多,卜年之豐稔。 云「陰陽和,則魚衆多」者,魚衆多爲豐 寔,是也。 【傳】陰陽和 今浙東人歲終 「往年加海 維,爲也。 ·, 則 大人 言 鱼

+

應之夢云:「旐旟,所以聚衆也。」 「蒸徒增增」,《傳》:「增增,衆也。」溱、增聲轉而義同,若 「燕往增增」,《傳》:「增增,衆也。」溱、增聲轉而義同,若 上篇占子孫之衆多,此篇占室家之會聚,故《傳》又申占旐 上篇占子孫之衆多,此篇占室家之會聚,故《傳》又申占旐 上篇占子孫之衆多,此篇占室家之會聚,故《傳》又申占旐 大人 為多卜來歲之豐,魚少卜來歲之歉,古遺意也。○《閟宮》

卷十八終

詩毛氏傳疏卷十九

長洲陳奂學

節南山之什詁訓傳弟十九 毛詩小雅

《節南山之什》十篇,七十九章,五

百五十二句

《節南山》十章,六章章八句,四章

章四句。

《節南山》,家父刺幽王也。【疏】《十月之

《節》之卒章。」盧辯注《大戴禮・衛將軍文子》篇云:「《小交》箋:「《節》刺師尹不平。」昭二年《左傳》:「季武子賦

雅・節》之四章。」「節」下皆無「南山」二字。

節彼南山,維石嚴嚴。【傳】興也。節,高

卷十

九

氏。周公以冢宰兼大師,大公以司馬兼大師,皇父以司徒 兼大師,是大師爲三公之兼官矣。 名,武王時,尹佚爲之,有功,後子孫因以官族,故亦稱尹 大師」者、言當幽王時、有尹氏者爲大師之官也。尹氏本官 明》同。《版》箋云:「大師,三公也。」《傳》云「尹,尹氏,爲 曰盛,亦曰顯,重其義曰顯盛,義並同也。「師,大師」、《大 車》、《常武》、《那》是也。單字曰赫,重其字曰赫赫。單義 〇《傳》於「赫」有言「顯」者、《生民》是也,有言「盛」者、《出 山高峻,其石嚴嚴然。 《群經音辨·吅部》引《詩》「維石嚴嚴」。嚴,古「礹」字。 爾瞻」立訓。《釋文》:「嚴,本或作「嚴」。」《箋》言「尊嚴」, 與「巀」同。《釋文》引《韓詩》:「節,視也。」韓探下文「民具 戳。」《玉篇》:「巀,山高陵也。」「陵」乃「峻」之誤。「節」讀 《禮記・大學》注言「高嚴」,是鄭據《詩》作「嚴嚴」。 賈昌朝 視,後,燔也。國既卒斬,何用不監?【傳】卒, 憂心如惔,不敢戲談。【傳】赫赫,顯盛貌。 峻貌。嚴嚴,積 盡,斬,斷,監,視也。【疏】《禮記》釋文云:「節,徐音 大師,周之三公也。 石貌。 尹,尹氏,爲大師。具,俱,瞻, 興者,喻師尹尊貴,其位赫赫然。 赫赫師尹,民 案此尹氏當以司空兼大 人具爾 瞻。 師, 南

四八九

斷

句義相同。 山、尹、羙三句不入韻。「憂心如羙」與《雲漢》「憂心如熏 改「恢」矣。」案段説是也。 小褻也。」「褻,加火也。」正本《毛詩》。 也。」《瓠葉》傳:「加火曰燔。」《説文》曰:「燔,褻也。」「羙・ 如飪。《毛詩》「如羙」、《韓詩》作「如炎」。毛《傳》:「羙,燔 學》云:「《釋文》、《正義》皆引《說文》作「憂心如美」。美,讀 此尹氏爲司空之證歟? 訟」,本三家《詩》。其時尹氏爲司空,掌主土田,故疾評之。 效之,豈可以居賢人之位而爲庶人行哉?」董言「有争田之 視效,遠方之所四面而内望也。 巖。 《公羊傳》所謂「一相處乎内者」是也。 董説合。 好利,則民好邪而俗敗。 而有争田之訟,故詩人疾而刺之,曰: 師 《釋詁》文。 煮 釋詁》文。 赫赫師尹,民具爾瞻。」爾好誼,則民鄉仁而俗善。 「周室之衰,其卿大夫緩於誼而急於利,亡推讓之風 司 徒主教 「具」訓「倶」、「瞻」訓「視」,義亦同。 《爾雅》釋文:「監,又作「艦」。」《説文》:「艦,視 《詩述聞》云: 《説文》: 司 馬 主 兵,恒 「斬,徴也。」「斷,徵也。」「監,視」, 五章「鞫訩」,毛《傳》訓「盈訟」,與 由此觀之,天子大夫者,下民之所 詩以嚴、瞻、談、斬、監五句成韻 「戲談,猶戲謔也。」「卒,盡」、《爾 出 近者視而放之,遠者望 任二伯之職。 而今《毛詩》譌「炎」 「節彼南山、惟 《漢書 ○段氏《詩小 可 ·董仲舒 空 主 石巌 土 而

> 絶,彼尹氏者何以 也。 監 ,領也。」領者,理也。 」監,古 「艦」字。 不起而視政也? 既,已 意亦同 匝 用 Ų 也。 《釋文》引《韓詩》: 言國祚已 盡 滅

矣。 也。 言無嘉,憯莫懲嗟」,與《沔水》「民之訛言,寧莫之懲」文義 懲嗟」,朁莫懲也。 曾者,詞之舒也。 也。 田也。」」引《詩》作「薦嗟」,與争田之訟説合,蓋義本三家 也。 「朁」。《民勞》「憯不畏明」、《説文》引作「朁」,云: 重」、《雲漢》同。《爾雅》:「荐,再也。」「薦」與「荐」通 長茂,言山之平均喻師尹之不平、《傳》意或然也。 滿,猗,長」《箋》以滿爲草木平滿,王肅又以長爲草木之 弘多。【傳】薦,重,瘥,病,弘,大也。 嘉,僭莫懲嗟。【傳】僭,曾也。【疏】《傳》云「實 「瘥,病」、《釋詁》文。《集韻・八戈》:「《説文》:「嗟,殘薉 《十月之交》曰「胡朁莫懲」,下無「嗟」字可證。」案「民 「弘,大」,《釋詁》文。 嗟,句末語助耳。 赫赫師尹,不平謂何? 節彼南山,有實其猗。【傳】實,滿, 朁、曾皆從曰會意。《釋詞》云:「「朁莫 言天降喪亂如此,而在位者曾莫知所懲 若訓爲歎詞,則與上三字義不相 「憯,曾」、《釋言》文。 憯,當作 天方薦瘥,喪 民 「曾也。」 猗, 長 言 亂 無

尹

、氏大師

,維周之氐。

秉國之均,

四

方

是維。 厚尹氏以爵禄也。 作「痺」。《釋文》引王肅本作「埤」,竝字異而義同。 成」、義與此同、故《傳》並訓爲「平也」、「平」下「也」字今補。 文省。 或字,從肉,與此 王,著大功績。 子有共治斯民之責。《潛夫論·志氏姓》篇:「尹吉甫相 文》:「榦,本也。」句義正同。 王》「維周之楨」、《嵩高》「維周之翰」、《傳》於「楨」、「翰」皆 鄭司農《周禮・典瑞》注引《爾雅》作「邸」、《詩》作「氐」、古 師。 《漢書・律曆志》引《詩》作「鈞」。 不迷。【傳】毗,厚也。不弔昊天,不宜 《詩》以此尹氏爲尹吉甫。 爲「榦」。 【傳】弔,至,空,窮也。【疏】《爾雅》:「柢,本也。」 維,爲也。「維周之氐」,言尹氏爲周之榦臣也。 【傳】氏,本,均,平也。 〇一毗 《文選・ 《詩》云「尹氏大師,維周之底」也。」疑三家 「妣」從囟二字,而其義皆爲厚。《荀子》引]乃「妣」之隸變。《采叔》之「膍」即「肶」之 俾 、《釋文》及《荀子》引作「卑」。 古祇假 魏都賦》注及盧諶《贈詩》注引《説 論其世族,溯其祖考歟? 此言尹氏位尊任重,而與天 均、鈞同。 天子是毗, 六章 「誰秉國 一空我 厚者 俾 均, 令文 民 宣

> 不勝。」即所謂困窮我民也 我衆民也。《荀子·宥坐篇》云:「今之世則不然,亂其教, 繁其刑,其民迷惑而墮焉,則從而制之。 古空、穹通用。師,謂衆民也。「不宜空我師」,言不宜困窮 不致,有不攻致、不堅固之義。 「不弔昊天」,猶鄭司農《大祝》注引《春秋傳》云「閔天不淑 「不宜」相應。 「卑」爲「俾」,今字皆作「俾」矣,下同。 **弔、淑義同。** 《傳》訓「弔」爲「至」者,古至、致通。 昊天,帝王也。《七月》傳:「穹,窮也。」 故《箋》云:「至,猶善也。」 卑,使也。 是以刑彌繁,而 不至,猶 「卑」與 邪

也。 義。 躬弗親、庶民弗信。」臣懼民之不信君也,故不敢不言。 庶民於上之言不肎信從矣。 四字連讀得義。 無膴仕。【傳】瑣瑣,小貌。 則已,無以小人之言至於危殆也。 夷式已,無小人殆。【傳】式,用,夷,平也。 君子。【傳】庶民之言不可信,勿罔上 《傳》云「庶民之言不可信」者,弗、不同。「言不可 【疏】《爾雅》:「躬,身也。身,親也。」是「親」與「躬」同 弗躬弗親,庶民弗信。 君子不言而信,今君子不能躬率庶民,則 《楚語》:「《周詩》有之曰: 兩壻相謂曰亞。 弗問 瑣 瑣姻亞 而行也。 弗 仕, 膴,厚 勿 用 一,則 「弗 信 图 式 平 不

四九

卷

+

九

之心消止,恐非。」 奂案《大戴禮・衛將軍文子》篇:「孔子 則小人欺罔之事用自消止,無任小人受其欺罔,以至於危 已,止也。 言「上」,皆指王是也。 王雖不問察,而小人勿得罔上而行也。」經言「君子」、《傳 也。」是「仕」與「問」同義。 然,何急以其言取罪也?」《傳》意正同。 以證。 瑣姻亞」也。 雅 確不可易。 也。」」孔子引《詩》,以「不險」釋「無殆」。 徴 亞」,杜注同。《釋言》:「亞,次也。」《詩異義》云:「《都人 士》笺: 「兩壻相謂曰亞」、《釋親》文。 昭二十五年《左傳》「昏媾姻 小」,義本《爾雅》。《易》「旅瑣瑣」,鄭注亦云:「小也。」 「姻亞」,或當即指尹氏。」案《周禮 【《詩》云:「式夷式已,無小人殆。」而商也,其可爲不險 《正義》以「勿罔君子」謂禁民欺罔、「式已」爲下民欺罔 釋訓》:「仳仳、瑣瑣,小也。」此釋「仳仳彼有屋」、「瑣 此 《篇刺幽王,而經言尹氏爲政不平,欲王躬親 雖彼《箋》所言非經義,而尹氏爲周室昏姻,要必 一尹氏、 殆,危也。《詩異義》又云:「王當用平正之人, 鄭《箋》、盧注訓「殆」爲「近」,失之。 舍人注云:「瑣瑣、計謀褊淺之貌。」《傳》訓 ·姞氏,周室昏姻之舊姓也。」彼疏引 《傳》訓「式夷」爲「用平」,平,均也。 汪龍《詩異義》云:「勿,禁止辭。 腊人》注「膴 毛《傳》云「危殆」, 《箋》云: · 任, ,則所謂 5此尹氏 察 有 曰

故曰:皆讆之人,勿與任大。」義與詩意合。之明蔽,而毀譽之言起。任之大事,則事不成,而禍患至。皆賢者之謂訾,推譽不肖之謂讆。皆讏之人得用,則人主皆以,「厚」與「大」同意。仕,事也。《管子・形埶解》:「毀

雅・釋言》文。《周禮・典同》鄭司農注之「正傭」、《梓人》 大戾。【傳】傭,均,勒,盈,納,訟也。 궄: 汹汹 《説文》: 溢,盈也。」郭注引《詩》作證。今本《爾雅》「鞫」下衍「訩」, 毛、韓字異意同。 章《傳》:「均,平也。」《釋文》引《韓詩》作「庸」,庸 傭」,「傭」皆「均」也。「昊天不均」,猶云「昊天不平」耳。上 鄭注之「鴻傭」及《荀子・正名篇》「色不及傭」、「聲不及 届,極,関,息,夷,易,違,去也。【疏】「傭,均」、《爾 屆,俾民心闋。 疑因注中「訩」字誤增之耳。阮元《爾雅校勘記》已有此説 「鞫,盈」、《釋詁》文。 「戾,乖也。」○「屆,極」、《釋言》文。 滿 昊天不傭,降此鞫訩。 庭。」即此 詾 訟也。 《傳》訓「鞫訩」爲「盈訟」,義本《爾雅》。 義也。 君子如夷,惡怒是違。 或省作「訩」。」《小旻》箋: 「訩,訟」、《釋言》文。《釋詁》: 《燕燕》傳云: 昊天不惠,降此 「惠,順 與《蕩》傳訓同 君 「謀事者衆 也。」《箋 【傳】 子 ,易也。 鞫 如

則不我惠。 府王。《桑柔》「倬彼昊天,寧不我矜」、《瞻卬》「瞻卬昊天· 氏,仍沿九章《箋》而誤。 經、《傳》之旨。」案汪説君子帝王,其義自確。唯昊天帝尹 欲王躬親爲政也。《箋》於兩章「君子」通席在位之人,恐非 君子皆當指王。上言尹氏爲政不均不順,致民多獄訟乖 怒是去也。《詩異義》云:「《傳》訓「屆」爲「極」,當謂建極。 反。「違」訓「去」,與「息」同意。 别。《釋詁》:「叔,息也。」「闋」與「叔」聲相近。「夷,易」, 〈釋詁》文,《天作》、《有客》同。 此則欲王建中立極,行平易之政,以化民俗。 孔填不寧,降此大厲」,並與此篇詩義同。 篇中三言「君子」,五言「昊天」,皆 易,和易也。 「惡怒是違」,言民心之惡 惡怒即和易之 即上章 彼兩

不寧。 吴爲不弔、《詩》曰:「不弔昊天、亂靡有定。」]不弔亦不祥 由基奔命,子庚以師繼之。戰于庸浦,大敗吳師。 成、平也。不自爲政、卒勞百姓。【疏】王引之《述 言伐人之喪不祥,所以敗也。 通説》云:「襄十三年《左傳》:「楚共王卒,吴侵楚。 不弔昊天, 亂靡有定。 憂心如酲,誰秉國成?【傳】病酒曰酲 《越語》曰「助天爲虐者不祥 式月斯生,俾民 君子以

昊天」、《傳》皆云「帝王」,此其明證矣。

從也。 四句生義。 指尹氏也。 《傳》曰:「齊君之無道也。 是也。 成也。」本三家,而毛意亦同。「不自爲政,卒勞百姓」,自 也。」《禮記》引《逸詩》正指大臣説。 不自爲正,卒勞百姓。」、案《雲漢》傳"「先正,百辟卿士 言明且清,國家以寧,都邑以成,庶民以生。誰能秉國成? 《緜》同。 病酒爲酲之證。《説文》亦云:「酲,病酒也。」「成,平」, 三日而後發。晏子見曰"「君病酒乎?」公曰"「然。」」此即 謂不弔也。 不弔即不善之義。「式月斯生,俾民不寧」,生,生亂也,所 誰不受亂」,亦謂中國無善君,則諸侯皆受其亂也。」案此皆 莫之亢也,無伯也夫。」語意與此相似。 或恤,皆由中國之無善君也。善君謂覇主也。昭十六年 謂乎? 恤,無弔者也夫。《詩》曰:「不弔昊天,亂靡有定。」其此之 「國既卒斬,何用不監」也。 勞,猶病也。 又成七年《傳》:「中國不振旅,蠻夷入伐,而 有上不弔,其誰不受亂?」此言蠻夷人伐,而莫之 「秉國成」猶云「秉國均」也。 《禮記・緇衣》篇:「《詩》云:「昔吾有先正,其 此席王。○《晏子・諫上》篇:「景公飲 王肅謂「政不由王出」,恐非《傳》恉 言大臣不從政,百姓受其病,即首章 興師而伐遠方,會之有成而還 此指大臣。 鄭注云:「成,邦之八 誰,言誰爲大師者 下文「有上不弔,其 下二章皆從此章下 莫之或 酒醒

四九三

+ 九

騁。」 遇 以。 領。」夫久駕而長不得行項領,不亦宜乎?』《隸釋・ 可 論 靡 云"「此引《詩》以明「大臣怨乎不以」。 情莫不以己爲賢而效其能者,周公之戒,不使大臣怨乎不 也。 瞻四方,蹙蹙靡 矣。」誼竝與此同。」案此非獨三家《詩》義則然,毛《傳》質 迹於千里。」《博喻》篇云: 有項領之駿者,孫陽之恥也。1《勖學》篇云: 畜。」《易林》履之剥、否之屯、噬嗑之歸妹、未濟之明 費鳳碑》云:"退己進弟,不營榮禄。 工聲字多訓 云: 「名成德就,項領不試。」《抱朴子·嘉遁》篇云: 「空谷 肝騁喻賢 `以量功校能哉? 《詩》曰:「駕彼四牡,四牡項領。 《詩》云:「駕我四牡,四牡項領。」」蕭山汪繼培《箋注》 《桑扈》傳云:「領,頸也。」《潛夫論・三式》篇:「且人 |傷道之不遇也。」《新序・襍事五》云:「處勢不便,豈 爵禄》篇云: 「君子不患道德之不建,而患時世之不 駕 彼 (者有 「大」,如空、仜、难之例,故《傳》訓「項」爲「大」 四 牡, 才而不得試。 所騁。 《詩》不云乎? 四 牡 「兩絆而項領,則騏騄與蹇驢同 項 【傳】騁,極也。【疏】凡從 領。 蓋本三家《詩》説。 【傳】項, 「駕彼四牡,四 我瞻四方,蹙蹙靡所 則以「四牡項領」而 栖遲歷稔,項 「項領之駿,騁 大也。 堂邑令 表述 領 牡 命中 我 滯 項

> 略、當 也。 戚,猶蹜蹜也。 王不能使。」此《箋》義非《傳》意。 又潘岳《射雉賦》注、左思《詠史詩》注引「馳」作「施」,疑誤。 者,人君所乘駕。 《文選》王粲《登樓賦》注引《韓詩章句》:「騁,馳也。」 亦 方茂爾惡,相爾矛矣。【傳】茂,勉也。 謂賢者懷 「騁」訓「極」,極者,至也。 今但養大其領,不肎爲用,喻大臣自 材莫用, 靡 所 馳 ○蹙,古祇作「戚」。 騁 也。 靡所極,無所 《箋》云: 四四 恣 既 戚 至 牡

「服」,義互見也。如,讀爲而。《彤弓》傳:「醻,報也。」言懌」,《傳》:「夷,説也。」彼訓「夷」爲「説」,此訓「懌」爲草兩「爾」字與首章「民具爾瞻」「爾」字同意,言勉爾之惡,章兩「爾」字與首章「民具爾瞻」「爾」字同意,言勉爾之惡,東既懌,如相疇矣。【傳】懌,服也。【疏】《説文》:夷既懌,如相疇矣。【傳】懌,服也。【疏】《説文》:

「民言無嘉,營奠懲嗟」,兩「懲」字同義。「正」訓「長」,「長」寧,此席王。○《沔水》傳:「懲,止也。」此「懲」字與二章三章、五章或稱天子,或稱君子,或稱昊天,一也。不平、不其正。【傳】正,長也。【疏】「昊天」與「我王」互詞,猶其正。【傳】正,表也。【疏】「昊天」與「我王」互詞,猶

雖已説服而相報復,無常德也。

「邪僻妄行」也。此指尹氏。行,故下民皆怨其長。」《傳》意或然也。上章「茂惡」即所謂而義别。王肅云:「覆,猶背也。師尹不定其心,邪僻妄讀去聲,與《斯干》、《玄鳥》傳「正,長也」「長」讀平聲者訓同讀去聲,與《斯

諷尹。《序》謂「刺王」者,貴重在王耳 章之上四句刺尹,三章之下四句、四章、五章及六章之上 王,下二句刺尹, 四句刺王, 六章之下四句、七章、八章刺尹, 九章上二句刺 詞,欲尹氏以一心化養萬邦也。 訓亦以「吪」爲「化」。 畜,養也。 而釋之云"「言一心化天下而國治,此之謂也。」是西京舊 凡民之争訟,皆由於王之競心也。究,窮治之也。訛,當作 此章「王訩」與五章「昊天不傭、降此鞫訩」,兩「訩」字同義。 羊傳》云:「家、采地。父、字。」是也。《説文》:「誦,諷也。」 之族。春秋周桓王時有家父,或即家父之後歟? 采於家,以邑爲氏者也。《十月之交》篇有家伯,或是家父 式訛爾心,以畜萬邦。【疏】家父,大夫」,周大夫食 「吼」、《破斧》傳:「吼,化也。」陸賈《新語・術事》篇引此詩 家父作誦、【傳】家父、大夫也。以究王 末章自明作誦、究王訩、吼爾心、諷王亦 〇案篇中一章、二章及三 上句言化,下句言養,互 何注《公 絋

《正月》十三章,八章章八句,五章

章六句。

《正月》,大夫刺幽王也。

《公劉》、《雝》箋云:「蘇,多也。」訛,《説文》作「譌」,《沔水 不以其時。 《左氏》説:「正月,謂周六月、夏四月,正陽純乾之月也。」 《左傳》:「唯正月之朔慝未作。」《昭十七年》:「夏六月甲 【疏】《春秋·莊二十五年》:「夏六月辛未,朔,日有食之。 大也。 族》篇「冬雷、夏霜」即引此詩,與《傳》同。 毛《傳》正本《左傳》。 有食之,於是乎有伐鼓用幣禮也。 戌,朔,日有食之。」《傳》:「平子曰:「唯正月朔慝未作。 憂以痒。【傳】京京,憂不去也。癙、痒,皆病也。 月。繁,多也。民之訛言,亦孔之將。【傳】將 「在此月也。當夏四月,謂之孟夏。」」《漢書・五行志》引古 《漢書‧楚元王傳》:「劉向上封事諫曰:「霜降失節 正月繁霜,我心憂傷。【傳】正月,夏之四 念我獨兮,憂心京京。 其《詩》曰: 余友錢塘汪遠孫説。《淮南子・泰 「正月繁霜,我心憂傷。 其餘則否。]大史曰: 哀我小心, 癙 繁者,「緐」之俗 民之訛言 日

懼

聲

已也。 作「鼠」。」案作「鼠」是也。 憂也。」憂不去者,《十月之交》傳所謂「親屬之臣, 亦孔之將。」言民以是 〇我,大夫自我也。 鼠」、《説文》無「癙」字。《桑柔》箋亦云:「痒,病也。」 「癙、痒,病」,皆《釋詁》文。《爾雅》釋文云:「《詩 獨,惸獨也。 八爲 非, 《雨無正》「鼠 甚衆大也。二義亦 《爾雅• (思泣血」,字作 釋訓》:「京京 (與《傳》同 心不能

刑

惡 庾」,即詩「愈愈」之異文。 莠、醜疊韻、《十月之交》傳:「醜,惡也。」莠爲醜,醜又爲 文。《角弓》同。 有侮。【傳】莠、醜也。 我後。【傳】父母,謂文、武也。 「父母先祖」、《傳》:「先祖,文、武爲民父母也。」文義與此 「我心憂傷,念昔先人」,《傳》:「先人,文、武也。」《雲漢》 〈聘禮・記》今文作「十六斗曰逾」。 即即 ,故《箋》謂好言爲善言,莠言爲惡言。 「我,我天下」者,謂我天下之民也。 「瘉,病」,《釋詁 好言自口,莠言自口。 父母生我,胡俾我瘉? 「瘉」之假借字。《爾雅》: 言文、武天下至幽王之世而遭此病。 唐固《國語注》:「十六斗曰庾。」 愈愈,憂懼也。【疏】《小宛》 「瘐瘐,病也。」本又作「庾 此臾、俞聲通之理。 我,我天下。 憂心愈愈,是以 不自我先,不自 此疾吪言之人。 瘉,病 \bigcirc 郭

相近。 体注云: 憂心惸惸,念我無禄。【傳】惸惸,憂意也。 侮,爲吪言者侵侮也。《箋》義如是 「賢人失志,懷憂病也。」《傳》云「憂懼」,

部》: 《大司寇職》曰: 「見萬民之有罪過,而未麗於灋而害於州 刑焉,任之以事而收教之。 并,古「拼」字。 烏所集也。【疏】惸,當作「惸」,形之誤也。《説文・兮 禄 ? 財。」鄭司農注云:「以此知其爲民所苦而 三年不齒。 年而舍,下罪 《周禮》: 罪之人爲臣僕、《傳》言古者有罪以爲臣僕,明今之非古也 之例。《箋》云:「無禄者,言不得天禄,自傷值今生也。」〇 民之無辜,并其臣僕。【傳】古者有罪,不入於 「惸,本或作「煢」。」古旬、營通,如《江漢》箋「旬,當作「營」」 憂意」,蓋探下文之意爲訓。 則 「弩,或从心作「惸」。」《爾雅》:「惸惸,憂也。」《傳》云 役之圜土以爲臣僕。 瞻烏爰止,于誰之屋? 「司圜掌收教罷民。 凡圜 《爾雅》:「拼,使也,從也。」經言念天下無 年而舍。 土之刑人也,不 其不能改而出圜 能改者,上罪三年而舍,中罪二 凡害人者,弗使冠飾 《詩》、《爾雅》釋文皆云: 哀我人斯,于何 虧體; 【傳】富人之屋、 其 土者、殺。 未入刑者也,故 罰 人也 侕 一不虧 雖 加明 從 出

案此三家《詩》以烏自況。《箋》既本三家,而又解屋爲富人 如鄭解 子• 止,不知于誰之屋耳。」」李注云: 害,林宗哭之。 言烏集富人之屋,與《國語》集苑之喻略相近。 倅 又於經「民」字爲不可通,鄭説非是。 굸 其臣僕 僕。」是臣僕,賤者之稱,故罪人役圜土亦爲臣僕。 人,探末章「富人」爲 則 賈胥市,臣僕州里。」《管子·小匡》篇:「大國之君事如臣 **寘諸圜土以爲役也。** 而 里 芸 ?仲師又據毛《傳》爲説,此古者有罪之人,不入於刑者,則 l者,桎梏而坐諸嘉石,役諸司空。」」案毛《傳》本《周 誰 「王既刑殺無罪,并及其家之賤者,不止於所罪而已。」 襍上》篇: 「商其淪喪,我罔爲臣僕。」《逸周書・作雒》篇:「凡工 「暇豫之吾吾不如鳥鳥,人皆集於苑,己獨集於枯。」 「在縲紲中。」此罪人爲臣僕之確證矣。《箋》解「并 ,誰富人也。 」句,讀如《秦法》「一人有罪,并其室家」之「并」, ,則於經義當增設刑殺 「郭大,字林宗。 既而數曰:「人之云亡,邦國殄瘁。 「越石父曰:「吾爲人臣僕於中牟。」」《史記》 《傳》云「富人之屋」,富人指在位之小 臣僕、即罪人爲役者也。《書・微子》 訓。 建寧元年,陳蕃、竇武爲閹人所 烏, 以 層,而以臣僕爲世家臣僕 「言不知王業當何 喻 附 和小 ○爰,於也。 人者 《後漢書 也。 瞻烏爰 所歸。」 止,集 ≪ 《晏 禮

之屋,仍用毛義,亦恐失《傳》之恉也

上

君,一 廷皆小人也。」○殆,危也。 《傳》意矣。」案汪説是也。 釋經文二句,其言簡質,故《箋》申明之曰「林中大木之處」 朝廷,則當爲賢者,今維是小人。《傳》「言似而非」一語 《無羊》「以薪以蒸」句法正同。 而維有薪蒸爾」、《疏》申《傳》言「薪蒸似大木而非」,誤解 言既曰中林矣,則似有大木,今維有薪蒸而非大木,猶既 中大木之處,而維有薪蒸爾,喻朝廷宜有賢者, 【疏】「中林,林中」、《兔罝》同。 人。」《詩異義》云:「《傳》之所謂「似」即《箋》之所謂「宜」, 薪蒸,言似而非。 「夢夢,惡皃。」訓異意同。 者爲亂夢夢然。 心也。 帝, 薪蒸不能爲大木,故《傳》云「言似而非」。 也。 克,能也。 瞻 伊 被中林 《抑》傳亦云: 誰 云 定,定亂也。 憎 ? **,**侯薪侯蒸。 既克有定,靡人弗勝。 民 今方殆,視天夢夢。 「夢夢,亂也。」《釋文》引《韓詩》: 《韓詩外傳》釋《詩》亦云: 勝 【傳】勝, 此以天爲王者,末章又以天爲 ,讀如騰,與 人,在位者也。 侯、以,皆語詞。 侯,維也。 【傳】中林、林中也。 乘 「乘」疊韻。 也。 「侯薪 此承上爲亂 皇 《箋》: 而但聚 薪蒸喻 侯蒸」,與 【傳】王 君 既,猶 「言朝 有 也 阜 統 在

終

夢夢而 國家之敝,恒必由之。」是其義也。「皇,君」、《釋詁》文。上 傳》云:「及其亂也、君子稱其功以加小人、小人伐其技以 \dot{z} 帝,亦君 馮君子。 王爲亂如是,上下蒙昧,其危殆無休已時。 助詞。 言。 也。 是以上下無禮,亂虐並生,由争善也,謂之昏德。 誰憎,言憎王之深也 終能有定亂之日,乃今在位之人,無不乘陵,助 《版》、《蕩》傳:「上帝,帝君王。」伊,語 襄十三年《左 詞。

同 蓋 岡與爲陵耳。 老、訊之占夢。【傳】故老、元老。 子,乃小人也。 也。【疏》《傳》意山喻位,卑喻小人,小人而處高位,如爲 日予聖,誰知烏之雌雄? 、傳》云「元老」,詳《采芑》篇。《周禮・ 「謂地蓋厚」,言天何高,地何厚也。三「蓋」字竝與「何」字 「曷、盍,何也。」「謂山蓋卑」,言山何卑也。 一讀同「盍」。 「蓋,音盍。」是也。 謂 ○懲,止也。 山 蓋 《天保》傳:「大阜曰陵。」陵亦最高大者也。 鄭注《檀弓》:「蓋,皆當爲「盍」。」《群經音 单? 民之訛言,寧莫之懲。召彼 故老,猶之言孤卿,謂皇父卿士也。 爲岡爲陵。【傳】在位 《爾雅》:「曷,盍也。」《廣雅》: 【傳】君臣俱自謂聖 占夢》:「季冬,聘王 訊,問也。 一謂 地蓋 非 高一、 具 故 君

> 君刺幽王。「不知烏之雌雄」,帝王,并帝執政也 具,俱,予,我也。 夢、《洪範》所謂「謀及卿士」也。《周禮》有「占夢」之官 召占夢者使占之。」」案古者有問夢之事。 公夢見彗星。 夢。」鄭注云:「聘,問也。」訊、聘義同。 聖」、《十月之交》傳: 「景公夜夢與二日鬭,不勝。 明日,召晏子而問焉: 「曰」與 「皇父甚自謂聖。」則知臣指 「謂」同義。 晏子朝,請召占夢者。」又「景 `「寡人夢見彗星,吾欲 《傳》云「君臣俱自謂 《晏子・ 召元老問之占 襍下》篇: 皇父,

傳》: 累,當作「絫」。蹐、絫疊韻。《説文・ 也。 跼。1跼,傴僂也。」蓋薛以「傴僂」代「曲. 《釋文》:「本又作「跼」。」李善注《文選》顏延之詩引《毛詩 也。」引《詩》作「蹐」。 言,有倫有脊。《傳》倫,道,脊, 不敢不蹐。【傳】局,曲也。 人,胡爲虺蜴? 極。 陸、 「跼,曲也。」薛綜注《東京賦》:「引《毛詩》: 謂天蓋高? 許録《毛詩》, 孔及王肅本皆作「局,曲」。 兼録三家《詩》,字異而義 【傳】蜴,螈也。 《走部》: 不敢不局。 「 趚, 蹐,累足 側行也。」引《詩》作 跼,即 足部》:「蹐,小步 |字,非《傳》有異本 理也。 【疏】局 謂 也。 「局」之俗字。 地 發育同。 哀 蓋 維 、曲疊 示 今之 厚 ? 號 敢不 《説 斯

蜥易。 蜥易屬。」《釋文》:「蜴,又作「蜥」。」《説文》引《詩》正作 謂之理,又謂之道矣。 作「迹」。《説文》迹、蹟一字。 《沔水》傳:「不蹟,不道也。」《繁露・ 語》「言中倫」,包咸注云:「倫,道也,理也。」脊,讀爲蹟。 馬。二即引 離俗則危身。 日 苑 名。」《方言》:「秦、晉、西夏謂之守宫,或謂之蠦螻, 文》:「虺,以注鳴者。」段注云:「注者,「咻」之叚借。 告之,今畏怖 蜥。 易蜴」當爲 蜥易」二字或「蝘蜓」之譌。 桀殺關龍 「不逢時之君子,豈不殆哉? 敬慎》篇: 東齊、海岱謂之螔嫔。 「倫,道也。」《龠部》:「侖,理也。」「侖」與「倫」同。 其在澤中者謂之易蜴。 蜴,蝘蜓; 《鹽鐵論・ 此詩。 逢、 「蜥易」,是已。 .如虺蜥然,是疾避而無所自容之意。 世不與善、己獨由之、則曰非 「孔子論 紂殺王子比干,故賢者不遇時,常恐不終 蝘蜓,守宫也。」李、孫、郭注竝云: 周秦》篇亦作「蜥」。 ○《碩鼠》傳:「號,呼也。」《説文・ 此言君子之言皆有道理,宜號呼而 《詩》,至於《正月》之六章, 北燕謂之祝蜓。」戴氏震補 奂謂「守宫或謂之蜥易」,疑此 《爾雅》一 是倫謂之道,又謂之理, 南楚謂之蛇醫,或謂之蠑 從上依世則廢道, 深察名號》篇引《詩 《爾雅》: 物四名,渾言不别。 ·妖則孽 「蠑螈,蜥 ,或謂之 也。 ○《説 別 , 違 上 虺爲 戄 注 《論 人 眷 是 然 四 云

> 者」。 如虺蜴也。」「蜴」皆「蜥」之誤字。 如蜥蜴,青绿色,大如指,形狀可惡。」元恪謂蠑螈如蜥蜴 굸: 「虺蜴之性,見人則走。」《後漢書・ 與楊、許説不合。又虺别物, 「在壁曰蝘蜓,在艸曰蜥易。」在 《方言》則以守宫、蝘 「虺蜴,一名蠑螈,水蜴也。 毛《傳》 〉以「螈」釋 蜓 蜥」, 類,蜥易、 虺 亦 或謂之號雌,或謂之蛇醫 艸, 蜴連舉, 非 左雄傳》云:「言人畏吏 在 即 蠑 壁者 楊 螈 雄所 亦 也。 類。 非是。 謂 陸 説文》: 「在澤中 《箋》: 義 疏

《傳》義。 芟》傳: 我得。 雅 《方言》「舊謂之抓」,謂船動也。 臣。 文 》: 之處,而有菀然茂特之苗,喻賢者在閒辟 阪田有菀特,則朝廷無傑臣矣。《箋》云:「阪田 ·仇,猶警警也。【疏】《傳》意阪田喻對朝廷,特喻傑臣。 一仇仇、 天之 抓我,如 「敖,本又作「誊」,又作「囂」。」《版》傳: 瞻彼阪田,有菀其特。 「有厭其傑,言苗厭然特美也。」《箋》特爲苗,申 ○《考工記》「則是以大扤」,注"「扤,摇動 執我仇 、敖敖, 傲也。」郭注云: 仇,亦不我力。 不我克。 是 【傳】言朝廷曾 彼求我則, 「皆傲 「扤」有 【傳】扤, 隱居之時。」《 慢賢者。」《 動 「囂囂 ,崎嶇墝 義。 動 如 無 貌。」 也。 不 傑 爾 成 埆

仇

焉 也。」聲 訓異意同。緩持、傲慢 一也。 衣》注:「仇仇然不堅固。」即是「緩持」之意。案三家與毛 廷有召子議矣。」」文中子亦引此詩,「喟然遂歌《正月》終 仇,亦不我力。」」《文中子·魏相》篇:「實威進曰:「聞朝 失,而教是以煩。 衣》篇"「子曰"「大人不親其所賢,而信其所賤,民是以親 不力挽我,此我傑臣所以不安朝廷而退處也。《禮記 求我,而不得以禮進我,雖欲執留我,警警然甚傲慢, 克,勝也。 既而曰: 「不可爲矣。」」是其義也。 《廣雅》: 義 彼,彼朝廷也。 並 同。 「执执,緩也。」《集韻》:「执执,緩持也。」《緇 《詩》云:「彼求我則,如不我得。 天, 席 Ē 言王動 《玉篇》:「扏,緩也。」 我 我 (摇我,而不勝 傑 臣 也。 仇仇,或 如 经任我; 猶 執我仇 《作「执 丽 而 朝 也 緇 廷 亦

屬。 有褒國之女,幽王惑焉而 之?【傳】滅之以水也。 厲矣? 【傳】厲,惡也。 【傳】宗周,鎬京也。 胡,何也。 【疏】正,長也,謂襃姒私黨升在位者,若皇父七子之 心之憂矣,如或結之。今兹之正,胡然 然,猶是也。 衰,國也。 以 厲者,「癘」之假借字。 赫赫宗周,褒姒威之。 燎之方揚,寧 爲后,詩人知其必 姒,姓也。 威,滅也。 或 滅 厲爲 滅 周

《國語 傳》引《詩》正作「滅」。 深,皆以今字釋古字之例,謂之古文假借可 齊人語也。」案威,古「滅」字。 爲喻。 於雍,則襃國當在《職方》雍州之南境。《史記・夏本紀》: 城在縣東二百步」是也。 中郡,古褒國在今陝西漢中府褒城縣,《括地志》云「褒國 「論云: 東,襃中縣也,本襃國矣。 京爲宗周。 如蔡哀侯乎?」二言不可撲滅也。惡萌易滋,而以燎火難滅 「惡之易也,如火之燎于原,不可鄉邇,其猶可撲滅」者,其 其猶可撲滅?」」,莊十四年《傳》:「君子曰:「《商書 子曰:「《商書》曰:「惡之易也,如火之燎于原,不可 燎火熾盛,滅必以水,今於何有也? 文奪「滅之」二字,當補。 也。」《説文》:「燎,放火也。」「寧或」猶云「胡有」也。 惡、《傳》本《左傳》立訓。 五德志》同。 ·鄭語》云:「褒人襃姁有獄而以爲入於王,王遂置 禹爲姒姓,其後分封,用國爲姓,故有襃氏。」《潛夫 ○《節南山》傳:「赫赫,顯盛皃。」周幽王在鎬,故 雕注《水經 是褒國姒姓也。《釋文》:「威,呼説 褒姒滅周,莫詳於史伯告鄭桓公語 漢中在《禹貢》梁州之域,周并梁 「滅之以水也」五字作一句讀,言 《桑柔》、《瞻卬 沔水》篇:「褒水南逕襃縣故 南流人于漢。」案漢褒中縣屬漢 《傳》威爲滅,猶御爲禦,罙爲 隱六年《左傳》: 》傳 也。 並云: 昭元年《左 「厲,惡 じが 鄉邇 《傳》 一君 故 謂

其歲次矣。 後同作,總在史伯告桓公八年之前。 姒,立以爲后」,不及放殺大子,則此篇與《十月之交》篇先 作《小弁》之詩,自在九年中事。 之,生子伯服。」是立后當在四五年閒。 變,大夫作《十月之交》以刺之。 八年而桓公爲司 必伐之。若伐申,而繒與西戎會以伐周,周不守矣。 云:「騷,謂 之而嬖是女也。 《史記・周本紀》言:「幽王三年,王之後宫,見襃姒而 又云:「王欲殺大子以成伯服,必求之申。申人弗畀, 然而嬖褒滅周,其兆既成,賢者爲之憂傷而作 適庶交争,亂虐滋甚。」是即滅周之事 徒。 使至於爲后,而生伯服。」是褒女爲后之事 九年而王室始騷,十一年而斃。」章注 至王欲放殺大子,而其傅 此《傳》但云「幽王惑於褒 據《傳》證史,可 六年而遭日食之 中 以 幽王 得 愛 攷

永,長, 言「又」,此上言「終」而下言「又」,是「終」、「既」同義也。 載 重 【疏】終,猶既也。 旣 輸 載,乃棄 爾 終其永懷,又窘陰雨。 懷 載, '傷也。 將伯 **齊** 爾 鄭《箋》: 輔。 !助予。 南山》、《破斧》篇皆上言「既 【傳】大車重載,又棄其 「窘,仍也。」《韓詩》: 【傳】將,請; 【傳】窘,困也。 伯, 窘, 長也。 而下 輔。 其 泊

+

九

是詩,其即伯陽之流亞與?

猶告也。 輸,輸也。 爲比況之詞。 此文。 車之有輔,興國之有輔臣。《箋》云:「棄輔,喻遠賢也。」載 識輔爲何物。 口輔,亦曰牙車,其命名即取車輔之義也。 有輔也,車依輔,輔亦依車,虞號之勢是也。 先人有言曰 脣亡齒寒」兩喻。 載必墮,此其顯喻也。 旁,可以任載。 與「輔」通。 之箱也。」《方言》:「箱謂之輫。」《爾雅》:「棐,輔也。」「棐 也。」《玉篇》:「窘,困也,急也。」義並相 「脣竭而齒寒。」」《韓子・十過》篇、《淮南子・人閒》篇竝 大車,載爲重載。 憂傷,又困之以陰雨。 然則車之有輔,猶齒之有脣。 「伯,長」,《釋詁》文。 《箋》:「輸,墮也。」「將,請」,《將仲子》同。 箱取輔相之義,則輔即箱矣。 《正義》謂輔是可解脱之物,以今人縛杖於輻 若是,則 今大車既重載矣,而又棄其兩旁之版,則 《吕覽・權勳》篇:「虞之與虢也,若車之 輔者,揜輿之版。《大東》傳:「箱,大車 陰雨以喻所遭多難。 僖五年《左傳》宫之奇設 棄輔未即墮載,恐與經義無當也 長謂賢者也。 最相切近人之兩頰 近。 大車揜版置諸 〇《傳》以車爲 自來解者皆 言既其長爲之 予,我也。 「輔車相依 請 助 有 所 兩

無棄爾輔,員于爾輻。【傳】員,益也。屢

我,即下文無棄輔而益輻之事。

矣,乃不爲意也,以喻用賢者之不堅固 作「婁」。婁,數也。 興,大車也。 批》:「九四, 壯于大輿之輹。」《釋文》:「本又作「輻」。」大 楊倞注云:「大其輻,謂壯大其輻也。」案荀引《逸詩》言事敗 顧爾 之後,此詩言事未敗之先,文異而意同也。《傳》訓「員」爲 【疏】《荀子・法行篇》:「《詩》曰: 「益」,正本《荀子》。 「員」與「云」通,故有「益」義。 《易・大 僕, 不輸 壯者,大也。「益」與「大」義相近。 爾 終,亦既也。 載。 終踰 曾,猶乃也。 「涓涓源水,不雝不塞。 絶 **险**,曾是不意 言既踰絶險 屢、《釋文》

之炤。 其德亦甚明矣。 作「炤」。」鄭注云:「孔、甚也。 孔之昭。1故君子内省不疚,無惡於志。」《釋文》:「昭,本又 伏,伏於淵也。 君子不能居朝廷,猶魚在池中而不能以自樂也。 物魚躍」、《傳》亦云: 虐。【傳】惨慘,猶戚戚也。【疏】《靈臺》「王在靈沼,於 魚在于沼,亦匪克樂。 【傳】沼,池也。 《禮記•中庸》篇:「《詩》云: 疚,病也。 「沼,池也。」池以畜魚,喻國以養賢。 君子自省,身無愆病。 憂心慘慘,念國之爲 昭,明也。 潛雖伏矣,亦孔 言聖人雖隱遯 「潛雖伏矣,亦 潛,深也。 雖不遇

懆,重言之曰懆懆。憂謂之戚,重言之曰戚戚。也。《抑》:「懆懆,憂不樂也。」《小明》:「戚,憂也。」憂謂之自比管、樂:我未從虎時,稱臥龍。」亦引此詩。○慘,當作自比管、樂:我未從虎時,稱臥龍。」亦引此詩。○慘,當作注》爲優。裴度《諸葛武侯碑》云:「公是時也,躬耕南陽,注》爲優。表度《諸葛武侯碑》云:「公是時也,躬耕南陽,注》爲優。表度《諸葛武侯碑》云:「公是時也,躬耕南陽,注》爲《襄》不同,當從《禮記世,亦無損害於己志。」鄭釋《詩》與《箋》不同,當從《禮記世,亦無損害於己志。」鄭釋《詩》與《箋》不同,當從《禮記世,亦無損害於己志。」鄭釋《詩》與《箋》不同,當從《禮記

《左傳》引《詩》「協比其鄰,昏姻孔云」,富辰釋之云:「吾兄 也。 能親親以及遠」,與經義相反,而意實相成也。 僖二十二年 物既備,同、異姓具在,王者有親親及遠之道焉。 訓,近猶親親也。昏姻,異姓之臣也。《説文》:「云象回 與此同。「治,合」、《版》同、《左傳》作 酒既多,爾肴既嘉」、《傳》:「言酒品齊多而肴備美也。」義 彼明王也。」旨、嘉皆美也。 之形。」旋者,回轉之意。 心慇慇。 旋也。是言王者不能親親以及遠。 治比其鄰,昏姻孔云。【傳】冷,合,鄰,近, 本詩人之意,乃以刺今不如古。 彼有旨酒,又有嘉殽。【傳】言禮物 【傳】慇慇然痛也。【疏】《都人士》傳: 旋即還也。 殺、釋文》作「肴」。《鳧鷺》「爾 《傳》云「是言王者不 此陳占燕享之禮。 協」。 念我獨兮,憂 鄰、近雙聲爲 此經義 備 彼 也。 云, 禮

雅》:「慇愍,憂也。」「痛」與「憂」義相近。《桑柔》句同。 以及遠。」王説未審經、《傳》之恉。 其誰旋歸之乎?」毛《傳》與《左傳》辭意正合。 之云:「晉不鄰矣,其誰云之? 言晉不親近諸姬,則諸侯 襄二十九年《傳》引《詩》「協比其鄰,昏姻孔云」,子大叔釋 弟之不協,焉能怨諸侯之不睦?」兄弟謂鄰,諸侯謂昏 「言王但以和比其鄰近左右,與昏姻其親友而已,不能親親 ○念,念今也。 王肅云: 爾爾 姻。

耳。 篇》同。 巢》傳: 有穀」,非也。」案「方穀」與上「有屋」對文,方亦有也。 「速速」。 佌,當作「囪」。《説文》:「囪,小皃。」引《詩》作「囪囪」。《玉 奇,可也。獨,單也。【疏】「他他,小」、《爾雅·釋訓》文。 三家有依「謦」字作訓也。《釋文》「方穀」云" 「本或作「方 天之,在位椓之。 哿矣富人,哀此惸獨。 蔌蔌, 陋 《説文》,「速,籀文作「遬」。」故《毛詩》「遬遬」,三家《詩》作 佌, 佌佌彼有屋,蔌蔌方穀。 【傳】此此,小也。 「方,有之也。」「方」訓爲「有」,不應「方」下更增 《管子・輕重乙》篇「佌諸侯度百里」,猶謂小諸侯 亦當作「囟」。 古文「速」又作「警」。《玉篇》:「蔌,小言兒。」疑 也。 民今之無禄,天夭是椓。 囪 () 猶 [瑣瑣也。 蔌,當爲「遬」。 【傳】君 【傳】

近。

之。 快意愜心之稱,故《箋》曰: 矣能言」,杜注曰: 富人,悲哉此無禄之惸獨也。 相對爲文。哀者,憂悲, 以補明經義之未備,此《傳》意也。《正義》「椓」爲「諑」,失 訓相因也。○《釋文》云"「夭,災也。」「夭」、「椓」二字連 也。 「樂」同義。哿之爲言猶嘉耳,故昭八年《左傳》引《詩》「哿 詩本兼刺姻黨群小在位,從上下文言富人之有屋、穀立訓 經義也。《傳》乃以夭屬君,而椓屬在位,作分釋之詞。 王者,則經言君之夭極,未及顯指在位者之夭極於下民,此 文, 並有殘害侵削之義、《召旻》傳「椓, 夭椓」是也。 夭以命 而寠陋將貴也。」寠陋有穀,是國道終窮矣。《傳》義與《雅 惟逑鞫也。」「逑」本亦作「求」、《釋詁》:「求、終也。」《釋 作「速速方穀」,云:「《韓詩》亦同。」《爾雅 「有」字,今從《釋文》訂正。 《禮運》「以嘉魂魄」,鄭注曰: 「可矣富人,猶有財貨以供之。」失《傳》、《箋》之意矣。 ○「哿,可」,《雨無正》同。《詩述聞》云:「「哿」與「哀 《傳》云「遬遬,陋也」,《箋》云:「穀,禄也。 「鞫,窮也。」逑鞫,猶言終窮。 「哿,嘉也。」毛《傳》訓「哿」爲「可」,可亦 哿者,歡樂也。 「富人已可,惸獨將困。」《正義 李注《後漢書• 哿、嘉俱以加爲聲,而其義相 「嘉,樂也。」是「嘉」與 小人專禄,國道終窮 言樂矣彼有屋之 蔡邕傳》引《詩 釋訓》: 此小人富 「速速 蓋

티.

<u>Б</u>.

卷

寒では、そ月。、寒惸者,「惸」之俗字。《傳》以「單」詁「獨」。以詩》作「榮」。《禮記・閒傳》注:「單,獨也。」惸,亦獨也。《閔予小子》案惸者,「惸」之俗字。《傳》以「單」詁「獨」。單,古「禪」字。

《十月之交》八章,章八句。

言:「《韓詩》篇次與毛不異。」
《十月之交》,大夫刺幽王也。【疏》《正義》

時十月辛卯朔,日有食之。鄭《箋》用緯説改爲周厲王時日之醜。【傳】之交,日月之交會。 醜,惡也。彼月之會是謂辰,故以配日。」杜注云:「一歲日月十二會,所會之會是謂辰,故以配日。」杜注云:「一歲日月十二會,所會之會是謂辰,故以配日。」杜注云:「一歲日月十二會,所會之會是謂辰,故以配日。」杜注云:「一歲日月十二會,所會之會是謂辰,故以配日。」杜注云:「一歲日月十二會,所會之會是謂辰,故以配日。」杜注云:「一歲日月十二會,所會之會是謂辰,故以配日。」杜注云:「一歲日月十二會,所會之。朔月,月朔也。朔月辛卯,至如朔也。此詩爲周幽王也。朔月,月朔也。朔月辛卯,百有食之,亦孔

象也。 明也。《邶·柏舟》「日居月諸,胡迭而微」、《箋》:「日,君 明于上若日也,臣察于下若月也。」彼日月同盛,以喻君臣 傳:「日出東方,人君明盛,無不照察也。月盛于東方,君 厲王時事者,断難執以争矣。」阮説詳《揅經室集》。〇《傳》 有道,此日月共微,以喻君臣之失道也。《箋》:「微,謂不 《傳》所本。《管子・四時》篇:「日食,則失德之國惡之。」 訓「醜」爲「惡」者,謂當受其凶惡也。《左傳》:「晉侯問於 所無。今遵《後編法》推幽王六年十月朔正得入交。 「日月薄蝕而無光。」 亦與《傳》訓同。云「月,臣道,日,君道」者,《東方之日》 士文伯曰:「誰將當日食?」對曰:「魯、衛惡之。」」正爲毛 家、未有不與緯説異者。本朝《時憲書》密合天行、爲往古 辛卯朔,泛交十四,日五千七百九分入食限。」蓋自來推步 三千四百二十九人食限。《授時術》議曰:「幽王六年十月 交,梁虞剷以術推之,在幽王六年。」《開元術》定交分四萬 食。 儀徵阮元云: 《大衍術・ 月,臣象也。 微,謂虧傷也。」《漢書·劉向傳》云: 日蝕》議曰: 《小雅》十月之

其良。彼月而食,則維其常。此日而食,于日月告凶,不用其行。四國無政,不用

日食,則不臧

谷爲陵。 震,雷也。 爆爆震電,不寧不令。【傳】爆爆,震電貌。 山頂日冢。奉者,崔嵬。高岸爲谷,深 百川沸騰,山冢崒崩。【傳】沸,出, 【傳】言易位也。 哀今之人,胡憯莫

《詩》作「卒」。 雅·釋山》:「山頂,冢。」此《傳》所本也。 明,則百川理落脈通。 衍。 亦作「卒」。」《漢書・劉向傳》及《後漢書・董卓傳贊》注引 案三家《詩》沸騰爲踊溢,與《毛詩》踊出 電,不寧不令,百川沸騰」者也。 畎、澮皆川水漂踊,與雨水竝爲民害。 此《詩》所謂「爗爗震 滕。 滕,假借字也。《玉篇》:「滕,水上涌也。」引《詩》正 鏖。」今本《爾雅》「霆」下有「霓」字,涉上文「霓爲挈貳」而 謂之霆。」疾雷即震電之義。 也。」《穀梁》解「電」爲「霆」,則電亦雷矣。《爾雅》:「疾雷 秋·隱九年》:「大雨震電。」《穀梁傳》:「震,雷也。 盛也。」謂聲光之盛也。震爲雷,言雷以該電也。 「浡」聲義相近。今音甫味反,以沸爲鷺,非也。 陰陽溝激而生,震者電之聲,電者震之光。《説文》: 微。 【疏】經言「震電」,故《傳》云: 「陵」義相近。《漢書・李尋傳》:「水爲準平,王道公正脩 《侍遊蒜山詩》注引《韓詩章句》亦云:「騰,乘也。」「乘」與 ○《采叔》傳:「鸞沸,泉出皃。」是沸爲出也。 「騰,乘」、《閟宫》同。《文選》楊雄《甘泉賦》、顔延之 「卒」即「崒」之假借字。 偏黨失綱,則踊溢爲敗。今汝、潁 郭注云:「雷之急激者謂 其咎在於皇甫卿士之屬。」 「爆爆,震電兒。」 震電 「崒者崔嵬」四字各 《釋文》:「崒,本 乘陵訓同。 騰,讀 「沸」與 爗, 爾爾 《春 爲 誤 霹

533

正

傳》:「不用其良臣而不亡者、未之有也。」是《箋》用韓義

襃

也,言不用其善政也。《箋》云:「不用善人。」《韓詩外

不用之者,謂相干犯也。」「不用其良」,良,善

何不臧。【疏】「日月告凶」,承上章日月共微而言。

向傳》引《詩》作「鞫凶」,古鞫、告通。

行,道也。

《箋》:

劉

「行,道度也。

+

九

本誤 傳》: 中。 記・ 굸 Ē 申成毛義。 皆奪,足徵鄭氏箋《詩》,於毛《傳》中皆有經文複句,徑後寫 騰 此章爲地變,則陰陽不和,天地易位之徵,皆當在幽王六年 紀》言見納褒姒在三年,其立后尚在三年之後,至六年,遇 伯陽父曰:「周將亡矣。」是歲也,三川竭,岐山崩。」章 本也。《小雅·谷風》傳:「崔嵬,山顛也。」《説文》:「厜魇, 山 蝕 於下,水泉沸騰,山谷易處。」劉子政以此詩上二章爲天變, 日食之變而作此詩。 Ш 「崒」古必作「卒」矣。《釋山》:「崒者,厜儀。」此亦《傳》所 菲 「顛也。」字異義同。《周語》:「幽王二年,西周三川皆震! 地震之效。」似《齊詩》沸騰指地震説。 頂崔嵬者崩,君道壞也。」《箋》正承《傳》文,用三家説以 」上,《荀子》注引有「高岸爲谷,深谷爲陵」八字,今各本 震, 周本紀》合,非即此詩「百川沸騰,山冢卒崩」也。 「三川,涇、渭、洛也。」案川竭山 《漸漸之石》箋: ~入《箋》。 而子政以爲幽 「臣奉竊學《齊詩》,聞互際之要,《十月之交》篇 而即 楊倞注《荀子》引毛《傳》有此四字,今據以 《箋》云: 以爲非 、厲之際,連類相及耳。 《劉向傳》云:「天變見於上,地變動 幽王時, 「卒者,崔嵬。」鄭正用此《傳》文,則 云百 崩 沸 未知審也。 出 相 崩在幽王二年,與《史 乘陵者,由貴 ○《傳》文「言易位 《漢書 孔仲達亦 矛 人 知日 翼 知 《本 也 奉 沸 注 訂

> **朁莫懲」,言無有止亂也** 謂「易位者,君子居下,小人處上」。左雄説《詩》合鄭,或本 哉?」其下即引此詩。 子・君子篇》: 徙喻天命之靡常。《傳》云「易位」正本《左傳》爲訓。 陵。」三后之姓,于今爲庶。 君臣無常位,自古以然。 三家,與毛不同。 删 之耳。 昭三十二年《左傳》: 「以 憯,當作「朁」。 朁,曾也。 族論罪, 「亂」即「易位」,荀、毛義同也。 故《詩》曰:「高岸爲谷,深谷爲 君所知也。」」此蓋以谷、陵之變 以 世 一史墨 |舉賢,雖欲 日 「社稷無常奉、 懲,止也。 無亂 得乎 《箋》 「胡 《荀

史伯説幽王時事與此詩正同。 也。 也,而立以爲卿 父必是二人。《鄭語》:「史伯曰:「夫號石父讒諂巧從之人 朝政者,幽王時則皇父也。 【疏】士,事也。 行,用讒慝也。 方處。【傳】豔妻、褒 夫,聚子内史,蹶維趣 侏儒戚施、寔御在側、近頑童也。 皇父卿士,番維 主掌六卿之事,謂之卿士。 不建立卿士,而妖試 士,與剸 同 姒。 也。 司徒,家伯 宣王之時,皇父爲大師,與此皇 馬, 疑皇父即號石父,或皇父很 棄聘 美 楀 色 幸措,行暗昧也。」」案 活而 維 周法不昭 日 豔。 師氏, 豔 維 立内妾,好 卿士,三公中執 宰,仲 煽,熾 ·,而婦 妻煽 允 言是 窮固 也。 膳

曰:

書王命。」案幽王時聚子爲内史也。《古今人表》作「掫子」。 ○《周禮》「趣馬,下士,阜一人,徒四人」,「鄭司農説以《詩 卿士,不當復有家伯爲大宰,似誤。 《箋》宰爲冢宰,從《魯詩》説。 《詩》云:「番,氏也。」〇《周禮》「宰夫,下大夫四人」,鄭司 當是《毛詩》古説。 維宰。」」案仲師以此宰爲宰夫,毛無《傳》。仲師治《毛詩》, 農注:「宰夫,主諸臣萬民之復逆,故詩人重之,曰:「家伯 夫。」此亦宰夫稱宰之證也。《古今人表》「大宰家伯」,鄭 「膳夫中術」。 二人」、「鄭司農以《詩》説之曰:「仲允膳夫。」」《雲漢》傳 詩》作「繁」,如《鄉射·記》「皮樹」、今文「繁豎」之例。 者,是番也。 向,更以虢石父代之。 2》曰:「王命内史興父,策命晉侯爲侯伯。」策,謂以 「皮」亦聲近。《史記・河渠書》「河東守番係」、《索隱》引 「膳夫徹膳。」幽王以仲允爲膳夫也。《古今人表》作 [王八年,鄭桓公友爲司徒。] 詩作於幽王六年,爲司徒 「蹶維趣馬。」」《雲漢》傳云:「趣馬不秣。」是趣馬,主養 凡命諸侯及孤卿大夫,則策命之」,「鄭司農説以《春秋 《漢書・古今人表》作「司徒皮」、《釋文》引《韓 〇《周禮》「内史,中大夫一人,掌王八枋之 《春秋》「宰咺」,服虔注:「咺,天子宰 世遠年湮,迄無攷證。 但冢宰是執政之官,皇父爲 〇《周禮》「膳夫,上士 ○《鄭 語 簡策 「番」 言》: 説矣。

幽

權在相。」自康成信緯候,謂豔妻爲厲王后,而解者遂沿鄭 放賢,山崩水潰納小人。」又《昌受符》: 《詩》初無明文。《正義》引《中候·擿雒貳》:「剡者配姬以 以喪。 次序與毛同。 閻之亂。」《外戚・班倢仔傳》亦云:「哀褒、閻之爲郵。」案 子之妻曰后也。 《傳》以爲即《正月》褒姒。 注:「萬,讀曰「禹」。」《潛夫論・本政》篇作「踽」。○豔妻 兵。」楀、《集韻》引《詩》作「摛」。《古今人表》「師氏萬」,顔 師氏又有虎賁氏,與《周禮》同。 前,師氏、虎賁氏同官也。 有師氏而無虎賁、《立政》有虎賁而無師氏,蓋周公未定禮 誓》「亞旅、師氏」、《立政》「綴衣、虎賁」、《顧命》「師 《漢書》多用《魯詩》,褒、閻即渾括兩篇詩義,先襃後閻,其 臣」,某氏傳云:「師氏,大夫官。 大夫一人」,鄭可農注:「《詩》云:「橋維師氏。」」《書 馬之官也。 豔,美也。 閻妻驕扇,日以不臧。」又云:「絶驕嫚之端,抑 桓元年、文十六年《左傳》並有「美而豔」之文。 《書・ 閻與豔聲相 《漢書·谷永傳》云:「昔襃姒用國,宗周 宋、衛、 立政》篇有 晉、鄭之閒曰 褒姒爲幽王后,而云「妻」者,天 至成王顧命,二氏不同官,故 近。 「趣馬」。 襃姒、 《雲漢》傳云:「師氏弛 虎臣,虎賁氏。」案《牧誓 豔。 「厲倡嬖期十之世 閻妻爲二人,三家 ○《周禮》「師 美色爲豔。」並 氏 氏,中 《方 牧牧 褏 其

者,「傓」之假借,今作「煽」,俗字。處,居也。《毛詩》訓也。顏注《谷永傳》引《魯詩》:「閻妻扇方處。」扇與《傳》訓同。《説文》:「傓,熾盛也。」引《詩》作「傓」,本

抑此皇父,豈曰不時?【傳】時,

,是也。

剥之政。」文義與此正同也。 正。』《傳》云:「我后,桀也。 薉草矣。 萊之義也。 《楚茨》序:「田萊多荒。」《箋》::「茨棘不除也。」《遂人》注: 爲撤。 引《韓詩》:「抑,意也。」《箋》:「抑之言噫。」鄭用《韓詩》。 ○胡爲,何以也。 曰 此皇父」與「懿厥哲婦」句意相同。 萊。 胡爲我作,不即我謀? 「萊,謂休不耕者。」案休不耕,任其草生,來歲反耕,亦即草 「小池爲污。」古污、洿通用,故《孟子》「污池」一作「洿池」。 不是,豈不是也。 【疏】抑,讀爲懿,假借字也。 【傳】下則汙,高 撤牆屋,謂撤城邑民居也。《説文》:「洿,窊下也。」 《書 卒,盡也。 湯誓》篇: 我,我民也。 日,語詞。 此謂田盡不治 別菜。 「我后不恤我衆,舍我穡事 正,政也。 予,皇父自予也。《箋》云: 作,耕作,即,就也。 言皇父之自是也。 徹我牆 曰 古抑、懿聲近義通。 《傳》訓「時」爲「是」,豈 予不戕, ,則下者積水,而 言奪民農功 屋,田卒汙 禮 《釋文》 (而爲割 徹,讀 則 高者 而 抑 然 割

> 言文過也。」王肅改「戕」爲「臧」字。 「戕,殘也。 我不殘敗女田業,禮:下供上役,其道當:

○憖,無《傳》。《釋文》引《小爾雅》:「憖,願也。」《方言》: 《正義》據杜注《左傳》:「河内軹縣西有地名向上。」軹縣 也。 《傳》釋「三事」爲「三卿」,與《常武》同。 禮・大宰》:「乃施典于邦國,設其參。」注:「參,謂卿三 虎通義• 卿、皆命於天子,次國三卿、二卿命於天子,小國二卿、皆 多藏,言皇父所擇立己國之三卿,信是貪淫多藏之人也 命於其君。」鄭注云:「小國亦三卿,此文似誤脱耳。」案《白 【疏】孔、甚也。 人。」此皆列國三卿之證。 **憖**遺一老,俾守我王。 三有事,有司國之三卿,信維貪淫多藏之人也。 向。 上,周初蘇子邑,未審何時爲皇父邑也。 「抑此皇父,豈曰不時」而重言之也。 「亶」訓「信」。 擇三有事,亶侯多藏。【傳】向,邑也。 皇父孔聖、【傳】皇父甚 封公侯》篇引《王度記》曰"「子男三卿。」《周 經言甚聖,《傳》云「甚自謂聖」,即承上章 「侯」訓 維」。 作都向邑,則皇父本是列國 擇有車馬,以居徂 維 ,猶是也。 自 謂聖。 ○「向,邑」, 《王制》:「大國三 詩蓋刺 多藏爲貪淫 作都 貪不刺 未 向。 不 聞 擇 于 僭 向

在王朝。 高位,爲握重權。 也。」蓋皇父當日内附姻黨之族親,外擯賢勞之故舊: 也。」郭注引《詩》云: 不欲自强之辭也。」杜預注:「愁,且也。」《方言》:「愁,傷 位。』」句法正同。《韓詩》:「慭,闇也。」鄭《箋》:「慭者,心 公誄孔子曰: 「昊天不弔,不慭遺一老,俾屏余一人以在 皇父不願遺一 寧、甯聲轉相通。 「願」義爲長。《吉日》傳:「差,擇也。」差爲擇,則 願,欲思也。」《説文》:「寧,願 「擇」字同。 徂,往也。 《釋詞》云:「居,語助。 老,使守衛我王也。 《墨子•明鬼下》:「武王以擇車百兩。」與 雖張改封邑,亦唯知私厚己國,而身實仍 俾,使也。 「亦傷恨之言也。」諸家訓釋似不若 「不憖遺一 詞也。」「甯,所願 哀十六年《左傳》:「哀 言擇有車馬以往 老,俾守我王」,言 也。」 澤亦 ,以居 憖 向 爲

囂囂。 引《韓詩 【疏】《劉向傳》及《後漢書・傅毅傳》注引《詩》作「密勿」,黽 勉、密勿一聲之轉。 競由人。【傳】噂,猶噂噂。 黽勉從事,不敢告勞。 》作「警警」,《劉向傳》作 下民之孽,匪降自天。 《版》傳云: 「囂囂,猶警贅也。」《釋文》 沓,猶沓沓。 「嗸嗸」、《潛夫論 無罪 噂沓背憎,職 無辜,讒 職、主也。 賢難 口

Ħ.

競爲惡也 人」與「自天」對文。 云:「僔僔、沓沓,相對談語。」「職」訓「主」。 也。」《荀子・正名篇》: 語沓沓,如湯之沸,羹之方孰。」《説文》:「沓,語多沓 聚、衆義相近。《版》傳: 噂古今字。《説文》:「僔,聚也。」《廣雅》:「僔僔,衆也。」 衆枉。 「誻誻,多言也。」誻,俗「沓」字。然則僔沓猶聚語也。 僖十五年《左傳》引《詩》亦作「僔」,《玉篇・人部》同。 沓,猶沓沓」,此疊字釋單字之例。《釋文》:「噂,《説文》作 篇作「敖敖」,字並通。 「僔」。」今《説文》引《詩》,《人部》作「僔」,《口部》作「噂」。 勉彊以從王事,則反見憎毒讒愬。」○「噂,猶噂噂 「職競由人」,言不從天降,而主從人之 《劉向傳》云:「君子獨處守正,不橈 「愚者之言,誻誻然而沸。」楊 「泄泄,猶沓沓也。」《蕩》箋:「其笑 由 ,從也。 《箋》 一曲 注

屬之臣,心不能已。【疏】《爾雅》:「悠悠,思也。」「思」與 【傳】美,餘也。民莫不逸,我獨不敢 「憂」義近。《爾雅》: 不徹,我不敢傚我友自逸。【傳】徹,道 里,病也。 海,病也。 悠悠我里,亦孔之痗。【傳】悠悠,憂也。 「悝,憂也。 四 方有羡,我 瘦,病也。」郭注引《詩》作 休。 獨 也。 居 天命 親

五〇九

《傳》所謂「貪淫多藏」也。 也。 兮》同。《小司徒職》:「以其餘爲羨。」鄭司農注云:「羨,餘 震電之變,所謂「旻天疾威,天篤降喪」也。 「我不敢傚我友 爲不可通矣。天命不道,言天之令不循道而行,遂有日食 見於《詩》,故《爾雅》統釋之云「不道」也。《傳》釋「道」爲 也。」不適者,即《日月》篇之「報我不述」也。《毛詩》當作 爲語助。 也。」「羨」與下文「逸」作對文。餘者,有餘於財,即上章 自逸」,我,親屬之臣自我也。 《傳》「病」字,宋本誤作「居」,《釋文》不誤。 「痗,病」,《伯 「徹」,正本《爾雅》。 · 遹」。 遹,古 「述」字。 逸,逸豫也。」《爾雅·釋訓》:「不遹、不蹟、不徹,不道 「悝」、《玉篇》引《詩》作「癯」, 不徹者,即此篇之「天命不徹」也。不適、不蹟、不徹並 「我獨何害」、「我獨于罹」句法相同。 今《爾雅》「不適不蹟」下衍一「也」字: 不蹟者,即《沔水》篇之「念彼不蹟」 「我獨居憂」,言我獨憂也。 連、性同。 親屬之臣,心不能已,故不敢 里者,古文假借字。 ○《箋》云: 居

八句,三章章六句。《雨無正》七章,二章章十句,二章章

傚友之逸豫,所謂「敬天之怒,無敢戲豫」也

也。古正、政通用。 者離居、親屬之臣、義不得去而作。國政多門,用是離居也、衆多如雨、而非所以爲政也。【疏】此詩爲賢也、衆多如雨、而非所以爲政也。 雨自上下者

此穀、蔬别言也。 晐蔬也。《魯語》「能殖百穀百蔬」,韋注云:「草實曰蔬。」 之饑。」邵晉涵云:「「魄」與「匱」通。」案此皆相承古義,以穀 《方言》亦云:「駿,長也。」「駿」同「峻」,長猶常也。 【疏】昊天,席王也。 若此無罪,淪胥以鋪。 國。【傳】駿,長也。穀不孰曰饑,蔬不孰 收謂之旱,三穀不收謂之凶,四穀不收謂之餽,五穀不收謂 作「荒」。 又《墨子・七患》篇:「一穀不收謂之饉,二穀不 之康,五穀不升謂之大侵。」《韓詩外傳》「嗛」作「鎌」,「康 升謂之嗛,二穀不升謂之饑,三穀不升謂之饉,四穀不升謂 天》文。襄二十四年《穀梁傳》:「五穀不升爲大饑:一穀不 德,猶云「不恒其德」耳。 「穀不孰曰饑,蔬不孰曰饉」,《釋 天疾威,弗慮弗圖。 浩浩昊天,不駿其德,降喪饑饉 蔬,古作「疏」。○旻天,當依定本作「昊 「駿,長」、《爾雅・釋詁》文、《清廟》同。 舍彼有罪,既伏其辜。 【傳】舍,除; 日 淪,率也。 斬 饉。 不長其 伐 旻 四

病也。 而義同。《江漢》傳: 見《韓詩》。」案薰、勳古字通。《韓詩》作「薰」訓「帥」、《毛 雅》曰:「若此無罪,勳胥以痡。」勳,帥也。 漢書・蔡邕傳》:「下獲勳胥之辜。」李賢注云:「《詩・小 即 矣。」「弗慮弗圖」,弗、《箋》作「不」。 威」,猶云疾威上帝也。《蕩》傳云:「疾病人矣,威罪人 致誤。《逸周書・祭公》篇亦云「昊天疾威」可證。 「昊天疾 天」,此篇三言皆作「昊天」。 云「民之無辜,并其臣僕」,文義與此同。 詩》作「淪」訓「率」,《韓詩》作「痡」,《毛詩》作「鋪」,竝字異 言有罪者既除伏其辜,并此無罪者亦率相以病也。《正月》 《漢書・敘傳》:「嗚呼,史遷薰胥以刑。」晉灼注云:「齊、 「舍」與《羔裘》之「舍命不渝」、《瞻卬》之「舍爾介狄」不同 〈詩》作「不」。 病」,義本《江漢》傳,與《韓詩》合。 、魯《詩》作「薰」。 「除」之假借,除猶治也。「淪,率」,《釋言》文,《抑》同。 舍命、舍爾皆「捨」也。 言此無罪之人,而使有罪者相帥而病之,是爲大甚。 弗、不同也、《節南山》傳以「不」字訓「弗」字。 薰,帥也。 「鋪,病也。」《釋文》引王肅訓「鋪」爲 此《傳》讀「舍」爲「除」,謂「舍 作「旻」者,因《小旻》、《召旻》 從人得罪相坐之刑也。』《後 顔注《漢書・敘傳》引 鋪者,「痡」之假借字。 胥,相也。 痡

周宗既滅,靡所止戾。【傳】戾,定也。正

《書‧般庚下》篇:「今我民用蕩析離居,罔有定極。」文十 《正義》引王肅述毛云:「其道已滅,將無所止定。」案王説 此云「三事」,天子三公也。《箋》以三事爲三公。《正義 苦也。」「勞」與「苦」義相近。《左傳》引《詩》作「肄」。 同。「勩,勞」、《釋詁》文。「正大夫離居,莫知我勩」,言長 柔》「民之未戾」、《傳》亦訓「戾」爲「定」,義同。 是也。既滅者,即承上章「降喪饑饉,斬伐四國」而言。《桑 周」、《北堂書鈔・政術部十六》作「宗周」,唐初尚不誤 則鄭所據經本作「宗周」矣。昭十六年《左傳》引《詩》作「宗 式臧,覆出爲惡。【傳】覆,反也。【疏】周宗,當作 大夫離居,莫知我勩。【傳】動,勞也。 三事大 事爲三公,大夫謂其屬。」案王説非也。 云"「鄭言三公者,以經一三事大夫」爲三公也。 王肅以三 此意也。《十月之交》及《常武》所云「三事」,諸侯三卿也、 官大夫皆已離群索居,而不知我之賢勞也。《廣雅》:「勩 六年《左傳》:「百濮離居,將各走其邑。」並與《詩》「離居 夫,莫肎夙夜。 「宗周」。《正月》傳:「宗周,鎬京也。」此及《黍離》箋皆同: 「曾我暬御,憯憯日瘁」,末章「昔爾出居,誰從作爾室」,皆 邦君諸侯,莫肎朝夕。 三事大夫即上文之 〇正,長也。 庶 四章 也

言A)。 正言,而反以善爲惡也。下章「辟言不信」,即承此意而申 夕」,家上文「離居」而言。臧,善也。「覆,反」、《桑柔》同。 夕」,家上文「離居」而言。臧,善也。「夏,反」、《桑柔》同。 原曰式臧,覆出爲惡」,蓋以原離居之故,實出於王之不聽 原曰式臧,覆出爲惡」,蓋以原離居之故,實出於王之不聽 原曰式臧,覆出爲惡」,蓋以原離居之故,實出於王之不聽 原曰式臧,覆出爲惡」,蓋以原離居之故,實出於王之不聽 原曰式臧,覆出爲惡」,蓋以原離居之故,實出於王之不聽 原曰式臧,覆出爲惡」,蓋以原離居之故,實出於王之不聽 原之」。

同。 不虐幼賤,畏于天也。」左以「不」爲語詞 敬畏,畏于天也。文十五年《左傳》引《詩》釋之云:「君子之 得于道。」文義相同。○「凡百君子」,統指三事大夫言。 何也。不畏,畏也。 道聽途說,則無所爲善也。《小旻》云:「如匪行邁謀,是用不 也。 不相畏? 彼行邁,則靡所臻。凡百君子,各敬爾身。 《説文》亦云:「辟,法也。」「彼」與「辟言」對文。 邁,亦行 臻,至也。 如何昊天,辟言不信。【傳】辟,法也。 不畏于天。【疏】「辟,法」、《釋詁》文、《版 至,猶善也。 「胡不相畏? 不畏于天」,言何不各相 「如彼行邁,則靡所臻」,言如彼 胡 胡 如

日瘁。《傳》我,兵,遂,安也。勢御,侍御也。瘁,戎成不退,飢成不遂。曾我勢御,憯憯

御當是近臣之治事者。毛以「侍御」訓「暬御」,則當爲左右 《嵩高》「王命傅御」、《傳》云: 所作,而《序》云「大夫刺幽王」,則暬御未必是小臣之稱。 箴」,章注云:「暬,近也。」《後箋》云: 暬,當從唐石經作「暬」,從執聲。 《楚語》 「居寢有暬御之 而不退,飢成而不安。」「成」連上讀,失之。 〇曾,猶則 成不遂」,「成不」爲句中之詞,皆其例也。 爲句中之詞,于時,詞也, 中之詞,是用,詞也,而「亂是用長」、「亂是用暴」,「是用 詞;維其,詞也,而「曷維其已」、「則維其常」,「維其」爲 不,詞也,而 語 所安定也。成,當讀爲誠。《我行其野》「成不以富」、《論 爲「安」。安,讀「安民」之「安」。飢不安者,天降饑饉,民無 「于時」爲句中之詞, 不退者,幽王之末,用兵不息也。「遂」有「成就」之義,故訓 言則退。【傳】以言進退人也。【疏】《說文・戈部》: 病 「팫,兵也。 从戈、审。」审,古文「甲」字, 今隸變作「戎」。 也。 顏淵》篇作「誠不以富」,此其證。 凡百君子,莫肎用訊 「民莫不穀」、「民莫不逸」,「莫不」爲句中之 猶成不,詞也,而此篇「戎成不退,飢 而「肆于時夏」、「陳常于時夏」 「御、治事之官也。」然則此暬 「此詩自是暬御之臣 凡全《詩》句例,莫 聽言則 《箋》云:「兵成 荅, 也 譖 兵

則對 此同。 屬也。 其類也。 憯憯則 去臣」,及《王尊傳》云『一尊之身,三期之閒,乍賢乍佞」,皆 讒譖之言則排退其人,季布所謂「以一人譽召臣,以一 能退,不能遂。」虞注:「遂,進也。」此詩《傳》意蓋謂「聽言 對」、《傳》云:「對,遂也。」遂之義爲進。 對。 以從國事。」《傳》皆訓「瘁」爲「病」。《爾雅》:「顇,病也。」 主豐其禄,抱膺從容,爵位自從。」此與《詩》「暬御」同。 案《後漢書·蔡邕傳》: 知。《箋》泥於「暬」字之解,以爲左右小臣,恐非毛旨。」免 親近之臣,故末章《傳》云「遭亂世,義不得去」,其非 《墓門》「歌以誶止」,《傳》:「誶,告也。」今本作「訊」,誤與 《傳》:「瘁,病也。」《北山》「或盡瘁事國」、《傳》:「盡力勞病 〈釋文》:「或作「悴」。」《説文》:「悴,憂也。」「顇,顦顇也。」 《箋》意以對大臣言,故爲侍御左右小臣,非謂内豎小臣之 , 部 » 無 「 瘁 」 字 。 ,譖言則退』者,有 《大雅·桑柔》『聽言則對』與此正同。 《後箋》云: 《韓子·解老》篇: 《退而自咎。」與《詩》「熠熠 此二語所以申上文「凡百君子,莫肎用誶」,言 「《傳》以「進」釋「荅」字,「荅」本當作 〇訊,當作「誶」。《箋》: :時聽淺近之言則進用其人,有時受 「夫世臣門子 暬御之族,天隆其祐 「苦痛襍於腸胃之閒,則傷人也。 同。 《瞻卬》「邦國殄瘁」、 《易・大壯》:「不 《蕩》『流言以 _ 誶, , 告也。」 苏 人毁 臣 由 可

> 譖言則退。1庸得進乎。」1二條皆與《傳》義相近。」 日月之明。 也?」卬對曰:「夫雞豚讙嗷則奪鐘鼓之音,雲霞充咽則 事》篇:「齊宣王謂閭邱卬曰:「子有善言,何見寡人之晚 也。」其下引《詩》曰: 拙者病而巧者安也。 能言不能言,亦即承此章而反復明之。 其輕信好讒,故衆在位者無肎用危亡之事相 人,殺直諫之士,是以道諛媮合苟容,天下已潰,而 讒人在側,是以見晚也。 《漢 「聽言則對,谮言則退。」《新 書·賈山傳》言:「秦退誹 《 詩 》 曰: 惟聽言之不善,故 告語 「聽言則 者。 序 莫之告 謗 下 對 · 章 之

《傳》云「不得言」,得、能聲轉而義相近。 能言」句。 同。 【傳】哀賢人不得言,不得 舌」釋「匪舌是出 字,與《邶·柏舟》、《出其東門》、《常武》傳同。「不得出是 謂 巧言如流,俾躬處休。【傳】等,可 「能言」也。 能言也,巧言從俗,如水轉流。【疏】經言「不能言」、 云「可矣世所謂能言也」者,八字作 哀哉不 「巧言從俗,如水轉流」釋「巧言如流」句,所謂 不能言屬賢人,能言則屬讒巧之人矣。 能 |句,所謂「不能言」也。 言, 匪 出是舌也。 舌 是 出 以「不」字代「匪 「哿,可」、《正 句讀,以釋「哿矣 也。 維 哿 矣能 躬 可矣世所 是 昭八年 瘁。 月

丘

四

尊也。」亦與毛《傳》合。俾、《左傳》釋文作「卑」。

攻》篇:「《詩》傷「巧言如流、俾躬處休」、言佞彌巧者、官彌政》篇:「《詩》傷「巧言如流、俾躬處休」、言佞彌巧者、官彌以之言屬不能言、小人之言屬能言、順經爲説。《潛夫論・本之言屬不能言、小人之言屬能言、順經爲説。《潛夫論・本之言、信而有徵、故怨遠於其身。

思 者自述其不肎遷徙王都之意也。《正月》傳:「鼠,病也。」 大夫之采邑。「曰予未有室家」者,言不得其禄位,此代賢 欲招賢者共居王都,而賢者離居,終不來徙。 【傳】無聲曰泣血。無所言而不見疾也。 友而不肎反者也。 居,誰從作爾室?【傳】遭亂世,義不得去,思其 者不肎遷于王都也。 謂爾遷于王都,曰予未有室家。【傳】賢 《説文》: 「無聲出涕者曰泣。」是無聲爲泣也。 【疏】爾,爾賢者也。 鼠思 泣 血,無言不疾。 遷,徙也。 蓋王都 昔爾出 處者 1.爲卿

> 之故。 桓公尚寄孥號、鄶爲逃死之計,其不去者,必實有義不得 友,亦即此篇之朋友也。幽王之時,亂形孔亟,群臣離散,鄭 見二篇實一時之事。此不肎遷于王都之賢者,即上篇之我 之意。《後箋》云:「上篇末章「我不敢傚我友自逸」、《傳》: 室家? 居,言自王都出居也。 不疾」句。 下皆成血,此目驗矣。 繼以血。」是涕多則血出爲泣血也。免妻顧琴芝執親喪,淚 《説苑• 『親屬之臣,心不能已。」此篇末章《傳》「思其友而不肎反」,可 此等《傳》義,毛公當有師承,斷非望文衍説也。」 謂無人相助治理也。《傳》云「不肎反」,即不肎 權謀》篇"「下蔡威公閉門而哭,三日三夜,泣 二句家上「曰予未有室家」而言。 云「無所言而不見疾也」者,釋「無言 自昔賢者出居之後,又誰與我共作 ○出居,即 盡 峏

《小旻》六章,三章章八句,三章章

七句。

事,以至於亂。」
小旻,,大夫刺幽王也。【疏】旻天,庘幽王。

旻天疾威,敷于下土。【傳】敷,布也。謀

Ŧi.

<u>.</u>

猶」同。 之 邛。 也。 猶回遹,何日斯沮? 【傳】回,邪, 壞,毀也。 辟,皆合二字成義。《箋》以回爲回辟,而適用《釋詁》「遹・ 文之「爲猶」也。 文》:「專,布也。」「敷,從尃聲。」敷,俗字。 循」之訓。 《常武》傳云:「猶,謀也。」單言謀,絫言謀猶。 上篇。《箋》云:「旻天之德,疾王者以刑罰威恐萬民。」與 《章句》但釋「回」爲「邪僻」,或鄭本《韓詩》。 「回遹」。《釋文》引《韓詩》「回鴥」,《文選・幽通賦》注作 《列女》續篇《雋不疑傳》釋《詩》義合,此三家説也。 ·邛,勞也。」「病」與「勞」義相近。 《巧言》「維王之邛」,《箋》 「回穴」,《西征賦》注作「回泬」,竝與「回遹」同。 **適」爲「辟」者,辟,古「僻」字。《抑》、《桑柔》、《召旻》皆云** 「衺,窶也。」「回,邪」即「窶,衺」之假借,《鼓鐘》同。 謀猶」也。 謀臧不從,不臧覆用。 三章「不我告猶」、《傳》:「猶,道也。」以别上文之 【傳】环,病也。【疏】「疾」、「威」二字平列,義見 《西征賦》注引《薛君章句》云:「 「何日斯沮」,言不日天下毀壞也。 四章「匪大猶是經」、《傳》:「猶,道也。」以别上 《傳》意可尋者也。《説文》:「躗,衺也。」 我視謀猶, 適,辟; 「回,邪僻也」。 「沮」訓 猶, ○《爾雅》: 下兩言 亦謀 回遹、邪 《傳》訓 沮 亦 壞」, 埂 《説 :「謀 也 孔

亦云:「邛'病也。」

上,訿 【疏】滃潝、《説文》作「翕翕」、《爾雅》「翕翕」、《詩》正義、釋 事。 《字林》:「訿訿,不思稱乎上之意。」皆用毛《傳》。 《祈父》篇字不誤。 굸 思稱乎上」者,言不思報稱乎上意也。 《漢書・地理志》:「啙,弱也。」「啙」與「訿」同。《傳》云「不 《史記・貨殖傳》「啙窳偷生」,晉灼注:「啙,病也。」應劭 《爾雅》:「潝潝訿訿,莫供職也。」《雅》、《傳》辭異而義同: 《荀子・脩身篇》引毛《傳》「訿訿然不思稱乎上」,是其證) 義》不誤。《説文》:「訾訾,不思稱意也。」《爾雅》釋文引 作「訾訾」。《傳》「不思稱乎上」,「不思」各本作「思不」,《正 文皆作「潝潝」、《漢書・劉向傳》作「歙歙」。 謀之不臧,則具是依。 云「患其上」者、言與上爲患也。 「潝潝」有「强禦」之義。 「潝潝訿訿,不善之皃。」○底,當從唐石經作「底」。 《召旻》傳:「訿訿,窳不供事也。」《釋文》引《韓詩 訿 潝潝訿訿,亦孔之哀。 【傳】渝 然不思稱乎上。 《祈父》傳云:「底,至 瀉,讀爲「是謂脅君」之「脅」。《傳 謀之其臧,則具是違。 我視謀猶,伊于胡 「訿訿」有「病弱」之義。 皆謂臣下不供職之 也。 **泚泚,《説文》** 瀹 至猶善 然患其 楊 倞 也

與「則靡所臻」文義正相同。言我視謀猶,于何爲善也。伊,維也,發語詞。「伊于胡厎」

《傳》云「謀人之國,國危則死之」以釋經「咎」字之義。 《韓詩外傳》作「是用不就」。 敢執」者,言莫能任是過責也。 也。 庭,誰敢執其咎?【傳】謀人之國,國危則死之, ДŲ 疏 解爲長。《玉篇》、《廣雅》並云: 從。」崑山顧炎武《杜解補正》、元和惠棟《毛詩古義》皆以杜 云 民之多違,事滋無成。」即其義也。《伐木》傳: 亦云:「集,就也。」「集」、「就」竝與「成」同義。《黍苗》箋: 古之道也。 夫孔多,是用 集,猶成也。」《爾雅》: [章曰「如彼築室于道謀,是用不潰于成」,語意正 證》云: で訓 「匪,彼也。 「集,就」,《大明》同。 我 道」,不我告道,言龜瀆既厭,不復告我以吉凶之道 龜 「《小旻》三章曰「如匪行邁謀,是用不得于道」, 既 如匪 厭,不我 行邁謀,謀於路人也。 不集。【傳】集,就也。 一行邁謀,是用不得于道。 「就,成也。」《左傳》云: 集,即「就」之假借字。 7告猶。 襄八年《左傳》引《詩》,杜預注 ○匪,毛無《傳》。《左傳》注 「匪,彼也。」王念孫《廣雅 【傳】猶, 不得于道,衆 「咎,過也。」 「謀之多族 道也。 發言 元鈔本 相同。 【疏】 無適 「誰 盈 謀

> 兪雨 爲全《詩》「匪」字與「彼」字同義者發凡起例。 注《左傳》多同毛《傳》。疑此詩毛《傳》本有「匪彼也」三字, **王説亦從杜解**。 無 正》曰「如 彼 杜本賈、 行 邁」,其 服 一舊注。 意 略 同 賈景伯治《毛詩》,故杜 則 匪 即 『彼』也。」案 杜預注《左

傳》即本之以爲説。

匪、彼疊韻。

邇言 同。 不信_ 言。 也。 爲釋,則「是經」與「是程」同義,而「大猶」與「邇言」作對文 궇 「猶」訓「 「法」,連言之曰「法程」。 先民。程,法,經,常, 呈。」「呈」即古「程」字。 曰在昔,昔曰先民」、《國語 潰,遂也。【疏】猶,謀也。 「猶,道也。」《傳》先釋「經」字,後釋「猶」字,逆其辭以 《鹽鐵論・復占》篇引《詩》釋之云:「此詩人刺不通 不以先民是法,不能常守。 也。 如彼築室于道謀,是用不潰于成。 是聽,維邇言是争。 哀哉爲猶,匪先民是程,匪大猶 「道」,大猶,大道也。 《傳》訓「辟」爲「法」,與此訓「程 「經」訓「常」, 《冀州從事郭君碑》云:「先民 猶,道; 匪,非也。 《巧言》「秩秩大猶」、《箋》亦 魯語》文、《那》同。「程」訓 此大道即上篇所謂 【傳】古曰在昔,昔曰 邇,近也。 「非」與「不」同。 連言之曰「經常」。 爲「法」,文義正 是經 争 【傳】 爲 古 維 近 有

皆所謂「近言」也。 邇言。」鄭注云:「邇,近也。」邇言難察,「邇言是聽」, 訓「邇」爲「近」者,邇言,近言也。 意。此亦逆其辭以釋之也。 好察之矣。《傳》云「争爲近言」,以釋「維邇言是争」句,言 £ 上之人維近言之是聽,則下之人維相争爲近言,以逢迎王 遂」同義。《召旻》「草不潰茂」《傳》同 道 而 [善爲權利者。]亦與毛《傳》訓「猶」爲「道」合。 ○潰者,當是「遺」之假借字。 上文「行邁謀」與下文「道謀 《中庸》:「舜好問而好察 「遺」與 《傳》 則不

通聖也。 【疏】止,至。靡止,細小之至也。 否,古祇作「不」。《傳》以「不能」詰「不」。 若《豈風》傳: 止」,猶云國無小耳。 之「靡」訓「小」,以别下「靡膴」之「靡」不同義。「國雖 幺,細小曰麼。」靡、麼古今字,古祇作「靡」。《傳》於「靡 有恭肅者,有治理者。 者,有不能者,亦有明哲者,有聽謀者。 國 `或肅或艾。【傳】靡止,言小 ,雖靡止,或聖或否。 《緜》 》傳: 「聖,叡也。」《楚語》則連言之曰「叡聖」矣。 膴無 《説文》:「聖,通也。」連言曰「通聖」, ,美也。」則 如彼泉流,無淪胥以 《通俗文》云:「不長曰 此詩 民雖 也。 膴 不能者,言不能 靡 」字當亦 艾,治 膴 人 有通 , 或 敗。 訓 也。 止 哲 聖 靡 爲

爲幠。 之不從,是謂不乂。次三事曰視,視之不明,是謂不悊。 傳》:「長事一曰貌,貌之不恭,是謂不肅。 「乂,治也。」乂,古文「嬖」字。 證。 如《中庸》:「人道敏政,地道敏樹。」「敏」或爲「謀」,即其 與「靡止」同也。 引《韓詩》作「靡腜」,云: 聖,但解義爲異,古人引書,不必依字解説耳。 哲」、「聰謀」、「恭肅」,義即本《洪範》。 容,是謂不聖。」案《詩》言聖、哲、謀、肅、艾,即指《洪範》五 四事曰聽,聽之不聰,是謂不謀。 美」。 乂爲治,治爲治理,言民亦有明於治理者也。 之言有也。」東漢人訓詁如此。 「或」,古或、有聲通也。 或」字通訓也。 有」矣。或爲有,有亦爲或,或、有同義。 無,發聲。 謀,亦聰也,連言曰 人有五常之性,故皆有此五行之事也。 靡,無 幠,大也。 也。 「無淪胥以敗」,淪胥以敗 哲,亦明也,連言曰「明哲」。 無大有人,言少也。」王用韓義,則 ○《雨無正》傳:「淪,率也。」《釋詞》云: 民雖無美,猶云「民之無良」耳。 《天保》「無不爾或承」、《箋》:「或 「猶無幾何。」《正義》云:「王肅讀 「聰謀」。艾,讀爲乂,《爾雅》: 恭,亦肅也,連言曰「恭肅」。 若西漢之初,則直謂「或」爲 次五事曰思心,思心之不 **赴**。 唯艾言治理,聖言通 此《傳》爲全《詩 次二事曰言,言 言 謀,讀 周 《傳》云 《洪範五 德日衰,如 「有」釋爲 《釋文》 「靡膴 (爲敏) 明明 次 行

也。《抑》曰:「如彼泉流,無淪胥以亡。」無,亦發聲。」泉水之流,滔滔不返,無論智愚賢否,將相率而底於敗亡

篇》:「仁者必敬人。 敬小人之危殆」,言人知暴虎馮河爲害之非,而無知其不敬 曰 也。 小人之危殆,亦如暴虎馮河,有立至之害也。《荀子·臣道 李巡注云:「無舟而渡水曰徒涉。」《論語 其他。 詩》作「馮」訓「陵」。 《説文》:「淜,無舟渡河也。」《繋傳》引《詩》作「淜」。 (傳))既詁 【傳】戰戰,恐也。 一,非也。 有此形容危殆之語。 |句,舊當在「徒涉 《大叔 「暴虎馮河,死而無悔者,吾不與也。」」是暴虎馮河,當 釋訓》: 如履 【傳】馮,陵也。 敢暴虎,不敢 「馮」爲「陵」,又依經句作訓,則今本「徒搏曰暴 于田》傳:「暴虎,空手以搏之。」空搏即徒搏。 他,不敬小人之危殆也。 「暴虎,徒搏也。 薄 冰。 《説文》:「麦,越也。」「陵」與「夌」通 兢兢,戒也。 凡人非賢,則案不肖也。 日 《傳》釋「一」爲「非」,釋「他」爲「不 【傳】恐陷也。 馮 《馮河。 徒涉曰 河」之上,後人誤倒 馮河,徒涉也。」此《傳》所本 如臨 馮河,徒搏曰暴虎。 人知其一,莫知 【疏】馮、陵疊韻。 述而》篇: 深淵、【傳】恐 戰戰兢兢, 人賢 耳。 而不 爾爾 字子 《毛

也。 墜,俗「隊」字。 兢兢」,本亦作「矜矜」。《説文・兄部》云:「兢,讀若矜。 《雲漢》「兢兢」亦作「矜矜」。宣十六年《左傳》引《詩》「戰戰 子 》。 《吕覽·安死》篇注:「喻小人而爲政,不可以不敬。 河。 也。」此以戰戰爲恐,則兢兢爲戒,戒慎與恐懼無二義也 解「人知其一」句,與《傳》義略異。 之則危,猶暴虎馮河之必死也。「人知其一,莫知其他」, 亡也,故曰莫知其它。」是漢人說《詩》與《傳》義皆合。 皆知暴虎馮河立至害也,故曰知一。 人而爲政,不可不敬。 用古訓,非憑臆說也。 矣,吾從之。」子羽曰:「樂王鮒字而敬。」」尤可證《傳》義之 者則貴而敬之,不肖者則畏而敬之,賢者則親而敬之,不 狎虎則危,災及其身矣。」引: 《詩》曰: 「不敢暴虎,不敢馮 敬,則是禽獸 肖者則疏而敬之。其敬一也,其情二也。」毛《傳》正本《荀 非也。 如履薄冰,恐陷也」、《小宛》傳云「如集于木,恐隊也 人知其一,莫知其它。」故仁者必敬人。 又昭元年《左傳》:「晉樂王鮒曰: 【《小旻》之卒章善 人皆知小人之爲非,不知不敬小人之危殆。」此 也。 陷,從高下也。 人不肖而 不敬則危,猶暴虎馮河之必死。 高注《淮南子·本經》篇云: 不敬 此《傳》云「如臨深淵 , 則 ○《雲漢》傳:「兢兢,恐 是狎 而不知當畏慎小人危 虎 也。 敬人有道,腎 禽獸則 不敬 亂 又

亦同 《小宛》末章《韓詩》亦謂「大王居人上」,毛意或然也。《吕 懼之意。《左傳》晉羊舌職引此詩而釋之云:「善人在上。」 「《周書》曰 覽・慎大》篇云: 而作,故章末三句自言王者在上,進賢退不肖,當有戒慎恐 如臨于谷、恐隕也」,二《傳》訓同。 「若臨深淵,若履薄冰。」以言慎事也。」文義 「賢主愈大愈懼,愈彊愈恐。」其下即引: 案此詩本刺幽王用小人

(小宛》)六章,章六句。

(小宛》,大夫刺幽王也。

【傳】先人,文、武也。 貌。 責高明之功,終不可得。 鳴鳩,鶻鵰。翰,高,戾,至也。行小人之道, 宛彼鳴鳩,翰飛戾天。【傳】興也。宛,小 明發不寐,有懷二人。 我心憂傷,念昔先人。

《考工記· 圅人》:「眠其鑽空,欲其惌也。」鄭司農注: 【傳】明發,發夕至明。 【疏】《傳》釋「宛」爲「小兒」,《大 玄·沈》:「次四,宛雛沈視。」宛雛即少雛,正與《詩》訓同 「宛」。「宛彼北林」必是「宛彼鳴鳩」之誤。《晨風》作「鬱 一慈,小孔貌。 恋,讀 爲「菀彼北林」之「菀」。」《詩考》作

卷

+

ħ.

得也。 《廣雅》云斑鳩,非也。」斑鳩,鳩之大者,故郭景純不從舊 天,以喻幽王所行皆小人之道,而欲責以高明之功,終不可 句》:「厲,附也。」韓與毛字異 東亦呼爲鶻,似山鵲而小,短尾,青黑色,多聲。 也。」《方言》作「鶂」,與「班」同。 高誘《吕覽注》並以鳴鳩爲班鳩。 爲鶻鳩,而此以鳴鳩爲鶻鶻,則亦謂一物矣。《夏小正》: 彼」,不作「宛彼」也。 「高」、「戾」爲「至」,又以申明興義: 戾天、《文選・西都賦》注引《韓詩》作「厲天」、《薛君 句》:「鳴鳩,鶻鳩也。」《釋文》及《氓》正義引陸機《義疏》及 「三月,鳴鳩。」《月令》:「鳴鳩拂其羽。」《御覽》引蔡邕《章 七年《左傳》「鶻鳩氏」,杜注云:「鶻鳩,鶻鵰也。」《爾雅》: 證慈爲小孔。《説文》宛、慈一字也。「鳴鳩,鶻鵰」者,昭十 ·鶌鳩,鶻鵃。」案鶻鶌、鵙鵃,字異義同。《傳》於《氓》之鳩 《釋文》引《字林》云:「鶻鵃,小種鳥也。」義與郭同 高注《淮南子·時則》篇云:「鳴鳩奮迅其羽,直刺 毛《傳》訓「宛」爲「小」,故仲師本之以 而義同。 郭璞注《爾雅》云:「今江 《廣雅》: 鳴鳩之小,不能高飛至 ○「念昔先人」,此 毛《傳》訓 「鶻鵃, 舊説及 翰」爲 章 鳩

猶是思古明王之意也。《傳》釋「先人」爲「文、武」,與《雲 直刺上飛數十丈乃復。」此與《詩》義合。 上飛入雲中。」又注《呂覽・季春紀》云:「是月拂撃其羽

五一九

鳥

君子終日乾乾進德脩業者,非直爲博己而已也。蓋乃思述 驅》正義:「發夕,謂夕時發行。 漢》傳 祖考之令問,而以顯父母也。一觀此,可以知兩章之詩恉矣。 章合。《潛夫論·讚學》篇:「《詩》云:「題彼鶺鴒,載飛載 文義相同也。」懷,思也。 二人,謂父母也。 云「明發,發夕至明」、《載驅》傳:「發夕,自夕發至旦。」《載 言文、武者,文、武道同也。明發即發明,發明猶發夕。 《詩》云:「明發不寐,有懷二人。」是古説此詩者指文王。 我日斯邁,而月斯征。夙興夜寐,無忝爾所生。」是以 先祖爲文、武同。 《禮記 祭義》篇言文王之祭,即 明發,謂此至明之開發。 案此首章與四 此. 引

者」是也。 雅》:「齊,中也。」「正」與「中」義相近。《猗嗟》之「選」、《車 也。 也。」克、勝互訓。 廣淵」,與《詩》「齊聖」同。 攻》之「同」、《桑柔》之「黎」、《閟宫》之「翦」、《傳》皆詁爲 各敬爾儀,天命不又。【傳】又,復也。【疏】《爾 齊」,齊皆正也。 彼昏不知、壹醉日富。【傳】醉日而富矣。 人之齊聖,飲酒温克。【傳】齊,正,克,勝 文二年《左傳》「子雖齊聖」,又十八年《傳》「齊聖 齊爲正,則聖爲通,《小旻》傳「人有通聖 勝讀《論語》「不使勝食氣」之「勝」。《玄 温 ,猶温温也。《爾雅》: 「勝,克

> 《左傳》云:「天禄不再。」 《傳》云「醉日而富」者,醉日,日醉也。 從又,反謂之復,又謂之復,其理一也。不又,猶不再也 威儀也。《傳》訓「又」爲「復」。《執競》傳"「反,復也。」反 文「飲酒温克」而言,「富」字即生下文「天命不又」也。 作「福」字解、言自以日醉爲福也。 「而角自用」之意。《瞻卬》傳:「富,福也。」此「富」字亦當 》傳: 勝, 任 也。」〇) 壹,專 壹 也。 經文「壹醉日」三字家上 壹 而富,自富也。 醉 日」三字 連讀。 此 猶

耳。《箋》云:「藿生原中,非有主也,以喻王位無常家也 爲占今字。《白駒》傳:「藿,猶苗也。」是藿爲菽之嫩苗者 藿。」《易林・漸》云:「旦種菽豆,暮成藿羹。」皆是菽、藿通 之。【傳】螟蛉、桑蟲也。蜾蠃、蒲盧也。 稱之證。《説文》:「尗,豆也。」「藿,尗之少也。」 尗菽、藿藿 中、爾雅》「可食者曰原」是也。 菽,藿也。力采者則得之。 「藿」詁「菽」者,菽亦得稱藿也。《七月》「亨菽」、《釋文》: 教誨爾子,式穀似之。【疏】「中原,原中」,謂原田之 「菽,藿也。」《采叔》箋:「菽,大豆也。 采之者,采其葉以爲 中原有菽,庶民采之。【傳】中原,原中也。 螟蛉有子,蜾蠃負 菽,豆之大名。 負,持也。 《傳》以

子負持而去,煦嫗養之,以成其子。」《中庸》注:「蒲盧,蜾 蜂,蜾蠃之屬。 子 蜾 蛉不屬,蜾蠃取之。」《法言·學行》篇:「螟蝠之子殪,而逢 此即《莊子》「細要者化」之説也。《大玄・親》:「次三;螟 「《詩》: 嬴,蒲盧,細要土蠭也。 文。 蛉之類也。 屈 蓋蜀之爲獨也。「獨」有「大」義,故桑蟲之大者曰蜀,亦螟 桑中蟲。」《釋蟲》謂之烏蜀。 案桑蠹即桑蟲,一 蟃,亦曰戎女。」●《玉篇》:「蟃,螟蛉蟲也。」《正義》引 在草萊上。」又《釋蟲》:「蝎,桑蠹。 疏》云:「螟蛉,桑上小青蟲也。 ○「螟蛉,桑蟲」、《爾雅·釋蟲》文。 謂 説山》篇: 郭注云:「即細腰蠭也。 祝之曰: 蝤蠐與螟蛉一語之轉,自是一物也。《東山》傳: 土蜂 「螟蠕有子,蝺嬴負之。」 蛹,或作「蜾」。」純雄無子, 也 蛉、《説文》作「蠕」。 「貞蟲之動以毒螫。」高注云:「貞蟲,細 「類我! 蒲 無牝牡之合曰貞。」《箋》: :盧取桑蟲之子去而變化之,以成爲己子 名蝎,一 天地之性細要,純雄無子。」引: 類我!」久則肖之矣。」《淮 名蛣 郭注云:「大蟲如指,似蠶。」 俗呼爲蠮螉。」《説文》:「蟳 蝙,一 似步屈,其色青而細小,或 「蜾蠃,蒲盧」,亦《釋蟲) 蝎、蛞蝎。 郭注云:「俗謂之桑 名蝤蠐。 「蒲盧取桑蟲之 蝤蠐,蝎。」 蛣 蝙 即 蜀 《義 要 南 步

> 其言良是。」 菽,負爲負螟蛉,則似之亦當爲似爾子,謂嗣有女之萬民 陳氏又謂此章以 持也。 不同矣。 教祝青蟲變成己子」爲謬,於是唐宋以降都從陶 ○《箋》讀「似」如字。 蘆竹管中,亦取草上青蟲」,因以前人說《詩》言「細腰無雌 謂「細腰土蜂作房自生子,捕草上青蜘蛛爲子糧。 純雄無雌。 「似續」之「似」,言王不能治民,則將爲能治者繼而有之。 「嗣」,則此或不得同之於鄭。《稽古編》引《詩詁》以 蒲盧,蒲盧即土蜂。 青蟲子,祝使似之也。」説竝同。 於木空中,七日而化爲其子。」司馬彪注《莊子》亦云: 也。」《義疏》云:「蜾蠃、土蜂也。 《箋》云:「喻有萬民不能治,則 《傳》訓「負」爲「持」。襁負、負戴皆持也。 解《詩》者從古無異説。 上四句興此二句,文義各相承。 土蜂取桑蟲子變成己子,故以蜾蠃爲 《詩異義》云:「《傳》於「似」字皆訓 然則螟蛉爲桑蟲,蜾 似蜂 唯梁陶弘景《本草注 丽 能治者將得 小 腰、取 ,而與舊説 桑蟲負之 采爲采 持猶攜 又有人 「似」爲 之。 、嬴爲 「取

勤於德者則得之。」此《箋》申《傳》「力采者則得之」之義。

題彼脊令,載飛載鳴。【傳】題,視也。脊

刻

+-

Ħ.

^{● 「}戎」,原作「戒」,據徐子静本、宋監本《爾雅》及阮

棣》傳: 之不自舍,以興君子之不自舍,正本《大戴禮》爲説 所生。」言不自舍也。 不恥其親,君子之孝也。」《傳》以脊令 《大戴禮·曾子立孝》篇引:「《詩》云:「夙興夜寐,無忝爾 以日夜孳孳敏行而不敢怠也,辟若點鴒飛且鳴矣。」顏注 念,故云「君子有取節爾」。《漢書·東方朔傳》:「此士所 義之未備,皆其不能自舍之意。君子視脊令以動其勤脩之 《箋》云: 爲「題」。 【疏】《六書故》十「題」下引《傳》:「題,眡也。」眡,古「視 征。 詩之「載飛載鳴」。 令不能自舍,君子有取節爾。 「日就月將」耳。毋,唐石經作「無」。「忝,辱」,《釋言》文。 ○我,君子自我也。 「小青雀也,飛則鳴,行則揺,言其勤苦也。」義與《傳》 《玉篇》:「題,視也。」《大學》「顧諟天之明命」,「諟」或 夙 「脊令、鯔渠也。 顧題即顧視也。 「則飛則鳴,求其類,天性也。」案「則飛則鳴」即 興 夜寐,母 詩言飛鳴,而彼《傳》更言行摇,以補 邁、征,皆行也。 忝 飛則鳴,行則摇,不能自舍爾。」 題、題、諟並從是聲,義同。 爾 所 我日 生。 【傳】 恭,辱也 「斯邁」 日邁、月征,猶云 而 月 《常 斯 經 此

桑扈,竊脂也。 交交桑扈,率場啄粟。【傳】交交,小 言上爲亂政,而求下之治,終不可得 貌。

啄粟不宜。 下文「填寡」、「岸獄」而言。《易林・同人》云:「桑扈竊脂 場啄粟,顛倒其性,以喻上之人爲政而亂也。《傳》云「上爲 不啄粟,非云廉也。」案桑扈食肉,不啄粟,是其天性。 同時。《桑扈》篇「交交桑扈,有鶯其領」。《傳》:「鶯然有 扈。 《秦·黄鳥》同。《傳》訓「交交」爲「小」,即首章訓「宛」爲 亂政」以釋經「桑扈啄粟」,云「求下之治,終不可得」,兼探 者,以其性言之也。《淮南子·説林》篇:「鳥不食脂,桑扈 文章。」以其色言之也。此《傳》用《爾雅》「桑扈,竊脂」之文 桑扈與秋 屬竊藍,其色相似,而獨司蠶桑之候,亦與春 蠶。」《說文》亦云:「九雇,農桑候鳥。」以趣急蠶事,謂之桑 脂,爲蠶驅雀者也。」蔡邕《獨斷》:「桑扈氏,農正,趣民養 脯肉脂及筩中膏,故曰竊脂。」賈逵注《左傳》:「桑扈,竊 俗作「扈」。《正義》引《義疏》云:「桑扈,青雀也。 也。 也。 文。《爾雅》作「鳸」。《説文》:「雇,籀文作「鳸」。」今字通 「小」之義,皆以喻行小人之道也。「桑扈,竊脂」,《釋鳥》 以竊取肉食,謂之竊脂。 握粟 哀我填寡,宜岸宜獄。 亂政無常,使心孔明。」焦説正與《傳》義合也 出 卜, 自何能 以其色青,又謂之青雀。 穀。【疏】「交交,小兒」, 【傳】填、盡;岸、訟 好竊人 今循 則 鳸

中。」言無與於吉凶也。」 卜,安能爲善乎?《管子》云:「守龜不兆,握粟而筮者屢 之米貞于陽,卜而但持卷握之粟,求兆于豬肩羊膊,雖得吉 列傳》云:「卜而有不審,不見奪糈。」《詩》言貧者不得精鑿 下,願懷椒糈要之,使筮者占兹吉凶之事。」是也。 曰:「巫咸將夕降兮,懷椒糈而要之。」王逸云:「言巫咸將 曰:「巫用糈藉。」郭璞、高誘皆云:「祀神之米。」《楚辭 享神,謂之糈。《東山經》曰:「糈用稌米。」《淮南・説山》 記・政理部》及《説文》,引《詩》皆作「犴」。《周禮・射人》 無《傳》。 注作「豻」。「豻」與「犴」同字。悉本於《韓詩》也。○握粟・ 志》注、《後漢書・皇后紀》注、《鹽鐵論・刑德》篇、《初學 獄。」毛、韓字異義同。《荀子・宥坐篇》注、《漢書 文》引《韓詩》作「宜犴宜獄」,云:「鄉亭之繫曰犴,朝廷曰 盡寡者,盡謂窮盡,寡謂寡特也。「岸」爲「犴」之假借,《釋 《釋文》引《韓詩》作「疹」,云:「疹,苦也。」「疹」即「殄」字。 《箋》謂「竊脂無肉而啄粟,不能自活」,尚不足以申成《傳》 ○填,讀爲殄。 惠棟《詩古義》云:「古者卜筮,先用精鑿之米以 《瞻卬》傳:「殄,盡也。」古填、殄聲通。 故《日者 刑法

551

温温恭人、【傳】温温、和柔貌。 如集于木。

> 首尾相應,與《小旻》章末文義亦同 薄冰。」」此言大王居人上也。」《韓詩》説與《毛詩》首章興義 温恭人,如集于木。惴惴小心,如臨于谷。 之至道而恐不能行。三懼者,明君之務也。 傳云:「惴惴,懼也。」隕,亦隊也。 也。 【傳】恐墜也。 人以言明王也。《韓詩外傳》:「孔子曰:「明王有三懼: 登高位,故末章陳古明王居上位,而不敢怠忽於政事者,恭 柔也。]各隨文立訓。墜,當作「隊」,隊,落也。《秦•黄鳥] 柔也。」郭注云:「和柔。」《抑》「温温恭人」、《傳》:「温温,寬 曰處尊位而恐不聞其過,二曰得志而恐驕,三曰聞天下 戰戰兢兢,如 惴惴 小心,如臨于谷。【傳】恐順 履薄 冰。【疏】《爾雅》:「温温 案此詩刺幽王以小智而 **戰戰兢兢**,如 《詩》曰:「温 履

《小弁》八章,章八句。

而怨」之説亦異。事繫天下之存亡,故曰大也。 奇之詩,或本三家義,與《毛詩》説異,與《孟子》「親之過大 父而作詩。此《毛詩》説也。趙岐《孟子注》以《小弁》爲伯 【疏】大子,大子宜咎也。 《小弁》,刺幽王也。 宜咎被幽王之放,其傅乃述其念 大子之傅作焉。

桊

+

耳。 呼爲卑烏。」酈 何 ? 慕,日 殺之。 咎。 説又以爲賈烏。 也。 秦謂之雅。」郭璞注云: 言・學行》篇: 疏、《御覽・皇親部十二》引《毛詩傳》皆無「斯」可證。 之假借。」「鷽、卑居」、《爾雅・釋鳥》文。《正義》、《釋文》 莫不穀,我獨于罹。【傳】幽王取申女,生大子宜 「鷽」下有「斯」,而以「斯」爲語詞。定本無「斯」。今俗本 《爾雅》作「鵯鶋」,「鸒」下亦有 鵵」與「鷽」同。 |詩正義》所引《爾雅》無「斯」。《爾雅》釋文及《周禮》羅氏 」者,此以今名通古名之例。 《傳》既用《爾雅》「鸒,一名卑居」,而又云「卑居,雅烏 又説褒姒,生子伯服,立 譽,卑居。 號泣于旻天,于父母。 【疏】《説文》:「昪,喜樂也。」段注云:「弁者,「昪」 弁彼鸒斯 何辜于天? 注《水經 . 「頻頻之黨,甚於 鷦斯。」此用《詩》辭以足句 《小爾雅》云:「小而腹下白,不反哺者,謂 又云:「雅,楚烏也。一名譽, 名卑居。 卑 -居,雅 歸 「雅烏小而多群,腹下白。 潔水》引犍爲舍人以爲壁居,馬 飛 我罪伊何?【傳】舜之怨 提 烏 也。 提。 斯」。 《説文》: 心之憂矣,云如之 以爲后,而放宜咎,將 提提, 【傳】與也。 案無「斯」字是也。 「 鷦,卑居也。」 群 飛貌。 江東亦 弁 《法 樂 民 翩

之事。 窛。 知 被放而作。《管子· 經「罹」字之義,亦總釋全章之恉,以明《小弁》之詩乃宜 其事在九年之中,而去西周之亡甚急促也。 騒,十一年而斃。」然則大子宜咎奔放在申,幽王將有放殺, 伐周,周不守矣。」幽王八年而桓公爲司徒,九年而王室始 必求之申。申人弗畀,必伐之。若伐申,而繒與西戎會以 也。 句正同。 故「提提」爲「群飛兒」,與《振鷺》、《有駜》傳「振振,群飛兒 生也。」此「穀」字亦當作「生」義解。我,我大子也。 放逐、失父子之親、是雅烏之不如也。 飛皃。」《正義》據定本、《集注》,《傳》文「群」下無「飛」字, 之雅烏。」提者,「翄」之假借。 〈釋文》本有「飛」字。 飛」字可證。 「翄」同。《廣韻・五支》:「翄翄,飛兒。」又「提」下云:「群 ·翅翼」之「翅」。」翅即翄也。 ,以援外權,於是乎外夫人而危大子,兵亂内作, 此危君之徵也。」○《孟子・萬章》篇:「萬章問曰:「舜 言人莫不有生聚相樂,我大子獨處於憂,謂將 《鄭語》:「史伯告桓公曰:「王欲殺大子以成伯服 雅烏群集而飛歸,則提提然而樂,以興大子既被 《箋》云:「群飛而歸提提然。」經言「歸飛」, 君臣上》篇云:「婦人嬖寵,假 案有「飛」字是也。 「翨」讀爲「翅」,與 鄭司農注《翨 ○《大車》傳:「穀 《御覽》引《傳》有 "氏》: 此《傳》據以釋 翨 提 於男之 有放 以召外 讀爲 讀 爲

也。 子怨慕之詞。 罪伊何」也。毛《傳》援引《孟子》爲訓。 則兩「于」字當作「呼」字解。 知 號泣于旻天,于父母,則吾不知也。」公明高曰: 往 何」,言如之何順於父母,可以解憂也。 者,言大舜尚怨,故大子亦可然也。」「心之憂矣,云如之 于父母」、《列女傳・母儀》篇作「號泣日呼閔天,呼父母」、 爲子職而已矣。父母之不我愛,於我何哉?」趙注云: 「言舜自怨遭父母見惡之戹,而思慕也。」案「號泣于旻天, (也。)夫公明高以孝子之心爲不若是恝,我竭力耕田 手 長息問于公明高曰:「舜往于田,則吾既得聞命矣。 Ħ 號 泣于旻天。 《正義》謂「其傅言我心爲之憂」,則誤矣。 何爲其號 「於我何哉 | 泣也?] 孟子曰: 此亦大子之傅述大 《正義》云:「引此 」者,猶《詩》云「我 是非 忽 爾所 二, 共 慕

引樊光本《爾雅》作 嘒 雅 維 如 周 **冯道,周** 即 憂 濤 「儵儵、嘒嘒,罹禍毒也。」郭注云:「悼王道穢塞。」嘒 鳴 用 踧 【傳】怒,思也。 蜩嘒嘒」。 踧 老。 室之通 周 道 心 道。 ,鞫爲茂草。 「攸攸」。 之憂矣, 疢 儵儵,即「踧踧周道」之異文。《釋文》 鞫,窮也。 梼,心疾也。 攸,音條,並與 如 【傳】踧璥,平易也。 我心憂傷,怒焉 疾 首。【疏】《爾 「踧踧」古聲同 假 寐 水, 水, 水,

> 道窮也,故見者爲之憂傷。○「怒,思」、《釋詁》文。《汝墳 此詩爲伯奇而作。 横分也。]其下即引此詩。 傳》:「宗室擯卻,骨肉冰釋。 病也。」《吕覽》注云:「疾首,頭痛疾也。」《漢書・ 疾而卒。」又昭元年《傳》:「六疾:明淫心疾。」竝與《傳》訓 又注《審時》篇云: 之假借字、《釋文》引《韓詩》作「疛」,云:「義同。」是韓 箋:「怒,思也。」焉,猶然也。「如」與「而 蕪穢而險戲。」亦此意也。 此棘薪」也。 易踧踧然,今爲茂草所塞,《墓門》傳所謂 風》、《齊・ 道,周室之通道」者,周室,謂 「心疾」,與毛同也。 《爾雅》總括經義,《傳》乃 〈説文》:「踧,行平易也。」引《詩》本《傳》訓。 心疾」,乃跳動病心之疾。 《箋》云:「不脱冠衣而寐曰 南山》同。 《楚辭》東方朔《七諫》:「何周道之平易兮,然 胕 高注《吕覽·盡數》篇云:「疛,跳 窮,猶塞也。 ,動病心。 ,以言子臣不得於其君父者,非 兼通古訓,釋 茂草生,行道窮也,讒人進,家 襄三年《左傳》:「楚子重遇 鎬京 斯伯奇所以 假寐。」《説文》云:「疢,熱 附,讀如「疗」。」 也。 周室通達之大道、 「輷,窮」,《邶 踧踧 通。 「幽閒希行,用 流離,比干所以 《傳》云「周 |爲 |平 **擣者,**「疛 案 中 一方 山 易」。 其 其 動。」 清王 訓 谷 心 訓 生

維桑與梓,必恭敬止。【傳】父之所樹,己

五三五

桊

+

九

也。 于毛,不罹于裏。【傳】毛在外,陽,以言父。 則無所瞻視,非母則無所依據。 愛護之。今遭放去,不能安其宗,是謂蹷其本,所以怨也。 樹、己尚恭敬,以明幽王之周室爲文、武之周室,大子尤必 尚 爲陰者,亦以明男正位外、女正位内之義,而念今之不然 父母也。 附屬矣。 「不離于裏」承「靡依匪母」句。 離」字,皆作「離」不作「罹」。 ○屬,猶附也。 内,陰,以言母。 不 ,時也。【疏】桑梓以喻國家。 敢 「辰」訓「時」,「我辰安在」,言我何適在今時也。 「寧,安也。」寧、安同義,故二字竝與「何」同 不恭敬。 父、母以言毛、裹、《傳》必云毛在外爲陽、裹在 母者離于裏,非母則不能附離矣。 罹,當依唐石經作「離」。 天之生我,我辰 靡 瞻 匪 「不屬于毛」承「靡瞻匪父」句、 立父,靡 靡,無也。 父者屬于毛,非父則不得 《傳》意以桑梓爲父之所 依 安在? 凡「别離 匪 匪,非 言不得愛於其 母。 也。 義 」與「附 【傳】 不 裏在 非父 《葛 屬 内

淠淠。 淠,衆也。 菀彼柳斯, 【傳】蜩,蟬也。 譬彼 舟流,不知所屆。 鳴 蜩 嗤 嘒 一 劈,聲也。 喽。 有漼者淵 漼,深貌。 心之憂矣, ~;在 . 淠

> 苑 不遑假 通。 云: 茂盛則多蟬,淵深而旁生萑葦,言大者之無不容。」《説 《文選•秋興賦》注引《詩傳》:「嘒嘒,小聲也。」《説文》: 蟬,其小者也。 《蕩》同。 然迅疾而不礙也。」礙,猶止也。 乘舟》傳云:「國人傷其涉危遂往,如乘舟而無 意或然也。 又《韓詩外傳》云:「言大者無不容也。」此鄭所本三家,毛 「嚖」字。 「嘒,小聲。 「漼,深也。」萑,當作「崔」。 「國不養民,賢宜退也。」《爾雅》: 「羨蟬鳴自得,傷己失所遭讒賊。」訓 襍言》篇引此詩而釋之云:「言大者之旁無所不容。」 ○《節南山》傳: 《方言》「蟬,楚謂之蜩」是也。 《傳》云「漼,深皃」,「皃」當作「也」。 寐。 《楚辭》王襃《九懷》「林不容兮鳴啁」,王注云: 或作「嚖」。」《廣雅》: 《傳》云「嘒嘒,聲也」,疑「聲」上奪「小」字。 【疏】《菀柳》傳: 「屆,極也。」舟流喻大子放逐。 淠,讀爲朮。《説文》:「朮,艸 文義與此同。 「僡咦, 元菀 「嘒嘒,罹 茂木 其大者曰 鳴也。」疑 雖 皃。」「蜩, 禍毒也。」郭 異,而 派所薄 《説文》: 唐 意義實 「應」即 蜩; 汎汎 注 木

其雌。【傳】伎伎、舒貌。謂鹿之奔走,其足伎伎然鹿斯之奔,維足伎伎。雉之朝雊,尚求

也。《箋》云:「鹿之奔走,其勢宜疾,而足伎伎然舒,留其伎,舒皃」,又云「鹿之奔走,其足伎伎然舒也」者,舒,舒遲傷病也。 心之憂矣,寧莫之知。【疏】《傳》釋「伎舒也。 譬彼壞木,疾用無枝。【傳】壞,瘣也。謂

互譌。 意也。 群也。」此《箋》申《傳》也。《説文》:「伎,與也。」《廣韻》: 《説文》、《玉篇》疒部引《詩》皆作「瘣」。《爾雅》:「瘣木,符 傳「鹿得荓,呦呦然鳴而相呼」之意也。《説文》:「雊,雄雉 「伎,侶也。」與、侶即留群之義。「鹿足伎伎」,此即《鹿鳴》 翼,如木之傷病無枝葉也。 根榦,故謂之瘣。」案此正與《詩》義合,以喻大子放逐 即府瘻之意。《中論・ 婁。」郭注云:「謂木病尩傴癭腫無枝條。」符婁、《説文》作 下文云:「心之憂矣,寧莫之知。」 曰:「公子誰恃?」對曰:「臣聞亡人無黨。」」即此義也。 「疳瘻」。《傳》云「謂傷病也」者,釋經「疾用無枝」句。 『也。」雉雊求雌,此即《伐木》篇「嚶其鳴矣,求其友聲」之 以念今大子鹿雉之不如。 經當作「瘣」、《傳》以「壞」詁「瘣」。《爾雅》樊本及 蓺紀》篇:「木無枝葉,則不能 僖九年《左傳》:「秦伯謂郤芮 ○「壞瘣」二字疑經、《傳》 傷病 無輔 遭其 故

相彼投兔,尚或先之。行有死人,尚或

卷

十九

引《詩》作「殣」。《楚語》:「道殣相望。」韋注云:「道冢曰 爲「殣」,形之誤也。 心之憂矣,涕既隕之。【傳】隕,隊也。【疏】堪,當 墐之。【傳】墐,路冢也。 《禮記》云:「垂涕洟。」 子, 席幽王也。 愛,乳狗搏虎,伏雞搏狸,恩出於中心也。」即引此詩。 埋而置楬焉。」此周制也。 不入塋域者也。 殣。」引《詩》亦作「殣」。案道冢即路冢,占人族葬,路 「隕,隊」,《七月》、《緜》同。 《周禮·蜡氏》:「若有死於道路者,則令 《説文》:「殣,道中死人,人所覆也。」 《列女傳·節義》篇:「夫慈故能 君子秉心,維其忍之。 隊,猶 垂也 〇君 冢 則

也。 究之。伐木掎矣,析薪批矣。【傳】伐木者持其 佗,加也。【疏】釂,猶荅也。惠,順也。 巔,析薪者隨其理。 之,而偏引之,而從後牽之。 釋經「掎」字,蓋凡伐木者,必先以繩索繫其顛木,而角束 而東之曰掎。」賈逵《國語注》:「從後牽曰掎。」《説文》: 「掎,偏引也。」掎有三訓,而義實相通。 不舒究之,言不寬緩而窮治之也。 君子信讒,如或醻之。君子不惠,不舒 舍彼有罪,予之佗矣。【傳】 今人斬伐 此《傳》以掎木之顛 大木 〇《七月》傳:「角 舒,緩也。 者猶 如 究,窮 是也。

大子。」 《正義》,「挫」字衍。〇佗、加疊韻,俗字作「駝」。《説文》: 《五經文字·木部》: 曰:「負罪引慝。」《箋》云:「舍褒姒讒言之罪, 舍彼有罪之人,而惟加其罪於我也。 不欲妄挫析之。以言今王之遇大子,不如伐木析薪也。」依 之理釋經「他」字,與析、落兩訓其義實相因也。《箋》云: 參所據本亦作「他」也。 顛,俗作「巔」。 「佗,負何也。」「負何」與「加」義相近。 予,我也。 言今君子 「掎其顛者,不欲妄踣之。 「斯,析也。」《説文》:「杝,落也。」此《傳》以隨薪木 **地**,唐石經作「杝」、《玉篇》引《詩》作 「杝,又音榹。 「杝,音概」,則與「斯」字同義。 杝,謂觀其理也。 見《詩・小雅》。」則張 佗罪猶負罪。 必隨其理者 而妄加我 《書》 他。 《墓

符。 之?」曰:「怨乎。」孟子曰:「固哉! 高子曰:「《小弁》,小人之詩也。」孟子曰:「何以言 子無易由言,耳屬于垣。 他,疎之也。 有越人於此,關弓而射我,我則 我躬不閲,遑恤 莫高 匪山 兄弟關弓而射我,我則 · 莫浚匪泉。【傳】浚,深也。 我後?【傳】念父孝也。 無逝我梁,無發我 垂涕泣而道之, 談笑而道之,無 夫高叟之爲詩 君

之言。《箋》以爲用讒言,恐非《傳》義。

無,勿也。

逝,之

口 言。」名正也。」此詩乃深戒幽王當慎用其言,不得 正假馬之言,而君臣之義定矣。 也。」「繇」與「由」通,「用」、「於」義同。《韓詩外傳》:「孔子 易由言,無曰苟矣」、《箋》:「由,於也。」《爾雅》:「繇,於 與?」此必本三家《詩》義。 夫讒諛所舉,無高而不可升,相抑,無深而不可淪,可不察 瓊傳》:「昔曾子大孝,慈母投杼。 赤匪狐,莫黑匪烏」句法相同,而興義未聞。《後漢書 作「濬」。 澮歫川。」《史記》作「浚」。《易・恒》::「初六,浚恒。」鄭本 與「濬」同。 也。 也。 而 過大者也。 怨?」曰:「《凱風》,親之過小者也。《小弁》,親 無 ,將有讓人屬耳於垣壁以窺伺之也。 怨,是不可磯也。 他 固矣! 孔子曰:「舜其至孝矣,五十而慕。」」【疏】浚,讀 ,戚之也。 此浚、濬聲通之證。「莫高匪山 《長發》傳:「濬,深也。」《書·皋陶謨》: 親之過大而不怨,是愈疎也。 夫高叟之爲詩。」曰:「《凱 然則《小 愈疎,不孝也。 弁》之怨,親 ○《箋》:「由,用也。」《抑》「無 《詩》曰: 伯奇至賢,終於流放 言,謂即 ,莫浚匪泉」與「莫 不可磯,亦不 親 君子 也。 (風))何 親之 一廢適 親 2易出 ·無易 親,仁 「濬畎 過 以 立 庶 諸 黄 孝 之 由 小 不

子論《小弁》之詩,親之過大而怨,是以爲孝,直擬諸大舜怨 身不能容説於父,何暇憂我之後日乎? 鄃 也。 故《傳》云: 父爲憂,猶冀其或改也,故云:「無逝我梁,無發我笱。」 ",當是積古解《詩》之義如此,以總釋全章也 恤,憂也。 之我梁、發我筍、以喻褒姒讒佞、將顛覆周室、大子代 谷風》傳: 「念父孝也。」念即慕也。 後,後日也。 「閱,容也。」遑,當作「皇」,暇也,以言不暇 「我躬不閱,皇恤我後」,言我 《傳》又引孟子爲高 案此皆念父之詞

《巧言》六章,章八句。

是詩也。【疏】五章有「巧言」二字,因以名篇。 《巧言》,刺幽王也。大夫傷於讒,故作

已,甚也 **蹄幽王**。 昊天泰幠,予慎無辜。【傳】威,畏,慎,誠 此幠。【傳】幠、大也。 【疏】悠悠,憂也。 憮,大」、《爾雅・ 悠悠昊天, 曰父母且。無罪無辜, 亂如 幽王好信讒,而賢者被罪,國政亦因之以致亂 「威」訓 釋詁》文。 且,語助。 「畏」,畏謂畏亂也 昊天已威,予慎 亂如此無,言亂如此大也。 尊之如昊天,親之曰父母,皆 《列女傳》續篇引 無 罪。 也。 也 \bigcirc

泰。《新序·節士下》篇引《詩》作「大」。「昊天大幠」承「昊辜也。「誠」作虚義解,不作實義解。泰、《釋文》作「大」,音同。慎之爲誠、與展之爲誠、亶之爲誠、苟之爲誠並同。同。慎之爲誠,與展之爲誠、亶之爲誠、苟之爲誠並同。同。慎之爲誠,與展之爲誠、亹之爲誠、苟之爲誠並同。以言與,則無罪而遘咎也。」三家

天已威」句,言王亂可畏甚大大也。

乃言君子之信讒也。 側蔭反」是也。《衆經音義》卷五引《詩》作「譖」。 也。 盡得容,其讒言有漸也。」「僭始既涵」句就讒之者説,下文 遄口。【傳】祉,福也。【疏】僭,當爲「譖」、《釋文》「音 遄沮。【傳】遄,疾,沮,止也。 減,少也。」與毛義異。《箋》云:「君子, 席在位者也。」 (詩)義正同。 「溜」有「容」訓矣。《論語》云:「浸潤之譖,膚受之愬。」與 潘」與「含」通。 數」與「婁」同義,謂數進讒言也。 亂之又生,君子信讒。 亂之初生, 僭始既涌。 王肅云:「言亂之初生,讒人數緣事始自 《説文》:「涵,水澤多也。」即引此詩。 A、《釋文》引《韓詩》作「減」,云: 既爲終,始既即始終也。 君子如祉 【傳】僭,數; 君子如怒,亂 亂 涵 庶 庶 容 是

五元

+

九

〇「遄,疾」、《泉水》、《烝民》同。

「沮,止」、《雲漢

河。

子• 禄之也。 祉,亂庶遄已。」君子之喜怒,以已亂也。」」《左傳》「喜」詁 鮮,易者實多。《詩》曰:「君子如怒,亂庶遄沮。 也。 憂。」韋注云:「喜,猶福也。」是福亦喜也。 爲止也。 人,如怒責之,則此亂庶幾可疾止也。 「祉」,❶與毛《傳》「福」詁「祉」義同。《箋》云:「君子見讒 梁惠王》篇:「嬖人有臧倉者沮君,君是以不果來也。 「行,或使之。 宣十七年《左傳》:「范武子曰:「吾聞之,喜怒以類者 如此則亂 「祉,福」,《六月》同。 止,或尼之。 |亦庶幾可疾止也。| 此鄭申毛也 《魯語》:「慶其喜而弔其 行止,非人所能也。」」是 福者,福賢者,謂 遗已,猶遗泪 君子如 爵 泪

战《左傳》「要言」亦曰「成言」矣。《傳》引《周禮》文,以釋經 疑會同,則掌其盟約之載。」盟要即盟約。 案無「不」字是也。 進也。 同,則 及《集注》本皆云「用盟而不相要」,所據《傳》文有「不」字。 【傳】盗,逃也。 君子屢 用 匪其止共,維王之邛。 盟 而 相 盟,亂是用 盜 《周禮》: 要 一言孔甘,亂是用餤。 也。 「司盟掌盟載之灋。 君子信盜, 長。 【傳】凡國有 【疏】《正義》引定本 要之爲言成也 亂 是 【傳】餤, 凡邦國有 用 疑 暴 會

> 之進日 則麵 曰 是也。 也。 《爾雅・釋詁》文。《説文》無「餤」字。 假借字。 龜。 之「盟_ 用之證。 突盜以先之。」案「突盜」即《王制篇》之「遁逃」,此盜、逃 生。」又云:「汙漫突盜、常危之術也。」《王霸篇》云: 何?」並引此詩。 年《傳》:「鄭大夫盟於伯有氏。 宋無信也。 盟于句瀆之丘。 猶以也。 讀若沾。」疑「餤」即 从炎,舌聲。」徐鉉云:「當从話省聲。」段注改從 西聲, 亦讀如沾。 宋公辭平,故與鄭伯盟于武父。 」字耳。 《合部》:「因,舌兒。 麵,其理同也。麵、類形近,因旁炎因誤作舌旁炎! 《荀子·榮辱篇》云:「陶誕突盜,惕悍憍暴以偷 桓十二年《左傳》:「公欲平宋、鄭。 莊十七年《穀梁傳》云: 君子曰:「苟信不繼,盟無益也。」」又襄二十九 屢,當作 沾,今之「添」字。 宋成未可知也,故又會于虚。冬,又會于 ○《傳》詁「盜」爲「逃」,謂「盜」即「逃」之 「痴」之異體。痴從因聲,因讀若沾, りまし。 讀若「三年導服」之「導」。 婁, 裨諶曰:「是盟也,其與幾 數 「逃義曰逃。」「餤,進」, 炎光之升曰 麵 遂帥師而伐宋,戰焉. 也 《炎部》:「銛 數 盟則亂長。 秋,公及宋公 ,炎光 「汙漫 用, 通

^{● 「}詁」,原作「祜」,據中國書店影印武林愛日軒刻本、徐

又爲王作病。」鄭用韓以申毛也。 《説苑・政理》篇: 「此傷姦 旻》傳云:「邛,病也。」《韓詩外傳》引《詩》釋之云:「言不共 其職事而病其主也。」《箋》:「小人好爲讒佞,既不共其職事: 匪,不也。 作「麵」,麵與甘韻。《釋文》:「餤,音談,音鹽。」皆誤。 〇 類」亦作「談」, 談、餤聲近, 舌旁炎又誤作食旁炎耳。 維,爲也。止共,猶言共止,倒句協韻耳。《小 古字

臣蔽主,以爲亂者也。」亦與《韓詩》同

也。」 刌度,言案切測度也。 文》:「忖,本又作「寸」。」寸,古「刌」字。《説文》:「刌,切 【傳】毚兔,狡兔也。【疏】《韓奕》傳:「奕奕,大也。」《御 大猷」。」此本三家《詩》。猷,道也。莫,讀爲謨,此假借字。 云"「秩秩,有知也。」《説文》"「戭,大也。讀若《詩》「戭戭 覽・地部五》引彼《傳》「也」作「皃」,與此《傳》同,疑「皃」皆 他人有心,予忖度之。 莫之。 【傳】奕奕,大貌。 「也」字之誤。「秩秩,進知」者,謂進乎知也。《小戎》傳 「謨」。《抑》傳云: 〈漢書・敘傳》注、《後漢書・文苑・傅毅傳》注引《詩》作 奕奕寢廟,君子作之。秩秩大猷,聖人 「謨,謀也。」○《箋》以他人指讒人。《釋 **躍躍,《初學記** 秩秩,進知也。莫,謀也。 躍躍毚兔,遇犬獲之。 獸部》及《文

> 王用韓以述毛也。《廣雅》:「毚,獪也。」狡、獪義相近 王肅云:「言其雖騰躍逃隱其迹,或適與犬遇而見獲。」此 言趯趯之毚兔。謂狡兔數往來逃匿其跡,有時遇犬得之。」 之。」、《集解》引韓嬰《章句》:「趯趯,往來兒。獲,得也。 選•西京賦》注引《詩》作「趯趯」。《草蟲》傳云:「趯趯,躍 也。」《史記·春申君列傳》:「《詩》云:「趯趯毚兔,遇犬獲 「毚兔,狡兔」喻讒人。

之樹木也。《箋》以「行言」與下「碩言」作對文,碩言爲不顧 行言,心焉數之」,言往來在道路之言,當心悉數之,如君子 「緍,被也。」謂被之於琴瑟也,義自互明。 榛、栗者,以此也。《抑》「荏染柔木,言緍之絲」,《傳》: 因言樹而連及之耳。《傳》訓「柔木,椅、桐、梓、漆」,不數 方中》「倚桐梓漆,爰伐琴瑟」,謂此四木中琴瑟材。 柔、弱同義。《傳》因詩言「柔木」,故云:「柔意也。」《定之 弱長兒。」《廣雅》:「栠栠、姌姌,弱也。」「荏染」即「栠姌」。 言如簧,顔之厚矣。【疏】《説文》:「集,弱兒。」「姌 蛇蛇碩言,出自口矣。《傳》蛇蛇,淺意也。 柔木,椅、桐、梓、漆也。往來行言,心焉數之。 在染柔木,君子樹之。【傳】在染,柔意也。 行,道也。「往來 巧

559

卷

貌。」引《書》「諓諓靖言」。《潛夫論·救邊》篇云:「淺淺善 璭 之過。」竝與《傳》訓合。 靖,俾君子怠。』《鹽鐵論・ 言。」《公羊》釋文引賈注《國語》云:「諓諓,巧言也。」《楚 貌。」《越語》「又安知是諓諓者乎」,韋注云:「諓諓,巧辯之 羊傳》引《書》「惟諓諓善竫言」,何注云:「諓諓,淺薄之 作「呭」,又作「詍」,多言也。 聲同而義近。《版》傳: 色」,趙注:「訑訑,自足其智,不嗜善言之貌。」「蛇」與 未審《傳》意然不也。 往亦可行,來亦可行, 行之大言; 云"「此言君子樹善木,如人心思數善言而出之。 • 九歎》「讒人諓諓,孰可愬兮」,王注云:「諓諓,讒言 《傳》云「淺意也」者,「淺」讀與「諓」同。文十二年《公 如簧,如笙之鼓簧也。 行」讀爲 一德 〇《孟子·告子》篇「訑訑之聲音顔 於彼亦可,於己亦可,是之謂行也。」 解者多以「淺近」申《傳》,失其義 「泄泄,猶沓沓也。」《説文》引《詩 論誹》篇云:「淺淺面從,以成人 行」之「行」,行言爲善言。 蛇與泄、呭、詍又並聲轉而義 善言者 **《箋** 池

爲猶 微且 無 腫, 將多,爾居徒幾何? 彼何人斯,居河之麋。 拳無 爾勇伊 勇, 何? 職 爲 亂階。 【傳】骭瘍爲微,腫足爲尰。 【疏】《箋》云:「何人者 【傳】拳,力也。 【傳】水草交謂 既 之

> 勇」。 \exists 謂「好勇而不亂者」也。 拳亦勇也。 拳、捲、權三字同。《傳》詁「拳」爲「力」者,義出《國語》也、 《説文》云:「《吴都賦》當作「權勇」。權者,「捲」之異體。」案 都賦》「覽將帥之權勇」,李善注:「「權」與「拳」同。」段注 之鄉有拳勇股肱之力秀出於衆者。」《管子・小匡》亦作「拳 隒也。」水隒猶水邊,水邊即水草之交。○《齊語》:「於子 此古麋、湄通用之證。 傳》「余賜女孟諸之麋」,杜注云:「孟諸,宋藪澤。 《詩》皆作「湄」。 交曰麋。《太平寰宇記》云:「虞城孟諸澤,俗呼爲湄臺。」 交爲湄。』《傳》所本也。 **渧讒人也。** ❶「勇則害上,不登于明堂。」況無勇而主亂乎? 《説文・手部》引《國語》作「捲勇」。《文選》左思《吴 賤 韋注云:「大勇曰拳。」拳勇本才力之美稱,所 而惡之,故曰 湄,本字,麋,假借字。 《蒹葭》「在水之湄」、《傳》:「湄,水 郭注及李注《文選》任昉《奏彈》引 職,主也。 何人。」《爾雅 文二年《左傳》引《周詩 僖二十八年《左 釋水》: 水草之 「水草 惡之

于明堂」係《逸周書·大匡》篇文。所名也。」楊伯峻《春秋左傳注》以爲「勇則害上,不登云"、「志者,謂也。 【周志」,明是周世之書,不知其書何「志」。 杜預注云: 「《周志》,《周書》也。」 孔穎達正義 『詩」、《清經解續編》本同。 阮刻《春秋左傳正義》作

0

酒,使大師歌《巧言》之卒章。」●杜注云:「公欲以喻文子居 也。 徒,猶 觀則民愁,民愁則墊隘,於是乎有沈溺重膇之疾。」❷杜 **尰,足尰也,亦作『癗』。」《説文》:「癗,脛氣足腫。《詩** 之尰,猶骭瘍謂之微,腫 字。「腫足爲尰」,亦《釋訓》文。 文》:「瘣,病也。 下、脛以上也。」然則厀下脛上生瘍是爲微、音薇。 也。」「骹,脛也。」高注《淮南子・俶真》篇云:「骭,自厀以 河 勇」句,「爲猶將多」承「職爲亂階」句。 正》云「謀夫孔多」是也。 其拳勇,❸又何爲也? 何,猶維何也。 重」。 ?上而爲亂。」是其義也。 」即「瘣」之假借字。 「沈溺,溼疾。 郭注云:「骭,腳脛。 『既微且瘴。』籀文作「馗」。」案字當從重得聲,占亦作 襄十五年《傳》:「孫文子如戚。 質直也。 成八年《左傳》:「郇、瑕氏土薄水淺,其惡易覯。 《定之方中》傳 言爾既居生溼之地,得微尰之疾,雖欲自恃 一日 重膇,足腫。」「重」即「尰」之假借字。 腫旁出也。 《爾雅》釋文引字書作「癓」,爲俗 猶,謀也。 、瘍互詞。 「既微且尰,爾勇伊何」承「無拳無 瘍,創也。」《説文》云:「骭,骹 ○「骭瘍爲微」、《爾雅 以「直」訓 腫足,當作「足腫」,足腫謂 《玉篇》:「瘴,足腫也。 胡罪切。」古微、瘣同部。 將多,猶孔多。 孫蒯 居,讀爲其,語 「徒」,此以 入使。 公飲之 「徒」爲 俞雨 釋訓 助詞。 《説 易 無 伊 注

書

「直」。「爾居徒幾何」,猶言爾直幾何也。

《何人斯》八章,章六句。

子• 塤,蘇 書・ 今河南懷慶府温縣是其地。《正義》引《世本》「暴辛公作 有暴國矣。《箋》:「暴、蘇皆畿内國名。」解者遂據春秋時 而譖蘇公焉,故蘇公作是詩以絶之。【疏】《漢 一名暴隧,鄭地即周之暴國。 精神》篇: 律曆志》亦引《世本》「暴辛公作塤」。 地理志》:「河内郡,温故國,已姓,●蘇忿生所封也。」 成公作篪」,譙周以爲謬不足信。 《何人斯》,蘇公刺暴公也。暴公爲卿士 「訟閒田者,虞、芮及暴桓公、蘇信公。」是周 未詳確實也。 又高誘注 然應劭 戰國有韓將 注《漢 《淮南

「成八年」,徐子静本、《清經解續編》本同。 於阮刻《春秋左傳正義》屬襄公十四年事。 「襄十五年」,徐子静本、《清經解續編》本同。 案引文於 案引文

阮刻《春秋左傳正義》屬成公六年事。

0

0

暴

「巳」,徐子静本、《清經解續編》本同。 「拳」,原作「券」,徐子静本同。 據《清經解續編》本改。 中華書局點校

本《漢書》作「己」。

0

「號」爲假借字。周幽王時號石父爲卿士。體,故《説文》録「號」不録「虣」。其號國正字當作「郭」,[暴」疑亦作「虣」。《説文》無「虣」字。《虎部》:「號,虎所不。一説《周禮》「暴」字皆作「虣」,薄報反。「暴公」之

我與何人俱爲王臣,本有從行之義,始者尚可,不如今之不我與人人俱爲王臣,本有從行」,即弟七章「伯氏吹燻,仲氏吹蘇公與暴公也。「二人從行」,即弟七章「伯氏吹燻,仲氏吹蘇公與暴公也。「二人從行」,即弟七章「伯氏吹燻,仲氏吹蘇公與暴公也。「二人從行」,即弟七章「伯氏吹燻,仲氏吹蘇公與暴公也。」一人從行,誰爲此禍? 胡逝我梁,不入二人從行,誰爲此禍? 胡逝我梁,不入

爲「可」,則「可」亦「哿」也。哿,猶嘉也。我可也。句中「云」字爲語助。《正月》、《雨無正》竝訓「哿」

謂之陳。 堂,堂下有階。東西階及門之涂以甓甃之,是謂之堂涂,亦 中央爲峻。」❷焦循云:「祴即陔。 塼道也。 賈疏云:「漢時名堂涂爲令甓祴。令甓,今之塼也。 階前,若今令甓裓也。 孫、郭説同。《考工記・匠人》「堂涂十有一分」,鄭注:「謂 揖,當碑揖。」李如圭以爲其北屬階,其南接門内霤。 酒禮》「主人與賓三揖,至于階」,鄭注云:「將進揖,當陳 皆俗字,古作「涂」。孫、郭注竝云:「堂下至門徑。」《鄉飲 【疏】《爾雅・釋宮》:「堂途謂之陳。」《傳》所本也。 我聞其聲,不見其身。不愧于人,不畏于天。 彼何人斯,胡逝我陳?【傳】陳,堂塗也。 陳者、「敶」之假借字。《説文》:「敶,列也。」謂敶 名中央爲督。 分其督旁之脩,以二分爲峻也。」■ 假令兩旁上下尺二寸,則取二寸於 陔, 階次也。 蓋室南有 塗、途 械則 李與

注

0

疏》作「一」。「二」,徐子静本、《清經解續編》本同。阮刻《周禮

自在公所,則不得稱「我公館」,於經中「我」字義不相連。言不人我門,不人唁我,故謂堂涂爲公館之堂涂。 但公館不入我室,所以聞聲不見身也。 此乃設辭耳。《箋》泥上章列於東西也。 堂涂在門内,《詩》曰「逝陳」,則入門矣。 而

且與下文我聞不見文亦不相承,恐非《詩》指。」

野》傳"「祇,適也。」《說文》:「攬,亂也。」引《詩》本《傳》訓。傳云:「暴,疾也。」訓異,而以喻惡道則同也。○《我行其以飄爲回風,本《爾雅》爲訓。此云「暴起之風」、《終風》、《報我心。【傳】飄風,暴起之風。胡逝我梁?不自南?【傳】飄風,暴起之風。胡不自北? 胡彼何人斯,其爲飄風。胡不自北? 胡

其盱」, 不自北、不自南之意也。○《卷耳》傳:「盱,憂也。」「云何 疾而行,又暇脂車。 倬 爾 車。 「壹者之來」,即指上文「逝梁」、「逝陳」之事。 遑,古祇作「皇」。皇,暇也。 《後箋》云:「曰「憂」曰「病」,皆承上文「攪我心」而 何其憂也。 爾之安行,亦不遑舍。 壹者之來,云何其盱。【疏】爾,女,女何人 云爲語助, 盱爲憂。 言何人之行疾徐莫測,猶上章飄風之 安徐而行,不暇舍息,亟 爾之亟行,遑脂 下章「祇」訓 壹者,猫 爲

也。」上「來」字對「舍」字言,謂但來而不舍息,下「來」字對《漢書・曹參傳》「乃者吾使諫君也」,注云:「乃者,謂曩日言乃者。 高誘注《呂氏春秋・知節》篇云:「一,猶乃也。」

「人」字言,謂但來而不人唁。」

不訓「病」,而故訓云爾者,祇讀爲底,此假借字也。 聲,與易、知爲韻。 否難知,難知也。 謂之説矣。一音以豉切,與「夷」聲相轉、《風雨》、《那》傳: 益切,與「懌」聲相轉、《版》傳:「懌,説也。」懌謂之説,易亦 【傳】祇,病也。【疏】《傳》「易説」下奪「也」字、《釋文》以 大車》、《白華》傳「疧,病」,本字也。 詩》作「施」,施,善也。」毛、韓字異而意同。 知也。【傳】易、說也。 人,不入唁我也。 「夷,説也。」夷謂之説,易亦謂之説矣。 「説也」作音,今補正。 「祇」爲「疧」也。《説文》:「疧,病不翅也。从厂,氏聲。」 爾還而入,我心易也。 言其心孔艱,不可測也。」〇祇,從示,氏 否,古作「不」。《釋詞》云:「不,語詞 作「祗」從氐聲者,非也。 易,讀如「平易」之「易」。易一音羊 壹者之來,俾 此《傳》云「祇,病」,假 還而 《釋文》引: 入,入唁。 不 祇者,地祇,義 **人** 我 祇 《無將 否難 我不 「《韓 也。

伯氏吹壎,仲氏吹篪。【傳】土曰煉,行曰

五三五

₽

物之在繩索之貫也。 兄弟,其相應和如壎篪,以言俱爲王臣,宜相親愛。」王肅亦 《廣雅》云:「八孔。」」是郭本《廣雅》爲説。《世本》云:「篪 云:「言相和也。」《箋》云: 孔,長尺一寸」,所傳聞者異也。 長尺二寸。」鄭司農《笙師》注云:「篪七空。」案空、孔古今 七也。」又《周禮疏》引《禮圖》言「九孔」,《風俗通義》言「十 三寸,一孔上出寸三分,一名翹。 「塤圍五寸半,長三寸半,六孔。」「塤」與「燻」同。 底,形如稱錘,六孔。 爾斯。 貫魚」之「貫」。 篪。 之,君以豕,臣以犬,民以雞。【疏】「土曰燻」、《爾雅》: 「大塤謂之嘂。」郭注云:「塤,燒土爲之,大如鵝子,鋭上平 :》:「大篪謂之沂。」郭注云:「篪,以竹爲之,長尺四寸,圍 「我與女同寮長幼之官,如篪壎之相和。」○貫,讀《易》 七孔與八孔不異。 小師》注、《説文》、《廣雅》並云「六孔」。「竹曰篪」、《爾 及 【傳】三物,豕、犬、雞也。 爾 如 《箋》云:「我與女俱爲王臣,其相比次如 貫, 諒,信也。」《傳》云「三物,豕、犬、雞 諒不 小者如雞子。」《釋文》引《世本》云: 《正義》云:「蓋不數其上出者,故 「伯仲,喻兄弟也。 我知。 《版》「如壎如篪」,《傳》 横吹之。小者,尺二寸。 出 民 此 不 = 相 我與女恩如 信 物 則 以 盟 《周 詛 詛

> 牲,因類而及之,爲異焉耳。 侯以牛、豕、大夫以犬、庶人以雞。」」韓與毛同。 禮下》:「涖牲曰盟。」賈疏載《異義》:「《韓詩》云:「天子諸 民以雞」,乃三物分作三等之用,未知出於何書。 雞爲出詛之物,與詩義正同。《傳》又云「君以豕,臣以犬, 説下》篇亦云:「釁之以雞、豭若盟狀。」豭即豕也。豕、犬、 以詛射潁考叔者。」案此隱十一年《左傳》文。《韓子・内儲 不信者」,鄭注引《春秋傳》:「鄭伯使卒出豭,行出犬、雞 經「詛」字之義。 也」者,探下句 盟」、「詛 |連稱、《周禮・司盟》云「盟萬民之犯命者,詛 「詛」字作解。 盟亦詛類,定本無「盟」字,非也。 云「民不 相信則盟詛之」,以釋 《禮記・ 唯牛爲盟 古多以 曲

投人景則殺之,故曰射景。」又名射工、《左》、《穀梁》釋文竝 作「弧」。」又名射景、《詩義疏》云:「人在岸上、景見水中、 與「蜮」同,一名短狐。《左》釋文「狐」作「弧」。 經》作「聲」。 「蜮,短狐也。 以 罔極。【傳】域,短狐也。 極 反側。 爲鬼爲蜮,則不可得。 莊十八年《穀梁傳》云:「蜜,射人者也。」「蜜 似鼈,三足,以气射害人。」段注云:「狐,當 【傳】反側,不正 靦,姑也。 直 有靦 也。 【疏】蜮、《春秋 作此好歌, 面 目 《説文》: 「視人

也。 弧,近射妖,死亡之象也。 雅・釋言》文。 引《詩》作「則不可測」,或本三家《詩》。○「靦,姡」、《爾 以爲狀如鳴蜩大,其説迥殊。《御覽・獸部二十一》引《韓 及《正義》引《洪範五行傳》皆謂似鼈,而《抱樸子・登涉》篇 也。」顏注云:「即射工也,亦呼水弩。」《五行志》「狐」亦作 觀其慝,使無敢反側,以聽王命。」《荀子・王制篇》:「故姦 有靦其面而放逸其心。」「意與《越語》同。 面目之貌。」又《後漢書・樂成靖王黨傳》:「安帝詔曰: 面見人。」「姡,面靦也。」是「靦」與「姡」皆面見人之貌也。 詩》云:「短狐,水神也。」亦與毛異。《藝文類聚・災異部》 云:「蜮、《本草》謂之射工。」亦名水弩,《漢書・五行志》: 反側謂之不正直,此《傳》義之所本也, 言姦説、姦事姦能、遁逃反側之民。」竝與《詩》「反側」同。 `劉向以爲蜮生南越,亂氣所生,故聖人名之曰蜮。 《越語》:「余雖靦然而人面哉,吾猶禽獸也。」韋注云:「靦, 「弧」。 案短弧、射景、射工、水弩,其名類皆相近。 《説文》 書・洪範》云: 在水旁,能射人,射人有處,其甚者至死。 言不中正也。 李、孫注云:「靦,人面姡然。」《説文》:「靦, 「無反無側,王道正直。」無反側謂之正直 《周禮•匡人》:「掌達灋則、匡邦國而 劉歆以爲蜮盛暑所生,非自越來 罔,無,極,中 南方謂之短 蜮猶惑 「葨

《巷伯》七章,四章章四句,一章五

句,一章八句,一章六句。

《大雅・常武》之常、《召旻》之旻、《頌》之《酌》、《賚》、《般 《序》文有「巷伯奄官兮」五字矣,今據以補正。凡全《詩》不 風》正義及《周禮疏》皆以此下有「巷伯奄官」四字。 也。 儆官」與此詩「巷伯」同。《左傳》以巷伯次司宫,猶《周禮 皆然。此云「巷伯」,亦不用經中之字,故《序》箸釋篇名之 用經字名篇、《序》必申釋其義,若《小雅·雨無正》之雨 義》本「官」下有「兮」字。《小箋》云:「兮、也古通用。」然則 是詩也。巷伯,奄官兮。【疏】《釋文》、《正義》、《秦 注。蓋王之寺人五人,於五人中最長考謂之孟子。 義,此其通例也。《序》以巷伯爲奄官,則巷伯、寺人爲一 之内小臣,而與寺人别官,非是。 不顯,故詩以「巷伯」名篇。巷者,宫中之道名。 之寺人次内小臣。杜預云:「巷伯,即寺人。」當是賈、服舊 人。《周禮》無巷伯之官。 「孟子」,則其官不顯,但云「寺人」,則其官爲五人長者亦 巷伯,即經所謂「寺人孟子」也。 《巷伯》,刺幽王也。寺人傷於讒,故作 唯襄九年《左傳》「令司宫、巷伯 《箋》以巷伯爲《周禮 孟、伯皆長 又《正 但云

采色以成錦文。大甚者,謂使己得重罪也。」 之貝文也。興者,喻讒人集作己過以成於罪,猶女工之集 也。」《禹貢》謂之織貝。《箋》云:「錦文者,文如餘泉、餘蚔 字,萋,假借字。 帛文皃。」引《詩》:「緀兮斐兮。」《玉篇》:「緀,文皃。」緀,本 爲斐,文章相錯爲萋斐。 文章相錯也。 【疏】《淇奥》傳:「匪,文章皃。」「匪」即「斐」也。 文章 萋兮斐兮,成是貝錦。 貝錦,錦文也。 錦作貝文曰貝錦,故《傳》云:「貝錦,錦文 萋、錯雙聲爲訓。 彼譖人者,亦已大 【傳】與也。 《説文》:「緀, 萋 斐,

曰:「子何爲不納我乎?」男子曰:「吾聞之也,男子好,箕,箕星也。侈之言是必有因也。斯人自謂辟嫌之不審也。昔者顧叔子獨處于室,在暴風雨至而室壞,婦人趨而託之,男子附户而不納,婦人自謂辟嫌之不審矣。若其審者,宜若魯人然。魯人有男子獨定不審也。昔者顧叔子獨處于室,鄰之釐婦又獨處于室,在暴風雨至而室壞,婦人趨而至,顏叔子納之,至不審也。皆考侈兮,成是,南質。《傳》哆,大貌。南略兮侈兮,成是,南質。《傳》哆,大貌。南略兮侈兮

萋斐成貝錦之文,侈哆成南箕之形,皆以喻譖人致讒與寺 之南箕。 客曰口舌。」案侈、哆連文,猶萋、斐連文,皆合二字成義: 近嫌而成言其罪,猶因箕星之哆而侈大之。」《正義》云: 訓。《箋》云:「箕星哆然踵狹而舌廣,今讓人之因寺人之 也。 「箕四星,二爲踵,二爲舌。」《史記・天官書》云:「箕爲敖 舌」、《傳》:「翕,合也。」彼云「合舌」,此云「張口」,各隨文 「鉹」字下及崔《集注》本《詩》作「侈兮哆兮」,疑古本當如 文,三家《詩》用《雅》訓。 言》:「誃,離也。」郭注云:「誃,見《詩》。」此即「哆兮」之異 也。」楊疏云:「哆然,寬大之意。」竝與《傳》同。《爾雅•釋 文》:「哆,張口也。」僖四年《穀梁傳》:「於是哆然外齊侯 謀?【疏】《傳》云「哆,大皃」,「皃」疑「也」之誤。 惠可者,未有能似於是也。」彼譖人者,誰適 將以吾不可,學柳下惠之可。」孔子曰:「欲學柳下 不稱其亂。」男子曰:「柳下惠固可,吾固不可。 人 不 曰:「子何不若柳下惠然? 六十不閒 箕星,東方蒼龍之宿。 南箕即箕星也。 居。 今子幼,吾 哆、誃同字,大、離同義。《説文》 《大東》篇「維南有箕,載 實居東宿之末,在北之南,故謂 亦 幼,不 嫗 不逮門之女,國人 可 以納子。」婦 《説 與 吾

卷十九

門,謂不及門,無宿處也。《禮記》注曰:「以體曰嫗。」」「可 《武梁碑》作「摍窄」。《説文》曰:「摍,蹴引也。」」云「男子 者」可字、「能似」能字、《小箋》依《正義》補 不見疑,非一日之閒。」即其事也。 子」作「男女」,「閒」訓 不稱其亂」者、《荀子・大略篇》: 十,不能無欲也。《釋文》:「閒,音閑。」是也。」《正義》「男 不六十不閒居」者、《小箋》:「此即六十閉房之説。謂不六 己。」餘姚盧文弨以爲此詩《内傳》文。 毛言近讒之不審,其用意正同矣。 誅少正卯,謂佞道已行,亂國政也,佞道未行,章明遠之而 《白虎通義·誅伐》篇引《韓詩内傳》:「孔子爲魯司寇,先 上章侈哆之言以爲説。其實《傳》意乃總釋兩章之興義耳。 子辟嫌之審不審,以自悔責己之不審,義乃箸於此章,即承 必有因也。」 讒之因出於己之不早辟嫌,故又申明之云: 斯人自謂辟嫌之不審也。」下文即引昔者顔叔子與魯人男 「摍,謂抽也。」《小箋》:「摍屋,即《左傳》之「抽屋」也 然讒必有因,故《傳》申明之云:「侈之言是 「閒襍」,非。 「柳下惠與後門者同衣而 《小箋》:「後門,即不读 云「嫗不逮門之女,國人 《傳》云「摍屋」者,《正 韓言遠佞之必早,與

緝緝翩翩,謀欲譖人。【傳】緝緝,口舌聲。

信。」」鄭同韓説。古也、矣通用。 見行,而衆皆不信,斯下矣。《詩》曰: 而信之。 誠也。』《韓詩外傳》云:「受命之士,正衣冠而立儼然,人望 女誠心而後言,王將謂女不信而不受。欲其誠者,惡其不 息也。」「往來兒」亦是「不息」之意。 語」,即《傳》所謂「口舌聲」也。《桑柔》傳:「翩翩,在路不 文》:「咠,聶語也。」「聶,附耳私小語也。」「咠」下引《詩》作 翩 「咠咠」。今《詩》「緝緝」爲「咠咠」之假借字。 翩 **,往來貌。** 其次,聞其言而信之。其次,見其行而信之。 慎 爾言 也,謂爾 ○《箋》云:「慎 「慎爾言矣,謂爾不 不信。【疏》说 「附耳私小 誠也 既

也。 爲「捷」。」此古捷、接聲通之證。 【傳】遷,去也。【疏】捷者,「接」之假借。《春秋左傳》 《傳》云: 《詩》「唼唼幡幡」之「唼」。」《説文》無「唼」字。 故《傳》云:「猶緝緝也。」蘇林注《漢書・楊雄傳》:「唼音 「捷」、《公羊傳》皆作「接」。 翩翩 幡幡、猶翩翩也。 捷捷幡幡,謀欲譖言。【傳】捷 「幡幡,猶翩 ,猶偏偏。 是翩翩 翩也。」○《傳》於《氓》、《賓之初筵》、 豈不爾受? 鄭注《禮記・内則》篇: 幡幡皆是偏黨反側之義,故 捷捷者,有接續不絶之意 既其女遷。 徒,猶 幡幡,猶反 「接,讀 緝 緝

以讒言爲非,安得謂之訕誹。不若《傳》「去」義爲當。」言訕也。」謂王訕誹讒人。訕者,謗上之名,亦「賊義」之稱,王豈不受乎。既而知言不誠,將舍去女也。《箋》:「遷之王豈不受乎。既而知言不誠,將舍去女也。《箋》:「遷之讒武》皆云「遷,徙」,此云「遷,去」,又「徙」義之引申也。

文,故《傳》云:「草草,勞心也。」《玉篇》:「慅,音草。」 文,故《傳》云:「草草,例也。《月出》:「勞心慅兮。」 重 起。「草」讀爲「慅」,假借字也。《月出》:「勞心慅兮。」 重 與「嬉」同。郭璞云:「小人得志憍蹇之貌。」亦「嬉」之意 與「嬉」同。郭璞云:「小人得志憍蹇之貌。」亦「嬉」之意 與「嬉」同。《爾雅》:「旭旭,憍也。」《釋 文,故《傳》云:「草」,假借字也。《月出》:「勞心慅兮。」 重 如。「草」讀爲「怪」,假借字也。《月出》:「與心惱兮。」《釋文》,其一,以以以、以、以、、、、、

「戴」聲轉義同。《傳》釋「北」爲「北方」,今奪一「北」字。義。此云「投,棄也」、《遵大路》傳:「數,棄也。」「投」與《傳】乳,方,寒涼而不毛。有北不受,投畀有昊。《傳】乳,寒涼而不毛。有北不受,投畀有果。 被譖人者,誰適與謀? 取彼譖人,投畀

惡如《巷伯》。」

・寒涼而不毛」,又申釋「北方」之義。毛,草也。即今北方「寒涼而不毛」,又申釋「北方」之義。毛,草也。即今北方「寒涼而不毛」,又申釋「北方」之義。毛,草也。即今北方

弁》「舍彼有罪、予之佗矣」、《傳》:「佗,加也。」兩「加」字義 喻自己,楊園喻讒人。 但依字作解,而其地亦未聞。 注云:「謂丘如田畝曰畝丘。」孫注云:「方百步也。」李、孫 釋《詩》之「畝丘」也。《傳》云「丘名」即本《爾雅》爲訓。 【傳】寺人而曰孟子者,罪已定矣,而將踐刑,作 《釋文》本作「倚」,徐仙民讀爲「猗」耳。 也。凡百君子,敬而聽之。【疏】「楊園,園名」,其 猗,加也。敢丘,丘名。寺人孟子,作爲此 上,故云楊園之路加於畝丘也。《爾雅》:「如畝,畝丘。」此 地未聞。 「兩驂不倚」同誤。《傳》詁「倚」爲「加」者,楊園在畝丘之 楊園之道,猗于畝丘。【傳】楊園,園名。 道,路也。 《釋文》:「猗,於綺反。 同處加讒,亦是辟嫌不審之意。《小 楊園、畝丘、地必相連。 此與「倚重較兮」、 徐於宜反。」依 畝丘 此

卷十九終

		Ē	
<u>a</u>			
		÷	

本焕法師

《儒藏》精華編惠蒙善助,共襄斯文, 謹列如左,用伸謝忱。

壹佰萬元

北京大學《儒藏》編纂中心

本册青任编委 谷 建本册 審稿 人 張忱石

